





27,359 / C

H I f  
18



















DISPUTATIONES  
CHIRURGICÆ  
SELECTÆ.

COLLEGIT, EDIDIT, PRÆFATUS EST  
ALBERTUS HALLERUS.

TOMUS TERTIUS.





*D. Pelon pinx.*

*L. Joubert orn. et sculp. Lugd.*

LAUSANNAE,

Sumptibus MARCI-MICHAEL. BOUSQUET & Socior.

M D C C L V.







DISPUTATIONUM  
CHIRURGICARUM  
SELECTARUM.  
PARS QUARTA  
DE MORBIS ABDOMINIS.

---

LVIII.

DISSERTATIO  
MEDICO-CHIRURGICA,  
DE  
MORBIS A SITU  
INTESTINORUM PRÆTERNATURALI.

*Quam Præside*

D. D. POL. GOT. SCHACHERO,

*Tuebatur*

M. GOT. FRIDERICI.

Lipsiæ 11 Maii anno 1721.

DISTRICT OF COLUMBIA

OFFICE OF THE DISTRICT ATTORNEY

WASHINGTON, D.C.

DECEMBER 1, 1900

TO THE HONORABLE THE DISTRICT ATTORNEY

SIR:

I have the honor to acknowledge the receipt of your letter of the 29th inst.

relative to the matter of the proposed amendment to the District of Columbia Code.

Very respectfully,

JOHN A. HARRIS

Attorney General of the District of Columbia

Enclosed for you are two copies of the proposed amendment.

Very truly yours,

Wm. H. Taft

President of the United States

Washington, D.C.

P R Æ F A T I O.

§. I.

**Q**uantumvis intestina sint tetra scybalorum hospitia & squalida sordium receptacula, eoque sine in imo ventre collocata, ut a sublimi rationis arce impuritates longissime abessent, utque horum ministerio sordes ex corpore commodius eliminarentur, tantum tamen abest, ut anfractuosi illi & varie circumgyrati canales fatido illi operi, ut ut æconomia animali persalutari sint unice a natura destinati, ut potius in iis nectar illud vitale, chyli nomine insignitum, sanguinique ac ceteris fluidis nec non partibus solidis conservandis nutriendisque adeo necessarium, paulo perfectius elaboretur, atque ab impuro segregetur. Namque eum in finem non modo præmemorata intestina ex inferiori ventriculi orificio educuntur plicisque mesenterii mirabilem in modum adnectuntur, verum in eorum quoque cavitatem varii succi confluant, quo cooperante mirifica, qua donata sunt, structura præstantissimo illo opere expedite perfungi queant. Uti vero universi corporis salus a bona harum partium constitutione dependet; ita contra variis iisque permultis morbis adfecta non duntaxat molestias in corpore multifarias excitant, sed & non raro idem in pessimum statum conjiciunt, aut penitus enecant. Ex infinitis, quibus corripuntur morbis, eos, qui a situ eorum morbofo atque a statu naturali deflectente dependent, ad examinis incudem revocare in præfenti fert animus.

§. II.

Uterum gravidum ultra umbilicum paulatim exsurgentem intestina urgere, premere, atque imprimis ileon a sede naturali dimovere, denatarum gravidarum sectio perspicue docet. Etenim uti ileon gyroso flexuosoque ductu progrediens ac cetera longitudine non parum superans sub umbilico ad ilea, hypogastrium & pelvim descendit, peritonæo musculos abdominis interne cingenti immediate accumbens, ita gravida abdomine circa postrema gestationis tempora dissecto, uterus mirum in modum expansus pelvim, hypogastrium, ilea & regionem umbilicalem occupans, nullo intestino aut omento antèius tectus, sed peritonæo immediate substratus, nudus in conspectum prodit, ileo interea temporis superiora versus & ad latera reclinato. Neque vero præfractè negaverim, a situ hujus intestini mutato, & eodem in angustius spatium compulso, varias, a quibus raro gravida sunt immunes, molestias excitari, cum facile evenire possit, ut nunc flatuum, nunc aliorum contentorum progressus remoretur, atque ideo jam segnitiei alvi, jam inflationi abdominis, jam dolori fixo similique malo fomes præbeat. Nihil tamen secius cum solenni naturæ cursu mutatum hujus



intestini situm in gravidis observemus, atque is arte corrigi nec possit, nec debeat, non est cur eidem prolixius perscrutando impræsentiarum inhareamus.

## §. III.

Neque situm intestinorum a naturali non nihil deflectentem, quem in ventris observamus, prolixè commemorabo. Siquidem abdomen modo flaccidum, modo tensum ad femora & fere ad genua usque interdum protendi, non modo præpingues, sed & femina obesa perinde ac graciles post partum negligenter tractatæ testantur. Uti namque abdominis musculi gestationis tempore insigniter expansi post fœtus exclusionem flaccescunt, paulatim demum leniori contractioni pristinum robur atque figuram recuperantes; ita facili negotio accidere potest, ut propter fasciarum abdomini provide applicandarum neglectum, nec non copiosi flatulentique cibi ac potus ingurgitationem intestina inflata ponderosaque languidorum musculorum renitentiam superent, eosdemque pedetentim extendendo efficiant, ut tandem abdomen saccum veluti quempiam ad femora propendentem formet. Jam vero istiusmodi succus non est vacuus, sed intestinis eo usque ac veluti extra consuetos abdominis limites prolapsis repletus. Hinc ejusmodi homines quidem ambulationis tempore aliquid incommodi sentiunt, & ad alvi segnitiam & ab ea pendentia mala haud parum sunt proclives, tamen cum hæc & similia accidentia parvi plerumque faciant, & præterea alimenta copiosa appetant, ac ceteroquin bene satis se habeant, vix de auxilio medico sunt solliciti, quo fieri solet, ut malum inveterascens postea omnem remediorum efficaciam eludat.

## §. IV.

Præterea interdum colon Sylvio [a] Auctore præter consuetas naturæ leges usque ad umbilicum & quandoque usque ad vesicam insigni anfractu per medium abdomen volvitur, unde prædictus auctor harum rerum ignaros erroris arguit, qui eum saltem dolorem, qui partem abdominis superiorem anterioremque cinguli modo cingit & torquet, colicam nuncupare solent. Atque unum tantum intestinum sigmatis forma intortum in admodum voraci Bartholino [b] teste observavit Cabrolus. Etenim uti eodem auctore animadvertente animalia, quo rectiores ductus habent a ventriculo ad anum, eo gulosiora sunt; quo convolutiores, eo continentiora; ita voracitatis causam non inepte ab intestino justo breviori deducit, cum probabiliter multa alimentorum partes indigestæ aut etiam digestæ intra breve temporis spatium ano fuerint exclusæ, quarum jactura ut tempestive instauraretur, frequentiori opus erat appetitu. Paucis ante diebus Cl. Præses infantidam publice dissecabat, in qua intestina tenuia omnia sinistram saltem abdominis partem occupabant, colon vero triplicem anfractum memorabilem formabat; quippe ex ileo dextro assurgens ad spithamæ longitudinem revol-

[a] Pr. Med. L. I. c. 14. §. 11.

[b.] Anat. L. I. c. 10. p. 81.

revolvebatur, ad hepar reascendens ibidem alterum anfractum formabat; siquidem altius quam par erat ad hepar ascendens revolvebatur ad imam fundi partem, sub qua ad hypochondrium sinistrum delatum tertium formabat anfractum, utpote quod ad superiorem diaphragmatis partem delatum, ibidem non modo cum diaphragmate cohærebat, atque lienem totum sub eodem delitescentem occultabat, sed & a superioribus revolutum tandem per viam ordinariam ad rectum descendebat. Sed uti istiusmodi naturæ lusus post hominum fata plerumque miramur, neque arte ulla emendari possunt, eos pariter jam missos facinus.

## §. V.

Oppido rara est observatio, quam Realdus Columbus [c] de situ intestinorum præternaturali literarum monumentis consignavit: in Cardinali, iniquiens, Campegio, quem post fata præmemoratus auctor dissecuit, intestina omnia ad hypochondria redacta erant, propterea cavitas inferior abdominis intestinis destituta erat, & spina detecta. Quamobrem medico licebat abdomen Cardinalis attrectanti magnæ arteriæ motum persentire, & una cum illa durities persentiebatur. Illa vero durities nihil aliud erat, quam vertebrarum corpora. Simile quid Bartholinus [d] in muliere hydropica observavit, utpote cuius intestina omnia ad dextrum hypochondrium erant detrusa, ut initio abdomen intestinis caruisse apparuerit. Licet autem verisimillimum videatur, posteriori in casu intestina aquarum acredine stimolata fuisse abbreviata, earundemque mole in alterum hypochondrium protrusa, tamen modus, quo priori in casu intestina abdomine cæteroquin vacuo ad utrumque hypochondrium fuere compulsa, explicatu paulo est difficilior, præcipue cum Columbus symptomata, quibus vexatus fuit Cardinalis, sicco prætereant pede. Quantum vero suspicari licet, spasmo partim in intestinis, partim in muscutorum abdominis parte inferiori sevientem factum esse, opinor, ut intestina corrugata abbreviataque violenta muscutorum constrictione superiora versus fuerint protrusa. Neque vero minus rara est observatio, quam Henr. ab Heer [e] describit; quippe qui vulneris diaphragmatis meminit, per quod intestina in thoracis cavum irrepsissent, pulmonesque & cor suffocarunt. Verum enim vero cum istiusmodi casus perrari statum ægri fere declamatum designent, nec iis imposterum uberius declarandis immorabimur, potius intestinorum intus susceptionem; an proidentiam atque intestinorum prolapsum, in herniosis & vulneratis qui animadvertitur, quatuor in capitibus sigillatim contemplaturi. Cui labori ut summus archiater ex alto benedicat, ea, qua par est, animi devotione precamur.

## CAPUT

[c] De re Anat. Libr. 15. p. m. 267.

[d] Obs. Med. 25.

[e] Hist. Anat. c. 1. Hist. 2.



## CAPUT PRIMUM.

## DE

## INTESTINI INTUS SUSCEPTIONE.

## §. I.

Sane interdum accidit, ut pars intestini superior inferiorem, vel inferior superiorem subeat, vix aliter ac gladius vaginæ inferitur, aut vitrum angustius capaciori solet includi, aut uti in digito chirotecæ reduplicato animadvertere est, quam situs intestini mutationem nonnulli intus susceptionem, aut unius intestini in alterum ingressum nuncupare solent.

## §. II.

Equidem huic affectui plerumque intestina tenuia & imprimis jejunum atque ileon sunt obnoxia, tamen nec ab eodem crassa omnimodo esse immunia, Auctores fide digni testantur. Siquidem *Hildanus* [f] verba de quodam ex iliaca passione demato faciens, *aperto corpore*, inquit, *inveni intestinum cecum contractum in intestinum ileum se se insinuasse, idque opplevisse, adeo ut nihil ex superioribus intestinis ad colon permeare posset*; Neque minus rara sunt, quæ Celeberrimi viri [g] *Le Clerc* & *Mangetti* in juvene quodam ex iliaca passione mortuo observavere: sed, quod notatu dignissimum, inquit, *ejusdem intestini (i. e. coli) portionem, duabus præter propter a recto spithamis distantem, octo uncias longam, nigerrimam, ponderosam, intestini proximam portionem, non quidem superiorem, sed inferiorem quatuor digitos subeuntem, reperimus*. Atque [h] *Blasius* in juvene prædicti affectus truculentia extincto, duplicem intus susceptionem uno in intestino animadvertit: Imo etiam, inquit, *in puero quatuordecim annorum eam notare licuit, & quidem duplicem, sic ut uno loco pars intestini ilei inferior se inseruerit in superiorem, altera pars superior in inferiorem*. Imo [i] *Peyerus* puellam octennem dissecut, cujus tenue intestinum tres ejusmodi susceptiones aut coarctationes e distinctis intervallis spectandas exhibuit.

## §. III.

Ad istiusmodi intus susceptionis rationem distinctius paulo concipiendam  
opus

[f] Obs. Chir. cent. I. obs. 61.

[g] Bibl. anat. p. 1. p. 128.

[h] Obs. Medic. 3.

[i] De usu glandularum intestinal. earumque variis affectionibus. c. 9.



Opus est, ut præsupponamus, intestina naturaliter fibrarum spiraliū ministerio in semetipfa constringi & angustari, longitudinalium ope abbreviari, fibrasque modo superius, modo inferius motionem suam ordiri. Præterea extra dubitationis aleam est positum, portionem intestini cujusdam insuete jam dilatari, jam constringi. Nuper admodum *Excellentiss. Dom. Præses* epilepticum aliquot ante obitum dies pertinacissima alvi stypticitate laborantem dissecuit, in quo scybala duritiem pene lapideam indepta in duabus coli partibus distinctis, spithamæ longitudine a se invicem distantibus; domicilium sibi formaverant ita, ut portiones intestini feces complectentes non parum dilatatae, proximæ vero tum superiores, tum inferiores tam fortiter constrictæ apparuerint, ut vix pollicis crassitiem adæquaverint. Profecto mihi temperare nequeo, quin ea, quæ Clarissimus [k] *Peyerus* non sine animi jucunditate in rana observavit, concise commemorem: *Etenim intestina*, inquit, *vivente amphibio laceffita in diversis locis pertinacissime mox se constringebant, contentis violenter sursum deorsumque qua data porta protrusis, atque hinc inde in cumulos quasi congestis. Inde quædam intestini portiones valde impleta ac turgida, aliæ prorsus inanes & arctissime clausæ perstiterunt, donec soluta fibrarum strictura meatus liberior redderetur. Intestinis autem hinc inde se constringentibus, & sive chylum sive feces sursum deorsumve projicientibus, factum, ut intestini partes quædam alicubi plus debito ampliarentur; Hæ ita ampliatæ ac in sacci morem dilatatae intra se receperunt constrictas ejusdem intestini alias portiones vicinas, easque sinu suo absconditas aliquandiu detinuerunt, donec fibræ se denuo exporrigentibus intestini pars una e latibulis alterius velut æ domuncula limax in propatulum pristinamque sedem rediret.*

## §. I V.

Ex præmissis jam colligo, ad intus susceptionem requiri, ut portionis intestini proximam subeuntis diameter minor sit diametro intestini præmemoratam portionem recipientis, quod fieri nequit, nisi portio recipienda sit fortiter contracta, vel recipiens insuete dilatata. Namque cum intestina tenuia ejusdem ferè sint diametri, id quod in crassis seorsim consideratis pariter observare est, sane quamdiu tenuia æque ac crassa æquabiliter vel contrahuntur vel dilatantur, tamdiu intus suscepcio locum nequaquam invenit. Jam vero ex supra dictis constat, interdum portionem intestini spiraliū fibrarum ministerio violenter contrahi, quapropter sive opposita pars insuete simul sit dilatata, sive naturalem obtineat amplitudinem, contractam tamen portionem recipere potis est. Cumque porro ex superioribus innotescat, portionem intestini non raro insuete dilatari, certe in eam opposita pars sive præternaturaliter contracta sive naturalem dimensionem obtinens delabi potest. Præterea ad intus susceptionem requiritur, ut una intestini pars alteram subeat, quod probabiliter contrario utriusque partis fibrarum

[k] Part. poster. de usu glandul. intestinor. eorumque variis affectionibus c. 9.

brarum longitudinalium motui debetur: Siquidem in antecedenti thesi jam jam monuimus, fibras modo superius, modo inferius motum suum ordiri. Si itaque accadat, ut portionis superioris fibræ longitudinales inferiora versus, & inferioris fibræ ad superiora ducantur trahanturque, fieri omnino potest, ut pars superior inferiorem, aut inferior superiorem ingrediatur. Porro intus susceptionem externa pressione haud parum augeri, veri est simillimum; uti enim diaphragmatis descensu & constrictione musculorum abdominis intestina nunquam non molliter comprimuntur, ita sæviante spasmō, aut cooperante speciali nixu, ad fecum vel liquoris obscœni excretionem necessario eadem longe intensius constringuntur, quo fieri facile potest, ut una intestini pars in alteram profundius intrudatur. Tandem contenta intestinorum symbolum suum ad hunc adfectum contribuunt; ponamus enim partem superiorem angustatam ingressum in inferiorem moliri, aut eam jam dum subiisse, certe feces, flatus similiaque a superioribus inferiora versus tendentia, dum per angustatam partem transire commode nequeunt, necesse est, pars angustata pressioni cedat, atque ideo de loco mota in ampliata altius sese insinuet. Idem judicium esto, si pars inferior contracta superiorem ampliorem subeat, atque contenta ab inferioribus superiora versus urgeantur. Quare cum [1] *Verducio* facere nequeo, existimante, intus susceptionem sine mesenterii ab intestinis solutione & ab ea pendente sanguinis effusione ne animo quidem concipi posse, atque ideo omnem pro fabula rectius haberi. Siquidem uti supra enarratæ historiæ contrarium affatim docent, ita in intestini jejuni valvulis conniventibus instructi & ex iliaco exempti portione, quam *Excellentiss. Dn. Præses* mihi monstravit, clarissime videre est, non modo partem superiorem valde angustatam octoque pollices longam proximam subiisse, sed & mesenterium sine ulla ab intestino separatione in eandem simul irrepsisse, uti hæc omnia in adjecta figura quarta distincte observari queunt.

## §. V.

Interim talismodi intus susceptio sine magno ægrotantis incommodo fieri nequit, quippe siue pars intestini a flatibus aut humoribus fermentescētibz immodice dilatetur, siue manipulus fibrarum ab humore acri, austero simili-  
 que stimulatuz spasmōdice contrahatur, siue uno eodemque tempore una pars dilatetur & proxima contrahatur, nunquam non inde cruciatus perpe-  
 su difficiles oriuntur, ita ut adfectus hicce medios inter dolores & anxietates generetur. Tantum vero abest, ut generato hoc adfectu symptomata mitescant, ut potius paulatim intendantur, id quod imprimis iliaca passio propter malorum lernam miserere mei dicta luculenter docet. Nisi enim vel spontaneo naturæ ductu, vel remediis congruis intus susceptio emendetur, tandem halitus foetidi, aut feces, propter earum transitum per contractam intestini partem præclusum, atque hinc intensiorem in versumque intestino-  
 rum

[1] Chirurg. c. 30. de vulner. abdomin. p. m. 188.



rum & ventriculi motum, ore non sine horrore summo excernuntur, id quod non modo in thesi secunda citati Auctores, sed & [m] Sylvius, [n] Marchetti, [o] Ruyschius aliique autopsya edocti satis superque testantur. Ut nihil jam de sphacelo dicam, qui in parte affecta nec non vicinis ac remotis partibus propter stagnantes putridosque humores atque inflammationem in prædictum morbum mutatam a sedulis naturæ scrutatoribus multoties observatus fuit, cujusque vestigia in modo commemorato intestino angustam amplectente pariter clare animadverti queunt.

## §. V I.

Ceterum adfectus hicce cognitu perarduus est atque difficilis; quantumvis enim ii imprimis, qui alvi segnitie, cruditatibus acidis potissimum atque austeris, exquisitis intestinorum torminibus, colica flatulenta frequenter laborant vexanturque, ad hunc adfectum sint proclives, atque hinc si in pertinacissimam alvi stipticitatem, dolorem abdominis fixum, gravitate & ardore summe molestum & interdum totum fere intestinorum canalem in consensum trahentem, in inquietudinem, tandemque in iliacam passionem nullo hernioso tumore comparante incidant, non minimam de intus susceptione suspicionem moveant; omnia tamen hæc mala modo a flatibus, modo a fecibus induratis, modo a pituita vitrea, modo a calculo, modo a contorsione intestinorum sine intus susceptione oriri, in praxi versatis ignotum esse nequit. Determinatu longe est difficilius, utrum pars intestini superior inferiorem, an vero hæc illam subierit, cum hæc & similia in mortuis quidem videamus & miremur, in vivis vero exacte definire nequeamus, tametsi, ut ex mox dicendis plenius constabit, ad prudentem remediorum selectum accurata harum rerum notitia haud parum faciat.

## §. V I I.

Ex quibus sponte jam innotescit, præsentem adfectum non modo curatum esse perdifficilem, sed & summe periculosum ac plerumque lethiferum. Cum enim eum & qualitatem ejus adeo difficulter cognoscamus, profecto cura ejus incerta admodum erit atque ambigua, imo prohi dolor! facile accidere potest, ut in perplexo hoc rerum statu remediis præscribendis plus damni quam emolumenti ægrotantibus adferamus. Et quemadmodum tunc demum, quando iliaca passio præ foribus pulsatur, aut in eam actu elapsus est æger, intus susceptionem certius paulo suspicamur; ita summo in vitæ periculo versari eo tempore ægrum, cordati omnes facile mecum fatentur. Etenim perseverante obstructione non modo quævis symptomata exacerbantur, sed &

Tom. I I I.

B.

tetris

[m] Prax. med. l. 1. c. 15. §. 18.

[n] Biblioth. medic. pr. t. 2. l. 8. de Ileo.

[o] Observ. anat. Chirurg.



tetris fecum putridarum particulis humores imbuuntur, inflammationique atque gangrenæ non inepta datur occasio. Quare uti ileus ab inflammatione qui oritur, pro desperato communiter habetur; ita nihil spei de recuperanda sanitate ægrotanti adfulget, si intus susceptio gangrænam sphacelumque habeat comitem. Neque verò facile ratio patet, quomodo malo huic pharmaceuticis remediis mederi queamus, si pars intestini superior inferiorem intraverit, uti occasione methodi medendi distinctius paulo declarabitur. Contra quando inferior intestini portio superiorem subiit, atque pars adfecta inflammatione atque gangrena nondum est correpta, major convalescentiæ spes imminet, tametsi nec tum certi quid polliceri queamus, cum autopsia teste remedia, huic adfectui alias appropriata, interdum in cassum adhibeantur.

### §. VIII.

Interim eo opera est navanda, ut reduplicata intestina, quantocyus fieri potest, situi naturali restituantur. Eum in finem remedia ex diætetico, pharmaceutico atque chirurgico depromenda veniunt. Prolixum nimis & a præsentis scopo alienum videtur, quaslibet res non naturales sigillatim examini subicere, hinc in genere monuisse sufficiat, quævis cane pejus & angue vitanda esse, quæ spasmus in intestinis sævientem aut inflammationem augere valent, quorsum ira aliaque graviora animi pathemata, aer frigidus, cibus potusque flatulentus gelidusque ac nimis spirituosus pertinet; contra quævis temperata ægrotanti apprime conducunt, præcipue si alvus non nimis sit constipata, atque flatus minimum reddat. Utrum vero alimenta solida, an vero fluida huic adfectui magis conveniant, non immerito quæritur? Equidem ejusmodi ægri ordinarie solida averfantur & quævis ingesta vomitu brevi rejiciunt, atque ideo quæstio hæcce inutilis prorsus & superflua videtur, tamen si contra morbi genium æger eadem appetat, vel remedii loco a medico præscribantur, disquirere utique convenit, quid boni ab iis sperandum, quidve mali metuendum: sane intus susceptio postulare utique videtur remedia, quorum pondere & pressione receptum intestinum urgeri, elongari atque hinc situi naturali restitui queat, jam vero alimenta solida fecibus majorem consistentiam atque pondus conciliant, ideoque non prorsus cum ratione pugnat, earum appulsu atque pressione retrocessionem intestini recepti promoveri posse. Sed enim vero cum feces glutinosis particulis constantes sint minus mobiles, neque insigni elastica aut renitendi vi polleant, nimisque induratae propter irregularem figuram ægerrime moveantur, sane alimenta solida malo huic emendando minus convenire videntur, id quod autopsia simul confirmat, cum ordinarie hic affectus cum iliaca passione sit complicatus. Imo vero iisdem mox commemorandorum remediorum activitatem infringi & retardari, veritati quam maxime est consentaneum. Quare ægrotanti magis est salutare, si solis jusculis aliisque fluidis facultate lubricandi temperandique humorum acridinem pollentibus vescatur.

### §. IX.

## §. I X.

Quod ad pharmaceutica remedia attinet, eorum alia spafmo & inflammationi, alia ipsi adfectui convenire debent. Illi intentioni blandiora antispasmodica terrea cum castoreatis, fuccinatis, cinnabarinis, papaverinis prudenter mixta apprime faciunt satis, non neglectis diluentibus & clysmatibus emollientibus. Nociva vero sunt cathartica, spirituoſa, aromatica ſimiliave, utpote quibus feces quidem ſtatusque moventur, ſed per conſuetas vias haud promoventur, ut hinc non mirum, ſi iis quævis mala exaſperentur. Verum quia hoc remediorum apparatu palliative ſaltem ægro ſuccurrimus, ad ipſum morbum curandum opus eſt, ut tandem ad globulos ex plumbo vel auro confectos optimeque politos, vel ad mercurium vivum eumque depuratum progrediamur. De globulorum in iliaca paſſione efficacia [p] *Helmontius* ſequentia habet: *Neminem, inquit,volvulo perire ſivi, potandos nimirum dedi aliquot globulos plumbeos muſquetarum, quo enim, pergit, plures hauriuntur & majores, eo tutior & celerior ſequitur ſanatio, modo æger ſtet, ambulet, vel velut ducatur erecto abdomine.* Sic pariter. [q] *Henricus ab Heer* [r] *Zacut. Luſitanus* aliique globulorum minorum majorumque uſum in præmemorato affectu confirmare conantur. Atque [s] *Pareo* animadvertente *Marianus Sanctus Barolitanus* multos novit, qui in Ileo deſperato imminente morte liberati ſunt, hauſtis argenti vivi cum aqua ſola libris tribus. Imo vero mercurium globulis plumbeis eſſe efficaciorẽ, ex [t] *Fontano* patet, quippe qui iliacæ paſſionis tandem mercurii beneficio curatæ meminuit, poſtquam tres bombardæ globuli gratis deglutiti fuiſſent.

## §. X.

Quoniam vero utrumque hoc remedium in ileo, vel a fecibus aliæque materia inteſtini portionem obſtruente, vel ab inteſtinorum contorſione, vel ab eorum intus ſuſceptione pendente, promiſcue ab autoribus commendatur, atque in præſenti de intus ſuſceptione ſaltem eſt ſermo, non immerito quæritur, an & huic adfectui utrumque remedium indifcriminatim conveniat? Certe utriuſque uſum inutilem eſſe & nocivum, quando pars inteſtini ſuperior in inferiori abſcondita deliteſcit, ſana ſuadet ratio. Cum enim diameter inteſtini inferioris multo ſit amplior diametro inteſtini ſuperioris, oreque excepta a ſuperioribus inferiora verſus urgeantur, proſecto mercurius vivus vel globuli per partem inteſtini anguſtam vel facile, vel difficulter, vel plane non tranſibunt. Si facilis eorum eſt tranſitus, intus ſuſceptio

B 2

in

[p] L. de flat. 31. p. m. 375.

[q] Obſerv. 2.

[r] L. 2. pr. admirab. obſ. 27.

[s] Libr. 20. c. 38.

[t] Conſil. &amp; reſponſ. p. 85.



in eodem permanebit statu. Namque prædicta concreta dum ex angusto in angustum spatium tendunt, atque inferior intestini pars amplitudine superiore multum superans nullam remoram motui & progressui utriusque concreti injicit, quo modo reduplicatum intestinum distrahi & evolvi queat, ratio patet nulla. Quod si vero transitus sit minus expeditus, difficilis aut plane nullus, non potest non intus susceptio cum reliquis malis augeri. Quippe pars in inferiorem inserta, dum pondere horum concretorum premittitur atque urgetur, eo ipso quoque altius in imam descendet. Neque vero hujus generis remedia conveniunt, quando intus susceptio inflammatione est stipata; uti namque pars inflammata & dolorifica distractioni & evolutioni minus est apta; ita inflammatio pondere & frigidity horum concretorum irritata facile augebitur, auctaque in gangrænam mutabitur. Quare eo imprimis tempore remedia hæcce locum inveniunt, quando inferior intestini pars, quod paulo rarius accidere solet, superiorem est ingressa. Etenim mercurius perniciosissimo motui concipiendo peridoneus, vel globuli propter rotundam figuram identidem valde mobiles per ampliata intestini superioris partem in inferiorem receptam & coarctatam dum impingunt, fieri omnino potest, ut portio inferior recepta nisi & pressioni istorum concretorum cedat, cedens descendat, descendens tandem situm recuperet naturalem. Ut autem globuli per gyrosum intestinorum canalem velocius volvantur, atque mercurius non adeo facile poros vasorum fubeat, non inconvenienter usus olei amygdalarum dulcium similisque præmittitur. Præterea ad utriusque concreti transitum exitumque juvandum motio est ægrotanti suadenda, hinc nonnulli eidem, curru ut vehatur, ambulet, erectum corporis situm fervet, perbene imperant, quo, si fortassis systalticus intestinorum motus ad propellenda concreta haud sufficiat, eadem totius corporis motione incitatiores motum cieantur. In quantitate autem mercurii præscribendi definienda parum concordēs sunt Practici atque unanimēs. Sunt enim nonnulli, qui saltem unam alteramque unciam adprobant, libram vero unam alteramque rejiciunt. Verum enimvero modo mercurius assumptus per anum brevi egeratur, parum interesse videtur, sive minorem sive majorem mercurii quantitatem æger assumat, tametsi in præsentī casu paulo major mercurii dosis necessaria videatur. Siquidem mercurium ad libram unam & ultra vel ad innoxias ejus vires explorandas cani, vel joci causa aut etiam remedii loco homini datum fuisse, historiæ variæ satis superque docent. Itaque crediderim ego, potiora mala non tam a mercurii quantitate, quam potius ab ejus mora solito diuturniore ejusdemque exitu intercepto metuenda esse.

#### §. XI.

Ex hisce quidem adparet, cui potissimum intus susceptionis speciei mercurius vel globuli conveniant, tamen cum alibi jam tum monitum fuerit, intus susceptionem & imprimis qualitatem ejus cognitu esse perdifficilem aut plane



plane impossibile, utriusque remedii usum incertum fatis esse atque ambiguum, non citra fonticam causam asseruimus. Imo vero utraque remedia distrahendis intestinis intus susceptis interdum haud sufficere [u] *Panarolus* atque [v] *Chefneau* luculenter testantur; quippe qui & mercurium & globulos circa partem intro susceptam in iis, qui ileo sunt defuncti, observare.

## § XII.

Quod tandem ad Chirurgica attinet remedia, ad ea V. S. follis & sectio pertinet. De venæ sectione non est, cur in præsentia agam, quippe quæ inflammationis vel præveniendæ vel mitigandæ gratia adhibita non ipsi adfectui medetur. Quod autem ad follem spectat, sane nonnulli eodem ano applicato intestina non solum ad intus susceptionem emendandam, sed & ad corrugata intestina explicanda, aut ad stercora indurata & impacta prolucida instant. Impræsentiarum nobis saltem de usu follis in intus susceptione est sermo. Itaque jam præsuppono, eum plane non convenire, si intestina tenuia id vitii contraxerint; quis enim in pertinaci alvi stypticitate universum canalem intestinorum inflabit, certe facilius aer in eum intrudi, quam denuo ex eo elici potest, qui tamen in intestinis oberrans & incarcerationis mille malorum fecundus esse solet autor, ut nihil jam de subita atque immodica intestinorum inflatione dicam, qua facile fieri potest, ut ea ultra sphaeram naturalem expansa, tonoque hinc suo privata, egestionem fecum redantur inepta. Præterea merito dubitamus, an aer per prætensam *Bauhini* valvulam in tenuia intestina ascendat; proinde hujus remedii usus partim supervacaneus, partim nocivus erit. Neque vero multum levaminis a follis usu esse sperandum, existimo, si intestini crassi portio inferiorem superiorem subierit, potius metuendum fore opinor, ne aer vi intrusus & ægre per partem coarctatam ascendens, eam profundius in superiorem adigat. Quare eo saltem tempore locum invenire videtur, quando portio intestini crassi superior inferiorem subintravit; hac enim ratione fieri potest, ut illa aëri superiora versus adacto cedat, cedendoque paulatim pristinum situm recuperet. Quis autem Oedipus vel intestinum adfectum, vel qualitatem intro susceptionis tuto definiet, quo tuto id remedii genus commendare queat. Omnium itaque certissimum remedium fortassis sectio erit. *Annon*, inquit [x] *Barbette*; præstaret dissectione musculorum abdominis & peritonæi digitis susceptum intestinum extrahere, quam certæ morti ægrum committere. Profecto ego, quod moneam, non habeo, modo quis de intus susceptione & parte intestini adfecta sit certus, ne frustra generosa hæc operatio, quam ægri ægerrime admittunt, non sine summo medentis dedecore instituat. Eam

B 3

tamen

[u] *Pentec. obs. ultim.*[v] *Obs. med. p. 265.*[x] *Anat. pract. l. 4. c. 1.*

tamen quondam non sine felici successu fuisse institutam Bonetus [y] testatur *Illustrissima Baronissa*, inquit, a *Lanti* prope *Castilionem* ad *Sequanam* in *Burgundiae* ducatu, iliaco affectu laborans pro deplorata habebatur: Offert se juvenis Chirurgus, diu castra sequutus, qui salutem certam pollicetur, modo nob. agra sectioni in abdomine faciendæ se submittat. Concessam aggreditur Chirurgus, multisque eductis & evolutis intestinis, antequam convolutio & conduplicatio appareret, eam nactus explicat & nodos dissolvit, postmodum sedi restituit: Hinc gastroraphia facta, vulnus felicissimo successu consolidavit, integræque valetudini nobilem restituit.

## C A P U T I I.

### De ani procidentia.

#### §. I.

**A**B intus susceptione ad ani procidentiam progredimur. Sane cum anus modo podicem, modo imam intestini recti portionem, modo totum intestinum rectum designet, atque fieri omnino possit & soleat, ut jam intestinum totum, jam pars saltem ejus inferior invertatur, inversa per portam posteriorem elabatur, elapsa tumorem magnitudinem varium formet, quo sensu in præsentî anus sumatur, & quem prolapsus ejus denotet affectum, ex præmissis sponte innotescere arbitror.

#### §. I. I.

Memorable est exemplum, cujus *Muraltus* [z] meminit, quippe qui aliquando in uxore fabri cujusdam ferrarii tantam ani procidentiam a partu vidit, quæ ulnam longitudine æquaret. Uti vero prolapsus hicce inter raros & insolitos casus jure refertur, ita longe frequentius elapsa intestini portio modo pugni, modo ovi anserini magnitudinem æquat, aut minoris adhuc dimensionis observatur. Quemadmodum enim malum hoc jam recens est, jam inveteratum, ita fieri solet, ut idem paulatim majora incrementa capiat. Et licet imprimis egestionis fecum alvinarum tempore repositus anus elabi soleat, tamen qui inveterato malo laborant, dum curru vel equo vehuntur, aut alio paulo vehementiori motu corpus exagitant, aut saltem ambulant, non raro prolapsus ejus non sine incommodo insigni patiuntur. Longe majora incommoda, nec minora pericula ex difficili ani repositione imminet. Equidem ipsimet ægri molliori digitorum con-

[y] Anat. Pr. L. 3. S. 14. Obs. 20. p. 912.

[z] Ephem. N. C. D. 2. A. 1. Obs. 113.



contractatione anum ut ut magnitudine insignem reponere norunt, accidit tamen interdum, ut pars protuberans inflammatione correpta tumeat ita, ut nullo prorsus pacto restitui possit, hinc, nisi inflammatio tempestive dissolvatur, facile evenit, ut in gangrænam mutata summum vitæ periculum ægro adferat.

## §. III.

In ani procidentię formalitate definienda practici parum inter se conveniunt; etenim nonnulli, villosam saltem intestini tunicam a cæteris separatam & incrassatam tumorem propendentem formare, veluti in vaginæ uteri prolapsu frequenter animadvertere est; opinantur, alii totum intestinum inverti & expelli arbitrantur, culpam potissimum in atoniam vel paralyzin muscutorum levatorum rejicientes. Et profecto anatomicæ sectiones hoc in passu parum lucis nobis accendunt; an enim unquam ad indagandam hujus mali indolem ani prolapsu laborantem quis post fata dissecuerit, me omnino latet. Priori interim sententiæ haud parum roboris observatio a [a]. *Compero* litterarum monumentis consignata addit; quippe qui viri cujusdam meminit, qui diu multumque hæmorrhoidibus & ani prolapsu vexatus, propter insignem, cui indulgit, intemperantiam, inflammationi subitæ & mox gangræne sphaceloque elapsi ani dedit occasionem. Idem autem ille æger post corruptarum partium extirpationem paulatim non modo pristinam recuperavit valetudinem, verum ab hæmorrhoidibus etiam anique prolapsu immunis prorsus vixit. Nolim tamen propterea præfracte negare, interdum intestinum quoad singulas membranas inversum per portam posteriorem expelli. Equidem firmior cohæsiō, quæ eidem in sexu sequiori cum vagina uteri, & in sexu potiori cum vesicæ collo & vicinis partibus intercedit, contrarium suadere videtur, præcipue cum avulsio intestini a prædictis partibus sine infinitarum fibrillarum ruptura vix animo concipi possit, tamen in paulatina ani prolapsus generatione fieri potest, ut fibræ pedetentim, non secus ac in aliis membranis mirum in modum præternaturaliter expansis observamus, sine ruptura elongentur. Imo verò quid impedit, quo minus intestini portio superior, neque cum vesica, neque cum vagina cohærens inferiorem ingrediatur, demumque ex ano elabatur. Siquidem idem non tumidum nec inflammatum, sed cæteroquin naturaliter constitutum tactu si exploretur, in eo interdum eam consistentiam ac firmitudinem animadvertimus, quæ nudæ tunice villosæ vix ac ne vix quidem attribui potest. Et nisi fallor eo tempore ani prolapsus a mutuo intestini ingressu saltem loci intuitu differt. Infima namque intestini pars extra podicis fines parum aut plane non protuberat, sed potius portio intestini situ superior infimam ingressa & inversa demum prolabitur. Quare ad hoc malum levatores quidem relaxati

con-

[a] Anatomy of humane bodies Tab. 39. F. 7.



aliquid contribuere possunt, pro discrepante tamen intestini portione inferiori subeunte, sine præmenioratorum musculorum atonia vel paralyfi idem malum oriri posse, rationi perquam est consentaneum. Imo vero fortassis sphincteris laxitas simul accusanda venit, utpote qui naturali vigore orbatus, neque intestino ingressum molienti, neque fecibus adpellentibus justis viribus renititur, atque ideo istiusmodi prolapsus promovet.

## §. I V.

Nolo jam prolixius iusto in causas occasionales inquirere, aut litem illam dirimere, an pueri præ adultis propter pituitæ flatuumque abundantiam nec non partium teneritudinem frequentius in hunc delabantur adfectum. Id vero experientia satis superque confirmat, nec adultos, nec senes ab hoc malo esse immunes. Imprimis vero conatus ille, quem in tenesmo, laboriosa fecum induratarum egestione, partu difficili, lithotomia, clamore intenso &c. animadvertimus, huic adfectui non ineptum fomitem præbet. Sic enim non raro evenire solet, ut universa interaneorum, diaphragmate musculisque abdominis fortiter compressorum, moles intestino recto eam inferat vim, ut tandem de loco motum extra podicem elabatur. Id quod in prædispositis facilius accidit, qui nempe impuris fucis scatent, quorum tunicae intestini recti mollioris sunt texture & laxioris cohæsionis, aut quando muscoli ani minus robusti renitendæ partium pressioni haud pares sunt atque idonei. Hæc quoque est ratio, cur ani prolapsus diarrhœæ & dysenteriae aut etiam apoplexiæ, remanente scilicet sphincteris levatorumque paralyfi, frequens sit symptoma, ubi certe ad eum producendum non semper violenta abdominis compressione est opus, sed levioris quoque momenti causæ emollitum & relaxatum intestinum e sede sua naturali deturbare valent.

## §. V.

Interim ani prolapsus, a quacumque demum causa obortus, & in se spectatus cogniti est facillimus; quippe qui oculis usurpari & manibus palpari facileque a tuberculis majoribus minoribusque, ab hæmorrhoidibus vel lue venerea oriundis, & interdum facculi in modum ano appensis, distinguui, nec non naturalis ceteroquin ejus dispositio, vel inflammatio, aut gangræna sphacelusque cognosci dijudicarique potest. Sed utrum villosa saltém tunica, an vero intestinum quoad omnes membranas inversum propendeat, ex varia protuberantium partium firmitate cognoscitur. Si namque pars propendens mollis admodum est atque tenuis, villosam saltém tunicam ano egressam esse veri videtur simillimum, contra vero si intestinum elapsum densum est crassumque, ac non mediocri firmitate polens, totum intestinum esse inversum, vero est quam maxime consentaneum.



neum. Neque verò causæ occasionales adeo sunt abstrusæ, modo quis ad subitam, vel paulatinam mali generationem respiciat. Id enim nemini obscurum fore arbitror, occasione partus difficilis, lithotomiæ id mali interdum extemplo, alio vero tempore paulatim demum generari. Proinde an idem a tenesmo idiopathico vel sympathetico, a fecibus induratis, ab hæmorrhoidibus, a paralyfi, a diarrhœa aut aliorum humorum colluvie natales suos deducat, partim ex ægri relatione, partim ex constitutione ejus morbisque, quibus simul laborat, partim ex aliis circumstantiis commode satis cognoscitur.

## §. V I.

Cæterum adfectus hicce molestiæ & doloris est plenissimus; uti namque dejectionis tempore quicquid repositum est fecum alvinarum pressione moleste admodum & dolorifice adficitur & eo usque urgetur, usque dum de novo elabatur; ita nec minus tædiosa sordidaque absoluto foetido illo opere prolapsarum partium est repositio. Atque hinc quoque est, cur idem ille adfectus curatu sit difficilis, facileque in chronicum ad vitæ usque terminum durantem degeneret. Nisi enim principiis obstes, sero plerumque medicina paratur. Siquidem si id mali a tunicæ villosæ separatione dependeat, coalitionem ejus cum cæteris tunicis quies quidem insigniter juvat, quam tamen quotidiana egestio haud parum turbat; aut si culpa magis inani musculos relaxatos rejiciendâ veniat, sane iidem excretionis tempore ultra sphaeram debitam extensi, pristinum vigorem non nisi ægerrime recuperant. Interim veri est simillimum, hoc malum facilius curari, si atonia musculorum eidem fomitem præbeat, quam si a totius intestini vel a tunicæ villosæ separatione ortum trahat. At vero musculis paralyfi consummata adfectis aut malo inveterato admodum existente sæpe optimæ quævis in cassum adhibentur. Neque vero morbus hicce omni periculo caret; etenim facile accidere potest, ut partes protuberantes inflammatione, corruptione sphaceloque corripiantur, quo tempore certe præsentaneum vitæ periculum ægro imminet, nisi inflammationis tempestiva diffusionem, aut partis corruptæ extirpatione is ex mediis veluti orci faucibus eripiat.

## §. V I I.

Ex præmissis perspicue adparet, aliam hujus mali curam esse veram, aliam palliativam, illius intuitu artifex eo operam dirigit, ut non modo elapsum anum reponat, sed & in situ naturali sine novi prolapsus metu conservet, hujus vero intuitu mali incrementum cohibere egestionemque minus molestam efficere allaborat. Utrique scopo ut faciamus satis, remediis chirurgicis, pharmaceuticis atque diæteticiis indigemus. Quod ad chirurgica attinet, ad ea varia spectant. Huc enim referri meretur congrua

ani elapsi repositio. Equidem hæc interdum administratū est facillima, vel ab ægro, vel ab alio artis chirurgicæ ignaro, vel a chirurgo perficienda, alio tamen tempore propter protuberantium partium molem, nec non tumorem inflammatorium difficilis fatis atque ardua, ita ut non raro necesse sit, inflammationem ante discutiamus, quam repositionem aggrediamur. Huic peragendæ digiti nudi vel linteo molliori obducti sufficiunt, utpote quorum molliori pressione intestinum paulatim reponitur, ad cuius repositionem facilitandam non incongrue pars intestini ultimo elapsa & corpori proxima prehenditur, atque hoc ordine servato una post alteram intruditur. Præterea laboriosæ imprimis repositioni haud parum conducit, si æger cum corporis situm servet, ut caput declive, acclives autem clunes sint. Cæterum repositio plane est nociva, atque hinc intermittenda, si nempe inflammatio intestini elapsi in gangrænam sphacelumque sit mutata.

## §. V I I I.

Nonnulli cum *Barbette* [b] suadent, ut nates ægri manu explicata sexies pluriesve mascule verberentur, non alium fortassis in finem, quam ut languidi musculi ani levatores officii sui immemores vividiori spirituum influxu animati potentiori robore partem intestini elapsam retrahant, sphincterque arctius postea contrahatur. Eandem ob rationem alii ferro ignito utuntur, quod ex improvviso eminus saltem ano applicatum mira præstare dicitur. Sed utraque remedia relaxatis potissimum ani musculis, non æque tunicæ villosæ separatæ atque elapsæ convenire, quilibet vel metacente facili perspicit negotio.

## §. I X.

Præterea chirurgia varia remedia ad anum repositum firmandum suadet; siquidem nonnulli cucurbitulis siccis natibus applicandis utuntur, quæ eo tempore aliquid commodi adferre queunt, quando princeps mali causa in languidis ani musculis hæret. Alii turundam confortantibus remediis imbutam partim ad tunicam villosam explicandam & cum cæteris uniendam, partim ad musculos corroborandos ano inferunt. Alii in turundæ locum annulum ferreum substituunt, quem *Rhodius* describit, & *Paulo Servitæ* Veneto nonnulli acceptum referunt. Annulum vero aluta utrinque continet, quæ perinæum & clunes versus fasciis quatuor capitibus ejus adfutis lineo cingulo innexis firmatur. Etenim hoc modo fieri solet, ut egestionis tempore ani prolapsus impediatur, atque si non plenarie curetur, eidem tamen non mediocre solamen adferatur.

## §. X.

[b] Chirurg. cap. 9. p. 53.



## §. X.

Insuper fascia anum comprimens, & crura arctius paulo constringens, haud contemnendi est usus, præcipue si æger ad laxatas fibras suaviter demulcendas & ad luxuriantes humiditates dissipandas asseri querno probe lavigato, calefacto & mastiche illito separatis temporibus superfedeat, atque ab omni corporis motu imprimis violento abstineat. Dicitur enim nequit, quam insigniter integra cura faciliatur, si æger per aliquot temporis spatium quævis studiosissime vitet, quæ dislocationi ani formitem præbere queunt.

## §. XI.

Neque tandem reticenda venit venæ sectio. Quantumvis enim ea huic adfectui directe haud conveniat, tamen si in parte adfecta inflammatio vigeat, aut immodicus & diuturnus hæmorrhoidum fluxus intestini membranas nimis laxet, aut cæcæ crebriorem, intensiorem & inanem cacandi conatum excitando ani prolapsum minitentur, aut cum eo sint complicatae, utique vena secari potest, & quidem modo in brachio pro revulsionis & derivationis scopo, modo ipsa vena hæmorrhoidalis tumida ad sanguinem immediate evacuandum vel phlebotomo, vel hirudine aperienda.

## §. XII.

Quod ad pharmaceutica remedia cum interna, tum externa attinet, ad illa partim evacuantia, partim alterantia pertinent. Equidem emetica huic malo minus sunt appropriata, sed magis nociva, præcipue cum violenta abdominis constrictione incremento prolapsus non inepta detur occasio, tamen si quis ad discutiendas hæmorrhoides, quæ non raro ani prolapsum comitem habent, atque ideo ad præveniendum hoc malum vomitorio, quod abs nonnullis ad hæmorrhoides discutiendas tantopere commendatur, uti velit, fortassis a recto tramite non adeo deflectet.

## §. XIII.

Neque vero cathartica & imprimis, quæ in ano ardorem excitant, & stimuli sui vestigium relinquunt, adprobanda veniunt, quorsum aloëtica, resinosa, colocynthiaca aliaque potentiora pertinent; uti namque hæc & similia interdum prolapsui occasionem dant; ita præsentis hæc adfectu usus eorum non potest non infidus esse atque nocivus. Imo vero nec mitioris naturæ laxantia, rhabarbarina nempe, sennata similiaque adeo sunt tuta, cum nemini ignotum fore existimem, & hujus generis remedia non raro tormina & ardorem in ano excitare. Atque hæc quoque est ratio, cur

thermarum acidularumque usum in istiusmodi adfectu parvi faciamus. Licet enim eadem feces diluendo minus laboriosam efficiant egestionem, tamen nec raro accidere solet, ut acribus cruditatum particulis imbutæ non mediocrem ardorem ano inferant, ut nihil jam de catharticis in fine ejusmodi curæ ad residuas aquas evacuandas præscribendis dicam, utpote quorum usum jam supra rejecimus. Plura hac de re in *Excellentissimi Præsidis dissertatione* [c] videri possunt, ad quam brevitatis ergo benevolum lectorem jam remitto. Et ut paucis me expediam, sane uti quotidiana & maxime naturalis egestio anum e sede naturali deturbando efficit, ut curâ sit paulo difficilior, ita quo crebriores sunt dejectiones, eo frequentius anus situm mutat, & opus naturæ turbatur. Quare quibuscumque laxantibus, nullo imprimis indicante præsentis, facile superfedere possumus. At vero cum laboriosa fecum induratarum excretio huic adfectui admodum sit nociva, atque ea neque decocto malvæ, lacte, ficibus, prunis, aut clysmate ex emollientibus parato emendari possit, necessitas tandem imperat, ut ad lenioris naturæ laxans transitum faciamus.

#### §. X I V.

Præterea ad evacuantia diaphoretica æque ac diuretica spectant, quibus recensendis & seligendis jam haud immorabor. Etenim præsentis medici officium postulat, ut probe expendat, an scorbutus, cachexia, malum hypochondriacum, diarrhœa, dysenteria, hæmorrhoides, ulcera ani a lue venerea aut alio morbo oriunda, calculus aliufve istiusmodi adfectus vel prolapsui fomitem præbeat, aut cum eo sit complicatus; siquidem ad ejusmodi circumstantiarum ductum non modo appropriatis diaphoreticis vel diureticis, sed & alterantibus primarum viarum cruditatibus simul accommodandis uti necesse habemus. Quare missis hisce ea saltem jam commemoranda veniunt, quæ tunicæ villosæ cum cæteris uniendæ, aut atoniæ muscutorum ani directe magis conducere videntur. Priori intentioni traumatica, nempe aristoloch. rotund. millefol. agrimon. hyper. similiaque & ex his paratæ essentia, posteriori antiparalytica, scilicet herbæ cephalicæ, sale volatili oleoso scatentes, & ex iis paratæ essentia, spiritus & olea destillata apprime conveniunt. Hujus generis remedia pro iisdem scopis externe quoque adhibenda veniunt, utpote ex quibus sacculi sicci, vel essentia traumatica, aut spiritu antiparalytico imbuti & ano imponendi, modo ex iisdem, vino vel aquæ ferrariæ incoctis, fottus paratur, cui non incongrue flor. rosar. rubr. balauftior. rad. tormentill. bistort. similiaque adstringentia adduntur, modo ex iisdem herbis balneum præparatur; aut si prædicta remedia atque suffitus ex mastich, thure, succino parati haud sufficiant, tandem externus thermarum usus suadendus venit; quippe hisce non mediocrem discutiendi roborandique vim competere, nemo omnino nescit.

[c] De thermarum carolinarum usu in præcipuis ventriculi & intestinorum morbis.



nescit. Cæterum externus remediorum apparatus nonnihil est immutandus, si nempe æger præter ani prolapsum hæmorrhoidibus cæcis, ulcere fistuloso, ardore ani, vel tenesmo labore, id quod in Praxi versatis ignotum esse nequit.

## §. X V.

Imprimis vero æger perfectam curam anhelans, exactam diætam præcipue ratione aëris, cibi, potus, motus & egestionis servare tenetur. Quare uti calor adfectui huic apprime conducit; ita frigidus vitandus, & potius temperatus calidusque eligendus. Neque vero parum interest, ut æger ab alimentis acribus, flatulentis, austeris, fumo induratis aliisque dyspeptis fecesque solito duriores reddentibus abstineat. Quemadmodum enim alvinarum fecum excretio & imprimis laboriosa medelam hujus mali haud parum turbat; ita ad idem plenarie curandum æger sibi optime consulat, si per aliquot dies vel solis jusculis, ovis sorbilibus, similibusque liquidis alimentis & quidem modice vescatur. Sic namque evenire solet, ut alvum pigram sine incommodo ferat, fecesque liquidas citra conatum & sine novo ani prolapsu egerere valeat. Minimum ea sunt eligenda, quæ facile digeri, quæque fecibus debitam lubricitatem conciliare queunt. Præterea neque potus justo largior, neque cerevisia fecibus scatens, acescens, aut flatibus generandis apta convenit; etenim crebriores dejectiones & tormina imi ventris malum adaugere ex alibi dictis jam constat; itaque ad præveniendam hæc mala cerevisia probe defecata & scybala sufficienter humectans congruit. Neque vero modicus vini generosi aut etiam rubri leniori adstringendi virtute pollentis usus, præcipue si æger ad alvi stypticitatem haud sit præclivis, est improbandus. Insuper necesse est, motus quoque & quietis ratio habeatur. Jam enim de sternutatione, vomitu, tussi, utpote huic adfectui admodum infestis, nil quicquam dicam, sed saltem motum localem, commemorabo. Sane uti ad malum plenarie curandum abstinencia ab alimentis solidis haud parum facit; ita existimaverim ego; curam simul insigniter promoveri, si æger eodem tempore ab omni motu abstineat, quieti indulgeat, & in lecto per aliquot dies clunibus nonnihil elevatis molliter recumbat. Ex quibus sponte innotescit, equitationem, saltationem aliosve istiusmodi corporis violentos motus studiose esse vitandos, & moderatos saltem in malo inveterato adprobandos. Denique nec alvinarum fecum egestionem tacitus præterire possum; siquidem ex alibi dictis jam luculenter patet, quævis cane pejus & angue esse vitanda, quæ fecum indurationi & difficili egestionem occasionem dant, præterea nec illud monitum flocci pendendum, quo æger jubetur, ut egestionis tempore ab omni conatu, quantum quidem in viribus ejus repositum est, abstineat, atque feces paulatim & quidem non tam curvo quam erecto corporis situ

elabi sinat , aut ani prolapsum digitis , aut alio convenienti instrumento impediatur.

### C A P U T I I I .

#### *De Herniis.*

##### §. I.

**E**quidem plerumque hernia in genere tumorem in peripheria abdominis conspicuum atque ab intestinis , omento , flatu , aqua carneque formatum designat , indeque modo enterocoele seu hernia intestinalis , modo epiplocele seu omentalis , modo pneumatocoele seu flatulenta , jam hydrocele seu aquosa , jam sarcocoele seu carnosae audit , impræsentiarum tamen non nisi enterocelen non nihil contemplabimur. Siquidem non raro accidere solet , ut intestina propter laxatum ruptumque peritonæum situm naturalem mutando elabantur , elapsa integumenta abdominis , testiculorum aut pudendorum muliebrium expandant , eumque tumorem gignant , quem enterocelen nuncupare solemus.

##### §. II.

Equidem plerumque hernia istiusmodi in umbilico , regione inguinali atque in scroto oboritur , quatenus intestina nunc uno saltem in latere , nunc in utroque vel in inguina , vel scroti cavitates illabuntur , atque ea propter modo omphalocoele f. hernia umbilicalis , modo bubonocoele seu inguinalis , aut incompleta , modo oscheocoele f. scrotalis , aut completa , dicitur , tamen nec reliquas abdominis partes , pudendaque mulierum ab hoc adfectu immunia esse , experientia fatis superque docet. Sane quondam Excell. Præses [d] in femina honesta & obesa tres distinctos herniosos tumores magnitudine fatis insignes ex anteriori & elatiori abdominis parte protuberantes , alio vero tempore simplicem ex sinistro umbilicalis regionis latere prominentem observavit , quæ omnes simpliciter ventrales audiunt , tametsi herniam pudendorum muliebrium ad completam recte referamus.

##### §. III.

Quemadmodum hernia ratione loci insigniter differt , ita magnitudo quoque ejus varia admodum est. Memoratu dignam observationem Cl. Præses [e] describit ; quippe qui viri cujusdam tam stupendæ magnitudinis hernia

[d] Dissertat. f. c. §. 21.

[e] Programm. Anno 1720. occasione Anatom. publ. edit.



nia scrotali laborantis meminit, ut scrotum ultra genua protensum crassitie abdomen hominis adulti facile æquaret, membro tam alte retracto absconditoque, ut ægre vestigium ejus in oculos incideret, relicto saltem præputio corrugato, ac veluti alterum umbilicum in monstroso hoc scroto efformante. Quantumvis vero hernia in principio tumorem effatu vix dignum formet, tamen nisi fasciis coerceatur, paulatim majora incrementa capit, tandemque stupendam prorsus magnitudinem indipiscitur.

#### §. I V.

Insuper hernia ratione repositionis haud parum differt. Siquidem interdum via, per quam intestina sunt elapsa, adeo patet, ut vel solo corporis situ convenienti eadem relabantur, aut facile ab ægro reponi queant; alio tempore repositio administratu longe est difficilior, aut plane impossibilis, si nempe elapsa intestina vicinis partibus sunt adnata, vel flatibus & scybalis expansa, vel inflammatione similique tumore obsessa.

#### §. V.

Quapropter nec iisdem symptomatibus stipatam observamus herniam. Etenim æger, subligatura ad coercendam eandem qui utitur, præter incommoda ab instrumento pendentia nil quicquam mali sentit. Et quamdiu in intestina actu prolapsa chylus cum fecibus influit, & ex iisdem libere refluit, tamdiu præter molestam tumoris gestationem parum incommodi percipit æger. At vero si intestina protuberantia propter fecum flatuumque congestionem aliamque ob causam inflammatorio dolore afficiuntur, quam herniæ speciem nonnulli recentiorum incarcerationam nuncupant, per quam atrocia funestaque mala inde emergunt. Præterquam enim, quod in parte adfecta dolor mirum in modum sævit, alvus pertinacissime obstruitur, borborygmi & rugitus non sine spasmodico cruciatu in abdomine oberant, agrypnia, anxietates immanes, febriles ardores accenduntur, rationis usus infringitur, iliaca passio præ foribus pulsatur, vel actu ægrum invadit, fane ni tempestive inflammatio resolvatur, perfacile ea in gangrænam sphacelumque mutata intra breve temporis spatium ægrum medios inter foetores enecat.

#### §. V I.

Quemadmodum peritonæum abdominis mûsculos interne investiens intestinis, libere in abdomine fluctuantibus, coercendis a natura est destinatum; ita quamdiu idem æqualibus viribus intestinis diaphragmatis descensu & mûsculorum abdominis contractione impulsis renititur, hernia metuenda est nulla, sed enimvero quando portio ejus rupta vel laxata prement

menti intestino cedit, tunc major minorve intestinorum pars pro discrepante ruptura vel relaxatione modo subito, modo paulatim elabitur. Imprimis vero huic adfectui regio inguinalis est obnoxia. Quantumvis enim in homine, secus ac in quamplurimis brutis, processus peritonæi in abdominis cavitatem non hiet, sed potius orificium ejus interna peritonæi lamina tegat, externa in tubum ipsum seu processum peritonæi explicata, atque ideo vasa spermatica non perforando peritonæum, sed intra duplicaturam ejus delata processum subeant; tamen cum intestina in homine erectum corporis situm servante perpendiculariter processui incumbant, inferiora mole superiorum fortius premantur, peritonæum illic loci simplici saltem lamella constet, atque hinc minori renitendi virtute polleat, serosi humores vel a glandulis inguinalibus & vicinarum partium, vel a sanguine per venas spermaticas quamcumque demum ob causam impedito originem ducentes & illic collecti lamellam peritonæi internam & vicinas partes facile justo laxiores reddant, ratio omnino patet, cur adeo frequenter hernia in regione inguinali, aut si paulo impetuosior fuerit impulsus, in scroto vel pudendis mulierum oboriatur. Et licet plerique practicum hanc solum viam delineare soleant, tamen cum os ilium sinuositatem, super quam tendines psoas & iliaci nec non vasa cruralia ad femur repunt, formet, & locus ille fascia veluti ligamentosa, quam aponeurosis obliqui externi, a spinæ ossis ilii parte anteriori & inferiori ad ossis pubis sinuositatem excurrentes, effingit, obducatur, atque circa præmemoratum ilii partem aponeurosis hæcce introrsum replicata ovalem aperturam, quam, ut modo monitum est, non nisi tendines psoas & iliaci cum vasis cruralibus occupant, formet, atque eandem interne saltem peritonæum externe integumenta communia investiant, rationi æque ac experientiæ perquam est consentaneum, facile intestina sub fascia ligamentosa seu fornice vasorum cruralium relaxato elabi, & herniam non adeo infrequentem præprimis in sexu sequiori constituere, quam nonnulli ab inguinali supra delineata distinguentes cruralem nuncupare solent. Præterea idem tumor umbilicum frequenter occupat. Quoniam enim circa internam umbilici partem, per quam in fetu vena & arteriæ umbilicales feruntur, fovea quædam conspicitur, & umbilicus ex parte abdominis externa protuberans subinde solito est major laxiorisque consistentiæ, sane cur is non raro intestinis eo compulsis cedat, eademque recipiat, ex præmissis sponte innotescere arbitror. Rarius paulo in aliis abdominis partibus hernia oritur, quod si tamen tale quid accadat, cujuscumque demum impetus vim ad eam imprimis partem, in qua hernia oritur, dirigi, aut partem eam fibris musculorum carneis destitui, aut tendineas illic loci justo esse tenuiores, veri est simillimum, præcipue cum istiusmodi naturæ lusum in aliis quoque partibus sæpe animadvertere soleamus. Ratio interim patet, cur peritonæum adminiculis postremo nominatis, & renitentiam ejus alias juvantibus, destitutum impulsui inte-



intestinorum sufficienter resistere nequeat, sed potius eidem cedendo herniæ fomitem præbeat.

### §. VII.

Neque vero existimandum, omnem herniam a peritonæi ruptura unice natales suos deducere; etenim eidem nudam ejus dilatationem sufficere, omphalocele non modo, sed & hernia scrotalis, a *Cl. Præside* [f] delineata, affatim confirmat. Quippe is viri cujusdam hernia completa laborantis meminit, in quo post fata ejus processum peritonæi multo naturali ampliorem, & in eo præter vasa spermatica sacculum membranaceum, ad vaginalem tunicam protensum, atque intestina prolapsa ambientem, observavit. Sacculus vero ille a lamella peritonæi interna orificium processus alias tegente originem ducebat; quippe quæ citra rupturam ullam per processum prædictum ad testiculum protensa explicataque eum ipsum saccum, qui intestina complectebatur, formabat. Ægre autem omnino concipi potest, quomodo istiusmodi pellicula exilis adeo enormiter, & quidem sine sui extenuatione & ruptura, extendi & explicari queat. Sane liquores serosos circa processus peritonæi principium & vicinas partes facile colligi, ex antecedenti thesi jam jam constat. Ideoque humores initio in internæ peritonæi lamellæ tubulis stagnare, stagnantes cumulari, cumulos paulatim se in interstitia fibrillarum insinuare, hasque pedetentim distrahere, veri est simillimum: atque hoc modo fieri solet, ut relaxata peritonæi lamella prementi intestino cedens paulatim, & quidem sine sui extenuatione explicetur. Cum ea enim res sit animata, certe dum dilatatur, nutritur, & dum nutritur non modo pristinam crassitiem retinet, sed & interdum paulo majorem acquirit.

### §. VIII.

Præter istiusmodi humorum peritonæum justo laxius reddentium decubitus multifariæ aliæ occurrunt causæ, ad quas lapsus, percussio aliæve injuriæ externe illatæ, peritonæum ad crepaturam usque adigentes, nec non justo intensiores abdominis conatus, in diaphragmatis impetuoso descensu & violenta muscutorum abdominis contractione consistentes, ac intestina nimis duriter peritonæum versus impellentes spectant, quales in vociferationibus, tussi ferina, tenesmo, partu difficili, vomitu &c. animadvertimus, quibus distinctius recensendis vel explicandis quo minus in præfenti inhæreamus, temporis angustia prohibet.

### §. IX.

Equidem hernia intestinalis oculis cognosci & manibus palpari potest;

*Tom. III.*

D

tamen

[f] In Programme f. c.

tamen cum eidem cum ceteris herniæ speciebus non minima cognatio intercedat, ad eam paulo accuratius cognoscendam variis indigenis signis, quæ imprimis a tumoris consistentia, incremento, decremento, repositione aliisque accidentibus desumuntur. Siquidem hernia intestinalis quidem aliqualem præ se fert molliem, renitentia tamen omentalem & aquosam superat. Præterea incrementum & decrementum hujus tumoris subitaneis mutationibus est obnoxium; quippe flatus aut alimenta in elapsa intestina paulo impetuosius influentia intra brevè temporis spatium plus vel minus eadem expandunt, quæ tamen brevi denuo expulsi contentis collabascunt, imo vero herniosi pro lubitu spiritu nempe cohibito intestinali herniæ majus incrementum conciliare possunt, ut nihil jam de detumescencia cum murmure complicata jam dicam, quæ omnia neque in carnosâ, neque in omentali, neque in cæteris herniæ speciebus observare solemus. Equidem pneumatocele & hydrocele identidem modo crescunt, modo decrescunt, eæ tamen mutationes non tam subitæ sunt, nec ab ægri arbitrio dependent. Denique intestina prolapsa convenienti corporis situ sponte sua relabuntur, aut digitorum ministerio reponi possunt, id quod in cæteris herniæ speciebus, excepta saltem omentali, nullatenus observamus.

#### §. X.

Quomodocumque hernia sit comparata, ea flocci pendenda non est. Quantumvis enim bracherio convenienti quæ coercetur, nihil periculi alat, gestatio tamen ejusmodi instrumenti haud parum molestiæ ægro creat: magis molesta & periculosa est hernia, quando intestina extra abdomen propendent. Licet enim interdum quarumvis subligaturarum usu, nec non scrupuloso diætæ regimine posthabito perplures annos sine vitæ periculo ejusmodi herniam majorem minoremque gerant ægri, separatis tamen temporibus a flatibus, fecibus aliisque in prolapsis intestinis coacervatis perplura sentiunt mala. Atque eos fortuna haud parum fovet, qui præmemorata mala brevi eluctantur; etenim facile fieri potest, ut intestina a quacunque demum causa inflata a peritonæo & circumpositis fibris carneo-tendineis laquei ad instar constringantur & strangulentur, ut hinc non mirum, si intestina constricta dolore & propter impeditum sanguinis motum inflammatione, & hæc si tempestive haud discutiatur, gangræna sphacelloque adficiantur, aut si propter chyloso-excrementitiæ massæ in elapsa intestina ingressum interceptum in iliacam passionem incidat æger. Dolendum saltem maximo est opere, quod adfectui huic molesto admodum atque periculoso non semper ex animi sententia mederi queamus. Equidem ægrotanti recenti hernia laboranti & in optimo ætatis flore constituto convalescentiæ plenarie recuperandæ spes adfulget, non æque tamen senî, aut impuris scatenti succis, aut hernia inveterata, insignem magnitudinem indepta, aut vicinis partibus adnata laboranti. Nisi enim herniotomiam admittat,



mittat, quæ tamen pariter, ut ex infra dicendis patebit, promiscue adhiberi nequit, necesse est, sola palliativa cura sit contentus, tametsi nec hæc præveniendis malis semper sufficiens sit atque idonea, quin gangræna sphaceloque, aut iliaca passione irrepente tandem medios inter foetores vitam miseriarum plenissimam finiat æger.

## §. X I.

Ex præmissis sponte innotescit, aliam hujus adfectus curam esse plenariam, aliam palliativam. Ad utramque remediis tum diæteticiis, tum pharmaceuticis, tum chirurgicis indigemus. Quod ad diætetica & pharmaceutica attinet, eorum recensione perlubenter in præsentī supersedemus. Siquidem modo ea, quæ occasione ani prolapsus paulo distinctius explicata fuere, probe observentur, & pharmaceuticis emplastrum ad fracturas, sticticum Crollii simileque, nec non cataplasmata ex emollientibus & carminativis parata, quorum illa consolidandæ aperturæ peritonæi, hæc inflammationi & flatibus discutiendis, dolori consopiendo, fecibus duris emolliendis apprime conducunt, addantur, omniaque pro circumstantiarum varietate provide seligantur, medicus nisi fallor sufficienti remediorum diætetico-pharmaceuticorum apparatu ad malum radicitus vel palliative curandum erit instructus.

## §. X I I.

Quod ad chirurgica remedia attinet, ea ita sunt dirigenda, ut intestina prolapsa reponantur, repositorum novus prolapsus impediatur, & peritonæi apertura consolidetur. Omnibus hisce curativis indicationibus ut faciamus satis, vario instrumentorum apparatu indigemus; siquidem herniarum cura vel sine sectione, vel mediante eadem peragitur, illa omnium est tutissima ægroque pergrata, cuique post intestinorum repositionem fasciæ & bracheria sufficiunt. Quod ad repositionem attinet, sane alibi jam monuimus, eam interdum administratu adeo esse facilem, ut æger modum intestina tuto reponendi optime calleat, ideoque aliena ope vix indigeat. Alio vero tempore ea est paulo difficilior, præcipue si intestina in scrotum aut pudenda muliebria sint illapsa. Ideoque tum opera eo est dirigenda, ut ultimo elapsa intestini portio ad annulorum tendinum musculorum abdominis ductum os ilium versus, in hernia vero crurali os pubis & superiora versus molliori digitorum pressione urgeatur, atque sic una pars post alteram reponatur. Et si *Le Quin* multiplici experientia edocto fides danda, ea intestini pars, quæ ossi pubis proxime accumbit, ultimo elapsa atque ideo primo reponenda erit. Interdum intestina inflata & inflammata reponi nullo propemodum pacto queunt, imo vero si tempore illo inani conatu & duriter tractentur, profecto quævis mala non parum exasperantur. Quare consultius est, tamdiu repositionem differre, donec cataplasmatibus supra indigitatis, dieque ac

nocte applicandis, tumor & flatus fuerint discussi. Accidit aliquando, ut vir generosus ex oscheocele inveterata tam desperanter decumberet, ut iliaca passio præ foribus jam pulsaret. In hoc perplexo rerum statu chirurgus quatuor milites accerseri jubet, ut ægrum mascule arriperent, inque caput exsertis probe pedibus volverent, quid sit, certe intestina, quæ nulla arte reponi poterant, hoc solo corporis situ sponte relabebantur, ægerque a præsentaneo vitæ periculo ex animi sententia liberabatur. Intestinis quocumque demum modo repositis, opera nunc eo est dirigenda, ut subligatura, vel fasciis novus eorum prolapsus impediatur, herniaque plenarie curetur, vel saltem palliative tractetur. Sane cum icones subligaturarum seu bracheriorum in quamplurimorum auctorum scriptis delineatæ occurrant, & non pauci chirurgorum nescio quid arcani in iisdem construendis crepent, prolixiori eorum descriptione in præsentī supersedeo, id saltem tacitus præterire nequeo, usum cujusvis subligaturæ vel fasciæ in loci illius, per quem intestina erant prolapsa, compressione consistere, quæ si cum totius instrumenti gestatione non adeo multum molestiæ creet ægro, chirurgus finem suum assequetur, & gratum se ægrotanti præstabit. Ceterum herniæ recenti interdum sola fascia sufficit, modo hæc cautela probe observetur, ut majoris compressionis ergo plumaceoli diversæ magnitudinis loco adfecto applicentur. Ægrotantis vero est, ut, si cum maxime plenariam curam expetat, ab omni & potissimum violento corporis motu abstineat, quieti indulgeat, diætæ congruæ studeat; Sic enim evenire solet, ut peritonæum nimis dilatatum conglutinetur, vel ruptum consolidetur, cui intentioni simul traumatica interne præscribenda; & emplastra ad fracturas loco adfecto applicanda apprimere conducunt. Quod si vero hæc omnia haud sufficiant, propterea tamen bracheriorum usus insuper habendus non est, utpote quorum ministerio ægri saltare, curru equoque vehi, & aliis paulo vehementioribus motibus sine damno indulgere queunt, cum contra iis neglectis moles intestinorum prolapsorum fere quotidie augeatur, malumque ingravescat, infinitaque alia ex eodem propullulent.

### §. XIII.

Quando æger palliativa cura haud est contentus, modoque enarrata remedia incassum adhibentur, tandem ad herniotomiam confugere solemus, tametsi nonnulli cordati, ambiguum ejus eventum prævidentes, non nisi in extremo necessitatis casu eam adprobent, cum, quosdam durante operatione vel brevi post interiisse, autopsia eheu nos fatis superque doceat. Videas tamen interdum ægros, qui herniæ vel ligaculorum pertæsi herniotomiam, modo ex eadem plenariæ medelæ spes ipsis adfulgeat, haud parum exposcant, aut alios potissimum empiricos, qui idem remedii genus tanquam tutum certumque ac unicum miseris commendent, licet interdum fallantur aliosque fallant. Minimum operatio hæcce senibus, aut tabe, scorbuto inveterato similique morbo adfectis, aut herniæ insignis magnitudinis minus



minus apposite convenit. Ceterum tempus operationi huic dicatum est vel commoditatis, vel necessitatis. Etenim interdum herniosi ceteroquin bene fati se habent, quo tempore certe a chirurgi arbitrio dependet, quando operationem instituere velit. Alio vero tempore hernia incarcerata præsentaneum vitæ periculum dum ægro minatur, necessitas imperat chirurgus, ut, quantocyus fieri potest, ad eam progrediatur; quando enim partes elapsæ gangræna sphaceloque jam dum sunt correptæ, id quod ex dolore subito obmutescente nec non flacciditate & discoloratione tumoris conjicitur, frustra neam tunc esse operationem, quilibet vel me tacente facili perspicit negotio.

## §. X I V.

Modi operandi ratione herniosi loci, ut & operationis ipsius differunt. Si quidem omphalocele reliquisque ventralibus herniis præsentibus, universa operatio in provida integumentorum incisione, elapsorum intestinorum repositione, & tandem in gastroraphia circumspecte administranda consistit. Præsentem vero hernia inguinali, scrotali aut pudendorum muliebrium, nonnulli strictam processus peritonæi ligaturam & testiculi extirpationem, alii aureum punctum, alii processus dilatati, exclusis provide vasis spermaticis, arctam ligaturam, alii processus incisionem & circulorum tendineorum scarificationem suadent.

## §. X V.

Quacumque operandi methodo utamur, ante omnia elapsa intestina repomenda veniunt. Jam vero si intestina externis partibus sunt adnata, aut hernia adest incarcerata, eam facta demum integumentorum incisione instituendam esse, sponte innotescere arbitror; Et quidem in omphalocele aliaque abdominis hernia integumenta ab adstante ministro & ab operatore elevata tam circumspecte lateque incidenda veniunt, ut illæsa & nuda intestina in conspectum prodeant, in hernia vero inguinali vel scrotali integumenta ad tractum processus peritonæi ita sunt secanda, ut non modo processus peritonæi illæsus permaneat, sed & sectio oscheocele præsentem ad scrotum usque extendatur. In hernia vero crurali nonnulli recentiorum suadent, ut integumenta ad transversum fornicis vasorum cruralium ductum transversim & nonnihil oblique incidantur. Et cum incisio imprimis in hernia incarcerata paulo sit difficilior, opus interdum est, ut quacumque apertura facta, ea stylo sulcato cultroque convenienti, vel forcice crure obtuso instructa provide dilatetur. Facta incisione sanguineque absterfo intestinorum prolapsorum repositio omnibus modis est molienda, ad quam juvanda necesse est, in bubonocele, ut faccus molliori digitorum pressione tractetur & intestina paulatim in abdomen intrudantur, quibus repositis, faccus in acervum collectus aperturæ inferatur, huicque pilula ex linteo filamentis conserptis repleto confecta, & mixtura, ex albumine & vitello ovorum nec non spiritu vini facta,

facta, probe imbûta, huicque plumaceoli superimponentur, omniaque fascia congrua firmentur, sic fieri interdum solet, ut sine sacculi incisione hernia ex voto curetur. Quod si vero hac methodo intestina reponi nequeant, opus est, ut saccus intestina comprehendens provide incidatur, intestina tum hic, tum aliis in herniis alibi adnata circumspecte separentur, flatusque discutiantur. Hunc in finem non inepte portio intestini ultimo elapsaprehenditur leniterque trahitur, quo per partem intestini ex abdomine recens extracti flatus dissolvi, faciliusque molliori intestinorum pressione in abdomen urgeri queant, quæ methodus illi merito præfertur, qua acu triangulari hinc & inde intestina ad flatus incarceratos eliciendos punguntur; ut enim de aliis incommodis nil quicquam dicam, sane frustra non raro intestina hoc modo pungi, fida rerum magistra, experientia puta, perspicue docet. Porro necesse est, aliquando peritonæum vel annuli tendinei provide incisionis beneficio dilatentur. Quando namque prædictæ cautelæ haud sufficiunt, atque angustia annulorum tendineorum vel peritonæi omnem intestinorum repositionem prohibet, peropus est, ut partes hæ circumspecte incidantur, quem in finem stylo fulcato cultroque incisorio, vel peculiari instrumento, partim stylo curvo & fulcato, partim cultro in eo abscondito constante, chirurgus utitur. Et licet in omphalocele aliaque abdominis hernia parum damni ex incisione peritonæi, modo non eodem tempore intestina improvide faucientur, sit metuendum, annuli tamen tendinei paulo circumspectius incidendi veniunt, etenim incisionem magis ad internam, quam externam annuli columnam dirigendam esse, arteria externæ accumbens admonet. Nihilominus si operationis tempore præter opinionem accidat, ut sanguis profiliens operatorem conturbet, opus est, ut styptico effluxus ejus illico sistatur. His probe observatis, sine mora intestinorum repositio est administranda, circa quam ne verbum quidem addo; utpote de qua alibi jam tum ex instituto egimus. Repositis quibusvis partibus, reliquæ cura in eo consistit, ut in omphalocele aliaque abdominis hernia gastroraphia dextre perficiatur, in inguinali vero & scrotali annuli tendinei convenienti instrumento provide scarificentur, tametsi plures hodiernorum Chirurgorum prædictam scarificationem ceu superfluum & nocivum penitus rejiciant, atque ideo statim aperturæ vel pilulam supra descriptam, vel plumaceolos diversæ magnitudinis liquore styptico imbutos applicent, omniaque fascia congrua firment. Sic fieri omnino non raro solet, ut etiam herniæ incarceratæ ex voto medeamur, id quod *Garengeot* [g] non modo pluribus observationibus confirmat, sed & varia simul proponit, quæ huic operandi methodo non minimam lucem accendunt, ad quem propterea benevolum Lectorem jam remitto.

## §. X V I.

Quod si vero ante sectionem elapsa intestina jam tum fuerint reposita, ita

D 3

ut

[g] *Traité des Operations* T. 1. c. 6. 7. 8.



ut in bubonocoele & oscheocoele peritonæi processus incisione, præcipue si supra enarrata methodo herniæ mederi nolumus, opus non sit, fane nonnulli & imprimis empirici, via compendiosa omniumque simplicissima, facta nempe in regione inguinali ad scrotum usque incisione, testiculum lateris adfecti non mediocri celeritate a scroto binis anterioribus digitis separant, separatim cum processu peritonæi protrahunt, huncque prope muscoli obliqui externi tendinem filo lino ceratoque fortiter constringunt, subque ligatura cum testiculo abscindunt, sicque intra breve temporis spatium adfectum huncce curant. Licet vero consolidata residua processus peritonæi portione novus intestinorum prolapsus optime impediatur, sunt tamen alii, qui operationem hancce tanquam crudelem, periculi vitæ miuime expertem & cum castratione complicatam penitus rejiciunt, id sibi potius curæ cordique ducentes, ut vasa spermatica cum testiculo illibata conseruent. Quare jam aureo puncto, jam provida ligatura utuntur; ad illud filum aureum aut plumbeum crassitiem acus communis æquans adhibetur; Siquidem repositis reponendis factaque cutis inguinalis incisione processus dilatatus vel ruptus a vicinis partibus separatur, filumque sub eo prope abdomen trajicitur ita, ut idem totum processum stringat. Non parum autem interest, ut fili extremitates tam artificiose contorqueantur & occultentur, ut neque aculeis suis quicquam molestiæ vicinis partibus creent, neque idem filum processum angustans & intestinorum prolapsum impediens, vasa spermatica premat, neque motum cum sanguinis, tum spermatis cohibeat; Etenim sic demum per totum vitæ tempus idem in vulnere consolidato ad præpediendam intestinorum eruptionem relinqui potest. Ad alterum operandi modum quod attinet, sunt omnino nonnulli, qui suadent, ut acus filo instructa per dilatatam processus partem trajiciatur, hæcque filo relicto firmiter constringatur, studiose cavendo, ut ne unum alterumque vasculum spermaticum simul prehendatur, sed potius provide separata in parte processus non ligata intacta relinquantur. Licet itaque hi operandi modi sint satis ingeniosi, eos tamen ministratu esse perdifficiles, non raro frustraneos, imo nocivos, rem accuratius paulo perpendenti cognitu difficile non erit. Quare nisi hernia incarcerationis præsentaneum vitæ periculum ambigui eventus remedium potius, quam nullum postulet, fortassis e re ægrotantis magis erit, si sola palliativa cura sit contentus.

## CAPUT IV.

*De intestinis e superficie abdominis externa protuberantibus.*

## §. I.

**E** Quidem nunc mihi perapta daretur occasio, de vastis abdominis vulneribus, deque intestinis illorum occasione prolapsis, atque jam integris, jam fauciatis, nunc inflammatis, nunc flatu expansis alioque morbo adfectis, nec non de futura tum vulnerati intestini, tum abdominis, quam postremam græce gastroraphiam nuncupare solemus, distinctius paulo agendi. Sed liceat certas ob rationes hæc omnia sicco præterire pede, saltem casus paulo rariores impræsentiarum nonnihil contemplaturus. Sane Cl. *Schræckius* [h] memorabilem recenset historiam: dum aurifabri *nosiratis*, inquit, uxor gravida, aliquot jam antea liberorum mater facta, postquam vituli exenterationem in macello non sine horrore contemplata fuisset, filiulam mortuam partu admodum difficili exclusit, cujus pars dextra abdominis non procul ab umbilico, ad spithamæ fere longitudinem dehiscēbat, lateribus divulsionis signum non præbentibus, sed callo quasi obductis; e quo hiatu intestinula propendebant. Itaque quaslibet gravidas paterne hortatur, ut vehementiores animi commotiones tantas in tenello turbas excitantes, quantum possibile, fugiant. Simile quid citra istiusmodi animi pathema fieri posse, catulus maturus me docuit, quippe qui partu exclusus non modo tres saltem pedes spectandos exhibebat, caruncula prominente defectum pedis quarti supplente, sed & intestinola fere omnia cum omento ex abdomine a pectore ad os pubis hiantē protuberabant, quem curiositatis ergo *Excellentissimus Dn. Præses* etiamnum rariores inter asservat.

## §. II.

Porro *Dodonæus* [i] quondam mulierem vidit, de cujus vulva disrupta intestina omnia profluxerant, quæ paucis post diebus miseram finiit vitam. Neque minus memorabilem casum *Bourchardus* [k] recenset; is namque cæteroquin bene se habentem vidit militem, ex cujus abdomine, ante triennium catapultæ glande vulnerato, coli pars semipalmo longior protuberans feces egerebat omnes, consueto earum exitu per anum penitus

[h] Ephem. N. C. D. 1. A. b. Obs. 232.

[i] Obs. Medicin. C. 5. p. m. 135.

[k] M. N. C. D. 1. Ann. 3. Obs. 8.



nitus intercepto. Non abſimiles caſus [1] Blegny [m], Mackius atque [n] Anhornius de Hartwis recensent, quibus multo curioſiorem Excell. Dn. Praeſes [o] addit; nempe miles, inquit, paucis ante diebus ad me accedens, referebat, ſe quatuordecim annos per epicolicam regionem ſiniſtram feces excreviſſe. Curioſitatis itaque gratia locum adfectum pluribus diſcipulis praſentibus, & poſtea ter quaterve ſeorsim attentius paulo perluftravi, atque non ſine admiratione coli portionem ſedecim pollices longam, & novem pollices craſſam, ex praeſememorato abdominis loco protuberantem, penitusque inverſam obſervavi, media circiter ejus parte veluti baſi vulnere externo quatuor pollices lato firmiter adnata. Intestinum hoc prolapſum duplici gaudet orificio, uno ſuperiori, altero inferiori; ex illo feces promanant, in hoc infuſus liquor per breviffimum temporis ſpatium ano excluditur. Ager ſine dolore ullo in utrumque orificium digitum alte non modo inſerit, ſed ſano quoque lateri incumbens, quamlibet inteſtini portionem in abdomen paulatim reponit. Huic malo vulnus, olim abdomini gladio punſum inſiſſimum, occaſionem dedit: cum enim ex eodem juſcula deglutita prodirent, vulnus inteſtini merito ſuſpicabatur chirurgus; proinde miſerum ex mediis orci faucibus ut eriperet, vulnus externum ad demudandam inteſtini vulnerati portionem circumſpecte dilatavit, at inteſtinum inverſum animadvertens funeſta quavis ominabatur, praecipue cum partem inverſam rite reſcneret, atque ideo futuram adhibere nequiret. Accidit vero, ut ſolius fere naturae operantis miniſterio non dumtaxat inteſtinum vulnere paulatim egrederetur, ſed & portio ejus media & inferior vulnere externo undiquaque agglutinetur, agrotante alioqui valido firmoque exiſtente. Quemadmodum vero tunica villoſa rubedine perſuſa, nec non glanduloſa corpuscula hinc & inde diſperſa, ut & motus inteſtini, utpote quod imprimis ad aeris frigidiſſimi attactu ſenſibiliter & abbreviatur & contrahitur, in ſenſum cernendi venit; ita veriffimum videtur, ex ſanciata inteſtini parte tum ſuperiorem, tum inferiorem coli portionem non modo inverſe extra abdomen fuiſſe protruſam, ſed & utramque cut clariſſe loquendo mediam partem vulneratam atque inverſam cum vulnere externo coaluiſſe, ut jam quidem prolapſus ille unius inteſtini faciem referat, cum tamen vere duplex ſit coli portio, id quod non obſcure exinde imoteſcit, quod liquor in orificium inferius infuſus per ſuperius non redeat, ſed ad anum urgeatur, uti ex ſupra dictis jam jam patet. Et hac dubio procul eſt ratio, cur, reſoſitis hiſce partibus & agrotante placide dormiente, nihil fecum in abdomen illabatur, ſed pars earum per vulnus eliminetur, pars vero ab inferioris inteſtini orificio abſorbeat, atque hinc ager utut perraro aliquid fecum per anum egerat.

## §. III.

[1] Zodiac. Gallie. Ann. 2. p. 123.

[m] M. N. C. D. 2. Ann. 8. Obſ. 229.

[n] Obſ. N. C. Cent. 1. Obſ. 6.

[o] Log. mm. occasione cadaveris maſculin, d. 24. Aug. 1710. edit.

## §. I I I.

Quemadmodum vero *Excell. Dn. Præses* in eodem programme fate-  
tur, hæc omnia accuratum mereri examen, ita *Clarissimus Vaterus* [p]  
eum laborem præclare quidem executus est, tamen cum mihi *Excell. Dn.*  
*Præses* ante istius dissertationis editionem tres icones monstraverit, qua-  
rum una intestini prolapsi dispositionem plenius nisi fallor ob oculos po-  
nit, reliquæ vero phænomeni rarissimi rationem clare & perspicue expli-  
cant, tandem ab eo propemodum invito obtinui, ut eas æri incisas dis-  
sertationi huic majoris illustrationis ergo adjicerem.

## §. I V.

Interim perrari istiusmodi casus non modo insignes naturæ vires affa-  
tim loquuntur, sed & medentes hortari videntur, ut in gravioribus in-  
testinorum vulneribus vestigia ejus legant, & si non alia medendi me-  
thodus suppetat, intestini etiam transversim dissecti portionem situ supe-  
riorem externo vulnere adnectant, sicque efficiant, ut ne feces in abdomen  
effundantur, sed potius per adsutum intestinum tanquam novum anum  
excernantur, id quod non infelici successu quondam fuisse peractum, *Cl.*  
*Blegny* testatur.

## T A B. X V I. E X P L I C A T I O.

*Figur. I.*

- A. Intestini coli portio superior inversa, per quam feces excernuntur.
- B. Eiusdem intestini portio inferior nihil fecum reddens.
- C. C. Portio intestini vulnerati inversa, cum externo vulnere coalita, &  
cum a. b. unum quoad externam faciem canalem formans, ut ut  
mirabili præmemoratarum partium inversione a. b. duo sint di-  
stincti canales.

*Fig. I I.*

- A. Vulnus intestini.
- B. C. Duæ ejusdem intestini portiones, quæ e vulnere a. facile inverse  
protrahi possunt, ut in fig. 3. animadvertere est.

*Fig. I I I.*

[p] De vulnerum in intestinis lethalitate &c.



*Fig. I I I.*

- A. B. Duæ unius intestini portiones.  
 A. C. Superior intestini portio vulnus ingrediens.  
 C. E. Eadem portio vulnere egressa & inversa.  
 B. D. Inferior intestini portio idem vulnus subiens.  
 D. F. Eadem portio vulnere egressa & inversa.  
 G. G. G. Portio intestini vulnerata in fig. 2. repræsentata atque inversa, canalem h. e. g. g. f. i. quoad externam faciem continuum formans, tametsi c. e. & d. f. vere duo distincti canales sint; etenim cum e. c. ad a. & f. d. ad b. pertineat, fane quicquid per a. c. descendit, non per i. sed saltem per h. effluet, & quicquid per i. infunditur, ad h. non transibit, sed per d. b. adscendet, & per orificium k. effluet. Hæc si figuræ l. applicentur, ratio clare patebit, cur a. b. duo distincti sint canales, licet unius intestini duæ sint portiones & cum c. c. continuum quoad externam faciem canalem forment.

*Fig. I V.*

- A. Intestini portio superior notabiliter contracta.  
 B. C. D. Intestinum duplicatum.  
 E. Mesenterii portio cum intestino a. proximum subiens,


F I N I S











Sketch of a person's head and shoulders, and legs and feet.



L I X.

DISSERTATIO  
MEDICO-CHIRURGICA,

*D E*

ΕΝΤΕΡΟΠΕΡΙΣΤΟΛΗ

*S E U*

INTESTINORUM COMPRESSIONE.

*Quam tuebatur*

J. H. LAVATER,

T I G U R I N U S

Basileæ 18. Septembris 1672.





## Σὺν Θεῶ.

**T**Ritum Gallorum fert adagium, *La bouche est faite pour prendre, & non pas pour rendre*; Os homini natura dedit tum ad alimentorum in substantiam corporis convertendorum, tum ad medicamentorum ejusdem incommoda depellendorum assumptionem, non vero ad eorumdem rejectionem: Quare quæ ore ejiciuntur in censum τῶν πρὸ Φύσιν refero, quæ varia dico. Vel enim sunt toto genere præter naturam talia, ut pili cum pedibus vitulinis ingesti e lanii ventriculo pilarum forma egesti, capilli in μαλακία comesti vomitu rejecti, fila inter suendum ore detenta deglutitaque è netricis ventriculo globulorum figura reddita, vel partium adnata, ut mucus ventriculi tunicæ internæ, æque rugosæ in ejus ἔλκει, vel partium substantiæ, ut pulmonum ad consumptionem totalem carunculæ in Φθίσει, vel Corporis humores naturales, ut sanguis in αἱμοπλύσει, præternaturales, ut pituita aquosa in cerebri δυσκρασία frigida, melancholia in bilem atram degenerata, picisq̃ue instar splendida in lienis ὄγκω, bilis porracea in ventriculi κακοπεψία, excrementitii, ut sanguis menstruus in mensium ἐκλείψει, urina in ἰσχυρία, stercus in κοπρημετία, cujus symptomatis horrendi ( utpote quo ægroti summa cum miseria, horrore, ac foetore per os rejiciunt stercora ) causa frequens, curatuque difficilis est ἐντέροπερισολή, de qua ἐν τῶν νυνί.

## T H E S I S I.

Πράξιν ex necessitate inevitabili cum θεωρία consueverit præire, primum de illa, primordio à definitione ipsa deducto, quam in ὀνοματώδην seu nominis & πραγματώδην seu rei divido.

## I I.

Ὀνοματώδει ἐντέροπερισολῆς originem ab ἐντέρον, & τὸ, intestinum, & περισολή, ἥς, ἡ compressio, derivo, unde illam intestinorum compressionem, alias constrictionem, strangulationem & incarcerationem voco, quam bifariam pronuntio: Impropriam, qua intestina intra abdominis capacitatem constringuntur contenta, idque vel per πρωτοπάθειαν seu propria, vel per δευτεροπάθειαν seu partium vicinarum, ut omenti, mesenterii, vesicæ, uteri παθήματα, quorum φλεγμονή καὶ σκίρρ' & sunt frequentiora: Propriam, qua intestina extra imi ventris spatium comprimuntur prolapsa à peritonæo aperto, eoque vel rupto, vel relaxato, mediate vel immediate, in qua significatione postrema illam accipio.

## I I I.

## III.

Πραγματῶς δὲ ἐντέροπερισολήν morbum intestinorum in via, à peritonæo varie comprimente ortum, tumore, dolore, motus peristaltici everfione, alvique constipatione comitatum, definio.

## IV.

Observatis hisce circa definitionem observandis ad ἐντέροπερισολήν differentias descendendo, quarum Quatuor potissimum agnosco, & primam à subiecto, secundam à morbo, tertiam ab efficientibus, quartam ab accidentibus peto.

## V.

A subiecto ἐντέροπερισολήν aliam intestinorum tenuiorum, aliam crassiorum, statuo. Tenuiora chylum perficientia, & in ductus lacteos distribuentia, quia κινητὰ sive mobilia, duodeno excepto, facile comprimuntur. Duodenum rarius, & non nisi à vulneribus abdomini inflictis, jejunum sæpe, id quod primum ad longitudinem quatuor digitorum transversorum latitudinem sub costis spuris in hypochondrio dextro compressum, vidi Tiguri cum Domino Parente anno M. DC LXVII. in Josua Bindschedlero de Hotttingen, ilium sæpius, & indifferenter in partibus abdominis omnibus, superioribus, inferioribus, & lateralibus, ob circumvolutionem, longitudinem, ac commotionem variam. Crassa faeces colligentia, & per alvum excernentia, quia ἀκίνητα seu immobilia, difficile constringuntur. Cæcum in latere, in quo situm est dextro, idque potius in infantibus, quam vero in junioribus, atque senioribus, in quibus jam in processum vermicularem, longitudine vix quatuor digitorum transversorum latitudinem excedentem, contractum, Colon in partibus abdominis variis ob situm illius, quod plus quam pugni magnitudine in scroti parte dextra constrictum conspexi Parisiis cum Domino Bienaisio, Chirurgorum Parisiensium experientissimo, practico felicissimo, Praeceptore, hospiteque meo in aeternum mihi honorando, an. M DC LXXI. ad finem Augusti, in Leonhardo Drovino limbolario, vicum divi Martini inhabitante. Intestinum rectum quoque, non tamen à peritonæo ut cætera, tam ob ejus situationem rectam, quam connexionem partibus adjacentibus firmam, sed à phlegmone ut plurimum comprimitur. Quæ intestini recti compressio, vel est totalis, quia totum à relaxatione ani muscutorum levatorum, à tuberositate ischii oriundorum, intestinum prolapsum premittur, vel est partialis, qua tunica tantum interna, à muci depravati, vel humoris alterius corrupti copia, propulsa comprimitur, phlegmonem gangræna subsequente, quam tunicam internam sphacelatam cum salute ægri abscissam vidi Lugduni Gallorum à Domino Horatio Panthoto, in Nosocomio p. t. Chi-



Chirurgo ordinario, Fautore & amico meo suspiciundo, anno M DC LXIX.  
in Mense Septembr. sed hæc in transitu.

## V I.

A Morbo *ἐντεροπερισολήν* aliam simplicem, qua intestina sola implican-  
tur, aliam vero compositam, qua partes corporis reliquæ, idque vel fre-  
quenter, ut omentum, vel rarius, ut mesenterium, uteri ligamentum la-  
tum, complicantur, pono. Mesenterium, *Johanne Dominico Sala Patavino*  
attestante, cum intestinis tenuibus omnibus in scrotum delapsum fuisse, ab-  
domen alterum præ se tulisse, & mole sua vesicæ collo compresso, urinæ-  
que transitu impedito, necessitatem moriendi ægro intulisse, legimus apud  
*Bartholinum histor. anat. 95. cent. 2.* Ligamentum uteri latum, quo ad extre-  
mum, seu *Diaboli morsum*, *Parisiis* cum intestinis in inguine complicatum,  
reperit *Dominus Bessier, Chirurgus peritus*. Utramque illam subdivido; Pri-  
mo in levem, qua intestina leviter strangulata, ob symptomata mitiora ab  
ægris ipsis, vel artis imperitis in abdomen reducuntur, vel gravem, qua  
intestina graviter incarcerata, ob accidentia vehementiora à Chirurgis vel  
manu sola, vel sectione in ventrem imum reponuntur. Prior infantibus ob  
relaxationem ab humiditate nimia, posterior vero senibus ob contractionem  
ab exsiccatione multa, communior. Secundo in completam, qua intestina ex  
toto stringuntur, ita, ut neque per inferiora injecta rejiciantur per superio-  
ra, neque per superiora assumpta ejiciantur per inferiora, seu in incomple-  
tam, qua intestina ex parte tantum constringuntur, unde per os ingesta  
per alvum excernuntur, & per alvum immissa per os evomuntur. Die 24.  
Junii M DC LXXI. *Dominus Bienaisius* sub horam undecimam vespertinam  
in suburbium *divi Anthonii* accersitus ad invisendam ægram *ἐντεροπερισολήν*  
laborantem, cum nimis fero esset, & ob negotia graviora eo se conferre  
non licuisset, quemdam ex ministris suis mecum ad ægram misit, nomine  
*Magdalenam Hauchet* textricem, in qua *ἐντεροπερισολήν* inguinalem sinif-  
tram, à graviore lignorum onere sublevato ortam, *βιβονοκήλην* subsecutam  
reperimus, (qua enema ex oleis variis compositum, paulo ante injectum,  
nobis præsentibus cum admiratione & stupore, per os fuit rejectum) quam  
cum reducere non potuimus, remedia ad intestinorum compressorum solu-  
tionem, solutorumve reductionem admovimus, quibus ægram capite decli-  
vi, & pedibus in altum elevatis in diem crastinum reliquimus, quo mani-  
bus reductione in casum tentata, operatio sectione à *Domino Bienaisio* sus-  
cepta, & ægra intra menses duos perfectissime restituta fuit. Hac *ἐντεροπε-*  
*ρισολήν* incompleta ægrota non solum clysteres per os rejecit, sed & excre-  
menta liquida toto compressionis tempore (ad diem usque septimum) per  
alvum dejecit, cujus rei causam operator intestinum ex parte tantum con-  
strictum, reperit. In affectu simili enemata per superiora rejecta fuisse, no-  
tat *Fabr. Hild. cent. 6. obs. 70. Tertio*, in eam, quæ sit vel sine solutione

continui, ubi partes continentes tam propriæ, quam communes relaxantur, distenduntur, & intestina incarcerata tecta ac cooperta manibus contrectantur, vel cum solutione continui, ubi peritonæum vel solum rumpitur, vel musculi simul cum integumentis dividuntur, & intestina detecta ac nuda oculis lustrantur. Sic in vico *Hafniensi Laurentii Biononis* factoris filiolo, sex menses nato, laboranti *ἐντερομύφῳ*, rupto umbilico prodire foras intestina tenuia membranula tecta, per angustum abdominis, & peritonæi foramen, quo quasi circulo calloso intestina constringeantur, imo rupta quinto die membranula, latius discerpto peritonæo, nuda prorsus intestina propendebant, ad longitudinem mediæ ulnæ per gyros consuetos intorta. Consilium fuerat ampliare foramen, ut intrudi possint, & in locum suum reponi, sed ante puerulus fatis cessit, quam Chirurgus advenerit, post mortem longius adhuc intestina processerunt, sine dubio in extremo morientis conatu protrusa *Bartholin. Hist. Anat. 22. cent. 3.* Ita *Claudio Molier Parisiensium* thermopolæ, in via macelli, in Suburbio *Sancti Germani* commoranti, die 31. *Aprilis M DC. LXXI.* per ædium scalas decidenti: & asserem acutum offendenti, in inguine dextro integumenta tam communia, quam propria dilacerata, & divisa, hinc intestina tenuia in copia magna protrusa fuere strangulata, quæ *Dominus Juillet Parisiensium Chirurgus exercitatisimus, anatomicus accuratissimus, Hospes & præceptor meus plurimum mihi venerandus*, incarcerata liberavit, in locum naturalem collocavit, *γαστρομύφῳ* celebravit, & ægrum brevi temporis spatio quam felicissime sanavit. In *ἐντεροπερισολῇ* simplici & composita, levi & gravi, completa ac incompleta, sine solutione continui partium continentium communium, aliquando aquas deprehendimus, de qua verba inferius instituemus.

## V I I.

Ab efficientibus *ἐντεροπερισολῇ* aliam à causa externa fortuita, aliam ab interna antecedente, producta ab externa necessaria, fieri assero, quam differentiam cum cæteris notatu dignam censeo.

## V I I I.

Ab accidentibus *ἐντεροπερισολῇ* varie distribuo & primo à quantitate, in parvam, mediocrem, magnam. Die 13. *Septembris anno M DC LXXI.* *Clarissimi Domini Bienaisii* Chirurgicas imploravit manus *Parisensium* notarius, nomine *Claudius Merlet*, laborans *ἐντεροπερισολῇ* duplici *ὀσχεοκήλη* succedente, quæ tantam ob incuriam perizomatium magnitudinem nata, ut inter femora magnitudine capitis quasi duplicis conspiciatur pendula, unde compressio levis, sed continua, qua absente & intestinis in abdomen intrusis, ob partium contractionem dolores ingravescent, qua vero præsentibus & intestinis extra abdomen protrusis mitescent, sed nunquam evanescent.

Penem



Penem quin & intestina prolapsa pondere suo retrahunt & abbreviant, relicto utpote parvo illius vestigio, unde urinarum in scroto œdematoso collectio cum fœtore molesto, incessu laborioso & doloroso. Hoc exemplo herniosi cuncti sapiant, & perizomatium curam exactissimam gerant. *Secundo* à figura, in æqualem & inæqualem. *Tertio* a qualitatibus, in calidam & frigidam, mollem & duram, in belle coloratam seu cuti concolorem, & male coloratam seu lividam. *Quarto*, à loco, alia est umbilici, alia ventris, alia inguinis, alia scroti. Umbilici *ὀμφαλοκήλην* sequitur, in qua cum intestinis omentum umbilico proximum sæpissime premitur. Compressionem talem gangræna & morte terminatam annotavit *Hieronymus Welschius* in suis *Observ.* Ventris proprie dicti *κοιλικήλην* (quam duplicem paululum infra umbilicum lustravi in *Jacobo Hindermann* ex *Tigurinorum* cœtu *Hong die 3. Septembris anno M DC LXVIII.*) ante, pone, & ad latera talem insequitur, quæ frequentior cæteris cum solutione continui integumentorum omnium, quam propriorum (aut nulla cum solutione continui) qualem post *Josue* nostri *Bindschedleri Thes. V. allegati*, conspexi *die 10. Julii anno M DCLXXI. cum Domino Bienaisio* in quodam Monacho, cui peritonæo duos digitos transversos supra umbilicum disrupto in latere sinistro, intestinum colon, pugni magnitudine extra abdomen prolapsum, leviter comprimitur cum dolore, spirandi difficultate, imo per intervalla cum *λειποθυμία* ægro videlicet errorem quoad externa committente. Reposita dolorem, ob partium internarum retractionem, inferunt majorem. Huic *ἐντεροπερισολή* omnium maxime canes ob ictus sunt obnoxii qualem etiam *die 2. Decembris anno M DC LXXI. cum Domino Liotot Aquensi Chirurgo* reperi, canem receptaculi *Pecquetiani* ergo cultro anatomico subjiendo. Peritonæum in margine jam callosum fuit. Inguinis *βιβονοκήλην* (quam duplicem vidi in *Anna Mugler* ex *Tigurinorum* cœtu *Wasserstorf* concomitatam *Δυσσεία die 11. Augusti anno M DC LXVIII.*) consequitur, in qua cum intestinis omentum adhuc frequenter, idque potius in mulieribus, quibus longius, quam vero in viris, quibus brevius, stringitur. Rarior tamen mulierum quam virorum, quia illarum pars affecta non admittit, ut æque dilatatio ac sinus magnus ab intestino efformetur. Scroti *ὀσχεροκήλην* subsequitur (ut plurimum, ut cæteræ) quæ omnium frequentissima ob intestinorum procidentium pondus, locum decliviorum, & causam proximam. In hac omentum ob ejus brevitatem cum intestinis raro constringitur, quod tamen constrictum in copia magna reperimus in *Leonhardo nostro Drouino th. V. citato*. Omnes hæ *ἐντεροπερισολῆς* differentiæ, umbilicali excepta, sunt vel alterutrius, vel utriusque lateris, in uno latent, in altero patent, utrobique vel apparent, vel disparent, quibus etiam cum subsequenter divitibus pauperes, & illorum viri quam mulieres, sæpius affliguntur. *Quinto*, à tempore, alia est recens, alia inveterata. *Sexto*, à motu, alia fit sensim, alia confertim.

## I X.

Differentiis *έντεροπεριστολῆς* dilucidatis causarum seriem specto, quas in præcedentes & succedentes divido. Priores sunt vel necessariæ, vel fortuitæ; posteriores aut antecedentes, aut conjunctæ.

## X.

Conjuncta, quæ proxima & immediata, est peritonæum apertum, ruptum, vel relaxatum, secundum locum varium varie comprimens. In umbilico peritonæum intestina prolapsa processu brevi, vasa umbilicalia in fetu continente, funiculo umbilicali mediante, stringit. Inter corpora enim hæc duo, non vero inter partes proprias funiculi umbilicalis, in ligamenta ob usum desinentem mutatas, intestina constringuntur. In abdomine peritonæum intestina extrinsecus solum nullo corpore alio adjuvante, idque juxta partes diversas diversimode, hoc est, modo fortius, modo levius, id quod dependet à structura & compositione peritonæi, quæ mox fortior, mox debilior, nunc crassior, nunc tenuior, premit. In inguine & scroto peritonæum intestina protrusa processu vel longo, vasa spermatica in viris involvente, *ἀπονευρώσει* musculorum abdominis oblique descendentium adjuvante, vel brevi, ligamenta uteri rotunda extra abdomen in mulieribus deducente, strangulat, quo tempore intestina intumescunt, inflammantur, alterantur, albescunt, nigrescunt.

## X I.

Antecedens, quæ primum facit & fovet morbum, vel est inflammatio cum dolore acuto, calore, rubore, vel stercus cum dolore gravativo, duritie & alvi constipatione, vel flatus cum dolore tensivo & rugitu, quæ reperias vel sola & simplicia, vel plura & complicata; ita tamen, ut unum reliquis prædominetur, juxta quod & remedia ipsa præscribenda veniunt. Causam omnium creberrimam agunt intestinorum contenta excrementa sensim accumulata, indurata, flatuumve accessione aucta, unde intestinis extra abdomen egressis ac compressis ingressum denegant, & injuriis accedentibus externis dolores, inflammationes, rugitum, ructum, singultum, vomitum, imo excretionem totali per alvum prohibita *κοπρημετίαν* seu fæcum alvinarum evomitionem cum mortis periculo excitant.

## X I I.

Fortuita est varia; belluarum occurfus, casus, ictus, vulnus gladio, lapide, baculo, aut alio instrumento inflictum. Compressionem intestinorum



rum talem herniæ ventrali in latere umbilici supervenientem, à cornuum tauri perfossione cum febris acuta & κοπρημελία proponit *Schenck. obs. 370. L 3.* Casu intestinorum strangulationem incurrit thermopola noster *thes. VI. allegatus.* Ab ictu gladii est frequentissima, qua prolabuntur ac involvuntur intestina, & præprimis mobilia.

## X I I I.

Necessaria est multiplex; aer frigidus & humidus, ventosus, nebulosus, pluviosus, vel aliter tempestuosus, intestina procidentia frigefaciendo, humectando, condensando, inflando, lædit, unde distenduntur, intumescunt, comprimuntur, & in locum naturalem retrudi nequeunt, exemplo nautæ, cui naufragio ob cœlum tempestuosum imminente, varias tam aëris, quam aquæ frigiditates & humiditates perpatienti, peritonæi processu in inguine relaxato, intestina in scrotum devoluta, & flatibus distenta, fuere strangulata. *Tulp. obs. 37.* Sic Bajulus quidam ἐντεροκήλη laborans cum circa mœnia tempore frigido & ventoso alvum deponeret, intestina in scrotum prolapsa refrigerata reponi non potuerunt, unde ειλέωσις, singultus, & mors fuit sequuta *Forest. obs. 16. l. 27.*

Cibi & potus usus immodicus maxime est nocivus intestina enim extra abdomen contenta replet, obstruit, fæcibus impactis transitum impedit, unde stringuntur. Cujus rei fidem primus mihi dedit *Jacobus Ladinier*, cui post ciborum ingurgitationem nimiam, intestina contentis durioribus infarcta, cum morte fuere convoluta, *Lugduni Gallorum* in nosocomio anno *M DC LXIX.*

Vigiliæ immoderatæ corpus calefaciendo, exsiccando, inflammationem, dolorem, fluxionem promovendo, junctis reliquis, non parum obsunt.

Motus excessivus peritonæum vel rumpendo, vel eodem jam disrupto intestina propellit, distendit, unde incarcerantur, attestante nostro *Bindschedlero*, cui à sublevatione trabis gravi & onerosa, peritonæo rupto intestina prolapsa mox fuere incarcerata.

Motui in partu laborioso & difficili subinde succedit hernia ὀστεροκήλη ab antecedentibus nuncupata, in umbilico, abdomine & inguine, quæ partu reiterato sæpius in ἐντεροπερισολήν, si non gravem, saltem levem abit. ὀστεροκήλη autem illa, qua aperto peritonæo à partu gravi & operoso protruduntur intestina, impropria; qua vero ipse elabatur uterus, quo aliquando extra abdomen continetur fetus, propria statuitur. Fando accepi à *Clarissimo atque Doctissimo Viro Domino Carolo Sponio, Medicorum Lugdunensium Gallorum vice Decano Dignissimo, Experientissimo, Felicissimo, Præceptore Hospiteque meo in æternum mihi honorando*, se duas etiamnum superstites novisse fæminas, quibus post multiplices, quas expertæ sunt graviditates, peritonæum à suppositis integumentis adeo vifatur relaxatum in hypogastrica regione, ut instar sacci aut peræ ultra media

femora propendeat, quæ tamen fetus non paucos pulchre tum conceperunt, tum ad maturitatem perfectam pertulerunt, utero in illum quasi faccum una cum fetu subfidente. Plura de ὤσχεοκήλη qui desiderat, *Sennert. & Fabr. Hild.* consulat.

Excernenda retenta, ut stercorea, flatus, intestina obstruunt, imo ad salubriorem vitam excludenda noxia eadem propellunt, & irretiunt. Germanus quidam linguarum Magister (cujus nomen non prodam) ob ingurgitationem in ventriculi βραδυπεψίαν incidit, ad quam præmissis alloioticis tam assumtis, quam injectis debellandam, sequens catharticum propinatum fuit ℞. medull. cass. ʒβ. rhabarb. pulverat. ʒj. cremor. tartar. ʒβ. seminis coriandr. ʒ. j. cum Syrup. capill. Vener. humectentur, & in bolum cum Sachar. redigantur, quo alvo sexies subducta in ὀσχεοκήλη intestina expulsa & cum dolore contorta fuere, ante purgationem non solum non iis in abdomen repositis, sed in purgatione ipsa fasciis neglectis, hernia medico ignota. Sic βεβονοκήλη inguinis sinistri, magnitudinis ovi asinerini, post medicamentum purgans ab empirico assumptum, ita fuit ampliata, ut caput nunc superet, *Bartholin. Histor. anat. 51. cent. 5.* Ita fluxum ventris diuturnum ob dolores, tormina, flatus, intestini coli in βεβονοκήλη prolapsus, & compressio subsequuta fuit, *Forest. l. 21. obs. 20.* Κάθαρσις in herniosis cauta sit.

Verecundia denique damnosa causa mali hujus est frequentissima, quare mortalium nemo herniam medico reticeat, ne mortis periculum incurrat, imo mortem ipsam subeat, *Furnarii cujusdam Genevensis nomine du Four, uxor, mense Aprili MDC LXXII. ἐντεροπερισολῇ βεβονοκήλην inveteratam insequente, obiit, quia eam & medico, & marito reticuit.*

*Domini Boulanger, Strenuissimi ducis Neocomensis p. m. Secretarius affectu simili est mortuus, anno MDC LXIII. quem medico abnegaverat, referente Clarissimo atque Doctissimo Viro Domino Theophilo Boneto, Genevensium medicorum celeberrimo.* Annotetur hic velim, ut medici quoad ad febres singultuosas debellandas, vomitus biliosos sistendos, infringendos, alvi constipationes solvendas, abdomen, si unquam, tunc tangant, quo causam detegant, sin minus manifestam eam deprehendant, aut ipsi ægri se herniosos dicant.

#### §. XIV.

Ἐντεροπερισολῇ tandem potius obnoxii alvum qui habent siccam, quam humidam, quia excrementa facilius indurantur, seniores quam juniores, quia sicciores, viri quam mulieres, quia illis labores graviores suscipiendi, cæteræque injuriæ externæ sæpius subeundæ, tempore potius hyberno, quam æstivo; quia frigidum & humidum. Malo quin & huic periculosissimo sese exponunt, qui herniosi perizomatium assuetorum usum intermittunt. *Parisiensis quidam nomine Dominus Pernet ὀσχεοκήλη laborans, qua*  
jam



jam semel ἐντεροπεριστολῆς sectionem dolorificam & periculosam sustinuit, fascia neglecta & ob avaritiam usu trita, in eandem recidit, operationem admisit, ita, ut eum secunda vice Dominus Bienaisius à mortis imminētis faucibus, sanitatem pristinam restituendo, eripuerit. Herniosi ejus exemplo sapiant, & perizoniis iisque veris, non spuris, cincti diligenter incedant.

X V.

Causis differentiarum perpensis, ad signa Διαγνωστικά transeo, quorum classes quatuor constituo: παθογνωμονικά, συνεδρεύοντα, ἀναμνηστικά & distinctiva.

X V I.

Παθογνωμονικά, quæ signa propria & inseparabilia, sunt tumores, dolores, motus peristaltici eversionses, alvi constipationes.

X V I I.

Tumores, qui cum ἐντεροπεριστολῇ incipiunt & desinunt, modo majores, modo minores sunt, mox extrinsecus patent, mox intrinsecus latent, unde illos nunc visu elevatos, nunc tactu duos, dignoscas. Hæc qui cum subsequētibz signis observabit, ἐντεροπεριστολὴν neque pro ilio, ab excrementorum simplici retentione alvique constipatione orto, neque pro bubone venereo, tumoreve inflammatorio cum barbitonforibus, neque pro matrice relaxata cum obstetricibus, accusabit; & consequenter ægros neque balneis solis & enematibus, neque sectionibus abdominis inutilibus, neque emplastris vigoniatis & mercurialibus, neque venæ sectionibus, neque matricem relaxatam restringentibus & reponentibus, neque vomitoriis bilem evacuantibus, neque rosarum confervis ventriculum roborantibus, pertractabit.

Dolores ob inflammationem, tumorem, adeoque & alterationem, & continui solutionem, sunt tensivi, fixi, v. g. in inguine circa ἀπορεύωσιν musculi obliqui descendētis externi. Ubi dolor, ibi morbus.

Motus intestinorum περισταλτικός (qui omnium optime in felibus ob tunicas intestinorum crassiores & quasi corneas, hincque spirituum dissipationes tardiores & longas, cernitur) evertitur, fibris illorum orbicularibus & transversis, non κατὰ φύσιν & à superioribus versus inferiora, sed πὰρὰ φύσιν & ab inferioribus versus superiora retractis, quam etiam contenta ad ventriculum protruduntur, & evomuntur. Contrahuntur irritatæ, idque partibus etiam infra compressionem in consensum aliquando tractis, unde enemata per anum injecta, per os ejecta vidimus; observando

vando circuli carnosii termino illi concessi, nomine valvulæ venientis, excrementa in intestina crassa deponentis, regurgitationemve eorum impediens, ruptionem atque dilacerationem subsequi, imo eam excretionem alvi liquidam consequi, id quod non semel de croco metallorum in aliis morbis per inferiora immisso, & per superiora emisso; notavi.

Alvus constipatur, quia intestinis compressis transitus excrementorum denegatur, mox magis, mox minus, quamobrem nunc vix specilli extremum recipit, & nil quicquam excernit, nunc vero digitum quasi admittit, & assumptorum liquidorum aliquid dejicit. In principio excrementa quædam infra intestinorum partes compressas detenta, à facultate expultrice vel per se, vel arte irritata, solvuntur.

## X V I I I.

Συνεπρεύοντα, quæ signa communia & separabilia, sunt febris, nausea, ructus, singultus, vomitus, spirandi difficultas, præcordiorum angustia, lipothymia, cordis tremor, virium languor, extremorum frigiditas, vigilæ, inquietudines, delirium, convulsiones.

## X I X.

Febris ex inflammatione intestinorum præprimis tenuium ob multitudinem vasorum; calor enim ibi generatus partibus adjacentibus & cordi communicatus, atque hinc in corpus totum per arterias distributus, massam sanguineam accendit, inflammat, & febrim excitat.

Nausea, ructus, singultus, vomitus, accidunt per συμπαθήσαν seu membranarum communionem ex vehementia doloris & inflammationis, vel ab humoribus tam quantitate & copia molestis, quam qualitate & acrimonia inimicis, ventriculum magis vel minus evertentibus, vellicantibus.

Vomitu revertuntur assumpta tum alimenta, tum medicamenta, contenta biliosa, pituitosa, imo ipsa excrementa in κορημετία, quæ celerior aut tardior, longior aut brevior, secundum variam ægrorum dispositionem & remedium administrationem. Intestinis tenuibus affectis vomitus est vehemens, assiduus, (quo chyli partes tenuiores à crassioribus non separantur, multo minus per ductus lacteos distribuuntur, aut ad intestina crassa deponantur, sed una evomuntur & excrementum improprie dicuntur) cito superveniens, ventris doloribus magis ad superiora vergentibus. Intestinis vero crassis affectis, vomitus non ita est violentus, nec continuus, (quo primum chylus à fæcibus segregatus, sed ob inflammationem ad loca destinata non delatus, dein ipsa excrementa ex receptaculis propriis, in quibus jam contenta, rejiciuntur & proprie talia statuuntur) tardius succedens, abdominis torminibus cum lumborum gravitate ad hypochondria inclinantibus.

Spiran-



Spirandi difficultas à sanguinis inflammatione, rarefactione, & vasorum pulmonalium distensione.

Præcordiorum angustia, lipothymia, cordis tremor, à fumis putridis, vaporibus male olentibus, cum sanguine, & spiritibus cor petentibus, nec non à doloribus vehementibus spiritus resolventibus.

Virium languor, à spirituum, ob inflammationis & febris intensiorem, vomendi conatum inanem, vel vomitum enormem & excedentem, diffipatione. Extremorum frigiditas propter sanguinis cum spiritibus à circumferentia ad centrum, revocationem. Vigilæ, inquietudines, à dolore atroci somnum impediens, cujus causa naturali absente, coctione videlicet deficiente, exhalationes febriles excitat, spiritus animales inflamat, & inquietudines varias creat.

Delirium, à meningum propter sanguinis fervorem inflammatione.

Convulsiones per stomachici, sexti paris nervi, consensum.

## XX.

*Αναμνησικά*, quæ signa præteritum corporis statum in memoriam revocant, sunt, ubi ægri hernia laborarunt, aut se aliquid in umbilicum, abdomen, inguem, aut scrotum prolabi audivisse affirmarunt.

## XXI.

Distinctiva, quæ signa intestinorum compressionem v. g. à testiculis in inguine adhuc ob calorem debilem latentibus, distinguunt, sunt, quod dolor in testium retractione absit, in intestinorum vero incarceratione adsit, imo testiculus ea scroti in parte, qua intestinum stringitur, deficit. Cætera brevitatis ergo prudentiæ cujusvis relinquo, quæ ex allatis peto.

## XXII.

Signis *διαγνωστικαῖς* consideratis ad *προγνωστικά* me confero, quæ in generalia & particularia dirimo. In genere *έντεροπεριστολήν* omnem periculofam duco, in qua ægri aut salutaria refugiunt, aut saltem tempestive præscripta negligunt; in specie vero à parte affecta, morbi specie, causa, & accidentibus *πρόγνωσιν* deduco.

## XXIII.

Ratione partis affectæ, *έντεροπεριστολή* intestinorum superiorum periculosior est quam inferiorum, tum ob *συμπάθειαν* cum ventriculo faciliorem, unde vomitus qui semper malus, supervenit citius, tum ob chyli dispensationem impeditam, & fæcum alvinarum ab illo separationem in-

terruptam. Accedit, quod intestinis in locum suum reductis, tutius inferiora inflammata injectis, quam superiora accensa assumptis, corrigantur. Superiorum tam illi quam duodeni & jejuni, tam ob substantiæ habitudinem, quam vasorum copiam, unde inflammatio intensior, alteratio, gangrænosis, syderatio citior, frequentior. Inferiorum coli quam cæci propter ligamentorum variorum relaxationem, vel ruptionem, fæcum alvinarum excretionem depravantem.

Ratione speciei, difficilior est composita simplici, omentum enim adiposum, ac lubricum procidens, ab ambiente refrigeratum & incrassatum, intestinorum reductionem molestiorem efficit, id quod *Leonhardus Drovinus Thes. V. citatus*, me edocuit, cui omentum prolapsum ab aëre induratum & condensatum, intestinorum repositionem tam difficilem reddidit; ut ἀπονεύρωσις obliqui externi quater dilatanda fuerit. Operosior est cum συμφύσει partium vicinarum adjacentium, nec non copia aquarum, quam sine his. Infestior gravis levi, & quidem quæ levi succedit brevi, ob vires collapsas, partesque debilitatas: completa incompleta, quia calor, dolor, rubor, inflammatio, cæteraque accidentia intensiora. Molestior quæ fit sine solutione continui integumentorum communium, & propriorum, quam vero quæ accidit cum solutione continui eorum, cujus funesta quæ contingit in medio non in latere, funestior quæ partes ignobiliores, omentum, mesenterium lædit, funestissima, quæ partes nobiliores, ventriculum, hepar, lienem offendit.

Ratione causarum, laboriosior est quæ evenit à peritonæo comprimente rupto, quam relaxato, quia major constrictio, calamitosior ab inflammatione, quam à fæcibus & flatubus, metu alterationis.

Ratione accidentium & *Primo*, à quantitate gravior minor mediocri & hæc majori, retruduntur enim difficiliter ob foramen minus. *Secundo*, à figura inæqualis æquali, rotunda oblonga, tum ratione compositionis, tum ratione reductionis. *Tertio*, à qualitate, malæ sunt ad tactum frigidæ, quia intestinorum non tam νέκρωσις quam νέκρωσις denotant, peiores molliores duris, quia eorundem τόνον si non abolitum, saltem diminutum indicant. Sic *Dominus de la Sale Chirurgus Lugdunensium* peritus intestina papyri madidæ instar mollia, in quodam milite *Helvetio, Rhodani* portam custodiente, reperit, quæ etiam mors subsequuta fuit; pessime omnium versicolores, lividæ, nigræ, quæ intestinorum alterationem gangrænosin & sphacelum, qui ut plurimum, non semper θανάσιμες demonstrent; in ἐντεροκήλη enim, in qua intestinum in scroto incarcerationum remediis nullis in locum suum reponi potuit, retentio fæcum alvinarum consequuta fuit, qua feces non per os, ut vulgo, sed aperto ob alterationem cum scroto intestino, per illud ejecit, imo fistula sanata per vias ordinarias dejecit. *Gouvillard. in Celotom. obs. 19.* *Quarto*, à loco periculosa umbilici ob chordam in sectione evitandam, minus periculosa abdominis, periculosior inguinis, ubi intestina compressa profunde, redu-

cun-



cuntur difficile, ἀπονευρώσειν accedente. Imo in mulieribus est difficilior quam in viris, cum iis ossa pubis sint elevata, & intestina profundius, & prope femur in parte cava compressa, quo instrumentis difficulter pervenimus. Periculosissima tandem est scroti, tam ratione profunditatis, quam dilatationis. *Quinto*, à tempore funestior inveterata recenti, ob caloris nativi diminutionem, depravationem, extinctionem, corruptionem, ægris diu morantibus, ut plurimum imputandam. *Sexto*, à motu molestiores sunt, quæ fiunt ἀθρόως, quam vero ἀκροθιγῶς, quoniam hæruptionem, illæ relaxationem præsupponunt.

XXIV.

Urina fætida putredinis, nigra extincti caloris est index. Si excrementa evomantur, malum, imo ubi operatione peracta fætida, livida, nigra dejiciantur, exitiale. Delirium tandem, cordis tremor, pulsus languidus, sudor frigidus, omnia funesta, idque eo magis cum morbus per se magnus juvenem temperamento sanguineum, habitu quadrato donatum ætate prehenderit, ratione inflammationis & caloris nativi suffocationis. Quamvis & in senibus tempore hyberno morbus calore jam diminuto, sit periculofus.

XXV.

Α θεωρία nunc ad πράξιν me accingo, & in præsidia ad salutem ægri necessaria per indicationes inquirō. Hæ, sunt intestina compressa solvere, soluta reducere, reducta continere; illa, diæta, pharmaca, chirurgia.

XXVI.

Diætam quod attinet, ær, cujus mutatione affectum hunc gravem ægroti sæpius incurrunt, qualitatibus suis temperetur, inedia, (viribus perpenſis) aut victus tenuis & leniens, succi-boni, coctionis facilis (*juscula carniū tenuia*, & *ova sorbilia*) imperetur, quo excrementa aut nulla, aut paucissima generentur, & intestina non multum graventur. Non igitur calidus, sed temperie moderatus, non solidus, sed consistentia liquidus concedatur, & à vino etiam in decrepitis (robore considerato) abſtineatur. Vigilæ immodicæ corpus calefaciunt, exſiccant, spiritus dissipant; somni vero refrigerant, humectant, vires reſtaurant, quare quidam pervigiles præſidia convenientia abnuentes, hypnoticis ad ſomnum cogunt, e quo excitati in lecto quieti se teneant, excrementa reſidua arte excernant, & patientes vivant.

Pharmaca quod spectat, *Φλεβολομία* ob inflammationem præsentem, ante, & post operationem ad evacuationem, diminutionem, refrigerationem, derivationemve e brachio dextro, vel affecti lateris, instituatur. Cathartica ante operationem per os nulla assumantur, quia illis humores e venis ad intestina trahuntur, ad partem affectam ducuntur, non educuntur, intestinorum enim commeatu non libero, sed interrupto, exitum nullum invenientes ad stomachum rapiuntur, cum fæore, ægrorum clamore, imo sæpius cum morte evomuntur. Purgantia etiam post intestinorum solutionem eorundemque reductionem metu symptomatum gravissimorum & recidivarum molestissimarum, caute & prudenter propinanda. In catharticatorum igitur generalium ex parte nocivorum, ex parte vero suspectorum locum, particularia, quæ enemata, substituo; quorum usus ante & post operationem non solum tutus, sed præsentissimus, & virtutis maximæ. Ante operationem, feces alvinas, obstruentes, calefacientes, exsiccantes, educunt, deobstruunt, refrigerant, humectant, inflammationem diminuunt, deplent non replent, & sic tumores tam ab intestinis superioribus strictis, quam ab inferioribus irretitis obortos, non augent. Enema primum injectum, ubi non rejiciatur, secundum, imo tertium immittatur, quo facultas sopita (oleis non obtundenda) à quantitate vel qualitate ad expellendum irritetur. Quantitate alia sunt parva, quæ priora, alia magna, quæ posteriora. Qualitate alia alterant, quæ vel refrigerant, & inflammationes tollunt, ex *hord. integr. fursur. macr. fol. cicchor. endiv. acetos. lactuc. portulac. semperviv. Sem. 4. F. M. flor. violar. nymph. Mell. violat. nenupharin. cum aq. commun. vel oxycrat.*; vel emolliunt, & feces induratas attenuant, ex *malv. alth. violar. parietar. mercurial. bet. branc. ursin. sem. lin. fenugr. flor. chamom. melilot. ficub. mell. mercurial. cum jur. pull. vel. decoct. intestinor. & capit. vervecin.*; vel discutunt & flatus dissipant ex *menth. calamenth. majoran. origan. puleg. anet. sem. anis. fenicul. cumin. carv. lin. fenugr. flor. sambuc. chamom. melilot. mell. antho. fat. cum vin. vel commun. alb. potius quam rubr. vel malvat.*; alia purgant, quæ vel leviora, ex *medull. cass. recens. extract. & traject. lenitiv. optim.*, vel fortiora, ex *diaphenic. benedict. laxativ. quæ sale communi sal. gem. crist. mineral. hier. picr. Galen.* sunt acuenda. Quantum talia enemata prosint, f.dem facit *Ballon. Ephemerid. l. 2. p. 263.* ubi in hæc erumpit verba. *Claudius à Cruce* ramicosus, vomit assiduo. Intestinum reponi nequit fotu, litu. Demum contulisse visus est clyster ex *vin. malvatico cum hiera.* Tandem contra spem repositum. Eodem remedio & in alio intestinum extra abdomen compressum, repositum fuisse, attestatur *Guilhelm. de Baillon, Medicus Parisinus in suis obs.* Post operationem, feces si quæ residuæ sunt, expellunt, intestinorum tonum diminutum restituunt, debilitatum corroborant,



rant, ex *farin. frument. flor. rosar. rub. verbasc. mell. rosar. catholic. duplicat. cum rhabarb. sachar. rubr.* Quæ, cum intestina ad quæ pertingunt, sint semimortua, ut plurimum in minori dosi, & sæpius juxta necessitatem sunt injicienda, ex nullis refrigerantibus & humectantibus, nisi cum ægrotorum pernicie, componenda, notando, quod rejecta, & quidem cum excrementis, signum sint salutis, non tamen infallibile & certum, teste adolescente, cui ab onerosa lapidis sublevatione, intestino in ὀσχεοκήλη prolapso & compresso, sectione soluto & reducto, more solito enema immixtum fuit, quo cum excrementis emisso, postridie obiit, *Menſe Aprili M DC LXXII. Parisiis* in nosocomio charitatis, operatore *Domino Moschele*, Chirurgo p. t. ordinario. His succedunt in regionibus nostris suppositoria acria, ex *Sal. commun. Sal. gem. hier. picr. logad. colocynt. troch. alband. cum mell. f. q.*

Sed ad topica, quorum alia morbo, ejusque causæ, inflammationi, stercorei, flatui, destinata, alia vero symptomatibus, tetro sapor, fædo odori, ventris dolori, dicata.

Inflammationi, stercorei, flatui, conveniunt refrigerantia, humectantia, repellentia, emollientia, incidentia, discutientia, resolventia superius recensita, ex quibus secundum medicorum indicationes varias, fiant foci varii, & ex horum residentiis contusis, & per cribrum trajectis, cataplasmata (additis oleis *violar. lilior. rut.*) partibus mox post fomentationes (spiculis suis v. g. *aceto, spiritu vini* donandas) admovenda & singulis trihoriiis renovanda. In specie & pro basi in inflammatione *sempervivum minus vermiculatum insipidum*, vel ejus defectu *sedum majus vulgare*, in stercore indurato, *parietariam officinarum*, & in flatu, *sambucum fructu nigro*, commendando; è contra *frigidam solam*, quia calidum insitum extinguit, unde pars livescit, nigrescit; *spiritum vini simplicem*, quia cito avolat, nimis exsiccat, & ab aliis non irretitus stercoreis partes tenuiores relictis crassioribus resolvit, *adstringentia nuda*, quia stercorea magis impingunt, flatu retinent non resolvunt, refuto.

Balnea, infusus maxime profunt, & ex iisdem, quibus foci, dosi aucta sunt, quorum usus cum pharmacis reliquis ad mortem interdum continuandus, ubi vel ægri & adstantes rogatu ardentissimo sectionem summe necessariam rejiciunt, vel artis periti, qui eam suscipiant, deficiunt; id quod in quadam *Gallorum* urbe accidisse scio, cujus nomen lubens reticeo.

Tetrum odorem & fædum saporem depellunt *vinum, acetum, aliaque grata & odorata*, ore detinenda.

Singultum corrigunt, & ventris dolores leniunt olea *chalaftica*, refrigerantia, adstringentia, *lilior. chamom. violar. nymph. rosar. melin. mastichin.*

## XXVIII.

Chirurgiam quod concernit, illa pharmacis præscriptis præmittendis & a medicis imperandis, in applicatione manuum consistit, quæ, ut sana &

methodica sit, chirurgus ægro situationem morbo accommodatam tribuit, dein intestina compressa in latere dextro manu sinistra, in sinistro dextra, digitis oleo inunctis in abdomen, & quidem partem prolapsam ultimam primam prudenter, leviter, non vi, non impetu, multo minus reiteratione frequenti & diu, irritationis, inflammationis intensioris, alterationis, corruptionis metu retrudit, retrusa medicamentis, & fasciis idoneis mox describendis continet, & curationem reliquam, ut in hernia intestinali simplici explet. Quod si autem manu intestina reponere non possit, ad sectionem ipsam pervenit, quam in tempore, viribus constantibus, non in imbecillis & senibus, intestinis integris, non contaminatis, non in gulosis & intemperantibus, nisi *Celsi edicto*; Satius est anceps, experiri auxilium quam nullum, suscipit, si jam antea quatuor, apparatus, impedimenta, situm, & vincula adverterit.

## X X I X.

Apparatus patinas duas includit, quarum prima continet, *Primo* fascias liquoribus aptis v. g. *Oxycrat. vel vin. rubr. incoct. flor. rosar. rubr.* imbutas diversas; secundum diversitatem locorum & symptomatum. In umbilico & abdomine mantile, scapulari tenendum, in inguine & scroto spica, acubus detinenda, & ægris inquietis capellina formidine recidivæ, quæ, ut cæteræ, laxior vel strictior inservit. *Secundo*, splenia, *eidem liquori*, cui fasciæ intingenda, quæ in umbilico & abdomine figura ovalia, vel quadrata, in inguine & scroto triangularia, numero tria, modo tenuiora & simpliciora, modo crassiora & magis composita, quorum posteriora prioribus majora, succedente quarto eoque sicco, quo abdomen totum *oxyrrhodino ex oleis chalaisticis, refrigerantibus, & astringentibus Thes. XXVII.* enarratis, inunctum, obtegendum. *Tertio* Cerata figura spleniis similia, astringentia, repellentia, *ex emplastris oleis liquandis, & pulveribus consolidantibus addendis* conficienda, & linteolo simplici ac sicco, futuram cooperiente, admovenda. *Quarto* plumaceola, quæ ex carpamentis seu panno linteo usu trito & decerpto composita, figura varia, *medicamentis convenientibus donanda*. *Quinto* turundas, quæ vel spurix ex panno linteo leviter & inæqualiter circumvolutæ, ad sanguinem, ob vulnus recens inflictum, exsiccandum, detergendum, vel veræ, ex linteo fortiter & æqualiter cum emplastro aliquo contortæ, ad foramen à futura relictum obturandum & pus evacuandum. Priorum ad manus sint plures, posteriorum duæ vel tres, magnitudinis propter incertitudinem foraminis diversæ, quæ filo alligandæ, & digestivo *ex ovor. vitell. cum, vel sine albuminib. vel digestiv. commun ex terebinth. lot. in aq. rosar. ol. rosar. & vitell. ovor. vel ex ejus aquis partibus cum suppurativ. commun. addit. croc. vel aliis* pro re nata, illinendæ.

Secunda comprehendet instrumenta, & *Primo* scalpella & fyingotomos rectos, ac incurvos ad integumenta incidenda, & peritonæum cum partibus comprimentibus aliis dilatandum. *Secundo* forfices rectos & incurvos ad vela-



velamenta eadem amplianda. *Tertio* hamulos, vel uncus ad intestinā, membranas ea obtegentes dilacerando, denudanda. *Quarto* stylos excavatos ad peritonæum in umbilico & abdomine solvendum, & ἀπονεύρωσιν musculi descendens obliqui externi cum syringotomo dividendam. Interea hamulos, uncus, stylos excavatos non in usum duco, sed unguibus membranas dilacerō, & syringotomo incurvo tam peritonæum, quam ἀπονεύρωσιν supra digitum incido. *Quinto* acus incurvas funiculo ex serico instructas tres, primam ad omentum refrigeratum ligandum, secundam & tertiam ad γαστροφασίαν celebrandam. Linthea insuper & carpamenta ex his decerpta non delint, quæ cum cæteris ante operationem probe disposita, moram ullam in operatione injiciant, ac ægros languere faciant.

X X X.

Impedimenta sunt pili, in inguine & scroto ante operationem abradendi.

X X X I.

Situs juxta partem affectam & locum est varius; duodeno extra umbilicum aut abdomen strangulato, caput elevatur, & pedes deprimuntur, Ileo in inguine & Scroto incarcerato, pedes in altum attolluntur, & caput declive tenetur, vel in lecto, ubi incidendum, vel prope eum, ubi intestinum cum difficultate reponendum, ita, ut ægrotus caput supra integumenta & pulvinaria haud procul a lecto disposita, deorsum, terram versus, teneat, & crura, sursum, lectum versus, vergat, Chirurgo abdomen ob intestina contenta in locum primo disponenda commovente, & prolapsa mox secundum artem reponente. Situs post operationem idem, sed in lecto per horas 24. ad minimum tenendus, facculis, intestinīs manu reductis, repellentibus, astringentibus, consolidantibus *ex fol. herniar. perfoliat. veronic. plantag. burs. pastor. flor. rosar. verbasc. violar. Vino nigro* incoctis, & ovi albumine, in quo *alumen rupeum* dissolutum, imbutis, admovendis, fasciis retinendis; quibus sublatis, ut herniosi perizomatibus veris sunt sublevandi.

X X X I I.

Vincula, quibus ægro in lecto supra asserem integumentis impositis decumbenti, brachia & crura alligentur, maxime necessaria, ne in operatione se commoveat, quia motus operatorem interturbat.

X X X I I I.

Annotatis hisce ante operationem annotandis Chirurgus ad operationem ipsam se accingit, quam, intestina compressa solvendo, soluta reducendo, reduc-

reducta continendo, perficit. Solvuntur unita dividendo, & divisa dilatando, reducuntur prolapsa impellendo, continentur disjuncta reuniendo.

## XXXIV.

Dividuntur integumenta tam communia, quam propria unita, linea prius supra compressionem ducta & transversali, secundum quam minister integumenta duobus digitis utrinque adducta elevat, & recta, vel obliqua, juxta quas operator, scalpello vel syringotomo incisionem ad longitudinem digitorum duorum transversorum latitudinem, plus vel minus, diversimode celebrat. In umbilico in latere dextro, vel sinistro, secundum lineam rectam, in abdomine à latere lineæ albæ, nervosæ, & secundum lineam perpendicularem, in inguine & scroto secundum lineam obliquam, & in specie, in inguine abdomen non scrotum versus, & in scroto inguina non ejus fundum metrum.

Dilatatur dein cutis cum musculis subjectis forcipibus, idque ut plurimum in umbilico & abdomine rectis, in inguine vero & scroto incurvis secundum easdem lineas ad spatium longius, id quod compressionis magnitudine terminatur. Ampliatur peritonæum in umbilico & abdomine, viscera nobiliora, ut hepar, & lienem cum linea candida, & dolorosa effugiendo, syringotomo communi supra cannulam argenteam crassitie pennæ anserinæ, una sui parte rotundam & gibbam, alterâ vero cavam; prævalet tamen dilatare supra digitum syringotomo incurvo lente in extremitate instructo, & dorso latiore ac obtusiore donato, interiora & intestina versus vertendo, qua via etiam in inguine & scroto incedendum, ubi processu peritonæi vaginali necessario non instrumentis, sed unguibus dilacerando, ne aquæ cum intestinis in capacitatem retrudantur, quæ ibi sæpius reperiuntur, & vagina nondum aperta, intestinove denudato, haud dignoscuntur, ἀπονεύρωσις amplificanda tantum, quantum libero intestinorum regressui debetur. Digitus manus dextræ vel sinistræ index inter intestina & peritonæum, vel inter intestina, peritonæi processum longum & ἀπονεύρωσιν obliqui externi fortem ac validam immittatur, quæ ab intestino in altum elevata manu vel dextra vel sinistra incidatur, & sic intestinum compressum solvatur. Intestina extra capacitatem ab inflicto vulnere incarcerata & flatibus distenta, acubus nec aperte, nec occulte ob continui solutionem, dolorem, inflammationem & mortem perforanda, nec fotibus carminantibus propter ambientis injurias insistendum, sed sine mora dilatandum.

## XXXV.

Impelluntur intestina prolapsa tam ad fæces alvinas incuneatas separandas, & flatus impactos dividendos parum protracta, quam ob livorem præsentem spiritu vini abluta, manibus, advertendo, ne intra ἀπονεύρωσιν mus-



musculi obliqui externi & annulum obliqui interni, vel intra hunc & foramen musculi transversi remaneant, sicque denuo compressa mortem ægris inferant.

## XXXVI.

Reuniuntur disjuncta, quæ partes continentes communes, & propriæ γαστροφαΐα, à futuris cæteris aliena, quia in parte vulneris superiore incipit, divisa pauxillum stringit, cum acubus duabus fit, & in cannulæ argentæ locum digitus subit, quam Chirurgus varie instituit. Vulneris labiis vino rubro vel alio liquore tepide pro re nata elutis & deterfis, in umbilico & ventre digitum in parte superiore immittit supra quem intestinis depreffis, acum filo cereo instructam intrinsecus dirigit, quam integumentis communibus & propriis simul, & æqualiter perforatis in loco atramento notato extrinsecus retrahit, & mox in latere opposito simili modo procedit, filum ad ligandum sufficienter relictum abscindit, & sic idem spatio digiti transversus semper interposito, ad vulneris usque finem efficit, ubi ejus labiis strictis foramen in parte inferiore ad turundam immittendam & materiam purulentam exinaniendam relinquit, tandemque apparatus, ut artis est, apponit, & curam absolvit. In inguine & scroto methodum eandem observat, nisi quod canalem angustum reddere sufficiat, ne intestina amplius transmittat, & vasis spermaticis præparantibus egressum, ejaculantibus vero regressum liberum permittat. In partibus iisdem posterioribus alii futuram nullam administrant, sed intestinis à compressione solutis reductis, vulnus ut simplex persanant, at cicatricibus recidivas non evitant, quare oportet sanati perizomatibus tanquam herniosi incedant. Bubone venereo superveniente Βουβοκοήλη, illa à cicatrice fortiore relictæ, sine recidiva curata fuit, teste Guilhelmo de Baillou, Medico Parisino in suis observ. Sed rariora non sunt artis, præprimis, quia γαστροφαΐαν æque in inguine & scroto, ac in abdomine & umbilico cum ægrorum salute celebramus, qua malum sine ἐπιστοφῇ eradicamus, non vero palliamus. Alii castrant, quos ὀρχολόμυς ad Indos relegamus. Alii testiculos una cum intestinis & vasis in abdomen, processu peritonæi ligato, retrudunt, quam methodum non rejicimus, & tam in intestinorum compressionibus quam in herniis simplicibus admittimus.

## XXXVII.

Verum de morbo ad accidentia, quorum alia in operatione sese offerunt, alia paulo postea succedunt. Prioris generis sunt aquæ, σύμφοσις, omentum, intestinorum vulnera, gangræna: Posterioris vero singultus cum & sine febre, vomitus, diarrhæa chylōsa, dejectiones alvi fatidæ, urinæ nigrae & lividæ, gangræna.

## XXXVIII.

Aquæ, quæ intra peritonæum premens & intestina compressa cum impetu subinde in operatoris faciem profilientes reperiuntur, è vasis glandularum mesenterii & omenti conglobatarum conglomeratarumve serosis, tunicis fragilibus disruptis, partim effunduntur, partim ex arteriis, & venis intestinorum, partium recensitarum, & adjacentium aliarum membranis fortibus integris per διαπήδησιν, in inguine & scroto compressionis vehementia, & magnitudine ob intestinorum pondera & partium loca decliviora maxime colliguntur, quæ jam absunt, jam adsunt, modo plures, in junioribus, temperamento sanguineis, habitu pinguibus, ευσάρκοις, ob partium humiditatem, & in mulieribus propter complicationem omenti longioris frequentiore, modo pauciores, in senioribus, exsanguibus, corpore macilentis, ἀπιμέλοις propter partium exsiccationem, & in viris ob compositionem epiploï brevioris rariorem, nunc limpidæ à solis venis lymphaticis profusæ, nunc coloratæ à vasis cæteris effluxæ, vel rubræ à sanguinis commixtione, subflavæ, lividæ, nigræ, à partium affectarum, aliarumque vicinarum alteratione, corruptione, mortificatione, quæ tamen essentia cunctæ eadem, curam nullam requirunt.

## XXXIX.

Omentum cum intestinis compressum etiam leviter refrigeratum, alteratum, corruptum ad latitudinem digiti transversi protrahatur, & ut sequitur, tollatur. Chirurgus in parte superiore sana ne in consensum trahatur ab ægrota, funiculum ex serico acu incurva per omenti medium trajicit, cujus extremitatibus ad anteriora ductis nodo duplici stringit, & ad posteriora reductis similiter constringit, tandemque omentum totum nodulo duplo ligat, id quod etiam in parte inferiore, ad majorem securitatem propter relaxationem & hæmorrhagiam hinc consequentem lethalem præstat, epiploon infra ligaturam secundam, non vero intra utramque abscindit, & filum donec sponte sua decidat, relinquit.

## XL.

Συμφοσις intestinorum constrictorum fit vel cum peritonæo, vel cum testiculis, aut illorum membranis, quæ folio myrtino, sive instrumento ad id fabricato alio solvitur, ut in adolescente, cujus memini *Thef. XXVII.*

## XLI.

Vulnera intestinorum incarceratorum sunt rara à causa externa tam fortuita, seu ictu gladii, quam necessaria seu incisione sinistra; quæ recta, obliqua,



qua, transversa futura pellionum reunienda, non sola inedia curanda, & nescio cui naturæ balsamo committenda.

## XLII.

Gangræna intestinorum strangulatorum, alia est levis, seu tunicæ externæ & communis, à peritonæo communicatæ, alia gravis seu tunicarum omnium tam propriarum, quam communium, quæ sphacelus. Prior intestinis spiritu vini ablutis, & in abdomen retrusis sanabilis, id quod notavi primum cum *Domino Juillet in Susanna Bryere* ex coetu *Parisiensium Route* ad finem *Octobris* anno *M DC LXIX*. Posterior est immedicabilis, ut videre licet ex historia allegata, *Thes. XXIII*.

## XLIII.

Intestina manibus reposita nonnunquam in operatione recidunt, quando ægri inquieti sunt, quæ rursus impellenda, & digitis immissis, donec γαστροπαραφύλα celebrata, vel turunda indita fuerit, retinenda. Intestinum recidens tale varie coloratum cernitur, secundum enim partem supra compressionem est rubrum ob inflammationem, juxta partem infra compressionem subalbidum propter spirituum diminutionem, & in parte compressa lividum à caloris nativi diminutione, & veluti extinctione.

## XLIV.

Singultus cum post operationem continuat, sive eidem succedat, intestinorum ab incarceratione liberatorum inflammationem præsupponit, inde fit; quod tanto peior, quanto intensior, cum febris, quam sine febris. Intestina non sola incenduntur, sed & ventriculus ipse ad usque orificium supremum seu stomachum inflammatur, quod præter extinctorum cadavera, nos docent animalia; Canibus enim parte intestini recti superiore ligata, incisione in regione hypogastrica prius facta, illi valvula ob excrementorum regurgitationem dilaceratur, intestina inflammantur, & ventriculus ad orificium usque sinistrum incenditur; verbo, partes supra compressionem rubescunt, infra albescunt, & in compressionem ipsa livescunt.

## XLV.

Vomitus cum singultu causam eandem agnoscit, modo intestina intra musculorum annulos nec relictâ, nec è latere opposito constricta fuerint, id quod ex signis diagnosticis superius allatis innotescit.

## X L V I.

Diarrhæa chylofa ab inflammatione etiam intestinorum tenuium oritur, propter quam orificiis vasorum lacteorum, ductibus obliquis in intestina sese inferentium, & Chyli partem tenuiorem recipientium, offuscatis, Chylus non exugitur, nec ad loca destinata distribuitur, unde eo in intestinis collecto alvus intumescit, & fluere incipit. Cui cum vomitu & singultu eadem quæ εἰλεώσει debentur præsidia.

## X L V I I.

Dejectiones alvi fætidæ corruptionem, ac gangrænosin lethalem indicant, & excrementa quam diu non figurata inflammationem demonstrant.

## X L V I I I.

Urinæ nigræ & lividæ, alterationem funestam præsupponunt.

## X L I X.

Gangræna tandem integumentorum tam communium quam propriorum, ab humorum ad ea affluentium copia oboritur, qua spiritu vitali & calore à corde influente denegato, insitus extinguitur & pars corrumpitur; ubi à spiritibus acris & causticis, dolorosis & funestis. v. g. *Sulphur. vitriol. Sal commun.* ubique & præprimis in inguine, & scroto, metu erosionis vasorum spermaticorum, nec non ab aquis phagadenicis, quarum veneno per arterias cordi communicato πῦαλισμός procuratur, abstinetur, & remediis pro gangrænosi vulgatis hic reticendis, insistatur.

Hæc gangræna ἐντεροπερισολῇ in scroto sæpius succedit, ubi testiculi præ tumore nimio scrotum in parte sana extendunt, extensum disrumpunt, natura scrotum novum in corrupti locum labiis relictis cooperiendum restituyente. Labia autem illa futura cum divisione & sanguinolenta, non sine solutione continui & sicca, quæ fit cum ligulis aut fibulis, iisque vel masculis vel femellis cæteris præferendis, reunienda.

## L.

Symptomata enarrata cuncta plura vel pauciora adsunt, raro absunt, ut in *Stephana Parcelas Parisiensi*, è via citharæ ad insigne Bovis, vetula 72. annos nata, ἐντεροπερισολῇ inguinali sinistra afflicta, cujus operatio à *Dominico Bienaisio* cum salute sine ullo accidente subsequente suscepta, & ægra sanata fuit, die 5. *Septembris anno M DC LXXII.* Sed hæc sufficiant.

P A R A-



PARADOXA  
CHIRURGICO-MEDICA,

Ad

Chartas adimplendas apposita, usu & experientia annotata; rationibus alibi illustranda, confirmanda.

- I. Παράλυσιν ab incisione nervosarum musculorum partium sano.
- II. Μονοπληγίαν à lue venerea πηλαλισμῶ· incassum procurato extremum remedium trepanum propono.
- III. Μυδρίασιν ab uvea continua solutione empiricis sanandam relinquo, eam enim cum Dogmaticis immedicabilem assero.
- IV. Κραπεδίονα non ut inflammationem simplicem curo, sed ferro mox incido.
- V. Ἐμπυηματικῶν thoracem in medio, cauterio potentiali prius applicato, syringotomo non phlebotomo aperio, musculorumve intercostalium rectitudinem fibrarum non observo.
- VI. Ἀποσήματα mesenterii maxima extra ventrem inum pendula, nullisque aliis remediis cedentia, sectione seu punctione curo.
- VII. Παρακέντησιν tamen hydropicorum non solum non in abdominis linea candida, sed nunquam administro.
- VIII. Νεφροτομίαν renis alterius cum agri salute celebroy.
- IX. Βρογχοκήλην mediocrem, atque minorem mobilem & superficiariam, cum tumoribus ejusdem indolis musculis sterno-mastoideis insidentibus, ferro atque igne tangendam jubeo.
- X. Ποροκήλην manualet operam omnem denego.
- XI. Ἀνευρυσμάτων extremitatum curam non in membrorum extirpationibus, seu arteriarum constrictionibus & ligaturis, sed causticorum potentialium applicationibus, arteriarumve inustionibus consistentem, anatomico duntaxat consummato, non barbitonfori levi credendam censeo.
- XII. Ἐξόσωσιν circumscriptam benignam, vel malignam, trepanum prae-mittendo, cauterio actuali tollo.
- XIII. Παιδαρθροκακίαν à spina ventosa rarissima, curatuque difficillima, differre pono.
- XIV. Τραύματα duplicata ac triplicata omnium periculosissima, stylorum exploratoriorum usum inevitabilem demonstrare approbo.
- XV. Τραύμασι articulorum unguenta, pinguia & oleosa non applico, turundarumve usum improbo.
- XVI. Ἀγύλοπα cum teredine inveterata & praesertim à variolis vel morbillis

relicta aliis sanandam relinquo, & in recenti officulum unguis sine noxa in narium cavitatem intrudo.

XVII. Ε'λκεα musculorum tibiam extendentium flectentiumve sinuosa, curatu omnium molestissima confirmo.

XVIII. Ε'λκείων serpentium ac depascentium curam in deligaturam frequentem rejicio.

XIX. Τερηδόνα ossium coronalium prope supercilia, & maxilla superioris ad dentes molares, chirurgorum opprobrium declaro.

XX. Συρίγγα seu ani fistulam incipientem confirmata difficilius secari non ambigo.

XXI. Καταγμάτων complicatorum aliorumve, deligationes in certum tempus non differo, & fascias fenestratas cum arborum corticibus periculosas pronuntio.

XXII. Ε'ξάρθρωμα femoris cum ischio citra motus depravationem non repono.

XXIII. Καθαριστικῶν seu medicamentorum excedentium usum, circa articulos ossiumve ἀποφύσεις non admitto.

XXIV. Α'κροτεριασμά, ut & aneurismate celebrato, escaræ caustico inductæ procidentiam pinguibus & oleosis non promoveo, sed naturæ & tempori relinquo.

F I N I S



L X.

DISSERTATIO  
MEDICO-CHIRURGICA,

D E

OSCHEOENTERO

ET BUBONOCÉLE HELVETIÆ

INCOLIS FREQUENTIBUS.

*Quam Palam Tuebatur*

JOH. HENR. FREYTAG,

TIGURINUS.

Argentorati die 6 Maii anno 1721.

LX

DISSERTATIO  
MEDICO-CHIRURGICA

DE

OSCHIEO ENTERO

ET BUBONICIS HELVETICIS

IN CASIS FREQUENTIBUS

JOH. HENR. FLEISCHMANN

JOH. HENR. FLEISCHMANN

ALUMNUS

MDCCCXXXIII



## §. I.

**O**Mnium fere morborum familiarissimus, præsertim in Helvetia, est *Hernia*, *Ramex* sive *Ruptura*, vel etiam juxta *Castellum*, *Crepatura*, Græcis *Κήλη* dicta, quæ vox præcipue significat tumorem tum scro-  
ti, tum inguinum, tum etiam regionis umbilicalis &c. proveniente partim à dilatatione, partim à dilaceratione peritonæi, per quam intestinis porta exeundi panditur. His enim à causis potissimum formatur ille tumor, qui medicorum in scholis *hernia* &c. Germanice vero *Ein Bruch* vocatur.

## §. II.

Differunt autem herniæ tam ratione contenti, quam ratione loci, quippe quorum respectu alio semper nomine etiam veniunt. v. g. si in *regione umbilicali* deprehenditur hernia, *omphalocele*, si in inguinibus sive *bubonibus* *bubonocele*, si autem in scroto, *oscheo-enterocele* audit, quæ singulæ ut plurimum ex intestinis, aqua identidem & omento conjunctis constant. Ratione contenti vero considerata hernia varias quoque species sub se compléctitur. e. g. *Sarcocelen*, *hydrocelen*, *cirsocelen*, *epiplocelen*, *enterocelen*, *pneumatocelen*: non autem animus est de omnibus herniæ generibus loqui, sed saltem de *oscheo enterocele* & *bubonocele*, quoniam frequentius ac aliis in locis apud Helvetiæ ruricolos occurrunt, pauca differere & pro ingenii modulo examinare constitui.

## §. III.

Prius vero, quam de harum herniarum causis verba faciam, necessarium erit dicere, quid proprie hæ herniæ, scrotalis scilicet & inguinalis sint. Est autem ista *oscheocele intumescencia sive repletio scroti ab intestinis potissimum per dilatationem annulorum & extensionem sive dilacerationem duplicaturæ peritonæi unius alteriusve seu quandoque utriusque lateris prolabantibus facta*; hæc vero, nempe *bubonocele* seu *inguinalis* est, quando *intestina in scrotum nondum sunt elapsa, sed tantummodo in inguinibus hærent*; & hæc de causa ab *oscheoenterocele* etiam distinguitur, & vocatur *incompleta*, illa vero *completa*.

## §. IV.

Causas itaque recensitarum herniarum quod attinet, illarum inter præcipuas, lac & fortiores labores violentiamve existere, asserere non dubito. Dum enim istud lac vel ejus ferum, quod incolæ imprimis montium loco

vini vel etiam cerevisiæ nolentes volentes hauriunt, fibras totius corporis, ut fieri solet, relaxat, & illarum vigorem aliquo modo debilitat, insuperque relaxationi labores fortissimi, quibus ruricolæ in agris colendis & conscendendis montibus assueti sunt, accedunt, expandi necessario atque disrumpi peritonæum debet, ut ita intestina prolabantur, unde forsan hanc ipsam etiam ob causam rupturæ Helvetiorum colonis præ cæteris hominibus familiares sunt.

## §. V.

Hernias autem à solo lacte vel solis etiam laboribus provenire, nemo absque fundamento negare poterit. Licet non negem, quod dentur hernia laborantes multi, qui raro vel nullum plane lac assumunt, præsertim ubi accedit dispositio hæreditaria, vitæque sedentaria gaudent; sicuti experientia constat, sæpe infantes in quibusdam familiis, quibus affectus iste est hæreditarius, herniis implicitos in lucem edi, quales etiam apud nostrates permulti utriusque sexus ex integra occurrant familia, qui per dies vitæ artificiosis bracheriis, nisi cultro seu operationi se submittere malunt, uti coguntur. Interim alimenta relaxantia, inter quæ utique etiam lac recensendum venit, corpus maximopere disponere, ut deinde ab aliis causis violentis accedentibus ruptura talis produci queat, extra difficultatem mihi positum esse videtur.

## §. VI.

Herniæ à violentia tanquam altera ex præcipuis, uti diximus, illarum causa subortæ, omnium authorum suffragio à nimium clamando, excessivè tubas aliave instrumenta insufflando, fortius currendo, sustollendo, pondera portando, saltando, tussi, vomitu, partu laborioso & similibus prodeunt, & ut plurimum per dilacerationem hunc in modum fiunt, ut repletio scroti intestinis sæpissimè subitaneâ modo cum modo absque dolore subsequatur. Quando autem contingit, ut talis hernia sensim sensimque major evadat, nec non per aliquod tempus citra dolorem augeatur, colligi potest, probabilius adesse annulorum processuumque peritonæi dilationem, per quam intestina erumpunt. Qua de re etiam Excellentiss. Dn. D. Zwingerus in *Theatro Prax. Med.* P. I. p. 496. ita scribit: *apud feminas tamen & pueros credimus plerumque hernias per laxationem, apud viros autem nunc per laxationem, nunc per veram rupturam contingere*: & harum priores si ab initio statim commoda ligatura ac emplastris adstrictoriis tractantur, curari citra operationem posse; e contra vero, si tumor exinde subortus nimium excreverit, non facile per ista remedia, curationem absque cultro chirurgico admittere, observationes docent.

## §. VII.



## §. VII.

Necessaria autem quam maxime scitu hic est vera hujus morbi cognitio & ab aliis ipsum ferme æquantibus distinctio; utpote sine qua multa ægroto evenire mala possunt. Nam quando confunderetur bubonocèle cum bubonibus, & operationem aliquis bubonum in bubonocèle susciperet, funestum curationis exitum, ob læsionem intestinorum, loco præsumptæ materiæ purulentæ in bubonibus contentæ experiretur. Dignoscitur autem hernia imprimis bubonocèle à bubonibus, cum ægroto signa venerea, gonorrhœaque vel benigna vel virulenta sæpissime & plerumque bubones vel antecedentia vel comitantia non adsunt, & tumor hinc enatus leni digitorum pressioni cedit, atque intestina in abdomen aliquali strepitu recidunt; at, si adest strangulatio intestinorum, quæ sæpius inflammationem seu ruborem cutis, similitudinemque tumoris bubonum præ se fert, difficulter hi morbi à se invicem discernuntur. Quapropter ad clariorem horum distinctionem authores haud raro hoc in casu suadent, ut assumatur laxans quoddam, quo innotescat, num excrementa per alvum excerni queant, quia, cum adest hernia, præprimis incarcerata, vel raro vel nunquam id fieri potest; aut etiam, an æger insigni dolore atque torminibus colicis torqueatur, juxta *Dionem in operationibus chirurg. demonstrat. IV. p. 344.* ubi præter hæc addit: *herniam inguinalem comitari vomitum, & tanta quidem cum vehementia, ut excrementa fatida relictis viis ordinariis per os ejiciantur: & vomitum, quamdiu incarceratio continuat, urgere: porro, subito provenire bubonocelen, bubones autem sensim atque sensim augeri.* Hernia scrotalis signa habet haud absimilia, sed facili negotio propter regionem a bubonibus distinguitur, dummodo ab hydrocele, pneumatocele, sarcocèle aliisque herniarum speciebus rite dignoscatur. Princeps autem oscheoceles signum est, quando intestina per pressionem digitorum è scroto in abdomen redigi, testiculusque comprehendi potest, id quod in cæteris modo recensitis speciebus non contingit. Et si quando tales occurrant, in quibus intestina scroto accreta abdomini ita restitui nequeunt, testiculus tamen adhuc sentiri poterit. In aliis subjectis quantitas aquæ cum delapsu intestinorum junctâ offenditur: in aliis item omentum seu epiploë (quæ hernia chirurgis enteroepiplocele tunc dicitur) intestina comitatur, id quod inde apparet, quando intestina in pristinum quidem locum rediguntur, aliquid tamen omenti vel aquæ in scroto remanet.

## §. VIII.

Hæ autem herniæ & bubonocèle & oscheoenterocèle longum per tempus citra multum molestiæ ferri possunt, interim tamen non omni carent periculo, qui iisdem affliguntur; de improvviso quippe à mala diætâ sive

rebus flatulentis vel fermentescentibus ad expandenda intestina promptis ; vel etiam à nimio excrementorum in intestina ejusmodi herniam formantia prolapsu , vehementer & ita quandoque expanduntur intestina , angusti autem annulli tantopere constringunt eadem , ut excrementa per ordinarias vias excerni nequeant ; & sic in hernias incarceratas mutantur , quæ multis & insignibus symptomatibus atque doloribus obnoxix ; quoniam illas , præcipue quando intestina remediis beneficioque manuum ob eorum strangulationem aut repletionem ab excrementis atque compressionem annulorum in suum redigi locum non possunt , brevi passio iliaca sive miserere mei , inflammatio & hanc tandem gangræna excipit , quæ omnia , imprimis si non à principio statim operatione succurritur , tristem exitum , sæpissime & plerumque mortem ægro causantur.

## §. I X.

Implicitus interim hernia sive completa , sive incompleta , si operationem abhorret , ad damna , lethum crebrius minantia , præcavenda , bracheriis , seu subligaculis uti cogitur , quorum multa nova & utilia citra multum oneris portanda à chirurgis sunt inventa. Maximam vero inter cætera laudem meretur inventum chirurgi augustani *Dn. Reiffi* artificiose elaboratum , quod delineavit *Widemannus in suo Trino perfecto p. 114. fig. III. n. 1.* Alias ligamina accurate sculpta offert *Dionis in operat. chirurg. p. 316. fig. XXI.* Varia item *Heisterus in chirurgia sua p. 619. Tab. XVI.* exhibet. Sed cum singula singulorum authorum recensere hujus loci non sit , ideo peritorum judicio relinquo , quale ex illis sibi eligere velint , modo pro circumstantiarum respectu idoneum , & quidem tale fabrefaciant , quod magnitudini atque figuræ tumoris omni ex parte respondeat , quodque egressu intestinorum cum in bubones , tum in scrotum prohibito , æger sine multis incommoditatibus portare hincque victum quærere , aliisve negotiis fungi possit. Quod si æger trigessimum ætatis annum nondum excefferit , ipsum mediantibus hisce bracheriis remediisque adstringentibus sanatum haud raro fuisse experientia testatur. Arcanum quoddam pro curandis citra sectionem herniis tradit *Dionis l. c. pag. 321.* consistens in *spiritu salis rectificato & emplastro quodam à Dn. Priore de Cabrieres* aliquot abhinc annis adinvento , & Galliarum Monarchæ communicato. At vero quid in senibus fere omnibus hæc remedia præstent , perspectum satis est ; non enim abnuo , multum ea efficere posse in junioribus , & in herniis maxime a dilatatione peritonæi provenientibus , ast non item in adultis , suffragante *Dione l. c. p. 327.* Exiguo quoque & nulli fere , nisi in herniarum initiis & infantibus , usui sunt apud Helvetiorum ruricolos , qui si liberatos ab hoc malo se cupiunt , ad sectionem progredi adiguntur.



## §. X.

Quæcumque autem operatio pro sublevandis ægrotis eligitur, sine magna tamen difficultate institui non potest, quoniam ea fit vel cum extirpatione testiculi, vel sine ea; ubi quândoque accidit, ut malum in uno eodemque statu permaneat, vel magis adhuc exacerbetur, & æger, qui ante operationem oscheoceles laboravit, postea inguinali affligatur, potissimum si victus misero necessarius laboribus vix non herculeis comparandus est. Profecto apud ruricolâs nulla operatio, neque punctum sic dictum aureum, neque scarificatio annullorum in hernia completa servato testiculo adhiberi sine recidiva potest; teste Schurigio in *spermatolog. histor. med. Cap. VIII. p. 363.* ubi introducit *Wolfgangum Christiani*, qui idem etiam in colonis seu rusticis Helveticis, magnis laboribus assuetis annotavit, & in Manibus Baglivianis, *Ephemerid. Acad. Nat. Cur. Cent. V. § VI. append. p. III.* ita scribit: *Vix ulla gens herniis magis obnoxia est quam Helvetiorum Coloni. causa facilis: vix enim datur gens, quæ tantos, nedum majores in colendis agris sustineat labores. Absque sectione nullum memini me vidisse curatum colonum absque recidiva; impares enim sunt membranarum fibræ, semel ultra modum expansæ, sustinendis conatibus, quos miseri hinc fodiendo, arando &c. subeunt, neque est proportio inter horum violentiam & artificium constrictionis à medicamento factæ. Ob eandem forte rationem in Nosodochio Bernensi usitata est, & publica almae facultatis auctoritate introducta herniotomia, cum amputatione testiculi, quia neque punctum sic dictum aureum, neque Thevenini sectio, aut alius quicumque servato testiculo operandi modus visum est sine recidiva sanasse. Monendi porro sunt hac occasione herniotomi, ut in ejusmodi ruricolis præcipue processum peritonæi ligent, quam proxime fieri potest abdomini, ni cum opprobrio suo in agris paulo post illorum dimissionem loca oscheoceles videre malint bubonocelen.*

## §. XI.

Quod vero castrationem concernit, dicimus & consentimus, omnibus fere illam nisi summa requirat necessitas, non debere admitti. Neque enim vel ex causa politica, turcis consueta, ne cum uxoribus suis, quibus observandis destinati sunt, commercium castrati habeant, neque ex causa italica usitata ob suavem scil. sonoramque in cantando vocem acquirendam atque retinendam, neque etiam levem ob causam in medicina, homo tam nobili parte privari debet. Sic in oscheo- & bubonocèle, de quibus hic sermo est, castratio præcipue in illis subjectis, quæ diæta & vita sedentaria frui, commodisque subligaculis per vitæ suæ spatium uti valent, non necessario requiritur. Præprimis vero suscipienda non est, quando quis utroque in latere laborat, quia cum talis præterquam quod vitæ periculo ex-

ponatur ad prolis generationem ineptus plane fiat, illæsa conscientia vix peragi possit, quam etiam ob rationem consentioforum chirurgorum, de quibus circumforaneos, Agyrtas, &c. excipimus, nemo eandem in se facile suscipiet.

## §. XII.

Sed miseri ob hunc affectum helvetiorum rusticolæ considerandi nobis jam ulterius veniunt, qui herniis fidem fere humanam superantibus interdum premuntur; haud raro enim intestina vix non omnia in scrotum prolabantia, adeo illud extendunt ut absque stupore ejusmodi hernia haud possit aspici. Membrum sæpe virile fere totaliter absconditur, ita ut non nisi foramen, per quod urina mittitur, de eo appareat; quandoque si in ejusmodi statu misero duris adhuc laboribus agitantur, facile τῶν miserefe vel strangulationi intestinorum ansa subministratur. Adde quod etiam eo quo fruuntur, victu excitentur tormina, arctæ insuper bracheriorum ligaturæ illos arceant à laboribus, sudor quoque à fortiori nisu & labore affluens subligaculum madefaciat, unde insignes molestiæ ortum trahunt. Per madefactum enim subligaculum & fortiolem motum cutis inter laborandum insigniter atteritur, & exinde producta vulnuscule tam urenti & acuto dolore eos excruciant, ita ut semper operationi se subicere, quam tantis doloribus obnoxii continuo vivere malint.

## §. XIII.

Aggrediamur itaque operationem ipsam & examinemus, quænam operandi methodus institui possit in Helvetia. Veteres adinvenierunt quamdam cum testiculi amputatione, quæ etiam ceu optima & maxime secunda in Helvetiam introducta, & si necessitas & magnitudo herniæ id postulant, hodiernum adhuc usitata est, modo non in subjectis utroque latere herniosis suscipiatur, cum extirpato tantum altero testiculo quisquis fere cæteris paribus ad prolis generationem adhuc aptus sit. Recentiores vero ad partem hanc tam nobilem conservandam, aliam excogitarunt; ast non in posttris æque regionibus subjectisque, ac in aliis, quæ vita quieta atque sedentaria fruuntur, nec etiam in hernia completa desideratum inde successum chirurgos experiri, constat: hanc vero sine castratione operationem vocant punctum aureum, à filo aureo, in operationibus adhibito; quo de tamen inter multos multæ turbæ ortæ sunt. Alii namque contenderunt de filo cerato, alii de plumbeo &c. Sed quid de hoc operandi modo censendum sit, experientia demonstrat; scilicet quando ægrum pro solita in castratione positura, disponunt, introductis in abdomen intestinis, incisionem longitudinalem ad processum peritonæi detegendum faciunt, eoque aliquatenus, ita tamen, ne testiculus extrahatur, separato, partem  
ejus



ejus superiorem filo isto vel aureo, vel plumbeo, quo descensus intesti-  
norum prohibeatur, constringunt: jam vero, si (utpote in quo rei car-  
do vertitur) processus iste aliquantum nimis constringitur, vasa sperma-  
tica comprimuntur, testiculusque hac ratione inutilis æque ac in ejus ex-  
tirpatione redditur. Si autem processus non satis ligatur firmiter, inte-  
stina rursus penetrant, malumque cum pluribus exinde oriundis doloribus  
recredescit. Et si jam fila ista vel aureum, vel plumbeum rite stringun-  
tur, vulnus tamen continuo irritatur, præcipue apud nostrates colonos,  
quibus quando non fortius peritonæi processus ejusmodi filo constringere-  
tur, crebris, quos laborando edunt, motibus & intestinorum impetu  
perfecile istud depelleretur, unde tandem de novo herniis vel incompletis  
vel prorsus completis cruciarentur. Hæc etiam operatio nullius pretii est  
in infantibus; quando enim peritonæi processus fortiter, prout in infan-  
tibus ob nimium clamorem &c. requiritur, ligatur, vasa spermatica, cres-  
centibus annis augeri solita, ab incremento coërcentur, & ita tandem  
testiculus pari modo inutilis redditur. Proinde consultius statim est, ope-  
rationem veterum, magnitudinē, & dolore, & circumstantia tam herniæ,  
tam subjecti urgentibus, eligere, quam duabus vicibus cultro, periculo  
tantisque doloribus exponere miseros.

## §. XIV.

Secundo loco operæ pretium quoque erit alteram recentiorum operatio-  
nem paucis percurrere, quæ nimirum per scarificationem annulorum præ-  
sertim in bubonocèle, & meliori quoque cum successu, quam per punctum  
istud aureum instituitur, dummodo extensio vel tumor non magnus sit, a-  
lias enim tanti, quanti prior, esset pretii: siquidem qua ratione demum tam  
arcta fieri possit per scarificationem constrictio, creditu adhuc difficile est,  
licet enim annuli, ut eo melior arctiorque attrahatur callositas, dissecentur,  
perfecta tamen Hernia laborantium neminem præsertim in Helvetia cura-  
tum sine recidiva fuisse observationibus patet. Aliter vero se res habet in τῶ  
Miserere ac Hernia Inguinali, ubi jure meritoque commendari hæc opera-  
tio potest, eumque in modum à plurimis peragitur. Scilicet quando æger  
pari ac in castratione positura nempe supinus, quo caput pedibus sit profun-  
dus, jacet, incisio fit super istum tumorem longitudinalis, ita tamen, ut  
nulla non cura ne intestina lædantur adhibeatur, ad detegendum Peritonæi  
processum. Immissis postea ex processu in abdomen, si adhuc in eo conti-  
nentur, intestinis, minister quidam præcavet manibus, ne intestina iterum  
egrediantur, fortiter premendo in regione annulorum. Operator enim im-  
mitit annulis itinerarium, per quod curvus aliquis culter intrusus illos dila-  
tat, inciso etiam, si opus est, Peritonæi processu. Quando autem intestina  
strangulata adhuc deprehenduntur, per apertos prius annulos in abdomen  
restituuntur, annuli autem ad firmiorem consolidationem deinde scarifican-  
tur,

tur, & hac ratione τὸ Μισερere vel Herniæ Inguinalis operatio plerumque perficitur, eaque peracta commodis ligaturis deligatur vulnus, usque optatum curationis finem attingit celotomus.

#### §. X V.

Tertia denique operandi methodus, magnam imprimis in Herniis à dilatatione intimæ Peritonæi lamellæ provenientius laudem meretur. Operatio vero hæc est: nempe supra tumorem intestinæ refertum fit incisio, tum famulo quodam, ne intestina in abdomen recedant, præcavente, Chirurgus exteriorem Peritonæi processum ad detegendum intimæ ejusmodi lamellæ, quam digitis [prehendit, sacculum, præcidit, factaque cultro annulorum dilatatione, intestina in abdomen retrudit, postea prope annulos prudenti circumspeditione sacculum solummodo acu filo stipata perforat, illumque fortissime filo, quod aliquot pollices è vulnere propendere debet, constringit, ut intra quatuor circiter dierum spatium fieri separatio possit. Tandem properat Chirurgus ad ligaturas & diligenti opera recentes singulis diebus, usque dum æger liberatus à malo est, applicat. Pari modo etiam in sexu sequiori, ut & in Μισερere Parentem meum procedere repetitis vicibus vidi. *conf. Excellentiss. DN. D. von Muralt Schrifften von der Wund-Arzney pag. 692. de femina quadam Μισερere implicita: & operationes Chirurgicas dilectissimi Parentis mei Freytagii l. c. pag. 744. Annot. XV. & XVI.* Hanc vero operationem in aliis quoque Herniis adhiberi posse, sequens indicabit observatio. *Die 11. Aprilis 1713. Honoratissimus parens meus ad operationem suscipiebat Ulrich Werlin, einem Zimmermann von Wohlhausen, utroque latere herniosum, qui in juventute sua ab herniotomo quodam in altero latere cum extirpatione testiculi tam infausto sectus fuit fidere, ut oscheocele progrediente ætate in bubonocelen mutata, consilium alibi auxiliumque ob perceptum inde dolorem petiturus, parentem meum adiret, rogans, ut ipsum denuo operationi, & quidem utriusque lateris subiceret, quoniam vero parens meus hunc castrare hominem religioni sibi ducebat, isteque bracheriis acquiescere volebat, tandem cum Deo & quidem tam exoptato cum successu fuit aggressus, ut servato altero testiculo integræ sanitati restitutus æger sine ullo postmodum incommodo expedire expedienda vel in conjugio potuerit.*

#### §. X V I.

Ultimo loco castrationis ponderanda nobis adhuc occurrit operatio; quia vero, quantum fatis, exposita in omnibus fere authoribus chirurgicis proditur, eapropter multam ejus mentionem facere superfluum fore duximus. Tantummodo ergo paucula saltem huc vergentia addemus; periculosa autem atque difficilis sæpe est operatio, imprimis quando simul cum intestinæ omentum elapsum, vel ista in processu accreta se præbent, unde perfacile inte-



intestina cum processu peritonæi filo isto una constringi ac operationi lethalem exitum causari possunt. Proinde caute hoc in casu chirurgus circumspiciat, ne cultro intestinum quoddam lædatur, & tutius est, digitis, si modo, intestinorum ne lacerentur, ratio habeatur, ad separationem quam cultro uti, cujuscemodi etiam operationibus plurimos parentem meum subjicientem vidi. Quippe ut unico saltem vel binis exemplis rem illustrem: *Anno 1710. d. 9. Augusti, juvenem quemdam von Franckenberg, hernia aquosa cum intestinali conjuncta laborantem sectioni subjecit Parens Meus, in qua post separatum peritonæi processum intestinum aliquod accretum deprehendit, quo caute etiam separato, processuque fortiter filo ligato, agrum intra tres hebdomadas sanum sospitemque dimisit. Nuper etiam ejusmodi casus per literas paternas factus sum certior; ita autem loquitur, dilectissimus Pater Meus: nuperrime à splendissimo Collegio mihi puer quidam magna imò stupenda hernia implicitus in nosodochium ad operationem tradebatur, quam etiam subsequenter aliquot diebus, & quidem, quod extrema necessitas ob, ejus magnitudinem exigebat, cum testiculi amputatione peregi; at cum separaturus processum in eo aliquid omenti vel intestinorum tactui resistens deprehenderem, processus feci aperturam, in quo intestinum ileum illi accretum latere vidi, illudque omni cura & accuratissime separavi. Quod inde conjicere licuit, quia post separationem digitum meum in abdomen cum intestino intrudere potui. Processu hinc ligatura munito haud multo post tempore felicissime restitutus est; hujusmodi jam observationes quam plurimas recensere adhuc possem, nisi vela contrahenda essent.*

## §. X V I I.

Difficilem quoque reddit operationem omentum cum intestinis in scrotum usque exporrectum; quoniam in operatione absque amputatione testiculi, processu peritonæi aperto, aëri exponitur & ab eodem alteratur. Sed his, ne alteratum in abdomen intrudatur, incommodis ita in operatione prævenitur. Pars omenti, quæ se apertam in intima peritonæi lamella præbet, adhuc ex abdomine extrahitur, dein filo quodam, quod e vulnere adhuc propendat, ligatur, infra ligaturam amputatur omentum forfice, & sic repetitis singulis diebus, ligaturis, expectat chirurgus separationem, quam sequitur curatio. Quandoque omentum in insigni longitudine propendet, *ita decem circiter pollices longam omenti partem in viro quodam von Dänicken, 40. annos nato, Tiguri anno 1714. abscissam à parente meo perspexi, qui tamen sine ullo subsequenti sanitatis detrimento curatus fuit.*

## §. X V I I I.

Restat ut sub finem adhuc sequioris sexus hernias, quarum ob victum & dispositionem hæreditariam tot apud Helvetios, quot alibi in maribus occurrunt, brevibus contemplemur. Aliam enim prorsus operationem requirere

Tom. III. K quam

quam illas marium positum extra litem est. Fit autem ista in iis, quæ incommoditatibus bracheriorum torqueri nōlunt, hunc in modum: ut post factam incisionem longitudinalem detectus peritonæi processus, intestinis in abdomen retrusis, filo vel cerato, vel bombycino perfigatur, fortissimeque postmodoligatus forfice abscindatur, & sic ligaturis singulis diebus usque ad plenariam ejus curationem vulnus muniatur. Cæterum plures omnibus recentis operationibus addendas cautelas &c. imo observationes jam tacemus, quam dissertationis meæ filum ob causas prægnantes abrumpere cogar non nisi hoc efflagitans; ut L. B. hæc pro ingenii mei tenuitate de Helvetiorum potissimum herniis in medium tumultuose prolata serena fronte accipiat.

## T A N T U M.



111721

DIS



L X I.

DISSERTATIO  
MEDICO-CHIRURGICA,

D E

HERNIA INCARCERATA,  
NOVA ENCHEIRESI EXTRICATA.

*Quam Præside*

ELIA CAMERARIO,

*Tuebatur*

B. D. MAUCHART.

Tubingæ die 7 Januar, ann. 1722.

DISSECTATIO

ANATOMICA

DE

HERNIA INCARCERATA

ET DE EUSDEM

CAUSIS

ET DE EUSDEM

TRACTATU

AB A. M. M. M.

1717



## PRÆLOQUIUM.

**E**X vastissimo illo *Medicinae* & *Chirurgiæ*, qui nostro maxime tempore patet, campo, nemo facile erit, qui plus de inveniendo, quam de seligendo anxius sit themate. Destinaveram jamdiu hodierno diei casum quemdam medicum rariorem de struma œsophagi; Jam fere per quadriennium accuratius inquisivi in omnia corporis humani ligamenta, eaque tantum non omnia publicæ editioni matura in præsentem servare occasionem constitui. Observationes pariter quasdam & operationes ophthalmicas rariores in medium proferre eo magis in animum mihi primum induxeram, quo diligentiorum & peculiarem in curandis tot oculi morborum speciebus, plusquam ducentis, apud Celeberr. Woolhusium Parisiis per biennium navavi operam.

Sed jam magnis excidisse videbor ausis, è nobili novoque themate in vilem tritamque delapsus de herniis materiem. Ita sane est. Plurimi, ex eisque celeberrimi quidam, idem thema ante me excusserunt. Neque inficias eo, herniarum operationem apud nos vilescere, nostrosque, ut solent, castratores exteris sordere. Sed ideone quod adjicere potes novi suppressendum? Aut male suscepta operatio istis semper relinquenda est hominibus? Absit! Satis plus semel de corio humano luserunt. Ante quindecim dies novo hujus rei me confirmavit argumento civis Marbacensis, cui herniotomus olim ob herniam intestinalem, quam supponebat, in prima vero incisione aquosam attonitus stupebat, testiculum nihilominus exsecuit, licet sanissimum. Eadem hernia sed incipiens saltem, alterum quoque latus jam tum occupaverat, cui ipse herniotomus in instanti, quasi re bene gesta, eandem proponere castrationem non erubuerat. Aurem tamen non præbuit æger, sed veteris tormenti discriminisque haud immemor suam herniam per octodecim annos, non sine maximo incommodo, & dolore quandoque, maluit circumgestare, donec nuper methodica punctione, magno pristini doloris compendio, Ipsi satisfecerim ego, atque amurcam, colore & consistentia vini feces spissiores referentem, quantitate dimidiam mensuram nostratam implente eduxerim. Optima, quæ exstat, herniæ intestinalis delineatio Palsini, celebris Chirurgi Gandavensis, est in suo operationum chirurgicarum libro. Sed ingemue mihi nuper fassus est Lutetiæ Parisiorum (ubi per aliquot hebdomadas versionem gallicam anatomies suæ chirurgicæ, quam prælo maturat, curavit) figuras ex cadavere hernioso delineatas, huicque dissertationi jam insertas suis præstare. Omnem certe adhibui diligentiam, ut quem oculis celeberrimi Parisiensium pictoris exposui, in ipso cadavere hernioso herniæ typum imitaretur quamexactissime. Quinque jam antea vel hernia, vel cum hernia demortuos scalpello examinaveram anatomico, ultimum data iterum occasione, quæ non infrequens esse solet in amplissimis illis à Charitate atque DEO dictis nosocomiis, penicillo etiam subjiciendum duxi: Idque eo magis, quo celeberrimorum chirurgiæ antistitum dissensus, circa genesin & formale herniarum, veritatis indaganda me reddidit cupidiorum. Itaque (1)

ana.

*anatomice describam partes, quæ ad herniam, inguinalem maxime & scrotalem, eamque vel omentalem vel intestinalem faciunt; (2) Ejusque pathologiam & semiologiam percurram. (3) Therapeutice atque imprimis chirurgice pertractabo casum, quo hernia dicitur incarcerata.*

*Faxit D. T. O. M. ut ad sui honorem proximique commodum meæ colliment pagellæ.*

## C A P U T P R I M U M.

*Anatomica earum partium, quæ ad herniæ intestinalis vel omentalis formationem & incarcerationem concurrunt, descriptio.*

**R**ECTUM est norma obliqui: Ideoque priusquam de hernia differam, consultum duxi, de statu naturali earum partium, quæ herniam omentalem vel intestinalem, vel utramque simul in inguine, vel scroto, vel efficiunt, vel constituunt pauca prælibare.

A *musculis abdominis* ordiar, quorum ordinario quinque sunt ex utroque latere. Pyramidalis nimirum, Rectus, Obliqui duo, Externus & Internus, denique Transversus. Pyramidales ad rem nostram nil faciunt. In hernia umbilicali autem muscutorum rectorum habenda est ratio.

Obliquos voco Externum & Internum, quos alias Descendentem appellant & Adscendentem. Videtur mihi prior denominatio planiorem de iis suppeditare ideam. Structura atque situs horum muscutorum, dum fibræ musculosæ Obliqui Externi oblique descendendo, Obliqui vero Interni sub illis oblique adscendendo, atque Transversi transversim priores interfecando seinvicem decussant, hunc fere in modum \*. Magni sunt momenti, cum ad robur compressionis, quam subjectis visceribus præstare coguntur, tum ad firmiorem obicem herniis, quas vocant ventralibus, opponendum, ut hinc nonnisi vis externa ictus, lapsus &c. eas producere soleat.

*Tribus perforantur locis, qui transitum concedunt partibus, tam ad speciei, quam individui conservationem spectantibus.*

*In medio & inter utrumque musculum rectum vasa transeunt umbilicalia fætus. Quod vero foramen, cessante vasorum umbilicalium usu, occluditur. Quo tamen modo faveat herniæ umbilicali, mox, ubi de peritonæo, dicam.*

*Alterum foramen, quo musculi abdominis patent, ovalis fere figuræ est, & sub aponeurosi musculi obliqui externi in sinu ossis ilii occurrit: Vasa cruralia per illud trajiciunt, atque tendines musculi pfoæ & iliaci. Obteguntur intus peritonæo, extus aponeurosi fasciæ latæ & integumentis communibus. Operæ pretium erit, plenius explicare structuram hujus foraminis, ut herniæ cruralis, in libris chirurgorum paucissimis vix nominatæ, clariorem sup-*



suppeditemus ideam, & in casu herniæ hujus incarceratæ, quid agendum, ipsa mox partium anatomica saltem demonstratione indicemus.

Musculi obliqui externi aponeurosis in inguine introrsum, reflectitur, atque cum aponeurosi obliqui interni firmiter cohæret. Validis constat fibris tendineis illa aponeurosis obliqui externi & directione plurimarum fibrarum parallela ex spina ossis ilii anteriori & superiori orta, oblique transversim descendens inseritur ossi pubis, & instar arcus tenditur, ut vasa cruralia, ceu sub ponte, lateant immunia à compressione, quam subirent in variis corporis atque cruris motibus: Cum aponeurosi fasciæ latæ cohæret, atque sic magis tenditur, cujus fibræ potissimum sunt perpendiculares vel obliquæ.

In memoriam nuper anatomicis revocavit D. Poupart hanc aponeurosin & pro peculiari ligamento venditavit, quod tamen præcipui plurium nationum anatomici publice jam impugnarunt. Litem istam ego non dirimam. Aponeurosis illius obliqui externi pars, *ligamentum Pouparti* dictum (à Vesalio jamdudum, sed non sub ligamenti nomine, exacte descriptum.) [a] certe & structuram habet & usum ligamenti. Arcus (*L' arcade*) aponeurosis obliqui externi vocatur à Gallis. Quo jure, cum figuram fornicatam s. convexam non habeat, Ipsi videant. Usus ei adscribo: (1) Ossa innominata inter se conjuncta servare: Quod in junioribus maxime necessarium videtur, cum eorum ossa innominata in tria frustra in ipso acetabulo lineis adhuc cartilagineis divisa conspiciantur. (2) Arteriæ & venæ crurali, nec non ramo anteriori nervi cruralis, tendinibus musculi psoæ & iliaci liberum præstare comitatum, ne in flexione cruris vel corporis, vel ventre obefiore aut gravido comprimantur: Id quod accidisset si tota illa aponeurosis æquali insertione adhæsisset dictis vasis, in toto illo interstitio à spina illa ilii usque ad os pubis. (3) Præcavet intestini, omenti &c. prolapsum, dum fibras suas validas, superius usque ad sic dictum anulum continuatas, ceu obicem opponit.

*Tertium foramen*, quo musculi abdominis hiant, quodque viam sternit prolapsuris partibus contentis, sic dicti sunt *annuli*: Qui an sint, & quid sint, tribus dispiciam. *Annuli* non sunt, sed *annulus*, in utroque scilicet inguine unus. Olim sibi finxerunt tres, in transverso nimirum, obliquo ascendente & descendente unum. Arteria & vena spermatica non per anulum, nec per fibrarum muscularium transversum musculi divaricationem, sed sub toto ejus corpore versus os ilii ad latus externum emergunt, tumque aliquot pollices inferius, rursusque ad anteriora inter utramque peritonæi lamellam versus pubem reflexæ trajiciunt muscolum obl. adsc. interque ejus fibras musculares divulsas saltem, nec in annuli formam effectas, obliquo itinere pergunt, atque tandem erumpunt per vere sic dictum anulum musculi obliqui ext. qui ob figuram annularem vel ovalem meliori hunc titulum mereatur jure. Aponeuroticus est hic annulus, quod fibras tendineas, in ora præcipue inferiori cum dicto ligamento Vesalii communes habet. Ea est magnitudo.

[a] Andr. Vesal. C. H. Fabric. I, II. c. 31. p. 334.

nitudine, ut in adultis digitum facile admittat. Processus peritonæi hic abdomine exeunt, includentes vasa spermatica in viris, & ligamenta uteri rotunda in feminis.

Mirabili hac mechanica cautum est, ne partes abdominis libere quasi fluctuantes, & aliquando fortius impulsæ viam, qua vasa spermatica, vel ligamenta uteri rotunda, ex abdomine egrediuntur, inveniant facile.

Si dicti processus instar tubi cylindrici ex abdomine paterent in homine, uti in canibus, herniæ generationi quovis momento locum facerent, cum ejus gressus, quem DEUS rectum & os sublime dedit, deorsum continuo gravitantia intestina in locum hunc minoris resistentiæ & foramen apertum semper invitasset. Quo periculo canes liberat incedendi modus horizontalis, qui per consequens impetum & nisum intestinorum ad mediam potius & umbilicalem abdominis regionem determinat: Unde hernia quoque potius umbilicali laborant.

Musculis transversis abdominis, modo recensitis, intus adhæret undique *Peritoneum*, quod tunica est robusta, quanquam non admodum crassa, parte cavum abdominis respiciente lævis atque lubrica, totum abdomen interius investiens: In sacco quasi includens ventriculum, omentum, pancreas, intestina, mesenterium, hepar & lienem, quæ hinc aliquibus in *duplicatura peritonæi* sita esse dicuntur, seu intra parietem peritonæi superiorem, qui musculis abdominis adhærèt & inferiorem, qui renibus, vertebri &c. incumbit. Renes autem, ureteres, vasa majora, uterum & vesicam pariete suo inferiore tegit, illisque saltem superjacet: Quæ hinc aliis extra duplicaturam peritonæi collocata videntur: Quia tamen inter utramque lamellam peritonæi jacent, alii prætendunt ea posita esse intra vel inter duplicaturam, vel duplicem lamellam peritonæi. Itaque lusus est in termino duplicaturæ. *Duabus* peritonæum constat *lamellis*, quæ arcte cohærent, ab umbilico tamen usque ad inguen facilius ac alibi separantur, quibus interjecta est substantia cellulosa s. spongiosa, flatu intumescens. Lamella hæc interior in Bubono-et-Ofcheocele dilatatur ut plurimum, saccumque efficit hernialem, qui viscus prolapsum immediate ambit atque continet. Hunc hernialem *saccum* voco *internum*, quod includitur alii, quem ideo *externum* appello, nihilque aliud est quam sic dictus processus peritonæi s. tunica vaginalis plus minus dilatata, & cui aliæ adhuc accrescunt membranæ.

In medio, ubi situs est umbilicus, vasis perfoditur umbilicalibus, quæ lamella exterior peritonæi comitatur (ad placentam) sicque interior sola minoris fit roboris & resistentiæ: Hinc forte non fallunt observ. Dionis in sua Chirurg. de rupta semper, in omphalocele, nunquam vero dilatata abs se inventa peritonæi illa lamina interna.

Inferius versus inguen peritonæi lamina interna exacte obtegit locum, quo vasa spermatica per annulum ex cavo abdominis evadunt, ibidemque crassior fit. Lamina vero externa prolongatur & sic dictos *processus* s. prolongationes *peritonæi* efficit, atque vasa spermatica ad testiculum comitans ea inclu-



includit eam vagina, unde tunica vaginalis nomen. Hæc tunica vaginalis arctius ambit partem superiorem vasorum spermaticorum, laxius, quo testiculo propior. Ad epididymidem accedens in circulo adhæret, ita ut *septum* constituat, quod testiculum à reliquo vasorum spermaticorum fasciculo separat, flatumque, facto foramine infra epididymidem, non transmittit in partem superiorem tunica vaginalis. Ligamenta uteri rotunda similis fere processus, sed angustior, à Nuckio *diverticulum novum* dictus, includit, & ad clitoridem usque prosequitur.

Hi, qui vel duplicem esse peritonæi lamellam dubitant, vel processus peritonæi plane denegant homini, vel eos à membranis sic dictorum annulorum oriri putant, per autopsiam anatomicam se convinci patiantur de falsitate harum hypothesium. *Ductus cæci*, circa processus peritonæi à quibusdam observati, in pueris præsertim præternaturales sunt conformationes & ad herniam dispositiones.

Plura, quæ de peritonæo proferri possent anatomica ad rem nostram parum faciunt. Transeant ergo. Circa partes genitales pariter nihil reliquum est, quod nostro inserviat scopo.

## CAPUT II.

*De Pathologia herniarum agit.*

Circa onomatologiam herniarum non diu morabor, ne vanus redeat toties labor actus in orbem. Herniæ nomen an. derivetur ab *herere*, vel ἀπὸ τοῦ ἑρῆναι, ramo, unde latinorum *ramex*; vel ab *hernius*, quod veteri Sabinorum lingua durus significat, grammaticis relinquo. Pariter an synonymum herniæ græcum, κήλη l. κήλη, ἀπὸ τοῦ κηλέω, permulceo, vel, quod alii interpretantur, noceo, vel à χαλάω, laxo, proveniat, litem non facio meam. Germani vocant *einen Leibschaten*, quasi damnum corporis; *einen Bruch*, seu rupturam. Galli *une descente*, descensum.

*Hernia* autem est tumor, quem partes solidæ & molles, è cavitate & sinu naturali prolapsæ efficiunt, in abdomine à dilatatione, & forsân quoque rupturâ peritonæi proveniens.

*Incarcerata* dicitur *hernia*, quando pars prolapsa quasi in carcere detinetur, & sine sectione reponi nequit, variaque, funesta ut plurimum, causatæ symptomata, inferius enarranda.

*Species* herniæ proprie sic dictæ, imprimis sunt: *Enterocèle*, seu hernia intestinalis. *Enteromphalocèle*, seu hernia umbilici intestinalis. *Epiplocèle*, hernia omenti; *Epiplomphalocèle*, hernia umbilici omentalis. Species mixtæ sunt: *Entero-epiplocèle*, & *Entero-epiplomphalocèle*. Ad hernias, vere sic dicendas, porro referendas puto *herniam duræ matris*, post inflictum cranio-

vulnus, vel trepanum applicitum, omni nisu extra vallum suum osseum prorumpentis. *Oculi*, quam *πρόπτωση* dicunt, ex orbita *procidentiam*. *Uvea* per vulnus corneæ l. scleroticæ prolapsus. *Sacci lacrimalis*, qui aliquando enormi tumore, ex osseo illo sinu, ossibus unguis, nasali & maxillari superiori insculpto protuberat. *Caruncula lacrimalis*, ex angulo interno oculi, *glanduleque lacrimalis* procidentiam atque descensum. *Membranae* narium *pitiuitarie*, quæ subjectis phlegmaticis aliquoties jam excidisse observata est, ut ignaris imposuerit pro polypo. *Ventriculi*, *lien*, *vesica*, *uteri* &c. prolapsus quæ extant, quamvis rariora, genuina tamen herniæ erunt exempla. Quorsum sine dubio quoque spectant sic dicti prolapsus *uteri* & *intestini recti*, licet sub classe & nomine herniarum nondum militent.

*Improprie* videntur ad hernias referri, *prolapsus palati*, ac *uvula*. *Bronchocele* seu hernia gutturis. *Cirsocele* seu hernia varicosa. *Sarcocele*, seu carnosa. *Hydrocele* seu aquosa. *Pneumatocele* seu ventosa. Nobis de hernia intestinali & omentali potior crit sermo.

*Subjectum morbi*, seu loca, in quibus veræ hæ accidunt herniæ, *umbilicus* potissimum est, *Inguen*, *Scrotum*, & *hiatus sub ligamento Vesalii* in crure, hic & ibi denique in toto abdomine seu ventre, facta fibrarum musculosarum violenta divisione. Unde nomen *herniæ umbilicalis*, *Inguinalis* seu *bubonocèles*, (quæ etiam *imperfecta* vel *incompleta*,) atque *Scrotalis* seu *oscheocèles*, & quæ ad labia pudendorum muliebrium decedit, quæ *perfectæ* seu *completæ* audiunt; *Cruralis* denique atque *ventralis*. *Subjectum causæ*, seu ea pars, quæ tumorem hernialem materialiter causat, ordinario *Intestina* sunt, utpote quæ continuo vermiculari motu in cavo abdominis quasi oberant, sicque digestionis negotium feliciter promovent, sed eo ipso quoque membranam peritonæi, si paulo laxior existat, ad prolapsus impellunt.

Ex intestinis *Ileum* omnium facillime prolabitur, quia non solum liberrime fluctuat in ventre, sed etiam proximum est annulis. Possunt tamen, quin & solent, aliorum portiones intestinorum, vel solæ, vel cum aliis procidere. *Coli* pars, aliquando totus ejusdem arcus, sinistro inguine non raro excidit: In dextro latere fortius adhæret ossi ilio. Unde est, quod hernia coli in dextro latere rarius eveniat, In sinistro ter vidi ego ipse. Cum nuperrime ad supplicium famosi illius furis, Cartouche dicti, conferta plebis Parisinæ agmina confluerent, ex eaque terminos nonnemo egrederetur, herniosus à nativitate, ictibus averfa bombardæ parte abdomini inflictis enormem mox nactus est oscheocelen, quam incarceratam operaturus celeberr. Dn. *Gerard*, primarius nosocomii, à charitate nominati, chirurgus, demonstrator anat. & chir. in horto regio, Academiæque scient. Socius fautor & hospes olim meus per biennium honoratis. ex tribus intestinorum ulnis nostratibus cum coli portione, quæ sub reliquis latuerat, constantem deprehendit, prout faventissimæ ejus literæ me certiore modo reddiderunt. Celeberr. Dn. *Thibaut*, chirurgus primarius magni illius nosocomii Parisiensis, Hôtel-Dieu, mihi retulit, se herniam coli in sinistro latere deprehendisse,



se, ubi cæcum simul cum sua vermiformi appendice in scrotum se dederat præceps.

*Omentum* alias vix attingit umbilicum in subjectis bene valentibus, sed aliquando longius emetitur ad scrotum iter, & vel solum, vel cum intestino prolabitur. Cujus rei iterata quoque me certiore reddidit autopsia.

*Vesica* gravidarum limites eo facilius transgredi poterit, quo in sexu fequiori figuræ magis est cylindricæ, seu instar parvi dolii transversim positi, quam conicæ. Plures vesicæ, ad labia usque pudendorum prolapsæ hodierno die innotuerunt historiæ. Talis vesicæ hernia cum, & sine sacco, herniali interno, cui vesica includatur accidere potest.

Ad *Causas* herniæ explicandas progressurus, illas, quæ, herniam efficiunt incarceratam, potissimum examinabo. Disquiram tamen prius, an quæ in herniis, de quibus jam sermo, communiter allegatur vel *dilatatio*, vel *ruptura* internæ peritonæi lamellæ, locum semper habeant? De ultima, seu de ruptura, non ideo saltem assensum suspendo, quod in quinque subjectis herniosis, solícite abs me hanc in rem dissectis, nonnisi dilatata illam peritonæi lamellam, nunquam vero ruptam reppererim: Sed quod ne quidem unico, certo sufficientique testimonio hanc rupturam ullibi suffultam deprehenderim. Sunt *aliqui* autores, qui eam sibi videntur vidisse: *Plurimi* eam vel ex aliis, per traditionem exscribunt, vel sibi fingunt. *Omnes* fortasse falluntur & fallunt. Ita celeberr. ille Medico-Chirurgus Hildanus, cent. VI. obs. 70. pag. 588. in dubium speciosis vocat argumentis, quam alius medicus statuebat rupturam peritonæi in hernia, quam subito ortam ille supponebat. Celeberrimis chirurgis Parisiensibus, quos de hac ruptura consului, certe nunquam obvenit, licet amplissima illis affluat occasio in hernias inquirendi. *Duæ* etiam potissimum *rationes* hujus rupturæ videntur destruere hypothésin. Tunicæ nimirum peritonæi robur, & cum partibus adjacentibus firma cohæsió. In cursibus, sic dictis, operationum, quorum plurimos Lutetiæ Parisiorum imprimis apud supra laudatum Dn. Gerard frequentavi, cum bubonocèles operatio instituenda esset, maxima semper opus fuit impulsione & violentia ad protrudendam peritonæi lamellam internam in regionem inguinalem, pro efficienda hernia artificiali; Neque fortius impulsu digiti hanc tunicam semper perforare aut dilacerare valuerunt. Quamcumque vero supponant causam & violentiam, quæ intestina ad hanc peritonæi lamellam cum impetu adigat, vix illam digitorum actionem superabit, quin nec æquabit. Dein lamina interior peritonæi adhæret, & quasi adglutinatur musculis abdominis, unde etiam robur mutuatur, &, si quo percellitur impetu, ejus partem transmittit in subjectas immediate musculi transversi, dein & obliqui interni fibras carnosas, quæ impressioni parum obediendo vim propellentem peritonæum obtundunt, donec tandem evadendi rimam in annulo obliqui externi inveniat. Innumeras in promptu habemus observationes tunicarum, mirum in modum se extendi patientium, crassitieque tantumdem fere si-

mul auctarum ac latitudine, ut itaque nec in subitanea herniarum formatione, nec in maximæ molis herniis successu temporis interna peritonæi membrana rumpatur facile.

*Quo igitur modo herniæ subito generantur*, quæres? Anne tum subito tantum dilatabitur illa lamina, quæ tam valida, partibusque vicinis adhærens supponitur? Ista, fateor, objectio mihi dudum crucem fixit. Videamus tamen primum, an semper revera ita subito orta sit hernia, qualem venditat æger. Sciamus oportet annon pudor aliæque rationes politicæ diu celaverint herniam inguinalem, quæ postea subito scrotalis facta est; Annon reposta olim hernia denuo prociderit & incarcerationata facta sit? Suspecta hodie, ægrorum quoque, fides est!

Quid si tamen herniam intestinalem (omentalis subito rarius videtur oriri) subito & recenter factam certo constat, an ideo ruptam in instanti agnoscere cogemur laminam internam peritonæi? Non. *Præcessit* sine dubio *laxitas peritonæi*, vel ex substantiæ debilitate, vel nimia humiditate, quæ præternaturalem intestinorum decubitus jam ab aliquo tempore fovens, superveniente impetu plenariam herniæ eruptionem promovit. Eadem certe causa videtur esse herniarum à nativitate; patrem novi cum tribus liberis herniosis natis. Si in scrotum ex abdomine mox mox decidisse putes, mirum est, quomodo intestinum prolapsus illa membranacea uno ictu possit superare obstacula, quæ in limine processus peritonæi occurrunt, quique superius ob eam causam multo angustior esse videtur ac ubi testiculo propior.

Talem *peritonæi laxitatem* & imbecillitatem non semel deprehendi in subjectis vel actu herniosis, vel eo ipso certe dispositis ad herniam; & ante paucos dies præsentibus binis medicis celeberr. aperiendo exanime corpus viri phthisi defuncti una herniosi, novo confirmatam specimine vidi. Dextrum nempe latus herniam offerebat omenti scrotalem; sinistrum vero apud egressum vasorum spermaticorum, peritonæi laminam internam exhibuit quidem integram, neque dilatatam, sed levi opera per annulum usque in inguen digito prolongandam, herniæ intestinali olim locum daturam.

Dilatationis itaque causam potius agere, quam rupturæ volui, manus tamen lubentissime daturus, quamprimum vera ruptura peritonæi in subjecto hernia demortui, oculis meis subjicietur, vel à viro rerum anatomiarum perito atque bonæ fidei confirmabitur.

Lamina illa interna peritonæi fig. III. Lit. C. vasis spermaticis J. J. L. superjacens saltem, sensim sensimque magis, vel simultaneo impetu ita propellitur, ut primum referat infundibulum, postea ulterius descendens figuram induat pyriformem, vel instar cucurbitæ lagenariæ. Vocatur tunc *Saccus internus*, quod intestinum vel omentum prolapsus instar sacci includat, & quidem internus quod alius adhuc illum ambiat, externus. Saccum illum internum definiunt fig. II, Lit. G. & fig. III, Lit. C. D. D. E.



E. E. Parte sua superiori contiguus est & adhæret sacco externo, inferiore autem vasis spermaticis immediate, & mediate sacci iterum externi parieti inferiori, ut sit instar digiti in chirotheca. Terminum atque obicem ponit huic sacco *septum* illud, quo tunicam vaginalem undiquaque supra parastatam adhærere superius dixi. Hinc est, quod testiculus ut plurimum separatim tangatur; dari tamen casus divulsi hujus sepimenti, tuncque confusi testiculi cum intestino l. omento prolapso, vero non est absimile. In hernia per rupturam peritonæi hunc saccum internum non existere in propatulo est; intestina tunc seu omentum, sensim magis ampliando & dilacerando foramen præternaturale peritonæi, per hoc libere excident, nullamque laminæ internæ peritonæi prolongationem efficient.

*Saccus externus* multo crassior est interno, inque varias separari lamellas potest, quarum interna à processu peritonæi seu lamina externa peritonæi proficiscitur, cui mox circumfunditur *substantia* illa *cellulosa*, quam inter utramque peritonæi laminam reperiri superius indicavi. Hæ cellulæ in subjecti herniosi sacco externo inflatæ ope tubuli, prout in fig. II. Lit. E. & F. miro pulcherrimoque spectaculo in niveam intumescunt spumam, & tandem exsiccatae relinquunt rete cellulosum, serico carpto mollius, niveque candidius, pollice altius aliquando. Videntur hæ cellulæ cum membrana pinguedinosa scroti præter naturam turgidiores & inflatæ efficere id, quod Galli vocant *des feuillets*, s. foliola, quæ scalpellum operatoris ordinario morantur & prius separanda sunt, quam saccus hernialis aperiatur. Parum ad sacci hujus seu tunicæ formationem facit tunica vulgo dicta erythroidea; re enim ipsa non constituit, neque in statu naturali peculiarem tunicam, sed fibras saltem musculosas in superficie tunicæ vaginalis hic ibi spargit & distribuit.

Huic *lamellæ* à peritonæo ortæ superexpanditur & fortiter adhæret alia fortior, *tendineæ*. Fig. II. Lit. D. D. ex fibris tendinosiς ἀπονευρώσεως musculi obliqui externi, (sub Lit. C C. indigitatæ) prolongatis orta, quam ideo *tunicam* voco *aponeuroticam*. Sub illa violenta partium expansione refluxus tam sanguinis quam lymphæ impeditur: hinc tunica illæ non modo sæpius valde crassescunt, sed liquore etiam plus minus replentur, unde distinctio inter *hernias siccas*, quales plerumque sunt recentes, & *humidas*, inveteratas ut plurimum. Involvitur denique hic saccus *membrana pinguedinosa* scroti fig. II. Lit. B. quam pinguedine actu repleti noluit providentissimus Creator, ne scroti necessariæ obsit corrugationi. Agmen claudunt membrana scroti musculosa, *dartos* dicta, & reliqua *integumenta communia*. Omnes hæ recensitæ tunicae aliquando etiam ita extenuantur, ut levi facta incisione mox intestinum prorumpat nudum, in eoque casu facile lædatur.

Nihil superest de saccis, quam ut eorum ulterius examen data quavis occasione curiosis commendem. Detegent hi forsân, quod non semel animo concepi, mihi que bis deprehendisse visus sum, sacci nimirum interni

solum præsentiam, ita ut tunicæ vaginali, ceu sacco externo ordinario, non fuerit inclusus. Inflaveram tum, ope tubuli, per annulum dilatatum, ab intra ad extra, faccum internum, qui intumescens quidem faccum tamen suum externum non inflabat, seu distendebat una. Inflata autem postea tunica vaginalis, per foramen supra epididymidem factum, mox intumuit aëre. Unde, juxta & autopsiam, suspicabar, faccum internum superjacere tunicæ vaginali, illique non includi. Item præsentem supra laudato Dn. Thibaut, cum bubonocèles operationi in collegio nostro se offerret cadaver herniosi, operationem ego perfeci, separatoque sacco interno vasa spermatica alia adhuc membrana tecta vidimus. Unde similis conclusio.

Jam ad *symptomata herniæ incarceratæ*: hernia nulla arte reponi potest sine sectione, dolor in inguine prope annulum, in ventre colicus, in lumbis tensivus, frustratus dejiciendi conatus, vomituro, vomitus clyloso primum dein & stercorales, unde passio iliaca seu *T<sup>d</sup>* miserere. Locus tumoris herniosi rubet, livet, flaccescit denique. Febris tandem, insomnia, pulsus durus & intermittens, convulsiones, sudor frigidus, quies & doloris cessatio, mors.

*Causas inter herniæ incarceratæ proximæ* est *annuli obliqui externi nimia angustia*, moli partitis prolapsæ nondum respondens: ejusdem *spasmodica constrictio*: *intestini prolapsi infarctus* & turgescencia à flatibus atque fæcibus. *Intricatio*, à motu peristaltico perverso, vel inepta manuum contractatione. Ejusdem *adhesio* ad partes vicinas & *inflammatio*. *Omenti compressio*, *inflammatio*, *excoriatio*. Intestinum ambiens *carnea* veluti *fascia*, & in loco annuli adhærens, tandem ita coarctans intestinum, ut omnem viam præcludat fæcibus [a]. Colum si prociderit in subjecto obesiori, *appendiculæ ejus pinguedinose* non parum ad incarcerationem contribuunt. In sectione herniosi nuperrima omentum mecum conspexere bini medicis claris. à fundo ventriculi usque ad annulum pinguedine sua tantum non omni exhaustum, parte vero, qua in scrotum erat prolapsum, mole, seu *moleculis* potius *sebaceis* durioribus auctum, ut omnes junctæ tumorem effecerint pugni magnitudine, illudque nec manibus, encheiresisque consueta in abdomen repelli, nec apprehensa in cavo abdominis omenti parte, annulo dilatato proxima e scroto retrahi potuerit. Crescunt successu temporis hæc portiunculæ sebaceæ & numero & mole, imo & indurescunt sensim magis, donec annulus, cedere amplius nescius, omentum strangulet.

*Omphalocèle incarcerata* rarior est, ex ea potissimum ratione, quod in regione umbilicali partes facilius se patiantur extendi. In *hernia crurali incarcerata* arcus ille *tendinosus*, seu ligamentum *Vesalii* jugulat intestinum.

CAPUT

[a] Hujus duo exempla v. in Hild. Obs. 15. 678. & 589.



## CAPUT III.

*Signa herniæ, incarceratæ imprimis, ejusque diversæ speciei explicat.*

**H**ernia, ut forex, se prodit suo tumore; quem tamen cum intempestivus sæpe pudor occultet, opus est, ut medico-chirurgus latentem subolfaciat causam ex symptomatibus, quæ in præcedenti capite enarravi, quæque patiens nec suppressere nec occultare poterit. Signa, quæ herniarum species distinguunt, toties ab auctoribus decantata sunt, ut eadem oberrare chorda nolim. Ea vero signa, quæ enterocelen ab epiplocele, de quibus nostrum thema, infallibiliter distinguant, sæpe sunt æquivoca. Ordinario tamen *epiplocele tumor inæqualis, non adeo tensus est, sed digitis compressus foveas quasi servans; vomituritiones, alvo libera, vacuo præsertim seu jejuno ventriculo; is enim tum contractior, fundo suo magis appropinquat diaphragmati, sicque omentum, inferius annulo quasi affixum fortius tendit atque trahit, ipse autem ventriculus molesta hac tractatione stimulatur & ad vomitus provocatur. Per absentiam plurimum, enteroceli propriorum, signorum ad epiplocele præsentiam quoque argumentari licebit.*

*Enterocelæ itaque tumor est æqualis, tensus, pyriformis, elasticus, foveam ab impressione digiti non servans, manibus volutando scrotum borborygmus edens. Colicæ, ac alvum reddendi frustrati conatus subinde accidunt. Simultaneæ herniæ formatio, crebroque prægressa facilis repositio cum crepitu seu murmure, enterocelæ quoque suspicionem confirmant. Sed fallunt sæpe hæc signa manum peritam, eo præsertim tempore, quo tunicis atque saccis herniæ jam jam inflammatis tactui amplius non est locus ad explorandum. Sed caute saltem mercanti ad operationem parum refert, sive omentum, sive subsit intestinum.*

*Prognosis herniæ incarceratæ, seu intestinalis, seu omentalis, funesta ut plurimum esse solet, nisi in angustiis detenta pars atque inflammationis, gangrænæ sphacelique periculum incurrens cito liberetur.*

Majus intestino imminet periculum ac omento, quoniam majoribus scætet vasis sanguineis, sensus est exquisitioris, flatibus turget atque fecibus, moleque etiam superat omentum. Recentis herniæ, utpote quæ nondum adhærens, facilius est operatio, feliciorque successus. Si tumor herniosus flaccescat, livescat, non doleat amplius, abdomen vero infletur, umbilicus promineat; pulsus sit durus, celer, intermittens &c. altero in cymba charontis pede titubat æger.

Singultum, stercoraceos vomitus, alvum pertinacissime clausam, sponte tamen ultimo solutam, sed fætentem admodum & cum fudore frigido certissi-

tissimos esse mortis propinquæ præcursores chariss. Parens meus singularibus aliquot exemplis observavit. Tunc igitur ad mortem potius quam operationem se accingat æger.

#### C A P U T I V.

*Therapiam atque chirurgiam herniæ incarceratæ continet.*

**O**Mnes eo nervos intendat medico-chirurgus ut operationis necessitatem & discrimen amoliat, partemque prolapsam vinculis solvat suis. Si primo tentamine repositionis ope manuum non respondeat hernia, ab ulteriori insultu absteineat chirurgus, multoque magis æger, cui semper noxia est, quam propriis manibus celebrat, repositio, ob incongruum corporis situm, quem in hoc negotio tenet.

*Enemate* tum *emollienti* alvus lubricanda, reiterato toties, quoties è re videbitur. Stimulanti, ab initio, post emolliens, etiam locus esse potest.

*Carminativa & demulcentia* interne propinanda largiore dosi, quibus immiscenda potissimum *nitrosa* & *cordialia*. *Hydrargyrum* copiose ingurgitatum infidi mihi que *suspecti* est *successus*. *Purgantia* cane pejora & angue fugienda. *Diæta tenuis & lubricans* esto. Totum *inguen*, imprimis *annuli locus*, *scrotumque*, quin & *abdomen oleosis*, quæ partes strictas laxent calide *inungantur*. Enterocelen, quæ biduo reponi non potuit & suspecta jam excitaverat symptomata, solo oleo lini & florum chamomillæ atque seminis carvi in lacte decoctione fotam restitui haud ita pridem. *Cataplasmata emollientia*, sæpe calide apposita; si metus inflammationis & gangrænæ sit, *resolventia in- & externa* cum emollientibus permisceantur. *V. S.* instituat, repetatur in brachio. *Adpersio frigida*, quæ aliquoties successisse legitur, *caute imitanda*. *Suspensio ægri per pedes* dubii successus est, nec periculo vacat. Præstat *supinus ægri decubitus*, capite declivi, pedice autem elevato, & mediocris *flexio cruris*.

Aliquot ex horum applicatione & usu horis denuo reductio molienda; ægro præceptum modo situm tenente, chirurgus vero *alteram manum constanter applicet annulo*, vel arcui tendinoso (si hernia cruralis) ut ibi partem repositam contineat, denuoque procidere vetet. Altera manu tumorem herniosum leniter contrectet, motitet & oblique sursum simulque *extrorsum versus os ilei* impellat, si inguinalis vel scrotalis sit hernia. In crurali autem recta sursum & parum antrorsum premendum.

Si tandem nulla spes reductionis affulgeat, sed symptomata ingravescant, ad operationis anchoram refugiendum est, sed cito & in tempore.

Ad



Ad operationem se accingens chirurgus omnia parata habeat; itaque in patina prius disponat *scalpellum* rectum, aliudque mediocriter curvum, *specillum sulcatum in apice clausum*, *forficem rectam* altero acuminis apice obtuso, *acum* chirurgicam curvam cum *filo cerato*. Plurima *frusta linteaminum* detritorum, *linteumque carptum*, *nodulum* ex linteis in formam globularem compressam, instar noduli latioris vestimenti virilis, adaptatum, & filo superius constrictum, cuius extremitas digiti longitudine propendeat, *compressas triangulares*, quarum una altera major, *compressam* latiore ex panno laneo *ventralem* dictam atque abdomini imponendam, *fasciam*, duos pollices latam, & decem nostrates ulnas longam. *Spiritus* quoque *vin. camphoratum*, *oleum rosarum*, & *defensivum* ex *albumine ovi* cum aliquot *granis aluminis* & *Sacch. H.* conquassato, in promptu habeat. Ægro propinet *cordialem potionem* cum *diaphoreticis mixtam*, *urinamque* jubeat *reddere*, vel si nequeat, diu retentam *cathetere evacuet*. Tunc *abrasis*, si opus est *pilis* ægrum collocet *supinum*, *crure*, affecti lateris parum *flexo*, ut *cutis* & *aponeuroses*, quæ in cruris extensione simul quoque tenduntur, laxentur. Alterius manus pollice ac indice *cutem* in medio tumoris *herniosi apprehendat*, & *elevet*, idque per ministrum ad latus suorum digitorum pariter effici curet, ut ipse operator interstitium cutis inter utriusque manus *scalpello* vel recto vel mediocriter curvo, *longitudinali* incidat *sectione*, non ultra cutis crassitiem penetrante. Digitis remotis cuteque dimissa caute *dilatanda* est ejusdem *incisio*, *scalpellumque* non perpendiculariter sed oblique tenendo, *membranam pinguedinosa* ex utroque *separanda* latere. Suspensa manu ulterius progrediendum ad *tunicam facci hernialis externi aponeuroticam*, quæ cum reliquis *faccorum membranis*, *intestinum involventibus*, aliquando mirum in modum extenuata, aliquando admodum crassa existit. Facto per *scalpellum*, non punctum, sed *cæsim*, uti ita loquar, *foramine*, in *saccos*, pariter ut in prima cutis incisione elevatos, penetrante, *specillum* superius descriptum in illud *immittendum*, in ejusque sulcum adacto vel *scalpello* vel *forfice* totus ille *saccus*, partem prolapsam continens, tota longitudine sua *aperiendus*. Ex *foramine* mox profiliens aqua operatorem non terreat, neque arteriola, a pudendis externis orta, sanguinem vibrans, digiti, vel compressæ *spir. vin. imbutæ*, applicatione facile sistendum, turbet. Inter operandum vero sollicite semper frustis illis *lin-tei partes dissectas abstergat*, ut clare pateant oculis. Saccis hoc modo *dissectis*, pars prolapsa in conspectum venit nuda; quæ si *omentum* fuerit, idque gangrænæ vel sphacelo jam aliqua sui parte *infectum*, *spir. vin. camphorato* calido *irroretur*, & in parte adhuc sana *ligetur*, trajecto ope acus per medium partis ligandæ filo, quod utrinque constringitur, filorumque extremitas duarum fere palmarum longitudine pendula, & vel colore, vel alio signo distincta relinquatur.

Si qua *adhaeret*, caute *separandum* ejusque repositio tentanda. Huic cum non minus ac *intestinis* plerumque *obstet annuli angustia*, hic prudenti in-



sione *dilatandus*, ope *specilli sulcati*, supra laudati & *scalpelli incurvi*, cujus dorsum & apex in sulco semper abscondantur, dumque incisio facienda est, *specillum cum incluso scalpello simul* parti incidendæ *apprimendum*. In *hernia crurali* columna inferior annuli, quam supra nominatum efficit ligamentum *Vesalii*, *obliqua incisione* versus os ilii *dilatandum*.

In *hernia umbilicali dilatatio* potius *instituenda* videtur vel in *superiori* vel *inferiori parte*, à linea alba discedendo quantum fieri potest.

In *hernia intestinali*, eaque vel *inguinali* vel *scrotali*, *columna* seu *circulus superior* annuli, *saccum hernialem* à parte superiori tangens *discindendus*. Facta sufficienti incisione, *scalpellus una cum specillo sulcato retrahendus*. Si *omentum* procidit *solum*, facta hac dilatatione facile suo reddetur naturali loco, si una cum intestinis, *hæc prius reponenda* sunt. Si intestina sola sint prolapsa, ea *extremitate, quæ ultimo procidit*, versus anulum placide in cavum abdominis *reducantur*, observata eadem encheiresi, quam ante commendavi pro intestino, sine sectione reponendo. Si durioribus *infarctum* sit *facibus*, hæc *digitis divellendæ*; si *flatibus*, *portio intestini* e ventre *extrahenda*, ut major eis locus detur, intestinumque flexilius molliusque evadat. Cum ingens, & quandoque enormis, intestinorum copia variis implicata fuerit gyris, cum mesenterio annexo, pariter prolapso, mesenterium prius reducat, tunc intestina sequentur. Nimia intestini coli appendiculæ pinguedinosæ, repositionem impediens, forfice, modo ne nimis prope intestinum abscindi poterunt.

Intestinum fortiter adhærens, ita separandum, ut potius e parte, cui agglutinatur aliquid auferendum, quam de intestino. In *hernia tamen crurali*, ubi simplex *saccus*, vasaque subsunt *cruralia*, cautissima opus est tali separatione. Intestinum & omentum si una prociderint sibi invicem accreverint, fatius est in separatione omentum aliquid de sua perdere substantia, quam intestinum.

Reposita itaque parte prolapsa, *minister compressam spir. vin. calido imbutam* digitis apprimat annulo, ne quod modo repositum, excidat de novo. Annulus aliquot incisionibus scarificandus in circumferentia superiori; inferiorius vasa spermatica lædi possent.

Superfunt jam *saccorum reliquie*, inutilesque integumentorum, valde distentorum, anguli. Illæ *separari debent* à partibus contiguas, *filoque cannabino triplici l. quadruplici*, cerato, prope anulum circumducto aliquoties, fortiter *constringi*; unde nodulus quasi & obex egressuro in posterum intestino objicitur, qui cum annulo scarificato concrescit, illiusque hiatum implet, quem olim, pessimo eventu, obturaverunt testiculo, in anulum intruso.

[a] Cavendum vero in *hernia inguinali* vel *scrotali*, ne *fasciculus vasorum spermaticorum una ligetur*. Integumentorum tantum relinquatur modo, quod sufficiat ad obtegenda vasa spermatica atque testiculum, reliquum forfice resecetur.

Nodu



*Nodulus*, supra in apparatu chirurgico descriptus & defensivo imprægnatus annulo apponatur. *Linteum carptum* in cylindros circumvolutum, huic nodulo circumponatur, reliquum *vulnus linteum carpto* indigesto, quod brutum vocant, impleatur, cui compressæ illæ triangulares graduatæ duæ tresve, spir. vin. camphor. calido imbutæ ita *superaddendæ*, ut minima primum dein majores, b. si trianguli deorsum spectante, collocentur. *Oleo rosarum* calido foveatur & *illinatur* totum abdomen, & regio imprimis *hypogastrica obtegatur compressa ventrali*. Tum *fascia*, spica inguinali dicta, totus apparatus obfirmetur, & postquam inguen affectum spica, quam vocant (unde nomen fasciæ, ob spicatas & graduatas circumvolutiones) bene munitum est, reliquum fasciæ aliquoties seroto subducatur, ut illud quasi suspendat & elevatum teneat, finiando fasciam circumvolutionibus in circuitu abdominis.

Quis deligandi modus obtineat post operationem herniæ cruralis, vel umbilicalis ex jam descripto, cæteris paribus, colligetur. Instituti temporisque ratio latius excurrere vetat.

Post operationem ægro cordia is potio exhibeatur, enema emolliens injiciatur. Primis diebus nonnisi jusculis carnis & gelatina nutriatur.

Altero die tota vulneris deligatio solvenda, ejusque labia, sanguine forsan adhuc inquinata, lavanda spiritu vini, applicita semper manu ad annulum ne hernia recidat: Dehinc novus, ut ante, applicandus nodulus, spir. vin. camphorato irroratus & digestivo illitus, plumaceoli circumponendi, itidem digestivo imbuti, compressæ & fascia, ut prius, applicandæ.

Si annulus tertio quartoque die nimis adhuc pateret, vel sufficientem non præberet suppurationem, in usum ego ducerem *Scarificatorium Wolhusianum*, (quo tantum non miracula præstantur in oculorum morbis) novasque instituerem circumcirca in annulo scarificationes, qualibus olim Parisiis in nosocomio, à charitate dicto, fistulam perinæi callosam, in urethram penetrantem, quæ diu ante variam respuerat medicationem, feliciter consolidavi. Si quæras quodnam sit illud instrumentum, respondeo: Eloqui jam non licet; his igitur, qui è schola celeberr. illius ophthalmiatri prodire, saltem commendasse juvabit.

Alius adhuc *novæ methodi* facienda est mentio, quæ acri noviter ansum dedit disputationi binis, qui Parisiis clarent, chirurgis. Reponi posse prætenditur pars prolapsa *sacco herniali integro*, non aperiendo, nisi pars prolapsa adhæreat vel testiculo vel vasis spermaticis. Aiunt hanc methodum maxime naturalem atque facilem, minime autem periculosam esse.

Sed obstat quod (1) hic saccus tantum non semper undiquaque adhæreat ipsis præcipue vasis spermaticis; dum integer separandus est, hæc facile læduntur. (2) Pars contenta, intestinum l. omentum, sæpe jam alterata, nec fomentari nec rescindi possit. (3) Liqueor seu amurca, quam non raro continet hic saccus, putrescens in cavum abdominis cum sacco, integro reposito, redundet. (4) Omentum atque intestinum sibi invicem accreta separari nequeant. (5) Saccus hicce ante foramen annuli in posterum fluctans,

tuans, nec pristinum facile recipiens tonum ex longa dilatatione, infundibuli instar denuo facilius excipiat intestinum. (5) Si hernia existit à rupturâ peritonæi, locum plane non possit habere. Saccus enim tum efficeretur à tunica vaginali, quam cum parte prolapsa reponi non posse per se patet. (6) Aliquando saccus ipse strangulet partem prolapsam; Qui igitur, nisi aperiatur, repositus in cavum abdominis non desistet à constrictione illa periculosa. Hujus rei evidens hoc esto specimen. Lutetiæ Parisiorum in nosocomio, Hôtel-Dieu dicto, virum hernia crurali mortuum, qui operationem vivus noluit admittere, aperiendo, saccum hernialem sub & à ligamento Vesalii strangulatum deprehendi; Dissecto illo ligamento saccus ipse superius quasi loro constrictus, ut digitum auricularem, extracto intestino, vix ingerere licuerit, inferius seu in fundo amplior, partem intestini ilei continens. Repositus hic saccus integer cum intestino suo contento, non apertus, in ipso quoque abdominis cavo suum strangulavisset intestinum.

Itaque nova hæc methodus, in hernia incarcerata in usum ducta, vix, nisi in subjectis junioribus, & cum multis aliis cautelis feliciter cedit.

## T A N T U M!

### T. X V I I. Fig. I.

*Exhibet Enterocelen, dextri lateris, prout in oculos, sine ulla sectione incidit.*

- AA. Crura, divaricata, ut scrotum cum hernia melius pateat.
- B. Inguen, ab intestino in gibbum quasi elevatum.
- C. Inguen alterius sanique lateris, planum & altero depressius.
- D. Penis, ut solet, retractus.
- E E. Scroti dimidia pars valde tumida atque tensa, ab inguine ad infimam fere scroti partem.
- F. Scroti infima pars, non tumida nec tensa, in qua testiculus separatim tangitur, cum intestino non confusus.
- G. Altera dimidia scroti pars, naturalis figuræ & structuræ.
- H. Sutura, quæ scrotum in duas dividit partes.

### Fig. I I.

*Exhibet scroti dextram seu affectam partem, arte anatomica dissectam.*

- A A. Cutis secundum totam scroti longitudinem aperta & ad latus reflexa, ut subjectæ partes in conspectum veniant.
- B B. Membrana pinguedinosa separata & pariter ad latus reposita.
- C C. Annulus musculi obliqui externi, per cujus dilatationem & divaricationem



tionem præternaturalem facci herniales cum intestino incluso pro-  
ciderunt.

- DD. Tunica aponeurotica, totum istum pyriformem faccum externum ef-  
ficiens, prolapsum intestinum atque testiculum includens, in me-  
dio aperta & ad latus utrinque diducta, intime adhærens interiori  
facco. In toto ejus tractu fibræ tendineæ, ab aponeurosi musculi  
obliqui externi ejusque annulo profectæ, maxime sunt conspicuæ.
- E. Membrana cellulosa inter utramque peritonæi lamellam, hicque inter  
faccum externum & internum conspicua, &
- F. Inflata ope tubuli. F.
- G. Saccus hernialis internus, ex dilatatione laminæ interioris peritonæi  
ortus, intestinum immediate complectens, in medio dissectus, ut
- H. subjacens intestinum H. compareat.

Fig. I I L.

*Exhibet formationem herniæ intestinalis, in scroto situm tum intestini prolapsi,  
tum reliquarum partium in scroto contentarum, cum sacco herniali interno.*

- A. Fibræ tendineæ ἀπὸ νεύρατος musculi obliq. Ext. de quibus fig. II.  
Lit. DD.
- B. Lamella exterior peritonæi, paulum reflexa antrorsum, quæ naturali-  
ter prolongata sic dictum efficit processum peritonæi, seu tunicam  
vaginalem vasorum spermat. atque testiculi; Præter naturam verò  
faccum hernialem externum juxta cum membrana aponeurotica  
fig. II. Lit. DD. constituit, quem verò hic repræsentari nolui, ne  
confusio inter utrumque oriretur faccum.
- C. Lamella interior peritonæi, dilatatione præternaturali in scrotum pro-  
trusa, faccum hernialem internum efformans, qui intestina imme-  
diate continet.
- DD. Ejusdem lamellæ in faccum dilatatæ continuatio usque ad septum,  
quod tunica vaginalis ordinario supra testiculum efficit, ad latera  
parum reflexa; sicut &
- EE. Ejusdem paries seu latus inferius itidem parum reclinatum, ut subja-  
centia vasa spermatica adpareant.
- FF. Tunica vaginalis, testiculum laxè ambiens, aperta, hinc
- G. Testiculi corpus, sola adhuc tunica albuginea cinctum, restat; cui su-  
per jacet
- H. Epididymis seu parastata.
- J J. Corpus pampiniforme, seu art. & ven. spermat. inter externam & in-  
ternam peritonæi lamellam ex abdomine per sic dictum annulum  
erumpentes, plus justo crassiores effictæ.
- L. Canalis deferens.

M M. Intestini Ilei portio, sacco interno inclusa, sed hic exempta & ad latus collocata, variis gyris intricata.

## COROLLARIA.

### I.

#### *Rarissima nuchæ Luxatio.*

**I**N conflictu ebriorum nocturno rusticus quadratus accipit aliquot ictus circa caput, & duriora veritus aufugit ea pernecitate pedum, quæ vel celerime decurrentem equum antevertit. Hic, fatium semihoræ emensus domumque reversus, exuta superiori tunica admotaque scala petit cubiculum amaliæ puelæ, & ibidem aliquandiu commoratur, ordinem rixarum recensens, ac de se nihil quicquam, sitim si excipias, conquestus. Reversus eadem via domum 150 prope passuum, scalam secum asportavit. Elapsa ab hinc hora in lecto, accumbente una fratre juniore, corripitur convulsionibus (*hat nach der Auffsay des Bruders sehr gewüthet*) & spatio 4. horarum presentibus parentibus moritur. Corpus exanime a medico vicino legaliter apertum exhibuit sanguinem extravasatum hic ibi sub cute capillata & pericranio, item super dura matre circa os temporale sinistrum aliquot uncias sanguinis nigri grumosi; hic ibi contusionum vestigia in dura matre, parvamque interioris crani tabulæ fissuram in confinio suturæ lambdoideæ & sagittalis; Vasa piæ matris sanguine grumoso infarcta; super principio medullæ spinalis guttas 12. vel 15. sanguinis grumosi; sugillationem cutis & musculorum lin. nucha; luxationem seu secessum vertebræ atlantis & epistrophæ, qui pollicem facile admisit; cutem quamquam integram; tertiam quartamque colli vertebra vacillantes quidem, sed tamen adhuc connexas. Queritur: Unde luxatio hæc? an ab ictibus collo exceptis in conflictu? Dubium; cum postea per trihorium fere omnes actiones, animales imprimis, exercuerit liberrime, difficileque conceptu sit, qui ictus, cute integra, epistrophum dirimere potuerit ab atlante, cum utrumque harum vertebrarum corpus valido circulari uniatur ligamento, & processus dentiformis epistrophæ connectatur occipiti per ligamentum peculiare, teres & forte, isque ipse detineatur in sinu seu magno foramine atlantis ope ligamenti transversalis, collum dicti processus ambientis. Annæ colli tensio & situs erectus ope musculorum, per illud trihorium vertebrae has plus minus parallelas conservavit, sicque compressionem medullæ spinalis & vasorum vertebralium præcavit, donec ægro lectum ingresso (ubi mox lamentando dolores patēfecit) Epistrophus magis, ob flexum tum collum, secedere ad latus, cumque processu dentiformi medullam spinalem vasaque vertebralia comprimere debuit? Unde appulsus arteriosi sanguinis per arterias vertebrales, reductusque per venas vertebrales & jugularem inter-



internarum alterutram, ejusve faccum, prope adjacentem vertebris his luxatis, impeditus, & medulla spinalis compressa spiritus magis magisque denegavit nervis diaphragmaticis, mox infra locum compressionis è 3tio 4to & 5to pari nervorum cervicalium coalitis; Nervus spinalis pariter tunc compressus vel irritatus turbas communicavit cum octavo pari, cui se associat in cranio; Spirituum animalium irradiatio sensim magis impedita, turbata, abolita. Quid si vero lapsus de scala, cum è cubiculo amasiæ descenderet, argueremus, vel aliam quamcumque, morti propiorem, quam ictus illos septi-horio prægressos, suspicemur luxationis causam, ad mortem quidem defuncti parum, sed ad vitam verberantium plurimum referret. Id saltem denuo mirum foret, qui graviter ita lapsus mox secundam ædium conscendere potuerit contignationem, vestes exuere &c. Ad seriam hujus casus enodationem Nobiliss. invito Dominos Opponentes.

I. I.

Cataractæ incipientes sine consueta operatione curari possunt,

I I I.

In cataractæ è secunda, sic dicta, oculi camera extractione per acum hamatam, licet vix concipienda, annon membranam crystallini arachnoideam, parum inspissatam & opacam, extrahunt ut plurimum? Modo pluries revera contigerit illa operatio.

I V.

Scarificationem palpebrarum, carunculæ lacrimalis & adnatæ Woolhusianam mira præstare in triginta fere oculi morborum speciebus expertus quoque deprædico.

V.

In partu difficili maxime respiciendum ad situm orificii, sic dicti interni uteri.

V I.

Uncorum in embryulcia suspecto usui substituenda videntur noviter inventa celeberr. Palfini instrumenta, quibus embryonis vitæ non præjudicat.

V I I.

Methodus Franconica (incisio vesicæ in pube) à Duglasio, Londinensi chirurgo, nova encheiresi, & à Gerardo, chirurg. Paris. cel. novo emendata instrumento, in Anglia vero nuper feliciter instituta in aliquot subjectis, chirurgis se denuo commendat.

V I I I.

Crebra post lithotomiam aliasque nobiliores operationes venæ sectio, in febri item maligna febris atque convulsionum non remedium sed causa fit.

F I N I S.





Fig. 1.




Fig. 2.





Fig. 3.

Tab. XVII.





1875

1

2

3



1875



L X I I

Q U Æ S T I O  
M E D I C O - C H I R U R G I C A ,

*Quam Praside*

M. P. ROUSSIN DE MONTABOURG

M E D. D O C T O R

*Tuebatur*

C. F. BOUTIGNI DESPREAUX

Sub hac verborum serie

*An in Herniis intestinalibus , etiam cognita intestini  
prolapsi lesione operatio celebranda.*

Parisiis 6 Februarii anno 1742.

1781

OU  
MEDICO-CHIRURGICAL

Par

M. R. ROUSSEAU DE MONTABOURG

DE DOCTEUR

En

CHIRURGIE DES VENEREUX

Par

de la Faculté de Médecine de Paris, et de l'Académie de Chirurgie

Par M. R. ROUSSEAU DE MONTABOURG

Docteur en Médecine



**M**Orbi quos fuscipit medicina debellandos, duplicis sunt generis. Aut enim, ab humoribus male affectis ducunt originem, aut solidioribus partibus dumtaxat insunt. Humoribus morbi Diæta & Pharmacia læcessiti sæpe fugantur. Non idem de partium solidarum affectibus dixeris, hi cum diversimode se habeant, diversa expetunt auxilia. Modo duræ tantum, modo molles corporis humani partes, nunc simul utræque laborantes deprehenduntur. Hic ossa scinduntur, rumpuntur, vel conteruntur: illic eadem suis sedibus deturbata interna vel externa vi, non sine doloribus acerbis conspiciuntur. Si mollium partium sortem curiosius contemplabere, quid non molesti suspexeris? Tumoribus deturpantur, vulneribus dividuntur, roduntur ulceribus, nunc morem benignum, nunc cacoëthicam indolem referentibus. Ex iisdem quædam e locis a natura dictis prolabi cum mortis discrimine cernuntur. Infelix sane gentis humanæ conditio si tot, ac tantis affectibus curandis, sublevandis ve non inventa nec exulta medicinæ pars chirurgia. Hæc ubique rationis consilio, experientiæ testimoniis, & anatomes exquisitæ luminibus suffulta, naturæ vires quasi superando miranda perficit. Illius est ossium fracturas componere, luxataque eadem in pristinum locum restituere: illius est tumorum omne genus, sive resolvendo, sive aperiendo vel extirpando fugare: illius est vulnera, partibus solutis unionem conciliando, sanare: illius est ulceratis membris cicatricem, detergendo inducere: illius est viscerum quorundam prolapsibus mederi: illius tandem peritiæ concessum est quidquid extraneum corpori deprehenditur foras eliminare, & quodcumque deficere videtur, eidem sufficere. Porro in tot ac tam diversis peragendis multiplex chirurgiæ munus, plurimaque observatu digna. Ne incaute ac temerarie celebrètur operatio, vetat prudentia, dum eandem audacter fuscipi quandoque suadet ratio. Certæ sunt leges, certa sunt documenta quibus tanquam Ariadnæ filo utendum. Sed casuum varietas variam sæpe methodum indicat. Nonnunquam morbi natura, partium status, conformatio, qualitas & species, ipsiusque ægrotantis dispositio negligenda. Nec majoris sæpius ponderis æstimanda veterum auctoritas: illi quidem plurima norunt; at non norunt omnia. Operationes quasdam audebant fuscipere quas nunc juste damnat Anatomia: alias quoque timidi aut nescii vetabant, quorum successus medicinæ luminibus & peritiori chirurgiæ nunc feliciter respondet. Sic Celsus herniis mederi conabatur methodo, quæ jam dudum gravissimis rationum momentis fuit proscripta. Paulus Æginæta operationem herniis congruam diserte describens, hanc fieri ope scalpelli omnino prohibet, si ex rupto peritonæo venerit, experientia con-



trarium probante. Hildanus & Paræus ambo celeberrimi vix operationem istam suscipiendam commendant nisi in puerili ætate. Alii recentiores ab ea abstinendum prorsus suadent, ubi partes prolapsas lædi graviter, suspicio fuerit. Attamen temporibus nostris chirurgiæ praxis felicior docuit horum contemnenda esse consilia, priorum emendandam operandi methodum, & posteriorum neglecta sententia, omni ætati necessariam herniis curandis operationem convenire. Intestinorum vulnera quæ tantopere metuebantur olim, nunc tractata peritior manu sanescunt; nec jam ægrorum salus desperata, si intestinum herniam faciens aut inflammatione marcidum, aut strangulatione gangrænosum. Experientia namque successu pluries & feliciter repetito, cognita etiam partium hernias facientium læsione, lethum minante, non negligendam operationem indicavit.

## I I.

Κηλη Græcorum, a Latinis hernia, ruptura rami appellatur. Morbus est, quo intestina vel omentum e loco naturali pulsa delapsæ tumorem extus in abdominis circumferentia manifestum faciunt. Dirus ille generis humani hostis, gulæ non modo & otiosæ quietis progenies, sed & ærumnarum exantlatorumque laborum merces acerba, quos aggreditur mille torquet cruciatibus, aut sine mora demersos orco dimittit. Herniæ duplicis sunt generis: aut enim ab humoribus sensim paulatimque aggestis, & partes extra ventrem pendulas occupantibus producuntur, & tunc spuria vocantur; aut ex visceribus quibusdam quacumque de causa ex cavo abdominis profluentibus ducunt originem, & veræ sunt herniæ. Nec harum unica species, imo pro diversitate locorum, in quibus sedet tumor, & pro variis partibus hernias facientibus, cognomina varia ab authoribus imposita sunt. Tribus in locis vulgo sunt herniæ, in umbilico scilicet, inguine & scroto. Quæ fit in umbilico hernia, Exomphalos dicitur; quæ in inguine, bubonocèles nomen retinet; Tertia denique scrotum occupans oscheoceles vocatur. Partes his in locis hernias facientes eadem prorsus sunt, sed prout seorsum vel una delabuntur extrorsum, illarum variant denominationes. Sic hernia umbilicalis enteromphalos nuncupatur, cum intestini solius est prolapsus; epiploomphalos cum omento tantum debetur tumor; entero-epiploomphalos si ab utroque producta fuerit hernia. Non idem tamen de hernia inguinali accuratus dixeris: illa cum sit potius herniæ principium quam hernia, sive ab omento, sive ab intestino, vel ab utroque simul ortum habuerit, bubonocèles nomine semper gaudet. At ubi de oscheocele hernia completa quaeritur, huic parium prolapsarum nomen assignatur. Hinc epiplocele dicitur, si solum epiploon, enterocele si intestinum, & entero-epiplocele si utrumque in scrotum deciderit. Partes, quæ hernias intestinales efficiunt, intestina sunt & epiploon; ex intestinis autem gracilia sæpius, præsertimque ileum delabitur; crassiora rarius,



rarius, & ex his colum frequentius quam cæcum & rectum, quod raro  
 admodum deprehenditur. Intestina utrumque in latus propulsa gliscere  
 consueverunt; epiploon vero in sinistrum magis quam in dextrum inguem  
 inclinatum, huc frequentius descendit epiplocelen facturum. Hujus rei ut  
 & intestinorum prolapsus ratio neminem anatomices gnarum fugere potest.  
 Quamquam enim partes deciduæ multiplici tegumentorum repagulo sat va-  
 lido circumseptæ nexibusque firmis retentæ, eadem fluxiles tamen & pen-  
 dulæ admodum a natura fuerunt relictæ. Ergo minime mirum, si qualibet  
 occasione partes illæ e loco naturali dimoveantur, homini perniciem mina-  
 turæ. Hoc ipsum juvant & earundem situs & involuorum fabrica. In-  
 testina quidem mesenterii circumferentiæ adhærent maxime; omentum  
 ventriculi & coli majori curvaturæ aliisque visceribus firmiter appensum:  
 at hæc in abdominis cævo libere fluctuant, & quascumque directiones se-  
 qui prona, qua minorem nanciscuntur resistantiam, elabi compressa ni-  
 tuntur. Peritonæi quoque & muscutorum abdominalium artificiosa com-  
 positio non difficiles exitus intestinis & omento præbent. Peritonæum in  
 umbilico & supra pube, qua testes viris in scrotum, & fæminis ligamenta  
 descendunt, debilius factum suppositis visceribus effugium ministrat. Hic  
 illius membranæ exterior lamella cum vasis spermaticis in maribus, & li-  
 gamentis rotundis in mulieribus extra abdomen longius protenditur, in-  
 terna dumtaxat pondus viscerum sustinente, illic vice versa interiori pe-  
 ritonæi lamella venam & arterias umbilicales comitante, externa umbilici  
 margines obductura relinquitur. Musculi pariter abdominales supra pubem  
 vasis spermaticis, aut ligamentis rotundis transitum concedendo viam eam-  
 dem herniis non negant. Eorum quippe utrinque ternorum ita dispositæ  
 sunt fibræ, ut obliqui & transversæ musculares divaricatione prohi-  
 dent, dum obliqui externi tendinosæ fibræ annulum ovalem simulant, quo con-  
 clusis visceribus semita foras patet. Igitur si violentiori motu, sali-  
 endo, currendo, equitando vel saltando sese nescius exerceat homo; aut si vires  
 probando jactabundus onera graviora gestet, aut tussiat acrius, aut ve-  
 hementiori vomitu succutiat, perpetuo in vitæ discrimine versatur. Ab-  
 dominales musculi motibus plus æquo contracti, subjecta intestina & ipsum  
 omentum concutiunt valide, premuntque fortius, eademque per apertu-  
 ras & loca male renitentia disrupto vel producto tantum peritonæo sæpe  
 cogunt exilire. Idem quoque faciunt otiosa quies, & victus quorundam  
 opiparus vel lubricans, vias nimium laxando. In fæminis utero gestanti-  
 bus & ipse partus, præsertim laboriosus hernias producit. Umbilicus in  
 iis non nunquam quasi dilaceratur, & ingenti volumine protuberat. Quid  
 non funesti alvo dura laborantibus imminet? Quot hernias procreant, in  
 ejiciendis nimium induratis alvi fæcibus immensi conatus? Quanta possit  
 diaphragmatis & muscutorum abdominis simultanea compressio, anatoma-  
 mia docet. Stupeas sane si frequentiores non reperiantur herniæ, cum  
 tot ac tam multiplices causæ his producendis conferant! Jam vero factæ

herniæ vera accipias signa. Alia sunt omenti prolapsi, alia intestinorum effecta: majus ex his quam ex illo periculum. Hernia intestinalis tumorem æqualem, durum & digitorum tactui renitentem semper exhibet. Tumor iste modo crescit, modo minuitur, prout magis vel minus flatibus facibus-ve distenditur. Si nulla, aut levis strangulatio, facile versus interiora sponte, vel blando digitorum impulsu cum murmure vel rugitu re-  
meat. Ast ubi omentum solum in inguen, vel in scrotum cecidit, tumor animadvertitur mollis, inæqualis, indolens, atque premente manu lente admodum ac sine sonitu retro vergens. Symptomata utriusque visceris strangulationem comitantia sunt rugientes in abdomine borborygmi, dolor ingens, frequentior vomitus, chylosus, biliosus, & stercoralis: intestina & musculos abdominales occupat immensa tensio: febris urit ardens cum difficili respiratione. Pulsus adest parvus, frequens ac depressus. Lipothymia & sudores frigidi, quibus successive lacessuntur ægri mortem propinquam minantur, siue umbilicalis, siue inguinalis fuerit hernia.

## I I I

Cognitis nunc variis herniarum verarum denominationibus, & enarratis signis atque symptomatibus herniæ tum inguinalis, tum umbilicalis speciei diversæ propriis, cujusque haud mora suscipienda curatio. Hæc duplici modo perficitur, aut enim prolapsæ partes nulla - tenus læsæ, nec multum in ovali foramine obliqui externi compressæ deprehenduntur; tunc facile sine ulla continui tegumentorum solutione, ea operatione *Taxi* dicta intus remittuntur: aut eadem partes, in locis, in quæ deciderunt, ita sunt irretitæ atque impeditæ, ut non nisi chirurgicis instrumentis liberari queant. Operationum amborum, ut inæqualis difficultas, sic & inæquale periculum. Prior ex ægri positu debito, venæ sectionibus, cataplasmatibus partes relaxantibus, aut admotis tumorem condensantibus, & digitorum opera perficitur. Tumor manuum oleo & butyro recenti imbutarum levi contrectatione palpatur, & intestinum vel omentum, emollitis paulatim; si quæ sint facibus, versus interiora quo profilierat ordine, repellitur, applicatis dein convenientibus subligaculis recidivam prohibentibus. Alteram operationem labores sudoresque multi comitantur: in hac celebranda prudens consilium & peritæ manus requiruntur. Mutua partium prolapsarum cum involucris, vel cum vicinis membranis adhæsiō, aut earumdem pessumdata natura plenum opus alexæ porrigunt. Difficultas omnes olim fere terruit, nec non etiam nunc terret. Suam quisque proposuit methodum. Hic punctum auratum tanquam præstabilius obgannit; ille operationem regiam cæteris prædicat anteponendam. Utramque praxis sapientior ablegat, solamque *Bubonocèles* operationem herniis veris congruam jure merito prælaudat. De illius necessitate & excellentia consentiunt cuncti; sed de tempore celebrandæ opportuno dissentiant plurimum. Sunt qui du-



dubii successus operam aggredi nolunt, nec manus admove-  
 re partibus ex hernia lethaliter affectis audent. Hoc fecit error de vulneribus  
 intestinorum quæ incurabilia credebantur, quique nimia credulitate ab antiquis ad po-  
 steros translatus est. Cave ne te idem auferat error. Nusquam magis elu-  
 cet naturæ potens virtus, quam in intestinorum affectibus; hic damna re-  
 sarcire semper paratam stupens videris. Ne te lateat intestina sæpius sine  
 infausto eventu fuisse aut divulsa vulneribus, aut gangrænosa phlogosi per-  
 cussa. Ne te fugiat faucias portiones intestinorum satis amplas a sanis in-  
 tegre resectas mutuam extremorum unionem & coalitionem, favente ma-  
 nus peritia, permisisse. Ea est canalis intestinorum fabrica & compositio,  
 ut stillante ex vasculis succorum appellentium ferrumine disjunctæ fibrillæ  
 sensim adhærescendo conglutinentur. Ex quaternio membranarum numero,  
 quibus componuntur intestina, communis & musculosa solutam unionem  
 restituere maxime possunt. Prima & exterior a peritonæo producta & me-  
 senterio continua, vulnere separata facile mutuatur a vicinis unde coales-  
 cat. Secunda carneis fibris conflata quæ ut alii muscoli, vulnere disjunctæ  
 vel ulcere derosæ, regenerationem perfectam recuperare aptæ sunt. Nec ma-  
 jus negotium in cura facessunt nervosa & villosa intestinorum membranæ.  
 Ampliores illæ, laxiores & molliores primarum nifus, propensiones, ne-  
 xus, adhæSIONES & coalitus sequuntur. Ex his præcul dubio fontibus inex-  
 haustis, felices adeo successus experta inter operandum audacior chirurgia,  
 quæ desperatis in rebus opem salutiferam morituris ex intestinorum pro-  
 lapsu quærere non dubitavit.

## I V.

Herniarum species, quæ operationem expostulant, præsertim sunt illa in-  
 gualis, quæ *Bubonocèle* vocatur, & umbilicalis *Exomphalos* dicta. In utra-  
 que tentatis incassum, quibus *Taxi* partes prolapsæ reduci possunt auxiliis,  
 operationem tardare pessimum. Durante strangulationis tempore crescit at-  
 que serpit latius inflammatio; hanc non claudo pede prosequuntur gan-  
 græna & sphacelus lethi haud procul distantis prænuncia. Ergo quantum  
 ex ægrotantis statu dijudicare est, ad opus audacter se accingat chirurgus.  
 Vestigiis illustrissimi *de la Peyronie* hac operatione pluries & feliciter cele-  
 brata inclytis insistat. Hujus si peritiam non possit assequi, saltem imitetur,  
 & gangrænam irridens ditissimas artis opes depromat. Noverit prius utrum  
 intestinum solum, vel cum epiploo fuerit provolutum: noverit ex sym-  
 ptomatibus & signis, an illæ partes sane vel male affectæ sint, ut pro diversis  
 casibus diversa prudens sibi proponat agenda. Aliter enim in hernia recen-  
 ti, aliter in vetusta, completa & complicata; aliter ubi epiploon & in-  
 testinum graviter affici suspicio est, operandum. Si recens fuerit hernia,  
 nec inveterata strangulatio hac methodo procedendum. Æger in margine  
 lecti lateris herniæ respondente collocatus, elatis paulisper coxis, diductis-  
 que



que cruribus firmiter contineatur. Tum Herniotomus digitis manus ex una tumoris parte, dum minister ex altera cutim elevat: hanc scalpello recto juxta corporis longitudinem ampla satis divisione secat, cavendo ne subjectum herniæ saccum imprudens pertingat. Divisa sic cute adiposas cellulas instrumento, gallice *Déchauffoir* vocato, minutatim dedolando destruit, donec peritonæum herniam continens omnino detectum fuerit, & annulus obliqui externi facile persentiat. Huic tum dilatando operam navare est specillo sulcato, quod extrema sui parte inter annulum & herniæ saccum immittit chirurgus; dein idem specillum introductum huc atque illuc leniter agitat, ut cognito nihil inter ipsum & annulum intercipi, scalpellum semicurvum juxta specilli sulcum versus os ilium dirigat, atque ejus ope annulum secando dilatet. Hujus autem sectionis signum quasi chartæ pergamenæ cultro sectæ sonitus. Porro in hujus herniæ specie vagina nullo modo adaperienda; sed illa cum partibus prolapsis per dilatatum annulum intus repellenda, aut ad oras annuli relinquenda. Vulnus hic non turunda longa & dura, ut solet, per dilatatum annulum immissa curandum, sed glomello e linteis carptis conflato, plumaceolis & spleniis mox vino calido madidis; ac deinceps ut in aliis vulneribus paratis & fasciatione spica dicta artificiose contentis. Plus difficultatis occurrit, cum hernia vetus, completa, complicata & adhæsione stipata; sed maximam, si partes delapsæ vehementer affectæ. In prioribus sacculus herniæ, ut plurimum sero repletus, intestina majori volumine turgescunt, nec intus libenter regrediuntur; omentum solum aliquando vel cum intestino tumorem facit: alterutrum sæpe vel utrumque simul peritonæo firmiter cohærent: tunc vagina hernialis secundum totam longitudinem adaperienda est, ut serum evacuetur, intestinum si illæsum fuerit intro perite reducatur, & omentum filo quam liquerit alte ligatum, tota qua deciderat parte rescindatur. Adhæsiones, si quæ deprehendantur, intestini cum sacco herniæ prudenter & maxima cautione instrumento *Myrtifolio* destruendæ. In ultimo casu, ubi suppurationem vel gangrænam passum est intestinum, hoc modo se gerat chirurgus. Cute, ea qua jam memoravimus ratione, ampliori sectione divisa, herniæ vaginam aperiet, intestinumque diligenter observabit. Si ulceratum, pertusum foraminibus, vel gangrænæ proximum animadvertat, scalpello dividet, ut contentis fæcibus liberum pateat iter. Idem quoque intestinum, ea qua gangræna læsum est portione, a sano plane separando secabit, & facta prius, si opus fuerit, annuli strangulantis dilatatione, utrumque extremum ita punctis aliquot futuræ committet, ut superius pyloro respondens, inferioris ad anum vergentis hiatus intromittatur. Nec obliviscatur herniotomus, in utraque operatione filum per membranas intestini trajectum, foras pendulum esse relinquendum, ut hujus ministerio sortem intestini ad oras vulneris admoti & retenti pernoscat. Contingit sæpe hac via fæces alvinas primis diebus effluere, nondum facta intestini utriusque extremitatis unione. Sed natura paulatim medi-

dici



dici votis & chirurgi laboribus respondens, intestini aperti vel resecti cum vicinis vel cum propriis membranis coalitum promovet, atque fæces solitum per anum cursum cogit resumere.

V.

Ne quis vero existimaverit probabilia tantum & verisimilia a nobis proponi, nec successum ex operationibus allegatis sequi posse felicem, legat incredulus historiam Regiæ scientiarum Academiæ, evolvat Diaria, transactiones Philosophicas Regiæ societatis Londinensis adeat, consulat Thesim in hac schola propugnatam. Ex singulis constiterit eventum infaustum ex operatione Bubonocæles & exomphali in partibus graviter affectis celebrata numquam secutam esse [a]. Quæ præstitit illustrissimus Jatro-Chirurgus artis miracula censenda sunt [b]. Nec minus encomium meretur, quod effecit Ramdohræus peritissimus. Hic illius imitator audax intestini duorum ferme pedum longitudine ex hernia putrefacti partem amputare non dubitavit, & extrema acus futura ita adjungere, ut postridie fæces alvinæ non per vulnus, sed per podicem meare ceperint, ac deinceps cum ægrotantis integra salute perrexerint [c]. Transactiones Philosophicæ plurimas circa herniam inguinalem & umbilicalem observationes referunt, quibus evidenter probatur operationem affecto intestino differri haud æquum esset [d]. Thesis Clarissimi Mery ejusdem operationis successum curatione confirmat. Nos quoque observationem notatu dignam hic in probationis incrementum publici juris facere censemus, ut quisque cuilibet audenti naturam in rebus desperatissimis sæpe faventem agnoscat. Quatuor abhinc annis puella viginti circiter annis nata, robustioribus lacertis, cum aliquid attingendi causa ingenti nisu brachia sursum extulisset, dolorem acutum, cum audito crepitu dextro in inguine subito persensit: illa manibus admotis in doloris sede tumorem palpavit, quem nulli tunc propter verecundiam ausa est ostendere. Verum tribus elapsis diebus, accedentibus nausea, vomitu, ructibus, & crescente dolorum acutie, infelix chirurgum vocavit auxilium receptura. Tumor tactu, & symptomatis hernia creditur. Huic reductione mederi nititur chirurgus, impositis convenientibus ad emolliendum & relaxandum cataplasmatibus. Omnia tentantur in cassum, symptomatum gravitas augefcit in horas, vomitus frequentior evadit, stercora ore rejiciuntur, abdomen intumescit valide, sudores frigidi, lypothymix cæteraque ejusmodi funesta viraginem invadunt: semianimis in nostrum adportatur Nosocomium; ubi post aliquot horas lecto decubuit sistitur vomitus, & tumor inguinalis mollior factus in vicinium extenditur. Cutis livida, subcærulea, phlyctænis onusta & quasi sensu privata a nobis deprehenditur; fluctuatio palpantis manum feriens liquidum effusum admonet:

Tom. III.

O

a

[a] Hist. R. S. Acad. ann. 1723. Mercur. gallic. Julii ann. 1734 p. 1543.

[b] Vid. commerc. Litter. anno 1731.

[c] V. d. Transact. Philos. ann. 1736 p. 201 & sequ.

[d] Thes. die 18. mensis martii anno 1734.

a nobis statuitur intestinum ex violentiori conatu facta peritonæi dilatatione vel ruptura in inguen delapsum, ibique longiori mora & strangulatione putrefactum, ac tumorem effulis sub cute fæcibus auctum & expansum esse. Nec fefellit opinio. Cutis prudenter & caute admodum incisione longa secatur; hac secta fæces subiectæ affatim exeunt. Partes herniam facientes examinantur; omenti pars ampla putrida, ipsumque intestinum in ovali apertura strangulatum, longo foramine pertusum conspicitur: dilatatur annulus ope scalpelli specillo fulcato immissi. Quodcumque omenti corruptum auferitur facta prius ligatura. Intestinum perforatum ad margines annuli obliqui externi fixum trajecto filo & forinsecus pendulo relinquitur, fæces alvinas hac eructans. Curatur quotidie ut decebat vulnus, & fæcum copia sensim imminui visa est, ægra identidem alvum ano deponente: elapsis dein octo mensibus fistula levis succum chylosum & biliosum dumtaxat effluere sinebat, dum durior fæcum materia canalem intestinorum recta sequens podice rejiciebatur. Perseverante interim vulneris exacta curatione, hujus & intestini labia post alios quinque menses cum ægrotantis integra sanatione perfecte coaluerunt.

*Ergo in Herniis intestinalibus etiam cognita intestini prolapsi læsione, operatio celebranda.*

**F I N I S.**

**PROLU**



L X I I I

PROLUSIO INVITATORIA

*I N Q U A*

DE ENTERO-EPIPLOOCELE,

A G E B A T

D. J. G. GUINZIUS.

Lipsiæ 4 Martii anno 1746.

1811

ENCLOSURE INVITATION

NEW YORK

DE KATERO-EPITROPHO

1811

D. I. G. GUINZUS

1811



**D**Ubitanti mihi, de qua re in Prolusione ad Anatomicas, publice in Theatro habendas, exercitationes dicerem, in memoriam rediit Cadaver viri, sexaginta annos nati, in eodem loco nuper incisum, in quo, præter alia singularia, in cerebro præcipue reperta, herniam vidimus, atque Commilitonibus exposuimus, qua scrotum in dextro latere intumuerat. Neque ab hoc argumento pertractando deterreri me passus sum hoc, quod id a doctissimis viris sæpe, & ita expositum esse intelligebam, ut, an de alio aliquo morbo tam plene dictum sit, dubitari queat, quin id ipsum potius incitamento mihi fuit, ut aliis omissis, dilatisque in aliud tempus, hunc morbum seligerem, præcipue, quia videbar mihi quædam in eo exemplo deprehendisse, quibus tum ab aliis, tum a me olim de herniis proposita, illustrari possent.

Et hæc tantum memorabilia expositurus, plenam historiam non dabo. Id tamen omittere non possum, ex iis herniis fuisse, quæ, præter omentum, intestinum continent. Etsi vero hujus exigua tantum particula in tumore erat, neque in scrotum devoluta, sed in inguine hærebat, ea tamen totius tumoris rotunditas fuit, quam fere medentes intestinali herniæ adscribunt; adeo, quamvis ex mollitie singulari, omentum tumori subesse, intelligeremus, tamen & intestinum in scrotum descendisse, sed falso, videbatur. Quod cum nos in mortuo corpore fefellerit, quanto magis in vivo poterit? in quo nempe immobilis facta hernia est, inflammationeque tenetur. Interest tamen multum, non falli, cum alia auxilia intestinum desideret, alia omentum. Fefellit autem nos etiam hoc, quod tumor in annuli loco angustior, in scroto magnus ampliusque erat. Hanc enim inter herniarum intestinalium notas etiam esse, aut potius haberi, noveram. Atque omentum, cum, nisi ex inferioribus ejus quasi angulis, alter devolvi non possit, videtur utique in scroto, si non in apicem quasi terminatum, atque angustum, tamen non latum amplumque tumorem facere debere. Nam scire oportebat, cum situ partium, facile etiam earumdem naturam mutari posse. Quæ animadversio neglecta quam multos magnosque errores in arte medendi peperit! Infra autem, ut probabilis hujus mutationis ratio pateat, efficiemus.

Neque hic unicus error fuerit, qui ex herniis, in cadaveribus diligenter examinatis, emendari possit. Nam cute cum velamento adiposo dissecta, medentium plerique non proxime peritonæi adpendicem, quem saccum herniosum vocant, subesse dicunt, sed cellulosam multam fibrosamque substantiam, cujus lamellas docent, specillo subter demisso, forcice aut scalpello hinc illinc disseccandas esse. Atque in sanis scroti tunicas vasorumque ad testiculos pertinentium velamentum tale quid intercedere, equidem non ignoro. Memini etiam olim in hernia, mediocri & parum vetusta ita vidisse, ut adpendix peritonæi distingui commode saltem non posset. Hæc vero non perpetua, & probabiliter in iis herniis aliter constituta esse, quibus aliquis diu laboravit, ex eo ipso, de quo jam agimus, exemplo intellexi; in quo,



scroto late inciso, peritonæi adpendix quasi nuda, distinctissimaque adparebat. Neque hæc certe ab iis differunt, quæ alio loco de cellulosa substantia proposui, quæ peritonæi adpendicem sic amplectatur, ut hæc ipsi, tamquam vaginæ, inhæreat [a]. Nam sinus, sive adpendix peritonæi, etiam in hoc exemplo inventa fuit, ita per annulum descendere, ut non tam ante vasorum, a femine nomen habentium, velamentum vaginale, quam in hoc ipso esset. Cui quoque ab obliqui externi tendinea expansione exterius producta membrana accedebat, quæ potuisset facile incautis imponere, ut pro ea ipsa expansione, ex annuli loco, ante velamentum vasorum vaginale, demissa haberent. Sinum vero peritonæi huic velamento inhaerere, manifestum etiam fuit hoc, quod, qui ante hoc velamentum descendit, cremaster musculus, aut ejus saltem interior, atque a ligamento Fallopii, prope ossis pubis spinam, exorta pars, superius interno sinus lateri adcumberet, inferius in membranam explicata, & ipsum, ab anteriori parte, comprehenderet. Accedit sinum peritonæi, ubi incisus fuit, verè ex duplici lamina factum adparuisse; ex quo vel solo consequitur, fuisse ipsi aliud velamentum circumdatum. Simplex enim peritonæum esse, abunde comprobatum est. Quod vero id sinui superadditum involucrum, tamquam alteram ejus laminam adparuisse, dixi, veramque adeo membranam nominavi, nihil potest iis detrahère, quæ de hoc involucro, a velamento vaginali non diverso, proposui [b]. Et si enim hoc velamentum a celluloso peritonæi contextu proficisci certissimum est, tamen id vel in statu maxime naturali veram membranam fingere tenendum est. Neque ignorare medentes possunt, cellulolum contextum, præcipue plenior, si assidue comprimatur, ita mutari, ut a veræ membranæ natura proxime absit. Tum vero plenum illum atque peramplum contextum esse, quibus vasa spermatica implicita sunt, manifestum est, neque de compressione, per herniam facta, facile saltem aliquis dubitabit. Neque aliam crassitie rationem esse, probabile est, quam peritonæi adpendicem, in herniis scroto inhærentibus, vetustate contrahere, ex medentibus plures opinantur, & quæ proinde non adpendici tantum, sed vaginali illi velamento simul adscribi debet.

Atque per hoc velamentum vasa, genitalis humidi confectioni excretionique destinata, ad testiculos sic pertinent, ut quasi aliquem funem referant, in herniis contra, tum quam nuper, tum quas aliis temporibus vidimus, quarumque aliquot inter arte præparatas humani corporis partes adservamus, in fasciam vel membranam, disposita adparuerunt, quæ peritonæi adpendici a posteriori interiorique parte proxime accumbens atque inhærens, ad testiculum proferebatur. Ad quod velim illi præcipue ex medentibus animum attendant, qui *Senssum* Berolinensem chirurgum sequuti, ut reditus herniæ eo certius avertatur, separandam peritonæi adpendicem a vasis, li-  
noque sub annulo vincendam constringendamque jubent. Ut enim non id

repe-

[a] Vide sis observationes nostras de Herniis pag. 50.

[b] Loc. cit.



repetam, quod de hac, non prorsus nova curandi ratione alio loco proposui, [c] si recens hernia sit, neque peritonæi adpendix multum obcalluerit, separari eam a vasis nulla arte posse, ut hæc integra maneant, id potius retrac-tare non dubito, quod eodem loco de hac separatione in vetustis herniis opi-natus sum. Non enim in hoc tantum, antiquæ herniæ exemplo, verum in tribus aliis quoque, quorum una plus quam triginta annos habuit, & stu-penda magnitudine fuit, eam inter *adnata* pertinere, cognovi. In omni-bus enim ad testiculos pertinentia vasa peritonæi adpendici tam arcte adære-bant, aut potius quasi innata erant, ut, quomodo, in vivo corpore, inte-gra separari a se invicem possent, animo comprehendere non potuerim.

In omnibus quoque exemplis semen conficientia vasa non recta post peritonæi adpendicem adparebant, sed potius ab ejus interiori latere, quod aliter a *Maucharto* [d] expressum fuit, nisi fortassis, ut clarius adpare-rent, in medium locum quasi produxit; aliter enim vas deferens quoque minus ibi in conspectum veniret, quod nempe post spermatica vasa, a testiculo, per annulum, ad receptacula seminis pertinere, notissimum est. Neque inutile erit, tirones monere, quam partem *Mauchartus* parietem facci vulgo dicti inferiorem nominat, eam potius posteriorem dicendam esse, atque spermatica vasa quoque multo magis, quam ibi expressum est, ra-mosa, implicitaque inveniri. Dubitamus quoque an satis cum eo, quod ut plurimum fieri videtur, *Palsyni* [e] icon conveniat. Saltem in omni scrotali hernia peritonæi adpendicem vidi ita ad testiculi dorsum pertinere, ut inter hoc atque adpendicem nihil vasorum semen conficientium in con-spectum veniret. Dum vero iconum mentionem facio, quas de herniis, præcipue scrotalibus, paratas ex medentibus nonnulli proposuerunt, non possum duas illas *Maucharti* [f] omittere, quatenus præter illum faccum, quem interior, & vera peritonæi membrana format, alium exhibet, quem ejus exterior pars, quam hic vaginalem tunicam nominant, cum dartos membrana constituat [g], etsi, quid ad hoc sive confirmandum, sive reprobandum invenerim, ex ante dictis non prorsus obscurum erit. Ut vero de membranæ dartos nominatæ structura non dicam, hanc tamen nunquam inveni cum vaginali vasorum tunica ita cohærere, ut non fa-brosa quædam substantia intercederet. Et quamvis vaginalis ipsa in her-niosis ita fere mutetur, ut veram membranam referat, tamen hoc eam exterioris peritonæi substantiæ partem non spectat, quæ super annuli loco est, quamque, cum *Mauchartus*, ut veram membranam exhibeat [h] semper, in herniosis quoque longe, quam reliquis in locis, tenuiorem in-  
veni.

[c] Ibid. pag. 51.

[d] Vid. ejus Dissert. de Hernia incarcerata scroti Fig. 3. L. I.

[e] Quam nempe in chirurgia sua exhibet.

[f] Quas in citata Dissertatione, præter jam adlegatam, proposuit.

[g] Vid. loc. cit. Fig. 2. D. D.

[h] Fig. 3. B.

veni. Neque ~~denam~~ hanc ipsam exteriorem peritonæi substantiam totam cellulofam esse, hac ætate aliquem fugit, quam potius *Mauchartus* vult, tanquam veram membranam, per cellulofam substantiam, ab interiori peritonæi membranâ sejungi. Hanc tamen cellulofam substantiam in eo, de quo nunc agitur, exemplo, veram membranam fingere, & quasi duas proinde distinctas sacci herniosi laminas esse, jam ante dictum est. Idque me movet, ut, quod alio loco, sine dubitatione proposui [i], de eo jam equidem non parum dubitem, hernias scilicet, quæ inventæ sunt triplici vel quadruplici sacco comprehensæ esse, earum exteriores saccos non fuisse a muscutorum abdominis aponeurosibus formatos. Ut enim annuli crura fatear, ut in omnibus paulo antiquioribus & majoribus herniis, ita in hac nostra quoque, laxata, paululumque producta fuisse, eorumque fibras diductas, tamen hæ ultra annuli locum vix descenderunt. Contra tam valida exterior sacci lamina fuit, atque ab annuli loco ita deducta, ut, quomodo fallere aliquem potuerit, jam quidem facile intelligam. Neque infirmare sententiam meam saccorum numerus potest, quoniam cellulosæ substantiæ plura strata sunt, ut proinde ex illis per intervalla compressis, atque, per aliquot leviores inflammationes, crassioribus factis, plures membranæ quasi oriri queant. Habet etiam illa crurum annuli laxatio hanc vim, ut, de quo semper dubitavi, non possit facile, saltem in magnis antiquisque herniis, in annuli constrictione causa immobilitatis herniæ poni. Denuo etiam ex hoc exemplo cognovi, eandem causam vix posse in dartos membrana quæri, quæ *Garengeoti* opinio fuit [k]. Ut vero etiam ad ea transeam, quæ intus in hernia fuerunt, adpendice peritonæi secundum omnem longitudinem incisa, nihil, præter omentum, vehementer compressum, adparuit. Ipsum quoque inferius ita replicatum inventum est, ut quasi saccum formaret, qui intestinum comprehenderet, quod, ut fere solet, complicatum, vix digitum transversum ultra annulum descendit. Erat autem ilei pars, quæ tres circiter latos digitos a crassitie abest. Hunc quasi omenti saccum *le Dran* [l] jubet incidere, ut, quod subest, intestinum, eo tutius reponi in ventrem possit. Sed hoc quidem non sine periculo fieri posse, existimo, quoniam non, ut in ventre, membranæ in modum explicatum omentum est, sed plicas multas arcte compressas habet, quemadmodum in nostro exemplo, ubi eductum, explicatumque erat, vel quadruplo latius fuit, quam ubi in peritonæi adpendice compressum hærebat. Accedit longe majorem omenti in hernia conclusi, quam in ventre libere hærentis crassitiem esse. Quare debet propter hanc variam & crassitiem & complicationem omenti facile accidere, ut cum omento, dum ad intestinum nudandum inciditur, etiam hoc lædatur.

Atque

[i] Loc. cit. pag. 72. fq.

[k] Anat. des Viscer. Tom. II. pag. 9. fq.

[l] Observ. de chirurg. Tom. II. p. 6.



Atque præstare existimo, replicatum omentum ex infimo sacci loco caute protrahere, explicatumque ad inguen reclinare, ac, si forte peritonæi adpendici adhæreat, prius resolvere. Omenti autem modum, qui in hernia, etiam parum antiqua est, semper contra naturam magnum esse, sciendum est. Neque vero propter inflammationes tantum intumescit, vel tumidum semper scirrhum est, quin ut plurimum potius tumor omenti a pinguedine est, quæ cellulas ejusdem ultra modum extendit, tumque & crassitiem, & latitudinem auget. Idque in nostro exemplo etiam ex hoc manifestum fuit, quod, quamvis mesenterium, quod libere in ventre fluctuabat, parum pinguedinis contineret, quæ tamen cum ileo vel ad orificium sacci tantum descenderat, pars ita, propter collectam pinguedinem turgebat, ut hæc vel inter intestini tunicas esset. Atque improbabile non est, tum omentum, tum mesenterium, quod in herniis est, multam pinguedinem colligere, quia tardissimus debet sanguinis per eorum vasa motus esse, sub quo pingues particulæ commode secedere queunt. Confert etiam aliquid herniæ situs, quam nempe neque abdominis muscoli, neque aliæ externæ causæ movere multum & agitare possunt.

Debet autem hæc res sine dubio nonnulla in dignotione curationeque herniarum, quæ omentum habent, mutare. Atque per hoc sine dubio fit, quod & in nostro exemplo observatum esse, supra monui, ut ima herniæ pars, non in apicem, verum in rotundulum amplumque tumorem desinat. Eademque res ex parte causæ est, per quam hernia, quæ ex devoluto in scrotum omento orta est, sive cum intestino, sive sine hoc sit, vix unquam reponi possit. Sicca enim pinguedo, qualis fere in angusto ejusmodi compressoque loco colligi solet, gliscere omentum, atque, sub digitorum compressione, intus effugere impedit; neque modus omenti in hernia auctus, quod in intestinali non incidit, repelli ipsum per angustius sacci orificium sinit. Accedit, quod in ventre omentum est, uti cum ex hoc, tum ex aliis olim exemplis didici, ut plurimum pariter pinguescere. Quare etiam, cum vix spatium sit, quod omentum admittat, refundi vix potest, aut, ubi repositum fuerit, brevi iterum devolvitur. Pressum etiam facile quasi hiatus sub pila vincturæ invenit, quem subit. Neque satis tuto omentum refundi existimo, etsi possit. Quæ si de eo omento valent, quod inflammatio non tenet, quanto magis de eo debent, quod inflammatione intumuit? Quare nulla facile hernia curabitur, in qua non omentum, etsi vere induratum non fuerit, sectione auferri debeat. Quæ cum aliquantum diversa esse sententia ab ea videatur, quam alio loco proposuimus [m], vere enim non est, tamen & adhuc eandem habeo de lino omento, quod resecari debet, nunquam injiciendo [n]. Ut enim, quæ olim argumenta adducta sunt, jam equidem non repetam, omentum lino constringi vel propter hoc non debet, quia, ubi peritonæo post herniæ sectionem, in annuli loco, adhæsit, a diaphrag-

Tom. III.

P

mate

[m] loc. cit. pag. 55. vid. etiam p. 105.

[n] Ibid. p. 54. sq. &amp; p. 104. sq.

mate æque atque abdominis musculis compressum redire herniam fere necessario facit. Hoc etiam, quod omentum a pinguedine collecta intumuit, sanguinis profusionem prohibere, aut levem admodum facere debet. Vasa enim eo magis compressa & angusta esse oportet, quo major pinguedinis vis ipsis circumest. Omentum vero in ea hernia, de qua nunc agimus, vel in ventre, & sub ingressum sinus peritonæi, tumidum inventum est. Quocirca, cum parum tutum sit, quo in sana parte secari possit, ex ventre omentum protrahere, quæ in sinus peritonæi orificio, etsi mobilis, omenti pars hæret, eam digito in ventrem refundi explicarique, quantum potest, oportet, ac versus sinistrum latus, compelli. Neque denique ab hernia nostra id abfuit, quod omnibus fere antiquis herniis commune est, quod nempe omentum cum peritonæi adpendice coaluerat. Coaluerat autem per duas quasi particulas cum medio fere loco averfæ adpendicis partis. Ex quo illum nexum collegi factum fuisse ante, quam hernia ad magnitudinem illam pervenerit. Neque aliam causam esse, ob quam omentum quasi aliquem sinum formavit, cui superiori loco intestinum inhærebat. Ut vero talem omentum cum peritonæo nexum resolvere difficile non est, ita, si ejus quædam in sinu peritonæi reliquiæ sunt, brevi emoriuntur, atque abscedunt. Hactenus de hernia.

In cadavere feminæ, quod jam Numburgo in theatrum nostrum delatum fuit, constitutum mihi est, cerebrum, & quæ ad hoc pertinent, tumque ab eo provenientes nervos, pariter ac oculos, aures, nares, linguam, atque mammas cum genitalibus partibus, publice exponere. Quæ partes omnes, cum ad vitæ & usum & dulcedinem plurimum conferant, spero equidem, non ingratos hos conatus nostros omnibus curiosioribus futuros esse. Rectorem igitur Magnificum, Comites Illustrissimos, utriusque Reipublicæ procures gravissimos, generosissimos atque nobilissimos bonarum artium litterarumque studiosos, & quicumque studiis nostris favent, rogo majorem in modum, velint hunc nobis honorem habere, ut frequentes exercitationibus nostris interfint. Earum initium faciemus cras die lunæ, qui III. Mart. est, hora secunda post meridiem. Poterunt quoque decima hora ante meridiem cum amantissimis commilitonibus accedere, quæ sectioni destinata est. P. P. Dom. Remin. A. R. S. MDCCXXXVIII.

EX OFFICINA LANGENHEMIANA

QUÆS.



L X I V.

Q U Æ S T I O  
M E D I C O - C H I R U R G I C A,

*Quam Præside*

M. J. F<sub>R</sub>. L E C H A T

D E L A S O U R D I E R E M. D.

*Tuebatur*

J O A N. J A C. M E S S E N C E.

*Sub hac Verborum serie*

A N C H I R U R G I C Æ H E R N I A R U M C U R A T I O N I

M U S C U L O R U M S T E R N O - M A S T O I D E O R U M

T E N S I O N O C E A T ?

Parisiis 29 Februarii anno 1748.

THE  
OFFICE OF THE  
SOLICITOR GENERAL  
WASHINGTON

IN RE  
THE ESTATE OF  
JAMES M. HARRIS

FOR THE PURPOSE OF  
ESTABLISHING  
THE FACTS  
RELATIVE TO  
THE ESTATE OF  
JAMES M. HARRIS  
AND THE  
PROPERTY THEREIN



## I.

**V**Olubilem ac variè circumgyratam intestinorum corporis humani ferriem, toto corpore adulto sexies, juniore septies, infantili octies longiorem, flexuosis mesenterii ac mesocoli marginibus imperturbato ordine intimius innecti; eandemque peritonæi imperforato undique culeo, musculorum abdominis hiante ad umbilicum & inguina peristromate, pinguedinosi tomenti spongiosa sive cavernosa congerie, totius denique corporis communi integumento cute circumvallari, satis superque notum. Sarta tecta horumce limitum compage totus intestinorum tractus perpetuo quodam reptatu lumbricorum haud absimili motu, non quidem progressivo, sed undarum minimarum instar oscillante, functiones suas obit saluberrime. Violatis in aliqua parte limitibus hisce, parti violatæ proximior intestinorum portio illapsa, vel paulatim una cum peritonæo sacculi instar protenso, vel confestim eodem vulnerato, aut minima distractione rupto, tumorem effingit herniæ generali nomine insignitum, ac pro diversitate tum violatæ partis, tum prolapsæ intestinorum portionis, & ipsam quandoque comitantis omenti, diversis passim e Graiorum idiomate desumptis appellationibus nuncupatum.

## II.

Hujuscemodi, quæ titulo verarum, a spuriiis vulgo dictis humoralibus apprime distinguuntur, herniarum, a quibuscumque demum causis, sive internis, uti partium debilitate, conformatione prava, laxitate viscerum, indurata fæcum alvinarum congerie, &c. sive externis, uti vires partium excedentibus impetu, nisu, pulsu, portatu, lucta, saltu, cursu, equitatu, cantu, flatu, risu, ploratu, planctu, vomitu, singultu, sereatu, partu, subitanea divaricatione crurum, brachiorum supra caput porrectione violenta, &c. prodierint; alias facillime, difficilius alias, aliasque nullatenus curationi cedere quotidiana testatur experientia. Testatur eadem plurimas optato sanatas curatione chirurgica, nullas omnino pharmaceutica. Nec est quod mireris. Reducere partes eliminatas, reductis limina præcludere, curationis chirurgicæ munus & opus. Primum absolvit taxis, vel simplex, vel diæresi juncta. Alterum fasciis, subligaculis unicuique specialiter accommodatis obtinetur; sufficienter quidem taxi peracta simplici, diæretica autem solidata perfectius. Utriusque encheiresis adjumenta varia, varia impedimenta. Ad musculos abdominis quam maxime attendendum. Obstat horum tensio, remissio sive laxitas favet. Tensio reductionem vel tardat, vel impedit intestina videlicet premendo, cavitatem abdominis coarctando, hiatumque aponeuroticum stringendo. Laxatione vero, relabentibus per ta-

xim, sive simplicem, sive diæresi comitatam intestinis, limina pandunt, illapsisque convenienter cedunt. Resupinato corpore, suffulto utroque trunci extremo, regione media sive lumbari demissa, utroque flexo femore, præsertim vicino, laxitatem eorum acquiri posse, vitari tensionem sæpius exploratum. Nihilominus adhibita quantocumque studio cautione ista, repentinis per intervalla tensiones eorundem, curationem chirurgicam interturbasse, non raro observatum. De tensionibus ejusmodi anxius, causamque ignoratam sciscitans, si quem audiret non tam abdominis musculos quam capiti inservientes sterno mastoideos accusantem, vel forsân male contentus stomacharetur, vel subridendo flocci faceret effatum. Ast anatonem consultat, audiat expertos, in semet-ipso phænomena exploret. Profecto aliter sentiet hæc edoctus, sentietque musculos sterno-mastoideos æque ac musculos abdominis posse, in chirurgica herniarum cura, vel adjumento esse, vel impedimento.

### III.

Aurium posteriora inter & ima juguli, obliquo ac fere diagonali utrinque situ musculi duo, sterno mastoidei, vel sterno-cleido mastoidei dicti ita locantur, ut ambo simul directe spectati litteram Romanam V Majusculam quodammodo referant, superne videlicet recedentes a medio, ad medium vergentes inferne. Latissimo tendine parieti convexo mastoideæ apophyseos omnimode ac firmiter altera utriusque extremitas inhæret; altera vero bifida supremo sterni angulo partim, partim claviculæ viciniori. Torosa admodum intermedia utriusque portio venter passim appellata. Flexores capitis vulgo nuncupantur, titulo nimis stricto: ut pote præterea, non solummodo capiti alternis vicibus utrolibet circumagendo, sed etiam collo motibus istis accommodando, inservientes. Flectere, vel potius inclinare, ac summo pectori magis minusve admoveere caput, amborum simul contractorum munus est: latera versus circumvertere caput non uterque simul potest, sed dumtaxat alteruter, altero quiescente. Alternos hosce motus capitis quomodocumque sito corpore exequi possunt musculi sterno-mastoidei; nullatenus autem illud flectere, sive anteriora versus inclinare: nisi supino, vel posteriora versus reclinato corpore. Hoc recte sito, caput ita flectendum vel inclinandum ope musculorum non eget; sed sola mo'e ruit sua: laxatis ad arbitrium posterioribus musculis, qui extensores ejusdem appellari solent. Hinc satis superque patet, corpore supinato, caput anteriora versus movere idem fere esse ac ponderosam ejus molem sustollere. Non miraris! Miraris autem tanto oneri ferendo sufficere musculos istos, ut pote non stabili aut immoto puncto, sed instabili motusque respirationis comitanti sterno affixos. Mirari cessabis anatomici consultatione edoctus, musculos abdominis rectos superius imo eidem ossi: utrique firmiter inhærentes valida portionum torosarum contractione, sternum cohibere posse, sternoque cohibito, musculis sterno-mastoideis caput attollere, ac versus anteriora movere conantibus, firmum tractionis punctum optato præstare.

### IV.



## I V.

Anatomicis convictus argumentis ita fieri posse, reapse vero fieri nondum persuasus, objiceres forsan axioma triviale, a posse ad esse non valere consequentiam? Bene, & quidem optime! Rem quippe totam minima quandoque variat circumstantia, dubiam reddit, imo suspectam. Idcirco de re ipsa certiore te facere si cupias, septemviri sapientis apophthegma. Nosce te ipsum, axiomati trito superadde, In temet-ipso phænomenon examina: noctuque sub tegmine lecti recubans, temet-ipsum explora. Directe supino corpore, capite parumper suffulto, genubus tantillum inflexis, memoratos tum capitis, tum abdominis musculos omnimode molles, nullibique tenfos senties: modo valetudine non impeditus, neque hesternæ farcinatus cæna. Mox eodem continuato situ, manum alteram abdomini medio leviter impone, impositam sustine, altera manu collum sive guttur utrinque amplexare molliter: manum utramque utrobique sic relictam, si eodem tempore caput (quasi quæ circa pedes geruntur observaturus) sustollere, vel erigere conaris: illico tenfos ac rigentes tum Rectos abdominis, tum Sterno-Mastoideos capitis (funium tensorum instar) ferire miraberis; at mirari desinens: indubitanter judicabis in cura herniarum chirurgica æque ad musculos Sterno-Mastoideos attendendum esse, atque ad musculos abdominis: eidemque curationi non minus istorum, quam horumce tensionem ob stare, laxitatem favere certo asseverabis.

## V.

De iis si tibi aliquid adhuc dubii supersit, praxis clinicæ expertos audias. Thesim lustra, hisce in scholis anno 1732, propugnatam, sub præsidio collegæ Clarissimi D. Winslow, focii carissimi, qui sic loquitur [a], Gra-  
 „ viori morbo decumbentem duo simul Medici examinant. Inter hæc, ino-  
 „ pina quadam musculorum abdominis tensione, aliquid hic mali ominis  
 „ indicat alter, alter nil quod timendum foret expertus timenti socio, ma-  
 „ num, inquit, admoveamus ambo simul: non quidem festinanter sed at-  
 „ tente. Tunc ille musculorum eorundem tensiones non continuas, sed la-  
 „ xitates identidem interpolatus miratur, magis autem miratur placidum  
 „ imperterriti focii vultum. Scilicet hic decumbenti ea quæ supra lectum cir-  
 „ ca pedes gerebantur animadvertendi, adeoque, ut facilius animadverte-  
 „ ret, caput eodem momento aliquantisper levandi occasionem, subinde  
 „ pepererat; nimirum (ante plures abhinc annos) expertus, supino  
 „ corpore jacentem non posse caput attollere, nisi trahentibus musculis  
 „ sterno mobili affixis; hos autem conari frustra nisi musculorum  
 „ abdominalium ope sternum simul reddatur immotum”. Scias inte-  
 rim oportet ipsum præterea, tum in lectionibus ac demonstrationibus  
 publi-

[a] Winslow, quæstione quodlibet, disp. 7 Februar. 1732, an in cognoscendis erro-  
 res funestos vitare possit anatomes parum duntaxat gnarus?

publicis, tum in consultationibus clinicis, jamdudum monuisse decumbenti ipsimet non permittendum esse conamen caput flectendi, sive attollendi, sed toties, quoties vel bibendi jascula sorbendi necessitas postulaverit, illud aliena manu tantummodo sublevandum esse: idque non solum quoad herniarum, sed & quarumcumque partium abdominis, tum internarum, tum externarum curationem chirurgicam: imo quoad ejusdem ventris, illiusque viscerum inflammationes observari debere. [ *b* ] Musculorum sterno-mastoideorum extremitatem mastoideam articulatione cranii condyloidea posteriorem esse, ac proinde non flectendo capiti, sed potius retrorsum movendo eosdem musculos aptos esse scribentes, latitudinem tendinis, ejusque portionem anticam haud considerasse videntur. [ *c* ] His omnibus rite perpen-  
 luce meridiana clarius elucescit, incertam esse, imo fallacem qualemcumque musculos ipsos abdominis tensos relaxandi methodum: nisi adhibita simul sollicita musculos sterno-mastoideos relaxandi cura; maximique propterea momenti hanc esse conclusionem.

*Ergo chirurgicæ herniarum curationi, musculorum sterno-mastoideorum tensio nocet.*

[ *b* ] Vid. Expos. Anat. ipsius tractat. de Muscul. N°. 1173. seq. & ejusd. ad D. Moreland, Epistol. de alto apparatu, &c. N°. 111.

[ *c* ] Expos. Anat. tract. cit. N°. 1176. sq.

F I N I S

DISSER.



L X V.

DISSERTATIO  
MEDICO-CHIRURGICA,  
DE  
ENTERO-OSCHEOCELE ANTIQUA  
RESTITUTIONE SACCI HERNIOSI  
FELICITER PERACTA, ABSQUE BRACHERIO  
ET SECTIONE CURATA.

*Quam Præside*

MAT. GEORG. PFANNIO P.P.

*Tuebatur*

J. B. SCHOLLER

BARUTHINUS

Erlangæ 7 Maii anno 1748.





## P R O Œ M I U M.

S Apientissimum Creatorem in struendo humano corpore elegantiae æque ac commoditati nostræ mirifice consuluisse, vel exinde patet, quod vastum intestinorum tractum, in tam angustum, quod videmus, spatium redegerit. Quum cuncta intestina sexies circiter longitudine, ipsius corporis altitudinem excedant; sane molestum satis ambitum requisivissent, nisi summus artifex per miros anfractus atque complicationes illi prospexisset. Atque ne a quovis concussu, vel corporis motu inevitabili a suis recedant finibus; non solum ea mesenterio, mesocolo variisque aliis in infimo ventre sitis partibus firmiter annexa; verum etiam ab integumentis communibus, musculis abdominis, & membrana valida quadam, quam *peritonæum* vocant, coarctata videmus. Quæ sepimenta, ut ita dicam, nisi a causa aliqua violenter agente vires eorum infringantur, viscerum in cavitae sua retentioni sufficiunt, nisiue, quo perpetuo terminos excedere conantur, æqualiter resistunt. Attamen si moles intestinorum magna, a quacumque id demum fiat causa, ad illa vehementius fertur, non raro accidit, ut æquilibrium hoc tollatur, cunctaque infimi ventris integumenta satis resistere nequeant; sed potius in parte debiliori, aut ea, quæ maximam sustinet pressionem, cedere cogantur. Quo fit, ut peritonæum variis in regionibus, vel disrumpatur, quod tamen rarius accidit, vel simul cum aliis integumentis extrorsum protrudatur, atque tumor sub cute inde oriatur quem Græci *κῆλην*, Latini *herniam*, *descensum*, *prolapsum*, Germani aut improprie, *einen Bruch oder Leibes-Schaden*, vocant. Eodem fere modo ac de intestinis nunc proposuimus, alia quoque viscera in abdomine sita e. g. omentum, ventriculus, vesica, lien, uterus, &c. idem præstare possunt; prout *Ruysschius* Obs. 98. *Dæring.* in Epist. ad Hildanum, *Spigelius* de fabrica Lib. VIII. cap. 4. *Bohnius* in chirurg. rationali p. 230. alique testantur. Videmus itaque, hernias non solum quoad *locum*, quo prolabantur; sed etiam quoad *contenta*, quæ tumorem constituunt, inter se differre. Qua de re varia sortiuntur nomina. Respectu *loci* vocant illas medici: *omphalocelas* seu *hernias umbilicales*, quæ umbilicum indecenter attollunt; *bubonocelas*, *hernias inguinales*, quæ sedem in inguinibus habent; *crurales*, quæ per viam vasorum cruralium prorumpunt; *ventrales*, quæ aliis abdominis regionibus enascuntur; ac tandem *oscheocelas*, *hernias scrotales*, quæ scrotum indecore distendunt. Alias autem denominationes accipiunt a *viscere* devoluto. Si *intestina* prolapsa, *enteroceles*; si *omentum*, *epiploceles*; si *ambo* simul, *entero-epiploceles* nomine insigniuntur, sicque ab aliis quoque visceribus egressis nomen petendum esse arbitror. Omnes hætenus descriptas species recentiores chirurgiæ scriptores *hernias veras* appellare solent, quia ab intestinis, vel alio viscere abdomi-

nali formantur. Dari autem plures adhuc alias, sub *spuriarum* nomine venientes, nullum fere medicinae gnarum latere puto. Occupant ejusmodi herniæ eadem, quæ veræ, loca; ast in eo, ab his potissimum discrepant, ut vel ab humore aquoso præternaturaliter collecto, vel ab excrescentiis carnofis; vel ab aëre, vel sanguine, vel a facta p. n. vasis venosi distensione; originem trahant. Referuntur ergo ad hanc classem, sarcocoele, hydrocele; hæmatocele, varicocele, sicuti de hisce omnibus prolixius egit Celeb. *Heisterus* [a] Patronus atque præceptor olim meus æternum colendus. Ex quibus tam pluribus, tamque diversis herniarum speciebus facile intelligitur, qualis latus dicendi campus singulas illas tractanti pateat. Verum enim vero, cum mihi pro dignitate Doctorali mox rite obtinenda, specimen dissertationis limitibus circumscriptum, typis exhibendum sit: de unica tantum specie *oscheocoele* scilicet, seu quod idem est de *Bubonocoele* & quidem *completa* agere consultum duxi. Fateor quidem haud paucos, eosdemque egregios chirurgiæ scriptores hanc materiam fusius jam ac fatis erudite pertractasse. Quum vero hernias curandi methodum quod attinet, auctores in tam diversas abeant sententias, suadentes alii sacci herniosi una cum reliquis elapsis partibus, repositionem; alii eandem, si imprimis diu hernia duraverit, seu noxiam planeque impossibilem rejicientes; casum quemdam ad *Excellentissimo Domino Praside* ante aliquot annos in felici, quam exercet, praxi sua observatum, mecum benevole communicatum, atque ob varia, quæ herniarum doctrinam magis illustrant, attentione omnino dignum, quantum per temporis paginarumque angustiam licebit, pro virium mearum ratione, hic exponendum eo lubentius in me suscepi, quo clarius ex ejusdem paulo specialiori indagine in sequentibus patebit, & proficuum & possibilem utique esse, certis sub conditionibus, etiam in hernia inveterata, relaxati inque saccum degenerati peritonæi restitutionem. Faxit numen divinum, ut cœpta hæc cedant in sui gloriam proximique misere ita afflicti emolumentum.

## C A S U S.

Vir quidam XXIX. annum agens, cæteroquin sanus, firmoque corporis habitu præditus, sub initium anni MDCCXXXVI, qui fuit ætatis suæ annus XVII. ex vitio a nimia ventriculi repletionem orto, febre tertiana intermittente, corripiebatur. Æger morbi molestia conflictatus, in principio statim auxilium adversæ valetudinis a medico petiit. Qui advocatus ad profligandam febrem, una cum aliis medicamentis, validum quoddam emeticum illi præbuit. Licet hic ad vomitum haud proclivis, difficiliter vomuerit: ab hoc tamen medicamento, largiori forsan dosi propinato, septies circiter effectum expertus est. Quo quidem factum est, ut febris insultus non amplius redirent; verum mox post violentas sursum factas dejectiones

[a] In chirurgia Tom. II. cap. 121. seqq.



jectiones tumor parvus, cum aliquo dolore tensivo junctus, in inguine dextro surrexit. Quem vero ægrotus, indolem illius nesciens, nullaque gravia inde symptomata in principio sentiens, parum curabat; sed in corporis exercitiis, arte scilicet saltandi, digladiandi ac equitandi, ea qua antea consuevit, solertia pergebat. Tantum vero abest, ut tumor ille, qui herniæ naturæ fuit, inter vehementiores ejusmodi corporis motus statum servaverit; ut potius annorum serie altius versus scrotum descendendo majus incrementum acquisiverit, ac tali modo herniosis familiaria varia peperit gravamina. Quamquam ægrotus a malo per triennium nunc vexatus, naturam illius atque periculum inde metuendum demum animadverterit, verecundia tamen retentus, nullum a perito medico aut chirurgo consilium petiit; sed ipse quantum potuit, tumori manus admovit, atque repressionem devolutarum partium, præsertim noctu, quando lecto tenebatur, tenuit ac perfecit. Quæ res illi etiam interdum ex voto in quieto cubitu sponte ita successit, ut nullo diætæ errore commisso, per aliquot dies nihil quandoque prolapsus, sub dicta conditione, in conspectum veniret. Hoc felici eventu herniosus noster, malum non amplius leve judicans, permotus est, ut validis corporis motibus, quos antea tam frequenter suscipiebat, quantum potuit, supersederet, id quod inter præcipuas referendum esse videtur causas, quibus effectum est, ut tumor iste herniosus, habito ad complurium annorum decursum respectu, in magnitudine non admodum accresceret; licet non negemus, quod postea vitæ genus, regulis diæteticis strictius accommodatum, imprimis abstinencia a victu crudo atque flatulento, qui, prout experientia id docuit, majori intumescentiæ quovis tempore ansam præbuit, incremento mali variisque sæpius exinde nascentibus gravibus incommodis, arctiores posuerit limites. Circa initium anni MDCCXLV. præterlapsis ab origine mali IX. integris annis, ægrotus affectu colico, cui herniosi haud raro sunt expositi, correptus, morbi cruciatibus diu continuantibus, *Excell. D. Præsidis* auxilium tandem imploravit. Hic in causas hujus morbi curatius inquirens rem eo perducebat, ut ex ingenua, quam ipse æger dabat, relatione, mali per novem annos studiose celati, ejusdemque decursus, uti ipsum hucusque descripsimus, plenariam sibi comparare posset notitiam. His non contentus laudatus Dnus *Præses* ipsum tumorem manuum oculorumque scrutinio subjecit, atque in dextro scroti latere, *enteroceles* liberam nec incarceratam, magnitudinem ovi gallinacei majoris circiter æquantem, reperiit. De omento, licet diu ac curatius explorata fuit hernia, ne minima in illo percipienda fuit particula. Exper. *D. Præsides* de cauta restitutione sollicitus, artis lege, brevi partes tumorem formantes, cum quodam, quod ordinario fit, intestinorum murmure, annuli musculorum abdominalium aliquali renixu non obstante, retro feliciter compulit; excepto tantum sacco hernioso, qui tanquam oblongum atque molle tuberculum ab inguine ad mediam usque scroti partem se extendens, tactu potius, quam visu potuit



explorari. Quoniam *D. Præses* ex relatione ægri jam percepit, eum quam sæpiissime repositionem proprio Marte peregrisse, de parvo illo tumore relicto quæstionem movit, atque ex responsione, quam æger dabat, edoctus fuit, intumescuntiam illam a remanente sacco hernioso productam, operam restitutioni impensam, plerumque delussisse, dum modo duo vel tria temporis exceperis momenta, quibus intestina simul cum involucro suo, saccum intelligo, in abdominis cavitatem retropulsa sunt, in quo deinceps, nisi vehemens motus aliisque corporis concussus e. g. a sternutatione, tussi cet. ortus, rem turbaret, omne id quod tumorem alias creavit, per aliquot dierum spatium, vel in erecto, quod mirandum, corporis situ, abdomini inclusum hæsit. Rebus ita se habentibus *Excell. D. Præses* ad avertendum omne, quod frequenter inde oriri solet periculum, idoneum cingulum loco affecto adplicandum esse duxit, cui consilio æger morem gerens, bracherio sibi tradito usus est. Verum enim vero huic nondum assuetus ægrotans, dum aliqualem, quam omnia conjunctam habent, molestiam sentiret, illud iterum tribus vix elapsis diebus rejiciebat, posteaque nulla fascia amplius se cingebat, quo factum est, ut eandem viam denuo apertam, intestina rursus repeterent. Sub finem prædicti anni MDCCXLV. herniosus noster incidit in febrem catarrhalem, cui tormina abdominis, dolores colicos mentientia, accedebant. Quamquam ab hoc morbo in se satis benigno, nullum vitæ discrimen metuendum fuit: magna tamen inde enata debilitas ægrum nostrum per trium septimanarum spatium semper fere lecto affixum tenebat. Durante quo vix interrupto cubitu contigit, ut intestina evoluta una cum sacco hernioso, partim proprio pondere, partim leni manuum pressione adjuta, non solum cavitati abdominis penitus restituta; sed & intus absque vinculo imposito probe retenta fuerint. Fugata denique feliciterque curata febre, tumor quoque non amplius rediit, & licet ab illo tempore, quo ex febre catarrhali convaluit, tres integros annos compleverimus: nullum tamen neque herniæ, neque sacci illius unquam posthæc vestigium inveniendum fuit; sed vir ille, etiamsi tam in victu, quam in motu corporis sæpius errores haud leves commiserit, salvus & incolumis, ac a hernia quam IX. annos secum portavit, penitus liberatus superstes est.

## §. I.

Præmissa casus nostri brevi enarratione ad rem ipsam nunc progrediendum esse putamus. Ut autem in explicatione thematis nostri ad debitum respiciamus ordinem, priusquam morbi, quem tractamus, definitionem exhibeamus, descriptionem herniæ generatim præmittendam, operæ prætitium esse arbitror. Est autem *hernia* proprie sic dicta, tumor præternaturalis, in variis abdominis regionibus sub cute a visceribus ibidem sitis, formatus, originem trahens a peritonæi vel ruptione vel dilatatione nimia [a].

## §. II.

[a] De *Vilars* in Dictionario Chirurgico p. 301.



## §. II.

Ex tradita hac generali herniæ notione, eam ad *morbos complicatos* jure referri posse, facile intelligitur. Dum enim tumor est, annumeratur morbis *mala conformationis* magnitudinis auctæ; dum vero post peritonæi ruptionem, aut distensionem faccus sub integumentis communibus formatus, quem viscera e sede sua naturali elapsa replent, morborum *in situ mutato*, elassi merito adscribitur [b].

## §. III.

Cum oscheocele idem sit, quod bubonocle completa [c], quid primo per incompletam, & dein, quid per completam bubonocelen, intelligatur, dispiciendum erit.

## §. IV.

Comprehenduntur autem sub voce *bubonocelès incompletæ* omnes illi tumores, qui relaxato aut disrupto peritonæo, a visceribus quibusdā in abdomine fluctuantibus in inguine elewantur. Quando vero, prout in nostro contigit casu, dictæ partes e regione inguinali temporis successu in scrotum descendunt, illudque p. n. diducunt, a loco quem ejusmodi hernia occupat, *oscheocele*, seu quod idem (§. 3.) significat, *bubonocle vocatur completa*.

## §. V.

In utraque, quam (§. 3. & 4.) proposuimus herniā, sunt viscera, quæ easdem efficiunt, ut plurimum *intestina*, præcipue illud, quod ileum audit [d], id quod ex situ, quem hoc intestinum in abdominis cavitate, circa annulos sic dictos abdominales habet, haud difficulter poterit dijudicari. Interea ipsum, cui adhæret, mesenterium, imprimis si intestini paries anterior & posterior, adeoque tota fistula prorumpit, prolabi simul posse, anatomica harum partium contemplatio docet: sin autem unus saltem intestini paries distendendo nimis inguina, herniam ibidem gignat, uti a *Ruyfchio* [e] aliisque observatum est [f], mesenterium e loco suo vix

[b] *Teichmayer*. in Dissert. de exomphalo inflammato exulcerato & postea consolidato, *Jenæ* habit. 1738.

[c] Vid. *Heisteri Chirurg.* edit. germ. p. 721: item p. 728.

[d] Sunt inter chirurgos nonnulli, qui intestini cæci & coli ad inguina & scrotum descensum observarunt. Ast pertinent ad classem rarissimarum hæ observationes. Utra de hac re videri possunt in *Heisteri Dissert. de hernia incarcerato suppur. sape non lethali*.

[e] In musæo Anat. p. 63. fig. 3. itemque in thesauro Anat. VII. p. 43.

[f] Vid. *Acta Acad. Reg. Paris. A.* 1700. Item *Morgagnius* in *advers. anat.* III. p. 8. 9.

vix dimovetur. Aliquando etiam accidit, ut omentum superiorem alias infimi ventris regionem occupans, adeo versus inferiora descendat, ut vel solum, vel una cum intestinis tumorem in inguine attollat, sicuti Cel. *Heisterus* in *Ephemer. Nat. Curios.* [g] exemplum viri in utraque inguinis regione hernia affecti, & ab eo cultro anatomico dissecti, attulit, cui omentum in hernia unius lateris, ab intestinorum mole, ad ipsum quoque scrotum protractum fuit. Quod sane exemplum & possibilitatem & actualitatem eruptionis omenti in inguinibus & scroto extra omnem dubitationis aleam ponit. In nostro casu præter intestinum, nullum aliud abdominale viscus, adeoque nec omentum repertum fuisse, testantur allegata (pag. 6.) & *Domini Præsidis* facta in hunc morbum curatior inquisitio.

## §. V I.

Originem vocum bubonocèles & oscheocèles quod attinet, illam a Græca lingua petendam esse, paulo specialior harum denominationum consideratio docet. Derivantur nimirum hi termini a voce *βυβών*, quæ inguen; *σχέον*, quæ scrotum, & *κήλη*, quæ herniam sive tumorem Latinis significat. Hinc etiam bubonocèle, latino sermone, per herniam inguinalem, seu secundum *Celsum* [b] ramicem-inguinis, & oscheocèle, per herniam scrotalem explicatur, quia prout jam evictum est, in inguine pariter ac in scroto exsurgunt. Enterocèle. itidem a Græco vocabulo *έντερον* Lat. intestinum, cui eadem vox *κήλη* adjungitur, nomen accipit, quia nempe intestina tumorem herniosum formant. Quando e contrario peritonæi sacculus (§. 14.) omentum replet, quod Græcis *επίπλοον* audit, epiplocele appellatur. Ex his breviter adductis intellectu facile est, cur hernia in inguine vel scroto ab intestinis orta entero ab omento epiploo-bubonocèles aut oscheocèles nomen acquirat.

## §. V I I.

Quemadmodum generatim in praxi clinica medicus anatomes peritus, de plerisque morbis majori certitudine atque soliditate judicare potest; quam alius in hac scientia minus versatus; ita speciatim in chirurgia ab anatomes ignaro pauci morbi, nec rite cognosci, nec tuto curari poterunt. Quin, quod in arte chirurgica anatomia usum evidentiorum uberioremque, quam in ipsa medicina præstet, ab Ill. *Heistero* in peculiari de hac materia habita dissertatione [i] abunde monstratum est.

## §. V I I I.

[g] Centur. V. Observat. 85.

[b] Libr. VII. cap. XXIV.

[i] De anatomes majori in chirurg. quam in medicina necessitate. Helmstadii 1737.



## §. VIII.

Quæ cum ita sint, exspectare quidem jure posset lector prolixam sedis, omniumque, quæ herniæ scrotali favent, partium; nec minus locorum, per quæ intestina elabuntur, anatomicam, quam utique hic tradendi in principio animus fuit, descriptionem. Verum enim vero cum viri in chirurgia pariter ac arte secandi clari consummatique *Waltherus* [k] *Günzius* [l] *Henslingius* [m] *Vogelius* [n] alique hunc laborem tanta cum industria peregere, ut eidem vix aliquid addi posse videatur: brevissima organorum affectorum indigitatio sufficiet. Pertinent ad hæc autem præter *integumenta communia*, quorum situm, connexionem & fabricam, ceu res tyroni notas suppono, *musculi abdominales*, & *peritonæum*.

## §. IX.

De *musculis abdominis* notandum, quod eorundem vulgo numerentur quinque paria, musculi nempe oblique descendentes, seu secundum *Winslovium* obliqui externi, musculi oblique ascendentes seu obliqui interni, musculi transversales, musculi recti, & denique pyramidales, quorum ultimorum aliquando unus vel alter, interdum ambo plane deficiunt [o]. Acquisiverunt hi musculi nomina sua, partim a diverso fibrarum tractu, partim a situ, quem habent, partim a peculiari, quam repræsentant, figura [p].

## §. X.

Conferunt autem modo recensiti musculi suum ad herniās symbolum in iis præcipue locis, ubi perforati sunt, seu quod idem est, ubi partibus quibusdam, in statu secundum naturam, ex abdomine egredientibus, transitum permittunt. Vocantur hæ perforationes sive hiatus, ab aliquali [q] quam cum annulo habent, similitudine, *annuli*, quorum quidem ordinarie numerantur in abdomine tres, annulus sc. umbilicalis, inguinalis, & cruralis, inter quos tamen annulus in interiori inguinis regione, prope pudenda situs, quippe qui in fæmina uteri ligamenta rotunda; in viro variorum spermaticorum præparantium & deferentium funiculum, processum

peri-

[k] In Progr. de entero-sarcocoele.

[l] Libell. de herniis. Lib. 1744.

[m] Dissert. de peritonæo. Giesl. 1743.

[n] In peculiari de herniis, vernacula lingua, edito tractatu p. 6. seq.

[o] *Heisteri* Compend. Anat. p. 64.[p] *Cassebohm*. method. secandi p. 14. seq.

[q] Limitata hæc est propositio. Non enim hæc foramina perfecte ubivis annularia seu circularis sunt figuræ. Sic e. gr. hiatus musculi oblique descendents ad ovalem magis accedit figuram.

peritonæi & cremasteris musculi principium involvit, ac in utraque bubonocèle nimis, quam par est, distenditur, attentionem nostram præ reliquis meretur.

## §. X I.

Formatur hic annulus (§. antec.) (1) a musculo obliquo externo (§. 9.) utpote primo sub integumentis communibus sito, maxime vero ab ejus aponeurosi, de qua notandum, eandem circa aperturæ annularis superiorem & inferiorem regionem, constituere duas quasi columnas tendineas, magis hic, quam alibi robustas, quæ ex uno latere in aliud prægressæ crucis in modum se invicem decussant, ossique pubis firmiter annectuntur. (2) A musculo obliquo interno, cujus fibræ carneæ, minusque tendinosæ, prope foramen obliqui externi aliquo modo a se invicem secedentes, iisdem partibus (§. 10.) exitum, sub forma hiatus, concedunt. Utrique hic hiatus, qui junctim sumti, annulum inguinalem stricte sic dictum, constituunt, alii tertium addunt, quem a musculo transverso formari putant. Verum quum accuratior harum partium anatomica disquisitione doceat, in utroque sexu nec vasa spermatica, nec ligamenta rotunda eundem penetrare; sed sub ejus limbo progredi, cum B. *Cassebohmio* [r], *Heistero* [s], *Garengeot*. [t] eundem merito negamus.

## §. X I I.

Hiatus hi breviter enarrati differunt inter se primo, ratione *situs*, quo sibi e regione in statu secundum naturam [u] minus respondent. Internus enim altiori loco collocatus est, quam externus, isteque a linea alba magis quam hic distat. Dein ratione *magnitudinis* discrepant, quum foramen ab obliquo interno musculo formatum, amplius eo sit, quod obliquus externus format. Quale denique inter utrumque hiatum sive annulum quoad *substantiam* obversetur discrimen, ex modo (§. antec.) dictis satis elucescit. Quæ omnia probe pensitata nos edocent, reductionem partium elapsarum, de qua infra plura dicendi locus erit, e directo minime esse suscipiendam, ne inter duos musculos magis, quam in abdominis cavitatem eandem impellantur; deinde annulum sive fissuram musculi obliqui externi & delapsui & repositioni viscerum egressorum, ob fibras, quibus constat, valde robustas tendineas, adeoque fortiter resistentes, maximum ponere obicem; eundem tandem validissimum annulum nimis constringendo dum agit,

[r] Libro citat. p. 28.

[s] Libro citat. p. 64.

[t] Dans son *Traité des Operations* T. I. p. m. 238.

[u] In statu p. n. magis paralleli observantur.



agit, dictarum partium strangulationem inferre, experientia teste, sæpius funestam.

### §. XIII.

*Peritonæi* miram in abdomine expansionem, arctiorem cum plerisque ibidem sitis visceribus, nexum, & diversam figuram, itemque vasa, quæ in eo conspiciuntur sanguifera & nervos, quia ad scopum nostrum parum faciunt, silentio prætermittimus. Id unice notamus, peritonæum e duplici constare substantia; una membranacea proprie dicta; altera cellulosa. Illa magis minusve tenuis, valida tamen fibrisque tendineis firmata, intus lævis & lubrica, dilatibilis & elastica est, atque internam respicit abdominis cavitatem; hæc componitur e congerie vesicularum minimarum pinguedine plus minusve turgescientium, quæ aëre, flatu immisso, facile detegi possunt. Ipsa hæc cellularis peritonæi portio duos emittit per anulum inguinalem (§. 11.) extra abdomen processus, involventes in sexu virili funes spermaticos, in sexu autem sequiori, ligamenta uteri rotunda. Eadem hæc productiones cellulosæ, ubi cum vasis spermaticis atque deferentibus in potiori sexu annulos (§. 10.) trajiciunt, sepimenta illa membranacea, quibus hæ partes involutæ sunt, formare videntur, postea vaginam constituunt, quæ prope testiculum dilatata, ipsi tunicam vaginalem seu elytroideam largitur [v].

### §. XIV.

Quando igitur substantia peritonæi membranacea (§. 13.) circa anulum inguinalem a fortiori viscerum nisu dilatatur, ac una cum contentis inguina & scrotum versus devolvitur; ipsi peritonæi processus, pro diversa, quam hernia successu temporis acquirit magnitudine, minorem aut majorem ut patiantur distensionem, necesse est. Vocatur substantiæ membranacæ nimis in herniis expansæ portio, quia elapsas partes sacci ad instar includit, *saccus herniosus* sive quod idem est *saccus peritonæi*.

### §. XV.

Exhibita brevi partium, herniæ quam hucusque pertractavimus, anatomica delineatione (§. 8. ad §. 14. inclusive) ad explicandas causas eandem excitantes, ordo nos jam ducit. Plurimæ illarum cum aliis herniis veris communes sunt & in duas classes opportune dividi posse videntur. Ad primam referimus eas, quæ intestinorum pressionem versus peritonæum præter naturam augent, alteram vero classem constituunt causæ, quæ na-

R. 2.

turale

[v] *Henfing.* Dissert. citat. *Welt* in Dissert. de hernia crurali.

turale & debitum peritonæi , annulorum (§. 11.) atque aponeuroseos muscularis oblique imprimis descendents robur diminuunt. Impelluntur vero intestina fortius ad interiorum peritonæi circa annulos inguinales membranam , vel sub nimia , quam a flatibus sustinent , distensione , vel sub validiori diaphragmatis ipsorumque musculorum abdominis in viscera ibidem sita , actione , id quod in tussi enormiori , repetita sternutatione , nimia vociferatione , in ejulatu infantum , tenesmo , itemque in conatu parturiendi , induratas alvinas fæces excernendi , grave pondus , repleto præcipue ventriculo , elevandi , imprimis autem in vomitu [ x ] semper contingit. In casu a nobis in medium prolato reiteratos vomitus a propinato validiori emetico herniæ causam extitisse , effectus mox secuti , tumor scilicet parvus in inguine , cum aliquali dolore tensivo enatus , satis superque testantur. Sub vomitu enim vehementiori & repetito , qui absque validissima convulsivaque septi transversi & musculorum abdominalium constrictione concipi nequit , intestina tanto impetu tantaque vi , versus inferiora , quandoque protruduntur , quantam dicta peritonæi membrana sæpiusque nominati musculus sufferre nequeunt. Cedit ergo vis minor majori , relaxatur peritonæum , debilitantur muscoli , dilatantur annuli , oritur bubonocoele. (§. 4.) Infantibus nuper natis , ex vinculorum , quibus umbilici funis ordinarie deligatur , arctiori constrictione idem ex eadem fere causa , nonnunquam producit effectus. Intestina enim tali modo fortiter compressa , concurrente simul diuturniori ejulatu , exitum , quem his sub circumstantiis in tenello annulo facillime inveniunt , eadem sibi quarunt ratione. Inter plura , quæ stabiliendæ huic sententiæ inservire possent tristia exempla , unicum hoc allegare placet , quod scilicet in urbe quadam haud procul a nobis sita , ex nefanda obstetricis ignorantia , ob fasciarum firmiorem adstrictionem , plures infantes ad subeundas herniarum molestias coacti sint.

## X V I.

His consideratis in exponendis reliquis herniarum *causis* ad *alteram classem* (§. 15.) pergamus. Comprehendimus nimirum sub illis , omne id , quod naturale peritonæi , musculorum abdominis & præcipue annulorum robur ita debilitat , ut levissima data causa , intestina prorumpant. Ita subiecta quædam a nativitate statim , vel a morbo adeo subinde conspiciuntur extenuata , ut dictæ partes levissimo viscerum impetui accedenti cedere cogantur. Sæpius tamen , experientia teste , vis externa abdomini cum impetu applicata , ad hernias disponit. Sic plures a variis chirurgiæ scriptoribus , casus memoriæ traditi sunt , qui abunde demonstrant , di-

verfas

[ x ] A vomitu repetito herniam cruralem originem traxisse testatur *Wels* in *Diff. citat.* pag. 16.



versas infimi ventris partes, imprimis circa sæpius recensita loca, a violentiori ictu, gravi ac subitaneo lapsu, vel saltu, vel ab equitatione vehementiori, in tantum relaxatas ac naturali firmoque suo tono destitutas fuisse, ut intestinorum moli nisiueque sufficienter se opponere, eademque intra suos terminos coercere non potuerint. Occurrunt insuper in vita humana variæ actiones, quæ miras corporis exigunt flexuras, positusque, sub quibus abdominales præsertim muscoli validissime constringuntur & tandem successive labefactantur. Bajuli herniis sæpe vexantur, quia ab elevatione gravium e terra ponderum modo recensiti muscoli, successu temporis, tanto debilitantur gradu, ut levi causa occasionali accedente, cedant & partibus exitum molientibus eundem concedant. Cur monachis malum hoc adeo frequens sit, nonnulli molli atque pingui victui id tribuerunt. Nec negamus, cum unius rei plures possint esse causæ, eundem, dum butyracea aliaque pingua fibras nimis relaxant, omnino aliquid ad herniarum generationem conferre. Verum quod primariam attinet causam *Cel. Günzii* nos subscribimus sententiæ, qui in libello de herniis [y] hæc eloquitur: *in Monachis crediderim verisimilem magis causam hanc esse, quod sæpe in genua procumbere coguntur, in quo positu annuli musculorum abdominis pressioni intestinorum quam maxime expositi sunt.* Tandem utramque causam, debilitationem scilicet partium abdomen circumvolventium, atque præternaturalem viscerum depressionem, ad creandas hernias simul concurrere interdum posse, sequens illustrat exemplum: ponamus hominem brachio suspensum, vehementiori tussi aut sternutatione affici; nonne hoc in casu muscoli obliqui & transversus, ob validam, quam patiuntur, distensionem & multum roboris sui amittunt, & intestina tanto cum impetu, ut hernia facile oriri possit, ad dictos musculos devolvuntur?

## §. XVII

Traditis jam causis (§. 15. 16.) ad signa herniæ inguinalis & scrotalis progrediamur. Dum enim haud omnis tumor in inguine natus, pro hernia habendus sit, eorumdem notitia probe instructus esse debet medicus. Oriuntur enim in eadem regione alii tumores, qui glandulas occupant, atque *bubones* vocantur. Quod si ergo quis bubonocelen pro ejusmodi tumore judicaret, eamque eadem curandi methodo, qua bubones tractantur, profligare vellet, pessima sane symptomata is excitare posset. Prostat in *Heisteri* Chirurg. [z] casus, ubi chirurgus herniam ventralem pro abscessu habitam, scalpello aperire secum constituit. Ast a sæpius laudati *Heisteri* prudenti consilio, eo fere momento, quo cultrum tumori admove-re voluit, adhuc detentus est. Ex qua sane imprudentissima incisione

R 3

letha-

[y] Libr. Citato. p. 24.

[z] Tom. II. cap. 115. p. 719.

lethales vel saltem periculosissimæ intestinorum læsiones fieri potuissent [a]. Docet itaque hoc exemplum, quam maxime esse necessarium, ut ad notas, quibus hernia hæc cognosci, & partim ab aliis, partim a bubone discerni queat, probe attendamus.

## §. XVIII.

Quam primum ergo de tumore in inguine hærente quæstio movetur, explorare fas erit, num ille causam aliquam violentam (§. 15. 16.) secutus, aut post coitum impurum, aut post gonorrhoeam suppressam enatus sit? Quamdiu duraverit? An colore gaudeat naturali, aut magis rubicundo? An tactui cedat? An a spiritu retento incrementum capiat? Bubones enim, uti aliæ phlegmones, a sanguine impuro, qualis præcipue in lue venerea laborantibus deprehenditur, brevi temporis spatio absque causa violenta externa oriuntur. Quousque non in suppurationem abeunt, duri apparent, colorem induunt rubescentem, a spiritu retento in magnitudine non accrescunt, nec tactu facile dimoveri, nec pressione introrsum in abdomen repelli queunt. Quæ omnia rite pensitata, notas exhibent fatulentas, quibus bubonocèle a bubone, venereo imprimis, discerni potest.

## §. XIX.

Adesse autem bubonocelen, præsertim completam, ostendit tumor oblongus ab annulo & regione inguinali ad scrotum oblique descendens, idemque magis vel minus pro contentorum ratione distendens. *Hernia cruralis* e contrario, in illo loco, ubi vasa cruralia sub ligamento Poupartii ad femur abeunt, enascitur, & figuram habet ordinarie rotundam, nec prout oscheocèle oblique, sed magis in linea recta, deorsum directa est. Jungitur cum hernia crurali, a compressione dictorum vasorum, ut plurimum ossis femoris stupor, quippe qui in bubonocèle minus observatur. Præterea oscheocèle a *hydrocèle*, *hematocèle* & *pneumatocèle* ita discrepat, ut in ea testiculus tactu facile cognosci possit, quod in modo recensitis herniis spuris difficulter contingit [b]. Sunt hæc signa *generalia*: dantur vero adhuc *specialiora*; quibus singulæ species a se invicem distinguuntur. Quando *intestinum* prolapsum est, tumor ille æqualis, lævis & tensus est, ita ut vesicæ flatu distentæ speciem præ se ferat. Si æger supinus jacet, aut sponte, aut digitorum pressione cum murmure & strepitu retrocedit atque evanescit; quando spiritus retinetur, corpus movetur vel erigitur,

tumor

[a] Aliud exemplum, ubi chirurgus bubonocelen pro bubone judicans, eandem maximo cum ægrotantis damno incidit, annotavit *Stalpartus Van der Wiel* obs. rar. medic. chirurg. Anat. Cent. I. observ. 54. p. 226.

[b] Plura qui de hac re desiderat, adeat *Heisteri chirurgiam* p. 739.



tumor iterum sub murmure quodam apparet ac redit. Idem tumor circa basin angustior, quam in parte basi opposita, existit. Quodsi autem *omentum* subest, tumor adest tactu inæqualis, mollis & lubricus [c]; difficilius redit ad abdomen, nec quando erumpit, nec quando reducitur, aliquid murmuris auditur. Quando vero *utrumque* elapsum est, tunc intestino remoto, tumor quidam mollis, pinguedini quoad tactum, similis atque circa basin latus, in vertice autem magis angustus remanet.

## §. X X.

Quum intestina unum dumtaxat atque continuatum constituent canalem, qui ingesta, quæ ventriculi actionem jam passa sunt, ulterius promovet, ac tandem partes excrementitias a chylosis separatas *à va* excernit; sequitur, ut devoluta in herniis intestinorum pars transitum illis sine magno vitæ discrimine, denegare neutiquam possit. Interdum tamen observatur, quod, etiamsi haud exigua eorundem portio, intra muscutorum dictorum annulum inclusa hæreat, in uno alterove subjecto hernia laborante, via hæc, dummodo nullus committitur diætæ gravis error, plures annos aperta factis relinquatur. Exemplum, quo id probare conamur, est in pronitu. Si casum nostrum in memoriam revocamus, luculenter ex eo patebit, vitum istum hernia affectum, eandem absque vitæ detrimento intra *novem* annorum decursum secum portasse. Ratio, cur id factum, *quadruplex* esse videtur. Primo enim herniosus noster molestiam qualemcumque a hernia proveniente sentiens, statim & sæpius interdum, repositionem omni studio allaboravit atque perfecit: deinde perpetua, qua noctu occupatus erat, partium elapsarum repulsione, impedivit, quo minus intestinum cum suo involucri concrefcere, ac immobilem herniam cum gravissimis symptomatibus (§. 21.) sæpius junctam, creare potuerit. Tandem abstinencia a cibo & potu crudo ac flatulento, itemque a fortiori corporis motu: nec minus ipsa annuli, quam temporis tractu acquisivit, aliqualis relaxatio tantam intestini in suo diametro constrictionem, quanta ad incarcerationem requiritur, sine dubio prohibuit.

## §. X X I.

Quando contra portio canalis intestini, in tumore hernioso subsistentis, ita ab annulo constringitur, ut neque quid amplius intrare, neque exire valeat, oritur *incarceratio*, seu *strangulatio*. Eadem incarceration, etsi annulus valide non sit constrictus, oriri potest, quando *ostium sacci peritonæi* (§. 14.) nimis angustum existit, quemadmodum id *le Dran* [d] in iis præ-

[c] Hæc signa omenti prolapsi a *Ceſſo* jam Lib. VII. cap. XVIII. observata sunt.

[d] In observat. chirurg. §7. & §8.

præcipue subjectis observavit , quæ per longius tempus , quo parietes tandem , quoad maximam partem a pilæ continua pressione concrevere , bracherio usi sunt. Tali enim modo vel exigua sæpius memorato sacco inhærens intestini pars , quando successive aut flatu , aut fæcibus extenditur , ita potest incarcerari , ut reductio absque operatione institui nequeat. Nisi ergo in utroque tristi hoc morbi statu misere ita afflictis cito succurratur , intestinum in sacco hernioso delitescens ab aëre & excrementis ad extremum usque extenditur , eorundem ad anum propulsio plenarie intercipitur , gravatur ventriculus , nimis distenduntur irritanturque intestinorum membranæ , invertitur motus peristalticus , oriuntur enormes dolorum cruciatūs , excitatur demum *ileus* seu *miserere mei* , cum omnibus truculentis , quæ hunc affectum ordinarie comitantur , symptomatibus. Ipsa portio intestini inclusa , quum ob vasculā compressa sanguinis affluere decenter & refluere nequit , inflammationem concipit , quæ brevi temporis spatio aut in *suppurationem* [ e ] , aut in *gangrænam* & *sphacelum* abit [ f ] . Utraque hæc morbi determinatio res est conclamata , & quamvis optima adhibeantur remedia , neque ullus ab ægrotante & medente committatur error ; sæpissime tamen fatalis exitus tragoediæ huic finem imponit.

## §. X X I I.

Quod inter hernias intestinales , *curationem* oscheoceles præcipue attinet ; ad duo potissimum momenta respiciendum erit. Sunt enim primo *emotæ partes* in cavitatem abdominis provide atque secundum artis regulas , quas in sequentibus §. 27. recensebimus , *reducendæ* , ac dein in *positu* & *situ naturali* decenter *retinendæ*. Antequam vero modum , quo utraque indicatio rite adimpletur , explicemus , disquirendum erit , num una cum iis , quæ bubonocelen efficiunt , partibus , *saccus* quoque *herniosus* restitui simul & possit , & debeat , nec ne ? De possibilitate reductionis modo memorati sacci in hernia imprimis antiqua ac inveterata , inter celeberrimos nostræ ætatis chirurgos dissensus adhuc obversatur. Alii affirmando ; alii negando litem componere student. Celeb. *Gunzius* libro citato cap. IX. ita de hac re sentit : *saccus, nisi vel recentissimum malum sit, vel sectio adhibita, restitui non potest.* Eodem libro cap. XI. pag. 44. inter alia hæc eloquitur : *saccus si recens hernia, raro, si antiqua nunquam restituitur.* Quamvis libelli istius singulæ fere paginæ de Clariss. *Auctoris* eruditione pariter ac summa ,

[ e ] Varia herniarum suppuratorum exempla prostant in Dissert. *Glabachii* de hernia incarcerata suppurata Præside *Heistero Helmstad.* A. 1738. habita.

[ f ] Similis necrosis ipsis communicatur integumentis communibus , & ita tumor antea rubescens nigrescit & aperitur , tuncque pars mortua separatur. Cessant dein quidem , rebus sic se habentibus , illico dolores , ast ægroti in summo vitæ periculo sic constituti , mox vitam cum morte solent commutare. Prolixius de his omnibus egerunt Ill. *Heisterus* & *B. Teichmayerus* in Dissert. jam adductis.



summa, quam herniarum scrutinio dicavit, opera luculenter testentur; huic tamen asserto, quum nostra, quæ eidem obstat, experientia plus valeat, quam decem rationes, calculum haud adjicimus. Namque primo, neminem esse credo, qui herniam IX. annorum recentium classi annumerare vellet? Dein ex relatione casus nostri patet, faccum peritonæi sub febre, qua æger laborabat, catarrhali ita in abdominis cavitate reductum fuisse, ut postea ne minima istius portio circa locum, quem antea occupabat, nec tactu, nec visu inveniri potuerit. Doctissimus quidem *Auctor* ad stabiliendam sententiam inter alia citum ac inevitabilem facci cum vaginali tunica coalitum in medium profert; nec negamus, hanc concretionem, sub longiori temporis tractu in quibusdam subjectis nonnunquam evenientem, ejusdem restitutioni quam maxime esse impedimento: interim tamen limitandam, nec pro universaliter vera habendam esse, hanc thesin, exemplum a nobis communicatum docet. Taceamus nunc ea, quæ a *Waldschmidio* [g] de mucilaginoso interfluente humore coalitum impediens, proposita sunt. Nos a vero vix aberrabimus, quando facci, in casu, quem enarravimus, mobilitatem quotidiano, quem æger in restituenda hernia consumsit, labori, adscribimus. Accedit insuper & hoc, quod herniosus noster habitu corporis strictiori ac temperamento calido & sicco, sive, prout vocare solent, cholericogavissus sit, in quo ob fibrarum majorem soliditatem partiumque gelatinosarum defectum, ejusmodi facci cum lateribus dictæ tunicæ vaginalis concretio, quemadmodum, id etiam in annosioribus observare licet, rarius contingit. Ipsa denique hæc facci mobilitas, ægrotantis abstinentia sub morbo catarrhali, a victu superfluo, status corporis per tres septimanas in lecto quietus, annulorum via sub intestini repulsione aperta, situs ægrotantis conveniens & in repositionis actu supinus &c. symbolum suum, quo facilius faccus ipse una cum intestino elapso reduci potuerit, procul dubio contulerunt.

## §. XXXIII.

Dubium quidem, quod moveri posset, an scilicet tumor in reductione herniæ, quam Excell. Dominus *Præses* peregit, relictus, & durante febre totus, quantus fuit, in abdomen refusus, non potius pro parte omenti, quod semper (§. 19.) difficiliter restituitur, quam pro ipso sacco habendus sit? Primo saltem intuitu haud levioris momenti esse videtur. Verum ad id respondemus, quod, si omentum eundem tumorem formasset, eadem quoque signa, quibus omenti prolapsus (§. 19.) cognoscitur, in conspectum venire debuissent. Nunc autem ex relatione casus distincte apparet, nullum omenti vestigium, licet curatius explorata fuerit hernia, inveniendum fuisse. Adeoque is omni contradiceret experientiæ, qui omentum subfuisse audacter affirmaret. Ast ponamus, quod quidem

Tom. III.

S

mini.

[g.] In Dissert. de hernia sectione.

minime concedimus, tumorem post tentatam à Dno *Praside* herniæ reductionem, adhuc residuum, ab omento elevatum esse; nihilo minus tamen sequeretur, quod, omento restituto, sacci herniosi reliquiæ superfuissent. Ipse enim sapius laudatus *Gunzius* in *libello de herniis* cap. XI. p. 44. affirmat, peritonæi sacculi efficere tumorem conspicuum, atque exemplum tradit, ubi chirurgus eundem, pro vera hernia habitum, reducere annisus est. Atqui statim ab eo tempore, quo æger a febre convalescit catarrhali, nullum plane tuberculum, ab hernia remansit, sed potius tota inguinis pariter ac scroti regio, uti in sano homine comparata fuit. Itaque nullum superest dubium, quin sacculus peritonæi, non autem omentum, quippe quod nunquam existerat in eodem, penitus abdominis cavitati restitutus sit.

#### §. X X I V.

Quum ex his (§. 22. 23.) adductis luculenter pateat, peritonæi sacculus in hernia antiqua, certis sub conditionibus, reduci posse, ad ea nunc breviter respondebimus, quæ quæstionem, *an sacci restitutio in ægrotantis salutem cedat*, concernunt. Celeberrimus quidem *Gunzius*, prout dubitavit, an herniæ vetustæ sacculus intus compelli queat, ita quoque de salubritate reductionis ejusdem valde dubitare videtur. Rationes, quare ab ea abstinendum esse præcipit, certo sub respectu veræ & graves, adeoque attentione omnino dignæ sunt. Primo enim observavit, herniam antiquam raro inveniri, quæ sacculum non mutatum & præcipue crassum haberet [b]. Dein metuendum esse putat, ne sacculus repositus, nisi mox ad pristinum statum redeat, minima adhibita vi iterum procidat. Hinc quia restitutus sacculus reditum herniæ prohibere haud valeat, & consequenter necessitatem imponendi subligaculum minime tollat, ex his præmissis concludit: satius esse, nisi sacculus admodum parvus sit, ipsum etsi posset, non intus compellere; sed potius ejus ostium idonea vinctura occludere. Fatemur, nos in eandem sententiam lubentissime descendere, nisi experientia in nostro casu contrarium docuisset. Primo enim nulla sacci crassities tactu percipi potuit. Erat potius molle a sacculo formatum tuberculum. Dein tertius jam annus elapsus est, ex quo hernia, una cum sacculo feliciter abdomini restituebatur. Ac, licet ab eo tempore, etiam inter vehementiores corporis motus, quibus saltando, equitando &c. vir ille corpus exercebat, herniosus locus cingulo nunquam munitus fuerit: attamen neque externe novus a hernia proveniens tumor, conspici; neque interne a sacculo repulso, quidquam incommodi aut damni observari potuit. An tandem emotæ partes, quando in earundem repositione sacculus extra abdomen relictus fuisset, adeo firmiter absque fascia imposita abdominis cavitati inclusæ hæsisent, eam ob rem dubitamus, quia intestinum sine sacculo hernioso millies & ultra repo-

[b] Libello citat. p. 45.



repositum, mox in situ erecto, pristinum inguinis & scroti locum rursus occupavit, quod peracta simul peritonæi sacci restitutione, difficilius & postremo non amplius contigit. Quoniam itaque, experientia teste, unica hæc sacci reductio fundamentali mali curationi maximum addidit pondus, quo jure quis eam, rebus ita se habentibus, dissuadere velit, nullus video. Et idem, ex iisdem forsan rationibus, statuisse virum in arte chirurgica versatissimum *le Dran* [i.] testantur sequentia verba: *Quodsi sacculus, inquit, herniosus una cum reliquis emotis partibus, in omni casu retroPELLI & in abdominis cavitate retineri posset, haud exiguum inde haurirent ægrotantes emolumentum.*

§. XXV.

Salutaris, quem a sacci repositione sperare licet, effectus, multiplex esse videtur, & primarius, prout ego quidem judico, in eo potissimum consistit, ut annulus musculorum abdominalium ad pristinos limites facilius redire, arctius sese constringere, adeoque novæ partium eruptioni fortius resistere possit. Quamdiu enim sacculus intra anulum adhuc hæret, tamdiu fibræ aponeuroseos magis, quam a solo vasorum spermaticorum fune, distenduntur, viaque ampla magis & aperta relinquitur. Quum e contrario sacco simul remoto nihil impedit, quo minus annulus successu temporis, præsertim in junioribus subjectis, pristinum robur acquirens, hiatus tandem arctius occludat, ac tali modo aperturam non concedat majorem, quam quæ funiculi spermatici transitui sufficit. Dein sacco reducto, periculum herniæ incarceratæ avertitur, qua, testante *le Dran* [k], ii imprimis herniosi, sæpius afficiuntur, quibus sub diuturniori bracheriorum usu, ostium sacci in tantum, aut non in totum glutinatum fuit. Et prout tertio, sacci herniosi cum tunica vaginali concretionem sæpissime observant, idque commissioni attribuerunt recentiores chirurgi [l]; ita forsan idem herniæ vetustæ involucrum retropulsum partim inter se; partim cum peritonæi, cui contiguum est, lamella interiori, longiori imprimis temporis tractu, coalescere, eoque ipso novo herniæ proventui obicem ponere potest. Favet huic concretioni-status sacci quietus ejusdemque arctior, quæ contiguitatem, cum peritonæo, nexus, quem intestinorum incumbantium moles eorundemque perpetua, quam in eandem exercent, pressio, multum juvare videtur. Quarto, fibræ relaxati peritonæi, dummodo malum recens & tumor parvus sit, facilius, facta repositione, se restituere ac robur deperditum acquirere rursus queunt. Quum tandem ipsa in casu, quem proposuimus, experientia nos edocuit, hernias, modo sacculus sit intus compulsus, absque bracherio & sectione feliciter posse curari; hinc, etsi,

S 2

sacco

[i] Observatione LVIII.

[l] Observat. LVII. & LVIII.

[k] Vid. Gunzii Libell. citat. p. 44. Not. K. N. 3.

facco remoto , fasciarum applicationem , ceu rem omnino proficuum , haud penitus rejiciamus , earundem tamen diuturniorem usum non adeo necessarium esse judicamus , quam in malo , ubi faccus in ventrem non refusus est. Quod sane commodum tanti videtur esse momenti , ut unicum id , si & reliqua abessent , repositionem facci , in casu obvio , sub certis (§. seq.) conditionibus , utique esse instituendam , indicet.

## §. X X V I.

Quod reliquum est , num faccus abdomini restitutus , secundum *Gravengeoti* sententiam [ *m* ] , in crassam carneam firmamque substantiam remeatum herniæ impediens , quod vix credere possumus , mutatus sit ; num alio modo inter se aut cum peritonæo , prout verisimilius est , coaluerit , vivente adhuc viro , certo affirmari nequit. Contenti interim sumus observatione , quæ in hernia libera ac ab omni incarceratione (§. 21.) immuni , faccum præternaturalem crassitiem nondum adeptum , nec aliter corruptum [ *n* ] , restitui , ejusdemque reductionem ad fundamentalem herniæ curationem , multum conferre posse , docuit.

## §. X X V I I.

Redeamus ad herniarum curationem , quæ prout supra (§. 22.) dictum est , *reductione* partium emotarum earundemque *retentione* absolvi-  
tur. Priusquam id fiat , chirurgus mali indolem , & an libera ac mobilis hernia sit , nec ne , sollicite exploret. Dein ægrotus ita collocandus est , ut muscoli abdominales aliquatenus relaxentur. Oportet ergo , suadente *Platnero* [ *o* ] patientem esse resupinatum , crure retracto , coxis elatioribus , & a ministro , non vero ab ipso ægro , caput & pectus aliquantum levare. Commendatur eidem aeris exspiratio , ne intestina sub inspiratione a diaphragmatis complanatione deorsum coacta , ipsam impediunt herniæ restitutionem. Quo facto chirurgus scrotum , quod occupavit , herniosus tumor , attollit , lenique ac cauta manuum pressione unam evolutarum partium portionem post alteram , sursum ac oblique per dictum (§. 11.) musculorum abdominalium hiatum , ita abdomini restituit , ut quæ posteriora elapsa sunt , priora condantur. In hoc labore tamdiu pergendum est ,  
usque

[ *m* ] Operat. Chirurg. Tom. I. pag. 315.

[ *n* ] Sunt hæ conditiones , sub quibus facci repositionem suademus. Et idem vero nobiscum sentisse *B. Platnerum* in institutionibus chirurgiæ rationalis p. 531. testantur sequentia verba : Si *tunicæ vetustate frequentique inflammatione occalluerunt , vel si peritonæum annulo , intestina & epiploon peritonæo inhaerescunt , & si vitiosa sanies , pus , aliudve alienum , subest , illa ( facci sc. reductio ) prodesse non potest , sed semper nocere.*

[ *o* ] Libro citato pag. 525.



etque dum omne devolutum repulsum sit. Si tumor a sacco hernioso formatus, relinquitur, an iste pari modo restitui queat, tentandum est; nulli enim dubitamus, fore ut, quando res ex voto succedit, salutare, quos (§. 25.) recensuimus, effectus, subsequantur. Et ne intestinum, quod reprimatur, statim elabatur, minister quidam, manu imposita, id prohibere debet. Reductione ita peracta, locus affectus conveniente fascia (§. 20.) muniendus est.

## §. XXVIII.

Verum enim vero, quum interdum intestina flatibus aut excrementis distenta, vel annulus spasmō contractus repositionem tentatam impedian, de tollendis his obstaculis chirurgus ante omnia sollicitus esse debet. Cum fructu itaque hunc in finem parti affectæ applicantur primo cataplasmata, quæ ex Rad. Lil. alb. Alth. HB. Malv. mercurial. parietar. verbasc. Flor. melilot. chamom. Sen. Lini, fœn. Gr. additis convenientibus oleis e. gr. oleo chamom. verbasc. aneth. melilot. &c. lege artis confici queunt. Pro sunt porro linimenta ex iisdem oleis parata; nec minus lotiones, quas species sic dictæ emollientes, carminativæ ac leniter stimulantē ingrediuntur, utilitatem præstabunt haud contemnendam. Quodsi autem harum usui alvus non responderet, earumdem loco fumus tabaci *canaster* dicti, peculiari, quod *Heisterus* describit, instrumento [*p*], in anum immitti potest. Remedia hæc rite adhibita non solum fecum excretionem promovent, sed intestinis etiam aliqualem stimulum, quo facilius se retrahere & constringere possint, addunt. Ne tandem partes seclusæ inflammatione, quæ in plethoricis frequentius occurrit, afficiantur, aut ut ea jam incipiens imminuatur, *venæ sectio* instituenda, ac pro re nata repetenda est. Quando, licet hæc omnia rite sint in usum vocata, nihilo minus malum pertinacius persistit, graviaque eidem (§. 21.) symptomata superveniunt, necesse est, ut, quæ medicamenta non sanant, ferrum sanet. Quomodo autem *Herniotomia* sit suscipienda, eo minus, tempore dum parcamus, hic explicare animus est; quo fufius jam *Heisterus* [*q*], *Platnerus* [*r*], *Gunzius* [*s*], *Vogelius* [*t*]; aliique hanc materiam pertractarunt.

## §. XXIX.

Quod applicationem fasciarum, quibus partes remotas (§. 27.) intra  
S      3
suos

[*p*] Libr. Citat. Tab. XXXIV.

[*q*] Libr. citat. p. 726. seq.

[*r*] In institut. chirurg. p. 528. seq.

[*s*] Libello citat. cap. XIII.

[*t*] In *Abhandlung von den Brüchen* sect. II. p. 182. seq.

suos terminos coercere oportet, attinet, eam haud semper absolute esse necessariam, exemplum a nobis propositum docet. Saccus enim restitutus, vitæ genus regulis diætæ strictius accommodatum, ætas vegetior, imprimis autem situs per aliquot septimanas in lecto quietus &c. id procul dubio præstiterunt, quod alias fasciarum molestus ac diuturnior usus efficit. Verum enim vero, quum imitari eamdem curandi methodum, paucissimorum ægrotantium conditio ferat, nec primis statim diebus effectus supra recensiti (§. 25.) expectari queant; tutius erit, novæ, quæ sub fortiori præcipue corporis agitatione, fieri posset, partium eruptioni, etiamsi saccus repulsus sit, idoneam, prout (§. 27.) diximus, oppondere vincturam. Qua rite adhibita, breviori temporis spatio, quam in malo, quod saccum restitutum non habet, herniæ curatio sperari poterit. Contra si sacci reductio aut neglecta fuit aut succedere noluit, plerique autores fasciarum aut bracheriorum usum, non solum per plurimos menses & annos, verum etiam, in subjectis præsertim ætate provectoribus ac adultis, quamdiu vita durat, necessarium esse judicant.

## §. X X X.

Quo itaque partes repulsæ ab inguine scrotoque excludantur & ventræ immorentur, parata esse debent tria vel quatuor splenia diversæ magnitudinis, ac triangularis quadammodo figuræ, quorum unum post alterum, spiritu roborante ac nervino prius imbutum, loco debilitato ita applicatur, ut minora majoribus supponantur. Deinde pannis hisce immediate superimponitur aut subligaculum conveniens aut fascia sic dicta *spica inguinalis*, quam *Heisterus* [u], *Bassius* [v], *Vogelius* [x], describunt, nitidisque repræsentant figuris. Præstat, hanc adhibere fasciam in malo recenti, & quando æger, peracta repositione, duos pluresve dies quietum in lecto cubitum servare potest. Alias autem spicæ huic inguinali, dum operosius renovatur, facilius a constrictione recedit, & aliquo modo ingressum impedit, merito præferuntur *Bracheria*.

## §. X X X I.

Excogitarunt autem herniotomi varia, pro ratione subjecti, loci, ætatis, partium elapsarum &c. diversimode exstructa & ex linteo, panno, gossypio, lana, corio, ligno, atque chalybe vel ferro parata bracheria. Singulorum tamen figuras & utendi modos hic tradere nec instituti ratio, nec paginarum angustia permittit. Generatim itaque monemus, ea feligenda esse

[u] Libro citato Tabul. XXXVIII.

[v] *Im gründlichen Bericht von Bandagen* Tab. XII. p. 199.

[x] L. citat. sect. I. p. 121, Tab. II.



esse subligacula, quæ (1) commodè applicari possunt, (2) quorum præcipue pila reitui herniæ fatis resistit, nec tamen validiori, quam par est, pressione partibus subjacentibus dolores ac inflammationes creat (3), quæ undiquaque & ab omni latere æqualiter premunt, ne ad hanc vel istam plagam partes repositæ, ablata resistantia, magis inclinent, denuo procidant, ac sic ab ipso bracherio intercipientur, (4) quæ sub vario corporis motu ac positu locum non facile mutant. Specialiora qui desiderat, adeat *Heisterum* [y] *Bassum* [z], *Blegny* [a], *Dionysium* [b], aliosque, qui de subligaculorum conficiendi ac applicandi methodo proluxius & ex instituto egerunt. Tandem sub dicto fasciarum & bracheriorum usu convenit, abstinere a potu & victu crudo ac flatulento, vitare cujuscumque generis validiores corporis motus & servare excretiones, alvinas imprimis, in ordine naturali ac consueto.

[y] Libro citat. Tab. XXV.

[z] Libro citat p. 191. seq. Item in observat. Anatomico - Chirurgico - Medicis p. 265.

[a] In tractatu de arte hernias curandi.

[b] Operat. Demonstr. IV. figur. 21.

F I N I S.





L X V I.

D I S S E R T A T I O

C H I R U R G I C A

*D E*

E P I P L O - E N T E R O C E L E

CRURALI INCARCERATA, SPHACELATA.

C U M

DEPERDITIONE NOTABILI SUBSTANTIÆ  
INTESTINI SPONTE SEPARATI, FELICITER  
CURATA, ALVO NATURALI RESTITUTA.

*Quam Preside*

BURC. DAVID. MAUCHART PP.

*Tuebatur*

P H I L I P. S I G I S M. P A L M,

S C H O R N D O R F I E N S I S:

Tubingæ 20 Mart. anno 1748.

1844

DISSENT

CHURCH

OF

THE

UNITED STATES

OF AMERICA

AND

THE

WEST INDIES

AND

THE

OF

THE

OF

OF

1844



## P R Æ F A T I O.

**H**ernia, *Ramex* Latinis, Germanis ein Bruch, ein Leibschade, Gallis une descende, une hernie, est tumor, quem partes solidæ mollesque è cavo quodam naturali prolapsæ, & integumentis communibus obtectæ efficiunt, in abdomine potissimum obuius, & à peritonæi dilatatione, rarius ab ejusdem ruptura oriundus. Si pars prolapsa, e. g. omentum, intestinum aliquod, ei loco, in quem procidit, incuneata & adstricta fuerit, ut citra sectionem intra abdomen reponi nequeat, & progressus fecum per illud incarceratum intestinum, sanguisque per compressa vasa circulus turbentur atque sistantur, sicque varia dolorum, inflammationis, gangrænæ, sphaceli, vomituum, eorumque tandem stercoreorum &c. consequantur symptomata, audit hernia incarcerata.

Varia herniarum species, maxime intestinalis, eaque vel in inguine subsistens, vel in scrotum viris, ad labia pudendorum usque feminis, descendens, vel &, rarius tamen, in femoris summam atque anticam regionem demersa, mala sunt nimis prohdolor! frequentia, & satis ordinarium senectutis flagellum. nisi debilis illa ætas sibi tempestive prospiciat. Quantacumque vero herniarum in genere vel incommoda sint, vel & pericula, minime tamen comparari merentur cum vitæ summo discrimine illo, quod ex hernia imminet incarcerata. Unde hoc præsertim cultiore ævo, chirurgiæ dexterrimi quique variarum nationum chirurgi novas certatim quasi inierunt varias methodos, quibus miserrimos ejusmodi ægros ab interitu retrahant, & canali intestinorum naturalem restituant libertatem atque permeabilitatem.

Sed omni licet adhibita cura subinde accidit, ut intestinum tale prolapsum, putredine sphaceloque corruptum non modo crepet fedissimamque sentinam eructet, sed & magno sæpe tractu tandem à reliqua portione sana secedat, sicque abrupta, & notabili intervallo distantia relinquat duo extrema divisi canalis intestinorum orificia; è quorum superiore, ventriculo propiore & continuo, cum posthac materiam fecalem jugiter exstillare necesse sit, hunc sane exitum foras, quo minus in cavum abdominis periculose redundet, in loco herniæ procurandum atque anum quasi artificialem ibidem constituendum, ceu ultimam salutis anchoram censuerunt, nisi quidem singulari non minus felicitate quam dexteritate duo intestini abrupta frustra per suturam jungi & consolidari queant, salva cavitate canalis, atque intra cavum abdominis servari, consolidato hiatu ac ulcere, in quibus antea prolapsum hæserat intestinum. Feliciter talem rem gestam abs celebri Guelpherbytano Chir. Ramdohr laudat celeb. Heisterus in Chir. sua latina cap. de bubonocèle incarcerata p. 817. §. 12.

Naturæ autem beneficio, citra artem & supra expectationem chirurgi, coarctatorum sponte talium frustorum & restituti hinc naturalis fecum alvinarum com-  
meatus rariores oppido historias adaugere notabili quodam exemplo herniæ omentalis & intestinalis, in summitate antica femoris incarceratæ, s. herniæ quæ epi-

*plo-enterocele cruralis audit, illudque notis scholiisque illustrare in animum mihi videor non male induxisse, tum ut specimen aliquod qualiumcumque meorum profectuum edere publicum, tum ut ipsa observationis raritate lectoris benevoli gratiam venari liceat. Communicavit, mihi hanc observationem celebris atque tam in anatome quam chirurgia raro prohdolor! Inter Germanos exemplo, versatissimus, in civitate mea chirurgus Dn. Jac. Nicol. Werner, qui virum, unde deprompta est observatio, & vivum & mortuum oculis manibusque subjecit chirurgicis & anatomicis. Hujus ergo ampliorem relationem, germanice perscriptam, in compendio fideliter sistam.*

---

## OBSERVATIO

**S**ic se habet: Thomas Giffel, æt. 54. an. [a] macilentus, aliquandiu laborans hernia crurali lateris dextri, eaque vel sponte intra abdomen redeunte vel facile sibi manibus reponenda, cui jam tam fatis prominulæ opposuit bracherium, [b] sed per negligentiam non semper applicitum, anno 1725. hyemali tempestate aliquot dies noctesque solempni aprorum venationi operam quoque suam commodavit, & nimio non minus motu corporis ac

[a] Infantibus puerisque ut solidæ partes corpusculi omnes sunt molliores, laxiores atque debiliores, ita herniæ in umbilico & inguine facilius atque frequentius accidunt. Senectuti aliud est debilitatis vitium, à viribus exhaustis atque fatiscentibus, humorum inertium, viscidorum, salibus impuris refectorum &c. dyscrasia, solidorum vero exarescentia, rigore, induratione. Unde, respectu herniarum, & hic senes bis pueri, & qui nunquam herniosi fuere per totam vitam, tandem evadunt, è laxitate & atonia laminæ peritonæi internæ, intestinorum, omenti. Sed si herniæ inguinales & crurales fiant incarceratæ senibus, multo majus imminere, his, quam junioribus, periculum recte statuit, Winslow expos. anat. *Traité des muscles* p. 172. §. 81. quod fascia ligamentosa, quæ locum illius procidentia ambit, per senectam indurescat ac exsiccet, ideoque partem prolapsam fortius constingat

[b] Bracheria, subligacula, *Bruchbänder*, qualia vulgo parari solent è corio aut molliori panno, plus incommodi, quam usus habent ordinarie, in herniis paulo majoribus, dum locum affectum, reposita prius intra abdomen parte prolapsa, non satis fortiter & constanter comprimunt, sicque in variis maxime & violentis motibus corporis, portionem aliquam intestini, vel omenti sub iuso bracherio transmissam, intempestive quin periculose, comprimunt, contundunt, & quasi inter malleum & incudem defigunt. Præstantiora sunt, quæ ex ferro elastico, & pilis corioque obducto debite parantur, atque mediantibus affixis loris abdomini partique affectæ arctius apprimuntur. Sed ob hanc ipsam majorem compressionis vim, qua locus dilatatus ceu obturaculo firmissime munitur, tanto major impendenda est cura, ut pars prolapsa perfecte prius intra abdomen reddita fuerit, quam adplicetur tale bracherium. Retinuit præses in pluribus ægris horrendæ magnitudinis hernias intestinales, in scrotum delapsas, ut illorum aliqui durissimum vitæ & opificii genus, cudendi & malleandi ferri, deinceps absque incommodo & periculo prosequi valuerint. Stantibus vero, ambulantis, sedentibus nunquam tuto dimittitur bracherium, cum vel una vehemens sternutatio herniam bracherio tum non munitam, possit mirum quantum intendere ac exacerbare.



ac longa gravique refrigeratione [c] effecit, ut prolapsum in hac hernia intestinum neque ab ægro, neque ab aliquot chirurgis, qui venationi tum intererant, in abdomen reponi valuerit. Unde in vicinum se pagum deferri curavit æger, & in via atque cubiculo frigido, quod inhabitavit, ulterius & graviter refriguit elapsum ejus incarcerationatum intestinum, ipse vero patiens inconfueta incarcerationis herniæ symptomata incidit. [d]. Varia quidem domestica & euporista sunt adhibita remedia, sed incassum. Transvectus dehinc, tertio ab incarcerationatione die, in vicinum oppidum, Schorndorffium, curæ traditus est medici, beat. D. D. Jegeri & chirurgi Keppelmanni. Adhibuere hi clysmata, primo stimulantia, dein emollientia, cataplasmata discutientia, venæsectionem. Incassum omnia [e]. Quinto die chirurgus oppidanus juratus Werner, & militaris primarius Reiser advocati sunt. Refert ille, quod tunc ægrius deprehenderit gravibus doloribus & intumescencia abdominis, præsertim in inguine, laborantem, liquida & crassiora vomentem,

[c] Multæ variæque ad incarcerationem herniæ sic conspirarent causæ: victus inordinatus. potus frigidus, motus corporis nimius, currere, elevando & portando onera, inclinando corpus ad humum, refrigeratio ab extus per aliquot nycthemera, & forsitan quoque brachii omisio, aut minus adæquata & sufficiens applicatio: Unde omentum & intestinum, jam ante satis extra abdomen prominula, magis sunt extrusa, feces intestini prolapsi incuneatæ, tunicæ vero & vasa sanguinea magis magisque ab arcu tendineo inguinis, sub quo procidentia facta est, strangulata, sanguinis in prolapsis partibus circulus, & ab ipso frigore, retardatus, sicque inflammationis, gangrænæ, sphacelique posita fundamenta. Refrigerationis vero causam alere perrexit ægrotus, vel saltem debito caloris gradu non gavisus est; in via & pago, quo se deferri curavit, cum in cubiculo decumberet frigido.

[d] Ordinaria hinc incarcerationis herniæ symptomata consequi necesse erat; qualia sunt: dolor in parte affecta constrictorius, pulsatorius, abdominis torminosus, distensivus: inflatio & tensio abdominis, nausæ, vomitus primo ingestorum, & contentorum ventriculi, dein varii liquaminis sædi, ultimo fecum stercorisque, quod phænomenon, affectui præcipue tribuit nomen ræ miserere! alvi vero pertinax ordinarie constipatio: anxietates, inquietudines, agrypnia, intensissima sitis, febris, extremorum frigus. Quæ quanta sunt; quanta cum miseria, quantoque juncta periculo facile patet, & frequens tragicus eventus confirmat.

[e] Repositio quidem tentata est, tensioni opposita emollientia, alvus clysmatibus lubricata & stimolata, venæsectione obviam itum stasi inflammatoriæ; sed incassum omnia, cum mala per longas invalere moras. Brevi autem partes ejusmodi strangulatæ membranaceæ & vasculosissimæ, uti sunt intestina, stasi incurrunt sanguinis inflammationem & putrefactivam, ipsaque intestini prolapsi portio magis inflatur & intumescit, flatibus, fecibusque inforcitur, & sibi ipsum ponit redeundi obicem. Omentum vero ob ténertudinem & arteriarum exilitatem parum habet nativi caloris, facile citoque refrigerat & in sphacelum abit. Si magna vis in retrusione impendatur periculum contusionis & crepaturæ incurrit intestinum. Neque certa semper est salutis anchora, in partitis per laxæ repositionem, si illa gangrænâ aut sphacelum jamjam conceperit. Reposuit olim celeb. Mery tunc intestinum, cum euphoria ægri, sed brevi relapsum est, & æger aliquot abhinc mortuus est horis. vid. Memoir. de l'Acad. des Scienc. an. 1701. p. 37. ed. t. Amstelod. Nisi ergo prænoten tempore, quod tridui spatium, & aliquando ne tam longum quidem, permittit, repositionis affulgeat opportunitas & felicitas, atque signa inflammationis increbescant, ad operationem chirurgicam est properandum.

tem, alvo constipatum & inanibus deijciendi conatibus stimulum: Tumorem herniosum durum, turgescens, magnitudine parvæ cucurbitæ, rubore inflammatorio notari ceptum: flatibus fecibusque infarctum, quod prociderat, intestinum: Arcum tendinosum, vel ligamentum Vesalii à constrictione spasmodica valde extensum: [f]. Pulsus durum, frequentem & intermittentem: ægrumque siti intensa, agrypnia, inquietudine perpetua vexatum [g]. Repetebatur venæ sectio, neque tamen ita frequenter, ut Galli solent [h], propinabantur optima antifebrilia, carminativa, demulcentia, nitrosis remixta [i]. Imponebant cataplasmata resolutivo-emollientia,

[f] Arcum illum tendineum jam olim descripsit præses in diss. de hernia incarcerata. An. 1722. hic impressa, accurate etiam tradidit Winslow in expos. anat. Trait. des muscles, passim, imprimis p. 172. Cur vero appellaverit ligamentum Fallopii non liquet, cum Vesalius in C. H. fabrica lib. 11. c. 31. p. 324. illud describeret ante Fallopium, & hic in suis observationibus ultro fateatur, se nihil de ligamenti quibus ossa nectuntur, singulare quod proferat, habere, Fallop. obs. anat. P. 42. *Garengeotius. Traité des opérations de chirurg. T. I. c. 5. des hernies* p. 140. arcum eundem pariter allegat, & applicat ad doctrinam de herniis. Hanc itaque cramben anatomicam non recoquam, sed chirurgis tamen probe ruminandam commendo, illis maxime, qui tam momentosæ, ac delicatæ se accingunt operationi, qualis herniæ debetur incarceratæ, tot difficultatibus circumseptæ, quas absque anatomes profundiore scientia vix superare feliciter licet. Quid autor hujus relationis sibi velit per illam constrictionem spasmodicam & ab hac pendentem magnam extensionem arcus tendinei, non liquet? Si enim hujus fibræ tendinæ contrahantur spasmodice, non possunt simul extendi, i. e. non possunt abbreviari & elongari eodem tempore, quoniam est contradictio. Extendi vero possunt à transeunte intestino flatibus & fecibus turgescens, & tale intestinum prolapsum potest fortiter urgeri foras a cohærenti tractu intestinorum intra abdomen, spasmodice contracto, agitato, deorsum nitente.

[g] Mors in olla! facies Hippocratica imminet! Scilicet denotant hæc signa eminens febrile incendium, vires labascentes & prostratas, halitus putredinosos in sanguinem & viscera resorptos.

Forfan haud procul ægri facies absuit ab illa, nasi contracti, oculorum instar moribundi, vocis propemodum extinctæ cum pulsu tenuissimo vix sensibili, quæ Meryum deteruit olim a tentamine repositionis, nedum operationis per incisionem in ægro tali hernioso, paucis ab hac inspectione horis mortuo. Vid. *Memoir. de l'Acad. des Scienc. an. 1701. p. 368.* edit. Amstelod.

[h] Quid V. S. in hernia incarcerata, gangræna incipiente & sphacelo imminente, in subjecto senili, paupere, exhausto, pluries repetita boni præstare possit non video? nec non in aliis similibus tam externis, quam internis affectibus. Imo vidit præses, mali potius inductum fuisse plurimum, cum ipso sanguine vires exhaustas, materiam circuli sanguinis subtractam, cor non habuisse amplius quod moveat, & circumagat, ipsas stases sanguinis eo ipso ingravescentes, quod gutta guttam valide propulsare desineret, impetu deficiente, sanguine nimis dilapidato. De suo in venæ sectionibus excessu, videant Galli, & ne in contrarium labantur vitium Germani caveant. Media tutissimus ibis via.

[i] Paucis multa dicuntur. Amplissimus est horum indicatorum census. Plura specificæ virtutis. Alia dicantur stasi sanguinis resolvendæ, discutiendæ: Alia alvo referendæ, stimulantæ: Alia crispaturis spasmodicis relaxandis: Alia viribus roborandis. Inter antifebrilia, eaque non simpliciter & unice paroxysmis suppressendis & mitigandis destinata, cortex peruvianus & hic eminere, novoque titulo superbire videtur, ex quo, præcuntibus



tia, oleo lini, vitellis ovorum & ung. de alth. remixta; locus affectus totumque abdomen calide perungebatur oleosis; ad partes strictas relaxandas [k].

Incisionem atque debitam operationem chirurgicam in primo statim accessu vel examine suadenti Dno. Wernero aurem haud præbuere vel æger, vel ejus uxor atque liberi, mortem ipsam sectioni præferentes, ipse etiam Stutgardia evocatus tum adhuc vivens chirurgus Simonius nimis tarde nunc tentari operationem causatus. Hinc illo statim die quinto, quo ægrum inviserat prima vice, hunc ordinariis suis medico & chirurgo reliquit, manumque ab opere retraxit Dn. chirurgus Werner; sed quinto post revocatus, itaque decimo herniæ incarcerationis die, omnia in pejus interea ruisse observavit: oculi enim erant fixi torvique, artus frigore quasi glaciati, sudor frigidus, abdomen durum, inflatum, pulsus debilissimus & quasi nullus, tota regio tumoris herniosi fusco-rubra, circulo cincta nigro: vomitus, singultus, diffusa per abdominis inferiora inflammatio, ad summum evecti erant fastigium: faciei totiusque corporis color luridus (*eine hefsliche Farbe*) cum horrore & frigore, deliquiis gravioribus [l].

Con-

bus primum Anglis, horumque postea sequente vestigia celeberr. D. D. *Werlhoff*, in hujus observationibus de febribus p. 255. item in commercio literatio Norimberg. An. 1735. p. 3. largiores quotidianæ corticis illi s doses ipsi sphacelo, in casibus etiam herniæ incarcerationis & sphacelatae mira felicitate sunt oppositæ. De modo agendi ingeniose doctæque differentem in illis observationibus suis Werlhoffium operæ pretium est evolvere.

[k] Cum eo res devenit, ut gangræna sphacelusque partem aliquam occupaverit, emollientia, oleosa communia, non ætherea, minime conveniunt. Quo igitur ea cataplasmata, herniæ gangrænosæ applicita, magis reddiderint discutiva & resolventia eo fecere rectius. Arcus ille tendineus parum se relaxari patitur emollientibus: in illius vero relaxatione tempestiva cardo positus est curationis. Emollitio loci affecti id unice boni præstat, ut feces induratae intestini prolapsi mobiliiores evadant; omnis reliqua emollitio, nihil facit ad rhombum. Quorsum enim in tam forti strangulatione faciet integumentorum herniæ emollitio; ut se patiantur ulterius expandi, & contentum intestinum stringant minus! Ita vero corticem lambunt, intacto nucleo, neque enim illa strangulatio, quæ a strictioribus integumentis ipsisque saccis proficitur herniæ tantum est, cui primario mederi oporteat. Tamèn non male litus oleosis destinantur abdomini reliquo, valde tenso, dolenti, nisi & huic sublit diffusior intestinatorum, abdomine contentorum, inflammatio.

[l] Mois ad januam! Syndrome pessimorum symptomatum! quis hic manum admoveat operi, nisi studio servandi ægri potius, quam tuendæ finis ardeat; non desunt inepti malevolique iudices, si operationis chirurgicæ alea sinistra ceciderit, qui operatorem inculpent, occidisse hominem, quem servare non potuit. Mascule igitur & christiane cum Celso nostro sensit chirurgus Werner: nihil interesse, an satis tutum sit præsidium, quod unicum est & melius esse anceps experiri remedium, quam nullum: Sed & prudenter se munivit prognostico, præmonens dubium eventum, & animæ curam commendavit agro præmittendam. Sunt enim graves omnino reatus illi, quibus se implicant subinde medici & chirurgi, quando ægros suos de imminentis lethi periculo non tempestive satis & serio admonent.

Conclamatis ita rebus ægri consentit vel tandem ejus familia in operationem chirurgicam, quinque diebus ante propositam; quam & Dn. Werner se tentaturum non abnuit, satius esse reputans aliquid quam nihil agere, sed præmissa de dubio eventu admonitione, ut ne culpa in operatorem devolvatur, si, quod facile fieri possit, vel in ipsa operatione, vel brevi post æger diem obierit supremum. Igitur postquam æger a suo confessionario sacro munitus epulo, & apparatus chirurgicus statim adornatus esset, incidit spithamæ longitudine operator scalpello recto tumoris herniosi partem cutaneam primo usque ad sic dictum hernialem saccum, enormiter infarctum & distentum: hunc dein foramine aliquo inflicto aperuit, & immisso specillo fulcato, in apice clauso, & introducto scalpello forficeque saccum hunc successive dilatavit [m]. Post hujus detectionem [n] se statim conspiciendum dedit omentum, obtegens prolapsa in-

[m] Rectissime processit chirurgus in modo operandi, variis dubio procul observatis encheiresibus atque cautelis aliis valdopere necessariis, quarum expressam non fecit mentionem. Neque est, quod hic opponas ingeniosam Cheseldeni celebris chirurgi Angli methodum, qui abdominis regionem inferiorem scalpello aperit magna rectaque plaga usque ad locum prolapsus, digitisque in cavum abdominis immixtis retrahit intestina prolapsa, omentum vero adnatum acu duplex filum trahente perforat, ligat, amputat, hacque methodo feliciter ægrum restituisse contendit; vid. celeb. Heisteri chir. lat. p. 813. §. 6. Taceo enim alia impedimenta, quæ hunc operandi modum promiscue haud admittunt, sufficit in præsentī casu deprehensa gravis sphacelosa atque putredinosa notabilis intestini tractus corruptio, & hinc ea teneritas inducta atque fragilitas, quæ ne placidam quidem elevationem, nedum violentam tractionem, sustinuit absque crepatura. Neque etiam adstipulor illis chirurgis, qui facta bubonocæles operatione deprehendentes aliquam intestini, vel omenti portionem sphacelatam, hæc una cum reliqua intestini portione integra, vel saltem nec sphacelosa, nec gangrænosa, reponunt in cavum abdominis. Illam enim sphacelatam particulam separari, excidere, & per consequens intestinum tunc notabili hiare foramine oportet, per quod feces in cavum abdominis redundant, sanasque partes vicinas inquinant, saltem eo usque, donec claudatur, & consolidetur præternaturalis ille hiatus. Neque tam commode possunt remedia huic stigmati sphaceloso intra abdomen opponi, quam extra, dum illud in loco herniæ extus tam diu relinquitur, donec separatio facta fuerit emortui frusti & hiatus consolidatio; interea vero strangulatio, inciso & dilatato prolapsus tendineo annulo, nihilominus tolli potest atque debet.

Neque celeb. Petiti Parisiensis chirurgi methodus hic locum habet, qua nempe incisis herniosi tumoris integumentis, dilatato per sectionem annulo, qui partes prolapsas vehementer constringit, & integro relicto sacco, parte prolapsam abdominis cavo refundit, saccum, vel per se liberum, vel si adhæserit, scalpello separatum, in annulum dilatatum attollit, ibidem in glomerem quasi convolvit, & ut annulo atque peritonæo concreseat operam dat. Quam enim partes sphacelatæ, putredinosa refertæ amurca, intestinum crepaturæ proximum, in cavum abdominis simpliciter repressæ cum suo sacco continente tragœdiam ludere possint, vel Davus facile subolfecerit?

[n] Saccus hernialis etiam in hernia crurali duplex est, externus & internus, nisi quidem hernia acciderit per violentam laminæ peritonæi internæ rupturam ac perforationem: externus saccus conficitur partim a substantia cellulosa & externa lamina peritonæi, quæ comitatur vasa cruralia, abdomine exeuntia, partim a fibris aponeuroticis



intestina ad eorum fere partem infimam usque, incrassatum nigrum atque sphacelatum. Hoc ipsum elevavit, & versus abdomen reflexit, in superiore parte filo cerato, mediante acu recurva circumducto, vincivit [o], atque infra ligaturam refecuit. E sacco herniali aliquantillum ichoris putridi emanavit; inque hoc magna intestini ilei portio carbone fere nigrior [p], & mesenterio parum adhuc connexa comparens, post modicam elevationem in parte superiore strangulationis crepuit, ejusque frustum, longitudine duorum fere pedum cum dimidio sponte secessit, a reliqua portione intestini [q]; quam vero tetram mephitidem spiraverint flatus fecesque confertim ex intestino erumpentes, dici vix potest? Frustum hoc intestini, à superiore sua parte separatum, ad genu ægri propendebat, & sequenti die penitus sponte solvebatur.

Saccus hernialis una cum integumentis ulteriore incisione dilatabatur usque

ais arcus tendinosi musculorum obliqui externi & interni: internus vero a lamina peritonæi interna, foras protrusa & instar infundibuli in inguen & femoris supremam regionem anticam dilatata. Talem structuram inter operandum, animo in alia defixo, non æque observat operator, in tali vero putredinis partium statu ne quidem potest distinguere.

[o] Plurimi chirurgi videntur non sine gravi ratione improbare omenti sphacelati in aliqua sui portione, repositionem in ejusmodi casibus, vel & vulneribus abdominis, sine ligatura & abscissione partis corruptæ. Ligatura supra locum abscissionis & in parte sana requiritur, tum ut vascula ejus sanguinea constringantur, ne sanguinem in cavum abdominis effundant, tum ut omentum post repositionem servetur vicinum vulneri, & mediante filo foras propendente & attracto, ut pus suum extra abdomen exstillet, & denique pars omenti ligata & per suppurationem abscedens possit extrahi. In eo autem casu, uti hic se præbuit, cum omentum est incrassatum tumidumque tanto magis conducit, filum duplex ceratum mediante acu per medium omentum prius trajicere, & tum demum circumligare, ut ne quando post abscissionem detumescit omentum, filum, intempestive laxius factum, solvatur.

[p] Famigeratis. illè medico-chirurgus & Professor Lugduno-Batavus Raw, cum in ejusmodi ægro; aperto sacco, intestina nigra conspiceret, mox scalpellum projecit, ab opere destitit, ægrotumque reliquit, prætexens illum servari non posse, sed ei brevi esse moriendum: referente Heistero in chir. lat. p. 816. nota (a) quod altero quidem die sic evenit. Præsentis vero casus felicior eventus manifeste docet, præter omnem spem & expectationem aliquando restitui ægrotum; ergo non esse destituendum abs chirurgo.

[q] Mechanismo singulari, vi arteriolarum oscillatoria, sanguinis crasi non in universum corrupta, viribus ægri utcumque subsistentibus aliquando sponte, citra concursum artis, solvitur successive pars corrupta sphacelata a reliqua viva, sana. Rarissimum & stupendum spontaneæ talis separationis & cruris quidem totius, a genu usque ad extremos digitos; sphacelati, luridi, cadaverosi, in femina; ab erysipelate maligno vidit olim Præses in præxi beati parentis, casum, ab hoc in ephemeridibus naturæ curiosorum, sub titulo, pedis sponte decidui, descriptum. Intestini ilei in hernia crurali incarcerata sphacelati, & post sacci hernialis factam incisionem, maximum tractum quatuor certe, vel quinque pedum Parisinorum abs Chir. celeberr. Mery refectum, ægramque illam virginem restitutam, servato artificiali ano in illo herniæ loco, ipse refert Mery in Mémoires de l'Acad. des Scienc. Anno 1701. p. 372. edit. Amstelod.

usque ad ligamentum Vesalii versus os ilei [r]. Tota ulceris, qua patebat, regio siccis obtegebatur plumaceolis, atque iis defendebatur remediis, quæ putredini gangrænosæ resisterent, abdomini vero toti epithemata insternebantur resolventia, cunctaque decenti obfirmabantur vinctura. Nec parce propinata sunt analeptica & juscula hordeacea. Primo ab operatione octiduo nihilo quidquam melius habebat æger, nisi quod singultus, vomitus, acerbissimique dolores tensivi abdominis remitterent; hoc etiam intervallo secessit penitus mediante suppuratione, tota circumferentia ulceris integumentorum faccique hernialis. Sed hujus facci paries inferior non nisi lentius secedebat. Facta vero vel tandem ejus separatione, vasa cruralia denudata arteriaque pulsans conspiciebatur [s].

Postquam vero reliquæ partium corruptarum undiquaque essent expurgatæ, & ulceris superficies discum quem mensis adhibere solemus, amplitudine æquaret, successive inducta est cicatrix, effluentibus tamen per semestrem fecibus e relicto ulcere & intestino hiantem. Intra hoc tempus data est opera, ut, per scitam fasciationem & splenia, ulcus posthac vices ani suppleret, eaque via æger per omnem vitam feces redderet alvinas (t). Æger recepit vires pedetentim, domo exivit, levioribus subinde vacavit laboribus.

Ast cum foramen ulceris atque intestini magis magisque se contraheret arctius, & aliquot septimanarum spatio non nisi fluidiora transmitteret, remanentibus crassioribus fecibus, supervenit nova abdominis distensio flatulenta, quamvis non nisi fluida & juscula hauriret patiens; imo cum &

[r] Saccus itaque hernialis, jamjam scalpello apertus, ulteriore incisione versus superiora dilatatus est, oblique versus os ilei & foramen illud ovale sub arcu tendineo vasa cruralia &c. emittens, ut partes herniæ continentis & contentæ à sphacelosa corruptione melius purgari possent. Arcum tendineum, qui tamen strangulationis primaria fuit causa, cur non disciderit atque sic relaxaverit chirurgus? Hæc subfuit procul dubio sufficiens ratio, quod omenti parte prolapsa rescissa, depleto & collapscente intestino, imo in longitudine tam notabiliter decurtato, strangulationis efficacia defecerit, locusque procidentiae satis ample patuerit. Illum tamen arcum tendineum si oportuisset diffecari, incisio magis versus pubem, quam os ilei, dirigenda fuisset, ob metum ibi discindendi arteriæ epigastricæ truncum.

[s] Quanta igitur hic opus sit deteritate in promovenda separatione parietum facci hernialis posticorum, magnis cruralibus vasīs immediate adhærentium, ipsa res loquitur! Anne saccum ita adhærentem licet scalpello separare, an lanceola mediante profundius scarificare, & separationem sic adjuvare? Dubito vehementer. Syrtes hæ sunt studiose evitandæ.

[t] Plurima talium curationum exempla prostant, post hernias incarceratas & vulnera abdominis intestinorumque. Cheseldenus in anat. sua Anglicana iconibus repræsentat & describit exemplum intestini in hernia umbilicali sphacelati, & dehinc ex umbilico notabili longitudine jugiter penduli, & vices ani denique gerentis. Transmitto brevitatis studio, quæ hic possent addi, de modo servandi talem fistulam apertam, & mundam: item de intestini divulsi inferiore frusto: de naturali excretionem fecum per intestinum rectum, qualis aliquandiu subinde perennat.



& angustum hoc orificium cicatrice penitus occluderetur (u), pristina denuo ludi tragoedia, redire vomitus & inflammatio ac tensio abdominis dolorifica ceperunt. Duræ & accumulatae feces intestinorum infarctorum digitis percipiebantur per transversum integumentorum abdominis, valde emaciatorum [x]. Sub novis hisce angustiiis injecit Dn. Chirurgus Werner intestino recto, per anum, clysmata aliquot mediante vesica bubula, cui tubulus erat alligatus, more scil. inter plebeios solemni, & cum sufficientem inde non reportaret fructum, substituit syringam, qua per vires impulit copiose fortiterque in anum mox oleosa, emollientia, mox stimulantia, donec eadem via copiose feces alvinæ excernerentur, & vomitus æque ac abdominis molesta inflatio cessarent, atque æger successive naturali per anum excretionem fecum constanter gauderet per 22. fere annos [y], & munus suum tribuni mendicantium aliasque operas manuarum obiret pro virili [z]. Ultimis vitæ annis novam idem æger adeptus est

[u] Posset alias & deberet tale orificium in debita conservari diametro per turundam, lenia septica &c. Cautelæ vero hujus neglectus in salutem cessit ægro, dum occasionem præbuit intestini duobus separatis extremis se mutuo recipiendi atque uniendi. Videtur tamen incipiens intra cavum abdominis, proxime ad foramen fistulæ, consolidatio hæc intestini causa fuisse, cur ipsum foramen se indies contraxerit in angustius spatium.

[x] Porta clausa fecibus, hucusque foramine & ano illo præternaturali exire consuetis, non poterant non accumulari illæ in intestinis, &, si hiavisset alicubi superior tenuium tractus, in cavum excerni abdominis, funesto sane eventu. Sed metum hunc, extravasationis fecum, diluebat primum distinctus gyrorum intestinalium infarctus, digitis in superficie abdominis externa tangendus. Coalitum vero utriusque extremitatis intestini prælagire aut demonstrare nullum poterat aliud phænomenon, quam alvi repetita & larga excretio naturalis per intestinum rectum, stipata remissione vomituum, tensionis & inflationis abdominis. Caterum in corpore emaciato posse infarctum intestinum extus digitis percipi mirum non est, cum & ipsa aorta, profundius multo sita, nec tantæ amplitudinis tangi & ejus valida pulsatio sentiri, digiticis potuerit in hectis emaciatissimis.

[y] Vel tactu igitur percepit chirurgus distincte etiam intestini coli infarctum, forsitan & principii recti intestini, atque sic clysmatibus usum fore aliquem prævidit? Vel in casu desperato, nihil non tentandum censuit, vel & tacitam obscuramque spem concepit, unionis illius rarissimæ intestini extremitatum? Quocumque egerit fine, peregit feliciter! At non emollitione saltem & lubricatione recti colique intestinum, per oleosa, sed etiam excitatione. stimulo, fibras intestinum musculares ad contractionem, & hinc propulsionem fecum irritantibus. Quænam adhibuerit stimulantia, non recenset? Præstare potuerunt hanc operam ☉ culinare, ☉ gemmæ, mel crudum, flores acaciarum, folia sennæ, ☉ catharticum Anglicum, sem. anis, &c. imprimis tabaci Virginiani, cavaster dicti fumus, intestino recto, peculiari mediante fistula, insufflatus, quem mira laudat celeb. Heisterus in chir. lat. præstitisse in herniis incarceratis.

[z] Tantæ molis erat toties depellere mortem! Singularis & felicissima profecto hæc est curatio, & exemplum futuris similibus desperatis casibus! Sed & specimen præbet scientiæ & dexteritatis chirurgi Dn. Werneri, quod concivi meo hinc ex animo gratulor.

est in pristino herniæ loco protuberantiam & intestini procidentiam, sine notabili tamen incommodo, ne tum quidem, cum successive in majorem increvisset molem [a]. Bracherium quidem subinde opposuit & gestavit, frequenter tamen quoque seposuit. Tandem & his, & vitæ imposuit finem marasmus senilis, anno ætatis septuagesimo quinto.

## SECTIO CADAVERIS.

Anno 1747. d. 3. Jul. instituta, sed solius abdominis & partium olim in hernia affectarum. Externe comparuit nova herniæ cruralis protuberantia, pugni magnitudine. Aperto abdomine & reclinatis integumentis obtutui primo se stitit omentum tenue & omni privatum pinguedine, protensum non modo usque in hypogastrium, sed affixum quoque ibidem passim [b], maxime foramini ovali [c], quo vasa cruralia & tendines iliaci atque psoæ & nervus cruralis anticus cavo abdominis exeunt, in latere autem opposito libe-

[a] Recidiva alias morbo pejor audit: hic non fuit. Cur? An quod intestini ilei portio notabilis, putrefactione prævia, fuit ablata? An quod annulus ille ellipticus, sub ligamento Vesalii restitit amplior, atque sic strangulatio minus fuit metuenda? An, quod æger, ceu piscator ictus sapuit, & prudentius sibi cavit à periculosis in regimine & diætâ erroribus? Neutram ex his solis sufficere causam puto. Potiorem detexit sectio hujus viri, in ætate decrepita senili marasmo confecti: scil. intestina ostio procidentiae interno vicina hic ibi latius peritonæo accreverant, ut motum fluctuationis peristalticum non potuerint exercere, nec adeo profunde foras excidere denuo.

[b] Hecticis adeo attenuatur omentum, & exhauritur omni sua pinguedine, ut telam quasi aranearum æmuletur. Certissimo sane indicio resorberi successive pinguedinem è cellulis omenti per vasa referentia in massam sanguineam, ut, aliquando æger insignem alens aqualiculum, & summa deglutitionis difficultate diu laborans quæsitus, quomodo vitam viresque sustineret in tam longa inedia? non male per jocum responderit: se in diebus sanitatis tantam collegisse in corpore suo annonam, unde jam satis nutriri possit. Hæc ipsa vero omenti tenuitas, atque levitas non minus, quam accretio amplior ad varia hypogastrii loca effecerunt, ut in herniæ recidiva non comitaretur intestinum. Cæterum omenti hæc tenuitas, levitas atque laxitas impediunt, quo minus, ob adhæSIONem in infimo hypogastrio ventriculus jejunus molesta tractione lacefferetur, unde aliquando Præses observavit, nauseas vomitusque viro, dum jejunus esset, concitatos fuisse chronicos, donec violentiore vomendi impetu medium crepuerit omentum, & ventriculo perpetuam indulserit quietem. Sc. in sectione hujus viri, aliquot postea annis demortui repertum est omentum medium divisum, frusto inferiore adnato ad locum peritonæi, qui ab incipiente inguinali hernia tentari solet, atque dilatari.

[c] Foramen hoc ovale, per quod ex abdomine in femur trajiciunt tendines musculorum iliaci & psoæ, arteria & vena cruralis, atque truncus ille magnus cruralis nervi, in statu naturali non est foramen, non hiatus, sed repletur partim illis ipsis tendinibus, vasis & nervi trunco, partim obtegitur intus lamina peritonæi interna, partim fibris reticularibus portionis cellulosa peritonæi interpolatur, ut sic plures uno ponantur obices elapsuris hac via contentis abdominis. Sed in viri hujus cadavere omnino se habuit tanquam foramen pervium, idque satis amplum, utpote per quod intestini ilei portio liberum servavit com meatum: & quod à peritonæi lamina interna non potuit amplius obtegi in cavo abdominis, utpote olim per putrefactionem in loco prolapsus separata.



liberum, nullibi adhærens. Rescindebatur omentum supra locum adhæſionis ad illud foramen, ejusque pars superior reclinabatur versus ventriculum, infima vero portio adhærens suo loco relinquebatur tamdiu, donec recidivantis herniæ tumor aperiretur. Integumenta & muscoli abdominis scalpello aperiébantur sensim sensimque in parte affecta, una cum sacco herniali [d], qui partem intestini ilei undiquaque fani, neque fecibus, neque flatibus distenti, continebat, nihil vero quicquam de omento. Duo intestini ilei, quod olim magnam substantiæ & longitudinis jacturam fecerat è putredine spha-celosa, extrema tam scite per cicatricem coalita, mediantibus peritonæi pa-rietibus, reperta sunt, [e] ut sufficiens atque liber fecum commeatus per-manſerit ad anum, licet intestini diameter aliquantum naturali angustior, in loco coalitus fuerit [f]. Latiori etiam peripheria accrevit intestinum hoc  
coa-

[d] Saccus hicce hernialis, si quidem distinctus aliquis tum adfuit, quo intestinum denuo prolapsum undiquaque cingeretur, non potuit ejusdem esse naturæ, qualis pri-mum in operatione chirurgica deprehensus est: Per illam enim putrefactionem atque suppurationem internus saccus hernialis, à dilatatione peritonæi lamellæ internæ effor-mari solitus, totus fuit consumptus, nec video, unde fuerit regeneratus? potuit tamen aliquo sacco peculiari intestinum prolapsum denuo indui, a cellulosa & pinguedinis & pe-ritonæi lamella, qualis alias saccum hernialem externum constituit.

[e] Coalitum hunc e-phænomenis suspicari, imo certissime licebat statuere, jam vero confirmat autopsia. Partes divisas, vulneratas, excoriatas, sibi proxime contiguas, con-crescere quotidiana docet experientia; sed duas extremitates canalis divisas ita se recipe-re, ut limbi saltem & tam accurate coalescant, ut cavitas intermedia maneat libera, ut-que hæc omnia solius naturæ beneficio fiant, sine concursu artis, quæ partes divisas ap-propinquet, jungat, junctasque servet, id sane est, quod jure meritoque miror veneror-que. Miratur talem coalitum quoque *Courtial dans ses observ. anatom. sur les os*, in addi-tionum observatione sexta, p. 154. a Paris 1705. in casu herniæ inguinalis incarceratæ in virgine, cui portio intestini prolapsi & gangrænosi fuit reſecta, dimidii pedis longitu-dine, ægra vero restituta felicissime, ut sine ullo recidivantis herniæ indicio valuerit op-time, & in subsequenti matrimonio tres feliciter ediderit partus. Exemplum, quod re-genset celeberr. *Heister in chir. lat. cap. 117. p. 12. p. 817. f. de ingeniosa non minus ac felici curatione, quam chir. aulicus Ramdohr perfecit in fœmina, cui post herniam incarceratam & sponte ruptam, excisa est magna intestinorum pars corrupta: binas vero partes extremas easdemque sanas intestini, superiori in inferiorem insinuata, leniter per injectum filum conjunxit ille chirurgus, in abdomen reposuit, filique circumducti ope ad vulnus abdominis attraxit, atque sic effecit, ut cum vulnere conſerveſceret, & ad glutinationem (quod mirum videri agnoscat & ipse *Heister*) intestinum divisum perve-niret, fecibus postea non per vulnus, sed per anum egredientibus, & dehinc sana vive-ret mulier, exemplum inquam est speciosissimum atque rarissimum, sed quod ars in hoc præstitit exemplo, id natura sponte exſecuta est in nostro. Sic natura illustrat artis, & ars naturæ opera!*

[f] Coaluit utrumque intestini extremum mediante cicatrice, hæc vero strictior sem-per est, & e fibris densius compacta, quam reliqua mollium circumfutarum partium subſ-tantia. Hinc diameter canalis intestinalis sub hoc coalitus circulo non potuit non evade-re aliquanto angustior. Eamdem coangustationem ante plusculos annos hic observavit Præses in canis intestino ileo, post vulnus abdominis partibus continentibus & intestino ileo tres fere pollices longum studio inflicto, demonstrandæ sc. suis auditoribus gastro-&

coalitum vicinis partibus, ut tam intestinum prolapsum in sacco herniali interno, quam pars intestini olim coalita separari scalpello debuerint ab infima abdominis regione, & per consequens intestina proxime hic sita naturalem fluctuationem servare non potuerint, quemadmodum in latere opposito sano [g]. Sacci hernialis novi portio posterior, obtegens vasa cruralia, crassior videbatur [h] superiore, qua remota in oculos incidit is vasorum cruralium situs, ut vena superaret, s. superascenderet arteriam & modicum efficeret arcum, s. flexuram, cum alias vena in cavo abdominis sub arteria recondatur. Ita colophonem imposuere sectioni & inquisitioni!

& enterographiæ gratia. Ex eadem vero filo debite confuti & novissime consolidati vuln-  
ris intestini angustiore reddito diametro, (qualem & diu post in occiso hoc cane reperit  
aliquaqualiter superstitem) deduxit rationem phænomeni: cur hic canis primo ab operatio-  
ne tempore, quoties alvum erat exoneraturus, varias & anxias ventris contorsiones intui-  
tuerit, & gemebundus trepidaverit?

[g] Talis ad peritonæum accretio est etiam observata a Ramdohrio in casu supra not.  
28. enarrato per sectionem illius fæminæ, quæ post annum, a superato illo herniæ peri-  
culo ex pleuritide obiit. Similem intestini ad peritonæum accretionem exhibuit etiam  
canis, de quo nota superiore mentionem feci. Similia & alii observarunt.

[h] Videbatur crassior an ergo revera fuerit, & cur, prolixius inquirere superfluo deo?  
Reliqua anatomica abs chirurgo observata, pariter transmitto, utpote quæ huc non alter  
spectant, nisi quatenus, ut supra jam monui, operatorem admonent de periculo, si in  
separanda sacci hernialis pariete postico intempestive velit esse sedulus.

## T A N T U M.

### C O R O L L A R I A.

1. Herniæ dividuntur respectu partis vel recipientis, vel receptæ: seu, quod idem est, in ordine ad subjectum vel loci, vel causæ.
2. Respectu partis recipientis hernia in infimo ventre est vel ventralis, hic vel ibi in abdomine locis incertis: Vel umbilicalis: Vel inguinalis: Vel scrotalis: Vel cruralis, sive femoralis: Vel per foramen ovale ossis pubis: Vel vaginalis, vaginam uterinam protrudente intestino.
3. Respectu partis receptæ, seu prolapsæ hernia est vel omentalis: Vel intestinalis: Vel ex omentali & intestinali composita, mixta: Vel vesicalis: Vel stomachi: Vel hepatis: Vel lienis.
4. Intestini recti ex ano protrusio & extrusio ad procidentiam, s. prolapsus magis, quam ad herniam refertur.
5. Herniæ omentales ac intestinales omnium sunt frequentissimæ, eæque sexui virili frequentiores, quam feminino.
6. Fæminæ tamen, illæ præsertim, quæ sæpius pepererunt, hernias incurrunt umbilicales præ viris.



7. Dantur herniæ umbilicales in ipso umbilici annulo medio: Aliæ vero ad latus ejus:

8. Ipseque annulus ille ligamentosus, fortis, stringit & incarcerat hernias umbilicales.

9. Habet ordinarie & hæc species herniæ, umbilicalis nempe, faccum hernialem à lamina peritonæi interna.

10. Hernia cruralis neque frequentissima est, quod aliqui statuunt, neque rarissima.

11. Herniæ cruralis strangulatio in senibus tanto est periculosior, quanto ligamentum Vesalii his solet fieri rigidius atque induratum magis.

12. Intestinum putrefactione sphacelosa divisum, potest, separato frusto sphacelato, coalescere, servata canalıs permeabilitate: Ergo & gladio discissum, idque tanto facilius.

13. Licet, quin oportet, in hernia incarcerata intestinum sphacelatum scalpello aperire, dimittere feces, frustum corruptum excindere, ipsum intestinum discindere medium, atque sic consolidationem & moliri, & sperare.

14. Quo citius operatio chirurgica herniæ incarceratæ suscepta, eo secutior, meliorque.

15. Sed datur etiam recidiva herniæ post talem prægressam operationem:

16. Unde cautela, se tempestive muniendi bracherio post operationem, non est de superfluo.

17. Emollientium, maxime oleosorum usus externus in hernia incarcerata, inflammata, gangrænosa non modo vanus est, sed periculosus etiam, promovens inflammationem in gangrænam & sphacelum.

18. Clysmata è fumo Nicotianæ Virginianæ maximis elata laudibus in hernia incarcerata, annon, frequentiori usu, narcotin suspectam inferunt, cum observentur hinc in nonnullis vis quasi inebrians, capitis gravitas & stupor, nausæ?

19. Quid? si machina electrica ad herniæ incarceratæ trahatur curationem, contactu ad abdomen, aut lumbos facto. An poterunt intestina, in abdomine contenta hinc ita percelli & commoveri, ut continuam portionem intestini prolapsi retrahere intra abdomen moliantur secure & efficaciter?

20. Intempestivus, immo stolidus pudor est, quo suffunduntur pleræque, præsertim sexus feminini, personæ herniosæ, malum tamdiu occultantes suum, donec remedio nullus sit locus.





LXVII.

DISSERTATIO

CHIRURGICA,

DE

EXOMPHALO INFLAMMATO

EXULCERATO

ET POSTEA CONSOLIDATO.

*Quam Præside*

D. D. HERM. FRID. TEICHMEYER.

*Tuebatur*

S. FR. CREILING

TUBINGENSIS.

Jenæ 28 April ann. 1738.

511 1002



## C A S U S.

**F**ilia viri honesti, eruditi & in publico officio constituti, novem annos nata, casum fuit perpeffa ab alto; quo factum est, ut tumor, sub initium non prægrandis, in umbilico fuerit ortus. Cum vero hicce tumor in dies augmenta caperet, fons fuit atque origo variorum, maximo cum periculo vitæ conjunctorum, symptomatum. Quippe induxit cruciatus sic atroces, ut filia per totas noctes ejulaverit atque gemuerit misere desiderio quietis. Præter hæc alvo laborans obstructa, vomitus sensit sæpe repetitos. Ejusmodi misera atque calamitosa constitutio rerum filiam, intra anni, & quod nondum excucurrerat, spatium, ita enervavit & languescit, ut, oblata *Magnifico Præsidi*, sceleto potius, quam homini, similis videretur.

Omnes enim muscoli, tam in brachiis, quam pedibus; imo & glutei, in natibus existentes, adnecati contabuerant, & vultus accedebat ad mortui similitudinem.

Variorum equidem medicorum auxilium fidesque implorata, varieque cura fuerat instituta; præsertim excretio quorundam per alvum vermium faces suspicionis subdebat, puellam premi verminatione, ast medicamenta adhibita effectum defraudabantur, nec puellæ dolores, nec anxium parentum leniebant desiderium.

Tandem, ad dolores sedandos externe epithematibus, &, uti conjectura auguror, emollientibus adplicatis, tumor inflammatus sponte aperiebatur. Læti parentes, ulcus circumvisentes, lumbricum ex eodem præpendentem, in extremitate quidem contabescentem, sed, parte, quæ in corpore occultabatur, extracta integra; adeo, ut quilibet, hunc lumbricum esse, judicare posset facillime.

Rebus sic se habentibus, parentes sibi persuadebant, lumbricum hunc conciliasse tumorem; præsertim cum, hoc ipso aperto, puella dolorum levamen persentisceret. Ast res nondum erat confecta. Cum enim puella iusculis, ex herbis compositis, imprimis ex chærefolio & petroselino, frueretur, foliola herbarum dissecta, tristissimus aspectus! Ex ulcere emergentia omnem restitutionis spem confundere videbantur.

Parentes, deploratam filiæ conditionem altius pensitantes, *Magnificum Præsidentem* adibant, annexis precibus, ut puellæ, quæ in miserrimo versabatur statu, auxilium adferat medicum. Annuens petito *Excellentissimus Præses*, qui jamjam & alios infantes, ulceribus umbilici maxime periculosissimos laborantes, sanitati restituerat, ex circumstantiarum relatione atque læsionis ratione concludebat, morbum huncce olim fuisse exomphalon, & in tumore sæpius nominato hæsisse tenue intestinum, quod, infecuta

inflammatione, in gangrænam ulcusque evaserit. Id quod fatis superque antecedentia partim, partim sine interruptione profluens materia chymosa, quæ alimentorum, non satis, & ut res postulat, solutorum, particulas habebat comites, testabantur.

Et si tota morbi conditio ita comparata erat, ut multi, eundem altius repetentes, animis concidere potuissent; *Præsidis* tamen *Illustris*, medicaminibus, tam interne quam externe morbo convenientibus adhibitis, præter spem atque opinionem, curam exoptatus coronavit finis. Filia scilicet pristinae sanitati reddita felicissime, fruitur, jamjam per quatuor annorum spatium, exoptato vitæ genere; nutritio omni ex parte restituta, tumor evanuit, & vultus gaudet colore, integri & incolumis corporis teste, ita ut omnes puellæ artus & viscera officio suo fungantur ad votum.

Dignus omnino fuisset hicce casus, qui jam pridem orbi communicaretur erudito, sed, cum *Magnificus Præses* curatius attendere vellet, quæ consequentia hanc curam exciperet, mihi eundem ad enodatus evolendum commendavit.

Probe hinc consideratis circumstantiis, conjectu facile erat, morbum descriptum fuisse exomphalon, sive herniam umbilicalem, cui casus ab alto tristem dederat ansam. Hernia hæcce dolorum, qui eandem secuti sunt, fuit mater, & cum sinistre morbus fuerit tractatus, inflammatio & exulceratio exinde orta est, intestinumque una cum integumentis communibus apertum ulcus peperit. Ex quibus dilucide patescit, nos jure meritoque dissertationi titulum: *de exomphalo inflammato exulcerato & postea consolidato*, præfixisse. Deus ter optimus maximus labori benedicat huic, ut in sui honorem, proximi & nostrum vergat commodum, id quod precibus efflagitamus ardentissimis.

### §. I.

**H** *Ernia*, ramex, ruptura, descensus, prolapsus, Græcis κήλη, est tumor præternaturalis abdominis, sub cute formatus a viscere quodam mobili, quod spatium rupti & expansi peritonæi ibi replet.

### §. II.

Dum tumor est, malum refertur ad morbos malæ conformationis magnitudinis auctæ; dum vero post peritonæi rupturam aut expansionem sub integumentis communibus formatur saccus, quem abdominis viscera replent, & ita locum occupant extraordinarium, hernia morbis in situ mutato annumeratur.

### §. III.



## §. III.

*Hernia* omnes a se invicem distinguuntur vel ratione loci, ubi formantur, vel ratione materiæ, a qua generantur.

## §. IV.

Locus generalis, in quo tumores herniosi observari solent, est abdomen. Etenim prolapsus, vel hernia oculorum, aut exophthalmia; item bronchocele, sive gutturalis tumor, herniæ sunt improprie tales; *herniarum* verum subjectum est peritonæum, quod a data quadam violentia vel subito rumpitur, vel successive expanditur.

## §. V.

Licet itaque omnes in abdomine regiones, experientia teste, ab herniis affici posse, certum sit; non tamen negandum est, primario & sæpius contingere umbilicales, inguinales & scrotales, quæ Græcis vocantur: ὀμφαλοκήλη, βεβονοκήλη & ὀσχεοκήλη. Rariores paulo existunt femorales sive crurales, epigastricæ, hypogastricæ, hypochondriacæ, iliacæ & pubis.

## §. VI.

*Umbilicalis hernia* tumorem producit in umbilico prominentem, ad instar globi dimidiati vel hemisphærii, nunc majoris nunc minoris.

## §. VII.

*Peritonæum* membrana est figura ovalis substantiæ tendinosæ, lubricæ & cellulosæ, quæ interiorem abdominis concamerationem obducit, viscera ibi contenta coercet, & intra pomœria sua retinet. Hæc autem membrana circa umbilicum, ubi vasa involvit umbilicalia, magis, quam alibi, attenuatur, quo fit, ut hic fibræ ejus facile cedant, si viscera abdominis a nisu quodam forti premuntur, aut si hic locus per violentiam quamdam exagitur [a].

## §. VIII.

[a] Connata peritonæi mala conformatio & sic hæreditaria dispositio ad herniarum productiones ansam dedisse testatur *Hildanus cœnuria VI. obs. 73.* & *Valescus de Tarenta lib. 6 cap. 7. Philonii sui*, qui ambo herniosas familias & herniosos filios ad tertiam progeniem natos observasse asserunt.

## §. VIII.

Quemadmodum vero infantes recens nati sæpiissime inflammationibus & ulceribus umbilicalibus afficiuntur; ita quoque præ cæteris ætatibus dispositi sunt ad hernias umbilicales. Et hoc imprimis, si clamores & ejulatus, in quibus viscera abdominis versus hunc locum vi quadam premuntur, accedunt, evenire solet. Equidem benignissimum numen ad declinandas herniarum molestias huncce annulum umbilicalem sollicitè munivit atque firmavit, partim per concursum tendinum trium musculorum abdominis majorum, qui ibi tendinem efficiunt communem, quem lineam albam vocamus; partim per musculos rectos, in quorum medio umbilicus prominet, & quorum inscriptiones tendinosæ umbilicum tam in latere dextro quam sinistro firmiter cingunt atque ambiunt. Nihilominus tamen hæc notabilis musculorum, tendinum & ligamentorum vis sufficit vix in omnibus subjectis ad declinandos & avertendos herniarum proventus. Imprimis vero herniæ solent oriri, si causæ antea assignatæ, inflammatio scilicet, exulceratio, clamores aliæque violentiæ uniuntur, & simul in uno subjecto junguntur.

## §. IX.

*Hernia inguinalis*, vel *bubonocèle*, oritur, quando peritonæum circa annulum musculosum inguinalem ita læditur, ut visceribus abdominis introitum permittat. Annulus musculosus in femina uteri ligamenta rotunda, in viro vasorum spermaticorum præparantium & deferentium funiculum, processum peritonæi & cremasteris muscoli principium involvit. Formatur ab externo abdominis obliquo musculo, utpote primo sub integumentis communibus sito, maxime vero ab ejus aponeurosi, sive parte tendinosa, quæ hoc in loco format fissuram, cujus latera paulo crassiora hic, quam alibi, observantur. Item ab obliquo interno, cujus fibræ hic magis carneæ existunt, cremasteri principium dant, & nunc supra nunc infra spermatica vasa processumque peritonæi decurrunt. Ad huncce annulum formandum concurrunt simul ipse transversalis abdominis musculus, cujus pars tendinosa licet hic valde attenuetur, cum margine tamen obliqui externi, *vagina tendinea* Albini & *ligamento Fallopi* vel *Poupartii* cohæret.

## §. X.

*Femoralis* vel *cruralis hernia* tumorem producit in interna regione crurali, visceribus nempe, si peritonæum rumpitur aut expanditur, ad ossis ilii & ischii sinuositatem descendantibus. Sinuositas vero ossis ilii est arcus, per quem tendines musculorum psoas & iliaci interni decurrunt. Supra hanc si-

quo-



nusitatē indicatum ligamentum Fallopiānum extenditur. Componitur autem ligamentum hocce partim ab aponeurosi obliqui externi, quæ, dum intra vertitur, originem dat obliquo interno; partim a specialibus fibris tendinosi parallelis, sibi propriis, satis validis, quæ æque cum aponeurosi obliqui externi in unum coeunt corpus. Hocce ligamentum tendinosum cum spina anteriori & superiori ossis ilii & parte superiori, sive crista ossis pubis, conjungitur, atque parte tendinosa muscoli fascialis, sive fasciæ latæ obtegitur [b]. Hæc *hernia cruralis vel femoralis*, circa viciniam muscoli sartorei & pectinei protuberans, utpote rarior, nec ab omnibus chirurgiæ scriptoribus accurate observata, multo minus descripta est; imo, quod maximum, multi eandem plane neglexerunt [c].

## §. XI.

*Scrotalis Hernia* venit nunc consideranda. In sexu sequiori processus peritonæi

[b] *Poupartianum* ligamentum in historia academiciæ regiæ Parisinæ anni 1705. pag. 64. 65. citis accurate describitur sequentibus verbis: *Ils sont attachez par un bout sur la crête de l'os des Iles, & par l'autre bout sur la crête de l'os Pubis, & le milieu porte à faux. Ils sont la jonction d'os en cet endroit, car ils soutiennent les trois grands muscles de l'abdomen.* Dicunt simul: *& dont cependant les Anatomistes n'ont point traité.* Sed hoc assertum veritati minime convenire videtur. *Poupartius* enim non primus est hujus ligamenti inventor, sed idem jamjam magnus anatomicus *Gabriel Fallopius*, medicus Mutinensis, in suis rarissimis observationibus anatomicis, Venetiis impressis 1561. illud dudum descripsit pag. 91. b. ubi de musculo pyramidalis, ab eo etiam primum invento, egit. Verba se ita habent: *aliquando accidit, ut dictorum musculorum principium non incipiat primum a spina ilium, sed inferius a ligamento illo valido, quod ab eadem spina usque ad os pubis percurrit &c.* & paulo post, ubi de muscoli cremasteris origine differitur, scribit: *ad tertium musculos descendo, in quibus aliam sane originem reperio ab illa, quæ ab anatomicis prodita est. Quoniam manifestissime eos semper video ab osse ileum, vel ab eo ligamento, cujus mentionem feci, initium ducere, sub chorda musculorum oblique descendunt, atque una cum peritonæo & vasis per foramen chordæ egredi.* Celeberrimus D. D. *Jacobus Douglas* in descriptione musculorum pag. 20. illud vocat ligamentum pubis & D. D. *Schreiberus* addit: *observat nempe Abinus, vaginam, investientem femur, eo usque ascendere, illumque marginem tendineum ambire undique: dum ergo membranam illam abscindis, formas tibi ligamenti speciem. Ligamentum illud ab inventore dicitur ligamentum Pouparti.* Illustri archiater & P. P. O. Lipsiensis D. D. *Waltherus* in programma inaugurali de *Entero-farcocèle*, anno 1737. edito, occasione Dissert. inaug. de *inoculatione variolarum*, Præsid. D. D. *Bavero*, resp. *Krisch*, quoque hocce ligamentum Fallopiānum vocat, & accuratissime idem describit. Imo ipse antiquus & magnus *Eustachius Tab. 32* hocce ligamentum quoque sedulo indcavit. D. *Garengeot* in sua *Myotomia*, Parisiis edita 1724. pag. 20. hocce ligamentum describit, gloriæ inventionis Fallopio tribuit, ejusque veram existentiam confirmat, quod ejus verba testantur: *le ligament dont je viens de parler est décrit par Fallope & est disputé par quelques Anatomistes d'une grande reputation, cependant il est réel &c.* Qui de hoc dubitant, tria est celeberrimorum anatomicorum, *Morgagnius*, *Coxsperus* & *Heisterus*. Rationes dubitandi reperiuntur in *Anatomia Illustris Heisteri Tom. II. pag. 53.* D. *Crases* aliquoties hocce ligamentum publice in cadaveribus humanis auditoribus demonstravit.

[c] Pluribus de eadem legi potest *Garengeot* in *Chirurgia practica, sive Traité des*  
opera=



tonæi mox properat ad finem, & exinde fit, ut feminæ tantummodo a *Bubono-cele* afficiantur, quæ interdum ad pudendorum labia usque sese extendere solet. In sexu masculino peritonæi processus in scrotum properans, ipsum involvit testiculum, tunicamque efformat vaginalem, vel elythroiden, cujus fibræ, quibus, mediantibus ipsis vasculis spermaticis, jungitur arctissime, [d] si expanduntur successive, vel subito hoc tegmen disrumpitur, intestinis vel omento usque ad scrotum concedit exitum. Hæc *hernia scrotalis* interdum tanta capit incrementa, ut ad instar marsupii ingentis versus genua usque extendatur. Magnificus *Præses* *herniam* ejusmodi vidit, in qua intestina, omentum & ipsum mesenterium delituit.

## § XII.

*Hernia ventralis* quandoque fuit observata, & quidem primo in regione epigastrica, ab umbilico versus cartilaginem Xiphoideam, & in interstitiis muscutorum rectorum. Et hæc hernia juniores & infantes afficit. Secundo in regione hypogastrica, ab umbilico versus os pubis & musculos pyramidales, quæ simili modo in musculis rectis contingit. Hæc in gravidis occurrit, præcipue illis, quæ sæpius cum molestia uterum gestarunt atque pepererunt.

## §. XIII.

A recentioribus naturæ scrutatoribus sedulo annotata quoque est *hernia pubis*, ratione loci ita dicta, ratione vero causæ *vesica* vocata, quæ sane non levis momenti est, id quod celeberrimi chirurgi Parisini, *Petit & Garregeot* confirmarunt. Oritur a prævia gravissima atque molestissima urinæ suppressione, in qua vesica ultra modum expansa, atque urina repleta supra pubis os porrigitur; quale quid fieri solet in gravidis, ultimis gestationis mensibus, quibus uterus totam regionem Hypogastricam replet [e].

## §. XIV.

Interdum quoque annotata fuit *Hernia hypochondriaca* atque *iliaca*, quæ in illis evenire solet subjectis, quorum abdomen adeo vulneratum, ut, absque gastrorhaphia adhibita, labia jungi non possint. Hac vero instituta, quando peritonæum non inter se exacte jungitur, faccus formatur, quem vel omenti vel intestini portio implet.

## §. XV.

*operations de chirurgie, Tome Premier, cap. V.* Quædam etiam de hac hernia occurrunt in *Hildani observationibus cent. III. obs. 64.* & *Plateri observ. lib. III. p. 758.*

[d] Vid. celeb. *Nuckii adenograph. p. 130. sqq.*

[e] Magnif. *Præses* ejusmodi herniam pubis vidit etiam in viro, ubi tota fere mentula in tumore erat abscondita, ut modo exigua ejusdem pars promineret, quo & fiebat, ut ad congressum inhabilis redderetur ægrotus.



## §. X V.

Ratione subjecti, quod gignit morbum, vel ratione materiæ, a qua *hernia* formantur, est (1) intestinalis, sive Entero-cele, (2) omentalis, sive Epiplo-cele, (3) Entero-epiplo-cele, sive talis, quæ a portione omenti atque intestini cujusdam simul formatur. Et hæc *hernia* a chirurgis vocantur *veræ*; ad *falsas* pertinet (1) hydro-cele, sive hernia aquosa, quæ in umbilico & scroto fieri potest. Interdum quoque oriri solet *mixta*, hydro-entero-cele, vel hydro-epiplo-cele, quando in herniis omentalibus & intestinalibus lymphæ extravasata simul præsens est. In hydropicis scrotum & mentula interdum insimul intumescit, & tota scroti cellulosa substantia a lymphæ extravasata mirum quantum extenditur. Nuperrime Excell. *Præses* in cadavere viri decollati & publice dissecti, alioquin satis sani, hydrocelen tunicæ vaginalis in latere dextro tantum observavit. Quæ cum modo hæc tunica testiculum ambiens uncias circiter duas lymphæ extravasatæ in se contineret, originem traxisse a rupto vasculo quodam lymphatico, vel testiculi, vel epididymidis, vel vasorum spermaticorum, vel ipsius tunicæ vaginalis videbatur. (2) Pneumato-cele in tympanitide; (3) Sarco-cele, quando hyperlarcosis excrescit; (4) Cirso-cele, quando vasa sanguifera, præter naturam distenta, ejusmodi efficiunt tumorem.

## §. X V I.

*Herniam umbilicalem* ab omnibus jam recensitis corporibus fieri posse, experientia testatur. Datur enim intestinalis & omentalis tantum, & omentalis intestinalisque simul; datur nunc ventosa in tympanitide, aquosa in ascite & hydrope faccato; interdum oritur carnosæ a carne benigna & indolente, nunc dolorifica a carne maligna, ad cancerum vergente; nunc exulcerata dapescent. Præterea etiam observatur varicosa, ubi venæ tantum expanduntur; rarius aneurismatica, ubi ob arteriarum læsiones tumor simul pulsat.

## §. X V I I.

Illa *hernia*, quam pertractandam sumimus, fuit *intestinalis*, quod ex circumstantiis facillime fuit collectum, & traxit non a successiva expansione, sed a subitanea ruptura in casu ab alto originem [f].

## §. X V I I I.

[f] *Dionis* in *Chirurgia* p. 117. ubi de exomphalo agit, rupturam tantummodo pro vera causa herniarum umbilicalium verarum agnoscit, & expansionem successivam, tanquam rem impossibilem, negat. Contraria ex parte Celeb. *Heisterus* in *notis* hanc defendit & observatione confirmat. Id sane negari non potest, maximam scriptorum partem defendere rupturam, pauciores vero dilatationem successivam, & ipsa experientia satis superque confirmat, rupturam subitam esse frequentiore causam, quam dilatationem successivam. Nam herniæ oriuntur in nisu & laboribus, in quibus inspi-

## §. XVIII.

Intestina, quæ herniarum tumores replere solent, sunt tam jejunum, quam ileum, rarius paulo etiam cæcum cum appendice vermiformi & colon [g]. In illa vero hernia, cujus jamjam §. II. mentionem injecimus, intestinorum tenuium item & crassorum cum ipsius mesenterii & omenti magna delituit portio.

## §. XIX.

Si intestinorum portio, quæ saccum herniosum replet, tam notabilis est, ut exinde formetur tubus duplex, vel recurvus, ex duplici nempe orificio constans, per quæ duplicia orificia chymus, flatus & feces nunc intrant & descendunt, nunc iterum exeunt & ascendunt, oritur *hernia completa*. Vid. *Garengeot p. 233*. Si portio canalisi intestini, in tumore hernioso existentis, ita ab annulo umbilicali constringitur, ut neque quid amplius intrare neque exire valeat, oritur *hernia incarcerata*, sive *strangulatio*, quæ a Gallis dicitur *Etranglement*. Hujusmodi strangulatio fieri quoque potest in hernia inguinali, femorali & scrotali, imprimis vero, si intestina per anulum musculosum inguinalem constringuntur.

## §. XX.

Hic morbi status enormes dolorum cruciatus habet comites. Quippe cum portio intestini, in hernioso sacco delitescens, a chymo, flatibus & fecibus ad extremum usque extendatur, omnia potulenta, esculenta & medicamenta, quæ ad ventriculum perveniunt, & per pylorum ad intestina properant, versus anum moveri non possunt. Quo fit, ut ventriculus gravetur, intestinorum membranæ expandantur, irritentur, & ita demum motus intestinorum peristalticus invertatur, & ileus, sive *miserere mei*, aut volvulus excitetur. Hoc in morbo omne id, quod intestina, supra herniam subsistentia, receperunt, per valvulam pylori iterum in ventriculum redire & per vomitum rejici solet; &, si colon intravit herniam, sit vel umbilicalis, vel inguinalis, vel femoralis, vel scrotalis hernia, vomitus nascitur stercoreus, nihilque per alvum excernitur, & ipsa scybala sive excrementa fætida per os ejiciuntur.

## §. XXI.

ratio enormi sufflaminatur modo, ut in partu difficili, molesta alvi & urinæ excretionem, saltu, equitatione, omni abdominis contusione &c.

[g] *Galenus* in tractatu *de morbis vulgaribus*, cæcum sive monoculum pro unico herniarum subjecto agnovit; verum in *comment. ad Hippocrat. aphorism. III. Sec. 4*. Ileum etiam prolabi posse affirmat. *Fabricius* ab *Aquapendente cap. V. chirurg.* omnia intestina hernias formare posse docuit, quod tamen ad duodenum & rectum applicari nunquam potest. *Van Meckern* in *observ. med. chirurgic.* virum vidit, cujus *scrotalis hernia* se ultra genua extendebat.



## §. X X I.

*Hernia*, quæ in umbilico contingit, plerumque recipit, ob situm intestinorum naturalem, portionem intestini jejuni, (rarius coli). In casu nostro idem fuisse factum omnia ea confirmant, quæ per ulcus exinde natum effluxerunt. Scilicet vegetabilium portiones & discerpta herbarum folia, imo & chymosa materia absque fæore profluxit; cujusmodi massa in jejuno intestino tantummodo solet existere.

## §. X X I I.

Notabilem intestini jejuni portionem replevisse saccum nostrum herniosum umbilicalem, herniamque completam formasse, ex symptomatibus sæpe recurrentibus concludi posse omnino videtur. Vomitus enim, alvi obstructions, abdominis intumescentiæ, ructus, dolores, & cruciatus, somnum & infantibus adeo necessariam tranquillitatem, digestionem, nutritionem & vires, puellæ nostræ ita infringere potuerunt, ut inter suspiria, lacrymas atque gemitus successive usque ad extremam corporis consumptionem contabuerit.

## §. X X I I I.

Omnes praxeos chirurgiæ scriptores uno ore testantur, fieri posse in omni hernia vera intestinorum, cum lateribus integumentorum saccum herniosum constituentium, coalitus. Rarius equidem, minimum tarde & longo satis tempore præterlapso, contingere id solet in subjectis annosioribus, ob fibrarum acquisitam soliditatem & partium gelatinosarum defectum; in junioribus vero intra breve temporis spatium hoc fieri posse, ratio & experientia testatur. Ejusmodi vero coalitum intestini cum integumentis extitisse in ea, quam pertractamus, hernia, extra omnem esse videtur controversiam; imo partem intestini, antea cum sacco hernioso connatam, in hunc usque diem perdurare certissime persuasi sumus. Ipsa intestini pars, cum sacco hernioso concreta, posteaque in hernia incarcerata, inflammata, gangrænata, sphacelo corrupta & demum perforata, fonticulum illum constituit, ex quo chymus aliæque esculentorum partes indigestæ propullularunt.

## §. X X I V.

Inflammatiō, gangræna & sphacelus sunt symptomata, quæ herniam incarceratam presso sequuntur pede. Etenim (1) ipsa alimentorum materia, vel chymi, quæ intestinum in hernia replet atque distendit, per se

ad putrescentiam vel corruptionem inclinat. Quippe secundum leges œconomiæ animalis neque movetur, neque fermentatur (2). Portio intestini, quæ saccum herniæ intravit, simili modo putrescere incipit, dum debita circulatio sanguinis, quæ vitalitatem in partibus conservat, per tunicas intestinorum neque fit, neque fieri potest, quia tunicæ intestinorum & in his vasa sanguifera nimis comprimuntur, ut via sanguinis per majora & minora vasa præcludatur.

## §. X X V.

Etenim cum annulus umbilicalis nimis expansus sanguini per vasa intestinorum incarcerationum, neque introitum, neque exitum permittat, non potest non perire vitalitas, & intestinum incarcerationum mori. Similis necrosis demum communicatur integumentis communibus, & ita tumor antea rubeus nigrescit, & aperitur, & tunc pars mortua separatur, cessantque ideo illico dolores, qui antea molestiam creabant. Rebus vero sic sese habentibus, ægroti in summo vitæ periculo constituti, mox vitam cum morte solent commutare.

## §. X X V I.

Dolorum cruciatus, durante herniæ incarceratione & quasi incuneatione, origines ducunt, (1) ab expansionibus annuli umbilicalis. Peritonæum enim tendinosæ & nervosæ est substantiæ, & insuper nervi ipsius peritonæi ad annulum decurrunt umbilicalem. (2) A ligamentis umbilicalibus, in quibus vena umbilicalis cum suo ligamento lato, arteriæ umbilicales binæ & ipse vrachus cum suo ligamento lato vel suspensorio vesicæ concurrunt. (3) A concurrentibus tendinibus musculorum oblique descendentium, ascendentium, transversalium, qui tendines omnes in linea alba concurrunt, & insuper vaginas oblongas in utroque latere efformant, quarum principium circa cartilaginem ensiformem & finis in osse pubis est. In hisce binis vaginis longis muscoli recti abdominis conservantur & commoventur (4), ab inscriptionibus tendinosis sive tendinibus transversalibus musculorum rectorum, qui etiam in hernia incarcerationata cum dolore expanduntur, haud secus ac tendines ipsi longitudinales musculorum rectorum in linea alba unitorum. Hi tendines a pube & ligamento Fallopiano usque ad umbilicum arctius cohærent, vel angustiores sunt; supra umbilicum autem versus cartilaginem ensiformem latiores paulisper evadunt.

## §. X X V I I.

Ex his jam dictis fatis aperte liquet, annulum umbilicalem ejusque partes in eo existentes, ubique nervosæ esse naturæ, quibus rebus fit, ut  
dolo-



dolorifice afficiantur, & dolorem insuper adeo intolerabilem efficiant, ut per totum abdomen vi consensus sese extendat. Exinde planum est, hernias umbilicales, sæpius incarceratas, modo ferme ineffabili excruciare ægrotantes, hominumque vires & nutritionem destruere.

## §. XXVIII.

Herniarum umbilicalium nulla fere est differentia, neque (1) in loco, sive parte affecta; nam omnes sunt in annulo umbilicali, neque (2) in causa immediata, quia oriuntur vel a ruptura & subitanea violentia, quod & factum fuisse in nostra historia certum est. Differunt autem ratione materiæ, de qua jam antea locuti sumus, & ratione magnitudinis. Aliæ enim, qualis nostra fuit, sunt ad instar ovi columbini; aliæ ad instar ovi gallinacei; aliæ plane ad instar capitis infantis minoris, vel ad instar pilei, ut loquitur *Dionisius pag. 81.* Editionis gallicæ, *l'on en observe quelquefois de plus grosses que la forme d'un chapeau.*

## §. XXIX.

Præsentiam *herniæ intestinalis* dignoscere possumus, si attendimus, (1) ad colorem, qui a naturali interdum recedit, dum scybala præsentia per integumenta communia expansa & sic pellucida reddita, transparent, & insuper excrementa indurata a manu tangenti exacte discernuntur. (2) Ad duritiem & elasticitatem, quæ augetur inspirationibus singulis, augeatur clamore, augetur post pastum, jejunium contra & frigida omnia tumorem imminuunt. (3) Ad dolorem, qui satis notabilis est, si tumor premitur. (4) Ad strepitum. Strepitus enim & murmura percipiuntur, si digiti applicantur, dum flatus ad intestina in abdomine recondita redeunt. Hinc *Dionisius pag. 81.* inquit: *on entend un petit bruit causé par le gorgouillement que les intestins font, en rentrant dans le ventre.* In hernia omentali vero vix ullus dolor, nulla coloris mutatio, nullus strepitus, nullus notabilis durities adest, nec latitudo, nec altitudo tam enormis, quæ in intestinali, observantur.

## §. XXX.

*Hernia umbilicalis*, præ reliquis omnibus extreme dolorifica, molestissima & cum maximo vitæ periculo juncta est. Molesta est propter concurrentium partium nervosarum & tendinosarum, in annulo umbilicali concurrentium & herniam formantium, id quod antea jam fuit §. 26. ostensum. Periculosissima est ob tristissima symptomata, dolorem scilicet fere intolerabilem, alvi constipationem, singultum, ructus, vomitum biliosum & interdum stercorem, febrim, strangulationem, quam alii vocant incar-

cerationem, inflammationem & demum gangrænam ac sphacelum. Insuper, quod maximum est, vix operationem sectione perficiendam admittit, & si illa instituitur, ægrotantes plerumque perire solent, id quod in aliis herniis, teste experientia quotidiana, non metuendum, quippe quæ cum exoptato successu sectione curantur [ b ].

## §. XXXI.

In nostro casu, durante morbo, sæpius nata est hernia incarcerata, insciis parentibus, & gravitatem hujus morbi non intelligentibus, minoris tamen gradus. Juncta quoque est strangulatio vera, intestinum in tumore absconditum, ob impeditam sanguinis circulationem, inclinavit ad inflammationem, juncta est febris, gangræna & sphacelus, pars intestini emortua cum parte integumentorum corrupta, aperta est & separata, & ita natum est ulcus, per quod alimenta propullularunt.

## §. XXXII.

Exposuimus ita in parte theoretica hujus dissertationis morbi subjectum, sive anulum umbilicalem, ejus partes eum componentes & in eo existentes, causam immediatam, peritonæi rupturam a casu ab alto, tanquam causa mediata productam, causam materialem, sive intestinum, quod tumorem formavit, symptomata eorumque origines & rationes, differentias, signa diagnostica & prognostica. Nunc ipsam curam aggredior generalem & specialem. Qui vero herniarum curam intendit, eamque secundum veram medendi methodum suscipere vult, intestinum prolapsum & in sacco contentum, ocyssime, provide tamen, in cavitatem abdominis restituere & saccum evacuare laborabit.

## §. XXXIII.

Multum confert in hoc negotio ( 1 ) venæsectio, cujus usum egregium  
Dn.

[ b ] Quod operatio herniæ umbilicalis sectione suscepta vix sufficiens sit ad ægrotantes e mortis faucibus eripiendos, aperte & ut virum probum & honestum decet, conscientiose testatur Mr. Dionis *Cours des operations de chirurgie* pag. 88. sequentibus verbis : *Vous jugez bien que cette operation est très-perilleuse & presque toujours mortelle, parce que l'on est obligé de couper les aponévroses, qui entourent le trou du nombril : je l'ai fait cependant une fois avec un succès heureux. Le malade sentoit des douleurs si cruelles qu'il souhaitoit la mort à tous momens ; mais aussi-tôt que les boyaux furent remis, il ne se plaignoit plus, & il guerit parfaitement bien. Je l'ai fait encore deux autres fois, mais à la vérité les malades en sont morts. Il est certain aussi que de cette operation il en perit plus qu'il n'en réchappe ; c'est pourquoi ceux qui ont de ces exompholes doivent plutôt se passer de chemise que de bandage.*



Dn. *Garengeot* p. 274. experientia & rationibus comprobavit, ejusque citam opem in uno subjecto observavit, ita, ut ægrotus statim post venæ sectionem exclamaverit: *ma descende est rentrée*. Venæsectio evacuat sanguinem non tantum, sed & simul revellit, h. e. sanguinis motum a loco affecto & doloroso, imo minus commodo ad commodiorem ducit. Dum sanguis evacuatur, vasa & fibræ majorem acquirunt flexilitatem, nec amplius tam vehementer resistunt, sed facile cedunt, & hac ratione intestini restitutio venæ sectione facilitatur.

## §. XXXIV.

Egregium usum quoque (2) habent clysteres, concinnati ex plantis emollientibus & carminativis, ac mixti cum sufficienti quantitate lactis & oleorum. Hisce mediantibus, dum colon a suis contentis fecibus & flatibus liberatur, abdomen detumescit & minor in eo est resistentia. Inter alia *Hildani* testimonium, quod *Cent. VI. observ. 73.* de usu egregio clysterum in herniis incarceratis exhibet autor, legi meretur.

## §. XXXV.

Hisce præmissis, ægrotus cubet supinus, humeris paululum depressis, natibus vero eminentibus. Ægroto commendatur aeris exspiratio, quam ut per aliquot momenta conservet, necesse est. Dum hoc fit, chirurgus leviter digitis suis, oleo inunctis, saccum tumidum premendo intestinum in abdominis cavitatem restituere tentat, imo quoque postea ipsum, si præsens est, omentum. Hæc operatio requirit patientiam & circumspectionem, ne improvida manu violetur, vel plane dilaceretur intestinum atque omentum. Intestinum, quod ultimo saccum intravit, primum in abdominis cavitatem restituendum.

## §. XXXVI.

Si per labores & conatus chirurgi tumor non imminuitur, & duritie suæ ac flatuum præsentia resistit, adeo, ut ægrotus dolores, operationis comites, perferre nequeat, alia excogitanda est methodus, & ante omnia tumor emolliendus. Remedia, quæ hoc præstiant & contenta in tumore lubricant, sunt balnea, cataplasmata, foci, linimenta, ex jam indicatis emollientibus & carminativis. Linimenta parantur ex oleosis, oleo rosato, persicorum, amygdalorum dulcium & amarorum, chamomillæ, rutaceo, absinthii, anethino, castorino, verbasci, liliorum alborum, unguento de althea, populneo, potabili rubro, aliisque hujus commatis. Hisce oleosis tepidis tumor inungitur, linteamina, oleis humectata, calide sæpius superimponuntur, vel, si placet, cataplasmata superaddantur vel  
in

in forma pultis cocta cum lacte, oleis, sebo; pinguedinibus atque medullis vel sub forma facculi. Horum ingredientia sunt radices liliorum alborum, malvæ, altheæ, bryoniæ, fabariæ, herba malvæ, paridis, parietariæ, brançæ ursinæ, linariæ, verbasci, cum floribus chamomillæ simplicis atque romanæ, sambuci, meliloti, verbasci, farina fabarum, hordii avenæ, tritici, semine lini, feni græci, anisi, coriandri, carvi, foeniculi, cumini, nigellæ, ficubus & dactylis. Ex similibus quoque balneorum ingredientia possunt componi.

## §. XXXVII.

Si chirurgus in pagis, ubi officinæ pharmacie deficiunt, ad ægrotum, in tali miserrimo statu constitutum, vocatur, ad remedia domestica confugere debet. Huc referri potest mica panis tritici, farina lini, flores sambuci, chamomillæ, semen carvi, oleum lini, butyrum recens, sebum omnis generis, vitellum ovi ac oleum ovorum brevi tempore parabile [i].

## §. XXXVIII.

Si per adhibita hæc remedia tumor a duritie sua liberatur, de novo chirurgus tentare debet contentorum in sacco restitutionem & si feliciter opera-

[i] Garengot communicavit usitata Parisiis remedia in nosocomiis v.g. l'Hôtel-Dieu pag. 272. § 277. Tom. I. operat. suarum.

## LINIMENTUM.

*On prend trois ou quatre jaunes d'œufs, & six ou sept onces d'huile rosat, qu'on mêle bien ensemble, & qu'on fait chauffer sur un petit feu, ou plutôt au bain-marie; puis on y met un peu d'eau-de-vie, & avec cette embrocation toute chaude, on frotte la tumeur, sa circonference, & le ventre.*

## CATAPLASMA.

Pag. 276. & 277.

*On prend pour cet effet des herbes emollientes, comme la mauve, la guimauve, la mercuriale, la parietaire & le violier; on les fait bouillir dans une suffisante quantité d'eau, jusqu'à ce qu'elles soient bien cuites. On les passe ensuite au travers d'un tamis & avec une spatule on en extrait la pulpe. On dissout ensuite cette pulpe dans la décoction, & avec ce mélange on délaie de la farine de seigle & de lin: on fait cuire ce mélange à petit feu en remuant toujours; & quand il a demeuré une heure & demie ou deux sur le feu, on y ajoute du miel commun & du vinaigre, & l'on fait encore cuire le tout au moins une grande demi-heure. Enfin on juge par l'odeur du cataplasme qui ne doit plus sentir la farine, qu'il est bien cuit, & avant que de le retirer du feu, on y ajoute l'huile de lis.*

*Ce cataplasme, dicat autor, a de très-bons effets, mais il demande beaucoup d'assiduité & de patience. Mr. Mery prétendoit que quand il n'étoit pas bien cuit il faisoit plus de mal que de bien. Mais comme ce cataplasme est trop long à cuire; & que le malade seroit long-tems sans soulagement, on fait en attendant celui de mie de pain.*

## CLYSTER.

*On donne des lavemens au malade composés avec une suffisante quantité de lait, un verre d'huile de noix & de la canelle. Il faut faire bouillir la canelle concassée dans le lait, puis on passe le tout, & on y ajoute l'huile.*



peratio procedit & intestinum vel solum, vel cum omento junctum, in cavum abdominis reintravit, operatio feliciter est ad finem perducta. Nunc requiritur machina, annulum comprimens, & prohibens novum intestini atque omenti prolapsum. Hæc machina vocatur *Amma*, *brachierium*, *brachiale*, *brachiatorium*, & componitur ex fascia circulari, scapulari & inguinali. Fasciæ debent esse satis latæ & robustæ, ex corio subtiliori vel panno gossipiato duplicato compositæ, & ita adaptatæ, ut ubique sit æqualis crassities atque conveniens resistentia absque tamen omni molestia. Circularis cingit abdomen, &, ne illa removeatur a loco suo debito, superaddendæ & cum ea jungendæ sunt scapularis & inguinalis. Hoc enim factò, circularis constanter munere suo fungitur, vulnusque umbilico inflictum comprimitur, & re-ditus viscerum in saccum declinantur.

## §. XXXIX.

Umbilico ipsi adaptatur specialis machina ex ligno parata, cujus forma repræsentat fungum terrestrem, sive globum dimidiatum depresso. Hic globus ligneus tegitur gossipio & corio, in plano vero hujus globi adaptatur elater spiralis, ex filo ferreo constructus. Tota vero hæc machina sollicitè jungitur cum fascia circulari. Hæc machinæ constanter de die & nocte ab ægrotante gestandæ & in situ conservandæ sunt. Ægrotus ipse, durante cura, alimentorum solidorum usum removet, & modo per juscula nutritur, in exigua quantitate assumenda, ne repleantur ultra modum intestina & abdominis expansio augeatur. Juscula sint alimenta medicamentosa, temperantia & balsamica, quæ consolidationem annuli rupti promovent, & flatuum molestias declinant. Hujus generis sunt juscula carnis vituli, boum, gallinarum, cum cancris fluviatilibus, chærefolio, petroselino aliisque radicibus, nempe tragopogi, cichorii, scorzonæræ, sisari &c. parata.

## §. XL.

Umbilico superimponuntur emplastra. Huc referas contra rupturam, de pelle arietina, vel prioris in *Cabrières*, quod apud *Dionysium* pag. 223. reperitur. Juvant & olea ceræ, perfoliatæ & ovorum, optima herniarum remedia, cum quibus locus affectus bis de die inungitur, & emplastris denuo munitur. Si placet humectare splenia emplastris superimponenda, fieri id potest decocto quodam vinoso calido, parato ex foliis roris marini, menthæ, arnicæ, agrimonix, virgæ aureæ, hederæ terrestris, herba herniarix, radice symphyti, floribus chamomillæ, semine carvi, & anisi. Quando itaque hernia recens in juvenili ægroto contingit, consolidatur vulnus annuli rupti, interdum ad votum, imprimis si interna convenientia remedia simul in usum vocantur.

## §. XL.

Si remedia, hætenus commendata, sine fructu adhibentur, & intestinum manuum applicatione restitui non potest, tunc nullum amplius restat remedium; quam unica sectio, quæ terribilem & ineffabilem dolorum cruciatum mitigat. Est quidem, uti §. 30. indicavimus, hæc valde periculosa; imo, ut plurimum lethalis, sed præstat in re ancipiti dubium eligere remedium, quam nullum. Etenim si sectio in crastinum protrahitur, gangrænosa inflammatio morte finienda apparebit.

## §. XLI.

Suscipitur autem sectio sequenti modo: (1) integumenta communia sacci cultro acuminato provida manu modo in loco exiguo aperiuntur, hac quidem cum cautela, ut neque omentum neque intestinum vulneretur. Foramini a chirurgo immittitur conductor alatus, quem *Garengot* in tractatu instrumentorum suorum p. 197. ostendit & emendavit *Magnificus Præses*. Hocce instrumentum in sulcum vel crenam suam recipit cuspidem cultelli, cum quo saccus tutissime & absque intestinorum læsione aperitur. Denudatis ita intestinis, (2) chirurgus removet omnia obstacula, & dissecat tunicas fibras & ligamentula ibi existentia, & simul aliquam portionem intestini ex abdomine extrahit, ut contenta in parte incarcerata majus acquirant spatium. Nunc (3) conductorem alatum quoque in annulum immittit umbilicalem, & cum cuspide cultelli secando illum dilatat, in illo quidem loco, ubi consultum est, & in tanta quantitate, prout necessitas hoc exposcit.

## §. XLII.

Restitutis in abdominis cavitate intestinis, illico vulnus deligandum balsamis, plumaceolis, emplastris atque spleniis. Acria vulnus perferre nequit, nam totus annulus nervosæ & tendinosæ est naturæ, ideo tantum temperatissima adhibenda, ut oleum ovorum, mel rosarum cum myrrha, mastiche, aristolochiæ & colophonii pulvere. Applicatis his cum plumaceolis filo munitis, emplastra superimponenda, ut stypticum *Crollii*, *Opodeldoch Paracelsi*, catagmaticum Londinense, de tacamahaca, mastichinum, divinum &c. Si post operationem ad votum nova caro succrescit, vulnus consolidatur; apparentibus autem inflammationibus cum febris deliriis atque convulsionibus fatis cedendum, imprimis si ante operationem gangræna annulum intestinum & omentum contaminavit.

## §. XLIII.

Curam specialem in nostro casu *Magn. Præses* omni diligentia sollicitè suscipit remediis necessariis diæteticiis, chirurgicis & pharmaceuticis, balsamicis, epuloticis, temperantibus, analepticis, bezoardicis. Foramen, post partis e-

mor-



mortuæ separationem umbilico inflictum, erat exiguum, & sese in quantitate habebat ad instar ternarii, triplo autem major fuit tempore strangulationis, expansionis & gangrænosæ inflammationis. Labia hujus in partibus nervosis existentis ulcusculi rubebant cum sensu exquisitissimo, & hoc fiebat, ut puella nil nisi temperatissima perferre posset topica. Præscripsit *Excellentissimus Præses* electuarium fluidum balsamicum atque epuloticum ex melle rosarum electuario dialcordio Fracastorii, pulvere aristolochiæ, rosarum rubrarum, florum sambuci, myrrha, mastiche, aloë atque colophonio. Hocce remedium cum plumaceolis latis constanter ulcusculo fuit superimpositum, cum emplastro sti-ptico crollii, quod hæc omnia tegebat.

## §. XLV.

Primis quatuordecim diebus horum remediorum topicorum usu ulcus magis magisque mundificabatur, circa margines nova caro succrescens apparebat, nulla amplius chymosa materia ex ulcere propullulabat, manifesto indicio vulnus, intestino inflictum, jam fere penitus esse clausum. Puella insuper amplius non sentiebat cruciatus, quiescere & placide dormire poterat, appetitus restitutus ad votum succedebat, vires in dies magis magisque incresebant, & signa simul restitutæ nutritionis apparebant. Præter hæc nulla aderat febris, nulla circa umbilicum inflammatio, nullusque amplius ructus, singultus & vomitus. Alvus erat statò tempore aperta, quæ signa omnia promittebant exoptatum curæ eventum. *Magnificus Præses* igitur hac methodo semel inchoata ulterius insistens addebat electuario antea indicato balsamum indicum album sive de copaiva, & pulverem opobalsami sicci ad consolidationem totius ulcusculi magis magisque promovendam.

## §. XLVI.

Sigillandi & exsiccandi fine ultimato elegit pulveres exsiccentes ex sulphure lycopodii, pulvere rosarum, florum sambuci, herba scordii, addendo cerussam ad pondus omnium.

## §. XLVII.

Interne in principio adhibita fuit mixtura ex tinctura bezoardica Wedelij, essentia traumatica W. Myrrhæ succini & liquore anodyno minerali, de qua mixtura mane hora 8va & post meridiem quarta ægrota assumsit viginti guttulas. Circa finem curæ essentia serpentariæ virginianæ, myrrhæ & opobalsami veri locum prioris medicamenti supplebat. Hora decima matutina & nona vespertina pulvis adhibitus fuit ad grana XV. compositus ex radice contrajervæ, lapidibus cancrorum, cornu cervi philosophico, succino præparato, coralliis rubris præparatis, & antimonio diaphoretico martiali, cum tantillo theriacæ coelestis. Hæc remedia assumta sunt cum infuso theiformi ex rasura radicis pareiræ bravæ, herba arnicæ, agrimonix, veronicæ, melissæ & semine anisi stellati.

## §. XLVIII.

In regimine diætæ omnia sunt observata, quæ ad exoptatam curam pertinent, conservata est. puella in aëre puro & calido cum animi & corporis tranquillitate, alimenta erant juscula & brodia nunc gallinacea, nunc vitulina vel bovina leviter aromatizata atque vitello ovi mixta, cum quibus assumpsit interdum aliquot grana spermatis ceti. Et ita per Dei gratiam feliciter ad finem cura est perducta.

F I N I S.



DISSER.



LXVIII

DISSERTATIO

CHIRURGICA

DE

HERNIA VENTRALI.

*Quam tuebatur*

BEAT. IGNAT. LA CHAUSSE,

BRUNTRUTANUS - RAURACUS.

Argentorati 29 Octobris 1746.





## §. I.

**V**iscera chylopæa, ventriculus nempe, epiploon, intestina, hepar, lien cum reliquis, licet in abdomine ultro citroque fluctuent; vinculis tamen propriis sua sede coercentur &, ne dimota, foras prolabantur, cavis tegumentorum, musculorum abdominalium, peritonæi, tanquam totidem saccois, includuntur.

## §. I I.

Molles hæ partes (§. I.) talem, in infimo ventre, situm obtinent, ut, reciprocis septi transversi pressionibus expositæ, deorsum antrorsumque protrudantur: quo quidem contingente, involucra ambientia, (§. I.) contentis in ea incurrentibus, cedunt, extrorsum prominent. At cum aponeuroticæ, musculosæ, membranaceæ indolis sint horum velamentorum fibræ, consequenter elasticitate gaudeant; hæ eadem vi, qua pressæangebantur, reagunt, simulac causa comprimens cessat: sed eo ipso viscera abdominalia, aliis reciprocis motibus, ab ipsis his involucribus, sursum rursus retrorsumque abiguntur. Enimvero talis est fibris his directio, ut longitudinaliter partim, partim transversaliter, viscera, fasciarum instar, cingant; sicque, si partes contentæ in eas nitantur, ex lineis rectis, in curvas mutari, necesse sit, sique ultra modum activitatis non extenduntur, impetu desinente, in pristinum statum redeant. Secus vero, si elasticitas ipsarum naturalis superatur, tunc enim arcus hos nimium tenso, inflexosve elongari quidem, non vero amplius in lineas rectas restitui, sed relaxari potius, aut plane rumpi, ex Physicis & Mechanicis principiis palam est.

## §. I I I.

Partes abdomen cingentes (§. I.) intuenti, primo sese offerunt *integumenta communia*, cuticula nempe, cutis, & membrana adiposa. Et quidem ad *cutem* abdominis quod attinet, hæc à cute reliqui corporis in eo potissimum differt, quod superficies ipsius, papillulis nerveis, nec copiosis, nec distinctis adeo consita sit, quam aliis in locis, quodque portio ipsius anterior, textu tenuiori magis, sed simul strictiori gaudeat, quam posterior. Atque in genere, textum hoc, ex concursu productionum tendinosarum, arteriarum, venarum & nervorum conflatum, cavum aponeuroticum, elasticum (§. 2.) format, quod ideo mirum quantum extendi, in latitudinem ampliari, & spissitudine minime imminuta, multum dilatari potest [a].

In-

[a] Vid. acutissimi Winslow *Exposit. Anatom. de la Struct. du corps hum. Tom. IV. Part. I. Traité du bas ventre*, §. 13.

Incumbens cuti *cuticula*, cum nihil aliud sit, quam dictorum vasorum fines ultimi, in squammulas abeuntes; [ *b* ] rete quoddam, fulcis areolisque distinctum, in abdomine constituit [ *c* ].

Subjecta vero cuti *membrana adiposa*, ex variis stratis componitur, cellulis innumeris sibi invicem adjacentibus constans, quæ oleo madidæ flexilitatem fibris largiuntur, ideoque infimum ventrem, in insignem molem augeri posse, ut immensum promineat, alia ratione patet.

### §. I V.

Incisa cute atque pinguedine, ( §. 3. ) visui sese sistunt *musculorum abdominalium quinque paria*. Horum superior

1. *Obliquus Externus* dictus, oritur carneus à margine inferiori octo vel novem costarum imarum, totidem digitatis initiis, oblique postea descendens tendinescit, ita quidem, ut aponeurosi, partim robusta, ossi pubis, nec non labio externo ossis ilii, à tubere usque ad spinam ipsius anteriorem superiorem inferatur, ubi cum ligamento *Fallopianii* [ *d* ] communicans, spatium, *annuli* in modum apertum, pro transitu vasorum cruralium relinquit, quæ aponeurosis, antequam ad os pubis pertingat, in duas fascias, columnarum modo, fissa, *annulum*, pro transitu vasorum spermaticorum [ *e* ] in viris, ligamentorum rotundorum in fæminis, format; partim vero aponeurosi lata & debili totam regionem anteriorem abdominis tegit, quod planum tendinosum, cum illo alterius lateris ubique intertextum, in medio lineam quamdam, albam vocatam, constituere juvat. Substratus huic

2. *Obliquus Internus*, qui tendineus ab apophyseis vertebrarum lumbarium spinosis & transversis quibusdam, & ab osse sacro, carneus vero ab ambitu circulari ossis ilium & ligamento ossium pubis ortus, ascendit fibris carnosissimis semilunatis latis, atque dein tendinibus brevibus cartilaginibus costarum spuriarum & duarum verarum ultimarum adnectitur. Caro vero media tendo fit, qui in duas laminas secedens, musculis rectis vaginam imperitur, quæ quidem vagina superius etiam ab aponeurosi obliqui externi roboratur ( n. 1. ) accedentes postea iterum hæ laminæ & cum sui comparis tendine sese decussando, ad lineam albam constituendam suum quoque symbolum conferunt. His tecti sunt

3. *Transversi*, qui brevi tendine à processibus transversis vertebrarum lumbarium nati, carnei dein ad anteriora procedunt, annexi spinæ ossis ilium,

[ *b* ] Conf. *Boerhaave in cedro dignis Institut. medic.* §. 423.

[ *c* ] *Winslow l. c.* §. 14. 15.

[ *d* ] Negatum magni nominis Anatomicis. inter quos *Morgagnus* etiam *Advers. anat.* III. p. 2. fuit hoc ligamentum, & solum pro expansione aponeurotica hujus musculi habitum.

[ *e* ] Unicum solum annulum, ab aponeurosi obliqui externi fissa, per quem vasa spermatica transeunt, statuimus, cum non perforent duos subjacentes musculos, obliquum internum & transversum, sed sub iisdem solummodo repant. *Winslow Tom. II.* §. 94. & 112.



um, ligamento ossium pubis, marginique interno cartilaginum costarum spuriarum ad xiphoiden usque cartilagine, quæ fibræ, transversim ita incidentes, quibusdam in locis interdum diductæ sunt, interdum deficient [f], deinceps vero producuntur in tendinem, qui obliquo inferiori arcu adhærens, vaginam rectorum (n. 2.) inferiori firmat; ulterius dein protensus, & musculi alterius lateris tendine irretitus, lineam albam itidem describit.

Sex horum latorum musculorum tendines, ita sibi invicem intricantur, ut non solum cujuslibet musculi tendo latus cum illo comparis coeat; sed & omnes sex ita illaqueentur, ut sectione nequaquam separari possint. Qui quidem horum tendinum per totam longitudinem abdominis concursus, atque inde formata aponeurotica expansio, *Linea Albæ*, vel rectius *Semilunaris* nomine, ab anatomicis salutaris consuevit. In medio lineæ hujus tendines hi in orbem acti, foramen rotundum sub forma *annuli* efficiunt, quod transitum vasis umbilicalibus in fetu concedens, eo in lucem edito, his abscissis, cum cute in cicatricem, *Umbilicum* vocatum, coalescit. Et albæ hæc linea, supra umbilicum lata, infra illum angusta conspicitur. Ex eo vero, quod trium horum latorum musculorum plana, tam carnea, quam aponeurotica, (n. 1-3.) vario modo sese decussent, ut plano unius musculi carneo, alterius musculi planum tendinosum subjectum sit, & ubi planum unius carneum deficit, ibi per carneum alterius substratum suppleatur, idque in toto ambitu æqualiter ita obtineat, peculiari hoc mechanismo, ita considerari debent tria hæc musculorum paria, ut quasi forment unum faccum musculosum, circumpositum visceribus abdominalibus, qui eadem in situ suo continendo (§. 1.) æqualiter undique viscera hæc comprimere, & ab iis reciproce pressus, æqualiter itidem resistere possit. Quæ a laminis aponeuroticis obliqui inferioris secedentibus fit vagina (n. 2.), tenuis superior & transparent, si finditur, in conspectum veniunt.

4. *Recti musculi*, qui carnei à cartilagine ensiformi & quintæ, sextæ, septimæ costæ cartilagine ortæ, fibris rectis tanquam fasciæ longæ utrinque ad latus lineæ albæ descendunt, tribus inscriptionibus tendinosi supra umbilicum dotata, ubi etiam propter latitudinem lineæ albæ secedunt, quandoque una infra eundem distinctæ, ubi albam lineam tegunt, insertionem suam ad symphyse ossium pubis terminantur. Communi cum præcedentibus (n. 4.) vagina ex parte inclusi.

5. *Pyramidales* à figura dicti, exigui, carnei, à margine superiori ossium pubis ascendunt ad latera rectorum, lineæ albæ hinc inde parvis tendinibus adnexi, versus umbilicum in apicem desinunt [g].

§. V.

[f] Garengot *operat. de chirurg.* Tom. I. p. 252. Platner *instit. chirurg. rat.* §. 790.

[g] Descriptionem musculorum horum eatenus solummodo tradidimus, quatenus sequentibus explicandis necessaria est, qui vero abdominalium musculorum desiderat descriptionem, ei exactam Winslow Tom. II. §. 66. concinnam Boerhaave *instit. med.* §. 86. ex optimis Anatomicis enucleatam Cl. Haller in *Boerb. præl. ad instit.* Vol. I. p. 260. super Tom. III.

## §. V.

Toti huic involucro (§. 4. ) & præcipue transversalibus musculis (n. 3. ) mediante cellulari quadam substantia adhæret saccus membranaceus, tenuis, elasticus, pyriformis, superius compressus, in medio latior, ad inferiora in obtusum finem definens, viscera abdominis immediate ambiens, (§. 1. ) *Peritonæum* ab extensione circumcirca, quod Græcis περιείψεθαι, vocant. Quod, secundum recentiorum & saniorum anatomicorum sententiam, unicam solum laminam habet [ *b* ], cujus superficies interna lævis, polita; externa vero inæqualis, è congerie innumerarum cellularum, pinguedine repletarum, variaque strata formantium, conflata, tanquam apophysis præcedentis [ *i* ] haberi, atque ideo textum cellulare vocari meretur. In quibusdam locis quidem, præcipue ubi transversæ fibræ adhæret, destituitur hoc textu peritonæum. A cartilagine xiphoide usque ad umbilicum in viris, ab umbilico usque ad pubem in fæminis, crassius apparet. Apophysis hæc folliculosa, seu textum peritonæi cellulare prolongatur hinc inde in productiones quasdam, quæ, portionem suam internam membranaceam relinquentes, partes ex abdomine exeuntes comitantur, illisque involucra præbent. Sic, vasa spermatica per annulum obliqui externi (§. 4. n. 1. ) ex infimo ventre egredientia, processus suos à portione hac externa nanciscuntur; quos etiam, cruralibus vasis, sub ligamento *Fallopæi* (l. c. ) transeuntibus, imperit; imo pari ratione, super vesica & intestino recto processus texturæ hujus cellularis expandi [ *k* ], notum est. Non minus etiam superficies peritonæi interna visceribus abdominis prospicit, dum ea ambiens, processus sic internos format, tunicam communem iis largiendo. Imo, quod notatu dignum, in superficie interna peritonæi quandoque hinc inde vaginas, foramina cæca [ *l* ], ductus cæcos [ *m* ], reperire licet, quæ peculiaria diverticula visceribus

peditabunt, qui delineationem vero eorumdem videre cupit, exactiorem & splendidiorē nullibi conspiciet, quam in opere illo incomparabili, quod *Lutetia Parisiorum* sub titulo: *Essai d'Anatomie en Tableaux Imprimés*, nova arte nunc paratur; ubi *Tab. 10. & 11.* musculi abdominales æri incisi, vivisque coloribus picti, admirando sistuntur spectaculo.

[ *b* ] Olim multum de duplici lamina peritonæi disputatum fuit, & de visceribus in duplicatura peritonæi locatis, unanimi hodie consensu unica lamina huic membranæ tribuitur; *Winslow Tom. IV. P. I. Tr. du bas ventre §. 22.* & , qui ex professo illam describit, *Hensling Diss. de Peritonæo §. 15.* quæ extat in *Halleri collect. Diss. Anatomic. Vol. I. p. 49.*

[ *i* ] *Winslow l. c. §. 24.*

[ *k* ] *Winslow l. c. §. 31. Hensling l. c. §. 5.*

[ *l* ] *Commerc. Liter. Norimb. 1735. Hebd. 14. & 1737. Hebd. 1. E. N. C. dec. II. A. 5. p. 125. Haller. in Præl. inst. Boerb. Vol. V. P. I. p. 284.*

[ *m* ] *Nuckius Adenograph. p. 134* in omnibus fæminis productiones internas, quæ comitantur ligamenta rotunda, statuit, sed nec apud *Hallerum* l. c. nec apud alios fidem invenit.



ribus atque intestinis, ibidem sese insinuandi, locum naturalem parant. Sic fabricata hæc membrana, insigni elasticitate gaudere necessario debet; (§. 2.) hinc incredibilem extensionem pati posse, quo magis vero extenditur, eo magis crassitie augeri [n] constat. Quam ob rem maximo utique robore prædita est, quod tamen iis in locis, ubi portio cellulosa membranaeam deferit, minuitur & infirmatur.

## § V I.

Nominatæ hæc partes (§. 3. 4. 5.) abdominis viscera, epiploon, intestina, ventriculū, hepar &c. ita circumvallant, ut insigni fornice inter pectus & pubem antrorsum emineant, & quamdiu elastica vi sua agunt, undique eadem, qua à visceribus premuntur vi, resistunt; (§. 2.) sicque superficiem externam abdominis omnibus in locis æqualiter tensam, lævem, politam conservant. Sin vero elasticitate hac imminuta, vel læsa, in loco quodam laxantur, vel plane rumpuntur; (§. 2.) viscera, ob motum diaphragmatis, post tergum semper irruentia, vinculis suis laxatis, (§. 1.) eo in loco abdomen in tumorem attollunt, unde fit, ut indecore promineat, qui status partium continentium abdominis è naturali, sic in p. n. abiens, *hernia* vocari solet: quæ est tumor p. n. infimi ventris, à relaxatione, vel ruptione peritonæi, musculorum abdominalium, integumentorum, & visceribus contentis, è situ naturali ad hæc loca prolapsis, contingens [o].

## §. V I I.

Derivatur herniæ vox, à Latino hærere, vel ἀπὸ τῆς ἐρνεως Græco, germen, ramus, quia intestinum, si descendit, præcipue in scrotum, quasi ramum efficit, vel à Sabinorum hernius, quo, quicquid est durum, indigebant, à durtie hinc ita vocata. Græcis dicitur Κήλη, à κηλέω, permulceo, per καλᾶχρησιν, noceo, vel χαλάω, laxo [p], quo nomine ab initio designabatur omnis tumor, qui in scroto oritur, sed dein, ad alios tumores translata hæc vox, omnes abdominis tumores denotabat. Latinis hic affectus à similitudine *Ramex* [q], *descensus*; à causa, qua semper fieri credebant, *ruptura*, *crepatura* audit. Galli ob priorem rationem illum, *une*  
Def-

[n] *Hensling* l. c. §. 8.

[o] *Boerhaave in suis præl. Vol. VI. p. 51. eam*, quasi dislocationem, vel luxationem partis mollis, vocat.

[p] *Fœsli Oeconomia Hippocrat.* voce Κήλαι, p. 336.

[q] *Herniæ* vocabulum, *Celsi* temporibus, in obscuris fuit, & indecorum *L. VII. C. 18.* Milites Commodi Imperatoris, præter alia convicia quoque eum κηλήτην, *herniosum*, vocarunt, *Dionis Hist. Rom. L. 73.* Nostro ævo morbus pro indecoro habetur, & omni sollicitudine etiam medicis & chirurgis velatur, maximo sæpe cum velantium periculo, imo interitu.

*Descende*, *Hernie*, antique *Hargne*, appellare sueverunt. Germanis, ex Latinorum præjudicio, *ein Bruch*. alias *Leibschaden*, vocatur.

## §. V I I I.

Cum peritonæum viscera abdominis immediate ambiat (§. 5.) hoc primum est, quod impetum irruentium partium mollium sustinere debet (§. 6.); sed, si ipsius fibræ, elasticitate sua naturali privatæ (§. 2.), integre sese restituere nequeunt, à partibus, in illud incurrentibus, ita successive membrana hæc laxatur, dilatatur, ad anteriora protruditur, ut dicta hæc viscera magis atque magis in locum dilatatum sese insinuent, una cum laxato peritonæo descendant, prolabantur: quod quidem, si foramina cæca, seu foræ naturaliter in peritonæo hinc inde jam adsunt (§. 5. & not. l.), eo facilius evenire potest, cum sic naturales, ad relaxationes peritonæi & prolapsus viscerum, dispositiones præsto sint. Pars peritonæi, prolapsas has partes ita includens, *Saccus peritonæi*, vel *Saccus herniæ* vocari solet, qui quidem nihil aliud est, quam membrana ipsa, vel portio membranacea peritonæi, partes molles, in eam insinuatas, continens. Qui saccus, non adeo inepte in internum, & externum dividi potest [*r*]. *Internum* vocando, ipsam portionem membranaceam peritonæi; cui adhuc exterius strata quædam cellulosa adhærent, quæ sub *externi sacci* nomine veniunt.

Quod peritonæo accidere statuimus, illud ratione muscutorum epigastri-  
corum locum quoque habere potest (§. 4.) vel enim, rupto peritonæo (§. 6.) hi muscoli soli impetui viscerum (§. 2.) resistere debent, quod dum non semper valeant, itidem elasticam suam vim amittunt, laxantur, viscera intro sese recipiunt, & saccum herniæ sic formare possunt; vel integro etiam peritonæo, sed laxato, horum muscutorum aponeuroses præprimis (§. 4.) nimis relaxantur, & sic prolapsas partes recipiunt [*s*].

Imo si fibræ eorundem, tam musculosæ, quam aponeuroticæ, naturaliter diductæ (§. 4. n. 3.), vel, unitate soluta, plane divisæ sunt [*t*]; tunc temporis cutis sola contra niti debet vi partium intrantium, quæ sola sic saccum herniæ quandoque constituit, diu vero reniti impotens, sæpiissime rumpitur.

## §. I X.

Contenta abdominis, ab involucris suis sic laxatis, vel ruptis (§. 6.) non amplius coercita, si insuper ligamenta ea neccentia itidem laxantur ( §.

[*r*] Mauchart *Diff. de hernia incarcerata Tubingæ* 1722. C. II. p. 13. 14. hanc distinctionem proponit.

[*s*] Talem saccum, à triplici aponeurosi muscutorum abdominalium formatum, observavit Mery, *Memoires de l'Academie Royale des Sciences*, ann. 1701. Mem. p. 376. edit. Batav.

[*t*] Cl. Gunzius libello de herniis p. 49. qui, uti cuncta de hac materia, ita hoc quoque solide prosecutus est. Vogel tr. Germ. von denen Brüchen, edit. nova, 1746 p. 56.



(§. 1.), qua data porta ruunt, exitumque quærunt, quem iis in locis commode inveniunt, ubi musculorum abdominalium fibræ aponeuroticæ à se invicem hiantes, annulos (§. 4.) vel fibræ carneæ diductæ (§. 8.) interstitia faciunt. Hinc

I<sup>ma</sup> herniarum distinctio nata, quæ à loco, quo prolapsus fit, varia sortiuntur nomina. Nam vel in umbilico, per annulum in medio lineæ albæ (§. 4. n. 3.) fit egressus, quod vitium, *hernia umbilicalis*, Ομφαλοκήλη, Ἐξόμφολος, Græcis vocari solet; vel per annulum obliqui externi (§. 4. n. 1.) prolapsæ partes in inguine apparent, & *Inguinalis hernia*, Βεβωνοκήλη, dicitur; quæ, si ulterius, in viris ad scrotum, in fæminis ad labia pudendorum usque descendunt, *Scrotalis*, vel Ὁχεορήλη, in viris salutatur [v]. Aponeuroses quoque obliquorum, eo in loco, ubi cum ligamento Fallopii communicant, hiant (§. 4. n. 1.); sed per hunc annulum sub ligamento ad crura quoque prolabi possunt viscera, sicque *Femoralem vel Cruralem herniam*, seu Μηροκήλην, constituere [x]. Imo est quoque ad ligamentum, foramen ovale claudens, hiatus quidam, per quem, dum fit elapsus, *hernia* quædam *Ovalaris* dicta, oritur [y]. Et si quocumque in loco abdominis alio, epigastrio videlicet, sive ad latus umbilici, vel in linea alba, sive id supra, sive infra umbilicum sit, sive in aliis regionibus abdominis, hypogastrio etiam, partes promineant; *Ventralis Herniæ* nomine, vel Ἰππογαστροκήλης, venit. Minime vero semper eadem sunt viscera, quæ per hæc loca (n. 1.) labuntur, sed subinde alia atque alia. Et inter illa quædam frequentius, qualia omentum & intestina; quædam rarius prolabuntur, talia sunt ventriculus, hepar, lien, vesica, uterus &c.

II<sup>da</sup> hinc herniarum distinctio, à parte prolapsa, qua nempe, si omentum ad hæc loca devenit, *Omentales*, si intestina, sive tenuia, sive crassa devolvuntur, *Intestinales* dicuntur. Et intestina quod attinet, modo illa integra tumorem formant, modo vero latus solummodo intestini convexum & paries tantum ipsius interceptus, sese insinuat, via adhuc ex parte libera pro transitu alimentorum vel fæcum manente [z], quod in coli cellulis sæpius ita observatur, vel, quod raram facit herniam, invenitur sæpe, in ileo præcipue, appendix quædam seu peculiare diverticulum [a], quod elapsum

A a 3

herni-

[v] Scrotales hæ, etiam *Completa herniæ* vocantur, ad distinctionem *incompletarum*, quando partes solum in inguine apparent, at, me quidem iudice, distinctione hac carere possumus, cum essentiale nullum discrimen faciat.

[x] Vid. Goelicke *Diff. de hernia femorali Francof. ad Viadrum 1740.*

[y] *Mem. de l'Acad. Royale de Chirurg. Tom. I. p. 709.* ubi, ex recensione Garengeot, quædam ipsius exempla allegantur.

[z] *Mery Mem. de l'Acad. Royale des Scienc. A. 1701. p. 357. Garengeot Operat. de Chirurg. Tom. 1. Obs. 21. p. 365.*

[a] Primus has hernias observavit Littrius; *Mem. de l'Acad. Royale des Sciences A. 1700. Hist. p. 20. Mem. p. 384.* idem vidit, l. c. 1714. *Mem. p. 259.* ab aliis observata talia diverticula invenimus, conf. *Ruyfch. Thes. anat. VII. Tab. IV. E. N. C. Cent.*

A a 3

VIII.

herniam facit, & eo ipso canalis itidem non angustatur. Inter raras herniarum species ab auctoribus recensentur, *Hernia ventriculi*, Γάστροκήλη [b]; hepatis, quæ *Hepatocèle* vocatur [c]; lienis, sive *Splenocèle* [d]; uteri; *vesicæ*, quæ Κυσκήλη appellatur [e]; cumque dictæ hæ partes, vel solitariae exeant, vel plures simul

III. hinc in *simplices* & *compositas* dividi possunt herniæ. Si unum tantum viscus prociderit *simplex* est *hernia*, si plura prodierint *composita* audit; ad quam etiam referri meretur, si pluribus in locis sese manifestat tumor, ut *duplicem*, *triplicem*, quandoque & plures numero in uno subjecto reperire liceat. In umbilico, si epiploon solum invenitur, *Epiplomphalos*; si intestinum, *Enteromphalos* vocatur: fere semper autem omentum intestinum præcedit, una procidunt, & *Enterepiplomphalon* tunc constituunt. Si in inguine, vel scroto, unum, vel alterum horum, solum sese manifestat, *Epiplocele*, vel *Enterocèle*, si vero ambo simul *Enteroeiplocele* salutatur. Quod si elater peritonæi nimis labefactatus, (§. 2.) sicque ingens dilatatio, vel plane ruptio ejusdem contigerit, (§. 5. 6.) pluribus adhuc numero partibus exitus porta tunc panditur, hepar, v. g. ventriculus &c. in consortium exeundi trahuntur, quæ herniæ, ex compositarum numero, nullum tamen amplius nomen fortiuntur. Scire autem juvat, an partes hæ pridem, an novissime prolapsæ fuerint, mora enim temporis, partes ab initio liberæ, firmissimum postmodum compinguntur, dolorificæ evadunt, vel adhærentes fiunt, cum sacco ferruminantur. Hinc

IV. dividimus hernias in *mobilis*, quæ si recentes, plerumque *liberæ*, & sine dolore sunt; si vero inveteratæ, fortius infiguntur, doloribus stipatæ sunt, tuncque *incarceratæ* vocantur; vel *immobiles*, quæ per moram temporis concresecunt, & tunc *adhærentes* appellantur. Hæque omnes, sacco suo, sive à peritonæo, sive aliunde nato, (§. 8.) sunt involutæ, adeoque

V. solummodo *cum dilatatione peritonæi*, vel, sacco deficiente plane, *cum ruptura peritonæi* [f] contingunt. Verum enim vero, nec sola sunt viscera, (n. 2.) quæ abdominis circumferentiam in tumorem elevant, sed, per modo memorata loca, (n. 1.) cum dictis partibus, etiam aliæ res toto genere p. n. sese manifestant, tumorem faciunt; quales quidem aqua, aer, sanguis, car-

VIII. Obs. 50. p. 232. *Act. Phys. Med. Vol. 1. Obs. 82. Act. Petropol. Tom. IV. p. 263. Act. Vratislav. Tent. 18. p. 540.*

[b] *Mem. de l'Acad. Royal. de Chirurg. Tom. I. p. 703. Gunz. l. c. p. 87.*

[c] *E. N. C. Dec. I. A. II. Obs. 88. p. 162. Dec. II. A. VII Obs. 6. p. 11. Gunz l. c.*

p. 4.

[d] *Gunz. l. c.*

[e] *Vid. Celeb. Saltzmanni nostratis de vesica urinaria hernia Diss. A. 1732.*

[f] Veteres omnes hernias à ruptura peritonæi contingere autumabant, quod ex onomatologia (§. 7.) patet, hinc herniosos vocarunt ruptos; recentiorum multi plane negant peritonæum unquam rumpi, conf. *Haller Præl. in Boerb. Vol. V. P. I. p. 286. Manchart Diss. cit. p. 12. confirmant tamen illud, testes omni exceptione majores, Saltzmann Diss. cit. §. 21. p. 34. Garengot Operat. Chir. Tom. I. p. 329.*



carnes fungosæ sunt, quæ, variis in locis peritonæum ejusque processus extendendo, distinctioni herniarum

VI. in *veras*, quæ à partibus corporis inquilinis, omento, intestinis, &c. [g] & *spurias* sive *analogicas* dictas, quæ à rebus heterogeneis fiunt, locum dederunt. Si sic umbilicum prominere faciat aqua, *Hydromphalos*; Si flatus, *Pneumatomphalos*; si carnes, *Sarcomphalos*; si varicosa vasa, *Varicomphalos* dicitur. Quæ si in scroto ita fiunt, *Hydrocele*; *Pneumatocele*; *Sarcocele*; si vasa spermatica tumida, varicosa, *Varicocele*, vel *Κισσοκήλη*; si feminalia, *Spermatocele*; si pinguedo protuberat, *Liparocele* vocantur. Spuriæ hæc herniæ veris sæpe associantur, & ex veris & spuriis *compositas* faciunt [h].

### §. X.

Est igitur *Hernia nostra Ventralis* (§. 9. n. 1.) è verarum censu, (n. 6.) atque *definitur*, tumor p. n. abdominis, in quocumque alio ejusdem loco, quam in annulis sese manifestans, atque à prolapsu omenti, intestinorum, ventriculi, hepatis per laxatum ruptumve peritonæum, musculos abdominales atque cutem contingens. Græcis *ὑποχαστροκήλη*, Gallis *Hernie Ventrale*, Germanis *ein Bauchbruch*, vocatur. Quæ, dum asserimus, omnem circumferentiam, qua infimus venter circumscribitur, annulis umbilicali, (§. 4. n. 3.) obliqui externi atque ligamenti *Fallopii* (§. 4. n. 1.) exceptis, ventralis herniæ vagam sedem esse palam est; sive hoc in epigastrio, sive ad latus utrumque umbilici, sive per longitudinem lineæ semilunaris, sive ad hypogastrium utrumlibet fiat. Ubique enim horum locorum, elatere peritonæi & musculorum epigastricorum vel imminuto, (§. 4. 5.) vel, diductis (§. 4. n. 3.) aut ruptis fibris, penitus sublato, abdomen à contentis tunc irrudentibus indecore prominebit. Quod quidem ita verum esse comperimus, ut, veteribus jam de hac herniæ specie sermonem fuisse, notum sit. *Hippocrati* cognitam fuisse discimus [i], nec minus *Galenus* illam tetigisse videtur, [k] & *Celsus* integrum caput ei destinavit [l], *Avicenna* quoque de iis, tanquam raris, mentionem injicit [m], & *Carpus* in quacumque ventris parte fieri eas dicit, præcipue in iis, in quibus venter telo perforatus fuit [n]. A *Montagnana*, propter vagam in abdomine sedem, hernia hæc ventralis

[g] Quorsum etiam *hernias cerebri*, *uveæ*, *sacculi lacrymalis* *Bronchocele*m referre licet.

[h] Quadruplicem recensent *Aët. Hassniens. Vol. III. Obs. 55.*

[i] *Epidem. L. II. S. 1. n. 71. Edit. Lind. Peclinum ruptiones, quæ, quidem circa pubem fiunt, ut plurimum statim sunt innoxie. Quæ vero paululum supra umbilicum in dextra parte, hæc dolorosæ sunt & anxiosæ, & stercoris vomitum inducunt, velut etiam Pittaco accidit. Fiunt autem hæc, aut à plaga, aut à vulsione, aut alterius insultu.*

[k] *Administr. anatomicum. L. V. C. VI.*

[l] *L. VII. C. 17.*

[m] *Tom. I. p. 962. Ed. Iunt.*

[n] *Comment. in Mundinum f. 106.*

tralis appellatur [o], *Platerus* quoque eas modo ventris hernias, modo ventrales vocat [p]. Posterioribus vero seculis ita in *Democriti* puteo absconditus latuit hic morbus, ut nullum de eo in scriptoribus Chirurgicis vestigium reperire datum sit, donec in scriptis, à nostri ævi excellentissimis in arte Magistris, editis *Dionis*, *Garengéot*, *Le Dran*, *Heistero*, *Gunzio*, *Vogelio*, *Platnero*, *Mem. De l'Acad. Roy. de Chirurg.* postliminio iterum è tumulto quasi excitatus fuerit.

## §. X I.

Miraberis forsan, cur post tot retro demum secula in apricum iterum deducta fuerit peculiaris hæc herniæ species (§. 10.)? En alti hujus silentii rationem! omnibus iis temporibus, quibus de hernia ventrali siluerunt auctores, confusione litatum est, nec probe ad *differentiam*, quæ inter ipsam, & umbilicalem herniam intercedat, attenderunt, omnesque ventrales herniæ, pro umbilicalibus ab ipsis habitæ, sub hoc nomine ab iisdem descriptæ fuerunt. At cum in herniis ordinaria, qua elabuntur, porta, annulus sit; (§. 4. & 9.) ita in umbilicali hernia, annulus ab aponeurosi magnorum muscutorum abdominalium in medio factus (§. 4. n. 3.) verus & unicus locus est; per quem, si contingit prolapsus, tumor tunc herniæ umbilicalis nomen meretur. Omnia reliqua vero loca, sive ad latus umbilici, vel etiam, tam supra, quam infra umbilicum, in tota longitudine lineæ albæ, (§. 9. & 10.) hernia ventralis sibi vindicat. Plurimæ hinc umbilicalium, re accuratius discussa, ad ventrales relegandæ sunt. Qua in re consentientes habeo *Garengéot* [q], *Dionis* [r], *Junckerum* [s]. *Ruyschius* [t], etiam huic sententiæ favere videtur, & *Gunzius* [v], licet *Cl. Le Dran* hernias umbilicales omnes eas vocet, quæ per longitudinem lineæ albæ fiunt, sicque limites earum, multum etiam ultra regionem umbilicalem, extendat [x].

Non adeo vero differt, imo potius ad *herniæ ventralis censum referenda est hernia ventriculi*, (§. 9. n. 1.) quæ in parte superiori lineæ albæ, immediate sub cartilagine xiphoide, ubi fibræ muscutorum deficiunt, sese manifestat. Hæc enim, cum in alio loco abdominis, quam in annulo (§. 9.) contingat, non solum ideo ventralibus herniis accenseri meretur [y], verum etiam,

[o] *Consil.* 227. cap. I. 3. ubi de specie principali eminentiæ mirachialis i. e. ventralis raro eveniente loquitur, qui propterea primus ipsi nomen imposuisse dicitur a *Gunzio*, p. 5. l. c.

[p] *Prax. med. Edit. in 4to* p. 490.

[q] *Operat. de Chirurg.* Tom. I. p. 234.

[r] *Cours d'Operat. de Chirurg.* p. 121.

[s] *Opuscul. Chirurg.* p. 204. Caut. I.

[t] *Observat. Chirurg.* 71.

[v] *Libell. de herniis* C. XV. n. 11.

[x] *Traité des Operat. de Chirurg.* p. 138.

[y] Quod etiam facit *Commentator Dionis la Faye* p. 121.



etiam, cum raro solus protuberet, sed sæpissime epiploon ante se protrudat, imo interdum magnam partem intestinorum, hepar quoque comitem habeat, magnas hic locorum, & prodigiosas hernias format [2], ob quas quidem rationes optime ventris herniis annumeratur [a].

Caveas vero quæso ne nostram herniam cum inguinali confundas, cum enim in omni abdominis loco extra annulos fieri (§. 10.) posse diximus, contingit quandoque, ut prope anulum obliqui (§. 4. n. 1.) aponeuroses muscutorum abdominalium [b] hic locorum spissæ satis & duræ, dilatæ, sacco effingant (§. 8.) & attollantur, quod quidem inguinalem herniam mentiri potest, accurata vero inspectione, vel sectione demum compertum habemus, tumorem hunc non in annulo, sed prope ipsum natum, herniam ventralem efficere [c].

Turpe quidem dictu, sed si vera fateri volumus, herniæ hujus species quandoque à nonnullis chirurgis, nomine hoc indignis, cum aliis quibuscumque tumoribus confunditur, ut pro abscessu habitus præpostere à quibusdam apertus fuerit [d]. At, cum manui prementi facile cedat hic tumor, & ad interiora sese recipiat, pressione vero cessante, iterum appareat, basis ipsius insuper semper lata sit, nec æqualis undique magnitudinis, his adhibitis cautelis, nullus confusio cum abscessu locus supererit.

## §. XII.

Verum enim vero, licet propter vagam in abdomine sedem (§. 10.), certus tumoribus his locus assignari non possit; attamen ex eo, quod nunquam in annulis appareant (§. 11.), ita suis circumscripti limitibus sunt, ut nunquam de præsentia ventralis herniæ dubitaverit chirurgus, si in quocumque extra annulos loco (§. 10.), eam videre ipsi datum fuerit. Sic in regione epigastrica, circa ensiformem cartilagine, peritonæum, nullis fibris muscularibus tectum (§. 11.), facile pressioni cedit, extenditur, proninet, quod herniis tunc ventriculi ansam præbere potest (§. 11.).

Ad

[2] Qualium exempla legimus in *Transact. Anglic. A. 1731. No. 421. 7. p. 286. Edit. Verson. Gallic.* ubi de tumore supra umbilicum, magnitudine capitis humani, narratur, quod apertus pylorum cum tertia parte ventriculi, colon integrum cum reliquis intestinis contineret, ita ut ex intestinis, nil in abdomine remanserit, præter partem duodeni, cum parva portione jejuni & recto. *E. N. G. Vol. II. Obs. 94. Tab. IV.* recensent herniam, quæ abdomen à pectore ad pubem ita extendit, ut ad genua usque propenderet sacculus. *Mem. de l'Acad. Royale de Chirurg. p. 701.* adeo magnas eas evadere interdum notant, ut quasi secundum ventrem repræsentent.

[a] *Gunz. l. c. Cap. XX.*

[b] *Winslow Tom. II §. 81.*

[c] *Mery Mem. de l'Acad. des Sciences A. 1701. Mem. p. 176. Blegny Zed. Med. Gallic Ann 1. Mens. Febr. Obs. I. p. 42.*

[d] *Heister. inst. Chirurg. p. 799. Platner inst. Chir. rat. §. 821. Haller Præl. in Boerh. inst. Vol. VI. p. 56.*

Tom. III.

B b

Ad latus itidem umbilici in utroque latere , à laxatione aponeurosium musculorum epigastricorum formari possunt ventrales herniæ (§. 8. ), quæ prægressis sæculis minus accurate pro umbilicalibus habitæ fuerunt (§. 10. & 11. ): quales multæ in fæminis gravidis , vel etiam post puerperium difficile , imo in infantibus recens natis reperiuntur. Recti musculi utrinque ad latus lineæ albæ decurrentes (§. 4. n. 4. ), lineam hancce non omnimode tegunt , ideo peritonæum hic locorum à cingentibus musculis minus defensum , debilius existit , atque impetui viscerum cedit (§. 5. ), sicque in interstitiis rectorum inter ipsos per totam longitudinem lineæ albæ , supra & infra umbilicum , hernias ventrales frequentes esse non mirandum , imo à contractione eorumdem incarcerationi sæpissime obnoxie sunt [ e ]. Transversorum sæpe fibræ diductæ sunt , imo deficiunt , & pinguedine supplentur (§. 4. n. 3. ) in regione laterali & hypogastrica , atque his herniis portam pandunt. Super inguinibus itidem (§. 11. ), ubi fibræ transversæ & obliqui interni rariores , tumores hos nasci observatur. Quæ , quod revera ita in his locis , uti diximus , contingant ; ex pluribus observationibus , aliquibus solum , operæ pretium erit , comprobare. In latere sinistro lineæ albæ , quatuor transversos digitos supra umbilicum , herniam ventralem , trium pollicum cum dimidio magnitudine , observavit *Littre* [ f ]. Memoratu dignam benigne mihi communicavit *Dn. le Maire Xenodochii Regii Argentinensis chirurgus olim primarius* , vir ob consummatam in chirurgia scientiam nemini absque elogio , mihi ob insignem præstitam benevolentiam absque grata recordatione nunquam nominandus , qui herniam quandam ventralem quadruplicem crucis in modum vidit in capillorum concinnatore , qui in juventute sua doloribus ventriculi obnoxius & vomitibus violentis , rupturam fibrarum in linea alba passus est , ut duos transversos digitos supra umbilicum tumor appareret , & eadem distantia infra umbilicum similis alter talis tumor sese manifestaret , in quo solum epiploon hæsit , lateraliter vero versus regiones lumbares duo alii tumores magis notabiles conspectui sese silterent. In regione epigastrica ad hypochondrium dextrum nuperrime demum herniam ventralem , caput infantis æquantem , conspici mihi datum fuit in viro , qui in eodem latere oscheocelen quoque gestat. Omnis superficies anterior abdominis in utroque latere à tali tumore occupata visa fuit à *le Dran* [ g ]. Imo eodem annotante [ h ] , rara quædam & occulta herniæ ventralis species oriri potest , inter ipsas musculorum rectorum fibras , si vulneratæ unquam hæ fibræ non amplius bene coaluerint , tunc à peritonæo impetum in eas faciente dilatari possunt , sicque herniæ locum facere , quæ quidem propter vagi-

[ e ] *Gunz*. l. c. p. 72.[ f ] *Mem. de l'Acad. des Scienc.* 1714. p. 259.[ g ] *Operat. de Chirurg.* p. 142. *Mem. de l'Acad. de Chirurg.* p. 701.[ h ] *L. c.* p. 145.



vaginam qua recti includuntur (§. 4. n. 3.) exterius ne quidem apparet. Sed extra hunc casum sæpius ad latus rectorum ab aponeurosis obliquorum & transversis relaxatis abdomen in tumorem attollitur [i]. Inter duos rectos per tres circiter latos digitos discedentes herniam conspexit duplicem desideratissimus Hænelius, minor una erat in umbilico, altera major latum digitum supra eundem [k]. In regione hypogastrica sinistra duo tumores laudato Dn. le Maire occurrerunt in praxi sua, quorum unus occupabat longitudinem cristæ ossis ilii, alter supra pubem ad latus pyramidalis, quæ appendicem formabat, & maxime notabilis erat. Quandoque uti Petit [l] in fætu observavit, deficient plane muscoli abdominales, sed peritonæum tunc, omnem vim sustinere impos, moli prementium viscerum cedere debet, unde totum abdomen immensum prominet.

## §. XII I.

Quas de herniis in genere tradidimus distinctiones (§. 9.), eæ in ventralibus quoque obtinent. Et quidem *divisio*

I. *A loco* desumitur, ita ut contingere eas observatum fuerit, præcipue in linea alba, sive supra, sive infra umbilicum (§. 12.), ubi muscoli recti a se invicem secedunt, vel in epigastrio, vel ad latus umbilici (§. 10. 11.), vel in hypogastrio, à secedentibus obliquorum & transversis fibris (§. 4. n. 3.).

II. *A visceribus*, quæ in tumore sese sistunt; atque ex peritorum libris constat, herniam ventralem fieri quandoque ab omento in regione epigastrica ad longitudinem lineæ albæ [m], interdum contingere à ventriculo [n], quandoque ab intestinis, & quidem vel jejunum sese manifestat [o], vel ileum & jejunum [p]: atque ileum quod attinet, illud omnium facillime prolabitur, idque interdum totum, interdum paries solummodo ipsius, aut appendix illa peculiaris, quæ in illo sæpius reperitur (§. 9. n. 2.) & quæ rarior est herniæ species [q]: quæ quidem ilei in faccum talem vel cæcum prolongatio incarcerationis frequentem ansam præbet, intestinum colon etiam quandoque devolvitur [r], coli etiam sæpe pars cum

[i] Le Dran l. c. 143.

[k] Allegante Gunzio l. c. p. 72.

[l] Memb. de l'Acad. des Scienc. 1716. p. 187.

[m] Le Dran *Observ. de Chirurg. Tom. II. p. 59.*[n] Mem. de l'Acad. de Chirurg. p. 703. Gunz. *de herniis cap. 20.* Vogel *von denen Brüchen* edit. nova p. 67.

[o] Gunz. l. c. p. 29.

[p] Saviard *Observat. Chirurgic. Obs. 59.*

[q] §. 9. not. aa.

[r] Talis duplex illa Hænelii §. 12. allegata.

cum appendice conspicitur [s], colon itidem cum epiplooo sociatur [t]. Et, si quoddam horum viscerum solitarie exit

III. *Simplices*, si vero plura gregatim (§. 9. n. 2. & §. 11.) & diversis quandoque in locis elabantur, *compositæ* evadunt, quales sunt omnes illæ magnæ & prodigiosæ in quibus omnia fere viscera abdominalia vinculis suis relaxatis ventrem misero spectaculo protuberantem exhibent [u]. Ita omnia intestina tenuia, præter duodenum, & omnia crassa, excepto recto, vesicula fellis, & pars ventriculi in hernia ventrali reperta fuerunt [x]. Pertinet huc enteroepiplogastrocele triplex, duo tumores ab epiplooo, unus ab intestinis à *Dn. le Maire* (§. 12.) observata; hernia illa à *Blegny* memorata [y]; entero-epiplogastrocele à *Gælicke* allegata [z]; hepar, vesicula fellis, lien, ventriculus in tumore detectus. [a] Raro vero simplices obveniunt ventrales herniæ, verum cum ab epiplooo intestina tegantur, illa fere nunquam sola, sed præcedente epiplooo prolabantur. Dictæ hæ partes, dum in tumore fluctuant, & sine incommodo gestantur

IV. *Mobiles* liberas efficiunt herniæ, si vero doloribus, inflammatione stipatæ sunt, incarceratæ tunc fiunt eadem, atque si non amplius cedunt, & adhærent, *immobiles* nuncupantur:

V. Tandem à *laxato* solum in his herniis *peritonæo*, vel *rupto*, id quod frequentius in ventralibus, quam in aliis contingit, divisio petenda est. Et eæ ubi rumpitur peritonæum stupendæ semper sunt magnitudinis; (n. 3.) talis est illa monstrosa quam in fæmina quadam nobili vidisse mihi recensuit *Dn. le Riche*, *Xenodochii Regii Argentinenfis copiarumque & castrorum regionum chirurgus primarius*, fautor atque hospes olim meus grato dignoque encomio celebrandus. Hæc infra umbilicum prope transversalis plicam tantam rupturam jam diu passa erat, ut vinculo paulum laxato plurimæ diffunderent partes, unde immanibus cruciabatur doloribus, quibus non aliter, quam in lecto, & vincturæ constrictione levabatur. Agmen verarum harum herniarum, spuria alicujus, sarcocèles nempe ventralis mentione, claudimus [b].

#### §. X I V.

Hicce ratione locorum (§. 12.) & divisionis (§. 13.) præmissis, non diffi-

[s] Mauchart *Diff. de hern. incarcer.* p. 11.

[t] Mem. de l'Acad. des Scienc. A. 1714. p. 259.

[u] E. N. C. Vol. II. Obs. 94. Mem. de l'Acad. de Chirurg. Tom. I. p. 701. Mem. de l'Acad. des Scienc. 1714. p. 259 Select. Francof. T. 2. Vol. II. Obs. 2.

[x] Transact. Anglican. 1732. N°. 422. 8. p. 44.

[y] *Zod. Gall. Ann. I. Febr. Obs. I.* p. 44.

[z] Gælicke *Diff. de hern femoral.* §. 16.

[a] Mem. de l'Acad. des Scienc. 1716. p. 179.

[b] Vogel l. c. p. 92.



difficile erit *Diagnosin* herniæ ventralis tradere. Quum vero in alio quocumque abdominis loco, quam in annulis (§. 10.) eam fieri diximus; (§. 12.), hinc, si in quacunque regione ventris cutis indecore prominet, à chirurgis ad ventralem herniam cæteris paribus rite concludi, patet. Etenim si, ubicumque illud sit, tumor ille existat inæqualis, mollis, parvus, rugosus, sine magnis doloribus, absentibus vomitibus, alvo libera, & præcipue si foveas post impressionem digitorum relinquit, atque absque murmure & sonitu reprimendus, omentum foras prolapsum fuisse indicium est. Intestinum quoddam vero si egressum, tumor deprehenditur æqualis, elasticus, tensus, rotundus, post impressionem digiti sese restituens, modo crescit, modo imminuitur, prouti distentum magis minusve intestinum est, repellendus facile digitis cum murmure quodam, quod præ aliis intestini prolapsi signum est, & apertius fit, si tussiendo, vel per succussus inspirando tumor augetur & sentitur. A ventriculo si elevatur cutis (§. 11.), ventralis hæc hernia tunc duos transversos digitos sub cartilagine mucronata sese manifestat, atque omnes hæc herniæ post cibum statim crescunt, in jejuno minuuntur, & in supino ægri decubitu sensim evanescent, quod signum est illarum characteristicum [c]. Compositam adesse herniam ventralem per signa modo nominata adunata certiores evadimus, ita quidem, ut ubi repositis cum murmure intestinis aliquid in sacco remaneat, omentum illud esse concludamus. Atque si tumor prodigiosus nimis atque enormis appareat, (§. 13.) à magnitudine procidentiam aliarum simul partium ventriculi, hepatis, mesenterii &c. inferimus. Hæc, quæ ita protuberant, si digitis prementibus cedunt & resiliunt, liberam, mobilem esse herniam ventralem significant. Si vero omento, vel intestinis nimium distentis, impactis, vasa sanguinea comprimantur, tumor tunc cedere recuset, rubicundus, nitidus evadat, dolor vehemens, vomitus chylosus, biliosus, constipatio alvi, singultus accedat, inflammata, incarcerata herniam indicant. Quæ dicta symptomata si augescunt, inflammatione latius serpente, tumor lividus, mollis evadit, pulsus depressus, parvus, frequens, lipothymia, insomnia, sudores frigidi, evanescencia dolorum gangrænam, sphacelum & rem ad triarios pervenisse, proh dolor! satis manifestant. At, si magno herniosi bono inflammatio prægressa in suppurationem quandoque abit, intestina roduntur, aperiuntur, peritonæum, aponeuroses musculorum, cutis quoque à pure effuso exesa, suppurata itidem rumpuntur, sicque interdum herniam incarceratam suppuratam [d] formant. Si in ipsa intestini incarceratione alvus libera manet à diverticulo quodam in intestino (§. 10.) herniam oriri probabile est. Si à relaxatione peritonæi, utplu-

B b 3

rimum

[c] Gunz l. c. p. 92.

[d] Vid. Heisteri *Diff. de hernia incarcerata suppurata sæpe non lethali*. Helmstæd.

rimum tumores non adeo insigne volumen exhibent, quam si à rupto eodem contingunt, qui etiam non ita facile incarcerantur. Rara illa hernia ventralis inter separatas per vulnus recti fibras oriens (§. 13.), difficiliter cognoscitur, à symptomatibus tamen reliquis herniæ absque apparente tumore indicatur. Atque signa herniæ ventralis pathognomonica, quæ illam à quibuscvis aliis distinguunt, sunt tumor major minorve, latior in basi quam in superficie, subito apparens, moxque paulum pressus sic recedens, ut evanescat, spirando tamen mirum in modum augetur, quia nullo annulo coercetur (§. 10.): ubi intestinum subest, vehementes adfunt abdominis dolores in hac hernia, qui etiam stomachum afficiunt, ut assumpta, imo bilis evomatur [e].

## §. X V.

Cum partes abdomen cingentes, peritonæum præcipue, elatere suo naturali privari, adeoque laxari vel plane rumpi possit (§. 5.), atque hoc facto, viscera laxatis quoque vinculis (§. 9.) in loca peritonæi dilatata vel rupta irruant (§. 8.), sicque tumorem faciant; in causas herniarum, uti aliarum, ita ventralium inquirenti, patebit; *causam herniæ ventralis proximam* esse vel relaxationem, vel rupturam peritonæi, quod ultimum quidem in hac specie frequenter contingit, licet in aliis rarius sit [f]. Relaxationem quidem peritonæi inducere possunt omnia ea, quæ membranam hancce nimis distendendo, premendo, intestina contra eam impellendo, ab elasticitate & tono suo naturali eam dejiciunt, quæque proinde

*Causa remota* hujus affectus existunt, qualis est interius fortis viscerum, intestinorum nifus, incurfus in superextensum peritonæum, præcipue dum à reciproco motu diaphragmatis deorsum antrorsum pelluntur (§. 2.), sicque in angustius spatium rediguntur, quo facto, resistantia peritonæi superatur, vel ubi jam debilitate naturali, vel dispositione ad hernias (§. 5.) laborat, eo facilius dilatatur. Pertinet huc quoque colluvies humorum serosorum in abdomine stagnans, viscera à tono suo dejiciens, lubricans, vincula quoque eorum relaxans, atque ob eandem rationem peritonæum successive dilatans. Debilitas quoque nimia fibrarum naturalis est dispositio ad hernias, ductus etiam cæci peritonæi (§. 5.) & deficientes fibræ musculorum abdominalium (§. 4. n. 3.) huic effectui favent. Huc & temperiem peculiarem, sanguineum & phlegmaticum temperamentum præ aliis, obesitatem nimiam, & hæreditariam quandoque labem, referre [g] licet. Quæ dispositio interna per varias

*Causa*

[e] Vid. Platner l. c. §. 821. Heister l. c. p. 799. le Draz l. c. p. 143. Dionis l. c. p. 119.

[f] Dionis l. c. p. 119. ventris herniam semper à ruptura peritonæi fieri asserit, in quo tamen fallitur.

[g] Vid. Hoffmann. *Med. Consultat. Tom. II. p. 53. E. N. C. Cent. V. obs. 92.* Fa-



*Causas* externas ut plurimum & *occasionales* excitatur, quæ cum multifariæ sint, ad censum rerum nonnaturalium commode reduci queunt. Confert igitur huc ( $\alpha$ ) Aër, atque ratione illius habitatio in locis, regionibus paludosis, nebulosis. ( $\beta$ ) Diæta pinguis, oleosa, flatulenta, hinc Helvetis endemius, & Monachis familiaris est hic morbis, cibus & potus nimia in copia ingurgitatus, fermentescens, cerevisia frigida avide hausta. ( $\gamma$ ) Ratione applicatorum externorum ictus, lapsus, casus, calcitratio, equitatio, suspensio à brachio, nifus ad attingendum aliquid, præcipue post pastum, vel in statu graviditatis [ $h$ ], motus varii fortiores in saliendo, saltando, currendo, onera gestando, præprimis si sustinendo, vel elevando pondus spiritus retinetur, ob erectum quoque corporis situm causæ sunt cur in homine frequentiores sint herniæ, quam in brutis. ( $\delta$ ) Omnes nixus respiratorii fortiores, ejulatio, vociferatio, sternutatio, risus, tussis ferina, suctio infantum, tubarum inflatio, nifus in egerendis fæcibus, suum symbolum huc conferunt; atque etiam hic de fæcibus nimis duris, flatibus intestina distendentibus, gestatione fætus in utero, partu difficili, præpostera ligatione funiculi umbilicalis, venere immodice exercita, urina diu retenta, hydropse [ $i$ ], lumbricis convolutis [ $k$ ], tanquam causis occasionalibus, mentio injicienda. ( $\epsilon$ ) Animi affectus interdum, veluti terror subitaneus [ $l$ ], imaginatio gravidæ fortis [ $m$ ], hunc affectum concitasse, legimus.

Hæ causæ omnes, vario modo viscera abdominalia, reciproco motu à diaphragmate, & musculis abdominalibus, pressa (§. 2.), versus peritonæum pellunt, illius elaterem superant, illud laxant, dilatant; ita quidem, ut si lente & successive agunt dictæ causæ, laxationem peritonæi, si vero fortius & subito impetunt, ruptionem ejusdem inducant. Simul & semel vero etiam rumpuntur ii, qui læsionem violentam, a vulneribus in cavitatem abdominis penetrantibus, incurrunt, quibus ictus, vel calcitationes fortiores infliguntur; his etiam annumerandi, quibus plaga, vel vulnere olim peritonæum læsum fuit; cum enim partes membranaceæ male vel raro consolidentur, accedente causa quadam alia occasionali, labia denuo hiant, partesque elabi sinunt. Mirum hinc non est, post vulnera à gladio, post paracentesis administrationem, sectionem in partu cæsareo

Fabricii *Sciagraph. Hist. Phys. Med. Butisbac.* p. 60. qui patrem & patruum eodem ætatis articulo hoc morbo correptos fuisse memorat.

[ $h$ ] Illud evenisse in fæmina quadam, quæ, dum gravida esset, aliquid attingere volebat, atque sic triplicem herniam ventralem in locis diversis contraxit, ex communicatione supra laudati *Dn. le Riche* mihi notum est.

[ $i$ ] *Le Dran* l. c. p. 143.

[ $k$ ] *E. N. C. Dec. I. A. 3.* p. 194.

[ $l$ ] *Ruyseh. Observat. Anatom. chirurg.* p. 125.

[ $m$ ] *Mem. de l'Acad. des Scienc. A.* 1716. p. 178.

fareo [ *n* ], herniæ operationem, vel incarcerationæ suppurationem [ *o* ], novas hernias, & præcipue ventrales fere semper pressò pede subsequetas fuinè. Recensitæ modo causæ, tanto cum impetu, tantaque cum pertinacia quandoque agunt, ut elaterem ambientium partium non solum penitus destruant (§. 2.), sed, eadem vi agere perseverantes, in dilatatum peritonæum intestina fortiter impingant, quod cum accidit, ob compressionem vasorum in annulo, partibusque vicinis, circulus sanguinis in iisdem intercipitur, hinc rubent, tument, inflammantur, partes prolapsæ constringuntur, atque per locum, ubi egressæ sunt, remeare nequeunt, sicque hernia incarcerationata oritur, quæ quidem causam proximam agnoscit constrictionem partium prolapsarum, ab annuli constrictione, vel quandoque etiam à sacci herniosi (§. 8.) constrictione, provenientem [ *p* ]. Annulum enim, cum tendineus & elasticus sit, rarius quidem à partibus mollioribus inflammari posse videtur, sacculus potius peritonæi angustari, atque sic incarcerationi ansam præbere potest. Id quod omnium facillime tunc evenire potest, si post factam semel herniæ reductionem, sacci parietes concresecunt ex parte, relicto solum orificio quodam mediocri, cui accedente causa occasionali successive intestina sese insinuare possunt, atque descendere, quando vero moles partis prolapsæ sacci angustię non respondet, aut ejus spasmodica constrictione, vel inflammatio accedit, quæ sæpius à fecibus flatibusve retentis, à refrigeratione subitanea, ab exercitio, & motu fortiori accidit, partes tunc in sacco contentas comprimi, constringi, incarcerari necesse est. Quæ sic per moram temporis in sacco hærebant partes, à succo ex poris ipsarum exudante, cum sacco concresecunt, quod etiam prægressa inflammatione earumdem accidere potest, quæ herniæ immobilis & adhærentis primaria tunc causa evadit.

Ex memoratarum causarum classe præprimis herniæ ventrali producendæ obstetricantur tussis, sternutatio fortior, ejulatio, suctio nimia mammarum, diæta pinguis, fætus gestatio, nifus in partu, operatio cæsarea, paracentesis, herniæ, & in genere quæcumque vulnera peritonæi unitatem solventia.

Atque ex hac ratione *subjecta*, quæ herniis ventralibus exposita sunt, infantes existunt, quibus magis familiaris hic morbus, quam adultis, & fæminis etiam magis frequenter evenit, quam viris, temperamenta sanguinea, & phlegmatica propiorem dispositionem gerunt, & ascitici, atque vulnera peritonæi perpeffi, jus quasi acquisitum in hernias hæc obtinent.

## §. XVI.

[ *n* ] Mem. de l'Acad. de Chirurg. Tom. I. p. 642. Saviard *Obs. Chirurgical.* 59.

[ *o* ] Mem. de l'Acad. de Chirurg. p. 341. Mem. de l'Acad. des Scienc. A. 1723. *Hist.* p. 45

[ *p* ] Confirmant hæc le Dran *Observ. Chir. T. II.* p. 16. Garengot *Operat. Tom. I. Obs.* 16. *Dionis* l. c. p. 324. *Gunz* l. c. p. 31.



## §. XVI.

Quæ de causis (§. 15.) atque signis (§. 14.) herniæ ventralis diximus, ad prognosin ejusdem prona nos ducunt via.

1. Herniæ ventrales curatu difficiliores sunt reliquis, quod *Hippocrates* jam asseruit (§. 10.).

2. Herniæ ventrales difficulter radicaliter curantur; præcipue si post ruptionem, vel post vulnus peritonæi contingunt (§. 15.).

3. Recentes herniæ facilius curantur; quam inveteratæ.

4. In infantibus, & junioribus curationi plenariæ locus est; in adultis, senibus non item.

5. Eæ, quæ cum tumore, dolore, inflammatione conjunctæ sunt, (§. 14.) incarceratæ sunt, & periculosæ semper.

6. Quæ immobiles sunt, & adhærent, difficulter curantur, & periculi plenæ sunt.

7. Intestinales herniæ periculosiores sunt omentalibus.

8. Enteroepiplogastrocele non adeo periculosa est, quam si sola intestina egressa, quia omentum defendit intestina prolapsa.

9. In gravidis ventrales non adeo metuendæ, imo sæpe evanescent.

10. Nimis prodigiosæ ventrales (§. 13. n. 3.) à muneribus consuetis impediunt; imo negotio generationis obstant.

11. Concionatoribus, uti omnes herniæ, ita hæc quoque fatales sunt.

12. Herniæ incarceratæ, obstructions alvi, dolores, inflammationes, tensiones abdominis, vomitus, ileum, volvulum, lipothymias, sudores frigidos, mortem generant.

13. Si post reductionem dolores, vomitus non remittunt, putredinis signum est.

14. Ventrales, quæ in interstitiis rectorum ab umbilico ad pubem sese manifestant (§. 12.), imo omnes prodigiosæ, incurabiles censentur.

## §. XVII.

Hæc sunt, quæ herniosos minantur pericula (§. 16.), quæ quidem evitare docet ars, congruis adhibitis præsidiiis, legitimaque methodo mendi administrata. Præsidia hæc morbo directe opponenda, cumque in hernia ventrali, viscera abdominalia, in quocumque abdominis loco prolapsa, tumorem faciant (§. 10.); *Methodus* herniæ ventralis *curatoria*, duas exposcit indicationes:

Quarum Ima est, ut partes prolapsæ reponantur;

IIa, ut repositæ in situ suo contineantur.

At quum ea, quæ prociderunt viscera, alia libera atque mobilia sint, adeoque absque opera statim reduci queant, alia vero incarcerata, vel plane

adhæreant (§. 13. n. 3.) & immobilia sint, sicque reductionem, vel difficilem, vel impossibilem reddant, duplici modo *prima indicatio* absolvi-  
tur. Si enim libera sunt viscera, per Taxin, id est, repositionem solam,  
si incarcerata, per herniotomiam, id est, repositionem prævia facta ope-  
ratione, hunc scopum attingere solemus. Partes itaque reponendæ, si  
recenter herniam fecerunt, nec majus volumen, quam quod orificio par-  
tis relaxatæ, vel ruptæ respondet, occupant (§. 15.) statim tunc & sine  
mora ad earumdem repositionem accingere nos possumus. *Taxin* itaque  
instituturus chirurgus resupinato ægro, coxis & scapulis elevatis, & dor-  
so excavato abdomen introrsum vergere faciat, ut sic cutis supra tumo-  
rem relaxetur, quo facto ambabus tunc manibus tumori applicitis per  
pressionem lenem idem intropellendus, cogendus est, sicque hernia repo-  
nitur, atque hoc quidem in herniis ventralibus sæpius propria manus per-  
ficere potest. Sique intestinum prolapsum est, cum murmure leni illud  
contingit (§. 14.), & si postmodum aliqualis adhuc tumor remanet, o-  
mentum adhuc hæerere indicatur, cujus quidem repositio itidem tentanda,  
quamvis id sæpius difficilius exsequi liceat. In ea ventralis herniæ specie,  
quæ à ventriculo fit (§. 11.), repositio eodem plane modo peragenda.  
Qui post retrogressas partes relinquitur saccus herniæ (§. 8.), itidem  
repellendus, at cum membrana peritonæi, ab elatere suo deturbata, raro  
illum resumat (§. 15.), nullus fere reponendi saccum modus datur, id  
tamen, si quandoque fortuna accidit, parietes tunc sacci coalescunt  
(§. 15.), duriores fiunt, sicque repagulum novi prolapsus constituunt  
tutissimum [ q ].

## §. XVIII.

At, si quando evenit, ut partes tumorem formantes ita magnitudine  
augeantur, à flatibus vel fæcibus ita distendantur (§. 15,) ut repositio  
ipsarum difficilis, imo ob inflammationem & incarcerationem impossibilis  
fieret (§. 17.), tunc, ut scopo nostro taxi nempe potiamur, præpa-  
rationem præviam, qua mediante partes tensæ relaxentur, impactæ emol-  
liantur, inflammatio aliaque pericula discutiantur, instituere convenit.  
Si à flatibus vel fæcibus intestina distenta in nimium volumen protube-  
rant, carminativa, antispasmodica, emollientia, laxantia, in forma tam  
clysterum, quam cataplasmatum, & fomentationum conveniunt. Locum  
hic habent spec. p. Dct. emoll. & carminativ. in  $\nabla$  & lacte coctæ, vel  
••• lini solum, sub forma clysmatis injectum, quibus non juvantibus clyf-  
teres alii paululum fortiores & magis irritantes subjungi, & omnibus ir-  
ritis fumus herbæ nicotianæ, fistula quadam peculiari inflatus, tanquam  
egregium aperiens magno sæpe cum successu repositioni herniæ favit [ r ].  
Sunt

[ q ] Garengeot *Operat.* Tom. I. p. 318.[ r ] Heister *Inst. Chirurg.* p. 789.



Sunt etiam quidam qui ☉ fulminans cum arcano duplicatō interne scopo discutiendi suadent [s]. Quibus internis addi etiam possunt per os assumpta oſa, demulcentia, °°. Amygd. dulc. māna, syrup. violar dialih. cum anint. rheif & liq. anodyn. mineral. Hoffm. mixta. Sed adjungenda externa, fomentationes cum adipe taxino [t] embrocationes, inunctiones ventris cum oleis carminativis & discutientibus, cataplasmata emollientia, cum mica panis similaginei, °°, lacte, & croco, pulpa Hbb. emollient. cum ungt. alth. f. q. mixta, vel illud domesticum ex lini fasciculo convolutum, atque vel in lixivio, vel lacte, vel °° lini cocto. Quibus omnibus fibræ, tam peritonæi, quam intestinorum, nimis tensæ relaxantur, sicque reductio promovetur, quæ quidem interea temporis sæpè tentanda est, & si partes emollitæ fuerint, tandem ex voto succedit. Interdum vero adeo fortiter impacta hærent viscera, intestina præcipue, ut efficacissimis adhibitis licet emollientibus & discutientibus, tumor tamen cedere recuset, imo omnia signa inflammationis (§. 14.) præsto sint, continuatis tunc prædictis relaxantibus, in usum quoque vocatis balneis emollientibus e rapis, furfuribus, lacte & aqua, oleo, palmarium quod in his angustis convenit præsidium in V. S. positum est, quod ocyus citius adhibendum, quæ quando in brachio præcipue aliquoties instituitur, partibus nimium tensis relaxandis, adeoque inflammationi discutiendæ optime famulatur, si præprimis inflicto vulnere lato magna quantitas celeriter evacuetur, atque hæc evacuatio ad animi usque deliquium continuatur, in quo quidem statu imminuta resistantia vasorum & impetu sanguinis sedato, reductio tentanda. Cum enim per V. S. partes inflammatae relaxentur, tunc quidem temporis sæpissime intestina, quæ antea adhibitis omnibus licet auxiliis reduci non potuerunt, momento citius reponuntur. Ubi relaxatio intestinorum summa reductionem impedit, consilium multorum non spernendum est, omissis calidis emollientibus, quæ magis relaxant, frigida, adstringentia applicanda [u], imo etiam interne purgantia fortiora propinanda esse, quæ intestina ad stimulum, & contractionem majorem incitent.

## §. XIX.

His in tempore adhibitis (§. 18.), sæpe ab orco revocatur æger, quod si vero ita fortiter impacta sint intestina, si incarceration, adhæsiō, vel immobilitas adeo constans, ut nihil non, quod pro reductione hætenus tentatum, irritum fuerit, sicque inflammationis augmentum & gangræna metuenda (§. 16.); tunc temporis nihil aliud consilii superest, quam ut ad alterum scopum, quem in reponenda hernia (§. 17.) præfixum ha-

C c 2

bemus,

[s] Gœlicke *Diff cit.* §. 36.[t] *Gunz l. c p. 74.*[ ] *Essais de Médecine d'Edinbourg Tom. V. p. 357. Gunz p. 36. Vogel p. 101.*



bemus, properemus, qui *mediante* prævía operatione peragitur. Quam ut rite instituat herniotomus ad ea quæ ante operationem, in ipsa, & post eandem ipsi agenda sunt, probe attendat. Antequam ventralis herniæ operationem subeat æger, corpus ipsius præparandum per laxantia Rhabarbarino Mannata, diætam convenientem, clysteres, quo impuritates e primis viis & corpore eliminantur, nec insuper habendæ V. S. quibus spasmus & tensiones relaxantur, plethora imminuitur, sanguini sic æqualis circulus procuratur. His ita à parte ægri perfectis, tempus commodum operationi destinandum locusque lucidus lecto in medio cameræ posito seligendus, huic lecto ita imponatur æger, ut resupinus collocatus, pectore & coxis demissioribus, abdomine vero elatiori constitutus sit, si nempe in linea alba tumor existit (§. 10.); si vero in latere est hernia, in oppositum latus ad marginem lecti collocandus est æger, ministri ab operatore ita distribuendi, ut unus, ad caput ægri locatus, illud una cum pectore sustineat, alter inter crura ad ea firmanda locetur, tertius minister in latere herniæ opposito ad necessaria operatori instrumenta porrigenda situs sit. Apparatus, quo ad hanc operationem perficiendam instructus sit herniotomus, sunt quæ sequuntur instrumenta, scalpellum rectum, *bistouri droit*, à Gallis vocatum, aut cultellus incisoriis, forfex cum nodo, specillum sulcatum, & aliud latum, scalpellum quoddam cum nodo, *bistouri à bouton* à Dn. Petit inventum, acus duæ chalybeæ cum filo sextuplicato, pannus vel sericum in modum bacilli convolutum, Gallis *chevilles* dictum, plumaceola, splenia, vincturæ, mantile cum scapulari, *la serviette avec le scapulaire*, bals. Arcæi, embrocatio ex .°. rosar. & chamom.  $\text{℞}$ l. VRiss\*.

## §. X X.

Quæ cuncta, si ad operationem præparata sint (§. 19.), Herniotomus operi sese accingens locum abdominis, in quo hernia ventralis sese manifestat (§. 12.) examinans, pro ejus diversitate diverso modo incisionem facere debet, ita quidem ut tractum fibrarum semper sequatur, sique tumor in linea alba supra vel infra umbilicum in interstitiis muscutorum rectorum, vel in ipsis musculis rectis apparet, plaga recta incisio instituenda, si vero lateraliter in regione epigastrica, vel hypogastrica, in obliquorum, vel transversæ fibræ observatur, obliqua sectio fiat. Operator igitur pollice & indice manus sinistræ, & minister digitis manus sinistræ cutim elevat, intentamque sic cutem scalpello recto una cum panniculo adiposo caute incidit, fibræ musculares eodem quoque modo per incisionem caute dissecantur & præcipue, si nullus adest saccus (§. 9. n. 5.), suspensa manu incisio peragenda, ne viscera læsionem incurrant. Si vero sacco involuta sunt, quando usque ad peritonæum, saccum herniæ formans (§. 8.), perventum est, introducto super saccum herniosum specillo sulcato, quod huc illucve agita-

\* Spiritus vini rectificatissimus.



tur, incisio scalpello cum apice, vel scalpello elastico, *bistouri herniaire de M. le Dran* dilatanda, ut sic tota hernia appareat, quæ quidem, si ingentis molis est (§. 13. n. 3.), transversim tunc eodem modo cutis cum musculis incisione dilatanda est, ita ut crucis formam referat, adhibita undique hac cautela, ut dilatatio nusquam plus, quam opus fuerit, fiat, quia membranæ aponeuroticæ difficulter consolidantur, quæ vero hic evenit hæmorrhagia, parva admodum est, & nodo *D li* vel *VRiff.* atque si forte vasa epigastrica læduntur, ligatura facile compefcitur, cellulæ postea & laminæ adiposæ subjacentes, quæ faccum externum faciunt (§. 8.), vel unguibus discernendæ, vel instrumento, *dechauffoir* dicto, dedolandæ, ut sic faccus, qui in hernia nostrate ut plurimum basin latam habet (§. 14.), undique denu-detur. Denudato itaque sacco ipso herniario, prudentis Chirurgi est, in quonam statu faccus & contenta ipsius sint ante inquirere, quam ulterius pergat. Si intestina & omentum pressioni cedunt, libera esse indicium est (§. 13. n. 4.), & statim tunc eorum repositio, intestinorum prius, dein omenti perficienda. At faccus herniæ, licet pars membranacea peritonæi sit (§. 8.), hincque elastica (§. 5.), resilire tamen amplius non potest (§. 17.), verum, cum elaterem suum perdiderit, ut reponatur necesse est. Atque secundum *Petiti* quidem methodum [x] in omni hernia reponendus esset, ut novo hoc modo prolapsui obex ponatur, quod tamen consilium tuto semper imitandum non est, atque eo solum in casu, ubi partes inclusæ liberæ, mobiles, integræ sunt, locum habet. Potest vero incarcerationio herniæ adeo jam invaluisse, ut partes in tumore impactæ, omentum nempe & intestina, inflammata & gangræna affectæ videantur, vel ab exudante liquido cum sacco agglutinatæ sint. Quod dum per signa (§. 14.) conjicimus, ad ipsam aperturam sacci properandum, arrepto nempe apicibus digitorum pollicis & indicis, plaga parva infertur, introducendo postea digitum indicem, & super eo scalpellum cum nodulo, uno tractu faccus dilatetur, qua methodo adhibita, *Gallis* familiari, scalpello illo elastico carere commode possumus. Tunc vero partes inclusæ probe examinandæ, sique omentum in conspectum primum prodit, illud interdum corruptum, & putrefactum ibi deprehenditur, quod ordinarie in parte, supra corruptam sana, filo ligatur, & sub ligatura resecatur [y]. Intestina, si flatibus aut fæcibus distenta (§. 15.), major tunc eorum portio eximenda & stercorales materiæ dividendæ, posteaque si sana sunt, ea qua exierunt serie reponenda. Si corrupta, vel gangræna affecta deprehenduntur intestina, res quidem ægri in vado non est, verum non ideo statim conclamata habenda, partes potius intestinorum

C c 3

gan-

[ ] Quam *Garengeot Operat. Tom. I. p. 368.* proponit, & simul casum de sutore hernia ventrali laborante adducit, qui facta operatione a *Dn. Petit* & reposito sacco integro, vix quinque diebus elapsis, cum sanitate in gratiam rediit.

[y] *Gunz* l. c. p. 55. omentum non ligandum, sed solum abscindendum suadet. *Epi-plocelen* ventralem suppuratam, vigesimo post operationem die, subito lethalem annotavit *le Dran Observ. T. II. Obs. 63.*

gangræna affectæ forfice abscindendæ, auferendæ, & quousque gangræna serpit extirpandæ, quo facto orificia intestinorum ad latus vulneris affuenda, quæ labiis vulneris agglutinata anum artificialem sic relinquunt [z]; vel, ut ausus nobiles *Præsidis Academ. Reg. Chirurgiæ Gallorum DN. de la Peyronnie*, cujus nomen jam elogium est, imitemur [a], qui intestini resecti extrema filo mesenterio injecto ad se invicem adduxit, sicque canalem hunc, oris iterum unitis, integravit, herniamque ablata magna licet portione intestini, novo sed felici tentamine absque fistula curavit [b]. Cujus intenti possibilitatem probarunt etiam intestina in hernia præpostere loco bubonis vel abscessus aperta [c], vel incarcerata suppurata, quæ sæpe rursus ita coaluerunt, ut nullum ulcus in intestinis remanserit [d].

## §. XXI.

Si facci nimia angustia incarcerationi ansam præbuit (§. 15.), vel partes, succo ex interiori extillante, coalescunt, facco adhærent (§. 9. n. 3.), utrumque repositioni obstat. Hæc cum operationem morentur, ut facci angustia per incisionem cum scalpello dilatetur & ut adhæsiō dorso scalpelli separaretur, necesse est, id quod in parva portione adhærente facile fit; si vero magna pars omenti vel intestinorum adhærescit, separatio hæc nullo alio modo fieri potest, quam si, abdomen magna plaga incidendo, partes undique ubi accretæ fuerant, nova & peculiari methodo, quam pauci calcarunt, caute separentur [e]. Repositis sic omento & intestinis, sive integris, sive abscissis & unitis (§. 20.), sive etiam separatis, latera tunc aperti facci, ablatis undique per septica excrescentiis, ad annulum agglutinantur, faccus occluditur. Vel quibus *Senffii & Vogelii* modus placet [f], faccus injecto vinculo constringitur, & sub ligatura abscinditur, qua quidem singulari encheiresi hi viri herniæ curationem radicalem perfici asseverant, dum latera constricti facci sese uniant, consolidentur, indurentur, & novo descensui obicem ponant, cicatrifatis interea etiam musculis atque integumentis. Pari cum his passu ambulant, eæ herniæ, in quibus faccus deficit (§. 13. n. 5.), uti in rupto, vel vulnere discisso peritonæo id contingit (§. 15.): ubi quidem

[z] *Mem. de l'Acad. des Scienc.* 1701. p. 373.

[a] *Mem. de l'Acad. des Scienc. A.* 1721. p. 43. *Mem. de l'Acad. de Chirurg. Tom. I.* p. 341. *Essais d'Edinb. Tom. V.* p. 547. *Montabourg Quæst. Med. Paris.* 1742. utrum in herniis intestinalibus, etiam cognita intestini prolapsi læsione, operatio celebranda? §. V.

[b] *Mem. de l'Acad. des Scienc. A.* 1721. p. 43. ubi dimidio pollice intestini abscisso, intestini ora tamen univit. *Mery Mem. de l'Acad. des Scienc.* 1701. p. 373. & *Ramboldius Commerc. Litterar.* 1731. *Spec.* 26. in desperata hac causa auxilium quoque tentarunt.

[c] *E. N. C. Dec. I. A.* 9. & 10. p. 360. *Gunz l. c.* p. 56.

[d] Vid *Heist. Diff. allegata.*

[e] *Deckers Observ. Med.* p. 453.

[f] *Vogel l. c.* p. 184.



dem eodem modo, ac si faccus apertus fuerit, procedendum, & parietes rupti peritonæi ad annulum itidem agglutinandi sunt. Rara illa hernia ventralis, inter ipsas recti fibras sese manifestans (§. 12.), eodem fere modo curatur, facta super tumorem incisione per longitudinem usque ad vaginam rectorum, quæ finditur, atque fibræ musculares tunc dividuntur, cavendo, ne inscriptiones tendinosæ (§. 4. n. 4.) dissecentur; sicque denudata hernia, quæ raro habet faccum, reponitur [g].

## § XXI.

Quam de operatione herniæ incarceratæ (§. 20.) & adhærentis (§. 21.) tradidimus methodum, nullo exemplo dignius illustrari potest, ac operatione quadam à sæpe laudato DN. *le Maire* peracta, quæ ob facti singularitatem, & operationis præstantiam locum hic meretur. Abhinc duodecim circiter annis fæmina quædam in quarto graviditatis mense constituta jam per quatuor antea annos duos tumores in regione epigastrica sinistra gestabat, quorum unus longitudinem cristæ ossis ilium occupabat, quem vehementius saltando contraxerat, teste acuto doloris sensu tunc percepto, quasi ex rupta ventris parte, huic succedebat tumor alius magnitudinem nucis dimidiæ æquans, qui nunquam disparuit, & sensim absque sensu adauctus fuit, ita ut omnibus licet ad reductionem adhibitis remediis tamen non cesserit. Octo mensibus præterlapsis, novus tumor sese manifestavit super os pubis ad latus pyramidalis muscoli, saltando itidem provocatus, atque hic admodum distinctus appendicem, caudæ in modum, formabat, quæ ad labia pudendorum usque devolvebatur, & tertius hic tumor ob volumen suum ægræ maximum incommodum faciebat. Quicumque ægram hanc visiterunt, de morbo ejusque nomine pronunciando dubii hærebant, donec uno momento, post vomitiones fortes, tumor prior multum adauctus, intestinum in rupto peritonæo incarceratum atque symptomata singultus, vomitus, constipationes alvinæ, de hernia incarcerata nullam amplius dubitandi rationem reliquerint. Post triginta sex ab incarceratione horas in consilium vocatus DN. *le Maire* stupuit videndo tres tumores sibi admodum vicinos, & ruptionem peritonæi pro causa exitus accusans, absque operatione nullam salutem esse futuram pronunciavit, quæ tamen per viginti quatuor adhuc horas differebatur, balneis interim & V. Snibus ab eo auxilii loco propositis, quæ dum administrarentur, præsentibus interim chirurgi diversis temporibus repositionem, irritum tamen semper cum conatu, tentarunt. Dum vero inflammatio augetur, operationem amplius differre iniquum censuit noster, & cum tumor supra pubem ad pyramidalem carnem omnium maximus existeret, cujusnam sectionem primus ingrederetur anceps hæsit, consilii tamen capiendi promptus illum aggressus est, qui primus sese declaravit. Ut operationem inchoaret, integumenta quantum possibile fuit, ad primam incisionem facien-

[g] *Le Dran Operat. p. 146.*

faciendam, elevavit, dorsum scalpelli dein abdomini obvertendo, plagam lateralem ad latus secundi tumoris inflixit, ut eo melius secarentur tegumenta, denudato epiploo eodemque separato intestinum immutatum & cum epiploo coalitum invenit, ut unguium ope hæc adhæsiō separanda ipsi fuerit, atque omentum ipsum cum aponeurosis musculorum abdominalium ita arcte adhæsit, ut vix hiatus concefferit, per quem scalpello elastico pro dilatatione facienda introducendo locus fuerit, incisio insuper ob gravidum ægræ statum magna nimis fieri non potuit. Intestina postea fomentatione aromatica fota, & ab epiploo separata, feliciter reducta fuere, quod ut facilius præstaretur ægram ad latus dextrum ob uteri situm inclinari iussit. Quod cum perfecerit ad lustrandum secundum tumorem pedem promovit, & plaga transversa paululum prolongata, an inibi intestinum etiam incarcerationum esset, inquisivit; sed nudato tumore nil nisi epiploon invenit, quod facile sequebatur, & quo magis illud attraxit, tumor semper imminuebatur, pars epiploi prolapsa uncias ad minimum tres æquabat, tertia quoque hernia, quæ usque ad pudenda protendebatur, itidem imminuebatur. Labor hic longus & ægræ dolorificus de scena claudenda cogitare fecit nostrum, non omnem igitur epiploi separationem absolvit, cumque in tumore supra pubem nulla intestina subessent, epiplocelen quæ remanebat intactam reliquit, ægramque deligavit, reliqua ab artis magistro perficienda posteris deligationibus reservans. Variis sic sectionibus ægra tam feliciter curata est, ut fætum legitimo termino salvum in lucem emisit. Difficili huic operationi non modo honorificam suam præsentiam, verum imprimis prudentissimum suum consilium accommodavit *vir Magnificus DN.D. & P. Joh. Jacobus Sachsus*, cujus ob grandia in praxi medica monumenta immortale lucet nomen, alius insuper medicus famigeratissimus, & quatuor chirurgi adstiterunt.

### §. XXIII.

Cum priscis jam temporibus de hernia ventrali constiterit (§. 10.), de antiquissima eam operandi methodo, *Celsi* præcipue, mentio injicienda est, qui cum de ea quæ rupto peritonæo fit, loquatur, varias curationes proponit. „ Quidam enim secundum ipsum [ *b* ] per acum duobus linis ad imam „ basin immisis sic utrinque devinciunt, quemadmodum & in umbilico & „ in uva positum est, ut quidquid super vinculum est emoriatur: Quidam „ medium tumorem excidunt ad similitudinem myrtacei folii, & tum oras „ futura jungunt &c. ” Verum enim vero hæc methodi rem adeo non exhaustiunt, ut potius metuendum sit, ne per transmissionem acus intestina constringantur, lædantur, pari modo ea methodus quæ per ligaturam tumoris fit, incerta est, quia consolidatione nunquam bene peracta, facile con-

[ *b* ] *Lib. VII. Cap. XVII. lin. 22. p. 454. edit. Almeloveen. quæ curatius denuo Lugd. Batav. 1746. prodit.*





continui solutio, atque nova sic hernia oriri potest [i]. Præter has per fer-  
rum curandi methodos, veteribus etiam per ignem & per caustica curaban-  
tur herniæ, quod nostris temporibus exolevit, paucis, qui eos hodie adhuc  
imitantur, exceptis [k].

## §. XXIV.

His ita ad implendam primam *indicationem* peractis (§. 17.), ad *alteram*  
pedem promovere debet chirurgus, ut nempe de repositis partibus in situ suo  
continendis sollicitus sit. Quæ quidem indicatio si per taxin aliter, quam si  
post præviam herniotomiam repositio facta fuit, perficitur. Atque si faccus  
integer repositus fuerit (§. 20.), cum peritonæum semel laxatum raro ela-  
terem suum naturalem iterum acquirat (§. 15.), ut cinguli vel fasciæ inf-  
tar, uti antea abdomen arcte contineat; quod cingula naturalia à tono de-  
jecta (§. 2.) præstare amplius non valent, illud per artificialia supplendum  
est. Statim quidem post factam taxin deligatio fit splenio in embrocatione in-  
tincto & pannis aliis gradatis, vel etiam in castris charta bibula, quibus fas-  
cia quatuor ad minimum digitos lata cum scapulari injicitur, atque quies,  
situs tranquillus, & victus tenuis ægro per aliquot septimanas imperandus,  
ut tonum partes resumere queant. Post aliquot dein dies vinctura conve-  
niens ægro immittenda, quæ consistit in bracherio, pila nempe è ligno tilix  
linteis duplicata, cui cingulum latum, tale quale veredarii, *les couriers*,  
utuntur, adnectitur, quod abdomen ambit. In junioribus locus embrocatio-  
nibus bene inungitur, tumque emplastrum quoddam ad hernias [l] atque  
tunc fascia cum pila imponitur, cujus emplastri usu lamellæ facci inter se coa-  
lescere possunt, si simul interne decoctiones vulnerariæ, aut adstringentia  
propinantur [m]. Quibus omnibus in infantibus & junioribus ob succos  
magis laudabiles & faciliorem elateris restitutionem, curatio radicalis absque  
metu novi prolapsus, vel continuo bracherium gestandi, peragitur. In ea  
specie ventralis herniæ, quæ alias ventriculi vocatur, per inunctionem tu-  
moris cum adipe taxino in pueris eam curatam fuisse memorant [n], sed  
vinctura insuper injicienda atque victu tenui, parco, potu aromatico, ro-  
borante utendum, atque magni procul dubio usus erit bracherium; quod  
pro-

[i] Heister *inst. Chir.* p. 800. Dion. l. c. p. 120.

[k] Edinb. *Essais* Vol. V. p. 371. Cel. Van Swieten *Comm. in Aph. Boerb.* Tom. I.  
p. 624

[l] Quale illud, quod cum arcano suo  nempe  rectific. communicavit Prior  
de Cabrieres, compositionem hujus tradit Dionis p. 317. de Launay *des descentes* p. 64.

[m] Talia sunt consolid. ferracenic. & persoliatæ usus in jusculo cum axung. gallinæ  
melle & butyro majali E. N. C. D. I. A. 3. p. 527. succo Absynthii, D. III. A. 2.  
p. 61. per alia medicamenta D. I. A. 3. p. 527. 551. Superstitionem redolet, her-  
niam transilitione ter repetita per tiliam, vel quercum, vel salicem fissam, curatam  
fuisse Aët. *Hæfn.* Vol. II. p. 164. Juncker *Consp. Chirurg.* p. 206.

[n] Gunz l. c. p. 74.

pro continenda hac hernia à DN. *de la Peyronnie* [ o ] promittitur. Sic uti in ventralibus à rupto peritonæo contingit, quod nimia moles sit partium prolapsarum (§. 13. n. 3. ), ut reponi integre nequeant, vel si partes elapsæ adhæreant (§. 13. n. 4. ), quo ipso itidem iis reponendis obex ponitur; per cingulum quoddam, vel vincturam aliquam contentivam dictam suspenduntur, in situ suo continentur, sicque alleviantur [ p ]. Atque si multiplex est hernia, cingulum latum cum corio duplicatum, *une large ceinture de cuir matelassée*, ad eam retinendam, secundum DN. *le Maire* suadetur. Si immobilis est hernia, pila concava adhibenda, in qua partes commode tanquam in sinu locatæ, à pressione defenduntur, quod sæpe cum successu à me factum, & à *le Dran* etiam in epiplocele ventrali comprobatum fuit [ q ].

Imo herniæ quædam ventrales immobiles absque cingulo innoxie quandoque per vitam gestantur, quod DN. *le Riche* in viro quodam militari observavit, qui cum magnum spatium pedibus junctis saliendo emetiri vellet, lapsus est, & eo ipso momento dolorem acutum cum tumore ad latus dextrum abdominis duos transversos digitos supra anulum obliqui sensit, hic tumor intra viginti quatuor horas magnitudinem ovi anatis adæquabat, accedens DN. *le Riche* ipsi lectum & varia appropriata remedia imperavit, cum vero non emolliretur tumor, ut reponi posset, ipsi tumorem hunc ita per dies vitæ gestaturum, prædixit. Per decem deinde annos absens, postmodum iterum curæ ipsius propter alium morbum sese credidit, ubi tumorem nec auctum, nec imminutum deprehendit DN. *le Riche*, licet suavis aliorum interea terras minerales resolutivas applicaverit, frictiones etiam scissiles ex aliorum consilio, qui cum pro hernia non habuerunt, adhibuerit.

#### §. X X V.

In illa herniæ ventralis specie, ubi plane nullus adest faccus (§. 21. ); vel ubi in operatione apertus fuit (§. 20. ), utroque vero modo vulnus abdomini inflictum fuit, repositæ partes in situ continentur per ligaturam facci (§. 21. ) atque gastroraphiam postea, uti in magnis abdominis plagis fit, administratam, tunc vero plumaceolus Balf. Arcæi imbutus & glomus DN. *Petit*, vel glomus molliusculus, *une pelotte mollette*, juxta DN. *le Riche*, turundæ loco vulneri imponitur, totum abdomen embrocatione ex .°. rosat. c. vitell. & alb. ovi inungitur, & demum splenium vini intinctum applicatur, cui dein deligatio cum mantili & suo scapulari finem facit. Vulnus hoc quotidie inspiciatur, & antequam glomus extrahatur, pus cum sindone è vulnere educendum, quod tamdiu fit, donec faccus cicatrice clau-

[ o ] *Mem. de l'Acad. de Chirurg. p. 701.*

[ p ] *Dionis l. c. p. 112. 121.*

[ q ] *Le Dran T. II. p. 65.*



claudatur, imperata semper quiete in lecto, & continuato interim regimine moderato, victu tenui, levi, inducta demum cicatrice subligaculum debitum applicandum, quale *Heisteri*, fascia nempe instar cinguli cum scuto facta & *Tab. 24. fig. 6. in Chir. inst.* adumbrata, esse potest.

## §. X X V I.

Quæ cum ita per artem peracta fuerint, præcipua Chirurgi cura in modo, ægrum ab hoc morbo in posterum præservandi, versari debet, quod tam in Taxi, quam Herniotomia opus est; cumque partes membranaceæ læsæ, vel nunquam plenarie, vel tarde tamen coeant (§. 15.), optimam *prophylaxin* posteriori in casu in bracherii per quoddam tempus in junioribus (§. 24.), ad dies vitæ in adultis gestatione consistere, usurpatis externis & internis consolidantibus, censemus. In priori casu prolapsus vincitura itidem optime præcavetur. At cum secundum quosdam hoc palliativum solum sit remedium, propterea hinc operationem omnibus, qui herniam gestant, subeundam suadeant, si libera illa sit (§. 21.), si incarcerationata, attamen quamdiu symptomata non urgent (§. 18.), aut si eadem mediante subligaculo præcaveri possunt, tutam hanc curationem, palliativam licet, ancipiti, radicali quamvis, anteponendam esse, cum pluribus mecum sentientibus concludo.





L X I X.

DISSERTATIO  
MEDICO-CHIRURGICA,  
DE  
HERNIA VENTRICULI.

*Quam tuebatur*

PETRUS KIRSCHBAUM,  
NENTERSHUSANUS.

Argentorati 25 Septembris anno 1749.

1821

WILLIAM L. L. L.

WILLIAM L. L. L.

1821

WILLIAM L. L. L.

WILLIAM L. L. L.

WILLIAM L. L. L.

WILLIAM L. L. L.

WILLIAM L. L. L.

1821

1821



## §. I.

**I**ntestinatorum aut omenti e situ naturali prolapsum , tumorem in sibi vicinis corporis regionibus efficientem , primam morbi istius , quem *κῆλην* Græci , Latini *herniam* vocant , ideam mortalibus impressisse a vero alienum esse non videtur. Ad cujus analogiam modo alios tumores iisdem in locis subnatos , intestina tamen non continentes , sub herniarum genere complexi sunt ; modo etiam ex notione visceris , e cavo suo naturali in aliud cavum sive naturale , sive præternaturale , delapsi , reliquorum viscerum , aut aliarum corporis humani partium similem secessum herniæ nomine designare non dubitarunt. Sic hepar extra abdomen fætus in peculiari tumore contentum *Reiseli* [ a ] *hepatocelen* ; cerebrum per defectum ossificationis partis cranii protuberans *Cl. Trewius* [ b ] *herniam cerebri* ; vesicæ urinariæ in scrotum delapsam *B. Salzmannus* [ c ] *herniam vesicæ* ; oculi tunicæ uveæ per foramen corneæ prominentiam *Schlichtingius* [ d ] *oculi herniam* ; uterum in hypogastrii aut inguinis tumore nidulantem *Saulsejus* [ e ] & *Doeringius* [ f ] *herniam uteri* salutarunt , & *M. B. Valentini* *hernia diaphragmatis* [ g ] mentionem injicit. Quid obstat ergo , quominus ventriculi ex abdomine in aliud cavum irruptionem *herniam ventriculi* , non destituti clarissimorum virorum auctoritate , appellare possimus.

## §. II.

Ex anatomia constat , magnum diaphragmatis musculum in circumferentia sua carneum , in medio sui satis lata & trifolium repræsentante aponeurosi tendineum , vertebri , costis , sterni ita adhærere , ut quasi velum transversim suspensum thoracis cavum a cavo abdominali separet , & motu suo sub inspiratione ventriculum comprimant , sub expiratione vero pectus arctet. Tribus naturaliter gaudet foraminibus , uno in parte tendinea dextra magni musculi , rotundo , pro transitu venæ cavæ , altero in parte musculosa parvi diaphragmatis , ovali , sinistrorsum sito , pro œsophago

[ a ] *E. N. C. Dec. II. a 7. Obs. 6. p. 11. & Volfstriegel ibid. Dec. II. a 2. Obs. 88. p. 162.*

[ b ] *Commerc. Litter. a. 1738. hebdom. 52. no. 3. p. 412.*

[ c ] *Dissert. de Vesicæ urinariæ hernia Arg. a. 1732.*

[ d ] *E. N. C. Vol. VIII. Obs. 25. p. 67.*

[ e ] *In Blegny Zodiac. Med. Gall. a. 3. Mens. Apr. Obs. 2. p. 52.*

[ f ] *Epist. de hernia uterina in Op. Hildani p. 893. sqq.*

[ g ] *E. N. C. Dec III. a. 2. Obs. 124. p. 186.* sed minus adæquata mihi videtur hæc denominatio , cum observationem epiploï , per foramen antiquum , in diaphragmate canis existens , in thoracem irrumpentis describat.

phagi, & tertio bifurcato quasi, sub ejusdem parvi musculi cruribus, pro aortæ descensu. Hisce addi poterit quartum in portione laterali superiore musculi inferioris diaphragmatis conspicuum, nervo intercostali ad abdomen progredienti viam aperiens. Sub diaphragmate magno immediate in hypochondrio dextro hepar, in sinistro lien, & inter hæc ventriculus locantur: & ultimum quod attinet, ita situs est, ut ejus extremitas magna cum cardia in hypochondrio sinistro immediate sub diaphragmate, extremitas parva cum pyloro dextrorsum, magis inferius ac cardia, magis inclinata & fere e regione corporum ultimarum vertebrarum dorfi reperiatur, hypochondrium tamen dextrum non attingat. Magna ejus curvatura, cui maxima omenti portio adhæret, magis anteriorem quam inferiorem, parva curvatura magis posteriorem quam superiorem corporis regionem spectat. Illum esse saccum membranaceum, summe sensibilem, motu peristaltico dotatum & assumpta in chymum mutantem, vix opus est, ut moneamus. Lien denique in homine fere totum vasculosum, membranis cinctum, depurationi sanguinis hepatici dicatum, ventriculo ope vasorum brevium & diaphragmati ope ligamenti particularis, quod transversale est respectu totius corporis humani, & longitudinale respectu voluminis lienis, & pancreati ope arteriæ & venæ splenicæ adnectitur. Totum in hypochondrio sinistro situ fere perpendiculari inter magnam extremitatem ventriculi & vicinas costas spurias sub diaphragmate & supra renem sinistrum locatur.

### §. I I I.

Hisce de partium situ indicatis, ut plenior de hernia ventriculi nobis ideam formare possimus, liceat quas hinc inde apud auctores de hoc morbo corradere potui observationes, hic in compendio recensere.

*Hist. I.* Vir quidam ab assumpto antimomiali emetico incidit in herniam ventriculi, qua ultra 17 annos laboravit. Quotiescumque enim inflexit corpus, ventriculus non sine molestia velut in saccum excidit [ *b* ].

*Hist. II.* Fæmina ab usu pulveris ptarmici helleborati fortius operantis in tumorem in sinistra & superiore parte regionis hypogastricæ incidit, quem multas ob rationes, præcipue ob incommodum alimentorum descensum, pro prolapsu ventriculi reputat *Blegny* [ *i* ].

*Hist. III.* Centurio, hydrope pectoris defunctus, in sinistro thoracis cavo monstravit ventriculum totum, partem coli, partemque superiorem lienis per peculiaria foramina in diaphragmate conspicua irrumpentia, quorum cum annuli essent cartilaginei, fortiterque ad dicta corpora adhærentes, hinc-

[ *b* ] Hildanus *Epist. ad Dæring. in Opp. p. 915.* & totidem verbis Camerarius *Mem. Med. Cent. X part. 14. p. 15.*

[ *i* ] *Zod. Med. Gall. a 1. Febr. Obs. 2. p. 44.*



hincque scalpello discindendi, a prima conformatione vitium hoc provenisse judicat *Chauvetus* [k].

*Hist. IV.* Juvenis brevi post assumtum emeticum antimoniale mortuus, & dissectus ventriculus in dextra thoracis parte locatum ostendit, & cum eo in loco pulmones deerant, situm ab ortu contractum fuisse declarat *Riverius* [l] notatque ægrum toto vitæ decursu spirandi difficultate non valde fuisse oppressum, omnesque corporis functiones commode semper exercuisse.

*Hist. V.* In studiosi, obstructions alvi, debilitatem ventriculi, graves singultus infinitosque vomitus perpeffi, cadavere, ventriculus cum omento colique parte in sinistro pectoris cavo per foramen amplum nerveoque circulo circumscriptum, in diaphragmate toto carnosio conspicuum, transiens repertus est [m].

*Hist. VI.* Fæmina, per plures annos diris colicæ torminibus vomituque afflicta, morbo tandem iliaco e vivis tollitur, in cujus cadavere in parte musculosa diaphragmatis sinistrorsum insigne rotundum foramen, diametro gaudens binarum unciarum, in suo margine instar pylori plicis & valvulis orbicularibus instructum, aderat. Hoc ipsum foramen diaphragma penetrabat, formabatque una cum mediastino & diaphragmate membranofum faccum, in sinistro autem latere quasi duplicaturam diaphragmatis. In tali cavitate maxima ventriculi pars cum annexa parte omenti impacta tenebatur [n].

*Hist. VII.* Puer, qui per duos à nativitate annos satis commode valuerat, difficulter tandem spirare incipit, malo indies ingravescente, attolli plus justo thoracem observat, de ventris dolore conqueritur, tussi sæpius redeunte, & a pastu præcordia repleri sentit. Post mortem pueri quinquennis ventriculus, lien & hepar in pectoris cavitate fuerant reperta, ita ut mediastino deficiente toti pulmones cum corde & hepate dextrum, ventriculus & lien sinistrum latus occupaverint [o].

*Hist. VIII.* Latomus per medium diaphragma, quâ parte tendineum est, transfixus, triduo post interiit. In cadavere dissecto ventriculus flatu disten-

[k] *Hist. de l'Acad. Roy. des Scienc. Ao. 1729. p. m. 14.*

[l] *Obs. Med. Cent. IV. Obs. 67. p. m. 37, Blancardus Anat. Pract. Cent. I. Obs. 70. p. 152.*

[m] *Th. Bartholinus Hist. Anat. Cent. VI. hist. 54. p. 288. & prolixius Clauderus in E. N. C. Dec. II. a. 5. Obs. 193. p. 386. qui juvenem nunquam fuisse asthmaticum, sed libere semper respirasse, & 40. libras mucii corrupti, pici liquatæ similis, evomuisse addit.*

[n] *Jagwiz apud Goblum in Act. Med. Berol. Dec. II. Vol. IV. obs. 1. p. 64.*

[o] *Becker in app. tract. de submersorum morte sine pota aqua Gieß. 1704. 8. citantibus Actis Erud. Lips. A. 1706. mens. Apr. p. 171. Editionem hanc non possideo, & in altera, quæ Jenæ 1720. 4to prodiit, non reperitur hæc observatio.*

distentus & in ipsum thoracem raptus animadvertebatur, etsi vulnus pollicem vix esset latum [ *p* ].

*Hist. IX.* Melancholicus proprium pectus gladio transfixit, ex quo vulnere bimeltri spatio convaluit. Septimo postmodum mense vomitibus continuis, lipothymiis sudoribusque frigidis correptus interiit. Corpore aperto vulnus pulmonem sinistrum nunc penitus consumtum & partem aponeuroticam diaphragmatis penetrasse repertum est. Ventriculus totus in illud thoracis latus ascenderat, & cor arefactum cum capsula de sede sua in dextrum latus, ubi & vivus ille cordis pulsus observare jubebat, depulerat [ *q* ].

*Hist. X.* Chirurgus militi, vino sulphurato admodum inebriato, vomitorium ex tartaro emetico propinavit, qui vix elapsis quatuor horis in mediis vomitibus animam exspiravit: in ejus cadavere aperto ventriculi orificium sinistrum versus diaphragma, & hoc ipsum versus cavitatem pectoris violento modo compulsus, conspectus fuit [ *r* ].

*Hist. XI.* Vir hepatis scirrhus laborans navigatione inconsueta & ebrietate illum in gangrænam & sphacelum mutaverat, unde sub crebrioribus vomitibus materiæ nigricantis fætidæ, vomendi conatibus & enormiore singultu vitam cum morte commutavit. In ejus thorace ventriculus, omentum, duodenum; jejunum & pars ilei situm suum, sed confusum, habebant. Diaphragma integrum quidem erat, sed illud foramen, per quod oesophagus ad ventriculi orificium superius ordinarie descendit, maxime dilatatum & atonum, portionem quamdam intestini ilei continebat [ *s* ].

*Hist. XII.* Vir quidam post largiorem brassicæ capitatae, muria conditæ, & cicerum ingestionem angustiiis præcordiorum, vehementissimis vomitibus, dolore colico & urente, ac pertinaci alvi obstructione correptus, paucarum horarum spatio trucidatur. Cujus ventriculi extremitas magna cum omento integro per rupturam partis tendinæ diaphragmatis largam penetrans in sinistro pectoris cavo reperta est [ *t* ].

#### §. I V.

Et ut de nostra parva supellectili quoque aliquid addamus, in casum sequentem. Nupero mense junio hic Argentorati miles excubias agens, sub vesperam hora septima hominem, ob malefacta fugientem, globulo plum-

[ *p* ] Paræus *Oper. Lib. IX. c. 30. p. m. 313.* Blancardus *Anat. Pract. Cent. I. obs. 2. p. 3.*

[ *q* ] Sennertus apud Hildanum *Obs. Chir. Cent. II. obs. 33. p. 108.* Blancardus *l. c. Cent. II. obs. 9. p. 206.*

[ *r* ] *Exercit. Subsec. Francof. apud Goblum l. c. p. 64.*

[ *s* ] Schoberus in *Eph. N. C. Cent. 3. § 4. ap. p. 147.*

[ *t* ] Gottl. Buddæus *Bresl. Sammlung von Natur - Medicin und Kunst - Geschichten Tent. XXIV. mens. Maj. Class. IV. art. 10. p. 561.*



plumbeo sclopeto exploso petit, sed infausto successu puellæ, novendecim annorum ætatis, forsan occurrentis pectus sinistrum tranfigit. Hæc ab ictu in terram lipothymica cadens, cum animum reciperet, crebrum experta est singultum, conatum vomendi, sub diris pectoris abdominisque doloribus, nullo tamen subsequente, ob virium forsan debilitatem sanguinisque jacturam, vomitu. Sic debito modo deligata, ægre spiritum trahens, postero mane hora octava expiravit. Legaliter investigatum est cadaver. Globulus sub sinistra mamma inter costam quintam & sextam ingrediens, latum, inæquale & lacerum vulnus effecit, & in dorso paulo inferius rursus egressus est. Aperto thorace profiliit saccus membranaceus flatu distentus, qui mox pro ventriculi extremitate magna ex annexo omento cognoscebatur, ad hujus latus splenis dimidia portio in superiore extremitate cruentata, lacerata & concussa cernebatur. Cor ab irruentibus in pectus hisce corporibus versus dextrum latus pulsum, pulmo sinister parvus collapsus, illæsus tamen, & tota cavitas sanguine repleta erat. Diaphragma in parte tendinosa rupturam trium quatuorve pollicum latitudine ostendebat, & sexta, septima, octava ac nona costa diffracta cernebantur. Hinc ob magnam partis aponeuroticæ diaphragmatis læsionem, lien transversim vulneratum, costas plures fractas, vulnus hoc pro absolute lethali ii, quibus hoc opus commissum erat, declarare non dubitarunt.

## §. V.

Herniam ventriculi in brutis quoque reperiri observationes testantur. Sic *Littrius* [u] in cane à se dissecto loco foraminis ovalis in diaphragmate magnam invenit fissuram, cujus margines cicatrice obducti erant, & duodeno transeunti locum aperiebant, dum interim totus ventriculus in thorace collocaretur, nec per eam fissuram in abdomen retrudi potuerit, dilatata vero illa, sponte retrogrediebatur, non impediante illud œsophago, satis ad repositionem longo. Et *Peyerus* [x] ovis meminit, cujus diaphragma a nimia herbarum ingurgitatione transversim ruptum ejus secundo ventriculo, quem *κηκρύφαλον* Græci vocant, aditum in pectus mediisque pulmones concessit. Addi poterit casus *Valentini* supra §. I. nota g. citatus.

## §. V I.

Non vero semper per foramina hæc diaphragmatis, sive a natura, sive morbo, sive vulnere facta ventriculus transit, sed manet interdum suo in loco ventriculus, ascendentibus in pectus aliis visceribus proxime adjacentibus, præcipue *colo* (cujus tractum transversum in dextro hypochondrio

E e 2

in-

[u] *Hist. de l'Acad. Roy. des Sciences* Ao. 1706. p. m. 33.[x] *E. N. C. Dec. II. a. 4. obs. 99. p. 195.*

incipere, sub vesicula fellea progredi, & in parte anteriore magnæ curvaturæ ventriculi, interdum quoque paulo inferius progredi, ac in sinistro hypochondrio sub liene finire novimus) *omento* (cujus & ipsa portio tractui huic transverso coli adhæret) & *pancreate* (glandula nempe ista, linguam caninam figura sua æmulante, transversaliter sub ventriculo sita, duodeno lienique connexa). Quem morbum, si ob analogiam causæ, modi fiendi, symptomatum atque eventus ad hernias ventriculi late sic dictas referre velis, me non habebis refragantem. Ad illustrationem ejusdem sufficient tria sequentia exempla:

I. Vir quidam [*y*] magna vini liquorisque fermentantis copia ingurgitata, noctu colica vehementi corripitur; medicastrum consulens accipit vomitorium fortius, quo assumpto dolor ingens totius abdominis, ventris instar lapidis durities, nulla tamen sub inflatione ejusdem, difficultas respirandi summa, conatus vomendi crebriores, pulsus parvus, convulsiones diræ & mors sequebantur. Sub cadaveris examine inventa est dilata-tio diaphragmatis eo in loco, ubi nervus intercostalis ex pectore in abdomen transit, per hujus fissuræ dilatationem portio coli maxime omenti & pancreatis pars in thoracem sinistrum pulsa fuit, & vena pancreatica rupta sanguine reliquum ejusdem cavum replevit.

II. Centurionis pectus globulus sclopetarius penetrat, læsa interne car-nosa diaphragmatis parte. Curabatur a chirurgis vulnus externum, sed ventriculi debilitatem cum dolore retinebat, mensibus octo elapsis sub im-mensis doloribus colicis mortuus est. Abdomine aperto, maxima coli flatibus distenti pars per vulneris diaphragmatici foramen in thoracis cavum penetraverat, vulneris tamen amplitudo vix minimi digiti capax erat [*z*].

III. Cuidam cultellus longus inter quartam & quintam costam adigitur, curatur octiduo, a tussi, respiratione impedita aliisque symptomatibus liberrimus, ita ut munia domestica probe obiret; die nona cum chirurgo & sibi sanus videretur, subito animo linitur, & post apnoeam anhelationemque maximam vigesima quarta hora moritur. Secto cadavere diaphragma inventum fuit omnino perfectum, & intestina tenuia in thoracis cavum irreperunt [*a*].

## §. V I I.

Diversas herniarum ventriculi species ex recensitis historiis collectas, sequenti schemati includimus. Hernia ventriculi est vel

Pr. Vera, tumque dividitur ratione

I. Loci in

I. Exter-

[*y*] De St. André apud Goblum l. c. p. 11.

[*z*] Paræus l. c. & ex eo Blancardus l. c. Cent. I. Obs. 1.

[*a*] Henr. Ab Heer. obs. oppido rar. obs. 25. p. 282.



1. Externam &
2. Internam, quæ vel
  - (1) Connata
  - (2) Adquisita, ita ut malum proveniat vel a causa
    - (1) Externa violenta
    - (2) Interna, & tum oritur malum ver per diaphragmatis
      - (a) Intra pectoris cavum intrusionem
      - (b) In aliquo foramine naturali dilatationem
      - (c) Rupturam.

## II. Partium prolapsarum in herniam

1. Simplicem, illamque vel
  - (1) Completam
  - (2) Incompletam.

## 2. Complicatam.

## III. Subjecti in herniam ventriculi hominum & brutorum.

### Sec. Analoga.

Hæc ut eo melius intelligantur, *herniam ventriculi veram* voco, ubi ventriculus loco suo elabatur (§. III. IV. V.), *analogam* ubi ventriculo in situ manente colon, aut pancreas, aut omentum in pectus secedunt (§. VI). *Herniam ventriculi externam* dico, quando ventriculus, in tumorem elevatis & distentis peritonæo, musculis & integumentis extra abdomen & quasi extra corpus egreditur (§. III. 1. 2.) & *internam*, quando ex abdomine in thoracis cavum secedit (§. III. 3. ad 12. & §. IV.) *sub hernia ventriculi connata* intelligo malum, à prima conformatione mala veniens (§. III. 3. 4. 5. 6. 7.) & *sub acquisita* illæ herniæ veniunt, quæ demum successu temporis nascuntur, idque vel à *causis externis violentis* e. g. ictu (§. III. 8. 9.) aut sclopeti explosione (§. IV.) vel a *causis internis* præcipue vehementioribus vomendi conatibus sive ab emetico (§. III. 10.) sive à cibis flatulentis & fermentantibus (§. III. 12.), sive a gangræna partium vicinarum (§. III. 11.) enatis. Cum ab omnibus hisce causis ventriculus in thoracem pellatur, continget illud vel *sub diaphragmatis ruptura* (§. III. 12.) vel *sub majore foraminum* ejusdem naturalium *dilatatione* (§. III. 11.) vel denique *sub sola diaphragmatis* intra cavum pectoris *intrusione*. Diu, fateor, dubius hæsi, num hic morbus (§. III. 10.) in herniarum ventriculi classe locum habere possit, cum in eo ventriculus adhuc sub diaphragmate maneat, & ita in abdomine esse videatur. Persuasit tandem Gohlii auctoritas, & præcipue argumentum, quod cum generalis herniæ ventriculi idea in ejusdem ex cavo naturali in aliud translocatione consistat, sufficiat, eum, itidem retracto & loco suo ex parte moto septo transverso, isto in spatio esse locatum, quod alias thorax dicitur, licet septum illud adhuc revera ventriculum à thoracis contentis separet. *Hernia ventriculi simplex* erit, ubi solus ventriculus (§. III. 1. 2. 4. 6. 8. 9. 10. 12.) & *complicata*, ubi & aliæ partes simul cum ventriculo egrediuntur, sic lien (§. IV.),

colon (§. III. 5. ), lien & colon (§. III. 3. ), lien & hepar (§. III. 7. ), duodenum jejunum & pars ilei (§. III. 11. ) una cum ventriculo in thorace reperiuntur. Quando totus ventriculus pectoris cava subiit (§. III. 3. 4. 5. 7. 8. 9. 11. ), *hernia ventriculi completa*; quando pars tantum ejusdem (§. III. 6. 10. 12. §. IV. ) intravit, *incompleta* nominanda erit. Herniæ ventriculi existentiam in hominibus §. III. & IV. & in brutis §. V. demonstrant. Quodsi denique herniam ventriculi internam connatam in herniam *lateris dextri* quando ventriculus in dextro pectoris cavo (ut §. III. 4. ) & *lateris sinistri*, quando in sinistro (ut in reliquis omnibus exemplis contigit) reperitur, subdividere velis, per me quidem licebit.

## §. V I I I.

Cum vero tot differentes dentur herniarum ventriculi species, præcipuas ex iisdem quoad earum causas, diagnosin, prognosin & curam accuratius, brevibus quamvis verbis, examinare lubet. Causam *herniarum ventriculi externarum* in ruptura vicinæ peritonæi partis & muscutorum cutisque ab antrosum premente ventriculo expansione & in tumorem elevatione esse querendam, ratio ipsa dicitur, cum hisce in locis nullus ejus membrana processus, qui dilatari possit, adsit. Ansam huic rupturæ subministrant quæcumque, distento imprimis ventriculo, musculis abdominalibus & diaphragmati validissimos spasmos inducunt, ut sunt fortiora emetica (§. III. 1. ) & ptarmica (§. III. 2. ). Quodsi enim in inferiore ventriculi regione musculi abdominales, in superiore vero diaphragma violentissime & diutius convelluntur, is in torculari quasi constitutus pressioni tandem renititur, & sub continuatis ambientium spasmodis aut semetipsum perdit, aut illas; ea nempe harum partium perit, quæ vel minus resistit, vel cui maxima vis infertur. Sic à violentiore vomitu œsophagum ruptum esse legimus [b] diaphragma sub iisdem divulsum ex antecedentibus constat, & peritonæum vim passum esse modo recensitæ historiæ ostendunt. Ultimam si contingit, signa diagnostica mali desumi poterunt (1) a vi prægressa sensuque disruptionis dolorifico eo tempore oborto; (2) ex tumore in regione epigastrica subnato, ejusdem cum cute coloris, sine fluctuatione, molli, non resistente, post pastum aucto, jejuno stomacho imminuto; (3) ex incommodo alimentorum descensu, quæ ad infernam usque tumoris partem pergere animadvertimus; (4) ex digestionis & expulsionis earundem lenta, observavit enim Blegny l. c. ea totos sex aut octo dies in tumore commorasse: & denique (5) ex levamine quod æger dorso incumbens sub digestionis expulsionisque alimentorum præcipue tempore sentit. Prognosis, si citatos casus respicimus, tristior, cum nullus recensitorum ægrorum convaluerit, licet, incommoda inde percipienda si excipias, diu innoxie tolerari possit: Vir enim Hildani septendecim & Blegny fœmina octo annos malum illud tulerunt, & nondum inde ipso

[b] Boerhaave historia prima atrocis nec descripti prius morbi in opusculis p. 98.



ipforum vitæ imminebat periculum. Quodsi vero rationem consulimus, meliora de his quam de cunctis reliquis ventriculi herniis sperare possumus: morbus enim recens incurabilium numero accenseri non meretur, & radicalem omnino videtur admittere curam; in inveterato autem vix nisi palliativa locum habebit. In principio ergo affectus per sua signa cogniti (præcipue si post enormes vomitus aut sternutationes sensumque disruptionis partis peritonæi dolorificum tumor eo in loco oriatur) cohibito per nota remedia vomitu aut sternutatione & sopitis partium spasmis, æger in lectum capite demisso clunibusque elevatis reponendus, & per sufficiens tempus eo in situ relinquendus est. Tumor, si quidem fieri potest, digitis ex arte retro-premendus, & super impositis lintheis complicatis vini spiritu calefacto imprægnatis debita fascia firmandus erit. Cibus ab initio nullus, successu temporis parvus & eupeptus concedendus, alvusque clysteribus emollientibus continuo referanda. Quodsi dolor cessans, tumor sine reditu disparsens, reliquaque symptomata ablata consolidationem peritonæi indicarunt, tum fascia, tum diæta, ne malum recrudescat, per aliquod adhuc tempus continuari poterunt. In inveterato malo, cum partium ruptarum unio non amplius locum habet, nec ob magnum, quod ab apertione tumoris imminet, periculum operatio herniæ hujus chirurgica temere suaderi possit, ante omnia repositio ejus sub debito ægri situ, & rite observatis cautelis tentanda erit, si antea clysteribus flatulentia discussa, & fomentationibus embrocationibusque partes probe emollitæ sunt: quæ si locum invenit, tum convenientis fasciæ sive peculiaris bracherii applicatione pars elapsa & reposita in situ suo retinenda est. Si vero hæc repositio sive ob ventriculi cum lateribus tumoris coalitum, sive ob nimiam foraminis, per quod egressus est, angustiam reponi nequeat, succurri poterit mappæ subtensæ beneficio, partem elapsam sustentantis, qua suspensorii in modum parumper retrahitur, ne, si libere tumor dependeat, aut ejus augeatur moles, aut a nimia partium distractione novus dolor surgat.

## §. I X.

Sed quid in *hernia ventriculi interna commata* agendum erit? Causam ejus proximam in prima eaque mala conformatione esse quærendam, patet; sed unde hæc eveniat, in tanta circa rationem conformationis fætus caligine, dicere non possumus. Sic & signa ejus, antequam gravioribus sese manifestet symptomatibus fere nulla, & abortis iis admodum æquivoca sunt. Quis hæc nisi loquente experientia vel somniando cogitasset? Pone plura & maxima respirationis obstacula, pectoris cava corporibus huc non pertinentibus majoribus ventriculo, colo, hepate, liene repleta, cor loco suo motum, pulmones compressos, collapsos, libertatem motus diaphragmatis impeditam: an non inde gravissimi affectus asthmatici, respiratio difficillima, & ob partium tensarum & diaphragmate circumclusarum pressionem, dolorifica? An non ob ventriculi translocationem, non agentibus in illum primariis

riis triturationis adminiculis, a-pepsia, dyspepsia, chymus, chylusque crudi, atrophia & larga malorum hinc fluentium messis sequi deberet? Sed *Riverii* juvenis per 24 annos bene valuit (§. III. 4.), *Bartholini* studiosus (§. III. 5.) nullum in respiratione incommodum unquam sentit, & *Beckeri* puerulus per biennium commode vixit (§. III. 7.), nec de *Jagwitzii* fœmina, anno 44 ætatis mortua, legimus, illam ante istos dolores colicos de morbo huc spectante conquestam esse. Quoniam forsan, cum hæc mala a prima conformatione adsint, functiones corporis ad illa sensim sensimque sese accommodare assuescunt, hinc ea quæ naturaliter subsequi deberent symptomata non sequuntur, præcipue si, ut in casu *Riverii*, pulmo ejus lateris, in quo ventriculus jacet, penitus deficiat. Et quot forsan homines eadem conformatione præditos occubuisse putes, qui parvum aut nullum exinde in vita senserunt incommodum? Sed non cunctis adeo felices esse licet, cum enim anguis in herba lateat, si hæc mala partium internarum conformatio aliis causis sive externis (e. g. emetico §. III. 4.) sive internis (e. g. hydrope pectoris ut §. III. 3. malo hypochondriaco, ut §. III. 5. aut colica nephritica, ut §. III. 6.) excitetur exaspereturque, non possunt non dira exinde excitari symptomata, ventriculi debilitas & languor, alvi obstructiones pertinaces, tormina, graves singultus, vomituritiones, vomitus enormes, ipseque Ileus. Sed & tum quoque diagnosi mali nostri ut & horum symptomatum causæ difficilior est, à quot enim accidentibus ista oriri non poterunt? Ita ut rite pensatis cunctis suspitioni quidem & probabilitati, non vero plenariæ veritati locus relinquatur, ni tam evidentia sint symptomata ut in *Beckeri* casu (§. III. 7.). Et quid si vel mali nomen notum sit? an aliud inde solatium, nisi tristem de morbo incurabili, si non lethali, prognosin, habebis? Sanationi certe radicali nullus locus relinquitur, cum mala partium conformatio nulla arte immutari queat. Hinc ergo non alia nisi palliativa applicanda erit cura, quæ dicta symptomata rite, si non tollit, saltem mitiget. Cum vero hæc in generalioribus consistat, & ubivis in practicorum scholis occurrat, eandem brevitatis studio omittere placet.

## §. X.

*Herniæ ventriculi internæ à causa externa violenta acquisitæ* ratio per se patet, & in vulneratione diaphragmatis consistit, quæ cum non sine maximo dolore concomitantibus convulsionibus, si non universalibus, saltem particularibus contingat, non potest non musculorum abdominalium in ventriculum pressio, spastica diaphragmatis actione adjuncta, eum sem per spatium in diaphragmate factum in thoracis cavum propellere. Idque fit vel successive, ita ut parva saltem ventriculi portio cavum illud subeat, quam cum proxima sequatur, angustum quoque vulnus ventriculus transire poterit, ut in historia 8. §. III. factum fuisse legimus; vel fit subito, gravioribus nempe sub convulsionibus, & in vulnere præsertim lacero, ubi ventriculi subito in-



intrans vis diaphragmatis vulnus adhuc magis dilacerat ampliatque, ut nostro in casu §. IV. contigisse summe probabile est. Hoc satis curiosum, quod, cum vulnera partis tendinosæ diaphragmatis ab antiquis jamjam pro lethalibus habita sint [c] & adhucdum habeantur, cumque aliquoties viderim canes, quorum diaphragmatis tendo gladio transfossus est, e momento expirasse [d], tales homines tamdiu vivere potuerint, ut Latomus *Parai* (§. III. 8.) triduum, *Hcrii* homo per octiduum (§. VI. 3.) Melancholicus *Sennerti* (§. III. 9.) per septem, *Parai* centurio (§. VI. 2.) per octo menses, & nostra ægra per duodecim horas. Sed recte observat *Bohnius* [e] viscera abdominis in thoracem rapta lethalitatem aliquando sufflaminare, obturando foramen illud, ita ut ad exemplum melancholici illius & centurionis interdum cum vulnere concrecant quasi, & ita vulneris consolidationem analogam efficiant. Interim & hic parvam de radicali cura spem, recrudescente cum tempore malo, relictam esse, experientia demonstrat. Diagnosin, præter ea, quæ ordinarie pro cognoscenda diaphragmatis læsione à dolore ejus partis, respirandi difficultate, singultu, delirio, convulsionibus &c. desumuntur signa, a vomitu continuo, si vires satis consent, aut debilitatis iisdem, a non interrupto vomendi saltem conatu peti poterit. Et cum indicationes curatoria in partium intrusarum repositione, & in situ naturali retentione ac vulneris diaphragmatis consolidatione consistant, hæc vero obtineri non possint, æger deligato vulnere externo, & adhibitis, quæ ars ad mitiganda symptomata præcipit, remediis, naturæ, suisque fati relinquendus erit. Etenim non sine summo vitæ periculo, ut non dicam sine evidenti homicidio ita aperiri poterit abdomen, ut ventriculus, colon, lien &c. versus illud retrahi & reponi possint; & si vel maxime illud efficias, qua ratione sub continuo peristaltico & muscutorum respirationi inservientium motu in situ suo contineri possint, non video. Sic & diaphragmatis in parte tendinea læsi consolidatio difficilis erit, cum & partes tendineæ ægrius coeant, & quies, necessarium ad reunionem solutarum partium adniculum, desit, & labiorum vulneris contractio, & immediata medicamentorum ad læsam partem applicatio, magni utique in his momenti, nostro in casu locum non habeant.

## §. XI.

*Hernia ventriculi internæ* a causâ interna provenientis species prima, quæ *diaphragmatis in pectus intrusione* contingit, omnium velocissima est & perniciosissima. Oritur enim à violentissimo, eoque æquali œsophagi & ventriculi spasmu, motu eorum peristaltico versus superiora converso, qui, si spasmis muscutorum abdominalium vehementibus pertinacibusque continuis adju-

[c] *Hippocrates lib. VI. aphor. XVIII. & Galenus ad h. l. p. m. 608.*[d] *Christ. Vaterus* tamen in cane vulnus speculi tendinei diaphragmatis non lethale vidit. *E. N. C. Dec. II. a. 8. obs. 199. p. 499.*[e] *De renunciatione vulnerum sect. II. cap. IV. p. m. 137.*

Tom. I I I.

adjuvatur, si insimul intestina flatu distenta ventriculum versus pectus premunt, eveniet, ut diaphragmatis tonus tot tantisque viribus contra illud agentibus debilitatus remittat, & musculus sub vehementiore tandem quodam vomendi conatu a contractione œsophagi & ascendente magna extremitate ventriculi subito, quasi fune sursum traheretur, in pectoris cavum adigatur. Et licet hoc actu non totus plenarie thorax, sed sinistra potius ejusdem cavitas angustetur, cum tamen totum diaphragma simul patiatur, & spasmus quasi seu rigorem potius universalem concipiat, versus abdomen denuo descendere nequit, hincque præcluso statim spiritu, quum aër nova inspiratione pulmones expandere nequeat, circulus sanguinis intercipitur, & catarrhus suffocativus ægrum jugulat. Quidquid fortiolem movet vomitum, malo huic causa erit procatactica. Signa ejus diagnostica in vivis non alia, nisi ea, quæ cum catarrho suffocativo sub vomitibus contingente habet communia. Prognosis desperata est: & cum malum sit subitaneum citoque interimens, nullam curam admittit: præcaveri tamen poterit, si sub vomitu paululum fortiore ea statim ex arte adhibeantur remedia, quæ hunc mitigare aut sistere norunt.

## § X I I.

Altera hujus herniæ species, quæ a *foraminis cujusdam naturalis diaphragmatis dilatatione* dependet, ex eadem ac antecedens (§. XI.) causa oritur, hac tamen cum differentia, ut sub insigniter labefactato ventriculi tono maxima motus peristaltici inversi vis in œsophago posita sit: sic enim sub vehementioribus frequentioribusque diaphragmatis succussionibus, & ab œsophago sursum tractionibus, relaxatur illud quod œsophagum transmittit, foramen, & ille ipse stomachus partes sibi nexas, ventriculum, duodenum, jejunum per illud foramen in pectoris cavum deducit, cum per motum peristalticum inversum proprio jam nisu versus superiora ferantur. Hæc ad historiam XI. §. III. satis clara esse videntur, præcipue si consideres, sub gangrænatione hepatis vicinum ventriculum, antea jamjam navigatione, mala dicta continusque ebrietate debilitatum, multa incommoda perpeffum fuisse, ut ergo major vis in œsophago, quam in ventriculo respectu spasmodorum superfuerit. Sed quid de casu D. *de St. André* (§. VI. 1.) dicendum? Foramen diaphragmatis, per quod nervus intercostalis transit, minimum est, a colo in situ naturali constituto vix attingitur, nec ipsum hoc intestinum a vomitibus, si quidem isti malo ansam dederunt, adeo violenter commovetur, ut foramina dilatare posset. Num foramen a prima conformatione jamjam justo erat capacius? Num dolores colici eo præcipue in loco sævitiem suam in intestinum quam maxime exercuerunt, qui vicinus est illi, ubi nervi transitus contingit, & sic pars quædam ejus dictum foramen intrans istius latera terebrando quasi dilatavit? Num vomitus demum colon in foramen intrusit, aut vero ejus intrusionem tantum adauxit? Quid

pan-



pancreatis glandulam in thoracem adegit, an colon, quod cum ea nullam, quantum novi peculiarem connexionem habet, an ventriculi vomitu commoti pressio? Nil affirmare, nil negare, nil definire audeo. Habet & medicina sua miracula, quæ licet secundum leges naturæ contingant, tam absconditam tamen causam agnoscunt, ut veris miraculis proxima esse videantur. Signum pathognomonicon hujus mali in abdominis tensione, insigni duritie, & adeo nulla inflatione, ut potius contractum videatur, cum vomitibus una serie interruptim se consequentibus optime ponunt *St. André & Gohlius*, quæ symptomata, si a partis aut partium internarum gangrænatione & sphacelatione proveniunt, vitæ spem omnem eludunt. Si vero ab alia causa vomitus in subiecto ceteroquin sano hunc morbum ex suis signis cognitum producat; licet & tum in angusto res constitutæ sint, & prognosin valde dubiam reddant, non tamen omnis spes adeo rejicienda erit, ut non in extremo malo extrema quoque remedia tentare velimus. Præmissa ergo, aut repetita, si opus est, venæsectione larga, ad inflammationem vel præcavendam, vel mitigandam, abdomen emollientibus fomentibusque cataplasmatibus erit muniendum, interne clysteres emollientes, multumque oleosi primum, dein & paulo acriores, ad inferiora stimulantibus injiciendi, & quoniam hæc hernia non simul & semel, sed successive intrantes partes admittit, ab initio, quando hernia adhuc est incompleta, id est, quando pars tantum ventriculi aut minor intestini portio subintravit, quid in mercurio vivo præsidii sit, tentarem. Mihi certe haud improbabile esse videtur, hydrargyri gravitatem naturalem, subjuncta ejus fluiditate, ventriculi aut intestini portionem thoraci impactam validius versus abdomen retroprimere posse, quam ullum aliud remedium, quod frustra forsan sub tantis vomitibus, quoniam mox rursus rejicitur, propinabis. Hinc ergo illum, cum periculum sit in mora, non ad unam alteramve unciam, sed ad semilibram, libram, & ultra, si opus est, pro dosi [f] propinarem cum  $\circ^{\circ}$  amygdalorum dulcium, ad sopiendos spasmos & facilitandum mercurii descensum, sub situ corporis erecto, qui ad repositionem ventriculi requiritur. Motum vero corporis non, ut alibi in ileo sub mercurii exhibitione fieri solet, metu violentiorum vomituum suaderem, ponderis enim doseos mercurialis augmentum motus defectum supplebit. Et si post ejus operationem symptomata cessant, alvusque refoverata sit, opiata, quies & accuratissima diæta reliquum curationis punctum absolvent. Quodsi vero totus ventriculus jamjam in thoracem venit, (quo in casu vomitus languidiores fieri solent, cum non amplius tanta vi comprimatur ventriculus) non novi, an hæc cura adhuc locum habeat. Etenim tum sese expandit, flatibusque distenditur ventriculus, ita ut per angustum foramen non eadem facilitate reprimi, & in abdomen adigi queat [g]. Hoc in casu pro conclamato status ægri censendus, suisque fatis committendus erit.

F f 2

§. XIII.

[f] Puerum novi, qui tertio ætatis anno malacia affectus, ultra duas libras mercurii vivi sine ulla subsequente noxa una vice deglutivit, & tertio demum die reddidit.

[g] Qualem quoque mercurius vivus, in corpore humano relictus, noxam inferre possit, conf. egregia observatio *Madden Trans. Angl. no. 442. vers. Gall. a. 1736. p. 159.*

## §. X I I I .

Tertia denique harum herniarum species , quæ ex *rupto diaphragmate* oritur , cum herniæ internæ a causa externa proveniente æquiparari in omnibus possit , eadem de hac , quæ de illa (§. X.) diximus valebunt. Sic & quæ de reliquis herniarum ventriculi speciebus adhuc monenda essent , vel in antecedentibus jamjam sparsim tradita , vel ex iis nullo negotio colligi poterunt. Hinc ad portum properans vela contraho. Teque Benignissime Pater cælestis supplex invoco rogoque , ut quemadmodum hætenus , ita & nunc , & in posterum gratia tua mihi assistas , sic non potest non cunctorum meorum laborum felix esse

F I N I S .



DISSER-



L X X.

DISSERTATIO  
MEDICO-CHIRURGICA,

*D E*

HERNIA INCARCERATA

SUPPURATA SÆPE NON LETHALI.

*Quam Præside*

D.D. LAURENTIO HEISTERO.

*Tuebatur.*

JOAN. ADOLPH. GLADBACH,

MOENŒ-FRANCOFURTENSIS.

Helmstadii 21 Martii anno 1738.

—U\_1 T\_{00} + U\_1 k\_{00} T\_{00}

T\_{00} T\_{00} T\_{00} T\_{00} T\_{00} T\_{00}

—U\_1 T\_{00} + U\_1 k\_{00} T\_{00}

T\_{00} T\_{00} T\_{00} T\_{00} T\_{00} T\_{00}

—U\_1 T\_{00} + U\_1 k\_{00} T\_{00}



## §. I.

Quamquam satis perspicuus titulus dissertationis mihi videatur, & qui- Definitio  
libet intelligere possit, quid vocabulo *herniæ* velim, attamen ne a sive des-  
consueto recedam ordine, definitionem sive descriptionem aliquam præmit- criptio.  
tam: *Est autem proprie hernia tumor circa abdomen, quem partes quædam so-*  
*lidæ & molles, imprimis vero intestina & omentum e cavitate ejus & situ natu-*  
*rali prolapsæ, efficiunt, post dilatationem & forsan quoque rupturam quando-*  
*que peritonæi proveniens.* Atque species, quæ ita se habent, *herniæ veræ* ap-  
pellantur; quæ vero ratione partium contentarum rursus in *hernias intesti-*  
*nales*, quæ Græcis *Enterocèle*, & *Omentales*, quæ *Epiplocele* dicuntur, dis-  
pescuntur. Inveniuntur & adhuc alia herniarum genera, quæ nomine *spu-*  
*riarum* hodie occurrunt, uti sunt *hydrocele*, *sarcocèle*, *pneumatocele* &c. sed  
de his ob prolixitatem nimiam hic evitandam hac in pertractatione non a-  
gam. Illæ autem *Herniæ veræ* dividi rursus possunt in *hernias melioris & pe-*  
*joris moris*, & speciatim in *hernias liberæ*, ubi prolapsæ partes in abdomen  
libere ac facile plerumque refundi possunt, atque ægro non adeo multum  
doloris aut incommodi excitant, quæ adeo melioris moris sunt; & *captivæ*  
sive *incarceratas*, quæ pejoris longe moris sunt, & de quibus potissimum  
hic agere constitui. *Hernia* autem dicitur *incarcerata*, quando in tumore pars  
prolapsa quasi in carcere detinetur, & sine magno labore, imo sæpe sine sectione  
reponi nequit, variaque gravia, quin & funesta ut plurimum creat symptoma-  
ta, de quibus mox uberius, speciatim vero *gangrænam*, & *suppurationem*,  
de qua hic specialissime acturus sum.

## §. I I.

Species *herniæ* proprie sic dictæ sunt vel *umbilicales*, quæ in vel circa Differen-  
umbilicum contingunt, vel *ventrales*, quæ in ventre in & circa musculos tia.  
abdominis reperiuntur; vel *crurales*, quæ in anteriori & exteriori parte fe-  
moris oriuntur, vel *inguinales*, quæ in inguinibus se se manifestant; & hæ  
iterum dividuntur in *perfectas* sive *completas* vel *imperfectas* sive *incompletas*.  
Hæ quæ scilicet in inguinibus subsistunt *bubonocelæ* audiunt; illæ vero, ubi  
ad scrotum usque intestina vel omentum vel utrumque simul prolabantur,  
*oscheocelæ* nominantur. Ratione contentorum etiam variis rursus, ut jam  
dictum est, insigniuntur nominibus: nam ubi *intestinum* solum herniam  
constituit, vocatur *Enterocèle*: ubi *omentum* sive *epiploon*, nominatur *Epi-*  
*plocele*: ubi vero ambæ hæ partes, *intestinum* scilicet & *omentum*, simul  
tumorem constituunt, nomine *Entero-Epiploceles* venit.

## §. III.

## §. I I I.

*Partes  
affectæ.*

Partes autem hernias constituentes in universum sunt *intestina*, speciatim vero & potissimum in *umbilico* intestinum *jejunum*, nam umbilico proximum est; & interdum quoque intestinum *colon*: sed *ileum* in herniis & ventralibus & inguinalibus & scrotalibus ut plurimum prolapsum deprehenditur, & quandoque etiam *cæcum* cum *processu suo vermiformi*: *Coli pars* aliquando, nimirum cellula quædam ejus, imo interdum totus ejusdem arcus in sinistro inguine non raro excidit, in dextro autem latere fortius adhæret ossi ileo, quam ut facile prolabi possit [a]: interea tamen negare nolo etiam quandoque partem ejus & in dextro latere expelli posse; quia membranæ, quibus adhæret, sæpe valde relaxantur, sicut ex observatione infra referenda patebit. *Omentum* quidem haud raro adeo breve in hominibus bene valentibus reperitur, ut umbilicum vix superet, (unde etiam extant *Epiplocelæ* circa umbilicum) interea tamen etiam sæpe usque ad pelvim descendit, adeoque haud raro reperiuntur exempla, illud in scrotum vel solum vel una cum intestinis prolapsum fuisse. Notabile exemplum observavit & descripsit jam diu *Excell. Præses* in *Ephem. Nat. Curios. Centur. V. observ. 85. pag. 164.* ubi in viro sexagenario in ejus utroque inguine *Epiplocelas* adfuisse mediante cultro anatomico demonstravit, & omentum in altero latere in ipsum usque scrotum prolapsum est inventum. *Partes per quas intestina prolabantur* sunt (1) *musculi abdominis* & quidem *recti*, speciatim vero illorum quasi medium, quod *umbilicus* appellatur, qui musculis clausus non est, sed solum peritonæo & tendinea quadam lineæ albæ substantia. (2) *musculi oblique descendentes, oblique ascendentes & transversales* in herniis ventralibus. (3) ita dicti *annuli prædictorum musculorum abdominis*, ubi vasa spermatica in viris, ligamenta vero rotunda in mulieribus transeunt, & denique (4) ille locus sub arcu tendineo, sub quo vasa cruralia, musculus psoas & iliacus e ventre egrediuntur.

## §. I V.

*Diagnos*

Quoniam igitur diversæ herniarum sunt species, ideoque illarum diagnosis diversa cognosci debet methodo: Quod ad *Epiplocelen* sive herniam ab omento solo factam attinet, rarius quidem illa occurrit, hinc a quibusdam in dubium vocatur [b]; sed illam re vera contingere posse, non solummodo ex observationibus *Excell. Præsidis* probavi, verum & præter antiquiores, recentissimi chirurgi *Dionis*, & *Garengo* in operationibus suis chirurgicis & *Draniis* [c] testantur, tam gravia quandoque ab hac sola parte prolapsa, orta

[a] Vid. *Mauchartus* in *diff. de hernia incarcerata solerti delineatione illustrata &c.* Præs. *Camerario* Tubingæ a 1722. impressa.

[b] Vid. *Vesal anat. l. V. cap. 4.*

[c] in observationibus chirurgicis *Tom. II. obs. 63. pag. 59.*



orta esse symptomata, quam ab ipsa hernia intestinorum incarcerata: Adeoque *Excell. Præses* in Chirurgia sua, capite 120. ita de ea differit: „*Epiplo-*  
 „*celen adesse intelligitur, si tumor inæqualis, mollis atque lubricus, & retento*  
 „*spiritu aut conatu excernendi alvum, non magnopere increfcens, circa peri-*  
 „*tonæi processus, vel & quandoque a peritonæi processibus ad scrotum usque pro-*  
 „*tensus animadvertitur. Depresso digito nil murmuris auditur, neque talis*  
 „*durities aut inflatio ut plurimum persentiscitur, qualis ab enterocele oritur*”.  
 Interea tamen & *Epiplocele* incarcerari potest, atque tunc ob connexionem  
 omenti cum fundo ventriculi vehementius & sæpius ventriculus vellicatur,  
 hinc singultus, inflammatione autem accedente, vomitus materiæ spumosæ,  
 biliosæ supervenit, alvo interim plerumque aperta: qualia exempla reperi-  
 untur apud *Dranium* [d] & *Garengéot* [e]. *Enterocèle* vero sive hernia in-  
 testinalis cognoscitur, quando cutis indecore in abdominis quadam regione  
 instar tumoris intumescit, tumor iste digitis pressus (nisi partes prolapsæ  
 extus vicinis partibus conferbuerint & adhæreant) plerumque in ventrem  
 cedit, atque dum hoc fit, sæpe sonum aliquem sive murmur aliquod, quale  
 sæpius etiam sponte in nobis percipitur, edit, præsertim si æger supinus de-  
 cumbit: remotis vero digitis, cum primis ægro surgente aut tussiente, de-  
 nuo idem in conspectum prodit, intestinis rursus prolabantibus & identidem  
 murmur quoddam concitantibus. Per tussim, spiritum retentum, vel nifum  
 etiam, qualis in exoneranda alvo aliisve conatibus adhibetur, mirifice sæpe  
 hic tumor cum duritie increfcit; frigus illum aliquo modo contrahit, calor  
 vero magis eum expandit: Simulatque igitur tumorem ejusmodi duriusculum  
 cum prædictis phænomenis aliquandiu in ventrem repellere possumus, tunc  
 clare apparet *Enterocelen* adesse, & hæc est specifica differentia ab herniis re-  
 liquis. *Enterocèle* vero ab insigni violentia & subito sæpe orta, tumorque uno  
 impetu insurgens, facile fit *incarcerata*, ob annuli aut loci, per quem intes-  
 tina evolvuntur, angustiam, quod genus plerumque omnium pessimum.  
 Nam mox pessima sequuntur symptomata, nimirum dolores quasi colici ac  
 cruciatus in abdomine vehementissimi, anxietates, febres, inflammatio fac-  
 ci herniosi, cutis, intestini, nausæ, ructus, vomituritiones, vomitus pri-  
 mo ciborum aliorumque contentorum ventriculi, chyli, bilis, deinde etiam  
 quandoque fæcum alvinarum, vel saltem materiæ fæculentæ his parum ab-  
 similis, quod vulgo tunc *iliaca passio* sive *miserere* vocatur: accedit tandem  
 gangræna & sphacelus, nisi in tempore convenientia auxilia adhibeantur,  
 ac tandem ruptura spontanea tam integumentorum, quam facci herniosi,  
 imo & ipsius intestini prolapsi, & sæpe mors. *Intestina* autem si una cum  
 omento foras prodeunt, & tumorem constituunt, vocatur *Entero-Epiplocele*,  
 sed non nisi a signis *Enterocèles* differt, quam quod intestinis in abdomen  
 repositis, maneat adhuc tumor quidam mollis & aliquo modo inæqualis.

Tom. III.

G.g

§. V.

[d] Obs. LXIII.

[e] Oper. chir. Tom. I. pag. 373.

## §. V.

*Causſæ herniarum.* Causſa harum herniarum, de quibus hic agere conſtituimus, eſt vel interna vel externa. Interna eſt ubi peritonæum, muſculi abdominis & præſertim eorum annuli & aponeuroſes, vel naturaliter valde laxa ac debilia ſunt, ita ut cedant contentis abdominis, tam a diaphragmate, quam a muſculis abdominis ſæpe preſſis; atque hinc fit, ut infantes quandoque cum herniis naſcantur, vel jam primis a die natali diebus eis infeſtentur, qualia exempla non ſolum varii autores notarunt, ſed & *Excell. Præſes* vidit; vel ſucceſſu temporis varias ob cauſſas fibræ peritonæi & aponeuroſes muſculorum abdominis ita debilitari & relaxari poſſunt, ut levifſima data cauſa inteſtina prorumpant. Quam ob cauſſam homines circa paludes habitantes, aut victu valde pingui, ut butyro, caſeo, oleo &c. multum utentes, magis quam alii herniis ſive ramicibus obnoxii a quibuſdam notati ſunt [*f*]. Externæ cauſſæ pro herniarum diverſitate variæ eſſe poſſunt: ſic enim *omphalocele*, *bubonocele*, *oſcheocele* & *hernia cruralis* vel a ſubito eodemque gravi lapſu, vel ſaltu, vel motu, vel ictu vehementiori, vel fortiori in tuſſiendo, ſternutando, vociferando atque attollendis aut movendis ponderibus niſu, vel ab equitatione vehementiori, vel a difficiliore mulierum partu, tenefmo, vel infantum vehementi ejulatu naſcuntur. *Ventrales* vero herniæ utplurimum læſionem violentam, ictum, lapſum, & ſæpiſſime vulnera abdominis male curata, & diductum a quacumque cauſſa peritonæum pro cauſſa agnoſcunt: nam quando ejusmodi læſione muſculi abdominis vel diſſecti, vel contuſi, aut lacerati atque hac ratione debilitati fuerunt, poſtea preſſioni diaphragmatis & muſculorum adhuc integrorum reſiſtere non poſſunt, ſed cedere ſenſim coguntur. Notabile eſt exemplum, quod *Celeb. Præſes* ſuperiori anno obſervavit & mihi retulit de *hernia ventrali*, & quidem in gravida orta. Hæc ſcilicet ſexto vel ſeptimo menſe gravida ſubito in genu ſe proſternere & e terra aliquid elevare voluit; verum in hoc motu ſive actu violentiſſimos cruciatus in ſiniſtro abdominis latere percepit, ſecuti inde mox ſunt partus dolores & fetum mortuum peperit. Paulo poſt tumorem amplum in ſiniſtra & media abdominis parte ſenſit, quem cum *Excell. Præſes* examinavit, eumque intus repellere potuit, agnovit herniam ventralem aſeſſe, quare cingulum ſive vinculum idoneum ordinavit, quod tumorem hunc reprimeret & contineret.

## §. V I.

*Prognofis* *Enterocoele* in infantibus, pueris & adultis quandiu inteſtina libera ſunt & facile refundi queunt, periculo deſtituta eſt: quando vero ob quamcunque cauſſam locus prolapſus conſtringitur, vel inteſtina fæcibus aut flatibus nimis replentur, aut poſt magnam violentiam ſubito per anguſtum foramen pro-

[*f*] *Garengéot* oper. chir. Tom. I. pag. 243.



protruduntur aut prolabantur, neque refundi in abdomen possunt, tunc æger magnis cinctus est periculis; sequuntur enim hanc intestinorum inclusionem omnia *morbi iliaci* pessima symptomata, & nisi cito medela affertur, æger miserandum in modum diem obire cogitur supremum; vel intestina inclusa & constricta post inflammationem gangræna & sphacelo una cum partibus ea cingentibus corripuntur, unde non nisi summo vitæ periculo eripi & servari possunt. *Epiplocele* sæpius non magni est momenti, quando autem, ut quandoque fit, quoque in carcere quasi detinetur omentum & inflammatur, tunc eadem sæpe ut jam dictum est, mala sequuntur, & nisi brevi pereant, ut plurimum fit suppuratio omenti & abscessus. Ubi *Entero-Epiplocele* sive intestina cum omento prolapsa, ibi periculum non adeo urgens est, quam ubi sola intestina prolapsa sunt: nam omentum, tanquam corpus molle, intestina involvit, sicque constrictionem annuli non tanta vi experitur, quantam solum intestinum alias sufferre cogitur.

## §. VII.

Pergendum mihi nunc erit ad *curationem* herniarum intestinalium; quæ vero pro diversitate morbi ac temporis morbi varia admodum est: atque nunc faciliior, nunc difficilior, lenior aut vehementior, prout morbi natura & mala complicata hoc exigunt. Sed quoniam alii jam satis de herniis consuetis curandis egerunt, mihi vero animus sit præcipue de hernia incarcerata & speciatim de ea, ubi suppuratio supervenit, agere, hinc de cæteris non nisi breviter agere constitui, relegando potissimum lectores ad *Excell. Præsidis* chirurgiam. In hernia igitur leviori & libera sive boni moris, ubi intestina facile in ventrem refundi possunt, præ omnibus hæc refundenda sunt. Igitur a *repositione* sive *taxi* ordiar, quæ scilicet optime fit ægris resupinis jacentibus, caputque depresso, clunes vero elevatos habentibus, ubi medicus vel chirurgus tunc leniter atque oblique digitis suis comprimendo conquassandoque tumorem herniosum partes prolapsas in pristinum reponat locum; quod in herniis liberis plerumque satis facile contingit. Repositione facta nil fere nisi vinculo quodam, fascia aut cingulo idoneo opus est, quo ægris adhuc *junioribus* foramen, per quod intestina prolapsa fuerunt, ita constringi atque angustari potest, ut, quamvis non omnino, uti experientia docuit, glutinetur, tamen ab herniis curari & liberari plerumque ita solent, ut malum nunquam redeat, & quasi foramen omnino glutinatum sit. Si vero æger *ætatis jam profectioris*, tunc a fasciis nulla fere plenaria curatio expectanda, sed tantum palliativa. Interea tamen per scalpellum, idque sicuti vulgo moris erat vel *cum testiculi exsectione*, quæ vero curatio nefanda, atque omnino rejicienda est, quemadmodum *Excell. Præses* tam in chirurgia sua, capite de enteroccele, quam in peculiari Dissertatione de Kelotomiæ abusu tollendo, jam diu ostendit; vel *cum conservatione testiculi*, solius scilicet sacci herniosi, post factam te-

*Curatio  
ubi intesti-  
na facile  
refundi  
possunt.*

gumentorum prudentem incisionem in inguine, & post repressa intestina, apta ligatura: sicuti hoc *Excell. Præses* jam olim in chirurgia sua descripsit, & nuperrime post hunc chirurgus Lubeccensis in peculiari de herniis libello germanico [a].

## §. VIII.

*Ubi hoc  
difficilius  
aut non  
fieri potest.*

Ubi vero huic primo tentamini repositionis ope manuum non obtemperat hernia, chirurgus ab ulteriori & præsertim fortiori aut vehementiori impetu absteat; quoniam ob nimiam extus factam compressionem partibus prolapsis jam jam quasi in carcere detentis, facile inde accedere, aut supervenire potest inflammatio, gangræna & sphacelus: sed enematis potius emollientibus & leniter stimulantibus una cum cataplasmatibus ex mica panis albi in lacte paululum decocta, cum vel sine butyro & croco paratis, calide sæpe appositis emolliationem & postea iterum repositionem blande intendat. Si adest inflammatio, vel æger sanguine abundare deprehendatur, venæ sectio eaque larga in brachio instituta magni est momenti, quæ etiam pro rerum circumstantium varietate repeti potest. *Interna etiam medicamenta* non omittenda, sed carminativa & antispasmodica hoc in casu valde profunt: nam partim intus stimulando sive irritando intestina, hæc se contrahunt, atque sic partes prolapsas sæpe retrahunt, partim demulcendo sive emolliendo ergastulum ab annulo factum aperiunt. Ubi vero horum aliquandiu usu refundi in abdomen nequeant intestina, vel etiam, si placet, mox in principio longe optimum erit, si *herbæ nicotianæ optimæ notæ fumus* peculiari fistula [b] tamdiu in anum impellatur, donec magnus conatus ad alvum solvendam superveniat, vel revera alvus solvatur, & intestina relabantur. *Excell. Præses* hocce remedio varias ejusmodi curavit hernias interceptas, ubi ægri jam erant in summo vitæ discrimine, & quæ alias non nisi scalpello curari potuissent. Sed ubi his omnibus adhibitis, nulla reductionis spes apparet, aut remedia hæc ab ægris fuerunt neglecta, symptomata vero ingravescent, tunc nulla, ut gangrænam & mortem evitemus, superest medela, quam *scalpellum*. Modum vero scalpelli in hoc malo rite dirigendi pulcherrime descripsit *Excell. Præses* in chirurgia sua, ut & *Garengot* in operationibus suis chirurgicis Tom. I. p. 309.

## §. IX.

[a] *Zacharias Vogel*, de herniis & quomodo herniotomia sine castratione sit instituenda; verum quod *Excell. Præses* & alii jam antea hac de re scripserint, haud meminit.

[b] Vid. *Excell. Præsidis* Chirurg. Tab. XXIV. in editione germanica, sed Tab. XXXIV. in mox proditura latina.



## §. IX.

Sæpius interim contingit, quod præsertim fœminæ herniis afflictæ in-  
terceptis ob pudorem intempestivum medicis aut chirurgis prudentibus ma-  
lum ostendere recusent, indeque mora hac non solum augmentum mali  
& symptomatum experiantur, sed & gangrænæ & sphaceli, adeoque &  
mortis periculum sibi accersant. Medicus vero sive chirurgus ad istiusmodi  
generis ægras tandem accersitus in deploratis fere hisce malis tamen om-  
nem curationis spem illis auferre non debet; nam extant multa exempla,  
tales, quæ etiam gangrænam & sphacelum ex herniis jam passæ sunt, ta-  
men adhuc curatas fuisse ægras. Multi quidem imo plurimi chirurgorum  
hujusmodi hernias pro absolute exitalibus declararunt, & Hippocratem  
consentientem habuerunt, qui dicit [c]: *Vulnera intestinorum præsertim  
tenuium lethalia esse*, sicque ægras sine omni fere spe & medela interire per-  
miserunt: quando vero recte rem perpendimus, non solum errant, ve-  
rum etiam chirurgi, qui talibus ægris auxilium denegant, conscientia  
tranquilla frui nequeunt. *Melius itaque est secundum principum medicorum  
Hippocratis scilicet & Celsi præceptum, in desperatis morbis, qualis hic est,  
anceps experiri remedium, quam nullum*, id quod etiam felicem habuisse  
eventum exemplis quibusdam affirmabo.

*In mulie-  
ribus qua-  
re incarce-  
rata sæpius  
observen-  
tur suppu-  
rata.*

## §. X.

Mulier quædam hic Helmstadii figuli uxor, quinquaginta circiter an-  
nos nata, aliquot ab annis *hernia inguinali lateris dextri* cum ventris in-  
tumescentia afflictæ fuit; de qua parum sollicita multos semper ac graves  
peregit labores, & licet intestina sæpius magna quantitate prolapsa fuere,  
id non curavit, sed postquam blanda reponendi ratio non amplius succe-  
sit, propria inventa methodo, capite nimirum inverso, pedibus vero  
sursum erectis, in pristinum & naturalem illa remisit locum, nempe in  
abdomen, remanente semper tumore aliquo parvo & molli. Anno vero  
superiori 1727, tempore verno, intestina tantopere aliquando prorump-  
bant, ut illorum in ventrem repositio ægræ impossibilis fuerit, quamvis  
vario modo, variisque corporis posituris id tentaverit. Hunc prolapsum  
sequebantur tormina, dolores ventris acerbissimi, nausea, vomitus, ob-  
structio alvi pertinax, singultus, inflammatio tumoris; quo in desperato  
statu chirurgum advenire curant affines, qui clysmatibus dolores ventris  
lenire, & cataplasmatibus emollientibus tumorem inflammatum in inguine  
solvere & emollire studuit: sed hæc omnia frustranea fuerant, tumor in-  
dies crescebat, inflammatio augebatur, reliqua symptomata continuabant,  
& hernia tandem tactu mollior inveniebatur. Chirurgus ex his symptoma-

*Exemplum  
herniæ in-  
carceratæ  
suppuratæ.*

G g 3. tibus

[c] Sect. VI. aphor. 18. 24.

tibus judicans nulla intestina, sed pus in hocce tumore comprehendi, atque simplicem abscessum esse, causticum ei altero applicare voluit die: proximo vero mane cum reverteretur, tumorem sua sponte apertum invenit, atque ex hac apertura multa excrementa una cum lumbricis exitum sibi quæsierant, venter vero gracilior quam antea factus erat. Vulnus una cum amplo spatio in inguine & abdominis inferiori regione inveniebatur sphacelo corruptum, cum ingenti fæto, ita ut magna vicinarum partium corrupta portio sensim ablata fuerit. Cum vero hoc in statu chirurgus consilium atque auxilium a *Celeberrimo Præsidente* peteret, hic suavit, ut ulcus hoc amplissimum & fætidissimum linamentis carptis contortis bono unguento digestivo ex terebinthina, vitellis ovorum & myrrha imbutis impleret, & bis in die denuo deligaret, ulcusque in deligatione semper a fordibus & fæcibus alvinis probe purgaret, quo factum est, ut sensim partes sphacelo corruptæ a sanis secesserint, & ulcus tandem probe purgatum se ostenderet. Quo tempore ægra semper in lecto decubuit, & parca diæta usa est. Postea chirurgus vulnus essentia quadam vulneraria ex herba hyperici, agrimonix, aliisque ejusmodi herbis parata, loco unguenti digestivi usus est, qua ulcus sensim magis magisque coivit. Interea tamen quamvis fæces alvi quotidie per ulcus adeoque & per vulnus intestini, quod interceptum erat in hac hernia, una cum variis magnis lumbricis prodirent, simul etiam respondebat alvus, ubi & cum his fæcibus vermes suum reliquerunt domicilium: nam durante hac curatione septendecim numerarunt lumbricos, qui tam per ulcus quam etiam per alvum prodierunt, maxima tamen pars per ulcus in inguine. Tandem vero ope prædictæ essentix vulnerariæ ulceris apertura studio chirurgi plane consolidata est, unicum tantum, si excipis, quod superest foraminulum omnem spernens glutinationem, ex quo aliquando guttulæ paucæ liquidi flavi, turpethi mineralis colorem æmulantes sine incommodo exstillant, ægra ceteroquin sana & munera sua, ut antea, rursus perficit.

## §. X I.

De lum-  
bricis in  
herniis ob-  
servatis  
conjectu-  
ra.

Hoc in casu notatu digna occurrit observatio, nimirum quod e vulnere & alvo *lumbrici* sæpe rejecti fuerint, id quod & in aliis ejusmodi casibus observavimus, mea de illis sententia est, quod lumbrici, præsertim ubi multi sunt, *causam herniæ incarceratæ constituere possint*, dum intestinum prolapsum partim mole sua obstruunt, ut subsequentes fæces & flatus pergere nequeant; partim morsibus & punctationibus suis inflammationi intestini prolapsi, ubi captivi quasi hærent, partiumque vicinarum occasionem præbere queant. Deinde mihi etiam verisimile est, quod intesti-  
norum suppurationem sive rupturam promovere valeant: nam intestino incarcerato vix ullum amplius victum recentem accipere possunt, quam il-  
lum, qui jam cum eis inclusus est, hinc optimo fæcum consumto alium  
sibi



sibi conquirere conantur, sed cum nullum invenire aut alio modo accipere queunt, intestinum morficant & perforant: id quod sæpe contingere, tum ex hac aliisque nostris observationibus infra adhuc recensendis, tum ex historiis medicis abunde constat, unde unicum tantum nunc afferam exemplum, quod extat apud *Allenium* [d]. „Fæmina scilicet 45. annos „nata, robusta, & laboribus assueta, dolori colico quandoque obnoxia „(id quod *hernia intestinali laborantibus valde consuetum est*) alias sana, tu- „morem habuit in inguine sinistro quem *herniam* credebat, durabat enim „integrum annum ante disruptionem. Interea circa dictam periodum, fæ- „mina ileo correpta est, a cujus morbi cruciatibus, ac immani vomitione „ruptus est in inguine tumor. & effluxit tenuis humor flavescens. Chirur- „gus accersitus stylo immisso largam cavitatem detexit; foramen sensim „spongia præparata dilatatum est, & magna copia prædicti humoris in „dies evacuatur. Die decimo in foramine apparuit *lumbricus vivus*, quem „chirurgus detraxit: post duas vel tres septimanas eductus est alius *lum-* „*bricus* priori non dissimilis: tribus circiter mensibus sanatum est ulcus, „& mulier ex illo tempore bene se habuit”. In hocce casu duo tantum lumbrici producti sunt; in nostro septendecim observati, & in principio singulis fere primis diebus, cum deligatio renovaretur, aliquis novus inter fæces in inguine repertus est. Plura de lumbricis, qui intestina & ventrem perforarunt, exempla videri possunt, apud *Schenkium* [e], *Mortonum* [f], aliosque plures, quos nimis evitandæ prolixitatis gratia lubens hic prætermitto.

## §. XII.

Hoc in casu nostro §. X. descripto alia adhuc contingit observatio, atque difficultas explicanda, nempe quod *herniæ isti jam suppuratæ, rupto-que intestino, quod interceptum fuit, alvus responderit*, quod canali intesti- Quomodo rupto intestino fæces per alvum exire poterint. norum integre dilacerato sive dissecto fieri profecto nequit. Ad hoc vero dubium illustrandum sciendum, haud raro non integram intestinorum partem sphacelo corrumpi, sed tantum in una intestini pariete ulcus fieri; hinc fæces per motum peristalticum adhuc superstitem, tam ad hoc ulcus sive vulnus intestini, quam ad canalis continuum propelluntur, sicque nonnullæ etiam, imo quandoque maxima pars per anum excernuntur, hosque ægros etiam non in tam magno periculo, quam eos, ubi integra pars intestini corrupta est, versari puto. Notari etiam meretur, fæces per alvum emissas spissiores & duriores in hac ægra fuisse, quam quæ e vulnere effluerunt, ratio hujus forte erit, quod in inferiori tractu intestinorum,

[d] In Synopsis universæ medicinæ practicæ addendis pag. m. 55.

[e] Observat. pag. 408. 409.

[f] Hist. natural. Northampt. pag. 467.

rum, quem transire coguntur, liquidior pars a vasis lacteis & lymphaticis abforbeatur, hinc reliqua pars magis spissescit.

## §. XII I.

*Alia hujus  
phanome-  
ni ratio.*

Alia præterea hujus phænomeni ratio dari potest. Nimirum observatum est, intestina quandoque habere certas appendices sive processus, quales varii notarunt [g] : quando itaque ejusmodi appendices prolabantur, quemadmodum quandoque prolabi possunt, similes hernias constituunt; quæ vero, quando in carcere quasi detinetur, eadem gravia ac periculosa symptomata gignere solent, ac si totus intestini cujusdam tractus inclusus esset. Ut vero hæc res clarius pateat, figura hoc illustrare a scopo nostro haud alienum erit. Nimirum Figura I. denotat frustum intestini ilei, cum peculiari ejusmodi appendice sive diverticulo ex *Ruysschii* musæo anatomico sive catalogo rariorum pag. 63. mutuata.

A. A Intestini ilei portio est.

B. Diverticulum præter naturam, sive saltem inusitatum, e latere hujus intestini mesenterio opposito C. productum, qualia haud raro in herniis prolabantur; vel in herniarum generatione ex latere intestini expulso forte generantur; quod sensim a pressione intestinorum & flatuum diduci & prolongari potest.

C. Locus ubi diverticulum hujus intestini B. ex latere emergit; id quod ad phænomenon herniæ incarceratæ & speciatim suppuratæ, ubi ægri per anum quoque fæces excernunt, imo post curationem omnes rursus fæces, ut in nostra aliisque ejusmodi ægris factum est, explicandum egregie facit. Nam licet hic processus B. sphacelo corruptus sit, intestinum rursus se claudere circa locum C. potest, ita ut excrementa deinde viam naturalem rursus sequantur.

## §. XI V.

*Curatio  
herniæ in-  
carceratæ,  
quomodo  
instituen-  
da.*

Quando itaque medicus aut chirurgus ad istiusmodi ægros accerferetur, quibus hujusmodi hernia in suppurationem versa esset, ante omnia probe, quantum fieri potest, purgato prius ulcere linteolis, vel spongia a sordibus, respiciat, quæ & quanta sit a sphacelo corrupta, tam intestini, quam cutis portio, quæ quantum tuto fieri poterit, servando sanum & integrum, resecanda; reliquum autem partium externarum ad sanum usque, donec ægri dolores sentiant scarificandum, vel etiam, si lubet, donec sponte separentur & cadant, id quod magis mihi placet, relinqui possunt, ita

[g] Vid. *Ruyssch.* Musæi anatom. p. 63. fig. 3. itemque in *Theaur. Anat.* VII. p. 43 itemque *Littrius* in *Act. Acad. Reg. Paris.* An. 1700. qui etiam hernias inde ortas & curatas notavit.



ita metuendum non est, ne intestinum forte adhuc sanum scalpello aut forfice lædatur; & unguento quodam digestivo, sicut supra §. X. jam dictum est, illinendum, superimpositis e linteo carpto confectis glomerulis, atque emplastro: his superponatur aut spiritus vini calidus, aut etiam cataplasma emolliens vel ex mica panis albi cum lacte decocta, vel ex herbis etiam emollientibus & vulnerariis. Præterea proderit in plethoricis venæ sectio; quæ vero in debilibus & senibus, qualis nostra erat, omitenda. Interne vero mixturæ sive potiunculæ roborantes, itemque pulveres temperantes & diaphoretici ex lap. cancr. antimon. diaph. conch. præpar. tartaro vitriol. arcano dupl. nitro depur. Subinde externæ partes circumjacentes spiritu vini camphorato fricandæ. Quam maxime autem medicus sive chirurgus caveat, ne intestinum læsum sive corruptum in abdomen refundat: quia non solum reliqua intestina inde sphacelo corrumpi possent, sed & fæces & materia purulenta in abdominis pelvim diffusæ mortem inducerent. Hanc ob rationem quoque vitandæ erunt adeo dilectæ a quibusdam turundæ, itemque fortior fasciarum in deligatione constrictio; sed opera potius danda, ut ulcus quam lenissime deligetur, quo fæces libere in linamenta carpta, & splenia imposita effluere queant. Mundato ulcere, balsamo vulnerario & emplastro glutinatio absolvi potest, si scilicet sanationem ulceris ratio suscipit. Si contrarium obtinet, æger vel moritur, vel foramen, quod ani vicem præstat, præsertim ubi integer tractus intestini ablatus est, remanet. Diæta sit tenuis, vitando omnia, quæ difficilioris sunt concoctionis, & potus sit aqueus citratus.

## §. X V.

Diætam ineptam & pravam his in affectibus multum ad mortem conferre, sequens probabit exemplum. Tenuissimæ fortis fæmina quædam per aliquot annos hernia inguinali afflicta fuit, attamen sine notabili incommodo: cum vero superiori anno grave quoddam attollere voluerit pondus, intestina cum impetu magis prorumpunt, ita ut reponere illa non potuerit. Multis cruciatibus domum reversa, tandem chirurgum ad se accersit, qui clysmatibus & cataplasmatibus emollientibus prolapsa intestina emollire & in abdomen refundere voluit; sed malum nullo modo cessit, imo ne quidem mitigatum est, dolores potius atque anxietates augebantur, & vomitus tam excrementorum, quam vermium subsequēbatur; id quod tam diu duravit, donec tumor valde inflammatus, post multos exantlatos cruciatus die 14. sponte rumperetur, & excrementa una cum vermibus e vulnere exirent. Inguinis dextri integra regio sphacelo corrupta erat, ut in priori ægra, & patiens, cui ob paupertatem & victus idoneus & medicamenta deerant, tandem post aliquot dies in summa debilitate diem suum obiit supremum. Anatomico illa a *Celeb. Præside* præsentibus multis medicinæ & chirurgiæ studiosis subjiciebatur cultro, & canalis

*Alius periculosior casus.*

intestini ilei, haud procul a cæco corruptus reperiabatur, uti videndum in Figuris II. & III. Nam in Figura II. quæ est pars intestini crassæ & ilei cum pertinentibus.

A. B. Pars illa ilei est, quæ finem ejus constituit, ubi conspicitur, quomodo intestina crassæ adeat, & in ea a latere inferatur; ad lit. A. vero, quæ in ulcere inguinis hærebat, sphacelo corrupta, & ab altera ilei parte Fig. III. B. C. separata prorsus erat.

C. C. Intestinum cæcum dictum.

D. D. D. D. Pars intestini coli collapsi hic & angusti, quia fæces & flatus ex tenuibus intestinis ad hoc non amplius ingredi poterant, quoniam cum eo hoc in cadavere non amplius cohærebat, dum pars sphacelo destructa erat.

E. E. Processus vermiformis cæci.

F. F. F. Unum ex ligamentis coli in processum vermiformem desinens.

In Figura III. denotatur litera

A. Pars ilei cum jejunum & ventriculo communicans.

B. Pars ea sive extremum cum ulcere inguinis nexa.

C. Apertura sive os, ubi facta herniæ suppuratione excrementa & lumbrici ex ulcere & abdomine profluebant.

Puncta a. a. a. a. a. a. notant frustum ilei, quod in inguen prolapsum, incarceratum, ac denique suppuratione & putrefactione prorsus in hoc corpore destructum erat, adeoque fæces ex fig. III. A. B. in partem ilei extremam A. B. fig. II. neque ad crassæ intestina, neque ad anum pervenire poterant. Atque sic fere ut plurimum res se habere solet, ubi integrum frustum sive tractus intestini prolapsi perit, & anus in inguine relinquitur. Anus vero naturalis & intestina crassæ in ejusmodi hominibus nullum amplius usum habere solent, si superstites manent, siquidem etiam mulier hæc post suppurationem nulla amplius excrementa per anum reddidit.

## §. X V I.

*Alia hernia incarcerata suppurata fausta exempla.*

Alia fæmina cœlebs in oppidulo *Walbeck*, non procul *Helmstadio* sito habitans, per aliquot annos hernia inguinis sinistri sine ullo notabili incommodo afflicta fuit: nam semper cingulo sive vinculo usa fuit, cujus ope ulteriorem intestini prolapsum impedivit. Cum autem postea matrimonium contraxisset, cingulum istud rejecit: sed quid fit? Cum gravida redderetur, & ad medium fere graviditatis tempus pervenisset (quod circa finem ætatis anni 1737. contigit) intestina magis magisque prorumpebant, tandem ab ipsa refundi non poterant, & symptomata ilei concitabant; verbo, hernia evenit incarcerata, quæ deinde inflammata, atque in cancrum sive sphacelum atque suppurationem versa, duobus in locis sponte rupta est, & e vulnere sive ulcere tam excrementa, quam lumbrici, egrediebantur, & ægra summam virium prostrationem passa est, alvo tamen interim



terim aperta. His in extremis pene temporibus chirurgum ex hac urbe, qui præcedentem §. X. descriptam curaverat, ad se venire curat; qui eandem sanandi rationem, quam ibidem & XIV. descripsimus, adhibuit, unde ulcus primo ita coivit, ut non nisi exiguum foraminulum remaneret, ex quo, si ægra tussi vexabatur, parva quantitas liquoris cujusdam flavescentis effluxit; tandem vero, antequam pareret, omnino glutinatum est, facibus omnibus per anum prodientibus. Interea tamen hæc res mulierem hanc in summum conjiciebat metum, arbitrans, se circa partus tempus aut morituram esse, aut saltem hernia iterum afflictum iri. Sed hæc omnia frustra metuebat: peperit enim post quinque menses infantem sanum, & mater & infans adhuc incolumes vivunt. In alio vicino oppidulo, *Oebfeld* dicto, etiam fœmina ultimo mense anni 1737. hernia incarcerata, una cum symptomatibus ilei consuetis afflictæ fuit; sed cum sponte tandem post multos perpeissos cruciatus apertus sit tumor, excrementa & tres lumbrici ex ulcere exierunt, alvus tamen etiam respondebat. Hoc in rerum statu chirurgus illius loci *Excell. Præsides* ob curationem hujus mali consuluit; qui prælaudatam curandi rationem cum bono victus regimine, decocto vulnerario & essentia traumatica *Wedelii* commendavit: quo factum est, ut non solum adhuc vivat, sed etiam glutinatio ulceris sensim succedat. Alius adhuc ex recentissimis superest casus fœminæ cujusdam pagum incolentis vicinum *Harbeck* dictum, quæ fabri lignarii ibidem uxor est. Huic, quum mense Januario hujus anni 1738. hernia inguinis dextri intercepta subito correpta, & ex illa sequente ileo cum vehementissimis cruciatibus abortum primo fœtus trium circiter mensium perpeissa fuerit, brevi post hernia in sphacelum & suppurationem se vertit, magnaue excrementorum quantitas per ulcus ex inguine cancro sive sphacelo corrupto effluxit. Hoc in statu consilium & auxilium ab *Ampliss. Dn. Præside* petit maritus; qui vero, ut tanto meliorem mali hujus cognitionem acquirerem, me ad hanc ægram videndam, & morbi statum explorandum misit, ac deinde illi supra laudatam methodum consuluit, una cum diætâ & internis medicamentis idoneis, quæ hæcenus in usum tracta sunt, ægræque magno solatio fuerunt, vulnus vero jam mundificatum sensim glutinari incipit. Varia alia ejusmodi exempla jam alias & vidit & curavit *Excell. Præses*, ita ut dubium non sit, quam plurimos ægros ab hisce malis rursus curari posse, si modo debita cura & a medico & ab ægro adhibeatur.

## §. X V I I.

Hoc vero ut ulterius probem, nonnulla etiam exempla & observationes indicabo ab aliis autoribus notata, ut inde tanto melius constet, verum esse hernias ejusmodi incarceratas, cancro corruptas atque suppuratas restitui rursus posse. Primo exemplum prostat in actis Philosoph. Anglican.

*Alia hernia incarcerata suppurata exempla.*

N. 176. pag. 1204. itemque in *Lowthorpii* compendio horum actorum Vol. III. pag. 119. „ Ubi refertur, mulierem quamdam annos quasi 40. „ natam, a vicino oppido domum redientem, subito corripit dolore vehe- „ menti inguinis dextri, cui successit singultus violentus: post semihoram „ *tumor* ibi oritur ad quantitatem nucis moschatae, qui sensim fit *durus* „ & tandem *niger*. Mulier febre & aliis doloribus adeo vexatur (nullo „ in auxilium medico vocato) ut sui impos neminem adstantium cogno- „ verit, ita ut precibus publicis Deo, tanquam jam moritura, com- „ menderetur. Tandem applicatione cataplasmatum cujusdam aperitur *bubo*, „ a quo aperto quicquid bibit, editve immutatum plerumque intra horae „ quadrantem vel dimidium exit, sine vel minimo seu in *ulcere* seu in „ intestinis dolore; ita ut cum die quodam lac coctum comedisset, ex „ ulcere primo lac ipsum, postea coagulatum cum crepitu (tanquam ab „ ano) & spuma erupit. Tandem medicamentis idoneis per 14. dies ad- „ hibitis sana evasit. Ita in Actis Acad. Reg. Parisiensis Anno 1700, *Lit- trius*, celebris quondam Anatomicus Parisiensis, postquam eleganter de herniis incarceratis & praesertim eis, quae ex appendicibus seu potius pro- ductionibus illis intestinorum praeter naturam oriuntur, earumque diver- sis, pro diversa earum constitutione, curandi rationibus agit, tandem circa finem hujus Dissertationis ait: *se tres viros, unamque mulierem vi- disse, qui per inguina post perpeffas hernias incarceratas sua excreverint ex- crementa, & quidem non sine magna molestia. Quamvis vero ejusmodi status hominum valde sit molestus, plurimi tamen miseram vitam tra- here, quam mori, malunt.*

## §. X V I I I.

*Hernia pro  
bubone in-  
cisa exem-  
pla fausta.*

Plura exempla ex variis adhuc afferre possem autoribus, si opus esset, verum me meam sententiam ex his jam satis abundeque ita probasse existi- mo, ut pluribus forte non indigeam. Hoc vero solum hic adhuc in usum medicum & chirurgicum addere volo, quod varia prostant exempla, ubi ejusmodi herniae incarceratae ab imperitis, aut saltem non satis prudentibus chirurgis, *pro bubonibus incisa*, atque sic intestina contenta scalpello dissecta fuerint; imo id etiam nonnunquam in consueta herniae incarceratae sectione, quam Galli *bubonocèles operationem* appellant, factum esse, in monumentis autorum litteris consignatum deprehenditur. Verum nec haec mala mox pro desperatis esse habenda *Celeb. Praeses* statuit; sed vult, ut haec dissecta intesti- na non reponantur, quemadmodum nonnulli suadent & fecerunt [b], quia tunc excrementa in ventrem facile irruerent, & mortem concitarent; ve- rum, ut vel relinquantur, praesertim si jam corrupta sunt, & eadem ratio- ne, ut supra §. X. & XIV. de herniis incarceratis sponte ruptis propositum est; vel si adhuc sana sunt intestina prolapsa, ut extremum superius intestini læsi,

[b] Vid. *Petr. de Marchettis* obs. chirurg. LV.



læsi, cum intestinis superioribus & ventriculo continuum, duabus vel tribus futuris, nodosis dictis, cum cute, aliisve si opus partibus vicinis jun- gatur, & reliqua pars sana in ventrem refundatur, ita illa his partibus ex- ternis accrescet, ut anus deinde maneat in inguine. Partis reponendæ ex- tremum, quod cum crassius intestinis continuum est, *Littrius* jubet filo con- stringi, antequam reponatur; verum hoc opus non esse existimo: nam in eo cadavere, quod secimus, & cujus sectio supra §. XV. relata est, nil ex hoc frusto intestini ilei fig. II. A. B. in abdomen effusum esse deprehendi- mus. Sanari vero, imo & sanata esse ejusmodi mala, ubi loco bubonis her- niæ incarceratæ incisæ sunt, præter alios patere potest ex observat. *Hieronimi Fabricii* ab *Aquapendente* in oper. chir. cap. de *Bubonocèle*; qui refert, chirurgum quemdam, amicum suum, bubonocelen, quam ex mollitie bu- bonem suppuratum esse credidit, incidisse & intestinum cum multo vitæ pe- riculo vulnerasse. Ita & *Petrus de Marchettis* loco modo citato refert, in vil- lico bubonocelen ab imperito chirurgo loco bubonis venerei esse incisam, prodeuntibus alvi fæcibus: qui tamen brevi temporis spatio rursus a *Mar- chetto* fuit curatus. Quamvis curatio ejus mihi, ob rationem modo indica- tam, non omnino arrideat: dum *intestinum* mox, ut ait, in locum proprium compulit digito superimposito albumine ovi cum sanguine draconis, atque *Sple- nio*, quod arctius constrinxit; quia sic facile fæces in cavum abdominis cum mortis periculo incidere possent. Sic quoque *Stalpartius vander wiel* [i] exem- plum memorat juvenis, in quo chirurgus loco bubonis herniam inguinalem incidit, intestinumque simul læsit; qui vero quoque tandem rursus curatus fuit. Ex quibus, ut opinor, satis patet, non solum intestinorum vulnera non omnia promiscue esse lethalia; sed etiam speciatim hernias incarceratas suppuratas sæpe mortem non inferre.

## §. XIX.

Monere vero hic ratione curationis haud alienum esse existimo, quod *Lit- trius* cum multis aliis chirurgis ejusmodi ulceribus *turundas* inmittere jubet; quas ego vero hic noxias esse existimo. Nam per *turundas*, præsertim majores, efficitur, vel saltem conservatur hic foramen, per quod fæces egrediun- tur, exitumque hunc ita paratum deinde constanter conservant, quemad- modum ex quatuor *Littrii* ægris videre est, qui omnes fæces per inguen ex- creverunt. Verum cum *Excell. Præses* a *turundis* hic abstinere, chirurgosque ipsum in ejusmodi malis consulentes, ab iis abstinere jubet, plerique ægri vel perfecte curantur, vel saltem non nisi perexiguum retinuerunt ulcuscu- lum, parvum specillum vix admittens, per quod non nisi exigua pars laticis cujusdam subinde exstillat, fæcibus crassioribus per anum rejectis; id quod longe minorem ægris creat molestiam, quam si vel omnes, vel saltem quam- plurimas fæces per inguen perpetuo excernere cogerentur.

H h 3

## §. XX.

[i] in observat. med. chirurg. cent. I. obs. 54.

*Turunda-  
rum usus  
hic redar-  
guitur*

## §. XX.

*Hernia in-  
carcerata  
suppurata  
exemplum  
in viro.*

Haftenus exempla herniarum incarceratarum suppuratarum, quæ in fœ-  
minis contigerunt, produxi, nunc videamus etiam unum alterumve in vi-  
ris. Quamvis vero, *hernia incarcerata inguinales* sive bubonocelæ suppara-  
tæ, ut ex dictis patet, *sæpius occurrant scrotalibus*, atque sic frequentius ut nos  
*observavimus*, in mulieribus quam viris, cum tamen, si solam rationem sequa-  
mur, in his longe frequentius accidere deberent, primo, quia viri vehe-  
mentioribus laboribus sunt dediti mulieribus, & deinde, quia intestina lon-  
ge plura in his, quam in illis procidunt, adeoque tanto facilius includi &  
constringi in scroto queunt. Interea tamen haud raro etiam in viris incidunt,  
atque primo quam maxime notabile hic referam exemplum, quod ante ali-  
quot annos *Erxlebia* in vicino oppido contigit, quemadmodum hoc mihi a  
*Celeb. D. Praside*, & chirurgo illo, qui ægrum hunc curavit, relatum est.  
Rusticus scilicet juvenis septendecim annos natus, post elevatum, magna  
vi, grave pondus sensit dolorem magnum una cum tumore in scroto, qui  
dolores sensim cum inflammatione creverunt. Chirurgus illius loci advoca-  
tur, qui pro scroti inflammatione rem considerat, omnisque generis cata-  
plasmata digerentia, ac tandem, cum resolutionem se obtinere non posse  
conspiceret, & tumor suppurationem spectaret, emollientia imposuit: qui-  
bus tandem factum est, ut tumor scroti ruptus, & magna pars excremen-  
torum per ulcus evacuata sit. Hoc in statu *Excell. Prasidem* consuluit, qui  
malum mox pro hernia suppurata chirurgo declaravit, suavitque, ut ulceri  
unguentum digestivum cum linteis carptis, desuper vero, donec tumor  
cum duritie præterierit, & mundatio ulceris facta sit, cataplasma emolliens  
ac balsamicum adhiberet; quibus ulcus bene mundatum, & partes corrup-  
tæ tandem à sanis separatæ sunt. Postea balsamo vulnerario loco præceden-  
tium ulcus nutrit, ita tandem, postquam fæces per duos menses ex scroto  
prodierant, illud omnino glutinatum est, nulla amplius hernia, aliove ma-  
lo in scroto superstite. Interea tamen ne malum facile a laboribus duris rus-  
ticorum rediret, chirurgus huic juveni suavit, ut arti sarcindi se daret, id  
quod etiam fecit, atque salvus & incolumis adhuc hodie sine hernia vivit.  
Hæc & pleræque herniæ suppuratæ, quæ sine relicto ulcere in inguine cu-  
ratæ sunt, & ubi fæces rursus per alvum deponuntur, ex *appendicibus* sive  
*diverticulis* ejusmodi intestinorum mihi ortæ videntur: nam alias ratio non  
pateret, quomodo integra intestini parte amissa fæces ad anum pervenire  
possent,

## §. XXI.

*Signa her-  
niæ incar-  
cerata a  
diverticulo  
factæ.*

Antequam vero nunc ulterius pergam, paucis in illud inquirere hic juva-  
bit, quomodo hernia ejusmodi a diverticulo nata incarcerari possit. Hoc au-  
tem fieri existimo, quando materia in hac appendice, undecumque etiam  
illa



illa producta sit, collecta, nimis tenax atque viscida est, sed ope motus peristaltici in ventrem reascendere nequit; quia fibræ ob nimiam intestini tunicarum extensionem, quæ in producendo istiusmodi diverticulo facta est, debiliores redditæ illam repellere nequeunt; muscoli vero abdominis, cum fundus ejus extra peripheriam eorum collocatus sit; nullam in contentam hanc materiam tenaciorem evacuandi vim habent, imo potius regressui ejus resistunt. Deinde in carcere detineri quoque diverticulum hujusmodi potest, quando in vicinia tumor quidam nascitur, qui non solum evacuationem materiæ in illo contentæ, sed & sanguinis in eo circulationem impedit, unde postea ilei symptomata oriuntur. Tales tumores esse possunt bubones vel vulgares, vel etiam sic dicti venerei; quare medicus, ut jam dictum est, probe sibi caveat, ne ejusmodi hernias loco bubonis aperiat. Ut vero hæ herniæ rite dignoscantur, & ab aliis incarceratis distinguantur, monendum est, in hisce herniis incarceratis, a diverticulo factis, ut *Littrius* loco sæpius jam citato docuit, inflammationem, dolorem, febrim, & alia ilei symptomata ægros tardius infestare, nec tanta vehementia, quanta in aliis herniis incarceratis ægros invadere, & alvum durante morbo plerumque esse apertam. Præterea notandum, ægros hos vel nullum vel rarissimum experiri singultum, nullumque plerumque adesse vomitum, aut si adest, mitiorem, quam in aliis incarceratis herniis observari solet, atque ejectione materiæ fæculentæ per os destituti sunt; venter denique non adeo tumens, sed gracilior est, quam in eis incarceratis, ubi integri canalıs intestinorum pars in sacco herniæ constricta est: atque ex his signis has hernias a se invicem distinguı possē existimo.

## §. X X I I.

Ut vero in viam, unde digressi sumus, rursus redeamus, de hernia incarcerata & suppurata in viris adhuc illi exemplo, quod supra §. XX. recensuimus. sequentia pauca adhuc addemus, & quidem ex *Diemerbroekio* [k], quæ ita se habent: „Vir quidam sexagenarius herniam in inguine sinistro per multos annos habuerat. Tandem intestinum, quod in herniam inciderat, disruptum fuit, atque stercorea cum fæore intolerabili per herniam foras profluxerunt, nunquam per anum. Adhibito medicamento idoneo partes gangrænosæ a sanis separabantur & decidebant. Tunc intestinum non tantum ruptum, sed omnino transversim abruptum esse, ejusque partem superiorem foras propendere, hincque stercorea profluere animadvertimus. Hic intestini sui progressu temporis carnosior evasit, & quasi carneum annulum acquisivit, cum vicina carne firmiter coaluit, ita ut postea intestinum hoc loco semper fixum & apertum remaneret, atque inde

*Aliud exemplum  
herniæ suppuratæ in viro.*

[k] - Observati LXVI.

„ inde ægro, cæteroquin sano, præter voluntatem alvi fæces semper efflu-  
 „ xerint [1].

## §. XXXIII.

*Alia her-  
 nia incur-  
 cerata sup-  
 purata ob-  
 servantur  
 genera.*

Possunt & in suppurationem vergere aliæ herniarum incarceratarum spe-  
 cies, nimirum *umbilicales*, *ventrales* & *crurales*, atque in his nulla alia opus  
 est medela, quam illa, de qua hætenus prolixè diximus. Quod autem her-  
 nias umbilicales speciatim attinet, illæ sæpe ab *omento* originem suam tra-  
 hunt, ideoque tunc & alia illis suppuratis tractandi ratio convenit. Nam  
 hoc intus solo reperto in parte ejus sana filum ope acus trajiciendum, & por-  
 tio ista omenti filo circumvoluto firmiter liganda; id vero, quod infra liga-  
 turam deprehenditur, refecandum, & sanum una cum filo in abdomen re-  
 fundendum, ita tamen, ut fili extremum extra vulnus maneat, donec  
 sponte inde separetur; vulnus autem cutis, ut alias fit, mundandum & con-  
 solidandum. Interim tamen contingit, intestina quoque herniam umbilica-  
 lem quandoque constituere, includi, & in suppurationem abire posse; quod  
 si fiat, supra laudata methodus adhibenda, quam & in hisce herniis bonum  
 habuisse eventum testatur Cel. *Cheseldenius*, partim in appendice ad anatomes  
 suæ editionem quartam, partim in libro de alta operatione (*of the High  
 operation*) in fine Tab. XVI: exemplum enim ibi refert, herniæ cujusdam  
 umbilicalis in muliere incarceratæ & ruptæ cum magna intestini parte cor-  
 rupta, resecta & rursus ita curata, ut fæces per umbilicum semper prodie-  
 rint. Sic & *Stalpartius van der Wiel* exemplum herniæ umbilicalis suppuratæ  
 recenset [m].

## §. XXXIV.

*Curatio u-  
 bi diverti-  
 culum  
 gangræna  
 afflicta  
 est.*

Si vel in hernia incarcerata sponte suppurata, vel sacco herniæ scalpello,  
 sicut in consueta hujus mali curatione fieri solet, inciso, appendix aliqua in-  
 testini prolapsa, ex parte tantum gangræna corrupta deprehendatur, *Littri-  
 us* suadet loco supra citato [n], hanc appendicem in parte sana filo esse con-  
 stringendam, filum extra vulnus relinquendum, ipsum intestinum refunden-  
 dum, casum fili exspectandum, & postea vulnus glutinandum; id quod  
 prout major vel minor pars appendicis corrupta est, diversa ratione facien-  
 dum esse prolixius ibidem describit.

## §. XXXV.

*Ubi intes-  
 tini pars  
 magna  
 sphacelo  
 corrupta  
 est.*

Quandoque si intestini magna pars prolapsa & sphacelo corrupta depre-  
 henditur, pars illa corrupta subinde statim refecari, & alterum intestini sani  
 extre-

[1] Qui de herniis incarceratis suppuratis plura scire cupit exempla, adeat A. N. C.  
 Dec. I. anno 3. obs. 132. Dec. II. ao. 3. obs. 14. Dec. III. ao. 2. obs. 51. Dec. III. ao. 4.  
 obs. 9. Acta Erud. Lips. anno 1689. Nov. p. 561.

[m] In observ. 58. Cent. I.

[n] Nimirum in Act. Acad. Paris. a 1700.



extremum alteri sano immitti potest; ita quandoque, hæc duo extrema, id quod antea inauditum erat, rursus concreſcunt. Hoc aliquando Sereniſſ. Brunſvic. & Luneb. Ducis chirurgus primarius *Ramdobrius* optimo cum ſucceſſu in fœmina quadam plebeia hernia incarcerata inguinali ſuppurata laboranti peregit: nam huic fœminæ, poſtquam ad eam vocaretur, fructum in- teſtini duorum quaſi pedum longitudine una cum parte meſenterii ex ventre corruptum prorſus ad genua ſere propendens reſecuit, alterum extremum alteri immiſit, at ope ſili leniter conſtricti aliquo modo firmavit, atque ita in ventrem reſudit; id quod præter ſpem tam bene ceſſit, ut altero jam die fæces rursus per anum naturaliter excreverit, & brevi poſt omnino reſtituta fuerit. Poſt annum vero hæc mulier ex morbo quodam pectoris mortua eſt, ubi cadaver aperuit, & utraque extrema inter ſe invicem firmiter concreta invenit; quæ ex cadavere hoc reſecuit, & *Exceſſ. Præſidi* dono miſit, qui ea etiam adhuc nunc in ſpiritu allervat.

## §. XXVI.

In diſſectis aut ita corruptis inteſtinis medicus maximopere attendat, quodnam extremum ventriculo ſit continuum: quando enim inferioris inteſtini fructum ſuperiori immitteretur, nulla glutinationis ac curationis ſpes erit; quoniam cibi aut fæces, a ventriculo venientes facile intra parietes inteſtini immiſſi hærent, atque ſic alterum immiſſum extremum repellerent: adeoque ſuperius inferiori immittendum. Reſpiciendum igitur eſt, in quonam fructo deprehendatur motus vermiformis ſive periltalticus, & ex quonam materia quædam chyloſa per vices effluat, hoc certiffime ſuperius ſive cum ventriculo communicans erit. Hæc cognitio etiam uſum habet, quando pars quædam inteſtini rupta pro novo ano formanda in vulnere eſſet vel aſſuenda vel ſaltem retinenda, ne ſuperius, ſed inferius refundatur.

*Inteſtinis corruptis qui t reſpiciendum.*

## §. XXVII.

Peculiare autem quid ſilentio hic prætermittere non poſſum, de remedio quodam vulnerario interno laudatiſſimo, quod ſemen eſt plantæ alicujus umbelliferæ, quo vulgus hiſce in regionibus tam in beſtiis, quam in hominibus, vulneribus, ulceribus, contuſionibus, fracturis, aut aliis læſionibus externis frequentiffime utitur, & quo etiam pleræque ægrarum noſtrarum conſilio affinium & amicorum uſe ſunt, qui id tanquam præſtantiffimum remedium glutinans commendant. Raro quidem id in uſum hætenus a medicis adhibitum eſt: interea tamen in catalogis medicamentorum noſtrarum officinarum pharmaceuticarum vetuſtiſſimis reperitur ſub nomine *ſeniculi aquatici*; quia ſceniculi ſemini non multum abſimile eſt. Vulgus vernaculo ſermone, *Pferde-Saat*, hoc eſt ſemen equinum, ſive ſemen pro equis appellat, quia hiſ, eorumque ulceribus illud quam maxime idoneum

*Peculiare medicamentum vulnerarium indicatur.*

esse asseverant. Crescit, ut a pharmacopæo percepi, in planta umbellifera, caule crassissimo donata, in locis paludosis & stagnis vicinis satis copiose, unde a quibusdam rusticis singulis annis æstate ipsi affertur: hinc, ut mihi videtur, est *semen Phellandrii Dodonæi*. Utuntur autem eo in hominibus, qui aliqua gravi læsione laborant, ita ut aliquoties in die drachmam circiter unam, vel solum & per se, vel cum pauco saccharo remixtum, ægro exhibeant, atque inde egregie & fere ad miraculum ejusmodi noxas, quas vulgus in alias insanabiles esse credit, sanare dicitur. Meretur, ut res hæc ulterius per observationes confirmetur; hoc saltem certum est, in nostris ægris, qui eo usi sunt, bonum effectum esse secutum. Utrum autem huic femini, quemadmodum vulgus facit, sanatio sit adscribenda, an aliis causis, uberiore inquisitione dignum est. *Excell. Præses*, qui antea de hoc vulgi remedio tantum non inaudivit, quantum nunc occasione tam multarum ejusmodi herniarum, operam dabit, ut proxima æstate in veram hujus feminis plantam & nomen latinum curatius inquirat. Interea tamen me hic probasse existimo, *hernias incarceratas suppuratas sapissime non esse lethiferas; sed sæpe curari rursus posse.*









L X X I.

D I S S E R T A T I O

C H I R U R G I C A,

D E

H E R N I A C R U R A L I.

*Quam tuebatur*

D A N I E L K O C H

C R U C E N A C O - P A L A T I N U S.

Heidelbergæ 5 Septembris anno 1726.





## C A P U T P R I M U M.

## §. I.

**A**Ntequam statum p. n. sive pathologiam herniæ pertractandam suscipiam, brevem quamdam organorum affectorum descriptionem prælibare operæ pretium esse arbitror; statu enim naturali probe cognito, & p. n. dignosci, symptomata facilius & felicius indagari, vera prognosis indigitari, tandemque salutaris medela afferri potest. Ad partes affectas autem musculi abdominis potissimum sunt referendi; quorum quinque paria in anatomicorum scholis demonstrantur: obliquum externum, internum, transversale, rectum atque pyramidale. Ne vero ea, quæ ad cognitionem status p. n. & præsens institutum supervacanea videntur, in medium afferam; horum musculorum onomatologiæ, principio atque insertioni tradendæ non inhærebo: uti & musculos pyramidales valde exiguos, sæpe ex toto, sæpe etiam ex parte deficientes, ad scopum præsentem nihil facientes sicco pede prætereo. Reliquos abdominis musculos antè & in utroque latere ventrem infimum, ossibus destitutum, ab injuriis externis munientes, tria foramina partibus tum fætus ergastulo sue inclusi nutritioni, tum generis humani propagationi, tum extremitatum inferiorum conservationi dicatis, exitum concedentia, perforant. Quorum primum in media & antica abdominis parte inter utrumque musculum rectum locatum, à media utriusque musculi recti, tendinibus musculorum transversalium, obliquorum extern-atque internorum efformatur, atque vasis umbilicalibus transitum præbet. Quod vero foramen, usu vasorum umbilicalium cessante, obturatur; nihilominus tamen partibus inde egressuris umbilicus pariter ac inguen viam pandit, quia, uti hic, ita & illic, annulus à tendinibus musculorum unitis formatur, per quem processus peritonæi, à lamella hujus externa formatus, & funiculi umbilicalis usque ad placentam individuus comes foras exit, qui annulus accedente causa aliqua violenta dilatatur ac ille in inguine, cui accedit, quod circa umbilicum omentum pariter ac intestina mox se offerant; hinc, musculis rectis ad latera depressis, qua data porta, foras ruunt.

## §. II.

Musculorum obliqui externi & interni, descendens atque ascendens nomine alias ob fibrarum tractum insignitorum, fibræ musculosæ illius oblique descendendo, hujus vero simili decursu ascendendo, atque trans-

versi transversim excurrente se invicem decussant. Considerandi sunt hi æque ac musculus rectus tanquam 4. aut 8. virtutes motrices, in 4. aut 8. abdominis angulis consistentes, quorum vis circa umbilicum unitur & colligitur, sub quo maxima intestinorum pars sita est, ita, ut abdomen una cum contentis visceribus undique & undique ab iisdem comprimatur; sicque mediante hoc perpetuo motu cum diaphragmate reciproco respirationem, digestionem, motum humorum in abdomine, præsertim sanguinis & chyli, secretionem item in diversis visceribus, & varias excretiones mirum in modum promovent. Simul vero etiam firmiorem herniis, quas ventrales vocant, quasque non raro magnus in difficili partu nisus, frequentius vis externa, ictus, lapsus &c. producere solet, obicem opponunt. Sunt autem hi muscoli, qui secundum foramen constituunt, prope inguinis regionem perforati, & processibus peritonæi, in viris vasa spermatica, in mulieribus ligamenta uteri rotunda vel teretia includentibus, transitum præbent, nec non in statu p. n. aliquibus in abdomine contentis partibus egressuris viam sternunt: unde fit, ut sexus sequior æque ac virilis, quamvis rarius, huic malo obnoxius sit. Vocantur isti musculorum hiatus annuli: qui differunt 1. Situ, circa quem notandum, quod ordinarie sibi invicem paralleli non sint, sed externus inferior est medio, & medius interiori: in statu p. n. vero ab omento & intestinis prolapsis magis paralleli evadunt. 2. Decursu obliquo, apertura in musculis interioribus est magis lateralis, & propius ad os ilium vergit, cum e contrario hiatus externi ad os pubis magis accedat. 3. Substantia, annulus ille, qui ab obliquo externo formatur, omnium fortissimus & valde tendineus est; cui multum roboris addunt fibræ multiplicatæ extremum marginem & limbum constituentes, & superius maxime conspicuæ, adeoque tam ascensui, quam reductioni partium e situ lapsarum quam maxime resistit. Annulus obliqui interni magis musculosus est, & transversalis, qui, si adest, membranaceus esse asseritur, sæpe tamen non invenitur. Præterea annotare liceat, transversim tendinem ut plurimum non foramine integro gaudere, neque, ut obliqui externi tendo solet, dimidiato foramine peritum; sed toto suo inferiore limbo iisdem processibus peritonæi transversim superimpositum conspici. Et si dicendum quod res est, nonnisi duo annuli sunt, e quibus nempe exterior firmus, validus atque robustus prolapsum intestinorum vel omenti impedit, quod autopsia anatomica confirmat. Altero scilicet interno & musculo ad præcavendum prolapsum non multum faciente. Arteria & vena spermatica in viris, in sexu sequiore ligamentum uteri teres, muscoli transversim fibræ istos processus transversim tantum perreptantibus, inter utramque peritonæi lamellam delata, musculi obliqui interni fibras musculares divulsas, annulum aliquo modo efficientes, transeunt; postea obliquo tractu per vere sic dictum annulum obliqui externi, ob figuram annularem hoc titulo dignissimum progrediuntur. Magnitudo hujus annuli tantâ est, ut minimissimum digitum facile



cile admittat ; quo minus autem contenta abdominis à levi accedente causa violenta elabantur , fibris robustis , tendineis , in limbo ejus processum peritonæi firmissime amplectentibus eum donatum esse supra innui. Admiranda hac structura Providentia Divina generi humano præ brutis benignissime prospexit , ne quibusdam abdominis partibus facilis & proclivis e dicto ventre egressus esset. Quodsi enim processus peritonæi , uti in canibus , hiatu insigni pateret neque occluderetur , in quibus stilus aut flatus liquorve per apertam circa inguina viam ad testes immittitur , uti *Gerh. Blas. Zoot. de can. c. 2.* id perhibet , periculum esset , ne omnes fere homines hernia laborarent. Cum , ambulantibus nobis , quos *Deus* erectos voluit magis quam reliqua animalia , uti eleganter Poëta cecinit :

Pronaque cum spectent animalia cætera terram ,  
Os homini sublime dedit , cælumque tueri ,  
Jussit & erectos ad sidera tollere vultus.

Deorsum ponderosa intestina continuo ad locum minoris resistentiæ atque foramen apertum gravitarent , atque impetu in annulos facto illos dilatarent , adeoque herniam , si cautum non esset , frequentissime producerent. Quod quadrupedibus horizontali linea incedentibus facile contingere non potest ; quia omnis contentorum moles circa umbilicum accumulatur : hinc illa hernia umbilicali potius afficiuntur.

### §. III.

Tertium foramen vasis cruralibus , tendinibus muscutorum psoæ atque iliaci liberum ex infimo ventre exitum concedit , & speciem quamdam annuli visui offert. Hujus foraminis structuram paulo fusius & exactius pertractare mearum partium esse existimo , ut herniæ cruralis , de qua altum apud plerosque etiam peritissimos chirurgiæ scriptores silentium est , magis perspicuam descriptionem exhibere possim. Quo vero à me hoc rite fiat , differentiam hujus à præcedentibus præmittere mihi incumbit. Distinguitur autem à præcedentibus. 1. Situ , annulus hic magis in exteriori inguinis regione atque superiore femoris parte situs , ad commodiorem venæ & arteriæ cruralis decursum , in levi sinuositate ossi ilei insculpta , arcum quasi efficit , dictaque vasa cooperit , & ab injuriis externis defendit , cavitatem etiam ovalem efformat. 2. Numero , hic tantum unus , à ligamento Poupartii & tendine utriusque musculi obliqui formatus , illic tres , vel potius duo sese offerunt : magis à se invicem distincti. 3. Substantia , annulus cruralis intus membrana peritonæi unice , superius tendine utriusque musculi obliqui & ligamento Poupartii , è quo potissimum formatur , extus aponeurosi fasciæ latæ , & integumentis communibus ; illi vero , nempe inguinales fibræ muscularibus atque tendineis à musculis obliquis pariter originem trahentibus ,  
&

& membrana peritonæi firmanantur. Expansioni fibrarum musculi obliqui externi in regione inguinali introrsum pergendum, atque quibusdam in locis fibris musculi obliqui interni ita adhærentium, ut duo illi tendines sine dilaceratione ab invicem separari nequeant, quibus superimponitur elegans fibrarum semicircularium fasciculus; cujus fibræ validæ, tendinæ, ex spina ossis ilei anteriore & inferiore exortæ, oblique transversim ad supremam & exteriorem ossis pubis sinuositatem, instar arcus extenduntur; ut vasa cruralia, ceu sub fornice tuta à compressione lateant, cui in variis corporis atque cruris motibus obnoxia sunt. Dominus *Poupart* hunc fibrarum tendinearum fasciculum, in veterum anatomicorum libris, & præsertim in illo *Vesalii*, quem *Fabricam Corporis Humani* inscripsit, jam dudum memoratum, & accurate descriptum, pro peculiari ligamento, quod suspensorium ab usu appellat, venditavit. vid. *Hist. Acad. Reg. Scient.* 1705. p. 64; cujus existentiam anatomicorum principes perspicacissimi *Joh. Bapt. Morgagnus* *adv. anat.* III. p. 2. atque *Cowperus*, quos clar. *Heisterus* in *comp. anat.* etiam secutus, jam publice negarunt. Hæc species ligamenti à Gallis vocatur *l'Arcade*, quia fornitem vel arcum quemdam satis exacte præ se fert. Quamvis autem illud pro peculiari ligamento modo laudati anatomici non admittant, attamen illud pro peculiari ligamento haberi potest, quia fibræ tendinæ illic robustiores & multiplicatæ à reliquo tendine differunt: revera in lacertosis præsertim subjectis a tendine musculi obliqui descendens distinctum conspexi, & fibrarum semicircularium fasciculum tendinearum sparsum, aponeuroticæ musculi allegati extensioni superexpansum pro annulo crurali formando & firmando ad istum ligamentosum tendinem exporrigi plus una vice in florentissimo theatro anatomico Argentinensi duce excell. & exper. D. D. *Joh. Salzmanno* commendatissimæ famæ anatomico, patrono & præceptore ad dies vitæ colendo observare mihi licuit. Non levem attentionem meretur, atque non sine ratione Sapientia Divina hoc ligamentum trium digitorum transversorum longitudine condidit, eum in finem, ut 1. Arteriis & venis cruralibus, tendinibus musculorum pfoæ atque iliaci, nec non nervo crurali tutum transitum suppeditet, ne in flexione corporis aut cruris, vel tempore graviditatis hæ dictæ partes lædantur; quod facile contingeret, si totum illud ligamentum aponeuroticum æquali inosculacione in isto interstitio à spina ossis ilei usque ad os pubis memoratis vasis annecteretur: nec fornice vel arcu suo interstitium quoddam relinqueret. 2. Ut robur annulo crurali atque musculi obliqui externi conciliet, impediatque, ne levi de causa intestina & omentum prolabi, adeoque herniæ generari queant. 3. Ut totam viscerum abdominalium molem sustentent, & veluti suspendant, ne vel nimium deorsum gravitent, vel etiam delabantur, quam ob causam in *Hist. Ac. Reg. Sc. l. c.* ab autore suo ligamentorum suspensoriorum nomen obtinuerunt; quem usum ut præstare valeant, situs, decursus & connexio eorum non parum conferunt. 4. Denique ossa innominata, quæ in junioribus in tres partes in acetabulo ossis femoris

lineis



lineis adhuc distinctis divisa oculis subjiciuntur, conjungendo & conjuncta servando egregium quoque effectum edunt.

## §. I V.

Supereſt peritonæum abdomini obteſum, ſubteſum vero muſculis modo recenſitis, imprimis tranſverſalibus, quibus cum arcte ſatis connectitur, & non parum roboris & firmitatis imprimis ſupra umbilicum ab eorum tendine emendicat. Pars hæc infimi ventris membranacea, plus minusve tenuis, ſatis tamen valida, firma & elatiica, ex fibris tendineis ligamentofis, nerveiſque contexta eſt, omnia in abdomine contenta viſcera, veluti ſaccus immediate ambiens & in ſinu ſuo fovens. Utut autem firma ſatis & robuſta ſit hæc membrana, à ſuperſtratis tamen muſculis multum roboris acquirit, ne facile laxetur aut diſrumpatur, id quod in vulneribus abdominis, illæſo peritonæo; item in annulis inguinalibus multum relaxatis obſervare licet. Notandum quoque, quod non ejusdem tenuitatis ac craſſitiei ejus textura ubivis ſit. Cum in viris juxta anatomicorum aſſertum à Cartilagine Xiphoide ad umbilicum uſque, in fæminis ab umbilico verſus pubem craſſior evadat. Superficies hujus exterior, qua muſculis abdominis adhæret, aſpera eſt: interior quam maxime lævis & humore perſuſa obſervatur, qui humor à continua exhalatione partium ſeroſarum è viſceribus & pinguium ex omento deducendus. Duplex eſt peritonæum, ſed hujus duplicaturam veteres atque recentiorum quidam in dubium vocare aut plane negare non erubuerunt; quem nodum Gordium facillime unico ictu, non quidem gladii, ſed oculi ſolvit autopſia anatomica; dum illam poſtica in parte, in qua renes, veſica urinaria, ureteres, vaſa ſpermatica &c. ſita ſunt, omnium intuentium oculis ſiſtit. Omnibus imi ventris viſceribus extimam tunicam, craſſiorem nempe illis, quæ extensionem notabilem ſubeunt, uti ventriculo, veſicæ urinariæ, utero; tenuiorem partibus, quæ non diſtenduntur, uti hepatis, lienis &c. largiri vulgo fertur. Duplicatura peritonæi non obſcure demonſtrat, illud duabus gaudere lamellis, nunc arcte, nunc laxè cohærentibus, quibus interſperſa eſt ſubſtantia cellulofa, ſive veſiculofa. Lamella interior verſus inguen craſſior exiſtens, ipſaque inteſtina, ne in ſcrotum delabantur, firmiter continens, annulum, vaſis præparantibus tranſitum præbentem exactè cingit. Hac vero vel nimium dilatata, vel etiam diſrupta, annulis prius dilatatis, bubonocelen aut oſcheocelen producit. Lamella ejus exterior ſuperna femoris ſede perforata vaſa cruralia ad extremitates inferiores tendentia tranſmittit, ubi non nudas perforationes, ſed proceſſus eſſe Cl. *Verheyen* contendit, qui tamen proceſſus non uti in inguine longi ſunt, & multum ad inferiora exporrecti, ſed poſt breviffimum trajectum dictis vaſis firmiter accreſcunt. In regione inguinali eadem lamella exterior ſic dictos proceſſus peritonæi conſtituens vaſa falſo ſic dicta præparantia ad teſticulum uſque comitatur, & quia vaſa memorata, teſtesque inſtar vaginæ

involvit, tunica vaginalis, seu elytroides nuncupatur. Ubi ad epididymides seu paraftatas pervenit, ipsis annectitur fibris copiosis, & claustrum aliquod sibi format, quod testiculum à reliquo vasorum præparantium fasciculo atque abdomine separat, unde flatus, facta prius infra paraftatas incisione, immiffus in partem superiorem tunicæ elytroidis non penetrat. Cæterum num gula, vena cava, arteria aorta, & reliqua, quorum Clar. *Verheyen* meminit, peritonæum perforant, an vero potius ea obducant solum, & postea inverfum rursus descendat, aliasque hujus commatis disquisitiones studio prætermitto. Hoc tantum moneo, quod peritonæi lamella interior annulo crurali superextendatur, & spatium à vasis cruralibus ad inferiora tendentibus relictum intus cooperiat, hacque ratione herniam cruralem, quantum potest, impediatur. Attamen pars intestini ilei vel coli, peritonæo sive paululum dilacerato, quod rarissime contingit, sive supra modum dilatato, descendit, dictamque herniæ speciem satis periculofam ac sæpe lethalem generat. De qua vid. Clar. *Verheyen. Anat. edit. Bruxell. cap. de perit.* Præter modo memoratum peritonæi processum tres alii à lamella exteriori formantur. Duo in viris vasa spermatica, in mulieribus ligamenta uteri teretia includentes extra abdomen demittunt; quos tamen processus in sexu sequiore, non tam processus, quam diverticula nova fæminina vocat & describit dextrimus anatomicus *Nuck Adenogr. C.X. conf. Clar. Joh. Maur. Hoffm. obs. F. N. C. D. III. A. II. obs. 210.* quæ à peritonæo originem habentia ex orificio angustiori in capsulas latiores expanduntur, & naturaliter uteri ligamenta rotunda non solum excipiunt, sed & transmittunt, atque ad clitoridem usque prosequuntur. De quibus processibus hoc adjungere liceat, quod, ubi annulos perforant, plures emittant fibras & membranulas, quæ sepimenta membranacea constituunt, interstitium annulorum à partibus transeuntibus relictum occludentia. Tertius vasa umbilicalia transmittit, quibus abscissis, postea successive satis firmiter coalescit. Priusquam autem id fiat, non raro in infantibus, aut etiam, ubi jam bene coaluit, in mulieribus partu difficili laborantibus extenditur, vel rumpitur, unde intestina & omentum prolabantia exomphalon formant; qui in brutis, quæ centrum gravitatis in umbilico habent, frequentior est, uti supra jam innui. Si qui sunt, qui processus peritonæi vel plane denegant, vel eorum originem ab annulorum membranis deducunt, illos autopsia anatomica contrarium docebit & plenarie convincet. Ne tua B. L. patientia abutar, plura de peritonæo, nihil quicquam vero de partibus genitalibus, utpote à scopo meo aliena, recensere supersedeo.



## CAPUT II.

## §. I.

**P**Artium structura, quantum ad præcipua herniæ phænomena explicanda necessarium esse existimavi, breviter perlustrata: ad herniæ cruralis pathologiam devolvor. Antequam id faciam, onomatologiam herniæ, more recepto, paucis præmittendam esse, arbitror, non multum autem immorabor, ne crambe his cocta & sæpius recocta B. L. nauseam moveam. Herniæ vocabulum, num à græco ἔρνος ramus juxta *Scalig. in Catal.*, unde Latinorum forsan ramex, vel ab hædere sit derivandum, Grammaticis relinquo. Græco vocabulo κήλη plerumque hernia denominatur, addita voce partis, quæ prolapsa est, vel loci, per quem exiit. Latini etiam vocant ramicem seu rupturam, *Castellus* crepaturam; Galli *une descende*, descensum: Germani *einen Bruch*, *einen Leibschaden*. Sed missa onomatologia, ad rem ipsam propius accedo, definitionem, seu potius descriptionem herniæ tradens. Est autem hernia tumor, à partibus è sede naturali & ordinaria prolapsis præcipue in abdomine, vel à dilatatione, potissimum annulorum tum & peritonæi vel ab hujus ruptura, quod rarissime contingit formatus, & variis in locis contingens. Hernia cruralis illa est, quando partes in abdomine fluctuantes eo in loco, ubi vasa cruralia extra abdomen in femur descendunt, prolabantur. Quo magis elucescat, ad quam classem sit referenda hæc nova species; brevem herniarum divisionem prælibare non abs re fore, puto. Herniæ ab autoribus in proprias ab intestinis & omento formatas, & in improprias, seu spurias à sanguine, semine, aquis &c. productas dividuntur. Species herniæ proprie sic dictæ nomina à partibus prolapsis sortitæ sunt: quæ sunt vel omentum vel intestina. Ex his jejunum, atque potissimum ileum omnium facillime, nec non Coli pars in inguine sinistro quandoque elabatur. Hoc vero notandum, quod intestinum jejunum in aliis herniæ speciebus rarius & nonnisi in exomphalo & ventrali erumpat. Ileum autem, quia annulis proximum est, atque liberrime in abdomine fluctuat, in crurali & inguinali ruptura ut plurimum elabatur: reliquis magis superius sitis & pluribus vinculis annexis. Quodsi intestinum solum egreditur, vocatur enterocoele; si omentum tantum, dicitur epiplocephalus, epiplocele; quando utrumque simul elabatur, speciem mixtam constituit, & audit epiploenteromphalus, epiploenterocoele. Inter hernias modo memoratas proprias non infimum obtinet locum cruralis, quæ juxta *Garengeot* non solum frequens, sed frequentissima est, cui asserto contrariari videtur experientia, quæ pauca admodum ejus exempla nobis subministrat, imo & in chirurgorum monumentis rara ejus vestigia occurrunt. Ad has moderni quoque referunt aliam à vesica urinaria, quandoque sed raro in scrotum prolapsa, produc-

tam, de qua vid. *Garengot Tr. des operat. de chirurg. T. I. c. V.* nec non facci lacrymalis dilatationem, oculi ex orbita prolapsus, ventriculi, lienis, uteri, intestini recti procidentiam. An vero hæ ultimæ ad genuinam herniarum classẽ jure referri possint meam litem non facio. Sub herniis propriis militant varicocele, sicubi vasa scroti ut & spermatica instar varicum distenta sunt. Spermatocele, seu hernia in vase deferente à semine abundante congesto orta. Sarcocoele à carnosa, spongiosa massa testiculo adnata producta. Hydrocele, seu aquosa. Pneumatocele, seu ventosa. De quibus videatur *Diff. Dn. Hænel de morb. Scroti Arg. 1723.* habita.

### §. I I.

Hernia cruralis non à partibus prolapsis, sed magis à loco, per quem intestinum elabitur, nomen accepit; hicque potissimum est hiatus ad figuram ovalem accedens sub ligamento *Poupartii*, in interna atque superiore femoris parte locatus: quem vasa cruralia transeunt. Partes egressuræ æque faciliem, ne dicam faciliorem, uti *Garengot* vult, & satis commodum per hunc, quam per inguinalem atque umbilicalem, exitum inveniunt: tum propter insignem hujus annuli amplitudinem, tum ob sinuositatem ossi ilei, in qua ad femur vasa cruralia deferuntur, insculptam: quæ elapsuro intestino viam quasi sternit. *Garengot l. c.* annulo crurali minorem quam inguinali resistantiam tribuit, id quod autopsiæ anatomicæ repugnare videtur. Præter modo recensita nomina cæteris herniis propriis alia adhuc dum à loco, quem umbilicus, inguen, scrotum atque tota fere abdominis circumferentia, facta fibrarum musculosarum violenta divulsione, constituunt, imposita sunt; unde alia umbilicalis seu exomphalus, alia inguinalis seu bubonocoele (quæ etiam imperfecta, vel incompleta appellatur) alia scrotalis, seu oscheocoele (quæ perfecta vel completa audit) & denique ventralis appellatur. Quæ ventralis illa est, siquando ejusmodi tumor à latere umbilici aut infra aut supra eundem contingit, & quidem semper cum peritonæi ruptione. Hæc in reliquis differt in eo, quod partes per annulum antea relaxatum non elabantur, adeoque certum locum non observent, sed promiscue nunc hic, nunc illic prope umbilicum exitum moliantur & inveniant.

### §. I I I.

Quodsi in hernia crurali pariter ac reliquis propriis partium in abdomine fluctuantium sensim & successive egressus sit, annuli multum dilatantur, & repositæ e vestigio rursus prolabantur, & quoniam longum tempus requiritur, hernia inveterata salutatur. Quando autem brevi, atque uno veluti momento prolabantur, ita, ut annulus in superiore parte angustior, in inferiore vero facci fundus amplior sit, recens dicitur. Si quando in  
rami-



ramice crurali, ut & reliquis crepaturis strangulatio & subsequens inflammatio deprehenditur, appellatur hernia incarcerata. Quam strangulationem seu incarcerationem in hernia crurali potissimum superius arcus ille tendinosus, seu ligamentum *Poupartii*, inferius muscoli ossis femoris, potissimum fascia lata seu musculus membranofus, & fortiorius producant. In hac partes prolapsæ quasi in carcere detinentur, comprimuntur & non raro annulo accrescunt, atque sine sectione & operatione sacci hernialis integri reponi vix possunt. Quale exemplum vid. in Diff. Excell. *Elie Camerarii R. D. Mauchart*. Cujus verba hic apponere liceat. Virum hernia crurali mortuum, qui operationem vivus admittere noluit, aperiendo, saccum hernialem sub & a ligamento *Vesalii* strangulatum deprehendi; dissecto illo ligamento saccus ipse superius quasi loro constrictus, ut digitum auricularem, extracto intestino, vix ingerere licuerit: inferius seu in fundo amplior, partem intestini ilei continens. De qua strangulatione notari meretur, quod in hernia crurali frequentior sit, quam in inguinali, utut enim annulus hic amplior quidem sit, hoc extra dubium positum est, illum nempe cruralem firmiorem esse & partes prolapsas magis comprimere, tum & spatium, quo prolabantur, multo minus atque angustius, quam in inguinali esse. Denique hernia cum peritonæi ruptura, quæ novam iterum speciem constituit, vel sine eadem, atque cum relaxatione contingit: quam relaxationem unice in omnibus herniis nonnulli statuunt. De hac id tantum annoto, quod ruptio multo rarior sit, & causam violentam magna cum vi agentem præsupponat. e. gr. ictum hominis vel equi calcitrantis abdomini inflicto; qualem casum Lutetiæ Parisiorum conspexit Vir Excell. atque Exper. *D. D. Salzmannus Anat. atque Chirurg. P. P. O. longe Celeberrimus Dominus Patronus, Fautor atque Præceptor nunquam non devenerandus, hospes honoratissimus*. In quo plurima intestinorum pars uno veluti momento in scrotum prolapsa: alium fere ventrem præ se ferebat, abdomine ordinario omnino collapsio. Quam peritonæi rupturam ut plurimum ejus dilatatio præcedit.

## §. I V.

Hernia cruralis ab inguinali ratione sacci contenta involventis differt. In illa simplex saccus visui offertur; in hac vero duplex, præter alias quasdam partes, quibus hernia cruralis destituitur. Saccus contenta in crurali ruptura ambiens ab utraque lamella peritonæi & prolongatione ejus formatur. In ramice inguinali vero unus saccus naturalis, alter p. n. occurrit. In naturali seu externo vasa spermatica in viris; in sexu sequiore ligamenta uteri rotunda latent, e lamella peritonæi exteriori originem trahens. Internus p. n. à lamella interiori sensim & successive magis productus; & primum farciminis, postea ulterius descendens cucurbitæ minuscule figuram induit: ille ipse intestinum & omentum elapsum immediate

instar facci includit ; unde saccus internus appellatur , ideo , quoniam hunc adhuc alius , nempe externus cingit. Parte postica vasis spermaticis immediate , parte autem antica sacco externo adhæret. Saccus externus multo crassior est interno , hanc vero crassitiem membranæ cuidam robustæ & validæ in statu naturali sacco externo solum , in p. n. vero utrique superextensæ & externo firmiter adhærenti debet , quæ à fibris musculi obliqui ascendentis & descendentis , hunc saccum immediate ambientibus exoritur , & a quibusdam membrana aponeurotica appellatur. In plures lamellas quoque à peritissimo anatomico separari potest. Inter utramque nempe externam atque internam lamellam interspersam esse substantiam cellulofam supra indigitavi. Hæ cellulæ cum membrana pinguedinosa scroti præter naturam inflatæ procreare foliola , quæ à Gallis vocantur des feuillets : quorum separatio operatori in herniotomia ante facci hernialis apertionem non parum negotii facessunt. Quam tandem musculosa scroti membrana , dartos dicta , atque integumenta communia excipiunt.

## §. V.

Causæ herniam cruralem efficientes , jam mihi recensendæ veniunt. Quarum plurimæ cum aliis ramicibus communes videntur. Et sunt vel externæ , vel internæ. Harum 1. Est nimia partium internarum , nempe intestinorum , vel etiam annulorum lævitas. 2. Res abdominis viscera vel distendentes , vel etiam comprimentes , uti flatus conclusi , urina retenta , ingravidatio , quæ ut plurimum circulationem sanguinis in vasis cruralibus , præcipue in vena , varicosam dispositionem sæpius referente , ob uteri distensionem & compressionem , impedit. Hinc 3. Serum stagnans , quod in hydrope ascite observare licet , peritonæum , musculos , tendines atque ligamentum *Poupartii* , fibrarum atoniam inducendo , relaxat , atque hac ratione herniæ cruralis causa existit. Quæ fibrarum imprimis illarum , quæ annulos formant , relaxatio præcipuum inter causas locum obtinet ; annulis quippe intestina in debito situ non continentibus , irritus est peritonæi conatus. 4. Nimia corporis obesitas quoque multum disponit ad herniam producendam. Ad causas externas referri merentur 1. Ingens aëris cohibitio , in qua diaphragma deorsum premitur , & musculi abdominis ad interiora agunt ; hinc viscera infimi ventris fortiter comprimuntur , atque sufficienti spatio destituta foras ex abdomine eniti quovis modo tentant. Quod evidentissime in tussi ferina , sermone fortiori & diu protracto , tubarum inflatione , oneris gravioris gestatione , partu laborioso , fæcum induratarum excretionem , vomitu contingere videmus , quas ultimas actiones , ubi edimus , monendum est , digitis utrique annullo impositis , herniam præcaveri posse. 2. Diæta pinguior , seu potius abusus pinguium , butyri , adipis , olei ; unde hoc malum Helvetiæ incolis fere endemium est. De quo vid. *Diff. D. Freytag. de Hern. Helv. incol. frequentiss. Arg.*



1721. *hab.* Huc quoque spectant cibus & potus fermentescens, aut alia ratione flatibus occasionem præbens. v. gr. legumina, olera: inter potus genera præ omnibus referri meretur cerevisia frigida, avido haustu ingesta, vel non defæcata, aut ex avena absque lupulo parata, unde sæpius colica oritur, quæ, si diu durat & vehementior fuerit cum crebris vomitibus, in herniam cruralem tandem transit, id quod seq. exemplo comprobavit medicus & practicus Argentoratensis, dum viveret, primarius & alias felicissimus, qui Anno 1718. postquam plurimos ægros invisens per totam urbem discurrebat, & Sirio tunc temporis maxime ardente multum incaluerat, cerevisiam frigidissimam magno pariter ac avido haustu ingessit. Unde paulo post colica cum immensi ventris dolore corripitur, quam vomitus continuus & tam enormis excepit, ut ab insigni, quem fecit, conatu & nisu in latere dextro intestini ilei portio in anulum cruralem cum vi intruderetur: quo facto tumor ovi majusculi magnitudine in sede femoris superna non oblique juxta inguinis decursum, sed recta magis deorsum exporrectus observabatur; duobusque digitis transversis à convexo abdominis habitu distans & distinctus. Idem hic tumor, quia nullum funiculum s. pyrobolum externa specie referebat, qualis ordinarie in bubonocèle videre est, tum ab aliis rerum anatomicarum æque ac chirurgicarum gnaris, tum ab ipso ægroto non ab intestino in hunc locum prolapso, sed à glandula obstructa & tumefacta formari credebatur; utut à *Domino Lemaire*, *Viro*, quem ob eximiam & profundam in chirurgicis scientiam maximi æstimo, qui hac in re quoque consulebatur, e symptomatibus, quæ jam tum aderant judicaretur, malum herniam incarceratam, & quidem cruralem esse, illudque absque operatione curari non posse, assereretur. Quare id potissimum egit, ut ægro persuaderet, quo operationem fieri consentiret. Ille vero renuit, per aliquod tempus expectandum esse ratus. Interea per octiduum varia remedia, quæ in ejusmodi casu pro mitigandis symptomatibus in usum vocari solent atque debent, adhibita fuerunt: cum vero ab eorum usu nequicquam levaminis sentiret æger, insuper e superveniente singultu & vomitu stercoreo facile conjiceret, se in maximo vitæ periculo versari, annuit tandem imo & jussit, ut operatio administraretur. Id quod undecimo morbi die, quo non obscura sphaceli indicia, nempe sudor frigidus cum summa virium prostratione conjunctus jam aderant, factum est. Incisione instituta pars intestini ilei denudata livida & nigra intuentibus apparuit, atque suspicionem de sphacelo antea conceptam confirmavit. Quia vero via, quam intestinum elapsum fecerat, notabilis erat & longa, hoc etiam à ligamento Poupartii atque à tendine utriusque musculi obliqui valido multumque tenso superius, inferius vero à musculis femoris admodum strangulabatur, & in angustias coactum erat, dilatatio necessaria esse videbatur, qua facta & intestino intra abdomen reposito, symptomata, vomitus scilicet & singultus cessarunt quidem, alvus etiam referata est, & juscula cum aliquali appetitu assumpta, nihilomi-

nus æger ob præsentem in intestino sphacelum intra biduum animam efflavit. Cadavere post mortem aperto sphacelosa dicti intestini constitutio oculis sese apertius exhibuit, & quod consideratione dignum maxime videtur, jejuni intestini portio interstitio inter peritonæum & transversum abdominis musculum paulo supra anulum impacta & incarcerata erat, partibus tensis eam valde comprimantibus, peritonæum etiam à musculo nominato semotum conspiciebatur cavitate in medio relicta, id quod tamen non impediit, quo minus contenta utpote liquidiora per dicti intestini canalem deorsum progredi potuerint. Ex allegata historia abunde patet, quam necessarium sit, ut in ejusmodi casu operatio mature & in tempore suscipiatur, & quantum vitæ periculum immineat, si illa ipsa in ultimam necessitatem rejicitur. 3. Vehementior corporis concussio, nempe casus ab alto, saltatio, cursus, equitatio, venus immodica, & omnia violenta corporis exercitia: quæ ut plurimum herniæ incarceratæ causa evadunt. 4. Ictus validior abdomini inflictus, vel à ligno vel à lapide, vel homine aut equo calcitrante, lapsus item in abdomen. Quibus motibus musculi abdominis vel active vel etiam passive agentes, potissimum circa umbilicum viscera undique comprimunt, & in arctum cogunt, ita, ut exitum quærant; quem neque superne ob diaphragmatis motum contrarium, neque postica in parte abdominis, ob ossium resistantiam inveniunt: quare in inferna ejus regione maximum impetum faciunt; & si annuli inguinales vel crurales dilatati jam sunt, vel relaxati, adeoque debite ii resistere non possunt; peritonæo facile dilatato, sæpe memoratæ partes foras erumpunt, quem mechanisum *Garengeot l. c.* multis explicat. Sic & subjectorum differentia consideranda est, sexui quippe sequiori familiarior est hæc herniæ species, quia, quod bene notandum, annuli inguinales in hoc angustiores, quam in virili observantur, eo, quod ligamenta uteri minus quam vasa spermatica volumen constituunt.

## §. V I.

Postquam in præcedentibus diversas herniæ cruralis species, necnon causas illam efficientes enarravi, rei ratio postulat, ut de signis, illam comitantibus, nonnihil in medium proferam. In hernia crurali eo in loco, ubi vasa cruralia ex abdomine egrediuntur, sese offert tumor, non oblique juxta inguinis decursum, sed recta magis deorsum exporrectus, ut plurimum nullum funiculum externa specie, qualis ordinarie in bubonocoe observatur, referens, conjunctus cum stupore ossis femoris; præterea compressa vena refluxus sanguinis ab extremitatibus inferioribus impeditus aliquatenus est: hinc vena cruralis externa ut plurimum dispositionem varicosam induit. Et hæc sunt signa generalia, dantur vero etiam alia, quæ singulas species à se invicem distinguunt. Quodsi enim intestinum elapsum est, tumor lævis, æqualis,ensus & firmus observatur:

pres-



pressusque, vestigia sui non relinquit, sæpe vero sonus & borborygmi audiuntur; quos etiam dolores colici atque irritus ad sedes conatus pressus pede sequuntur. Idem tumor prope basin angustior est, & versus verticem ampliatur. In prolapsu vero omenti, quod in hernia crurali rarius fit, tumor est mollis; *er ist gleichsam wie Fett anzugreifen*, & magis inæqualis, non adeo tensus, ad verticem sensim extenuatur, pressusque foveas diutius servat; alvo etiam libera, & ventriculo vacuo, vomitus sæpius supervenit, quem plurimi à longiore extensione omenti, ventriculi fundum trahentis & vellicantis deducunt; quo motu perpetuo, ventriculo molesto, ad vomitum irritatur. Hernia cruralis difficulter sæpe dignoscitur ob glandularum inguinalium viciniam, quæ ut plurimum aliquatenus tumefactæ sub specie bubonum imponunt. Exactam diagnosin, quænam pars proprie elapsa sit, porro tum impediunt humores serosi in sacco majori vel minori in copia non raro collecti, necnon inflammatio sive strangulatio, quo in casu parum refert nosse, utrum ab intestino, an omento sit; quia operatio semper requiritur. Incarceratam alias indicat, quod partes prolapsæ nulla vi & encheiresi intra abdomen reponi possint. Si omentum elapsum est, res tanti momenti non esse videtur, quam si intestinum, tum quia vasa in hoc magis luxuriant, tum etiam, quia intestinum corruptum non æque ac omentum extirpare licet. Quod si à pondere intestini, prolongatio mesenterii Gallis *allongement du mesentere* concurrit, aut inflammatio, vel gangræna jam præsto est; chirurgus operationem suscipiens famæ suæ ægrique vitæ male consulit. Partibus in hernia crurali à spasmodica constrictione memorati ligamenti compressis & veluti jugulatis, seu ut clarius loquar, hernia simplici conditionem incarceratæ induente tumor major, durior, & magis tensus est, calor tum loco affecto, tum in toto corpore atque pulsus exterius valde sensibilis frequens & durior observatur: stupor femoris atque constrictiones spasmodicæ in extremitatibus inferioribus ingentes & anxietates superveniunt. Quæ symptomata à stasi sanguinis, & hæc à circulatione ejus in vasis cruralibus impedita ortum trahunt. Hancce è vestigio color cutis lividus, tumor mollis & indolens, respiratio frequens & cum sufflamine conjuncta, singultus, gangræna & sphacelus pressus pede sequuntur. Denique si ægri immorigeri operationem sustinere quovis modo recusant, & mortem expectare malunt: non tantum vomitus simplex brevi post assumptos cibos ingruens, sed & stercoreus cum antecedentibus conjunctus, à compressione intestini facibus transitum denegantis certissimi mortis prodromi tristissimam tragediam claudunt.

## C A P U T I I I.

## §. I.

**M** Edico - chirurgus , ut operationem valde laboriosam , periculosam , atque ægrum exquisitissimis doloribus excruciantem amoliat , omni ope eo allaboret , ut pars non ita diu elapsa repositione , blanda manuali pressione instituta , reducatur , atque per commodum bracherium intra corpus detineatur. Hernias bracheriis absque operatione radicaliter curatas experientia quotidiana docet : subjuncto remediorum annulum consolidantium usu & externo & interno. Quod quam maxime in ætate infantili , juvenili , & rarius in virili , & rarissime in decrepita locum habet , item si hernia recens , neque incarcerata est , subligacula auxilio esse solent. Post annum vigesimum quintum vel trigesimum vero subligacula non tam curant morbum , quam id potius efficiunt , ne majora malum incrementa capiat. Optima bracheria sunt illa , quæ oblonga sunt , & annulos probe comprimunt ; per longum tempus sunt gestanda. In hernia crurali non tam bracherium , quam potius fascia vel uniens vel alia bene comprimens applicetur magis in parte femoris superiore interna , neque tam firmiter constringenda , ne vasa cruralia nimium comprimant , atque circulationi sanguinis obicem ponendo varia mala inducat. Curam transplantatoriam , quam plerique rejiciunt , ego non omnino improbarem , quia experientia teste plures infantes sic curatos esse constat. Quod si vero manuali pressioni pars prolapsa non cedat , chirurgus illam semel iterumque suscipere absteineat , ne à vi adhibita inflammationibus ansam præbeat. Manuali repositioni ut plurimum flatus , necnon fæces induratae intestinum replentes impedimento sunt. Hæ clysteribus emollientibus vel leniter stimulantibus sæpius reiteratis sunt tollendæ ; quos aliqui improbant eam ob causam , quia intestina magis distendunt , eoque locum angustiores reddunt ; illis vero remediis carminativis rite usurpatis , quantum in artis potestate est , obviam eundum est. Diæta tenuis & quies maxime inculcandæ sunt. *Garengeot l. c.* cataplasmata resolventia , atque emollientia parti affectæ calide applicita egregium edere effectum asserit. A quibusdam quoque balnea seu infusus & fots e variis emollientibus parati commendantur. Quod si inflammationis metus imminet V. S. instituatur. Purgantia , uti in omni corporis prolapsu , ita & in hernia cane pejus & angue sunt fugienda. Regio inguinalis , imprimis ubi annulus cruralis situs cum oleis emollientibus , strictas partes laxas reddentibus , inungatur. Medicamenta præscripta ut plurimum contenta in tumore integumentis proxime substrata emolliendo , atque ingressum in abdomen facilitando effectum exserunt laudabilem.



## §. I I.

Hiscæ omnibus rite applicitis iterum repositio post aliquot horas tentetur ; patiente corpore supino , capite declivi , & crure affecto erecto , jacente. Chirurgus alteram manuum firmiter arcui tendinoso seu ligamento *Poupartii* imponat cum in finem , ut partis modo repositæ egressus impediat. Altera manu tumorem recta sursum , & parum antrorsum , vel juxta methodum D. *Petit*, quam *Garengeot* l. c. allegat, parum versus os pubis premat , quia annulus , per quem vasa cruralia exeunt , huic regioni pubis propior est. Huic vero manuum tentamini hernia non respondente , præscripta medicamenta denuo in usum trahantur. Quodsi vero hæc omnia irrita atque incassum adhibita sunt , & nulla reductionis spes superesse videtur , funesta tamen symptomata urgentia adsunt , ad operationem accedendum. Priusquam autem illam aggrediatur operator , omnia parata habeat , ne illa nimis diu protrahatur , ægerque doloribus confectus & viribus fatiscentibus pereat. Ad hanc operationem autem , quæ ab illa , quæ in inguine instituitur , nonnisi in quibusdam diversa est , requiruntur scalpellum rectum , aliudque mediocriter curvum , vel scalpellum incurvum & angustius intra canaliculum delitescens , Gallis *bistouri caché* dictum , insuper cultellus separatorius obtusus iisdem Gallis *dechaussoir* dictus , vel rectus vel incurvus : forfex recta , altero crure globulo munita , specillum item fulcatum , & ne partes lædantur , altero sui extremo clausum & obtusum , acus chirurgica curva cum filo cera obducto ; linteum carptum , plura alia linteorum frusta , splenia triangularia , quorum unum altero minus , quæ Gallis *compressees graduées* audiunt. Vinum aromaticum , spiritus vini camphoratus , albumen ovorum cum alumine vel bolo mixtum. Denique catheter pro urina , si opus est , evacuanda , & siphon clysmaticus pro educendis fæcibus ad manus sit.

## §. I I I.

Pilis si adsunt , abradis ; & memoratis impedimentis sublatis : supinus collocetur æger , declivi capite , crure affecti lateris parum inflexo , natibus elevatis ; ut cutis atque arcus tendinosus paululum laxetur. Operator , alterius manus pollice atque indice mediani cutis portionem plicatam , & reliquam à ministro in latere opposito elevatam , incidat non longitudinali , ut in hernia inguinali , sed transversali sectione secundum ligamenti *Poupartii* transversum , & paululum obliqua ad ductum flexuræ femoris. Quod dum peragitur , caute procedendum , ne ramus cruralis exterior , mox sub cute latens , lædatur. Quodsi cutis adeo tensa est , ut digitis prehendi & plicari non possit , duobus digitis illa longitudinaliter ulterius tendatur , ut incisio transversalis super tumore institui possit , ubi iterum magna circumspeditione opus est. Remotis digitis facta incisio pro rei & circumstantiarum necessitate vel scalpello latente , vel ordinario specillo fulcato immisso est dilatanda , & pinguedo non scalpello , sed cultello separatorio ; vel unguibus digitorum , quod à pluribus fieri solet ,

est separanda ; ne sectione vel violenta dilaceratione intestinum aut vasa, præprimis præsentente peritonæi ruptura, quod vero, ut jam sæpius innui, rarissime observamus, vulneretur. Quo facto, sacculus, si adest, scalpelli cuspe sursum elevetur, ei vel uno ex supra recensitis scalpellis, vel forfice exiguum vulnus infligatur, ut specillum fulcatum immitti queat. Cujus sulci ductu vel scalpello, vel forfice sacculus partem prolapsam continens tota sua longitudine difsecetur. Quodsi vero instrumento, quod *bistouri caché* supra appellavimus, utimur, neque specillo, neque scalpello, neque forfice opus habemus, & majori cum securitate operamur. Cavendo, ne intestinum, vel vasa, statim se offerentia, discindantur. Quodsi vero incaute vas insigne læsum, illud est ligandum. Si quidam vasorum ramuli cutanei difseci fuerunt, applicatione lintei carpti vel sicci, vel spiritu vini imbuti, proficiens sanguis sistatur. Sunt, qui pulverem stypticum in usum quoque vocant, quo tamen carere possumus. Illo vero in casu, in quo hernia, cum peritonæi ruptura complicata est; uti sacculi incisione, ita & cautelis præscriptis opus nullo modo esse, quivis facile judicabit. Intestinum quippe nude sub integumentis occurrens, annulo id admittente, in abdomen reponitur. Angustia vero annuli intestini in abdomen intrusionem denegante, ad dilatationem pariter confugiendum; de qua re mox agam. Quodsi strangulatio abest, aliqui partes in sacco contentas, hoc non aperto, in situm naturalem reponunt, quam methodum novam quidem vocat *Garengeot l. c.* sed brevi non paucos affectas habituram esse auguratur.

#### §. I V,

Partibus in sacco jam nudis oculis se sistentibus examinandum venit; utrum intestinum, vel omentum, quod in hernia crurali rarius egreditur, elapsum sit? Quodsi omentum è sede sua prolapsum nigrum atque emortuum apparet, huic vel vinum aromaticum, vel spiritus vini camphor: aspergatur, atque in sana parte paulo supra illam, quæ gangræna atque sphacelo affecta est, omentum prius filo acui trajecto atque circumvoluto ligetur, atque extirpetur; eadem prorsus ratione, qua in hernia inguinali idem peragitur. Ligamentum sæpius memoratum spasmodice constrictum, ut & intestinum vel omentum eidem firmiter impactum annuli angustiam producit, atque intrusioni violentæ ansam præbet; hinc nonnisi, facta prius ligamenti dilatatione, elapsa reponi queunt. Hic vero annulus immisione specilli fulcati, & scalpelli incurvi in sulco hujus ducti; vel si huic aditus non datur, unguis solius applicatione dilatetur: vel quod melius est, annulus ope instrumenti supra descripti *bistouri caché* dicti, eidemque immissi, altero sui extremo sursum elevati, altero circa manubrium depressi, moxque extracti, obliqua incisione versus os ilei amplietur. Intestinum elapsum, antequam reducatur, linteo vino aromatico imbuto foveatur, ne labem contrahat. Quodsi gangræna correptum & corruptum est intestinum, præstat manum de tabula remove, quia omne tentamen irritum prorsus est, experientia teste,



teste, nisi forsan hoc unicum valde periculosum atque anceps remedium superest, ut pars corrupta rescindatur, & residua sana integumentorum labiis affluatur, quo facto fæces jam non per anum, sed ex aliqua abdominis parte exeunt. Sed nec hæc encheiresis voto vel chirurgi vel ægri in omnibus respondet. Pars intestini recta sursum & parum introrsum versus regionem pubis prematur: si fæces induratae obstaculum præbent, digitis illæ removendæ, si flatus, portio intestini extrahenda, ut major eis locus concedatur, atque intestinum mollius evadat. Reducta hoc modo parte intestini minister linteum vel spiritu vini calido, vel vino aromatico imbutum annulo apponat, ne id, quod modo repositum fuerat, rursus elabatur. Annulum, quo magis coarctetur, in superiori limbo aliquot incisionibus scarificandum hic esse, æque ac in inguine Galli volunt, an vero finem, quem sibi hac in re proponunt, semper assequantur, inde dubitare licet, quod paucae hæ incisiones annulo, maxime si in hernia inveterata multum dilatatus fuerit, sufficienter constringendo impares esse videantur, unde fit, ut æger sæpe citius vel tardius idem malum incurrat. Inutiles sacci reliquiæ vel duplici vel triplici filo probe cerato fortiter constringantur, atque à partibus contiguis separentur: quæ constrictio impedit, quo minus sæpius recensitæ partes in posterum relabantur, cui velificatur non parum sacci ad annulum accretio. Sed cavendum sedulo est, ne vel arteria vel vena cruralis, vel nervus, vel etiam tendines musculorum una ligentur; unde gangræna atque motus spasmodici oriri facile possunt. Intestino in abdomen reposito turunda medicamento aliquo defensivo prius, post digestivo imbuta, atque filo extra vulnus propendente prædita annulo non tam inferatur, quam cum aliquali vi intrudatur; linteum carptum huic turundæ circumponatur; reliquum vulneris eodem linteo carpto impleatur; post splenia plura triangularia vino aromatico imbuta, quorum unum altero minus sit, & minimum immediate loco affecto imponatur & applicetur. Totus apparatus firmetur fascia, quæ spica audit, magis inferius, quam in hernia inguinali applicanda, & quidem circa finem inguinalis regionis, atque internam & superiorem femoris partem, ita autem applicetur, ut spica directe annulo superincumbat. Crus, cui fascia applicatur, debet esse flexum, quo illa magis firmetur, ubi hoc extenditur, quæ e contrario relaxatur, sicubi alia ratione applicatur. Ægri vires post operationem cordiali potione, atque jusculis e carne paratis refocillantur, ut & alimenta eupepta toto curationis tempore exhibere convenit. Quieti tradatur æger, capite humiliore existente, ne intestina super annulum multum gravitent. Minister tum mox post factam reductionem, tum etiam sequentibus deligationibus annulo manum, ob metum novi prolapsus, applicet; ante secundum vel tertium diem, symptomatibus gravibus & funestis non accedentibus, deligatio non est removenda; in sequentibus deligationibus turunda atque plumaceoli vel spiritu vini camphorato, vel unguentis digestivis imbuti, & splenia gradatim disposita, atque fascia spica

dicta applicentur ! Sicque ultimis diebus , uti in vulnere ordinario consolidatione toti curæ , si res bene cedit , imponatur

F I N I S .

---

C O R O L L A R I A .

1. *Lienis usus medicis nondum satis perspectus est.*
2. *Graviditas ex sola urina non cognoscitur.*
3. *Signa ex sanguine per venam sectam emissio defuncta fallunt.*



D I S .



L X X I I.

DISSERTATIO  
MEDICO-CHIRURGICA,  
*D E*  
HERNIA VESICÆ URINARIÆ.

*Quam Præside*

D. JOANNE SALZMANN,

*Tuebatur.*

JOAN. PETRUS DIVOUX,

COLMARIÆ-ALSATIUS.

Argentorati 12 Augusti anno 1732.





## T H E S. I.

Cum nemini non constet, rectum normam esse obliqui; antequam ad herniæ vesicæ urinariæ, de qua impræsentiarum agere nobis animus est, pathologiam devolvamur, non male nos acturos esse speramus, Anatomicam partium affectarum prælibare descriptionem. Etenim suo jam tempore medicorum princeps Hippocrates [a] dixit: *Natura corporis principium sermonis in arte medica sit. Neminem etiam ignorare arbitratur Jo. Conrad. Barchusen [b] neque medicinæ neque sapientiæ studiosos posse de corporis humani statu tam sano, quam morbo differere ex amissim, nisi extrinsecam juxta & intrinsecam corporis structuram habuerint quoque perspectam.* Cum quo apprimè consentit Carol. Drellincurtius [c] de anatomia, vero totius medicinæ oculo & fidissimo clavo ita loquens: *Quæ anatomies luce atque beneficio non fruitor, morbis tamen gravioribus curandis sese accingit, tanquam nauclerus oculis & mente captus, citra clavum & navigatoriam acum, æstuosum atque procellosum in aquor vela pandit naufragium tandem misere facturum.* Egregie sane dicta; quis enim statum præternaturalem facile dignoscet? Quis symptomata morbum, ut umbra corpus, sequentia feliciter enucleabit, justam veramque prognosin indigabit, tandemque salutarem medelam ægrotantibus cito, tuto & jucunde afferet, statu naturali non probe cognito atque perspecto?

## T H E S. II.

Organum principalius affectum atque hocce in morbo potissimum considerandum vesica urinaria est. Verumenimvero cum naturalis partium inum ventrem aliquibus in locis investientium conformatio, non in notitiam solum affectuum istis accidentium nos deducat, sed etiam quomodo & per quas vias dictæ partes prolabi queant, & re ipsa prolabantur, doceat; operæ pretium fore arbitramur, de iisdem sermonem etiam facere. Ad hanc classem pertinere musculos abdominales, nemo, qui anatomix modo & chirurgiæ limina salutavit, inficias ibit. Quorum quinque paria in anatomicorum scholis plerumque demonstrantur: oblique descendens [d], quod omni laude major Herm. Boerhaave [e] obliquum exterius, alii obliquum majus appellitant; oblique ascendens [f] vel juxta modo laudatum Boerhaave [g] obliquum inferius, secundum alios obliquum minus, transversum [h] rectum

[a] Libr. de loc. in hom. §. IV.

[b] Hist. med. Dialog. III.

[c] Prælud. anat.

[d] Vesal. libr. II. tab. I. Eustach. tab. 28. Heist. comp. anat. §. 205.

[e] Institut. med. §. 86.

[f] Spigel. lib. IV. tab. 10. Eustach. tab. 32. Heist. l. c.

[g] l. c.

[h] Vesal. libr. II. tab. 5. Eustach. tab. 33.

Tom. III.

rectum [*i*] & pyramidale [*k*]; octo muscoli priores à fibrarum vel oblique, vel recta, vel transversim excurrentium, seque invicem interfecantium tractu nomina sua acceperunt; duo posteriores appellati sunt à figura, qua haud inepte pyramidem referunt, qui vero muscoli mox plane deficientes, mox alteruter in uno tantum latere sese conspiciendum præbens [*l*] æque ac recti, cum ad institutum nostrum nihil faciant, iisdem non immorabimur. Reliquorum vero musculorum, abdomen ab injuriis externis munientium atque firmantium, potiore habendam esse rationem omnes uno ore confitentur. Ne autem, quæ supervacanea videntur, in medium proferamus, horum musculorum origini atque insertioni recensendæ supersedemus; potius perlustraturi, quomodo herniis hæ partes faveant.

## T H E S. I I I.

Conferunt autem modo enumerati muscoli suum ad hernias symbolum ea parte, qua perforati sunt, id est, quatenus partibus egressuris transitum quandoque concedunt. Tribus vero id fieri locis autopsia anatomica comprobatur, quæ musculorum perforationes hiatus vel annuli nuncupantur. Quorum primus, reipsa annulus dicendus, est in medio abdominis in linea ab *Adr. Spigelio* alba dicta, inter utrumque musculum rectum, efformaturque à tendinibus musculorum oblique descendentium & ascendentium, nec non transversalium unitis, accedente nonnunquam tractu tendineo musculi recti transverso, quorum plures sunt & inscriptiones vocantur. Transitum præbet hic hiatus vasis, nempe venæ uni & duabus arteriis in funiculum compactis, fætui in utero hospitanti nutriendo dicatis, atque in scholis medicorum umbilicalibus nominatis. Postquam vero fætus ex uteri ergastulo in liberiores auras erupit, inque theatrum mundi editus est, occluditur & obturatur, usu dictorum vasorum cessante, fætuque per alias jam vias nutrito, nihilo tamen fecius, præprimis in juniore ætate, accedente causa vel externa vel interna violenta annulus hicce dilatatur, atque partibus exitum molientibus eundem concedit, simulque herniæ umbilicali favet. Alterum hiatus musculis abdominis insculptum & figura ovalem quod concernit: notum est, eum in interiore inguinis regione magis situm obtinuisse, ubi herniæ parvæ quidem, sed lethales [*m*] oriuntur, transitumque vasis, extremitatum inferiorum nutritioni inservientibus præbere, quæ in medicorum scholis cruralia audiunt. Unde efformetur hic annulus nondum extra con-

[*i*] Spigel. lib. IV. tab. 8. Eustach. tab. 28. Heist. comp. anat. §. 205 multi anatomicorum rectum in plures musculos subdividunt, unde 7. 8. 1. 9. musculorum paria enascuntur.

[*k*] Fallop. instit. anat. pag. 431. Bidloo tab. 32. fig. I.

[*l*] Heist. l. c. ut & icones horum musculorum nitidissime delineatas vid. in Cowperi Myotomia.

[*m*] Verheyen. anat. tract. II. cap. 7. & tab. 10. ubi locus bacillo immisso notatur.



controverſiæ aleam poſitum eſt. *Dn. Poupartius* [ *n* ] hunc hiatum à ligamento robuſto, è ſpina anteriore offis ilei ad ſupremam offis pubis partem expanſo, formari ſtatuit; verum aliqui primi ordinis anatomici non modo huic ſententiæ non ſubſcribunt, ſed huius ligamenti exiſtentiam diſertis verbis negant, quos inter eminent *Perſpicaciſſimus Jo. Bapt. Morgagnus* [ *o* ] & *Dexterrimus Conperus* [ *p* ] aſſerentes illud potius eſſe imam oram ſeu limbum tendinis muſculi oblique deſcendentis, quod aſſertum exoſculatus quoque eſt *Celeberrimus Heiſterus* [ *q* ]. Alii vero pro peculiari ligamento illud haberi poſſe autumant, eo quod autopſia teſte, ( I ) multo craſſius & firmitus eſt quam dicti muſculi aponeuroſis. ( II ) fibræ illius magis albicant; quam li-tem noſtram non facimus, hoc unice addentes, quod in fæminis validius illud exiſtat, & ab hoc ſive ligamentum ſit, ſive ima tendinis muſculi obliqui externi ora, annulus ovalis ſive hiatus cruralis generetur. Vocatur à Gallis *Parcade*, quo tamen jure cum figura fornicata comparari queat; nos hic non diſpiciemus. Quidquid ſit, admiranda Summi omnium rerum Condi- toris Sapientia mechanica hac ſtructura cautum eſt, ne partes in abdomine liberius fluctuantes, levi cauſa, eaque violenta prolaberentur & herniæ ge- nerarentur; totam quippe viſcerum imi ventris molem quaſi ſuſpendit & ſuſ- tentat hoc ligamentum, unde & ſuſpenſorium [ *r* ] vocatur, atque robore ſuo ligamenti munus re ipſa præſtat, cujus ſuo jam tempore, utut non ſub ligamenti nomine meminit *Andr. Veſalius* [ *s* ] illudque *Gabr. Fallopius* clarius deſcripſit [ *t* ]. Annulus hic à quacumque cauſa violenta dilatatus partibus inde egreſſuris viam pandit, & herniæ crurali anſam præbet atque occaſio- nem, nempe herniis iſtis parvis lethalibus, de quibus ſupra jam dictum.

## T H E S. I V.

Supereſt tertius adhuc conſiderandus annulus, quem proceſſus perito- nœi in viris, vaſa humani generis propagationi dicata involventes, in mulie- ribus ligamenta uteri rotunda ſeu teretia, vaſcuſoſa recentioribus credita trajiciunt. In his capacitate minor & ſitu inferior eſt, quam in viris, in u- troque ſexu inferius anguſtior, ſuperius ampliior obſervatur. In ſtatu præ- ternaturali omento, nec non inteſtinis inde egreſſuris tranſitum haud dene- gat, frequentius in viris, quam in fæminis ob rationem modo allegatam. Formatur hoc foramen ( I ) à muſculo oblique deſcendente ſeu externo, quod non tam annularis quam ſemiovalis figuræ, duos circiter digitos tranſ- verſos longum & dimidium fere latum eſt, à duabus ejus aponeuroſis appen-

M m 2

dici-

[ *n* ] Hiſt. Acad. Reg. Scient. an. 1705. p. 64.[ *o* ] Adverſ. anatomic. III. animadverſ. I.[ *p* ] Myotomia nova p. 2. & tab. 14. & 15.[ *q* ] Compend. anat. nota IV.[ *r* ] Hiſt. Acad. Reg. Scient. ann. 1705. p. 64.[ *s* ] Fabric. corp. hum. libr. II. p. 31.[ *t* ] Inſtit. anat. de muſc. abdom.

dicibus seu ligamentis, columnæ, Gallis *Piliers* dictis, construitur, cujus margines firmiores & fimbriam velut constituentes fibris tendineis à fascia lata venientibus debentur, ab iisque non parum roboris acquirunt. Dictæ columnæ, quæ in supernam & infernam non male distinguuntur, ex uno latere in alterum progressæ crucis in modum se invicem decussant, ossique pubis firmiter annectuntur [v]; in adulto illud folii myrtini magnitudinem [x] adæquare potest. (II) ab oblique ascendente seu interno, cujus fibræ carneæ prope connexionem cum externo à se invicem secedentes iisdem partibus commeatum largiuntur. Quandoque inter istas & manipulum fibrarum ad musculum cremasterem pertinentium vasorum funiculus decurrit. *Nic. Blegny* [y] cum multis aliis tertium addit in musculo transverso, quem magni nominis anatomici non admittunt. Præ aliis *Illustr. Jo. Bapt. Morgagnius* [z] qui transversæ præsertim tendinem non foramine, neque, ut oblique externi tendo solet, dimidiato foramine pertusum, sed integro suo inferiore limbo iisdem processibus transversim superpositum se invenisse perhibet. Proinde vasa spermatica eundem non penetrant, sed sub ejus limbo versus os ileum pergentia ad latus externum emergunt. Cognitio situs annulorum in reductione partium loco motarum magni utique est momenti, dum enim reductionem partis alicujus prolapsæ suscipimus, maximo nobis cavendum est opere, ne eandem è directo tentemus, si enim hoc modo quis procedere vellet, partem elapsam inter duos musculos magis, quam in abdominis cavum impelleret. Differunt autem modo descripti hiatus (I) ratione situs, quo sibi e regione non correspondent in statu naturali (nam in præternaturali, nempe in herniis magis paralleli observantur) ille enim ab obliquo interno formatus elatior, & à linea alba remotior est, quam qui ab obliquo externo formatur. Unde factum, ut oblique versus anteriora vasa spermatica decurrant. Cujus rei rationem reddit *Clariss. Verheyenius* [a] quia si talis foraminum situs non esset, ubi pervenissent ad os pubis dicta vasa, deberent subito, & quasi ad angulum acutum inflecti & tendere recta versus anteriora, qua inflexione multum impediretur liber sanguinis transitus in arteriis spermaticis admodum necessarius. Cum vero dicta vasa ab origine paulatim tendant ad latus, indeque rursus inter duplicaturam peritonæi sensum vergant anteriùs ad scrotum, nullum in toto tractu angulum notabilem, nullamque sanguini transeunti difficultatem creant. Id quod de vasīs spermaticis dictum modo est, de ligamentis rotundis seu teretibus, quæ in sequiore sexu occurrunt, etiam valet, utpote quæ nil nisi congeries vasculorum esse à recentioribus

[v] Vid. solertiss. corp. hum. indagatorem *Jac. Benign. Winslouw* in opere anatomico nuperrime edito, in quo accuratius quam plerique hætenus anatomici versatus est, quodque *Exposition anatomique de la Structure du corps humain* inscripsit, tr. de musc. §. 50. & seqq.

[x] *Zodiac. med. Gall. ann. I. de art. herniar. cur. part. 1. S. 1. cap. 2.*

[y] loc. cit.

[z] *Advers. anat. II. animadv. X.*

[a] *Anat. corp. hum. tract. II. cap. 7.*



ribus censentur, adeoque ligamenta vasculosa audiunt. An vero commercium præbeant sanguini partium internarum cum externis nostrum non est hic dijudicare. (II) ratione substantiæ, annulus, qui ab obliquo externo formatur omnium validissimus est, & valde tendineus, quam ob causam hic partium per hæc loca delapsui ac repositioni præcipuum obicem ponere solet, nec non dictas partes fortiter confringendo strangulationem infert; cum e contrario alter obliqui interni minus firmus atque carneus observetur. (III) ratione magnitudinis, amplior quippe est annulus internus quam externus, qui, ut hoc è supra dictis repetamus, in subiecto muliebri angustior, ut & situ inferiorprehenditur.

## THE S. V.

Ad peritonæum jam accedimus, cujus conformatio naturalis eo accuratius investiganda est, quo magis ab hujus dilatatione plerumque, rarius à ruptione hernias oriri inter medicorum filios constat. Est autem peritonæum integumentum abdominis sacciforme è duplici substantia conflatum, nempe è membranacea proprie dicta, & textura cellulosa; ista magis minusve tenuis, valida tamen, & fibris tendineis firmata, intus lubrica, dilatabilis & elastica, interiorem abdominis cavitatem cingens, atque visceribus ejus in situ continendis, eorumque plurimis in sacco velut detinendis interveniens. Substantia cellulosa est congeries innumerarum vesicularum exilium, quæ plus minusve pinguedinis in sinu suo alunt, & ab aëre inflato facile omnes turgent, lamellamque internam attollunt. Descriptionem ejus exactam primus fere nobis tradidit supra laudatus Winslous [b]. Membrana hæc, quia in duas divisa est portiones, plerisque anatomicorum ansam dedit pro ejus duplicatura, tanquam pro aris & focus pugnandi; verum annotante Accuratissimo hoc corporis humani scrutatore duæ lamellæ, exterior nempe & interior admitti nequeunt, sed tantum interior, exteriore non lamellam priori similem, verum nonnisi texturam cellulosam constituyente. Istam nulla alia, uti multi volunt, ambit, sed remota eadem, musculi aliæque partes nudæ oculis sese sistunt. Hic de peritonæi duplicatura error epidemicus in veterum scholis natus atque enutritus, ad nostra usque tempora, veluti per traducem, propagatus fuit. Alii vero hanc duplicaturam de eo saltem loco, ubi vasa umbilicalia decurrunt, maxime infra umbilicum, intellectam volunt, quo sensu illam admittere videtur Jo. Dom. Santorini, in Veneto Lyceo anat. Professor, [c] dum peritonæum, inquit, nullo negotio in duas lamellas discernitur, quas inter umbilicalia alias vascula ad hepar subibant. Verum geminarum fibrarum ordinem perspicue annotare potuimus, quæ in exteriore quidem lamella etsi minus firmæ, conspicuæ tamen secundum longitudinem protendebantur, in interiore autem & firmiores & candidiores externas decussantes transversim ferebantur. Equidem non negamus, duplex hoc in loco

M m 3

peri-

[b]. Exposit. anat. tract. de abdomin. §. 22. &amp; seqq.

[c] Obs. anat. cap IX. §. 5.

peritonæum deprehendi, quæ duplicatura non duplici lamellæ, sed uni tantum, nempe internæ debetur, quæ replicata eandem format, atque dicta vasa sustentat. Altera superior est ab umbilico ad hepar tendens, altera inferior ab eodem ad regionem pubis exporrecta, illa latiore existente, hac gemina binas arterias umbilicales fulciete, utraque harum similis est processui falciformi cerebri lobis interjecto, unde & falcis nomen ei impositum fuit. Hi processus in oculos facile incurrunt, si peritonæum in utroque latere difsecetur, ita ut illi salvi maneant atque illæsi, & umbilicus paululum elevetur. Renes, ureteres & vasa spermatica in peritonæi duplicatura decurrere formula loquendi anatomicis hæctenus familiaris fuit, sed nec hæc admitti potest, quia altera ejus lamella, nempe exterior, imaginaria est, hæcque partes texturæ cellulosæ immerfas esse, rectius dicitur, præprimis renes, circa quos copiosior est, adeoque tunica adiposa ab omni ævo dicta fuit. Figura peritonæi ad ovalem accedit inferius magis, quam superius, ubi diaphragmati supertenditur, & infimi ventris configurationi internæ accommodata est. Ejusdem crassities non una eademque observatur, in viris namque à cartilagine ensiformi seu xiphoide ad umbilicum usque crassius esse creditur, ubi & à tendine musculi transversi non parum roboris nanciscitur, hanc forsitan ob rationem, quoniam hoc genus hominum cibi potusque ingurgitationi magis indulget, ventriculumque esculentis & potulentis nimium sæpe onerat; id quod heluonibus, qui die nocteque congræcantur, in more est; qui ventriculus cibus sic onustus & expansus non potest non peritonæum multum dilatare. Quod si illud valde hic loci tenue existeret, frequentis ruptionis periculum esset. In fæminis vero ab umbilico ad os pubis usque crassius statuitur, quo graviditatis tempore uterus fætui domicilium præbens, nec non in hydropicis, in quibus abdomen enormem quandoque in modum tumet, præter quod rumpatur, sese expandere & dilatare queat. Connexionem quod attinet, notum est, illud cohærere antè & utrinque à latere cum abdominis musculis, atque potissimum cum transversalibus adeo arcte, ut vix absque dilaceratione cultello inde separari possit. Posterius cum ossè sic dicto sacro & ligamentis, quæ dorsu inferiores & aliquot lumborum vertebrae copulant, juxta commune anatomicorum assertum [d] & superius cum diaphragmate, inferius cum ossibus innominatis committitur. Unde patet, istud undiquaque abdominis lateribus circumtendi, uti & viscera in hoc ventre contenta vel omnino vel ex parte investire atque involve-  
re constat.

## T H E S. V I.

Externa peritonæi portio sub ligamento Poupartii ad supernam femoris partem prolongata vasa cruralia comitatur, qui processus non, uti in inguine, multum exporrecti sunt, sed aliquod viæ spatium emensi dictis vasis agglutinantur. Duos alios emittit processus extra abdomen, quorum  
decür-

[d] Vid. Fallop. instit. anat. p. 408.



decurfus dignus est, qui observetur. Natales suos pariter à parte exteriori cellulosa habent; lamella quippe interna in regione inguinali non perforatur, sed integra annulos obtegit, & paululum extrorsum protuberans intus exiguam cavitatem relinquit, ubi eum in finem crassior est, ut intestinorum molem suffulcire eo melius possit. Hæ productiones texturæ cellulosæ, ubi cum valis spermaticis atque deferentibus in virili sexu annulos trajiunt, sepimenta illa membranacea, quibus in homine partes hæ involutæ sunt, efformare videntur. Postea vaginam veluti constituunt, quæ prope testiculum dilatata duos loculos format, aut in duas laminas dividitur, quarum interna vaginæ fundus est, externa vero super testiculum expansa tunicam ejus vaginalem, Græcis Elytroidem dictam efformat. Eadem productiones flatu immisso optime deteguntur, & multum turgentes totæ quantæ cellulosæ atque vesiculosæ apparent. Sed & lamina peritonæi interna, quæ saccum proprie loquendo constituit, suas productiones, quæ internæ votari merentur, obtinuit, suntque duplicis generis, aliæ sacculos minores visceribus superinductos exhibent, eorumque, quæ investiunt, figuram induunt, aliæ vero introrsum reflexæ & duplicatæ, cellulosa textura interjecta, in quam plurima ligamenta abeunt, intestina, hepar, lienem, vasa umbilicalia &c. firmantia. Quemadmodum autem Divina Providentia decursu modo dictarum partium; ita quoque earundem structura & conformatione generi humano benignissime prospexit, eo, quod non patuli sint modo dicti processus in homine (uti in canibus, in quibus teste *Gerh. Brasio* [e] stilo & flatu immisso via aperta detegitur) sed juxta ordinarias naturæ leges obturati; rarioribus namque annumerandum, quod in sinistro latere viri apertum illum viderit *Steph. Blancardus* [f]. Quod si enim in homine, qui erecto corpore incedit, ita hiarent, herniæ metui atque periculo quovis momento expositus ille esset, quia viscera abdominis, & inter ea, maxime ista, quæ liberius fluctuant, uti omnia gravia, deorsum ruunt, atque eo, ubi minor est resistantia feruntur; in brutis vero hoc metuendum non æque est, utpote quorum corpora horizontalem situm servant, adeoque centrum gravitatis non tam in inguine, quam potius in regione umbilicali habent, unde fit, ut intestina nullum vel exiguum in annulos inguinales impetum faciant. Hi duo processus vasa spermatica, ut & deferentia vocata in viris, in mulieribus ligamenta uteri rotunda involvunt. Hos in sexu sequiore *Andr. Vesalius* annotante *Gabr. Fallopio* [g] negat, & *Clar. Nuckius* [h] eosdem diverticula nova vocat atque prolixè describit. Confer quoque *Maurit. Hoffmannum* [i]. Unicum adhuc processum exhibet peritonæum in regione umbilicali, qui or-

tum

[e] Zootom. Cap. II. de canib.

[f] Anat. reform. cap. 33.

[g] Observat. Anat. pag. 408.

[h] Adenog. Cap. X. fig. 39. &amp; 40.

[i] E. N. C. Dec. III. An. II. obs. 110.

tum habet à superna falciformi peritonæi reduplicatione versus annulum umbilicalem angustiore reddita atque in unam membranam coalescente. Hic, discissis post partum vasis & paulo post occlusis, cum iisdem in ligamentum transit. Et hæ peritonæi productiones non male externæ appellantur ab internis probe distinguendæ. Vasa omnis fere generis, quibus peritonæum gaudet, silentio præterimus; de glandulis, quas *Celeberr. Heisterus* [ *k* ] in dubium vocat, *Solertissimus Cheselden* [ *l* ] vero se observasse perhibet, & tam operose stabilitum it *Garengeot* [ *m* ] hoc unicum addentes, humorem, quo viscera aperto abdomine nunquam non madere cernuntur, easdem non omnino confirmare, utpote qui à continua viscerum exhalatione rectius derivari nobis videtur. Uti & in vario ipsi attributo usu determinando prolixi non erimus, quoniam ad status præternaturalis, de quo impræsentiarum agimus, dilucidationem parum confert, ejus tantum mentionem facientes, quo viscera abdominis, & præ aliis intestina in situ continere & coercere creditur, vel illa veluti in sacco quodam continendo, vel ligamentis atque prolongationibus, quas hinc inde format, fulciendo; unde dilatata, vel etiam, quod rarius fieri supra jam innuimus, rupta hac membrana, hernias e vestigio generari multis persuasum est. Quod uti nullo modo inficiamur, ita simul in memoriam revocamus, peritonæum solum huic usui præstando impar esse, istumque magis à musculis abdominis eorumque annulis dependere, hac potissimum ratione inducti, quod his dilatatis, aut quacumque de causa ruptis vel dissectis, illæsum etiam peritonæum mox ab omento, vel intestinis foras propellatur atque protuberet. Textura cellulosa organum colatorium, vel saltem receptaculum est pinguedinis, quæ certos ob usus facile cedit, mollem visceribus situm conciliat, & impetus in illa æque ac totum abdomen factos notabiliter infringit.

## T H E S. V I I.

Tradita musculorum abdominis, & peritonæi, quatenus herniis favent, qualicumque descriptione, propius ad partem in hernia cystica potissimum affectam, adeoque maxime considerandam, quæ vesica urinaria est, progredimur. Est autem illa viscus cavum, pluribus e membranis sibi invicem incumbéntibus conflatum, urinæque recipiendæ, asservandæ & emittendæ dicatum. Situm illa obtinuit in cavitatis, quæ pelvis dicitur, parte antica & inferna, retro ossis pubis symphyfin delitescit, & maxime ubi vacua est, occultatur, à quo etiam veluti suspenditur. In recens natis, habita corporis proportionem, major cernitur quam in adultis, utpote in quibus ad umbilicum ferme extenditur. Magnitudo ejus accuratius determinari nequit;

[ *k* ] Compend. Anat. Not. VI.[ *l* ] Anat. Edit. prim. pag. 96.[ *m* ] Splanchnolog. Cap. VI.



nequit ; quia enim dilatationis maxime capax est , differt prouti urina magis minusve repleta , aut sæpius multumque distenta fuit , vel etiam calculum diu in sinu suo aluit. In priore casu ampliatur , in posteriore multum angustatur. Amplior antè & postè , quam circa latera est , repleta inferius capacior , quam superius existit , vacua vero superiore loco magis rotunda , quam in inferiore deprehenditur [ *n* ] uti & figura ejus variatur , quæ statu distenta vesica in viris ovalis seu potius imperfecte conica , sed inversa est , apice superiora spectante , parte latiore , infernum & anticum aliquatenus locum occupante. Ab aliis referre dicitur lagenam inversam , seu vitrum collo oblongo vel angusto præditum , cujus fundum nobis erectis sursum & retrorsum , collum vero deorsum & paululum antrorsum spectat. In fæminis & gravidis , præprimis in illis , quæ sæpius pepererunt , figuræ magis cylindricæ , vel notante *Clariss. Mauchart* [ *o* ] doliolo transversim posito similis , in quibus etiam superius in duos veluti angulos acuminatur.

## T H E S. V I I I.

Connexionem habet cum multis partibus vicinis , sed maxime consideranda est illa cum peritonæo , circa quam probe notandum , vesicam non locatam esse inter ejus duplicaturam , uti *Steph. Blancardus* [ *p* ] & cum eo haud pauci anatomicorum perhibent , quin potius sequentem in modum : autopsia teste cohæret ; lamina peritonæi interior vesicam obtegit superna , postica , imo & aliquatenus antica parte , ubi prolongationes ad os pubis & intestinum rectum in viris , in fæminis vero ad uterum emittit , quarum posterior ligamentum transversum & semilunare refert , atque intestini recti expansioni limites ponit. Reliquis vero in locis substantia cellulosa cingitur , qua cum ossis pubis postica sede committitur ; laminam quippe peritonæi internam hoc in loco non arcte connecti , inde colligitur , quoniam vesica in osse pubis incidi potest , præter quod modo dicta lamella lædatur ; hac substantia inflata omnes cellulæ aëre replentur , observaturque à *Dn. le Dran* [ *q* ] in quibusdam locis illam valde crassam existere , eam ob causam , ut vesica à liquore intus contento multum expandi queat. Cæterum cohæret quoque cum renibus ope ureterum , mediante urethra cum partibus genitalibus , in viris adglutinatur intestino recto , unde & illud facile explicatur , quod scilicet alvum deponentes urinam simul reddere soleamus. In fæminis utero ejusque vaginæ maxime adhæret , in utro-

que

[ *n* ] Winslous l. c. §. 448.[ *o* ] Disp. de hernia incarcerata ann. 1722. Tubingæ habita.[ *p* ] L. c. Cap. XXVI.[ *q* ] Tract. qui, Parallele des différentes manières de tirer la pierre hors de la vessie, inscribitur.

que sexu ope arteriarum umbilicalium & urachi cum umbilico jungitur, quæ partes unitæ ligamentum superius constituunt. Observantur duo alia ligamenta minora partem fundi anteriorem ossibus pubis alligantia. Præter hæc alia à supra laudato Winsloo [r] lateralia appellata, à productione peritonæi vesicæ & intestino recto interjecta, quæ transversalia & semilunaria supra appellavimus, enascuntur. Liceat hic paucis attingere controversiam istam inter anatomicos vexatam & magno animorum motu agitatam, an scilicet dicta vasa umbilicalia pervia sint necne? De uracho quidem, qui productio tunicarum vesicæ esse videtur, autopsia id confirmante conveniunt, illum in animalibus brutis pervium esse; verum haud pauci cavitatem in fetu humano eidem denegant, quos inter eminent Car. Drelincurtius [s] ac Franc. Mauriceau [t] aliis eamdem admittentibus. Utraque sententia suos nacta est Patronos & Propugnatores. Sæpe laudatus Heisterus [u] qui quidem eum in fetu humano nunquam apertum esse testatur, non diu post, autopsia ulteriore edoctus, eidem cavitatem tribuit [x]. Litem hanc dirimere videtur experimentum à Clar. Ridley [z] institutum, quo patet, perforationem urachi, quæ nec stilo, nec flatu detegi antea poterat, papilla ejus orificio adstante abscissa, oculos statim incurrisse. Sic quoque arterias umbilicales, fetu in lucem edito, ad vesicæ fundum usque hiare ab anatomico Regio Parisiensi du Vernejo statuitur, eique plurimos ramulos largiri, & à le Dran [a] sanguis ex arteriis hisce profiliens observatus. Qua in re alii magnæ existimationis & ingenuitatis viri ad autopsiam provocant, quæ docet, in adultis etiam dictas arterias ad medium usque vesicæ hiare, huicque visceri ramulos aliquot impertiri. Quicquid sit sive aperti maneant hi canales, sive occludantur, successu temporis ligamenta vesicæ præbent, eamque, magis posteriore in casu, umbilico aliisque partibus satis firmiter adnectunt.

## T H E S. I X.

Quoniam vesicæ diameter sensim atque sensim diminuitur, & in angustius spatium coarctatur, divisio in corpus, fundum & collum seu cervicem enata est, ille, uti modo dictum, situ superior, hæc vero inferior seu potius anterior est, quam tamen supra laudatus Winslous rectius fundum appellari contendit. Circa collum visui sese exhibet fasciculus fibrarum carnearum transversalium mediocriter crassarum [b], sub rectis extremum colli

[r] L. c. §. 457.

[s] Medit. de Urach.

[t] De Morb. Mulier. Libr. II. cap. 4.

[u] E. N. C. Cent. I. &amp; II. obs. 198.

[x] E. N. C. Cent. III. &amp; IV. obs. 194.

[z] Act. Erud. Lips. ann. 1705. Mens. Mart.

[a] Garengéot. Tr. des opérat. de Chir. Tom. I. cap. 8. edit. prior.

[b] Boerhaave Inst. Med. §. 366.



colli vesicæ arcus in modum ambiens [c] & sphincter appellatus. Fibræ hujus musculi cum illis intestini recti [d] ac prostaticis, quibus adhæret vesica in viris, in fæminis cum vaginæ fibris coeunt, cujus munus in eo consistit, ut collum constringendo impediatur, ne urina nobis invitis & continuo exstillet, qui etiam expulsores musculo agente & urina excretionem moliente cedit & dilatatur. Qui usus inde etiam patet, quod eo relaxato involuntarie & perennante rivo lotium effluat. Collo vesicæ continua est urethra plurimam majorem aut tubulum minorem referens, & cum rostro alembici, qui vesica est, comparanda, tertia penis columna in viris, quæ ortum suum nanciscitur sub arcu ossis pubis obtuso à cartilagine enato, non vero acuto, qualis in sceletis excoctis conspicitur. Ejusdem fere cum corporibus penis nerveo-spongiosis substantiæ [e] in quorum sulco decurrit, iisque arcte adhæret. Conflatur illa duabus e membranis valde robustis, quibus infra bulbum & pollicem circiter transversum ab initio urethræ interspersa est substantia modo dicta spongiosa-cavernosa, mole minor & fibris tenuioribus conflata, quæ, aëre inflato non parum intumescit, unde recte in substantiam membranaceam & spongiosam distingui ab anatomicis solet. Supra bulbum vero tota quanta membranacea est, septi ibi siti foramen transiens, & catheteri immisso obicem quam maxime ponens. Est autem bulbus urethræ textura spongiosa protuberans, quæ bulbosam fere radicem refert, in postica urethræ sede locata & in duas veluti partes divisa [f]. Membranacea adeo robusta est, ut aponeuroseos nomine insigniri mereatur [g]. Exterior tunicæ penis propriæ & tendinæ propago, interior membranæ vesicæ, potissimum nerveæ, productio existit. In viris notabiliter longior observatur quam in fæminis, in quibus quantum longitudine cedit, tantum capacitate superat. Quapropter calculus exitum moliens has non tantis doloribus & cruciatibus exponit, quos viri ab hoc primæ juventutis & ultimæ senectutis tormento sæpius experiuntur. Recta non pergit urethra, sed sub arcu notabiliter inflectitur & curvatur [h], per aliquot anfractus descendit, iterumque assurgit, variisque sui decursus locis capacitate variatur [i]. In principio membranacea est, valdeque gracilis, eum in finem, ut in statu quoque præternaturali sine magno renisu dilatari atque expandi [k], corporibusque heterogeneis transitum concedere valeat. Ad glandem appropinquans hic canal's ampliatur, & pars spongiosa attenuatur, graciliorque reddita in glande tandem obliteratur.

tur 30

[c] Heist. Compend. Anat. §. 222.

[d] Santor. Observ. Cap. X. §. 21.

[e] Graaf de Org. Genit. Vir. pag. 102.

[f] Morgagn. Advers. Anat. IV. Animad. 21. Winslous l. c. §. 533.

[g] Le Dran. loc. cit. pag. 24.

[h] Alghisi. Tract. de Lithot. Morgagn. Advers. Anat. III. Animadv. 41.

[i] Boerhaave loc. cit.

[k] Le Dran. Tract. cit. pag. 24.

tur, [1] membranacea solum ad obtegendam illam producta, unde calculo in vesica existente pruritus in dicta parte provenit.

## T H E S. X.

Pluribus de urethra dicendis jam supersedentes ad vesicam redimus, ejus foramina lustraturi, quorum tria sunt, duo urinæ receptioni dicata, ureterumque insertioni locum præbentia, hi miro in vesicam artificio terminantur. Orti in renibus infundibuli instar ampliatis [m] sub lamella peritonæi internâ in substantia ejus cellulosa capacitate inæquali, supra infraque paululum incurvati super musculum Psoas dictum, retro vasorum spermaticorum funiculum pariter ac iliaca decurrunt, & deferentia crucis in modum decussant. Hi canales à calculis, quandoque mirum in modum ampliantur [n], atque ad vesicæ sedem posticam delati, perforata membrana musculosa, inter hanc & nerveam obliquo decursu progrediuntur, atque sede postica & inferna in cavum vesicæ digiti transversî distantia versus urethræ orificium desinunt. Extremitas hujus insertionis satis tenuis & membrana duplici constans à tunica vesicæ & ureteris interna enasci *Cel. Winsloo* [o] videtur, atque valvulam veluti efformare creditur [p], quæ impedit, quo minus urina intus contenta regurgitare ad superiora possit, eodem fere modo, quo ductus cholidochus communis in intestinum duodenum hiat. Sunt qui hanc valvulam negant, persuasi insertionem ureterum obliquam sufficere, hacque posita & vesica expansa, eorum orificia satis occludi. Dicta ureterum insertio in facie interna vesicæ ad figuram rostri cirneæ (*d'une eguière*) accedit. Tertium orificium urinæ exitum in urethram concedit, quod, notante *le Dran* [q] inflata vesica evanescit, aëre vero expulso visui iterum sese exhibet. Hoc orificium sphincter supra jam descriptus ambit atque claudit.

## T H E S. X I.

Structuram hujus visceris quod attinet, supra jam innuimus, illud esse cavum pluribus lamellis membranaceis sibi invicem incumbentibus, fere ut ventriculus, conflatum, quot autem numero membranæ sint, inter aliquos anatomicos non extra omnem controversiæ aleam positum est.

*Gabr.*

[1] Graaf. Tract. cit. pag. 102. & 103.

[m] Heist. Comp. Anat. §. 221.

[n] Frid. Ruysch. observ. 15. & 94. Coschwiz. diss. de Valv. in ureteribus.

[o] Tract. cit. §. 461.

[p] Heist. loc. cit. §. 221.

[q] Loc. cit. p. 14.



*Gabr. Fallopius* [r] *Celeb. Herm. Boerhaave* [s] *Phil. Verheyenius* [t] *Steph. Blancardus* [u] tribus vesicam constare tunicis perhibent; non autem immorabimur illi, quod modo citati authores in nomine hisce tunicis tribuendo non convenient. Texturam hujus visceris rimantibus quinque potius sese offerunt, quæ à *Winsloo* [x] in proprias & communes recte distinguuntur. Harum prima à peritonæo ortum habere perhibetur, sed minus recte, quoniam in prima formatione omnes partes simul generantur, rectius ergo, peritonæo continua dicitur, cujus lamina interna vesicam superna, postica & utraque laterali sede investit, quamque ab omni ævo communem vocarunt, non vero, uti modo dictum, vesicam undique cingit [y], & quod non prætermittendum esse censemus, parte postica inter hanc & intestinum rectum interjacens ligamentum femilunare replicatum efformat, quod nimix utriusque visceris dilatationi limites ponere videtur. Secunda communium textura cellulosa est, quæ vesicam undique fere ambit primæ & musculosæ interjecta, quas etiam cum se invicem committit, atque hunc usum obtinuisse videtur, ut vesicæ sese expandenti cedat, qualem etiam habet pinguedo in aqualiculo luxurians, ne partes vicinæ ab utero aut intestino recto dilatato nimium comprimantur. Tertia, propriarum prima dicenda, musculosa est multiplicis seriei fibris [z], iisque crassioribus & sat manifestis constans [a], quarum externæ pleræque longitudinales sunt, huic subjacentes oblique ad latera tendunt, internis magis obliquis & fere transversalibus existentibus, quæ omnes infinitis in locis se invicem decussant. Harum fibrarum actione vesica contrahitur lotiumque exprimitur, unde hæc tunica expulso urinx audit. Quarta vasculoso-nervea est, ex innumeris vasculis & fibrillis nerveis contexta, à qua vesica calorem & sensum exquisitissimum obtinuit. Ne autem urina diuturniore mora acrior reddita hanc tunicam moleste afficiat, membrana, villosa dicta, glandulosis acinis mucum nerveam obducentem, erosionemque ejus impediendam plorantibus prædita est. Atque hæc merito quinta est nuncupanda.

## THE S. XII.

Præterea vesica ab urina vacua interiore sui facie rugis & fulcis exasperata

[r] Obs. Anat. pag. 416.

[s] Inst. Med. §. 366.

[t] Anat. Corp. Hum. Tr. II. c. 20.

[u] Anat. cap. 26.

[x] Exposit. anat. tract. de abdomine §. 450. &amp; seq.

[y] Cheselden tract. de Lithot.

[z] Eustach. Tab. XII. fig. 7.

[a] Fallop. obs. anat. pag. 417.

rata est plurimis, quæ in repleta aut aëre inflata magna ex parte evanes-  
cunt. Vasis porro pluribus singulari reptatu decurrentibus eadem gaudet.  
Arterias ab iliacis nanciscitur, in internam minorem, & externam mayo-  
rem distributis. Ab interiore pullulant hypogastricæ, quæ anfractuoso du-  
ctu omnibus partibus in pelvi collocatis ramos largiuntur, adeoque vesicæ  
etiam urinariæ & intestino recto prospiciunt, hæ hæmorrhoidales externæ  
salutari solent, speciatim & propius arteriæ ischiadicæ, epigastricæ & um-  
bilicalis propagines sunt. Quandoque ex hypogastricis in fetu humano ar-  
teriæ umbilicales prodeunt [b]. Dicta vasa collo inferuntur, inde ad  
fundum mira ramorum inosculatione excurrunt. Venæ in ramos venosos  
ejusdem nominis hiant, quæ quia individuae arteriarum comites sunt,  
eundem etiam in vesica decursum tenent, quare nihil de iis addimus.  
Nervi pullulant ab illis ossis sacri, maxime à quarto pari, à quo duæ  
propagines prodeunt, quarum una ad vesicam & intestinum rectum ten-  
dit, furculo uno vel altero ab intercostali & plexu mesaraico inferiore ac-  
cedente. An vesica urinaria vasis quoque lymphaticis gaudeat, adhuc sub  
judice lis est. Nostra laude major *Heisterus* se eadem nunquam observasse  
vel observare potuisse fatetur [c]. Celebris autem per orbem literatum  
*Zellerus* Archiater Wirtemberg. & Prof. Tubing. eadem ad ramum iliacum  
tendentia vidit & descripsit [d] non sine ratione arbitratus, nullam cor-  
poris partem esse, quæ iisdem non instructa sit. Paucis usum vesicæ sub-  
jungemus, qui est, urinæ receptioni & asservationi, tandem etiam ejus-  
dem, postquam onere vel acrimonia molesta reddita fuit, excretioni fa-  
mulari. In statu præternaturali eam arenulas, calculos, pus, sanguinem,  
acículas aliaque corpora heterogenea in sinu quandoque suo alere neminem  
latet, uti & urethræ usum, quo urinam & semen virile transmittit ne-  
mini non notum esse arbitramur.

## T H E S. X I I I.

Partibus, quarum cognitionem ad herniam nostram rite intelligendam  
necessariam esse duximus, delineatis, de vesicæ affectibus p. n. pauca  
quædam subnectemus. Illam multifariis premi morbis experientia, pro  
dolor! Satis superque testatur, e quibus non omnes hic recensebimus,  
sed eos tantum, qui præ aliis notatu & memoratu digni nobis videntur.  
Quos inter eminent vesicæ urinariæ scabies [e] defectus [f] numerus  
auctus,

[b] Conf. Graviss. Dn. Præf. Patroni & Præceptoris mei ad vitæ dies colendi, Hof-  
pitis mei Honoratissimi diff. De circulo sanguinis in fetu Ann. 1714. hic. habit.

[c] Compend. Anat. §. 222.

[d] Diff. de Administr. Vaser. Lymphat.

[e] Hippocr. Sect. IV. aph. 77.

[f] E. N. C. Cent. I. & II. obs. 82. & Cent. IX. & X. obs. 47.



auctus [g], nempe vesica duplex [h], qua Doctissimum quoque Casaubonum gavissimum esse refertur, quamque prolixè exposuit Job. Jac. Nantet [i] quo in casu altera major, minor altera plerumque deprehenditur, aut etiam mediante membrana duos in loculos divisa est [k]. Triplicem in Anglo quodam annotatam legimus in *Busnierii* Epist. ad Soc. Reg. Anglic. Editorem scripta [l]. Ruptura [m], carunculæ, tartari, [n] callus [o] cancer & abscessus [p] calculi [q] de quibus innumerae observationes hinc inde prostant; ut & aliæ res præter naturam in vesica generatæ vel in illam delatæ [r], purulenta incrassatio [s], vulnus notabile [t] inflammatio & apostema [u] ulcus ex conglutinato sanguine ortum [x], hæmorrhoides [y] Ut plura vesicæ vitia taceamus, quæ præ aliis prosequutus est *Petr. Forestus* [z]. Præter omnes modo recensitos morbos primum & unicum in hac tractatione locum sibi vindicet vesicæ urinariæ hernia, tum quia notatu dignissimus est, tum etiam rarior ad nostra usque tempora extitit, & quidem adeo insolitus hætenus fuit, ut *Dn. Mery* primario, dum viveret, nosocomii Parisiensis *Hôtel Dieu* dicti chirurgus [a], & ob solidam in anatomicis æque ac chirurgicis scientiam & multiplicem annorum experientiam maximopere æstimando, nullus auctor cognitus sit, qui ullam ejus mentionem injecerit, à quo dissentit *Garengeot* [b] *Petito* & *Arnaldo* Magistris in arte excellentibus hujus affectus cognitionem, imo & inventionem tribuens.

THE S. XIV.

- [g] Sennert. Prax. Lib. III. P. VIII. Sect. I. c. 1.  
 [h] Isaac. Cattier. obs. 120. E. N. C. Dec. II. An. 8. obs. 122.  
 [i] Theatr. Anat. Tom. I. Lib. II. cap. 12.  
 [k] E. N. C. Vol. I. obs. 90.  
 [l] Act. Erud. Lips. Ann. 1702. Mens. Jun.  
 [m] Dan. Sennert. Lib. III. Prax. P. IX. Sect. I. c. 3.  
 [n] Car. Drelincourt. Epist. ad Dn. Vallot.  
 [o] Joh. Rhodius, Cent. III. obs. 25.  
 [p] Nic. Tulpius observ. med. Lib. IV. cap. 37. Gerh. Blas. Med. Univ. Part. VI. Sect. 46. cap. 2.  
 [q] Ruysch. obs. 89.  
 [r] Læl. à Fonte. conf. med. 75. Balth. Timæus Lib. I. cas. med. 343. E. N. C. Cent. V. & VI. obs. 68. Blegny. Zod. Med. Gall. Ann. I. Mens. April. Conf. Thom. Barthol. Hist. Anat. 72. Cent. IV. Schenck. Lib. III. Sect. II. obs. 302. Isbr. Diemerbroeck. Anat. Lib. I. cap. 18t.  
 [s] Ruysch. obs. 89.  
 [t] Idem obs. 75.  
 [u] Petr. Forest. Lib. XXXV. obs. med. 27. & 28.  
 [x] Idem Loc. cit. obs. 29.  
 [y] E. N. C. Dec. III. ann. 9. & 10. obs. 119. Cæl. Aurel. morb. chron. Lib. V. c. 4. Hist. morb. Vratislav. Ann. 1701.  
 [z] Lib. XXV.  
 [a] Hist. Acad. Reg. Scient. Paris. Ann. 1713. Edit. Amstelod.  
 [b] Tract. Operat. Chirurg. Tom. I. cap. V.

Antequam autem de hoc portento, uti aliquibûs hunc prolapsus vocare placuit, agamus, e re esse ducimus de herniis in genere quædam prælibare, eo magis, quo certius est, generalem illarum notionem ad hujus cognitionem non parum conferre. Est autem hernia proprie sic dicta tumor præternaturalis à partibus mollioribus e situ naturali prolapsis ortus, peritonæi ut plurimum dilatationem, rarius rupturam agnoscens. Varie accipitur tumoris vocabulum, de quo *Schelhammerus* consuli poterit [c]. *Κήλη* apud veteres, referente *Joh. Gorrhæo* [d] dicitur tumor omnis quicumque in parte fuerit, sive in scroto, sive in inguinibus, sive etiam in gutture; postea vero magis dici cepit de scroti tumoribus, quod illi tum frequentiores sint, tum multo magis diversorum generum. Cum quo consentit *Anut. Foësius* [e] *Κήλαι*, inquit, omnes scroti tumores dicuntur, quos ramices aut hernias Latini vocant. Sed missis hisce ad generale eorum discrimen progredimur. Tria sunt tumorum genera; quædam enim partes ordinaria naturæ lege prominent, quædam extraordinarie protuberant, & tumores nonnaturales formant, aliæ vero præter naturam in tumorem elevantur. Ad ultimum hoc tumorum genus hernias seu partium prolapsus referendos esse extra dubium positum esse censemus, vocis herniæ evolutioni, uti non ulterius immorabimur, ita nec sicco prorsus pede eandem transibimus. Verbis usi *Georg. Wolffg. Wedelii*. Profess. quondam Jenens. per orbem medicum celeberrimi [f] qui, uti hernia, inquit, si latinam significationem sabinis debitam spectemus, durum, monticulosum & asperum notat, proprie hoc loco in abdomine, improprie paulo in gutture, sin originem græcam, ubi ramum significat, qui videtur quasi protrusus a trunco, res eodem recidit; sic utrumque hic visitur tumor durus idemque aliunde velut ramus protensus. Unde ramex suos quoque natales ducit. Germanico idiomate exprimitur, *ein Bruch*, Gallico *une descende ou hargne* [g]. Latini ramicem, descensum, rupturam, licet hoc magis improprie vocant. Sed criticis hæc & alia relinquimus hoc unice addentes, à multis scriptorum vocem herniæ alio, quam decet, modo detorqueri, qui nempe tumores humorales, pneumaticos aliosque hoc pariter nomine insigniunt. Insuper monendum, herniam proprie loquendo esse affectum, in quo partes loco motæ ab involucris corporis communibus aut aliis membranaceis obtectæ & involutæ sunt, prolapsus vero strictè vocari, si quando ita foras prorumpunt, ut nuda oculis appareant, v. gr. uterus, intestinum rectum.

THE S. XV.

[c] Ογκολογ. Sect. I. cap. I.

[d] Definit. Med.

[e] Oeconom. Hippocr. lib. I. cap. 1.

[f] Diff. de hernia Ann. 1684. Jenæ habit.

[g] Nic. Blegny Zod. Med. Gall. Ann. I. Art. Herm. Cufatr. P. I. S. II. c. 2.



## T H E S. X V.

Plures si auctores evolvas, herniarum divisiones atque denominationes utique reperiēs, quas paucis indigitare lubet, quo innotescat, ad quam speciem hernia cystica referenda sit. Distinguiamus autem hernias in eas, quibus appellatio, proprie loquendo non competit, & improprie sic dictas, quas situs partium solidiorum e sede prolapsarum generat atque fovet. Posteriores herniarum nomine verarum insignitæ multifariam rursus differunt, adeoque variis denominationibus gaudent, quæ desumuntur (I) à loco, per quem partes elapsæ sunt, unde hernia umbilicalis, exomphalus, omphalocoele, quæ in umbilico sese manifestat, nomen accipit; infantibus ob anulum nondum satis firmatum familiaris; sic & inguinalis vel bubonocoele nuncupatur, si quando in inguine sese conspiciendum præbet tumor; scrotalis seu oscheocoele, sicubi ille in scroto apparet; cruralis vero, qui in sede femoris superna occurrit; denique ventralis, qui in aliqua abdominis parte extra annulos supra memoratos intuentibus sese offert, atque post superficiale abdominis vulnus & in laboriose parturientibus frequens est. (II) à partibus tumorem formantibus, hinc enteromphalus, enterocoele, si intestinum, epiplo-omphalus, epiploocoele, si omentum, entero-epiplo-mphalus, entero-epiploocoele, si utrumque foras protuberat, dicuntur. Huc quoque ab aliquibus referuntur prolapsus ventriculi [b], diaphragmatis [i], lienis [k], uteri [l], oculi [m], carunculæ lacrymalis ex interno oculi angulo, glandulæ innominatæ [n], duræ matris, ablata cranii portione, aut si quos alios experientia comprobant. Priores vero, herniæ analogicæ sic dictæ, diversas itidem nactæ sunt denominationes; sic si tumor in umbilico ab aquis oritur hydromphalus, si in scroto, hydrocœle, tumor flatulentus in umbilico pneumatomphalus, in scroto pneumatocœle appellari consuevit. Pari modo, qui ab excrescentiis carnosus in umbilico productus fuit, sarcomphalus, in scroto, sarcocœle, & tumor varicosus in umbilico existens varicomphalus, in scroto varicocœle vocari solet. Insuper aneurismata, varices, nec non hernia lacrymalis à sacco dilatato orta [o], herniis improprie sic dictis non male

[b] Nic. Blegny *Zod. Med. Gall. Ann. I. Mens. Febr. Act. Med. Berol. Dec. II. Vol. IV.*

[i] E. N. C. Dec. III. Ann. II. obs. 124.

[k] Frid. Ruysch. obs. anat. chirurg. 62.

[l] Dan. Sennert. *Inst. Med. Lib. I. P. I. cap. 9. & Prax. Lib. IV. P. I. Sect. II. cap. 17.*

[m] Stalpi. van der Wiel obs. *Rar. IX. Cent. II. P. I.*

[n] De Woolhouse Nob. *Angl. in E. N. C. Cent. V. & VI. App.*

[o] Heist. *Chirurg. P. I. Lib. IV. cap. 54.*

male adscribuntur. (III) Differunt duratione seu tempore, ex quo partes prolapsæ sunt; si longum illud fuerit, annuli multum dilatati, adeo, ut repositæ e vestigio rursus prolabantur, hernia inveterata; si vero breve viæque angustiores, recens appellatur. Prior haud raro conjuncta est cum strangulatione, inflammatione & incarceratione, in qua absque incisione reponi partes prolapsæ nequeunt; quandoque etiam scroto & testiculi tunicis firmiter connascuntur, interdum non cohærent, manuali opera & pressione juxta artem facta, illæ plerumque reponendæ. (IV) Desumitur denominatio à decursu vel tractu, quem partes prorumpentes fecerunt, quæ si ad scrotum in maribus & in fæminis ad pudendi labia prolapsæ sunt, hernia dicitur completa, in viris etiam oscheocele; quod si autem dictæ partes non multum viæ emensæ, & inguina non prætergressæ sunt, herniæ incompletæ, & in utroque sexu bubonocèles nomine insignitur. Alia (V) fit cum disruptione peritonæi, quæ subito & veluti in instanti generatur, atque tumorem aliud velut abdomen referentem adque genua propendentem oculis sistit; alia tantum cum ejus dilatatione evenit, sensim sensimque exorta & tardiores progressus faciens. Illam rariorem esse supra innuimus, qua de re infra pluribus agemus. Et hæc de herniarum differentiis in genere dicta sufficiant, reliquas speciales studio intactas relinquimus. Quæ vero de herniæ cysticæ discrimine memoranda nobis sunt, inferius suo loco attingemus.

## T H E S. X V I.

Qualicumque generali herniarum idea tradita ordo jam requirit, ut ad herniæ vesicalis seu cysticæ pathologiam propius accedamus. Antequam vero illud ipsum à nobis fiat, necessarium esse ducimus, vesicæ urinariæ prolapsum aliquot prius exemplis & observationibus comprobare, eo magis, quo certius constat, eundem ab auctoribus haud infimi subfellii in dubium vocari, quorum rationes, quæ eosdem moverunt, inferius, ubi de causis acturi sumus, adducemus atque examinabimus. Quod affectu hoc gravissimo genus humanum divexetur, experientia proh dolor! testatur. Sæpe laudatus *Frid. Ruyschius*, anatomicorum facile princeps annotatam nobis reliquit historiam, [q] qua perhibet, sibi herniæ speciem illam, quæ cystica dicenda, bis in praxi occurrisse. Id quod calculo suo confirmat *Christ. Henr. Erndtl* [r] his verbis: *Inter demonstrationem partium urinæ secretioni inservientium & in specie vesicæ, rarissimam observationem de descensu vesicæ in scrotum (de Ruyschio locutus) proposuit, sancteque testatus est, bis in praxi sua ejusmodi portentum seipsum observasse.* Pari ratione supra allegatus *Mery* maxime sibi gratulatus est de eo, quod modo memoratum prolapsum tertia vice intuendi fors sibi contigerit; quare etiam tres numero casus notatu dignos actis

[q] Obs. anat. chirurg. 98. &amp; advers. anat. Dec. II. §. 91.

[r] Itiner. Angl. &amp; Batav. p. 95.



Actis Academiæ Regiæ Scientiarum, quæ Lutetiæ Parisiorum est, inferi curavit [s], quos ut hic recensamus, B. L. haud grave futurum esse confidimus. Sic autem supra laudatus autor inquit: *Il est si ordinaire de voir les intestins passer par les anneaux des muscles du ventre, & descendre dans le scrotum, qu'il n'y a point de chirurgien pour peu expérimenté qu'il soit, qui n'en ait connoissance. Mais il est si rare de voir des hernies de vessie, que je ne connois aucun Auteur, qui en ait fait mention. Je vais en rapporter trois, que j'ai observées. Voici la premiere. Il y a quatre ans ou environ, que je fus appelé dans une maison Religieuse pour voir le Général de sa congrégation, il avoit beaucoup de peine à uriner. Ce fut pour cette difficulté, qu'il souhaita d'avoir mon avis, espérant de recevoir par mon moyen quelque secours. Après avoir entendu le rapport, qu'il me fit de son incommodité, je lui représentai, qu'il étoit nécessaire, que j'examinasse ses parties naturelles, sans quoi je ne pouvois pas reconnoître sa maladie. Il y consentit volontiers. En les examinant je remarquai dans le côté droit du scrotum une tumeur fort considérable par son volume, dans laquelle je sentis une fluctuation manifeste au toucher; de là je jugeai d'abord, que la liqueur, qui la formoit, étoit renfermée dans les membranes propres du testicule droit, ce qui fait la vraie hydrocele. Mon opinion me paroissoit d'autant plus certaine, que les membranes communes des bourses étoient minces & sans transparence, au lieu qu'elles deviennoient fort épaisses & luisantes, quand leur tissu est abreuvé de sérosité, ce qui fait une oedematie particuliere, qu'on appelle fausse hydrocele. Mais ce S. Religieux me tira aussi-tôt de mon erreur; car en comprimant devant moi la tumeur avec ses deux mains, il en fit sortir l'urine par le canal de la verge, & l'ensure disparut entierement; ce qui me fit aussitôt changer de sentiment. Je lui avouai ma surprise, en l'assurant, qu'il avoit certainement une descente de vessie, que son fond avoit passé par les anneaux des deux muscles obliques & du muscle transverse du ventre, & que l'urine, dont il se remplissoit, produisoit la tumeur, dont il étoit affligé. Enfin je lui représentai, qu'il n'y avoit point de remède à son incommodité, par ce que la vessie devoit être adhérente à la surface intérieure du scrotum, comme se trouve ordinairement le péritoine prolongé jusqu'aux bourses dans les descentes ordinaires, soit de l'epiploon ou des intestins, qu'ainsi il étoit absolument impossible de réduire la vessie dans sa place naturelle. Je lui conseillai de porter seulement un suspensoir.*

En sortant du Monastere, je dis au frere infirmier, qui m'accompagnoit, que depuis que je pratiquois la chirurgie, je n'avois rien vu de si monstrueux. Je le priai de me faire le plaisir de me permettre d'examiner cette descente de vessie après la mort de ce Religieux, qui avoit plus de quatre vingt ans. Ce Frere, comme il n'avoit pas moins de curiosité que moi de connoître un fait si extraordinaire n'eut pas de peine à m'accorder la grace, que je lui demandois; il me promit de me faire avertir de sa mort, sitôt qu'il seroit decédé, ce qu'il fit peu de temps après. Etant arrivé au Monastere, nous allâmes seuls dans une des chambres de l'infirmerie, où le corps du defunt étoit en depot, & là j'ouvris le ventre & les



bourses. Nous remarquâmes, que la vessie étoit effectivement adhérente dans le scrotum, de même qu'ailleurs, comme je l'avois jugé auparavant. Sa figure représentoit celle d'une gourde, qui est une espece de courge, dont les pauvres voyageurs se servent pour mettre & conserver leur boisson. Le fond de la vessie, qui en faisoit la partie la plus évasée, occupoit le côté droit du scrotum, son milieu en faisoit la partie la plus étroite; parce qu'il étoit resserré dans les anneaux des muscles du ventre, sa fin avoit plus de capacité, mais moins que son fond; elle étoit placée dans la partie antérieure de la region hypogastrique, comme à l'ordinaire; son fond étoit recouvert du dartos, son milieu des muscles du ventre, le reste du péritoine, de sorte qu'elle étoit jointe à toutes ces parties, qui l'environnoient. Nous examinâmes ensuite les viscères renfermés dans la capacité du ventre, nous les trouvâmes tous dans leur état naturel, excepté qu'un des intestins étoit tombé dans le côté gauche du scrotum.

## T H E S X V I I.

Altera observatio eundem statum p. n. ob oculos ponens sequentibus ab eodem verbis recensetur: La seconde descente de vessie, que j'ai vûe dans l'Hôtel-Dieu à une pauvre femme grosse de cinq à six mois, n'étoit pas moins extraordinaire, que celle que je viens de rapporter. Cette femme urinoit avec beaucoup de peine. En l'examinant je lui trouvai une tumeur d'un volume plus gros, que celui d'un œuf de poule. Cette tumeur étoit située entre l'anus & la partie inférieure de l'orifice externe de la matrice. En la tâtant, j'aperçûs quelques gouttes d'urine sortir par l'urethre. D'où je conjecturai, que cette tumeur pouvoit être causée par l'urine, qui séjournoit dans le fond de la vessie déplacée. Pour mieux m'en assurer, je comprimai peu à peu la tumeur, & elle disparut entièrement, toute l'urine qu'elle contenoit s'étant écoulée par le canal de la vessie. Cet événement changea mon soupçon en une entière certitude. Voilà le fait tel que je l'ai remarqué. Tertiam historiam ibidem consignatam sic legimus. Depuis peu j'ai vû à une personne de qualité une descente de vessie, semblable à la première, dont j'ai parlé. Cet homme de considération portoit un bandage d'acier, suivant en cela l'avis de ceux, qu'il avoit consultés, & qui avoient pris son incommodité pour une enterocèle, ou chute d'intestin dans les bourses. Je lui conseillai de quitter son bandage; parce qu'en comprimant le milieu du corps de la vessie contre les os pubis, il empêchoit la partie de l'urine contenue dans son fond, de remonter du scrotum dans le reste de la cavité de la vessie, pour prendre la route du canal de la verge. Il me crût, & se trouva beaucoup mieux qu'auparavant. Præterea supra jam innuimus Cel. Ruyschium ejusmodi herniam bis in praxi sua annotasse, quare non alienum esse putamus, ejus historiam paucis quoq; tradere [t]. Amplissimus vir, mercator Amst. ab aliquot annis in tantam mingendi difficultatem incidit, ut urinam reddere nequiverit, nisi manu scrotum elevando comprimeret. Reticuit hoc malum tam-

[t] Obsl. anat. chir. 98.



tamdiu, donec simul, mirum dictu! in bubonocelen solo terrore incideret, cui mederi, cum in artis potestate non esset, brevi diem suum obiit. Aperto post mortem cadavere, tota vesica urinaria in scrotum prolapsa ab eo & aliis Medicis atque chirurgis raro spectaculo visa fuit. Uti vero hæc hernia cystica cum bubonocèle complicata erat, ita idem nobis aliam exhibet cum calculis pluribus & immani dolore conjunctam [u], qui calculi perita manu chirurgica & sectione è vesica extra sinum pudoris una cum utero multum propendente feliciter extracti fuerunt. *Inaudita* (uti exclamat) *Lithotomia in muliere oörogenaria tanto cum successu administrata*. Uti autem operatio, ita & totus de hoc prolapsu casus cum ab uteri procidentia, tum etiam à calculis generatus, dignus est, qui loco citato legatur, omnesque ejus circumstantiæ paulo accuratius ponderentur.

## THE S. XVIII.

Quibus addi meretur casus, quem *Vir. Clar. Jo. Conr. Peyer* in *E. N. C.* [x] his verbis exhibet: *Accidit A. 1682. Mense Martio, ut in Xenodochio Scaphusiano vidua decumberet, ex diuturna & gravi uteri procidentia laborans. Primum quidem ante plusculos annos, cum uxor marito adhuc uteretur, leve malum fuit, nihilque aliud quam vaginæ laxamentum. Postea vero conceptione & partu iteratis paulatim ita degeneravit, ut vagina omnis inversa promineret ac inter femora nutaret. Procidentiam ægra sibi identidem ipsa reposuit & pila cerea utcumque firmavit; donec novissime difficulter parturienti uterus edito fætu in vaginam pendulam prolaberetur. Pensilis massa carnis spithamam æquavit longitudine, crassitiem utraque manus facile complecti haud potuit, tantumque doloris & molestiæ ægrotanti creavit procidentia, potissimum obambulatione & rem familiarem curaturæ, ut subinde mortem præoptaret. Inferne per patulum uteri orificium menstrua statis temporum intervallis promanarunt. Matricem autem extra pudenda delapsam manibus nostris aliquoties palpavimus, quæ tamen inversa haud erat, ut oculis conspici posset, sed latens intra vaginam propendulam contractari potuit & comprehendi manibus. Illa sursum aliquando compulsa nativam sedem cum saltu repetiit; ast vaginam in pristinum restituere locum non licuit. Tandem cum nihil remedii superesset, & alia atque alia mala imminerent, hanc amputare visum est. Eventu autem spem non implente, ægra mortem occubuit. Docuit post anatome uterum revera procidisse vaginamque totam fuisse inversam. Ad hæc, quod magis mirum & plane novum videtur, cum utero vesicam urinariam similiter mutata sede procubuisse annotavimus; ceu pluribus aliquando forsitan denarrabit Inclytus Wepferus, qui horum omnium nos voluit esse testes oculatos. Nec tamen rupta fuerunt uteri & vesicæ vincula, sed tantum laxata. Tandem Corn. Solingen* [y] oppido raram inversionis seu

O o 3

pro-

[u] Idem obs. I. &amp; thes. anat. VIII. p. 57. &amp; seqq.

[x] Dec. II. an. I. obs. 84.

[y] Obs. de Mulier. &amp; Infant. morb. chir. p. 741.



procidentiae colli vesicae historiam nobis reliquit, quae ita sese habet: A. 1676. infimae plebis faemina conquesta est, se aliquando factum difficili partu enixam, & à marito durius, nempe ictibus atque verberibus in ventrem infimum exceptam fuisse, à quibus abdominis subsidientiam observavit, & urinam excernendi difficultatem passa fuerit, eo, quod illo in loco, ubi urina profiliit, protuberantia insignis sese proderet. Idem oculari inspectione facta meatum urinarium inversum, atque digiti minoris longitudine propendentem deprehendit. Quas observationes è rerum anatomicarum & chirurgicarum scriptoribus fide dignis modo allegatas vesicae urinae in scrotum non solum, sed & sinum pudoris prolapsum satis sufficienterque comprobare & confirmare auctumamus.

## T H E S. X I X.

Hicce, quantum fieri potuit, stabilitis ad differentias herniae cysticae explanandas pergimus; uti autem reliqua rannicum genera differunt, ita & hic discrepat (I) loco, quo nunc inguinalis est, si quando vesica per annulos abdominis erumpens ad regionem iliacam descendit, atque in inguinum alterutro subsistit, postea vero ingravescente malo ad scrotum ipsum pergit, cum bubono-entero-vel epiploocele apprimè conveniens; in eo tamen diversus est hic ramex, quod internam peritonæi lamellam non ante se propellat; quam speciem duo numero casus ex *Hist. Acad. Reg. Scient.* [2] nec non ille è *Frid. Ruyschio* [a] allegati declarant; nunc vero si vesica una cum utero ejusque vagina ad sinum pudoris prorumpit; illa stricte loquendo hernia, hæc descensus vocari debet. (II) Decursu atque via, quam emensa est, quo intuitu modo completa, dicto viscere ad scrotum usque in viris, in faeminis ad muliebria delapso, modo incompleta eodem in summo adhuc inguine hærente. (III) Partibus, quæ è sede sua motæ sunt, quæ diversitas, uti in aliis herniis speciem constituit, ita in nostra pariter jure meritoque attendenda; cujus reliquæ observationes, nempe quinta & sexta fidem faciunt; quo respectu alia simplex, alia complicata dicenda, hæc differentia in utramque cadit, scilicet in inguinali cystis urinaria, quia peritonæi lamellam internam deorsum propellit, infundibuli figuram referentem intestinum aliquod, vel etiam epiploon facile admittit, adeoque cum enterocele aut epiploocele quandoque complicatur. In vaginali vero vix sola vesica occurrit, sed simul uterus aut ejus vagina, ansam illi præbens & occasionem, antea ad inferiora descendit, quare etiam complicata non inepte vocatur. Quo in loco sicco pede prætereundum non est, herniam cysticam ab aliis quoque discrepare, quod sacco peritonæi, uti omentum aut intestina, nunquam inclusa sit vesica, quin potius ille, si dicta membrana simul deorsum trahitur, vesicae urinae tantum incumbat superiore in loco constitutus; quod si vero ab uteri vagina ramex hic exortus fuerit, tunc in ejus sacco p.

n.

[2] Ann. 1713. p. 146. &amp; seqq.

[a] Obs. anat. chir. 98.



n. formato recondita latet. Calculi plures, quos in casu *Ruyfchiano* [b] cystitis urinaria in sinu suo alebat, non novum quidem genus; sed solum circumstantiam notatu dignissimam exhibent, de quibus infra pluribus dicemus. Non vero idem sentiendum est de observatione oppido rara *Corn. Solingen*, quæ diversam utique speciem, nempe inversionem seu procidentiam colli vesicæ nobis sistit, si modo alia pars oculis sese offerens sub specie vesicæ huic auctori non imposuit. Hæc cum uteri inversione in aliquibus convenit, in aliis vero multum discrepat, id quod in tractatione causarum paulo prolixius deducemus. Reliquas differentias vel à tempore vel à symptomatibus variis depromptas silentio hic præterimus, eo, quod noster affectus istas cum aliis herniis communes habeat.

## T H E S. X X.

Ad causas herniarum explicandas dum pedem promovemus, quædam de generalioribus prælibare animus nobis est, post eas, quæ speciatim ad cysticam disponunt, paucis subjungemus. Causas herniarum productrices in internas atque externas dirimi in vulgus notum est; quarum multæ & variæ hinc inde ab auctoribus recitantur, quas tamen non omnes hic afferre lubet, sed eas potissimum breviter attingemus, quæ imi ventris partes supra memoratas membranaceas ac tendineas relaxandi ac dilatandi virtute gaudent, nec non quæ connexionem magis minusve arctam, quam cum vicinis partibus habent, dissolvendi aptæ natæ sunt. Priores omnia ea pro causa & origine agnoscunt, quæ naturali fibrarum constitutioni & tono debilitando velificantur. Ubi merito accusandus venit humorum in corpore vel circulantium, vel etiam in vicina aliqua parte stabulantium justo major affluxus ad partes illas, quæ herniam patiuntur, præprimis serum abundans & easdem continuo irrigans; quod videre est in temperamento phlegmatico, in hydrope ascite, non minus in anasarca, in qua aquæ p. n. eo depluunt; qui humores eo delapsi & stagnantes peritonæum, abdominis musculos eorundemque tendines & partes, quæ ob rationes supra recensitas perviæ sunt, non parum relaxant; quo posito à levi causa occasionali accedente cedunt, partibusque exitum molientibus transitum præbent. Iidem quoque omentum atque intestina alias lævia magis lubrica reddunt, quod in causa est, ut postmodum facilius erumpant. Id quod de humoribus serosis modo dictum est, de oleosis quoque & pinguibus valet, utpote quæ eundem effectum edere toto die experimur. Hinc diæta pinguis & oleosorum abusus eo pariter disponit, & è multorum opinione entero-bubonocelen Helvetiæ incolis adeo frequentem [c] infert, aut aliis quibuscumque, qui oleo, butyro, aut adipe magna ex parte victitant. Uti & exuperans corporis obesitas quandoque hujus mali causa existit. Ad hanc quoque classẽ pertinent, quæcumque flatus

tus

[b] Thef. anat. VIII. pag. 53. &amp; seqq.

[c] Freytag. diss. de Oscheo-Entero &amp; Bubonocelen.

tus generare atque alere solent, qui intus incarcerati impetum in intestina faciunt, eaque uti ad alia loca, ita & ad ea, quæ in abdomine hiant, cum vi propellunt, pari ratione ac uteri prolapsus ab iisdem enatus fuisse legimus [d]. Non minus uteri moles in gravidis multum aucta, extraordinaria vesicæ in ischuria expansio eo confert. Quod vero attinet causas, quæ in viscera herniam formantia agunt, ista in arctum cogendo vel eorum connectionem cum partibus vicinis dissolvendo, sunt illæ respiratio aucta vel diu cohibita in tussi ferina, magno parturiendi labore, insigni alvum deponendi conatu, tubarum inflatione; quo nisu extraordinario partes infimi ventris, maxime quæ liberius fluctuant, inferiora versus & ad annulos protruduntur, inque eos, uti & peritonæum non levem impetum faciunt. Uti autem sufflaminata respiratio multum ad herniarum generationem confert, ita quoque eadem extraordinario modo aucta seu reciprocos ille motus, quo aër dilatato pectore in pulmones cum vi admittitur, constricto autem iterum expellitur, eo disponit, quod fieri solet in vomitu enormi, à sermone pro concione diu multumque protracto, ab oneris gravioris gestatione, repleto præprimis ventriculo; in infante à forti mammillarum suctione [e], quibus actionibus dictæ partes modo sursum, modo, & quam maxime deorsum impetuose moventur, suamque virtutem in annulos, potissimum si relaxati antea fuerint, non parum exerunt. Quibus addimus ex animi pathematibus terrorem, à quo solo aliquem subito herniosum factum esse expertus est *Frid. Ruyschius* [f]. Referendi inter causas externas quoque sunt violenti in lucta motus, equitationes & cursus concitiores, gravioris ponderis elevatio, coitus effrænatus, exercitia athletica, ictus validior abdomini inflictus, casus ab alto, aut alia vehementior ejus concussio, quæ & forsan aliæ causæ & hernias generant & jam prognatis augmentum præbent.

## T H E S. X X I.

Antequam huic de causis tractationi finem imponamus, ab instituto nostro haud alienum esse censemus de controversia ab aliis mota quædam addere, utrum nempe peritonæum in ramice nonnisi relaxetur, an vero quandoque etiam omnino rumpatur, hac potissimum ratione inducti, quod aliqui hujus mali differentiam inde depromant. In confesso utique est, quod supra jam innuimus, relaxationem ejus sensim & successive factam frequentissime locum invenire, qua in re tantum non omnes naturæ scrutatores consentientes habemus. De ejus ergo disruptione nobis potissimum sermo erit, & inquirendum, an & illa quandoque accidat. Sæpius allegatus & laudatus *Frid. Ruyschius* eandem in observationibus anat. chir. in dubium vocat [g], &

[d] E. N. C. vol. II. obs. 63.

[e] E. N. C. dec. III. ann. IV. obs. 107.

[f] Obs. anat. chir. 98.

[g] Obs. 98.



& adverf. anat. [ *b* ] prorfus negat. *Burckh. Dav. Mauchardus* Tubing. prof. celeb. & Arch. Wirt. [ *i* ] iudicium hac de re & affenfum fuum fufpendit, eo quod in quinque fubjectis herniofis follicite diffectis nonnifi dilatatam peritonæi lamellam, nunquam vero ruptam repererit; quod etiam ne quidem unico, eoque fufficienti testimonio hanc rupturam ullibi fuffultam deprehenderit, quod denique ab aliquibus artis fuæ peritiffimis chirurgis Parifienfibus acceperit rupturam iisdem nunquam obveniffe, quibus motus viſ hic Excellent. in negativam inclinare videtur ſententiam, perfuaſus tunicæ huius robur & firmam cum partibus adjacentibus cohæſionem huic de ejus ruptura hypothefi contrariari, neque ſatis validum cenſet argumentum, quod à præcipiti & ſubitanea herniæ ortu & formatione deſumi alias ſolet. Abſit vero, ut ea, quæ ſolide hac de re differuit, in dubium hic vocemus, liceat modo nobis, pace illius, unum vel alterum ulteriori diſquiſitioni & meditationi commẽdare. Et ( I ) quidem peritonæi robur tantum non eſſe, ut impetui etiam majori reſiſtere valeat, imo ne quidem relaxatis annulis aut integumentis ab inſtrumento læſis inteſtina in ſitu continere potis eſt hæc membrana. ( II ) Nos non latet, hoc æque ac alias etiam membranas mirum quandoque in modum expandi, ſi dilatatio earum ſucceſſive & per gradus fiat, id quod integumentorum in hydrope aſcite, hydrocephalo aut geſtatione gemellorum, in tumoribus tunicatis, arteriarum & venarum in varice & aneurifmate magno, ureterum [ *k* ] in calculo ibi hærente ſtupendum quandoque in modum expaſio non obſcure demonſtrant. Quibus addimus omentum, quod in epiploocele adeo extenditur, ut in ſtatu naturali vix ultra umbilicum exporrectum in p. n. ad ſcrotum uſque deſcendat. Quod ſi vero è contrario illa ipſa dilatatio uno velut impetu facta fuerit, ruptionem ſupervenire verofiſmile eſt. ( III ) Obſervatio ſequens, quam *Excell. Dn. Præſes* pro ſua nunquam ſatis laudanda humanitate nobiſcum communicare haud dedignatus fuit, illud potiſſimum confirmare videtur; Lutetiæ Parifiſiorum ſtabularius bubonocèle incompleta antea laborans ictum equi fortiter calcitrantis abdomini inſlictum recepit, à quo mox tota inteſtinorum moles uno veluti momento in ſcrotum prolapſa aliud fere abdomen magnitudine referebat, ordinario magna ex parte evaneſcente & fere penitus collapſo. Quo in caſu non poſſumus non nobis aliſque perſuadere, lamellam peritonæi internam diſruptam utique fuiſſe. In quo confirmamur autopſia ſupra citati *Petiti* chirurgi peritiffimi, qui in ſimili hernia eandem cauſam agnoſcente ſupernam ſacci à peritonæo formati portionem ita ſolutam obſervavit, ut in operatione felici cum ſucceſſu adminiſtrata nullum prorfus ſacculum alias præſentem invenerit [ *l* ]. Cum vero hæc peritonæi ruptura, de qua controvertitur, noſtro in affectu locum non inveniat, de iſta prolixioribus nobis eſſe non licet.

THE S.

[ *b* ] Dec. II. §. 9.[ *i* ] Diſſ. de hern. incarceration. ann. 1722. Tubing. habit.[ *k* ] Ruysch. obſ. anat. chir. XXXVII.[ *l* ] Vid. *Garengeot* oper. chir. T. I. c. 7.

Tom. III.

Postquam plerasque herniarum causas in genere enumeravimus, postulat jam ordo, ut quoque dispiciamus, quomodo contingere possit, & revera contigerit vesicæ urinariæ prolapsus. Equidem sunt viri rerum anatomicarum & chirurgicarum peritissimi, qui vesicam, eo modo, quo omentum vel intestinorum aliquod situm mutare atque delabi inficiantur, quos inter eminet plus una vice *laudatus Mery* [ *m* ], qui rationibus haud contemnendis innixus illam herniæ speciem, quæ per annulos abdominis fit, & non à prima conformatione est, in dubium vocat; quarum (I) est, quod vesica partibus aliis ope urachi, arteriarum umbilicalium & ligamentorum supra recensitorum tam firmiter, tamque arcte undique cohæreat, ut non adeo relaxari, multo minus è sede naturali prolabi queat. (II) quod viscus hoc cavum urina repletum atque valde expansum majorem in molem excrescat, quam ut per annulos musculorum abdominis transire valeat. (III) quod vesica in supra memorato casu, præter quod cum scroto cohæserit, plane non alterata, neque malum ullis symptomatibus stipatum fuerit, quod tamen in malo inveterato experientia alias probat. Quibus motus herniam cysticam vitio conformationis in utero contracto, non vero causæ adventitiæ adscribit. Hæ rationes à *laudato Mery* allegatæ, quamvis prima fronte speciosæ videantur, plura nihilominus argumenta in medium afferri posse putamus, quibus hic vesicæ prolapsus stabiliatur, quæq; eo minus sicco pede transire volumus vel debemus, quo magis in aprico est, totius rei cardinem in hoc verti. Et primo quidam quædam ab aliis prolata recensebimus, deinde nostra qualiacumque subjungemus. Dexterrimus *Petit* [ *n* ] largitur quidem, vesicam urinariam non facile è situ delabi, eo tempore, quo plena est, sed, ut vacua sit, necesse esse; hoc tamen non obstante aliqua in contrarium profert, nempe (I) vesicam vel ab urinæ copia, vel in senectute, vel ab alia quacumque causa dilatatam atque atonia affectam planiorem reddi, pristinamque figuram, quam in statu naturali habuerat, ac locum non æque recuperare. (II) eandem urina repletam ex ipsorum ægrorum sensu atque testimonio versus abdominis annulos multum propelli, id quod vel actioni diaphragmatis & musculorum abdominis intestina reliquaque viscera deorsum prementi, vel etiam renisui peritonæi fundo ejus annexi, atque expansioni versus superiora obicem ponentis procul dubio adscribendum. (III) in gravidis eo tempore, quo urina in ea accumulatur, sursum & retrorsum ob pressionem uteri, neque antrorsum propter ossium pubis resistantiam ferri posse, sed utrinque ad latera cogi, & duo veluti cornua formare, quæ, si ad annulos accedunt, per eos elabi posse; magis si hi ipsi aut à vi, quam cum uterus tum reliqua abdominis viscera in illos exserunt, debilitati atque dila-

[ *m* ] Hist. Acad. Reg. Scient. 1713. p. 24 & act. ejusd. ann. p. 151. & an. 1717. p. 17.  
 [ *n* ] Hist. Acad. Reg. Scient. ann. 1717. p. 17.



dilatati fuerint; eo quippe secedit, ubi minor resistantia est. Quod vero de sexu sequiore imprægnationis tempore asserimus, in virili ab aliis causis agentibus contingere quoque posse, nemo est, qui vel nobis tacentibus non intelligit. *Exper. de Littre* [o] contendit, vesicam, dum expanditur, æque libere in abdominis cavitate ac intestina fluctuare, eoque posito, pari ratione in scrotum delabi; quod tanti roboris esse nobis non videtur, ut assertum Meryanum infringere valeat.

## THE S. XXIII.

Potius alia quædam adjiciemus, quibus vesicæ hernia corroborari forsan poterit, & (I) quidem vitium conformationis & situm à nativitate prorsus extraordinarium quandoque occurrere non inficiamur, quippe quod confirmat *Roussens* [p]. (II) quod vesica multum & sæpius dilatata peritonæum sursum propellat, ejusque vincula, quibus ossi pubis aliisque partibus committitur, successive relaxet, quæ postea ad pristinum statum non facile redeunt. (III) quod eadem retro lamellam peritonæi locata sit, adeoque non opus habeat illam ante se propellere, uti ab intestinis fieri debet; verum tunica cellulosa levi negotio cedente, illa ipsa inter os pubis & ileum, atque dictam peritonæi lamellam constituta annulos tandem perrumpat; neque hoc impedit, uti *Mery* vult, quod iidem à peritonæo obtekti sint, quia eadem rationes hic militant. Idem quoque (IV) confirmatur ex analogia ab intestinis desumpta, quæ fæcibus aut flatibus etiam distenta eidem nihilominus malo frequenter obnoxia observantur. (V) dubio, quod plerique movent, nempe vesicam urinariam eousque extendi haud posse, ut per annulos ad scrotum exporrigatur, aliquo modo occurritur, si animo concipimus, quantam partes membranacæ dilatationem, quæ sensim fit, quandoque patiantur, cujus rei exempla supra §. 21. adduximus. Quare non impossibile nobis videtur, & vesicam, utut rarius, pariter dilatari & dilatatam tantum viæ emetiri posse. Quod vero de vesica non alterata assertur, ei (VI) respondemus, illam ob minorem vasorum copiam non ita facile ac intestina alterari, tum & materiam ibi contentam fluidamque liberius fluctuare, & modo in hunc, modo in illum faccum transire, adeoque non tantam cystidi vim ac fæces intestinis inferre, tum etiam lotium sæpius excerni, atque inde utrumque faccum depleri, secus ac in intestinis fit, in quibus excrementa magis incarcerata sunt. Denique cum duplex intestini portio annulo inhæreat, superior, seu illa, quam contenta primum ingrediuntur, inferiorem comprimens illis ipsis viam præcludit, unde in arctum coactæ fæces canalem maxime distendunt & inflammationem successu temporis inferunt, id quod de vesica urinaria metuendum non est. Quod si (VII) consideramus,

P p 2

ute-

[o] Hist. Acad. Reg. Scient. an. 1713. p. 151.

[p] In Cattieri obs. 20.

uterum ejusque vaginam eidem malo non raro obnoxiam esse, uti frequens experientia comprobat [ *q* ], colligere aliquatenus licet, firmam vesicæ atque arctam connexionem huic prolapsui non contrariari; quod enim uterum spectat, quatuor ille ligamenti alligatur, quæ licet non adeo robusta sint atque ascensum magis quam descensum impediunt, cum aliis tamen partibus, præprimis pelvis parietibus connexus ille est; magis vero ejus vagina fibroso quodam nexu posterius cum intestino recto, antè cum vesica urinaria, à lateribus cum membranis satis firmatur, quo non obstante hæc connexio frequenter dissolvitur, & modo dictus canalus vel ex parte vel toto sui tractu ab adjacentibus divellitur. Ut taceamus (VIII) observationes proflare, quæ ipsius etiam ventriculi descensum in sinistram regionem hypogastricam [ *r* ], aut in cavitatem thoracis per diaphragmatis vulnus [ *s* ] probatum eunt. Quid ergo dubitamus, vesicam eo quoque progredi posse, ut per annulos sæpe memoratos erumpat. Quibus accedit (IX) & nostro qualicumque judicio maximum momentum affert, quod subjecta, si non omnia tria, duo saltem, quorum *Mery* meminit, in adulta jam ætate constituta fuerint, quemadmodum historiæ fidem faciunt. Quî ergo factum, ut malum, quod à vitio conformationis fuisse asseritur, in hac demum ætate (Religiosus enim octuagenario major erat.) sese exseruerit, & non primis statim annis symptomata valde molesta produxerit, per tantum temporis vix toleranda. Quibus rite pensitatis aliquatenus intelligitur, vesicæ urinariæ per annulos eiapsui nec visceris magnitudinem, nec firmam partium adjacentium cohæsionem, nec alias forte rationes adeo contrariari, ut eundem pro impossibili venditemus. Quod dum stabilimus, illum rarum, imo rarissimum & parum hætenus cognitum affectum esse lubentes largimur.

## T H E S. X X I V.

Causis herniarum generalioribus supra §. 20. in medium adductis, argumentis etiam, quæ herniam cysticam comprobare nobis videntur, allatis, instituti ratio postulat, ut speciales nostri ramici causas paucis recenseamus. Quarum præcipua fere est nimia vesicæ dilatatio atque expansio, ad quam sustinendam ex indole & structura sua valde apta est [ *t* ], hac facta vel ad utrumque, vel, quod familiarius ad alterutrum latus secedit, adeoque ad annulos appropinquat; simul vero vel illa ipsa vel alia abdominis viscera in arctum coacta impetum in dictos annulos faciunt, qui debilitati cedunt & partem hanc prolapsuram transmittunt. Fit autem hæc majorem in molem mutatio, nunc à potu aquoso simplici, aut minerali, imo &, quod non infrequens est, vinoso, nimia in copia assumpto atque diutius voluntarie retento,

[ *q* ] *Ruyseh.* obs. 8. 9. 24. & 25.[ *r* ] *Nic. Blegny* zod. med. Gall. ann. I. mens. febr. obs. 2.[ *s* ] *Fabr. Hildan.* cent. II obs. 23.[ *t* ] *Vid. Pazzaroli* Pentecost. I. obs. 27.



to, quandoque ad rupturam usque, quod insigni astronomo *Tychoni de Brahe* accidisse perhibetur, quod malum alii inflammationi tribuere malunt. Hoc si frequentius contingit, sensim atque sensim in majus volumen excrescit vesica, quandoque in tantum, ut teste *Tibaltio* [u] chirurgi dexterimo duas mensuras cum dimidia capiat, neque postea ad pristinos limites facile redit. Non minus injectionem liquoris copiosi repetitam, quæ ante operationem lithotomiæ altiore apparatu instituendæ fieri solet, idem effectus sequi potest. Nunc à retentione aut suppressione urinæ involuntaria diu subsistente, uti sectiones cadaverum hoc morbo defunctorum id palam faciunt. Quæ causæ eo efficacius agunt, quo magis fibræ visceris hujus cavi vel à senio, vel à temperamento, vel à quacumque alia causa atonia laborant, tunc enim liquori aut alii corpori dilatanti facilius cedunt; item quo laxior est parietum ejus structura, de qua *Illust. Morgagnus* [x] his verbis loquitur: *A laxiore quibusdam in locis parietum structura & à nimia interdum retenti humoris copia ejusmodi vesicarum dilatationes, atque, ut ita vocem, hernias deduco.* Pariter quo magis laxata vincula sunt, quæ vesicam cum partibus vicinis connectunt, eo major distensio à supra dictis causis metuenda. Hæc autem vincula laxari posse & re ipsa laxari probatur ab affluxu humorum feroforum in temperamento phlegmatico, in hydropicis, quorum abdomen aquarum moles inundat, nec non in senibus &c. analogia ab aliis partibus, potissimum à vagina uteri desumta, cujus connexio, utut firmior, interdum dissoluta procidentiae notabilis causa haud raro existit. Non minus eo conferunt imprægnationes frequentiores, siquidem à mole uteri aucta primo vesica multum versus os pubis comprimitur, quæ lotio magis minusve repleta & sursum pergere non valens ad latera sese extendere propiusque ad annulos accedere cogitur. Quibus accedit figura vesicæ in hoc sexu peculiaris, qua superius & utrinque à latere duos velut angulos obtusos refert, quæq; cæteris paribus causa ejusmodi prolapsus non ultima est. Deinde tota viscerum & præprimis intestinorum compages in angustias coacta in dictos annulos impetum facit, eosque sensim sensimque dilatat. Prius eo certius evenit, quo magis collum vesicæ premitur, & hæc ab urina accumulata atque diutius retenta circa fundum dilatatur; quod ipsum pariter à partu difficili, factu nempe diutius in uteri cervice hærente, sæpius provenire in confesso est.

## T H E S. X X V.

Uti vero vesicæ dilatatio, ita pariter ejusdem constrictio extraordinaria ad hunc affectum generandum quandoq; confert, qua ob exquisitum sensum à tunica nervea oriundum sæpissime afficitur, sive ille à calculo; primæ juventutis & ultimæ senectæ tormento, sive ab enormi texturæ nerveæ expansione, qualis post liquoris copiosi injectionem quandoque contingit, sive

[u] Hist. Acad. Reg. Scient. Paris. 1713. p. 151.

[x] Advers. anat. III. animadv. 36.

ab ejus hæmorrhoidibus non rite succedentibus, aut alia sanguinis in vasis stagnatione indeque orta inflammatione, five ab urinæ acrimonia & crusta villosa ex parte abrafa, five à sanguinis eo delati dyscrasia falsa, acri, natalis suos ducat. vid. *Frid. Hoffmanni, Prof. Hallens longe Celeb. Diff. de morbis ex spafmo vesicæ*. Id quod paradoxum quibusdam videbitur eo, quod constrictione hac spasmodica vesicam potius coarctari quam distendi, adeoque ad regionem hypogastricam haud ferri verosimilius sit, uti in iis, qui calculi cruciatibus diu multumque divexati fuerunt, istam mole minorem atque angustiores deprehendimus. Quod ipsum cum experientia concordare largimur, si tota vesicæ substantia, non item si aliqua tantum ejus pars spafmo constringitur, ac contractione illa ipsa vel elongatur, vel alia ratione contorquetur, eodem modo, quo intestina à colicis doloribus spasmodice affecta per annulum abdominalem aut cruralem elabi observamus. Inter causas externas violentas referimus non tantum ictus, sed & vulnera regioni inguinali inflicta, in quibus integumenta abdominis communia ad peritonæum usque læduntur, quo in casu vesica retro lamellam internam locata facile erumpit, prægressa hujus expansione & substantia cellulosa levi negotio cedente.

## T H E S. X X V I.

Et hæ causæ ad prolapsum vesicæ inguinalem generandum disponunt. Quod vero illas spectat, quæ ad sinum pudoris eam procidere faciunt, si non unica, præcipua saltem est uteri vel ejus vaginæ descensus. Neque aliter fieri potest, quin illa ipsa hisce partibus, quibus firmissime connexa est, e sede sua motis pariter in consortium trahatur. Unde *Frid. Ruyschius* [u] autopsia propria edoctus confirmat, *uterum e corpore propendentem secum rapuisse magnam vesicæ portionem, quod rarissime (si unquam) ante hac visum est*. Idem vero frequentius contingit à vaginæ, quam uteri ipsius procidentia, utpote cum qua arctius cohæret, & quidem cum parte ejus antica, quare si postica & laterales loco moventur, status hic vesicæ p. n. non æque insequitur. Quod si vero quis inferat, inde sequi, herniam vesicæ, quam supra rarissime fieri asseruimus, æque frequentem futuram ac vaginæ prolapsum, cui tamen experientia refragatur, ei respondemus (I) quod de rariore vesicæ prolapsu supra dictum à nobis est, de illa, quæ per annulos abdominis in inguinum alterutrum fit, intelligendum esse. (II) anticam vaginæ uteri partem rarius, frequentius posticam & laterales, ob eundem arctiorem connexum loco moveri. (III) hac etiam posita nonnisi descensum, æque ac in utero, plerumque fieri, ut vero procidentia extra pudoris sinum contingat, opus esse, ut vaginæ aut uteri vitium enorme sit atque extraordinarium. Si quis instat, hanc quoque interdum observari, præter quod cystis urinaria in consensum trahatur, ei regerimus, vel uteri vaginæve molem tunc obstare, vel vesicam

re



re ipsa prolapsam non agnosci; quod ut statuamus, eo nos inducit *Frid. Ruyschius*, qui licet circa corporis humani partium structuram non minus, quam ullus alius versatus fuerit, de hac vesicæ procidentia dubius quam maxime hæsit [x]. Præterea inter causas symbolum solum eo quoque conferunt calculi in sæpius nominati visceris cavo hospitantes, quod accidens, utut insolitum sit, si simul conjunctum est, non potest non fieri, quin pondere suo atque gravitate saccum, in quo continentur, deorsum trahant atque vesicæ prolapsum, si non primario generent, tamen facilitent, atque augeant, id quod ex observatione, quæ in E. N. C. [y] prostat, non obscure patet, utpote quæ docet, *vesicam ad sinistram perinei partem protrusam tumorem ibi efformasse, nec non calculum illum in tantum immeruisse, ut primum intuentibus deesse credita fuerit*. Ibidem vesicæ procidentiam rectum quoque intestinum secum rapuisse adjicitur. Inversio colli vesicæ, cujus *Solingen* [z] meminit, uti magis admiranda & plane nova videtur, ita modus fiendi ejusque causa cognitu & explanatu difficilior est. In aliquibus cum uteri inversione convenit, in aliis vero ab ea discrepat; sicut enim illius inversio mox post partum orificio multum hianse, vel à diuturnis laboribus, vel à rudiore obstetricantis manu inducitur; ita quoque idem status p. n. in hac eveniens partui difficili non immerito adscribitur, junctis ictibus, à quibus subinde à marito in abdomen excepta fuit hoc incommodo laborans; à quibus, præprimis partu difficili urethra, quæ in sexu sequiori & notabiliter amplior est & brevior, atque ad majorem dilatationem suscipiendam idonea, multum relaxata vesicæ collum foras eniti atque procumbere potest; id quod in sexu virili, in quo meatus urinarius minoris capacitatis & majoris longitudinis esse cernitur, non æque possibile esse quivis rerum anatomicarum non omnino ignarus nobiscum intelligit. In hoc vero differt vesicæ colli inversio, quod cuique causæ urethram dilatandi & relaxandi aptæ supervenire illa possit, ad quam etiam refero calculos, quos notabilis licet magnitudinis extraordinario quandoque nisu edunt mulieres, atonia partis, per quam transierunt, postea manente. Tum & in eo differt, quod si à partu difficiliore est, diu post illum etiam contingere possit, secus ac in uteri inversione fieri modo annotavimus.

## THE S. XXVII.

Jam ad herniæ vesicalis signa progredimur, quæ, uti illa reliquarum herniarum, eo accuratius investiganda sunt, quo magis experientia confirmat, alios affectus ejusmodi elapsus mentientes, & prima specie præ se ferentes incautis quandoque imposuisse. Sic tumorem alium in inguinè dextro

[x] Loc. cit.

[y] Dec. II. Ann. V. Obs 71.

[z] Loc. cit.

tro pro descensu venditatum in E. N. C. [a] herniam umbilicalem pro tumore cystico à chirurgis rerum ignaris habitum legimus. Alius non magis peritus bubonocelen pro abscessu tractatam, & non sine magno labore emollitam lanceola tandem pertudit, e quo vulnere postea fæces involuntarie exierunt [b]. Quid mirum, si barbitonfor eodem errore in diagnosi commisso, nil aliud labore suo effecit, quam ut ægrum, qui se ejus curæ commiserat, simili prorsus malo exponeret. Si porro obstetrix ultra crepidam, seu rectius ultra uterum sibi sapere visa ejusmodi bubonocelen uterum prolapsum esse sibi aliisque persuasit, parumque absuit, quin ægram male tractatam morti traderet [c]. Non minus testiculorum alter antea in abdominis cavo latens, & circa pubertatis annos erumpens rem non rite pensitantibus sub tumoris p. n. specie quandoque imposuit. Πολυ-  
θύλλητον est, quod hernia, uti forex, sese prodat tumore suo. Quia vero plurima dantur tumorum genera, illi sollicite à se invicem distinguendi veniunt. Quibus noster affectus ab aliis differat, ex sequentibus aliquatenus elucescet. Communem cum aliis herniis præfert tumorem, qui vel in inguine, vel in scroto, vel etiam in sinu pudoris sese manifestat, initio parvus & abdomen facile subiens à levi manuum pressione aut etiam commodo corporis situ, qui vero post aliqualem motum rursus erumpit, & in majorem molem indies excrescit; ille qui in inguine est, eundem cum bubonocеле decursum habet; uti & calor, ubi manus tumori imponitur, notabilis, si inflammatio, strangulatio atque incarceratio accessit, alias vix sensibilis. Ægri à frigore admissio eadem ac in enterocеле incommoda sentiunt, non æque à cibis flatulentis, qui in nostrum malum parvum virtutis exerunt. Hoc silentio prætereundum non est, nostrum affectum cum nullo alio herniæ genere communia magis signa habere, quam cum hydrocele, quæ sunt (I) transparentia tumoris oculum inter & candelam collocati, ab aquis in sacco membranaceo stabulantibus proveniens, sed paulo minor, quia tunicæ vesicæ, utut dilatatæ sint, radiorum luminarium transitum aliquatenus impediunt atque infringunt, (II) fluctuatio digitis tumorem hic inde moventibus perceptibilis, quæ eo tempore, quo vesica lotio multum repleta est, manifestior, quo vero ab ejusmodi humore excrementitio vacua existit, non æque observatur. (III) dolor in loco tumoris sensibilis atque constrictorius, etiam si inflammatio & stagnatio abest, quia vesica exquisito gaudet sensu, & urina in parte prolapsa velut incarcerata detinetur. Hæc vero signa intellecta volumus de illa hydroceles specie, in qua humores serosi tunicæ vaginali inhærent, quod si enim in scroto libere fluctuant, & tumor & undulatio & diaphaneitas major est, dolorque ab ægro minor sentitur. Accedente inflammatione calor partis affectæ augetur, dolor exacerbat, & febris major minorve accenditur.

[a] Dec. II. Ann. 7. obs. 11.

[b] Act. Med. Berol. Dec. I. Vol. 6. n. 2. E. N. C. Vol. II. obs. 94.

[c] E. N. C. Dec. III. Ann. 9. &amp; 10. obs. 2.



ditur. Et quemadmodum in epiploocele circa regionem ventriculi, & in enterocele circa umbilicum dolor tensivus sentitur, ita in hac herniæ specie sensus ejusmodi molestus in regione pubis se exerit à partium vesicæ contiguarum distensione oriundus. Plerumque etiam cum stranguria conjunctus est noster affectus, in qua non modo urinæ excretio laboriosa & difficilis est, & lotium per vices redditur, sed & continuo ad mingendum stimulo torquentur affecti.

## THE S. XXVIII.

Præterea æger vesicam à respiratione, aut alia vehementiore actione ad latus alterutrum atque versus annulos propelli interdum, sed rarius atque obscurius animadvertit, eoque in loco dolorem subinde excitari, quem per vices redeuntem ad signa herniam antecedentia refert *Clar. Riedlinus* [d]. Uti & hernia vesicæ nullum peculiarem saccum à lamina peritonæi interna formatum, uti epiploo-vel enterocele agnoscit, nisi pro illo venditare velis istam portionem, quam non ante, sed post se deorsum rapit. Signum vero specialissimum & jure meritoque pathognomonicum herniæ nostræ est notabilis dysuria & magna urinam reddendi difficultas, atque mingendi quandoque impossibilitas, nisi æger manu scrotum elevando tumorem simul comprimant; nec non insigne levamen, quod compresso ita tumore & exitu urinæ concessio sequitur. Sic & probe tenendum illud est, quod æger neglecta hac enchiresi mingere fere nequeat, quia fibræ musculares ob justo majorem dilatationem atonia laborant, seseque rite contrahere & fundum cervici appropinquare non amplius valent. Cui accedit, quod notabili urinæ copia hoc modo expressa, tumor vel penitus, vel magna ex parte evanescat, licet brevi post lotio in vesica accumulato & in partem prolapsam depluente sensim augmentum denuo capiat. Unde fit, ut postquam aliquam urinæ copiam emisserant hoc malo affecti, brevi spatio interjecto denuo mingere possint. Aliqui cathetere applicito rem hanc expiscari allaborant, hoc enim facto, si strangulatio abest, & liber urinæ ex una in alteram vesicam transitus datur, tumor pariter non parum disparet; de cujus instrumenti applicatione hic obiter annotamus, quod non ita libere, uti alias, hinc inde moveri possit aut debeat, tum ob vesicæ constitutionem quasi divisam, alteriusque partis angustias, quæ obstaculum ei opponunt, pari fere modo ac in vesica a diuturno calculo multum angustata idem experimur, tum etiam quia rudiori & ulteriori ejus immissioni gravia symptomata supervenire solent, eo citius & certius, quo major inflammatio jam præsto est. Quod symptoma sequentem in modum non inepte explicatur. Vesica urinaria ita prolapsa & ab annulis compressa in duos quasi loculos dividitur, superiorem & lateralem, qui elapsus est, atque inferiorem, qui in abdomine mansit, media inter utrum-

Tom. III.

Q q

que

[d] E. N. C. Dec. III. Ann. 9. &amp; 10. obs. 150.

que pars ab annulis valde constringitur & veluti strangulatur ; unde fit , ut in hoc statu p. n. cucurbitam ampullaceam , *eine Flaschen Kürbiß* figura sua referat , quæ compressio ab annulis facta ordinarium omnis lotii effluxum impedit. Si vero urgente necessitate , & urina multum accumulata sui que exitum postulante , tumor atque scrotum superiora versus blanda manu comprimuntur , & urina in inferiorem vesicæ partem propellitur , ejus exitus non parum facilitatur. Ad hanc mingendi difficultatem etiam pertinet , quod ubi modo lotium emiserunt , paulo post non minorem ejus copiam excernant , item quod pro exoneranda vesica nunc hunc , nunc alium situm servare necesse habeant. Quodsi inflammatio vel à nimia vesicæ distensione aut compressione aut alia de causa præsto est , signa colicæ nephriticæ accedunt , urinæ differentia cognoscendæ [ *e* ]. In fæminis hoc malo laborantibus moles uteri certam vesicæ partem comprimens eandem mingendi difficultatem parit [ *f* ]. Vomitus plerisque in herniis contingere experientia loquitur , ille vero , qui cysticæ supervenit , rarus est , non enormis , & tarde contingit. Supra citatus *Petit* [ *g* ] , se observasse testatur , vomitus in hernia cystica cum strangulatione conjuncta sequi singultum , qui in aliis præcedit ; an vero hoc symptoma semper ita eveniat , nos hic non discutimus.

## T H E S. X X I X.

Et hæc signa vesicam in inguinum alterutrum prolapsam haud obscure declarant. Quia vero supra §. 19. indicavimus , & aliquot observationibus probatum ivimus , hanc partem in sinum pudoris quandoque etiam prorumpere , par est , ut eorum quoque mentionem injiciamus. Fatente quidem *Frid. Ruyschio* [ *h* ] cognitu hoc arduum est ; quia enim vesica ita prominens oculis haud patet , nec non vagina uteri obtecta exquisito tactu explorari nequit , diagnosi dubia redditur , quod eo minus mirandum , quo magis experientia docet , in procidentia pariter , uterina dicta quandoque difficulter dignosci , utrum uterus ipse , an vero vagina mali causa sit. Interim tamen , si visus in dubio nos relinquit , tactus de hoc prolapsu nos certiores reddere poterit , eo magis , si vagina sola prodiit , & præter hanc alius sacculus deprehenditur , qui post emissam urinam multum decrescit , postea vero sensim atque sensim mole sua augetur. Quod si vero matrix ipsa elapsa est , hæc omne spatium occupat , & vesicam loco quoque motam adeo comprimit , ut res dijudicatu admodum difficilis sit. Calculi in ea si hospitantur , quos *Ruyschius* [ *i* ] exhibet , hi tactu explorati

[ *e* ] Garengeot loc. cit. cap. 5.[ *f* ] Hist. Acad. Reg. Scient. Pariss. Ann. 1713. p. 115.[ *g* ] Ibid. Ann. 1717. p. 19.[ *h* ] Thes. VIII. pag. 53. & 58.[ *i* ] Obs. cit.



rati omnem fere scrupulum animo indaganti eximunt; idem insuper urinæ stillicidium post operationem institutam aliquandiu durans confirmat. Neque hoc prætermittendum, quod dolor, qui alias in solo uteri prolapsu, præsertim si malum recens fuerit, vix notabilis percipitur, in malo hoc complicato fati exquisitus sit, vesica, quæ una procidit & membrana nervea gaudet, multum compressa, aut dilatata sensum hunc molestum inferente. Inde factum, ut gravida illa, cujus supra Obs. II. meminimus, quotiescumque lotium reddere annisa est, non leves cruciatus experta sit, qui intolerabiles fere fuerunt in vetula octogenaria, quam *Frid. Ruyschius* inscenam produxit, ita ut fassa illa fuerit, se decies emori malle, quam eos diutius perpeti, quos ipsos vero calculis magna ex parte deberi aliorum hoc malo divexatorum confessione confirmatur. Ad hæc signa porro pertinet illud, quod mingendi difficultas in his subjectis tanta non sit, quanta in aliis esse solet, nisi illo in casu, in quo cervix vesicæ aut urethra quam maxime comprimitur; quod si enim in fundum vim suam exerit corpus comprimens, parum urinæ collectum reddere mox coguntur, uti idem in gravidis haud raro observatur.

## T H E S. X X X.

Priusquam ad affectus nostri curam pedem promoveamus, quædam de prognosi adnotanda veniunt, quæ pro ægri ætate, aut mali natura atque constitutione differt. Et quidem, si ex mente sæpius allegati *Mery* à vitio primæ conformationis malum dependet, præsagium non adeo bonum formandum, & morbus incurabilis omni jure dicendus est; uti enim pleraque vitia in utero contracta medelam aspernantur, ita de hoc non minus idem judicium ferendum est. Vesicæ quippe figura, quæ prorsus extraordinaria est, non facile in naturalem ab arte reducitur, & reducta etiam varia incommoda malo graviora & per totam vitam sustinenda post se trahit. Cui accedit, quod a nativitate cum annulis vel scroto adeo firmiter coaluerit, ut sine dilaceratione harum partium vel etiam illius inde separari nequeat, quare præstat manum, nempe chirurgicam à tabula, seu, ut rectius dicam ab hoc ramice remove. Quia vero supra §. 23. probatum ivimus, eundem adventitiis sæpius causis diversimode agentibus deberi, circa hujus prognosin occupati quam maxime erimus. De qua notandum, herniam vesicæ in inguine factam, si recens fuerit & incompleta, ita ut minore sui portione protuberet, reponi perita manu æque ac intestina posse, neque illam, quæ paulo magis inveterata est ex intempestivo ægri pudore, quo malum diu celavit, vel chirurgi ignorantia aut negligentia omni curationis spe destitui, si modo manus auxiliatrices quantocyus adhibeantur. Quod si vero cum annulo aut scroto, aut testiculo cohæret, aut etiam à quacumque causa id factum fuerit, inflammatio & strangulatio accesserit, nihil remedii superest, quam ut operatio chirurgica sine mora sus-

cipiatur, quam ancipitis eventus esse, ægrumque in vitæ discrimen conjicere experientia haud raro evincit. Completa, nempe cystide ad scrotum in viris, in fæminis vero ad muliebria usque descendente, enterocele aut epiploocele natales præbere solet, eo, quod laminam peritonæi internam simul deorsum rapit, in quam, quia infundibuli figuram induit, omentum, frequentius intestinorum aliquod delabitur, quæ nisu atque pressione sua annulos magis dilatant, tumorisque molem augment, & strangulationem inflammationemque citius & certius inducunt, adeoque malum gravissimum & complicatum reddunt. Præterea vesica ita prolapsa alias etiam partes, cum quibus connexa est, loco & sede sua movet, nempe intestinum rectum, de quo casum in E. N. C. [k] adnotatum legimus, vaginam item uterinam aliasque, quas sicco pede hic transimus. In infantibus, uti omnibus herniis, ita & huic majori cum successu opem ferre in artis potestate est. In senibus e contrario plus periculi alit, & difficilius reponitur, idque plures ob rationes, quarum non ultima est musculi obliqui externi aponeurosis in hac ætate firmior atque siccior reddita. Quod jam herniam cum uteri prolapsu conjunctam attinet, illa matrice in situm naturalem reposita, inque eodem detenta uno eodemque labore restituitur; idem de vagina ejus foras prorumpente sentiendum est. Si denique calculi aliaque corpora heterogenea præter uterum non parum eo contulerunt, iis dextra manu & sectione exemptis hic morbus situs vel sponte curatur, vel facili postea negotio & arte restituitur.

#### T H E S. X X X I.

Quod jam ultimo loco cûram herniæ cysticæ attinet, circa quam morbo e supra memoratis signis cognito ars vel medica vel chirurgica maxime occupata esse debet, primo tenendum est, quod, uti modo in prognosi annotavimus, si malum vitio conformationis in utero jam contracto debetur, in artis potestate non sit, medelam aliquam afferre, quia illo in casu vesica urinaria non modo cum annulis, sed & scroto atque testiculi tunicis firmitus coaluit, quam ut ab illis perita etiam manu separari queat, aut si vel maxime id tentare allaboret medico-chirurgus rerum suarum maxime gnarus, utique laborem irritum suscipiet, quia ejusmodi figura & situs vesicæ, utut in se spectatus contra ordinarias naturæ leges sit, in ejusmodi tamen subjectis, in quibus à nativitate ita se habet, non sine omni ratione naturalis seu rectius congenitus æstimandus est. Præterea si etiam artis magistro licet esse adeo felici, ut vesicam ita constitutam reponat, & repositam in situ conservet, non sine fundamento conjicere licet, gravissima inde symptomata subsequutura esse, nullis remediis mitiganda aut profliganda, imo & funestum metuendum esse eventum. Proinde cum sæpius allegato *Mery* hunc affectum incurabilem pronunciamus, fatius esse putan-

[k] Dec. II. Ann. V. obs. 71.



putantes, in hoc rerum statu nihil tentare, quam felicem curam magno, sed irritò hiatu polliceri, eoque ipso & ægri vitæ & propriæ famæ male consulere. Quod si vero, uti nobis persuasum est, sæpius allegata hernia postea demum à causis adventitiis; iisque variis prognata fuit, non omnis felicioris curæ spes decollat. In qua tradenda omnes circumstantias & cautelas exponere eo minus necessarium ducimus, quo magis in aprico est, plurimas ab istis, quæ in bubonocèle inculcari & attendi solent, atque in plerisque monumentis medico-chirurgicis obviæ sunt, parum aut nihil discrepare; sed id potissimum agemus, ut quædam momenta nostro affectui propria, aut etiam non cuivis cognita enarremus atque exponamus. Cardinem rei in taxi verti, seu, ut clarius loquamur, in eo, ut viscus e sede prolapsum scite atque dextre reponatur, & repositum suo in loco conservetur, nemo ignorat. Ad hoc facilius præstandum suadent, ut impedimenta prius removeantur, quorum hic præcipuum est humor excrementitius in renibus sequestratus, & continuo in vesicam depluens. Hic si accumulatus est pressione tumoris & scroti elevatione manu chirurgi vel etiam ægri facta evacuetur, aut, si hoc fieri nequit, instrumento, quod catheterem vocant, blanda manu immisso, &, quod supra inculcavimus, non multum ultro citroque agitato, quo ipso, uti vesicæ in alvum reductio non parum promovetur, ita non prorsus inutile esse censemus, intestinum rectum injecto clystere e sordibus suis pariter liberare, uti in enterocèle fieri solet. Circa situm, in quem æger componi debet, annotamus, supinum capite retrorsum inclinato minus commodum videri, utpote quo muscoli abdominis tenduntur, eorumque annuli magis ad se invicem accedunt, præprimis ille muscoli obliqui interni ab externo multum clauditur; uti idem in omni infimi ventris dilatatione contingit. Quo facto longe abest, ut hac compressionē reductio juvetur, quin potius difficilior reddatur. Quam ob rem satius esse credimus, methodum quam sæpius laudatus & non satis laudandus *Winslows* in prælectionibus chirurgicis in Horto Regio Parisiensi institutis tradidit, sequi, qua ægrum in utrumque genu & cubitum procumbere jubet, capite versus terram propendente, quo in situ muscoli & annuli relaxati partibus intromittendis aditum facilius concedunt.

## THE S. XXXII.

Postquam ægri æque ac chirurgi voto successus respondit, bracherium subiecto & prolapsus naturæ accommodatum parti affectæ applicetur, quo in junioribus diu gestato, junctis, si opus est, remediis appropriatis, præprimis si malum recens fuerit, annulus interdum constringitur, & æger à malo hoc satis molesto immunis postea vivit. Sed hic probe cavendum est, ne aliqua vesicæ parte adhuc protuberante subligaculum illud adhibeatur, illaque magis minusve comprimatur, utpote à quo dolor non

levis, aliqualis urinæ supressio aliaque symptomata graviora certo certius insequentur; quod auxilium utut palliativum sit, nihilominus idoneum est, recidivam amoliendi aut etiam ulteriorem progressum avertendi. Quod si vero vel inveteratus mali status, vel vesicæ cum partibus supra memoratis adhæsiō, vel inflammatio, vel alia symptomata, quæ præsto sunt, ejusmodi tentamen inutile prorsus reddunt, alia enchiresi res suscipienda est, nihil aliud remedii tunc superest, quam ut ad operationem sine mora confugiat, quæ quia anceps est & dubii eventus, adstantibus periculum, in quo æger versatur, exponendum. Non vero multis explicabimus, quæ vel ante operationem vel in eadem vel etiam post eam sollicite observanda sunt: scilicet ut ægri corpus convenientibus remediis præparetur, & si repositionis conamen ex voto non successit clysteribus, fotibus, inunctionibus atque balneis partes eo disponantur, ut si corruptio earum è livore cutis cognoscenda jam præsto est, operatio non suscipiatur, non minus qua ratione illa instituenda sit, & quæ methodus præ aliis eligenda ponderet. Ut porro in administratione reductio non è directo sed versus ossa ilei tentetur, annulorum decursum probe attendendo, simul etiam considerando, annulum obliqui externi huic actioni quam maxime obicem ponere, nec non illam portionem, quæ ultimo elapsa fuerat, primum immittendo. Non minus in inveterata, si pars prolapsa cum testiculo aut scroto coaluit, levi manuum opera inde separetur, potior vero vesicæ, quam illorum ratio habeatur, quo illa integra maneat atque illæsa, aut si divulsio fieri nequit, ad suppurationem usque relinquantur; ut etiam si dilatandus annulus est, scalpello recurvo theca munito (*bistouri caché*) aut cathetere fulcato lamella utrinque instructo utatur chirurgus, ad læsionem vesicæ protuberantis præcavendam; ut etiam arteria epigastrica sollicite evitetur. Neque prolixi erimus monere, ut post operationem apparatus idem ac eodem modo, uti in bubonocèle applicetur, accidentibus quovis modo obviam eatur, præprimis feбри atque convulsionibus; annulus item quantum in arte positum est, consolidetur, aut, si hoc obtineri nequit, ad recidivam præoccupandam bracherium, quod annulos probe comprimat, per aliquod tempus gestetur. Et quæ sunt alia, quæ pagina hæc non capit, atque à bubonocèles enchiresibus haud discrepant.

## T H E S. X X X I I I.

In aliquibus vero, quæ haud exigui momenti sunt, non parum differt, quorum primum est, quod cystis urinaria, non uti intestinum aut omentum peculiari sacco extraordinario atque; à lamella peritonæi interna formato involuta sit, sed solum aliqua ejus portio eidem superimposita, quod ideo probe notandum esse censemus, ne operator ejus defectum animadvertens aliquid insoliti subesse existimet, aut de ejus existentia persuasus, loco illius alias partes, sed infelici conamine incidat. Qua occasione monemus, nos ea, quæ modo de sacco peritonæi diximus, de extraordinario intellecta velle.

Nam



Nam quod productionem lamellæ externæ vasa spermatica comitantis & in statu hoc p. n. mole ut plurimum auctæ spectat, illa pariter ac in alia bubinocele occurrit; est ergo hic nonnisi unicus & simplex, qui in reliquis duplex cernitur. Quo supposito Petiti enchiresis, qua faccum internum non incidit, sed integrum una cum partibus prolapsis in alvum reponit, nullum hic locum invenit. Secundo quod liquor serosus, qui in operatione buboroceles effluere alias solet, hic quoque non reperiatur; quod ipsum conceptu facile cuivis est, qui in memoriam sibi revocat, quod modo dictum à nobis est, nempe faccum peritonæi hic deesse, in quo serositates ex abdominis cavo depluentes hospitantur, nisi quod si forte faccus superior inciditur, non minus aliquid feri effluere conspiciatur. Idem contingit, si instrumentum ulterius, quam par erat, adactum vesicam lædit, quo facto, lotium, si quod adest, à dicta serositate diversum profluit. Flatus in intestino strangu- lato à fœcibus incarcerati repositionem enteroceles haud raro retardant, quandoque etiam omnino eludunt, quod hic ab urina non æque expectan- dum est, & quidem eam ob causam, quia illa tanquam corpus fluidum in inferiorem vesicæ partem facilius propellitur, atque portio prolapsa hoc modo depletur, excepto illo casu, in quo annuli medium vesicæ adeo comprimunt, ut viam ei & transitum præcludant; insuper quia cystis urinaria in infimi ventris cavitate non ita libere fluctuat ac intestina, repositione rite peracta ægrum non ita facile recidivæ obnoxium esse judicamus. Circa diætam obser- vandum, ut æger postmodum à potus ingurgitatione & diureticorum usu sibi quam maxime caveat, ob metum novæ dilatationis vesicæ, & mali inde repullulantis, ut & mictum non diutius retineat, sed quam primum acce- dente stimulo admonetur, illius excretionem promoveat.

## THE S. XXXIV.

Et hæc de cura prolapsus per inguinum alterutrum dicta sufficiant, qui- bus verbo subjungimus illam, quæ in altera specie annotanda venit, scili- cet si vesica una cum utero aut ejus vagina in sinum pudoris descendit, spe- cialis ei cura vix debetur, valet quippe hic illud, quod medici semper in ore habent: Morbo primario curato, secundarium, seu qui ab illo natales duxit, sponte cedere, aut saltem levi postea negotio profligari. Omnem ergo operam in eo collocet medico-chirurgus, ut dextro manuum ministerio ma- tricem ejusque vaginam debitum in situm reponat, atque in eo, quantum possibile est, retineat, quem finem, si assequutus fuerit, vesicam simul in locum ordinarium restitutam credat. Quod si vero illa ipsa calculos in sinu suo foveat, consilium ex arena capiat, & illud præsidii genus, quod *Ruysh- ius* adhibuit, pariter amplectatur, atq; lithotomia apparatu hactenus in- usitato instituta eos eximat, ne gravitate sua repositioni obicem ponant, quæ utut felici cum successu facta perhibeatur, nostro judicio non levi diffi- cultate premitur, quia si uterus simul laborat, ille operatori locum & spa- tium

tium vix concedit, si vagina, illa simul ob rugositatem quam præ se fert, non sine periculo inciditur. Quamobrem si hæ circumstantiæ illam fieri non permittunt, eadem nonnisi utero aut vagina in situm repositis & quidem methodo ordinaria instituatur. Quod si denique inversio colli eventu rarissimo cuidam in praxi occurrat, quia ejus observatio *Corn. Solingen* propria &, quantum novimus, specialis est, optime faciet, ut eo modo incedat, quo ipse usus est, qui in eo consistit, ut fotu conveniente præmissa ope specilli corio molliore atque sponsia muniti, nec non liquore adstringente imbuti collum pristinum in locum restituere, & subligaculo commodo in situ illo detinere allaboret. Et hæc sunt ea, quæ de nostro affectu in medium proferre è re esse duximus. Plura quidem, fatemur, de hoc argumento, si è revifum esset, maxime circa curam adduci potuissent, verum ne nimium excreseat hic labor, vela contrahimus, *Deo ter. opt. max.* pro concessis hactenus viribus devotas & humillimas gratias persolventes. B. L. enixe rogatum cupimus, velit qualemcumque hunc ingenii fætum benignis oculis excipere, atque si plures in eo nævosprehenderit, sibi in memoriam revocare, tyronem plurima subterfugere. Eos vero, qui in more habent, omnia theonino dente rodere parum curamus.

F I N I S.

CHRIS



CHRISTOPH. HENR. P A P E N

P H Y S I C I G O T T I N G E N S I S

E P I S T O L A

A D I L L U S T R I S S I M U M V I R U M

A L B. D E H A L L E R

D E S T U P E N D A H E R N I A D O R S A L I.



U O T I E S ad te *Vir Illustris* aditus mihi patet, toties ex familiari colloquio medico, quod pro humanitate & favore in me semper collato nobis intercedit, lætus recedo. Benevolis auribus historias morborum & observationes meas clinicas non solum excipis, sed & annotationes qualescumque ad incrementum artis salutaris pertinere, & fulcra praxis rationalis esse mascule censes. Sic quoque est, quod ars sanandi majorem certitudinem, maximumque semper incrementum ceperit, quando viri eruditi, acumine ingenii præditi, depravata imaginatione non contaminati, ex principiis genuinis observationes & historias morborum cum judicio discretivo ad corpora morbis labefactata applicare docuerunt: cum e contrario, præconceptæ opiniones, falsæ hypotheses, fictæ ac lepidæ fabulæ, quæ vana gloriola subinde supposuit, diesque delet, detrimento & opprobrio arti omnino fuerint. Bona igitur tua gratia ac venia, observationem rarissimam herniæ dorsalis stupendæ magnitudinis, de qua nuper tecum communicare licuit, quamque, ut literis consignaretur, dignam judicasti, sine fuco & verborum pompa tibi trado, &, ut verbis Baglivi utar: expertus loquor, vera dico, sancteque affirmo.

Virgo rustica Anna Elisabeth Voss quinquaginta annorum, robusta ac quadrata, die vicesimo octavo julii hujus anni sole tum maxime urente, ut in Farenheitiano thermometro mercurius ad 94. gradus adscenderet, raro utique exemplo, messoria falce occupata subitanea morte extincta est. Inde vicesimo nono julii a præfectura regia Harste vocatus, in pago *Herperhausen*, qui in agro nostro Göttingensi situs est, sectionem legalem una cum chirurgo nostro *Bornemann* institui. Cum non plures quam viginti quatuor horæ a morte fæminæ præterlapsæ essent; ob calorem tamen summum cadaver maxima putredine correptum reperimus. Nulla læsio ex-

terne apparuit. Horrendum vero spectaculum oculos alliciebat, cum tumorem admodum magnum sacco similem omnem expectationem superantem de ano ad furas propendentem videremus. Hæsi & obstupui, ac tumorem aliquem cysticum fuisse primo intuitu mihi persuasi [a]. Cutis hujus sacci admodum expansa erat ac nitida, venis quam plurimis valde conspicuis intertexta, figura lagenæ maximæ oblongæ simillima. Longitudo ulnæ fuit. Circumferentia in ima parte sesquiulnaris, diameter in eodem loco fere semicubitalis. Ad anum idem tumor & originem suam sensim & paulatim imminuebatur, ut denique spithamæ diametri esset, ubi proximus principio, quod in latere dextro circa orificium ani fuit. Inde super musculum glutæum majorem ejus lateris ad regionem ossis sacri circulum pene ellipticum secundum ductum fossæ natium formabat [b]. Chirurgus cultello incisionem a fundo versus originem secundum rectam lineam instituit.

Itaque maxima continuo pars intestinorum tenuium una cum mesaræo, parte coli & omenti in medium prosiluerunt, inexpectato mihi nec opinanti & adstantibus spectaculo, quum, ut ingenue fatear, de ejusmodi incongrua & inconsueta hernia dorsali me nihil unquam vel audivisse vel legisse recorder [c]. Saccus iste præter partes jam recensitas nihil præternaturale continuit, nisi paululum seri flavi. Ad principium usque chirurgus sectionem continuavit. Tum vero, cum portio intestini coli orificium herniæ repletet, sectionem externam continuari nolui, & cadavere in tergum supinato abdomen aperiri jussi, quo melius ab interioribus via herniæ detegi posset. Ita fuit, cum maxime raritatem formæ miraremur. Totum enim abdomen extenteratum vidimus [d]. Intestina tenuia per foramen herniæ prius in saccum descenderant, inde mesaræum valde elongatum [e] sequebatur, ac tandem principium

[a] *Barbette in chirurg. P. 1. c. 7.* „Sed nobis plures alias praxis demonstrat, & quæ apud scriptores non reperiuntur: nam experientia me docuit, peritonæum etiam in parte posteriori versus dorsum posse disrumpi & ibi herniam efficere. Inguina sunt locus herniis consuetis, verum noli tibi persuadere, peritonæum in aliis locis non posse disrumpi & ibi herniam efficere, supra umbilicum contingit, sed rarissime, infra umbilicum, & ad ejus latera, & longe supra inguina non dumtaxat ego juxta alios hernias vidi, sed cum illis tanquam cum abscessu agebatur, & chirurgus non aliam sui erroris rationem in medium producebat, quam quod ibi herniis consuetus locus non esset.

[b] Quod inter cutim & musculos intestina sese aliquando urgeant, idem in chirurgia scribit.

[c] „De herniis scrotalibus & aliis admodum magnis multa exempla nota sunt & *Job. a Meeckren in observ. med. chirurg. cap. V. hist.* de sene refert, cujus scrotum fere omnia intestina continuit. *Joach. Camerarius* herniam vidit. 40. libras pendentem Intestina omnia tenuia alteram partem scroti replentia habet *Thom. Barthol. cap. 4. obs. 28. Vid. etiam Fabric. Hildan. obs. chirurg. cent. 3. obs. 64. It. Felic. Platerum in observ. Lib. 3. p. 741.* ubi stupenda omphalocele descripta est.

[d] Per musculos abdominis vertebrae dorsii tangi potuisse, cum omnia intestina in scrotum delapsa essent *Job. a Meeckren l. c.*

[e] De hernia vicennali solo pondere molesta ex decubitu ilei una cum annexo mesenterio ad longitudinem ulnæ vid. *Bonnet. in sepulchreto. It. Thom. Barthol. cent. 2. hist. 95.* mesenterium cum intestinis tenuibus omnibus in scrotum delapsum abdomenque alterum præ se tulisse refert.



capitulum coli cum appendice vermiformi [f] succedebat. Ipsa flexura coli, quam in regione iliaca sinistra format, deformata & sede disturbata erat [g]. Sed & pars inferior coli, una cum maxima parte recti intestini in orificio herniæ hærebant. Ventriculus in medio abdominis situm perpendicularem induerat, ut pylorus cum duodeno maximopere expanso ac in gyrum torto in pelvi ante orificium herniæ situm occuparet. Uterus oblique ad foramen herniæ inclinabat, & ovarium dextrum, quod parvis hydatidibus obpressum & scirrhum erat, una cum tuba fallopiana orificio itidem herniæ inhærebat. Colon naturalem magnitudinem multum excedebat. Intestina tenuia valde inflammata & vasa eorundem sanguine maxime turgida conspiciebantur [h]. Tum coli inferiorem partem ante ostium herniæ filo ligari jussi & discindi, quo exquisitiùs viam descensus explicaremur, & remotis intestinis probe latus dextrum orificii ani & marginem coccygis antrum oblongum versus os sacrum sese extendens perspicere licuit, per quod digiti in cavitationem sacci extra corpus penduli facili negotio adigi poterant. Hinc saccum herniosum peritonæo continuum in lateribus pelvis subnascentem vidimus, sic, ut infundibuli instar in parte antica & laterali cum pubis osse & ischii, itemque sub foramine ovali magno ischii & pubis cum musculo obturatore interno mediante substantia cellulari admodum conspicua quam laxissime cohæreret, tandemque per foramen oblongum modo descriptum subque ligamento ischiadico sacro ex pelvi exiret. Cutis ipsius sacci pollicis crassitiem æquabat, ac tota cavitas interna continuatione peritonæi admodum cellulari obducta erat. Præterea notari meretur, cadaver admodum pingue fuisse, & saccum ipsum sub cute externa multa pinguedine cinctum. De omnibus & singulis causis ad generationem hujus herniæ spectantibus, cum accurate quærerem, nihil ab agnatis & sorore explicari licuit, nisi: defunctam ante decem annos tuberculum parvæ pilæ magnitudinis circa anum sensisse, quod sensim sensimque incrementum ceperit donec in istam, quam vidimus, molem excreveret, & misera quoties alvum deponeret, brachio totum saccum sustentare & ad latus sinistrum corpus invertere, eodemque in latere in lecto decumbere, sub laboribus vero saccum suum mantili dorso subligare coacta fuerit. Frequentissimos quoque

R r 2

bor-

[f] Circa herniam ab intestini cæci descensu *Riolan. anthropogr. Lib. 2. cap. 12. seq.* notatu digna habet: „Cum cæcum intestinum prope renem dextrum peritonæo contumaciter adhæreat, non possum adduci, ut credam cum *Galeno*, solum hoc intestinum vinctulo solutum esse, ob idque facile in scrotum decidere: experientia docet solum ileum pubi proximum enterocelen facere, inveni tamen in puerulis, quibus tum ossi sacro incubat in scrotum delapsum, & nuper in pharmacopœi cadavere juxta inguen provolutum observavi.

[g] *Blasius obs. med. 8.* hæc habet: „Aperto cadavere intest. colon rupto peritonæo dilatatis externis cavitatem ventris magna ex parte reliquisse observabatur loco eo, ubi ad constituendum rectum flexuosum valde sinistro in latere detinetur.

[h] *Salmuth Cent. I. obs. 11.* mesaræi partes cum intest. prolapsas putrescentes & jam corruptas vidit. It. in hernia incarcerata intestina inflata cum peritonæo, omento & mesenterio inflammata & gangrænosa quoque vidit *Frid. Hoffm. in methodo medendi Libr. 2. cap. 2. p. 429.*

borborygmōs in hernia obmurmurantes ab adstantibus exauditos fuisse retulerunt.

Habes hic, *Vir Generose ac Illustris* historiam & observationem, quantum scio, rarissimam. Cum vero otium, quemadmodum tibi notum est, nullum mihi sit, & inter tot labores & singulis horis in praxi clinica concatenatas interpellationes limatiora ac digniora exhibere non liceat, ut ignoscas rogo. Observatio de puero male pro hermaphrodito habito, quem ad *Te* nuper misi, decadi primæ observationum medicarum proxime in lucem edendæ inserta erit. Summum numen *Te* Vir Generose ac Illustris quam diutissime salvum & incolumem, in incrementum scientiæ medicæ & Academiæ nostræ Georgiæ Augustæ esse jubeat. Vale, meque in posterum commendatum habe.

*Scrib. Göttingæ d. VIII. Aug. clō Id ccl.*





L X X I V.

JOANNIS CHRISTOPHORI  
POHLII

M E D I C I N Æ P R O F E S S O R I S,

D E H E R N I I S

*Et Speciatim*

S A R C O C E L E.

P R O G R A M M A.

Lipsiæ anno 1739.





**C**hirurgia, Medicinæ pars antiquissima [a], quæ manibus medetur, egregium in praxi clinica sibi vindicat usum, & non solummodo tanquam utilissima, sed maxime etiam necessaria, ab artis peritissimis explicatur atque ventilatur. Communiter vero illa a celeberrimis medicis in chirurgiam medicam & manualementem dividitur. Medica est, quæ medicamenta, tam interna, quam externa, eligit, & ratione circumstantiarum rite adhibet. Manualis vel manibus nudis vel instrumentis externe auxilium præstat, mediante σύνθεσι, διαίρεσι, ἐξαίρεσι, ἀφαίρεσι, πρόθεσι, διορθῶσι; ad quam posteriorem, manualementem scilicet imprimis referri potest omnium herniarum tam verarum quam spuriarum medela, ita ut in curandis herniis veris partes quædam abdominis loco suo motæ, iterum in pristinum suum atque genuinum statum redigantur, in herniis autem spuriiis & impropriis partes superflue auferantur. Hernia enim vera annumeratur tumoribus, ubi relaxatum vel nimium extensum peritonæum ansam præbet, ut intestina vel epiploon aliud occupet spatium, & deinde protuberantiam præternaturalem formet. Differunt vero herniæ ratione loci, quem occupant, ortusque, quorum respectu in tres classes plerumque dividuntur. Primam speciem constituit hernia umbilicalis, seu ἐξόμφαλος, quæ oritur ex relaxato annulo tunicæ exterioris, peritonæi ligamenta, ex vasis umbilicalibus in fœtu perviis ortum ducentia, cingentis. Si autem peritonæum infra hunc locum variis in partibus abdominis laxetur, musculi externi læsi vel eorum aponeuroses in interstitiis nimium in modum expansæ, atque integumenta pressioni intestinorum paulatim cedant; tunc sistunt herniam in genere sic dictam ventralem. Secunda species inguinalis, seu βεβωνοκήλη existit, quæ formatur, dum musculi quacumque ex causa fortiter contracti, aut intestina, aut epiploon ad inguen usque elapsa, protrudunt. Tertia species emergit, si intestina vehementiori modo majorique vi depressa, in sexu potiori in scrotum, in sequiori in pudendi labra devolvuntur, sicque herniam perfectam, in viris ὀσχεοκήλην dictam efficiunt. Locus, ex quo prolapsus ortum ducit, idem est, uti in bubonocèle. Nimirum processus peritonæi nimium in modum extenditur, & pressio perpetua annulum tam amplum reddit, ut intestina vehementiori motu in scrotum abeant. Quemadmodum autem ex hoc vario ortu & loco variae herniarum denominationes provenerunt; Ita pari etiam modo diversitas materiæ, ex qua formantur herniæ, iisdem varia imposuit nomina. e. g. Si in hernia umbilicali solummodo intestina spatium implent, partemque ultra modum extendunt, insigniuntur nomine enteromphali. Interdum autem fieri solet, ut epiploon sistat herniam, hincque nomen epiplomphali ortum est. Quando e contrario intestina & epiploon sibi invicem juncta existunt, nominantur entero - epiplomphalus.

Præ-

[a] Ex veterum scriptis patet, quod Chiron Centaurus, Saturni & Philyræ filius, chirurgiæ inventor esse debeat.

Præterea si contingat, ut in hernia inguinali & scrotali intestina nuda inveniant locum, describitur nomine enteroceles; si tantummodo omentum, epiploceles. Non raro etiam circa hernias hoc phænomenon deprehenditur, ut in enterocele colluvies fæcum accumuletur, ibique moram neſtat, & quidem in illis locis, in quibus herniæ fuerunt ortæ; illudque maxime observatur in hernia inguinali & in scrotali, quarum repositio si ob causam superius modo allegatam difficillima existit, tunc salutantur illæ herniæ infarctæ vel incarceratæ [ *b* ]. Non ignota est distinctio in hernias completas & incompletas. Completæ sunt illæ, quæ in sexu potiori usque ad scrotum, in sexu sequiori usque ad pudoris labia vergunt: incompletæ, quæ in utroque sexu non ultra inguina descendunt. Dividuntur etiam herniæ in simplices & compositas. Interdum enim accidit, ut modo in uno & altero loco simul herniæ appareant, aut intestina & epiploon simul delabantur. Porro ab experientia compertum est, herniam propriam seu veram cum impropria, id est, cum hydro-pneumatocele, hydro-cirsocele, conjungi posse. Ad dignoscendas autem herniarum species ocularis requiritur inspectio, & hernia præcipue umbilicalis seu *Εντερόμφολος* ex tumore neque nimium molli, neque nimium duro cognoscitur; partibus autem compressis, sonus percipitur, & quando æger resupinatus jacet, in pristinum rediguntur situm intestina, herniaque mox desidit, nec magnitudine æquat reliquas herniarum species. *Επιπλόμφολος* præbet tumorem mollem, qui digitis absque murmure cedens, compressione facta, mox disparet. Bubonocèle ex tumore, in inguine hærente, cognoscitur, & sumtis cibis magis accrescit, paulo supinato corpore vel sponte evanescit, vel leviori modo pressus, disparere solet. Flatus interdum ibi immorantur, & tunc ex improvviso augmentum capit, simulque ex murmure illius lateris causam intus latentem dignoscimus. Multo difficilius bubonocèle, quæ jam inflammatione corripitur, a bubone venereo distinguitur, id quod ex observatione patet, quam dedit publicique juris fecit *Petrus de Marchettis* [ *c* ] hisce verbis: „ Villicus quidam, bubonocèle laborans, barbitonsonem accessit, qui venereum bubonem cum existimaret, ejus proinde sectionem suadebat: Quamquam æger cum nulla alia muliere uxore propria excepta, rem se habuisse, sancte affirmaret, honesta equidem, ac pudica; cum vero tonsor opinionem suam tueretur mordicus, atque omnino sectione opus esse contenderet, eam tandem miser villicus admittit, ex qua cum fæces erumperent, statim in lipothymiam prolapsus est, tonsore obstupente: Ego vero cum casu illac transirem, vocatus, statim digito compuli intestinum in locum proprium, applicato ovi albumine cum sanguine Draconis, atque linteo quadruplicato compressione facta, „ arctius

[ *b* ] Vid. *Celeb. Heisterus* pag. 387. in editione M. DCC. XIX. Ejusque dissertatio de hernia incarcerata suppurata, sæpe non lethali, Helmstadii 1717. edita. Et Domini Collatores Lusatice in collatione ad eruditionem historiamque pertinente, parte XXXIII.

[ *c* ] Observationibus medic. observ. LV. pag. 145.



„ arctius nonnihil constrinxi quatuor dies , a quibus cerato demum ad her-  
 „ niam ab Aquapendente usus spatium decem dierum , sectæ partes coalue-  
 „ runt. Tandem meo consilio totum vitæ tempus gestato cingulo multos  
 „ annos incolumis vixit ”. Celeberrimus *Heisterus* [ *d* ] ex Hieron. Fabric.  
 ab Aquapendente & Starpart van der *Wiel* varia recenset exempla de in-  
 congrue curatis bubonocelis ; differunt autem invicem quam maxime , or-  
 tu , progressu & causa , jam nominatæ herniæ. Præceps est inflammatio  
 bubonis , & gravioribus stipatur symptomatibus ; bubonocèle vero ut plu-  
 rimum mitioribus lentaque præsertim corripitur inflammatione. Peculiariora  
 præterea se produnt signa ex incluso in tumore intestino , atroces plerum-  
 que dolores , frequens vomendi conatus , & convulsiones hunc morbum  
 comitantes , quibus rebus sic stantibus facile mors sequitur. Herniarum au-  
 tem verarum in scroto situm suum occupantium , signa ex tactu depromun-  
 tur , siquidem intestina hoc in loco maximam efficiunt expansionem , &  
 tumor durus & elasticus se sistit , in entero - epiplocele , quando iterum in  
 locum genuinum redacta fuerunt intestina , & epiploon saltem in scroto  
 remanet , tumor mollis tactui non cedens relinquitur , qui facta tandem  
 & hujus repositione plane evanescit. Occasionem quidem herniarum suppe-  
 ditare possunt causæ variæ ; primariam tamen derivare solebant veteres a  
 rupto peritonæo , sententiam maxime talem stabilientes , quasi peritonæum  
 in utraque membrana rupturam passum esset , quæ vero opinio militat con-  
 tra experientiam , quin potius nimia peritonæi expansio plerumque magis  
 in culpa esseprehenditur. At vero huic nimie dilatationi ansam præbere  
 possunt causæ externæ & internæ. Oriuntur enim ut plurimum herniæ ,  
 dum muscoli abdominis fortiter contrahuntur , & cohibito spiritu compri-  
 muntur , id quod maxime fieri solet saltatione , lapsu ex alto , contusio-  
 ne , tussi ferina , præter modum clamando , tibias inflando , magnum pon-  
 dus fortiori corporis nixu attollendo , & qua sexum sequiorem partu labo-  
 rioso ; in recens natis , quorum umbilico ligatura laxior fuit injecta , va-  
 gitu vehementiori , tussi ob materiam tenacem nimia , quæ omnia effi-  
 ciunt , ut intestina atque epiploon in peritonæum nimis relaxatum delapsa  
 materiam præbeant herniis. Ad prognosin harum herniarum quod attinet ,  
 res valde anceps est , qualem inde eventum nobis promittere debeamus.  
 Siquidem intestina ita delapsa in junioribus subjectis facilius , in debiliori-  
 bus difficilius pristino suo loco & statui restituuntur. Herniæ umbilicales  
 infantibus quidem familiariores sunt , quam adultis , citius tamen & me-  
 liori modo curari possunt , nisi inflammationes accedant ; in majorem au-  
 tem crescunt molem in adultis , quam in juvenibus. Præterea fæminis ,  
 quæ utero gerunt , herniæ periculosiores sunt. Idem judicium esto , si in  
 sexu potiori colica , in sequiori passio hysterica superveniat. Inflammatio-  
 nes , conatus vomendi , rejectiones fæcum alvinarum per os , convulsio-  
 nes , sudores frigidi mortem instantem prænunciant. In cura ante omnia

Tom. III.

S s

repositio

[ *d* ] In jam laudata dissertatione de hernia incarcerata.

repositio intestinorum tentanda erit, quæ corpore ægri resupinato mediante leniori & successiva intrusione optime peragitur. Deinde opera danda, ut intestina reposita in situ suo, mediante fascia, circulo frequenti abdomeni cingente, retineantur, qua sola deligatione herniæ in infantibus plerumque curantur. Elasticitas demum atque tonus fibrarum in nimia expansione peritonæi de novo est conciliandus. Si vero omnia hæc frustra adhibentur, tandem ad sectionem chirurgicam confugiendum erit, & quidem priusquam vehemens inflammatio accedat, quæ tamen operatio non omni periculo vacat, testibus celeberrimis chirurgis [e]. Postquam igitur generaliora hactenus de herniis veris exposuimus; nunc ordo tangit hernias improprias seu dictas spurias a flatibus, sero extravasato, excrescentiis, retardato sanguine, atque semine stagnante, ortum suum ducentes, perquirere. Harum in numerum referri possunt omnes tumores, qui hernias tantummodo mentiuntur, & qui propterea tam ratione loci, quem occupant, quam respectu materiæ, quam in se continent, varias acceperunt denominationes. Sic enim tumor in gutture bronchocele, in ventriculo gastrocele, in variis partibus e materia sero simili enatus steatocele, aut ex saburra tophacea coacervatus, porocele, in umbilico ex sero stagnante hydromphalus, ex flatu pneumatomphalus, e sanguine infarcto varicomphalus, e carne luxuriante sarcomphalus, in scroto & testiculis tales tumores ex iisdem causis hydrocele, pneumatoccele, variocele seu cirsocele & sarcoccele vocari solent. De quibus omnibus ex instituto egit *Gaspar Hoffmannus* [f]. Temporis & instituti nostri ratio non permittit, ut omnes & singulas herniarum species prolixè explicemus, sed potius de *sarcoccele* tantummodo quædam adhuc monere nobis est animus. Variam apud auctores invenimus hujus tumoris descriptionem pariter atque denominationem. *Græci* vocant σαρκικήλην, *Celsus*que [g] raro, inquit, sed aliquando caro quoque inter tunicas (testiculi) increscit. *Galenus* [h] testiculos vocat induratos & in aliis locis [i] eandem cum scirrhis comparat. Moderni sarcocelen interpretantur, quoties carnosum quiddam in scroto testibus adnascitur. Juxta acta *Hassniensia* [k], „Sarcoccele „ non tam adnascitur testibus, quam innascitur, hoc est, totum testem, „ ejusque vasa omnia materiæ novæ accessu ita infarcit, ut aliquando etiam „ vigecuplo se ipso gravior ampliorque evadat.” Secundum nostrum conceptum propriamque observationem sarcoccele est tumor testiculorum fibrosus & carneus, plus minus durus & dolorosus successive ortus, qui aut totam testiculi substantiam auget, inque molem carni similem convertit, aut saltem

[e] Videatur celeberr. *Heist.* in chirurgia pag. 592. ubi sententiam suam de sectione in herniis scroti explicat.

[f] In institutionibus medicis pag. 49.

[g] Libr. VII. cap. XVII.

[h] Libr. de tumor. præt. nat.

[i] L. XIV. meth. med.

[k] Vol. I. observ. 97. pag. 188.



saltem parti hujus adnatus excrescentiam veluti carnosam format. Hic tumor, nisi mature discutitur, in scirrhum aut exulcerationem carnosam tandem abit. Ab experientia satis compertum est, sarcocelen interdum complicari cum hydrocele, tuncque nomen fortitur hydrofarcocelis. Quæ vero iterum duplicis constitutionis esse solet. Sero enim extravasato, & ex tunicis testiculos ambientibus in scrotum emisso, paulo post durior in conspectum prodit testiculus, remanente autem sero in testiculi substantia incluso, tactui se non manifestat. Interdum etiam utriusque hujus mali indoles ita est comparata, ut perscrutari aut distinguere non satis valeamus. Ejusmodi exemplum recenset *Fabricius Hildanus* [1], ubi cum aliis in consilium vocatus, non solum carnem circa dextrum testiculum concretum, verum etiam scrotum serosis humoribus ita extensum reperit, ut magnitudinem infantis fere adæquaret. De cætero observationes loquuntur, sexum potiore sarcoccele simplici sæpius vexari, quam malo complicato, cui etiam aliquando regiones seu climata ansam præbere videntur. Inter alia verba lectu sunt digna, quæ celeb. *Hoffmannus* [m] eam in rem profert: „Gallos, inquit, „infestant febres atque lumbrici, hydrocele atque sarcoccele, quos tumores „ab immodico nucum castanearumque usu provenire arbitratur. Ob humorum crassorum ad testiculos decurrentium, atque partis affectæ debilitatem ortam esse sarcocelen, *Guido* & alii existimant. Cui sententiæ *Petrus Francus* [n], *Felix Platerus* [o], simul subscribere videntur. Ex contusione vasorum spermaticorum in scroto, item ex succo e vasis illis luxuriante hernias aliquando oriri, sententia est *Vesalii* [p]. Præterea nec aliæ quidem causæ contemnendæ, quarum hinc & inde in observationibus suis mentionem faciunt auctores practici. Sic *Hildanus* [\*] recenset sarcocelen ex regressu feminis in actu venereo ortam, & cum variis symptomatibus inde sequutis stipatam; nempe: „Generosus quidam juvenis, cum amasiam suam amplecteretur, atque cum ipsa in actu venereo esset, & jam semen ejaculare „vellet, a quodam cubiculum ingrediente in actu ita deturbatus fuit, ut „semen retrocesserit, retentumque fuerit; unde ingens ipsi dolor in inguine enatus est, & testiculi intumuerunt. Paulo post dolor in sinistro inguine sua sponte remisit, circa dextrum vero tumor remansit, qui successu „temporis in ingentem herniam carnosam excrevit.” Neque silentio prætereundæ sunt contusiones testiculis maximam vim adferentes, cujusmodi a causis ortam sarcocelen variis notatu non indignis accidentibus stipatam legimus in ephemeridibus N. C. [q] exemplo viri honesti, qui jactu cre-

S s 2

pidæ;

[1] Cent. 4. observ. 64.

[m] In volumine dissertationum physico-medicarum, Lugduni Batav. 1713. in 8. editarum.

[n] Libr. de herniis cap. 23.

[o] Tract. 3. cap. de causis protuberantiæ.

[p] Libr. V. cap. 23.

[\*] Cent. IV. observ. 64.

[q] Centur. I. &amp; II. observ. CXXVI.

pidæ, sinistrum inguen & scrotum graviter non sine insigni dolore læsus sinistrum testiculum sensim ac sine sensu incrementum aliquod notabile cepisse, ac multo majorem suo a dextris vicino factum, animadvertit. Similiter beatus *Ettmullerus* [r] sarcocelen cujusdam subjecti descripsit, in quo scrotum secundum omnes dimensiones valde magnum, & ad genua usque propendit. Testiculi ad latera in superiori parte absconditi fuerunt, qui contracti aut compressi doloris sensum excitarunt. Singulare & miratu dignum sarcocèles & totius membri genitalis tumoris vasti rarissimique in cadavere mense Junio MDCCXXV. secto exemplum e theatro anatomico Lipsiensi communicavit illustris *Waltherus* [s], præceptor meus omni honoris cultu prosequendus: „ At magnitudinem saltem declarare, & quæ nobis „ anatomen exercentibus de præputio venerunt, adjicere licebit, ut adeo „ supra descriptam, pondusque librarum quadraginta, omnium tumor accederet, id tunicæ, quæ dartos audit, deberi profiteamur, quæ cellulosa, laxa, flaccidaque est, & quasi luxuriat, nec solum in scroto subsistit, „ sedem utroque scroti latere veluti duplicata assurgit, septumque futura „ externa indicat, constituit, sicut *Rawins* ostendit. Et in sequentibus. „ Tota „ distantia ab inguine ad præputii extremitatem unius ulnæ est, cum „ octava parte, cum sinistro autem testiculo saccum, fundo ejus appensum, „ membranaceum & pelluentem extraximus, quem tunica vaginalis effecerat, hic duas libras feri parum tincti intra sinum suum receperat, cap- „ sæ adhærebat, sicut in dextro testiculo formatæ, quæ hinc inde nonnihil „ exeso humorem priori similem, loculosque perpauca, tophum denique „ minorem scutiformem & duobus foraminibus instructum. Pariter rarissimum sarcocèles varia post suppuratione eructantis officula casum reperimus descriptum in Ephemeridibus N. C. [t] Ad sedem hujus mali quod spectat, in varias abeunt sententias varii auctores. *Baubinns* in theatro suo anatomico opinatur testiculum dextrum non tam facile affici posse, quam sinistrum. „ Cum dexter forsan testiculus ob majorem per vasa majora eo delatam sanguinis copiam sit calidior sinistro, & per consequens robustior. E contrario *Fabritius Hildanus* [u] imprimis defendit, sarcocelen firmissimam occupare sedem in parte dextra. „ In tota praxi mea unicum solummodo, ex „ sinistra parte laborantem hernia carnosæ (quæque tandem in cancrum exulceratum atque insanabilem degeneravit) me vidisse memini. ” Mihi ipsi contigit ejusmodi casus in milite quodam munere Armiductoris in Arce Pleissenburg fungente, & sarcocèle testiculi sinistri anno MDCCXXXVII. laborante, qui tunc annum quadragesimum ætatis suæ septimum agens, animi sui recreandi gratia iter equo vehendo suscipiebat, in reditu vero, cum bene ebrius equum ascendisset, pressione testiculum sinistrum ita læsit,

ut

[r] In programme 1723. in Dni. Steinfeldi promotione edito.

[s] Vid. Acta Erud. Lipsi. an. 1725. p. 492. 495. seqq.

[t] Anno III. decur. annorum secunda observ. XIX.

[u] Cent. 4. observ. 64.



ut maximus humorum affluxus per breve temporis spatium inde sequeretur, tumorque in dies augetur, & scrotum progressu temporis tandem in eam magnitudinem extenderetur, ut amplitudine enterocelen mentiretur. Cum vero nihilo fecius paulo post iterum equo ivisset, sicque miser testiculum jamjam affectum ephippio nimium imegisset, scrotum adhuc in majorem augebatur magnitudinem. Hinc circumforaneus quidam accersitus omnem quidem adhibuit operam, ut mentiens enterocelen reponeretur; ubi tamen perpetua manuum compressione dolores maximum in modum aucti fuere. Qua rerum facie existente ego cum chirurgo ordinario in auxilium vocatus, in partibus scroti externis inflammationis vehementioris signa deprehendi. Qua propter cataplasmata ex emollientibus atque discutientibus a chirurgo applicabantur; interne medicamenta præscribebantur, quæ imminenti inflammationi obicem ponerent. Quibus tamen non obstantibus, omnia in pejora ruebant, & undecimo post secundam contusionem die omnes cessabant dolores, gangræna atque sphacelus imminebant, maculæ imminentes gangrænæ usque ad regionem umbilicalem se manifestabant, vitamque paulo post cum morte mutabat ægrotans. Proximo die cadaveris instituebatur sectio, scrotum in peripheria caput infantis recens nati æquabat, apertis illius integumentis tota testiculi substantia in materiam purulentam abiisse conspiciebatur; cujus etiam materiæ parum tinctæ in cavitate scroti sinistra ultra septem repertæ atque evacuatae sunt unciae, tunicæ substantiam ambientes, cremaster nempe maxima ex parte adhuc integer in conspectum veniebat, tunica autem vaginalis & albuginea dilaceratae atque emaciatae, vasque spermatica & corpus pampiniforme sphacelata apparebant, testiculus dexter adhuc involvebatur suis tunicis, signa gangrænæ imminebant, & hujus indicia adhuc in abdomine circa annulum processus peritonæi, inque variis intestinorum partibus animadvertiebantur; reliqua autem viscera optime se habebant. Sed sufficiant hæc tam de origine, quam de constitutione sarcocèles. Jam vero paucissimis adhuc verba sunt facienda de ratione mali ipsius curandi. Ubi vero varii occurrunt auctores sententiam foventes, σαρκόλην discuti posse medicamentis internis resolventibus, externe autem discutientibus. Credit *Matthiolus* in dioscoridem, credit *Sculetus* in armam. chirurg. sese sarcocelen pulvere ononidis percurasse, attamen veritati simillimum mihi videtur, hydrocelen forsan duriori cortice circumdatam, atque adeo sarcocelen mentientem hocce medicamento curatam fuisse. Alii fots ex aceto lavendulæ, rutæ, theriacæ commendant. Si hæc omnia non conducunt, & sarcocèle in dies magis incrementum capit, dolores non remittunt, & cancer jam imminet, resectio chirurgica testiculi male affecti est instituenta. Quam operationem ex instituto descripsit Celeberr. *Heisterus* [x] simulque varias docet enchirises, ut eventus sequatur exoptatus. De felici hujus operationis eventu, sectionem nimirum sarcocèles in vico Aurigarum a Lithotomo Laurentio Nicolai feliciter & dextre fuisse administratam, in act.

*Haffn.* [y] sequentia legimus observata : „ Nempe aperta cute inguinis dex-  
 „ tri, testiculus dexter, qui ad capitis puerilis magnitudinem excreverat,  
 „ separato *κατα δάρον* scroto, extractus, & resectis vasis spermaticis pror-  
 „ fus exemptus fuit, magno militis alias cordatissimi ejulatu. Ligatis vasis,  
 „ confutum scrotum & cætera, ut vulnus decet, curata. ” Tormentorum obli-  
 tus ad militares rediit functiones. Varia abhuc recensentur exempla in actis  
*Haffn* [z]. de optato hujus chirurgiæ manualis successu. „ Sic mercatori  
 „ famio ablatum fuit ferro chirurgi ramicosus testis, ponderans semiuncias  
 „ XXXIV. durus ille quidem toto corpore & massæ carneæ nervosis hinc  
 „ inde gyris distinctæ similis, sed neque ad latus, neque in gremio suo ul-  
 „ lum alium testiculum naturalem complexus. ” Atque hæc sunt, quæ hac  
 vice in medium proferre mecum constitui.


[y] Observ. 28. pag. 59.

[z] Vol. I. observ. 97. p. 188.




*Tab. XIX*

*Fig. 1.*



*Fig. 2.*



*Disp. Chirurg. Tom. III. HEISTER DE  
HYDROCELE. pag. 327.*

PLATE 1




PLATE 2



L X X V.

DISSERTATIO  
MEDICO-CHIRURGICA,  
*D E*  
HYDROCELE.

*Quam Præside*

D. D. LAUR. HEISTERO;

*Tuebatur*

MARTIN. ARNOLD. BUTZER

EMBDANENSIS.

Helmstadii 30 Decembris anno 1743.





## I.

Cum superiori ætate cum multis medicinæ Studiosis a Cel. Dn. Præfide Introitus, viderim operationem & curationem chirurgicam *Hydroceles* in juvene perfici, qui hoc morbo laborabat, atque hucusque non viderim dissertationem, quæ de hoc morbo molesto & magni sane momenti egit, operæ pretium esse existimavi, ut hoc argumentum pro themate inaugurali mihi eligerem, atque intimius illius genium ac naturam excuterem.

## I I.

Hydrocele mihi *definitur*, quod sit *species herniæ sive tumoris scroti*, ubi *Definitio* in tunica ejus, vaginali dicta, magna, immo quandoque maxima *seri copia* morbi. præter naturam colligitur. Scrotum inde nunc aliquo modo tantum, nunc vero in aliis in magnam admodum molem, non solum cum molestia & incommodis ægrorum, verum & cum læsione variarum actionum intumescit.

## I I I.

Originem ducit vocabulum *hydroceles* græcum ab ὕδωρ, aqua, & κήλη, *Etymologia.* hernia sive tumor, & hinc Latinis dici solet *hernia aquosa*: quia ut jam dictum est, aqua sive liquor aquosus præter naturam modo parca, modo larga copia in scroto colligitur, atque hinc nostratibus *Wasserbruch*, Belgis, *Water Breuk*; Anglis, *Water rupture*; Gallis, *hydrocele* sive *hernie aqueuse* & Italis *ernia aquosa* appellatur.

## I V.

Quamvis hic morbus ab antiquissimis medicis ad hernias easque veras fuerit relatus, dum quemvis tumorem sive intumescentiam scroti pro hernia sive ramice, ut ex præstantissimo veterum Romanorum medico, Celso libr. VII. cap. 18. & seq. videri potest, sumserint; sunt tamen inter recentiores multi pruritu innovandi occupati, qui sub herniæ nomine aliter, quam veteribus in usu erat, absque ratione sufficiente non nisi prolapsum intestinorum vel omenti vel utriusque ex abdomine intelligi volunt. Verum ego, ubi de nomine morborum antiquorum sermo sive lis est, sentire hic malo cum medicinæ statoribus ac parentibus, vetustissimis scilicet medicis, quibus jus erat morbis nomina dare, & vulgo, qui quoscumque tumores scroti, sive illi a prolapsu alicujus partis ex abdomine, sive ab alia materia & causa oriantur, nomine herniarum, & recte quidem indignant atque intelligunt.

Tom. III.

T t

V.

## V.

Digisso  
hernia-  
rum.

Quidam ergo hernias in *veras* & *spurias* distinguunt, atque hydroco-  
len, sarcocelen, varicocelen &c. ad *spurias* referunt; sed *sub hernia vera*  
*nomine* tantum illos tumores in scroto & alias circa abdomen, nimirum in  
inguinibus, umbilico aut alia ventris parte intelligi volunt, *ubi aliquid ex*  
*abdomine prolapsum*, tumorem facit, ejusque causam constituit. Sufficit  
mihi, quod *hydrocele hernia sit*, sive quis eam inter veras sive inter spu-  
rias referre velit. In eo tamen omnes conveniunt, *quod*, sicut in defini-  
tione §. I. dixi, *sit tumor scroti*, *ab aquae collectione* p. n. in eo produ-  
ctus, ideoque facilis ero in verbis, dum de lana caprina non litigabo, si  
modo conveniamus in re, & bona eam curandi methodus doceatur.

## V I.

Hydroce-  
les. diffe-  
rentiæ.

Varia ejus dantur *differentiæ*: quædam enim est *recens*, alia *inveterata*;  
alia *parva*, alia *magna*, unam ad duas libras liquidi aquosi sive serosi con-  
tinens; alia *maxima*, sive tam ingens, ut caput humanum superet,  
immo ad genua & supra illa dependeat, quemadmodum Ill. Dn. Præses  
ejusmodi ingentes hernias aquosas vidit. Plerumque tantum est *in uno scro-*  
*ti latere*, sed sine dubio etiam interdum esse potest *in utroque*. Quando-  
que, præsertim si parvus adhuc est, *mollior* existit, *plerumque vero valde*  
*durus*, quia tunicæ ab humore contento vehementer extensæ sunt. In ca-  
lore sæpius paulo *molliores* fiunt, in frigore vero rursus *duriores*. In ple-  
risque humor contentus est *pellucidus*, in quibusdam vero *turbidus*, aut  
*fuscus* aut *sanguinolentus*, ut Ill. Dn. Præses aliquoties expertus est. Inter-  
dum est *simplex*, ubi nullum aliud vitium simul adest; alia *composita* sive  
complicata, quando nimirum præter liquidum aquosum testiculus *scirrho-*  
*sus* est, vel intestina simul in scroto adsint. Hanc *hydroenterocelen*, *illam*  
*hydrosarcocelen* appellant. Nos vero hic potissimum de *simplici* hernia a-  
quosa acturi sumus. Quandoque vero aqua in scroti tantum tegumentis  
sive involucris communibus, & speciatim in tunica pinguedinis sive adi-  
pis, vel ut hodie a multis appellari solet, barbaro vocabulo *cellulari*, quæ  
vero ex loco, ubi aqua hæret, ab affectu nostro distinguitur, qua  
de re inferius plura.

## V I I.

Anatomi-  
ca consi-  
deratio  
partium  
est neces-  
saria.

Possimus nunc ad signa & causas ejus considerandas progredi; verum  
lubet prius *partes illas*, in quibus *hernia aquosa* sedem suam habet, *ana-*  
*tomice considerare*, harumque *partium fabricam* exponere; quia anatomia  
fundamentum est solidissimum, sicut in quam plurimis aliis morbis, præ-  
sertim



fertim chirurgiæ subjectis , ita & in hoc nostro : & qui illam non intelligit , neque recte de ejus constitutione , neque rite & solide de ejus curatione judicare , multo minus in ea , quæ per scalpellum , aut per alia chirurgica remedia perficitur , operatione legitime procedere poterit.

## VIII.

Quoniam vero *scrotum* affectus illius , de quo hic agere constituimus , <sup>r. Scroti</sup> & quid sit. <sup>& quid sit.</sup> *sedes* est , ejus constitutionem & fabricam , una cum partium contentarum , quatenus ad scopum nostrum faciunt , hic dabimus. *Scrotum* dicitur ea pars corporis virilis , quæ sub membro virili , inter femora sita est , & instar sacculi cujusdam , duplici loculo instructi , testiculos viriles una cum partibus ad hos pertinentibus continet atque asservat , eisque pro involucrio inservit.

## IX.

Testiculi vero in scroto *involucra* habent *duplicis generis* ; quædam enim *involucra communia* , quædam *propria* dicuntur. *Communia* sunt , quæ utrumque testiculum simul involvunt , qualia sunt generalia illa tria totius corporis *tegumenta* sive *involucra* , *cuticula* scilicet sive *epidermis* , *cutis* & *pinguedo* , quam vulgo *tunicam adiposam* , ob adipem sive pinguedinem , quam continent , & recentiores *cellularem* , ob multas cellulas , ex quibus constat , appellare solent , cutisque & tunica adiposa in scroto *admodum tenuia* sunt. Quamvis vero hæc tria utrumque testiculum involvant , tamen per medium secundum longitudinem , a parte inferiore penis , ubi urethra in eo sita est , species divisionis conspicitur , quæ *futura scroti* , græce *raphæ* vocari solet , qua scrotum in dextram & sinistram partem dispescitur , quamvis hæc futura non profundius in scrotum penetret sive descendat , quam reliqua cutis scroti , adeoque & ceteras interiores partes non disjunctat sive distinguat , sed solum involvat. *Originem* sive potius *continuitatem* habet hæc cutis a parte cutis inferiori & anteriori abdominis ac penis , & deinde a perinæo , cum quibus continua est , atque testiculis in forma subrotunda superextenditur , eosque sic commode sustentare potest. Huic subjacet tunica pinguedinis sive adipis , quæ tenuis hic est , & aliquo modo intra duplicem parietem septi scroti se insinuat , quæ potissimum in ita dicto *hydrope scroti* afficitur , & a sero ibidem collecto plus minusve tunc extenditur.

Involucra  
testiculo-  
rum quæ.

## X.

Ad specialia sive *propria tegumenta* aut si *maioris involucra testium* primo referenda est membrana robusta musculosa , forma quasi ovata , prioribus subjecta , quæ *dartus* appellatur , sic tamen , ut in uno scroto duæ ejus-

Membrana  
na dartus.

modi sint membranæ, altera in dextro, altera in sinistro ejus latere, quarum quælibet seorsim unum testiculum, cum ceteris suis propriis involucribus instar facculi ambit, atque laxè tam cum cute, quam cum subsequenti tunica vaginali cohæret, ejusque ope scrotum corrugari solet. *Figura ejus cum testiculo sicut & subsequentes quodammodo convenit, hoc est, subrotunda sive ovata est, & cum superiori parte penis inferiori parti adhæret.*

## X I.

Septum  
scroti  
quid.

Attamen in medio scroti, eo in loco, ubi sutura in cute ejus extus conspicitur, inter se invicem arcte connectuntur, atque hac duplicis darti membranæ conjunctione *septum scroti*, quod vocant, efficiunt, quo non solum in statu naturali testiculi a se invicem distinguuntur, & cuius peculiaris quasi locus sive camera constituitur; verum & in statu morbofo, præsertim in *hydrocele*, una cum tunica vaginali impediunt, ne serum vel lymphæ in uno scroti latere effusum, aut in aliis morbis pus aliave materia noxia, quæ unum testiculum affligit, etiam mox alterum simul afficiat, atque damnum aliquod ei inferat. Hic paries medius duplex, sive septum scroti testiculis interjectum, quia remota cute scalpello per artem a se invicem separari, atque sic in duos loculos dividi potest. *Ravius* celebris quondam anatomicus & chirurgus Germanus in Belgio *homini non unum, sed duo esse scrota* sustinere voluit, atque hanc ob rem acerbæ lites cum *Celeb. Ruyschio* inchoavit; quæ de re & hujus & illius epistolæ de *septo scroti* Amstelodami tunc anno 1696. & seqq. impressæ, uberius, cui læbet, videri possunt.

## X I I.

Tunica  
vaginalis.

Hanc membranam sequitur *tunica vaginalis* dicta, quia testiculum quasi ut in vagina continet cum suo musculo *cremaster* dicto, quæ tunica laxè & fere ad modum pericardii, quo cor ambit, testiculum cingit, figuræ quoque ovatæ, & si, factò prius in ea vulnuscule sive foramine, tubulo inflatur, *multum magnitudinem testiculi superat*, atque lubrico humore semper, qui forte ut liquor pericardii ex testiculo transfudat, imbuta est, ne cum testiculo concreseat, & ut ab hoc etiam testiculus in debita mollitie & flexilitate conservari possit. *Oritur hæc tunica* a tunica peritonæi externa vel potius continua est cum exteriori peritonæi lamina, quæ per annulum musculi oblique ascendentis per inguina ad scrotum descendit, & vulgo *processus peritonæi* vocatur, atque vasa spermatica ex abdomine ibidem egredientia involvit, atque ad testiculos deducit, & quando ad eos pervenit, multum dilatatur, atque *tunicam hanc vaginalem constituit*, ubi tamen adhuc notandum, quod hic processus, ubi fere ad testiculum pervenit, ita cum vasis spermaticis ibidem concreseat, *ut cavitas tunica vaginalis cum pro-*



*processus cavo nullam habeat communicationem*, ita, ut si flatus per exiguum foraminulum aut vulnusculum huic tunicæ in parte ejus inferiori inflictum, per tubulum immittatur, ille non in processus peritonæi penetret, neque flatus a regione ventris in processum peritonæi in tunicæ vaginalis cavum injectus descendat, sed inter hæc duo cava quasi paries membranaceus sive septum interjectum sit, ne flatus, adeoque etiam nec aër, nec liquores, nec aliæ res ex una in alteram partem transire queant, quo sepimento fit, ut varia phænomena circa hernias varias & speciatim hydrocelen & enterocelen explicari atque intelligi possint, quæ ab illis, qui hoc sepimentum ignorant, non intelliguntur & explicari nequeunt, de quibus vero post hæc plura [a].

## X I I I.

Hoc unicum solum hic adhuc monere volui, quod musculus *cremaster*, Musculus qui & *elevator testiculi* appellatur, tendinea sua expansione tunicam vagi- cremaster. nalem ambiat, hinc & a quibusdam *pro peculiari tunica habetur*, & cum hic ortum sive punctum fixum habeat fibris carneis circa infimam abdominis partem, ex hujus musculis, quando se contrahit, tunicam vaginalem, & sic simul testiculum intus contentum elevat, & ad colem adducit. Plura quidem de hoc musculo dici possent; verum quia ad institutum & scopum meum non pertinet, hic brevitatis causa ea prætermitto. Qui vero plura de eo scire desiderat evolvere potest Cel. Dn. *Præsidis Compend. Anat.* §. 343. pag. 197. aliosve anatomicos recentiores.

## X I V.

Ultima eaque maxime propria testiculi tunica *alba* & *nervea* a Celso Lib. Tunica VII. cap. 18. recte vocatur; *alba* ob colorem, & *nervea* ob sensum ita nervea. dicta, admodum robusta & figuræ *ovatae* arctèque cum substantiâ reliqua testiculi vasculosa coalita, quæ vasa spermatica, arterias scilicet, venas & nervos recipit, eaque ad testiculum ipsum sive ejus substantiam interiorem transmittit, pro liquido seminali sive genitura inde secernendo. Hæc tunica quoque arctè complectitur *epididymidem* alteram testiculi quasi partem & appendicem, ejusque vascula, ut in testiculo firmiter compingit.

## X V.

[a] Hoc septum etiam jam novit Bonetus, utpote qui in Sepulchret. p. 1292. obs. 2. ait: *Testis equidem tunica involvitur vaginali; at ea non extendit se ultra testem, sed circa vasorum pyramidalium basin definit, testi unita, adeoque transitus hic loci nullus versus abdomen, & vice versa.*

## X V.

Vasa scroti  
& testicu-  
culi.

*Vasa sanguifera scrotum* habet tam arterias, quam venas, a cruralibus & hypogastricis, unde *pudenda* ex vocantur, quæ ad scrotum in viris abeunt. *Testiculi* vero, præter communia quædam cum scroto, quæ per exteriores ejus tunicas dartum scilicet & vaginalem diffeminantur, *arterias* obtinent *spermaticas* dictas, exiles, ut plurimum ex aorta descendente, angusto principio ortas, quæ utrinque per annulos musculorum abdominis super os pubis e ventre egrediuntur & per inguina in processibus peritonæi ad scrotum & ad testiculos descendunt, ubi arteria utplurimum in duos ramos distribuitur, quorum alter ad *testiculum* ipsum & proprie sic dictum, alter ad *epididymidem* abit, ibique in minores ac minimos tandem ramulos divisi per utriusque substantiam undiquaque dispescuntur, partim pro testiculo nutriendo, partim pro liquido genitali inde secernendo. *Venarum* testiculi *dextra* in venam cavam, sinistra vero plerumque in emulgentem sinistram se inserit, copiosissimis vero radicibus sive ramulis ex testiculorum substantia prodeunt. Valvulis sæpe destitutæ sunt, variæque & *mirabiles anastomoses* conficiunt, a *Graafio* lib. de part. genital. virorum Tab. I. fig. 2. optime delineatas, quas nonnulli *corpus pampini-forme* sive *pyramidale* ob figuram appellant, quæ per processus peritonæi super os pubis, per annulos musculorum abdominis juxta arterias, eisque intermixtæ in ventrem ascendunt, & sanguinem a nutritione ac genituræ secretionem supervacaneum, ad venas prædictas & cor revehunt.

## X V I.

Nervi &  
vasa lym-  
phatica.

Nervi a plexibus nervorum pelvis & lumbaribus satis multi ad testiculos cum arteriis abeunt, & per tunicam albugineam, quæ *nervea* propterea vocatur, testiculos ingrediuntur, unde valde sensibilis est, qui spiritus testiculis pro variis ad generationem necessariis usibus inferunt. Denique & *vasa lymphatica* in testiculorum superficie in viventibus animalibus conspiciuntur, quæ lympham ex ipsis post liquidi genitalis separationem abundantem per processus peritonæi quoque in ventrem revehunt. In hominibus vero *Glissonius* ea quoque vidisse perhibetur a Thom. Bartholino in Anatom. Reform. cap. XXII. de testibus.

## X V I I.

Testiculi  
& epididymidis  
fabrica.

*Situs, numerus, magnitudo ac figura* etiam *testiculorum* omnibus adeo nota sunt, ut non opus esse existimem his diutius immorari, sed si quis forte hæc ignoret, aut solum quid auctores de iis scripserint, nosse velit, eum ad *Graafii* modo laudatum librum aliosque anatomicos ablegabo. Ra-  
tione



tione *situs* tamen hoc solum monebo, quod *siti* sint in tunica scroti vaginali §. XII. & ope hujus adhærent septo scroti, ne in nimis motibus, & concussionibus corporis vehementioribus rudius concutiantur, & noxam forte inde patiantur. *Constat testiculus quilibet ex testiculo ipso*, ac deinde ex *epididymide*, sive *parastata*, conf. *Graafii* Tab. II. fig. 2. & 3. quæ ex manifesta & mira vasorum seminalium ex testiculis ortorum, ac longe ampliorum, quam in testibus sunt, congerie compositæ sunt, liquidumque genitale in testibus secretum, & aliquo modo præparatum ex his recipiunt, uberius perficiunt, illudque tandem, post diuturnos in his circuitus & coctiones in *vas deferens* dictum dimittunt, per quod postea ad *vesiculas seminales* deponitur, & suo tempore pro fetus novi generatione per urethram in arvum muliebrem deponitur. Quod cujus naturæ sit, & utrum *vermiculi* aut alia viva *animalcula* ei, ut quam plurimi hodie cum *Leuwenhoekio* & *Boerhaavio* statuunt & credunt, insint, hoc loco non investigabo, quia ad scopum meum non pertinent, sed aliis uberius pervestigandum atque discutiendum relinquam.

## XVIII.

*Substantia testium* ipsa, licet ex *Celsi* sententia *glandulis simile quid* in figura ac substantia habeant, atque etiam aliquid, ut *glandulæ* multæ aliæ solent, fecernant, tamen nullæ glandulæ in ipsorum substantia sive corpore conspiciuntur; sed ex tenuissimorum vasculorum albicantium, filis tenuissimis similium, peculiaris generis congerie, mireque & intestinorum more complicatorum fabrica constant [b] membranulis sive sepimentis pluribus & corpore *Highmori* vario modo inter se distincta ac firmata, ut certo ordine & situ contineantur, (sicut videre est in *Graafii* Tab. III. fig. 4. ex cane, atque Tab. IV. fig. 4. & 5. ex homine) quo munere suo ad propagationem generis humani adeo necessario tanto melius fungi possint. Atque hæc erunt illæ partēs, in quibus & circa quas morbus ille, de quo hic agimus, sedem suam habet, & quo quandoque quidam misere corrumpuntur.

Interior  
substantia  
testiculi.

## XIX.

*Causam hydroceles* proximam esse *serum* vel *lympham* manifesto docet liquor, qui ut plurimum in ejusmodi malis in cavo scroti deprehenditur. Serum & lymphæ a physiologis ut plurimum tenuitate, sicut illud est, quod in vasis lymphaticis vehitur, distinguuntur, dum *serum spissius* & glutinosius, *lympham* vero *tenuius liquidum* esse dicunt, atque vix aliam quam tenuitatis majoris vel minoris differentiam hæc inter liquida constituunt.

Hanc

[b] Videri hæc possunt *resoluta* in *Cel. D. Præsidis* Comp. Anatom. fig. 24. eaque sic in natura in museo ipsius vidi.

Hanc si fundamenti loco assumimus sententiam, *serum frequentius* ejus causam esse existimo, quam lympham. Nam in hydrocele illa (§. I.) liquidum erat quidem pellucidum, sed adeo spissum, ut fere albo ovi spissitudine simile fuerit; in aliis vero quam plurimis, quos *Dn. Praeses* ab hoc malo curavit, hoc liquidum ita deprehendit, ut licet satis tenue apparuerit, tamen ad tactum glutinosum esset, & quando in cochleari super candelam vel prunas ignitas per breve tantum tempus teneretur, in massam albi ovorum cocti coiverit, id quod lympham ex vasis lymphaticis collecta tantopere & tam cito facere non solet.

## X. X.

Quomodo  
in scrotum  
perveniat  
serum.

Sed *quomodo aut unde in scrotum* & speciatim in cavum *tunicæ vaginalis* proveniat, variae prostant scriptorum sententiae. Quidam putarunt *ex cavo abdominis* hoc liquidum per processum peritonæi, vel per vias alias occultas huc pervenire. Verum quia inter processum peritonæi & cavum tunicae vaginalis, ut supra §. XII. dixi, *paries membranaceus interpositus est*, ut ne flatus quidem, multominus serum transire possit, adeoque per hanc viam hoc non contingit, praesertim, quia multi sunt *ascite laborantes*, quorum abdomen sero repletum est, in quibus tamen hydrocele non generatur. In *anasarca* quidem laborantibus scrotum saepe intumescit; verum in his serum non colligitur in tunica vaginali, sed in scroti membrana adipi destinata. Quidam hoc liquidum, praecipue quia *quandoque urinæ colorem obtinet*, urinam esse credunt; verum nec pro hac ex vesica vel uréthra adest via, neque urina super ignem in modum feri coit. Itaque potius, cum *testiculi obtineant vasa lymphatica*, eisque etiam tunica vaginalis forte non privata sit, vel ex his ruptis provenire poterit, vel etiam ex vasis arteriosis testiculi aut tunicae vaginalis, vel per anastomosis, vel per diæresin, vel per diapedesin, ut veteres locuti sunt, vel &, ut clarius me explicem, per *insensibilia tunicarum foraminula* quasi transfudare; sed a vasis absorbentibus non absorberi.

## X X I.

Causæ  
remotæ.

*Causæ remotæ* quandoque sunt *collisiones & contusiones* scroti aut testiculorum, *ictus, lapsus, equitatio vehementior*, aliæve *causæ externæ violentæ*, quibus vasa tenera lymphatica, sive arteriosa sive venosa sint, lædi atque ita debilitari possunt, ut serum suum hic demittant, vel ut *Boerhavius* ait [ c ], si humor ibi secretus, suis vasis non absorbetur, sed stagnat & accumulatur. Quidam etiam *errores in victu* huc referunt: quos vero valde incertos esse existimo, cum quam plurimi similes aut majores adhuc errores committant, quam ii, qui his morbis laborant, quorum mul-

[ c ] In Aphorismis suis practicis §. 1227.



multos valde sobrios novit Cel. Dn. Præses, & tamen ejusmodi herniis non corripiuntur. Alii alias causas & subinde valde absconditas adducunt, ut exempli loco Hildanus, qui Cent. IV. obs. 66. cum Dodonæo renem sinistrum male affectum accusat; cum enim hic urinam ex vasis emulgentibus non attrahere posset, (quia scilicet male affectus esset) per vicinam venam seminalem illam in membranam vaginalem deponi. Sed condonandum est hoc magnis hisce viris, qui vixerunt & hæc scripserunt, antequam circulus sanguinis fuit detectus. Pudet vero plures ejusmodi adducere. Pergo potius ad legitimam cognitionem hujus mali, in qua quamplurimos ceterum egregios errasse medicos Dn. Præses sæpius expertus est.

## X X I I.

Signa igitur, quæ diagnostica vocant, in hoc malo probe perpendenda, quia error in his, dum quis verbi gratia medicus *herniam scroti intestinalem* sive *enterocelen* pro *hydrocele* haberet, & chirurgus non melius perito mandaret, ut curationem aut aperturam, vel per puncturam cum lanceola, vel cum *acu triangulari cuspide* ac tubulo inclusa, quam *Troicar* vulgo vocant, vel & per incisionem scroti cum scalpello perficeret, *intestina* his vulnerentur, ex quo vulnere curandus in summum vitæ periculum conjiceretur, cum maximo hujus medici dedecore & infamia. Ex quo exemplo, cum *enterocelen* & *hydrocele* facile inter se confundi possint, dum signa multa habent similia, patet, quanti sit momenti semiologia sive accurata signorum scientia, licet a variis vilipendatur; dum ex ignorantia aut neglectu illorum ægri sæpe interficiuntur.

Diagnosis  
hujus mali  
est magni  
momenti.

## X X I I I.

Cognoscitur itaque *hydrocele* generatim ex tumore rotundo in scroto, sensim nato, quem nullus tumor intestinorum ex abdomine proveniens in inguine, sive nulla *bubonocelen* præcessit, qui semper ab initio in scroto permanfit, & neque sponte in ventrem, præsertim in decubitu in lecto, intravit, neque pressione scroti in ventrem unquam repelli potuit, & ad tactum paulo mollior est, ut fere vesica humore quodam valde repleta, nec tam durus, ut scirrhi esse solent, neque murmura in scroto percipiuntur, neque dolores colici ventris cum tumore hoc scroti communicantes: quibus adhuc hoc accedit, quod si vesperi post hunc tumorem candela ponatur, tumor plerumque aliquo modo pellucidus appareat.

Signa ejus  
generalia.

## X X I V.

Verum hæc signa sola, nisi adhuc comparentur cum aliis quibusdam herniis in scroto occurrentibus, quæ quoad signa cum *hydrocele* multum specialia.

Signa

conveniunt, ac speciatim cum *enterocele* & *sarcocele*, quam cautissimos quandoque fallere possunt, hinc & signa specialia *discretiva* harum herniarum, quibus altera ab altera discernitur, hic subjicere necessarium existimo. Itaque in *enterocele*, præsertim magna, tumor ob intestina contenta, quæ varie contorta, *inaequalior*, si rite inspiciatur atque accurate consideretur, apparet; deinde in *enterocele* (nisi intestina, ut in inveteratis subinde fieri solet, extus in scroto adnata sint) cum certo quodam murmure in abdomen reponi possunt, & etiam in decubitu sponte in abdomen relabuntur, scrotumque tunc a tumore illo vacuum prorsusque liberum est: qui vero tumor, si ægri surgunt, redit, dum intestina tunc suo pondere foras rursus prolabuntur. In *hydrocele* autem ab initio & quamdiu duravit, tumor *semper in scroto* & *constanter*, sine omni fere mutatione permanet, & neque sponte recedit, neque manibus in ventrem repelli potest. Porro in *enterocele* a scroto versus annulum musculorum abdominis lateris læsi tumor per inguina extensus, adeoque tumor a scroto per inguinem ad annulum usque oblongus est. Verum in *hydrocele* ordinaria tumor solum est in scroto, humorque ultra limites tunicæ vaginalis ejusque septi ascendere nequit, atque hinc figuram magis obtinet rotundam, ad modum vesicæ alicujus inflatæ, aut liquore quodam repletæ.

## X X V.

Alia adhuc  
signa spe-  
cialia.

Præterea *enterocele* laborantes sæpius tormina sentiunt & colicos dolores e ventre ad scrotum usque sese extendentes, imo haud raro quoque vomitu simul corripuntur; quæ vero symptomata in *hydrocele* non sunt usitata, quia nulla apparet ratio, quare hæc symptomata ab aqua in scroto oriri queant, & non nisi in his accidere quandoque solent, quando magnos forte errores in victu commiserunt, quo in casu quilibet his malis obrui potest. Quare vero illa symptomata in *enterocele* frequentia sint, facile quilibet comprehendere poterit, qui considerabit, quod in *enterocele*, ubi pars eaque sæpe magna intestinorum in scroto hæret, fæces omnes, quæ per alvum excernendæ, primo in scrotum descendere, & deinde per angustum in musculis abdominis foramen rursus ascendere debeant: quo in loco igitur facile excrementa una cum flatibus cohibentur, & in libero progressu versus anum impediuntur: unde fit, ut, præsertim si illi homines cibis crassis, obstipantibus, adstringentibus aut flatulentibus se nimium repleverunt, obstructions alvi frequentes, tormina ventris ac dolores colicos sæpe patientur, & si cibi aut fæces ad partes inferiores, ob vias obstructas, pergere nequeant, ad ventriculum regurgitent atque sic, irritato ventriculo, vomitum concitent, quæ mala cur in *hydrocele* oriantur, nulla est ratio; quia hæc cum intestinis nullam habet communicationem, novitque Dn. Præses ægros aliquot, qui frequentissime & quandoque singulis hebdomadibus colica & vomitu vehementi misere afflicti fuerunt, qui, quod



quod hæc mala ab hernia oriantur, ignorarunt, & a colica & vomitu illo frequenti liberati fuerunt, postquam ipsis intestina in ventrem repulsa & ope apti-vinculi intus retenta fuerunt; cum antea, quod hernia laborent, celaverint & nemini aperire voluerint: immo non pauci, & præsertim etiam nonnulli magnates & verecundiores *passione iliaca* inde correpti, omnino præmature mortui sunt. Contra *hydrocele ut plurimum est indolens*, & cum primis si parva aut mediocris. Verum si tandem magna fit, magis tamen tantum molesta, quam dolens fit; dum ægri difficulter ob molem illam ambulare adhuc difficilius aut vix amplius *equitare*, varioſve alios motus satis promte perficere queunt. Præterea *enteroceles prius in inguine ut plurimum*, quam in scroto percipitur, in quod tandem, si negligitur, descendit; *hydrocele vero mox in scroto incipit & sentitur* atque nunquam fere in inguem ascendit, nisi novum malum in inguine superveniat; id quod tamen valde rarum est, quod extraordinarii quid ejusmodi superveniat. Præterea in *hydrocele ordinaria*, de qua hæcenus dixi, *testiculus digitis percipi* nequit, id quod tamen ut plurimum in *enteroceles* fieri potest: ubi intestina extra tunicam vaginalem, in processu peritonæi in peculiari sacco, supra septum tunicæ vaginalis hærent.

## X X V I.

Verum longe *difficilius hydrocele a sarcocoele distinguitur*, ut haud raro & medici & chirurgi satis prudentes atque experti hac in re decepti fuerint, sicuti notabile exemplum *Dn. Præsidi* notum est, ubi magnus & expertus chirurgus, dum ejusmodi herniam, præsentibus multis medicinæ & chirurgiæ studiosis pro hydrocele aperuit; sed aperto tumore, videns malum sarcocoelem esse, gallice exclamavit; *Messieurs je me suis trompé*. Nam primo uterque hic morbus oritur in scroto, & quidem eodem fere prorsus in loco, eodemque fere modo sensim sensimque crescit. Deinde *uterque tumor durus & renitens, ac pondere molestus fit*, uterque etiam *sine dolore* ut plurimum *& oritur & crescit*, atque satis diu *sine dolore* manet. Interea tamen in *sarcocoele* successu temporis quandoque, attamen non semper dolores percipiuntur. Eandem etiam uterque *figuram subrotundam* scilicet sive *ovatam* obtinet, ita, ut mirum haud sit, quod ob tam multa similia signa quam facillime inter se confundantur, & quale horum malorum in hoc vel illo ægro adsit, satis exercitatis, multo minus nondum satis bene his in rebus versatis, certo dicere, sit sæpe difficillimum. Interea tamen *Dn. Præsides* certissima distinctionis signa inter has duas hernias, dum quamplurimos vidit & curavit, esse me docuit, primo quod *in sarcocoele major digitis percipiatur durities, quam in hydrocele*, si exploratio digitis rite instituatur, & quod in hydrocele aliqua in scroto percipitur mollities, & alicujus humoris fluctuatio, quasi in vesica liquore summe infarcta ac distenta. In *sarcocoele* vero sæpe aliquæ *lancinationes & dolores*.

Distinctio  
hydroce-  
les a sar-  
cocoele.

si malum præfertim jam inveteratum est, adsunt. Deinde etiam quidam pro certis distinctionis notis tradunt, quod, quando æger in obscuro loco lumini claro aut candelæ opposito ponatur, & *tumor scroti tunc pellucidus appareat, hydrocele certo adsit*, id quod etiam facile concedo; verum hoc solum moneo, quod ratiocinatio a contrario hic non valeat, quod nimirum, si tumor non pellucidus reperiatur, non mox argumentari liceat, morbum esse *sarcocelen*. Nam in sarcocoele scrotum quidem opacum conspicitur; verum dantur etiam hydrocelæ, ubi scrotum haud pellucidum, sed opacum est, quando scilicet humor intus contentus, ut supra §. VI. jam dixi, atque *Ægineta* jam notavit, *sanguinolentus, fuscus aut nigricans* existit, atque sic transitum etiam radiis non concedit, ita, ut *tactui curioso hic magis, quam visui sit fidendum*; at si tamen deinde tumor, adhibita candela, rubicundus intus apparet, liquorem contentum *rubrum*, sive *sanguinolentum*, aut alio modo *opacum* esse suspicari possumus, quam speciem herniæ Dn. *Præses* in chirurgiæ part. II. cap. 123. *Hæmatocelen*, forte haud inepte, vocavit. Denique adhuc notari velim, quod sarcocoele sæpe sit in utroque scroti latere; hydrocele vero plerumque tantum in unico latere.

## X X V I I.

Hydrofarcocoele difficillime cognoscitur.

Quando autem *hydrofarcocoele*, sive *hernia aquosa & carnosæ* simul adsunt, difficillime cognoscitur: quia aqua carnosum tumorem sive scirrhum testiculi ambit, ita, ut humoris præsentia fluctuatione quidem cognoscatur, sed testiculus durus quandoque tactu percipi nequit. Interea tamen Ill. Dn. *Præses* magnam ejusmodi herniam anno 1728. in rhedario curandam habuit, in qua sub humore fluctuante etiam tumorem durum sive testiculi scirrhum, qui ovi struthionis fere magnitudinem habebat, tactu percipere poterat. Num vero hoc semper, præfertim in scirrhis testiculorum minoribus, & ubi magna liquoris copia eum ambit, fieri possit, haud affirmare audent, & in quavis potius hernia aquosa curanda ægris antea indicat, quod non certe initio dicere possit, *an sub aquosa hernia non etiam carnosæ adhuc lateat*; quæ, si emissæ aqua reperiatur, peculiarem suam curationem desideret. Præterea si hernia aquosa sola adest, ad lumen adversum inspectum, *pellucida*, præsentente vero sarcocoele, *opaca* erit. Hinc nescio, quomodo factum sit, quod *Hildanus* cent. IV. obs. 65. casum referat, ubi scrotum sibi pellucidum apparuerit, & tamen scroto aperto, cum hydrocele *simul sarcocelen* invenerit. Sed suspicor hanc explorationem non satis accurate institutam fuisse, cum *testiculus scirrhusus pellucidus esse nequeat*, neque etiam, se illum, aperto scroto, pellucidum deprehendisse, scribit.

## XXVII.



## XXVIII.

Atque hæc sunt *signa hydroceles ordinariæ sive vulgatissimæ*, atque antiquis notæ, quibus hæc & satis cognosci, atque etiam ab aliis affinibus malis distingui potest. Verum primo, quod sciam cel. Boerhavius in aph. pract. §. 1227, & postea varii alii, qui in Dn. *Præsidis* chirurg. p. 342. citantur, memorant, quandoque istiusmodi hydroceles casus observari, *ubi etiam supra testiculum in peritonæi processu*, qui vasa spermatica involvit, & quidem speciatim supra illud *sepimentum*, quod hunc processum a cavo tunicæ vaginalis disjungit, §. XX. indicatum, humorem quandoque colligi p. n. actumorem ibidem in inguine ac supra scrotum concitare, testiculumque tunc in scroto digitis tangi posse, tumorem vero in inguine se ostendere oblongum, qui prope testiculum definit. *Quibus vero signis hic ab enterocele distinguatur*, difficile mihi videtur, illudque etiam apud scriptores illos reperire non potui, velimque, ut illi, qui huiusmodi hernias accurate viderunt, & pervestigarunt, signa vera pathognomonica publicarent. *Palfinus* in chirurgia sua cap. XIV. refert, atque observationibus ibidem enarratis quoque confirmat, *liquidum* in hydrocele subinde *in diversis cellulis hæere*, ita ut una tantum incisione liquor non omnis effluat. Alii scribunt [d] subinde tam in *processu peritonæi*, quam etiam in *tunica vaginali simul*, adeoque *supra & infra illud claustrum*, humores diversis quasi in vesicis sive loculis colligi, sic, ut hydrocele in utroque hoc processus peritonæi cavo hæreat, atque sic *duplex* quasi hydrocele adsit. Imo quandoque *claustrum illud etiam rumpi* illi autores perhibent, atque sic humorem illum p. n. utrumque cavum replere, & quidem sic, ut postea non nisi unum cavum atque unam hydrocelen constituent; quæ vero mala si adsint, difficillime profecto ab entero- & epiplocele distingui poterunt. Interea tamen præcipue distinguenda erunt ex illis signis, quæ §. XXIV. & XXV. dedi, & aliquo fluctuationis signo. Quamquam Dn. *Præses* quamplurimas hernias aquosas viderit & curaverit, tamen tales sibi se nondum repræsentarunt [e], adeoque eas raras imo *rarissimas esse* existimat, & forte nomine *hydroceles extraordinariæ* vel *anomalæ* donari posse, dum proprio nomine nondum eas donatas esse novit; quæ vero si sunt, & *distinctionem hydroceles ab aliis affinibus*, imo & curationem valde intricatam ac difficilem reddunt.

Hydrocele  
læ extraor-  
dinariæ.

## XXIX.

*Hydrops scroti ab hydrocele & affinibus distinguitur*, quod nimirum scrotum æqualiter & in utroque latere, instar cujusdam vesicæ intumescat, *cur- tem-*

Hydrops  
scroti di-  
versitas.

V v 3

[d] Ut de la Faye sive *Faius* in notis ad chirurgiam Dionis p. 364.

[e] *Sharp* novus scriptor chirurg. Anglus in operat. suis chir. has hydroceles species negat, & non nisi duas, vulgares scilicet, quæ in tunica cellulari & quæ in vaginali est, existere sustinet. Quo autem jure, ipse videat.

temque æqualiter ubique in scroto distendat, quæ inde plerumque nitet, & ut plurimum *foveas digitorum* impressorum aliquandiu servat; cum in *hydrocele* vestigia digitorum non maneant, cutisque rugosa sit, venæ sæpe valde intumescant, & plerumque tumor tantum sit in *alterutro scroti lateris*; neque ullum adhuc novi exemplum, *ubi hydrocele in utroque latere, id quod in sarcocoele* D. *Præses sæpe vidit, simul sit observata*; licet rationem non videam, cur non esse possit: dum in utroque latere eadem adsunt partes, membranæ & vasa, eademque hic etiam adesse possint causæ. Sin vero adesset in utroque latere, tamen cutis cum cuticula in hydrope scroti æqualiter expansæ sunt, læves, splendidæ atque nitentes, cum aqua tunc in adipis tunica hæreat, unde sæpe in eadem tunicam, quæ penem quoque sub cute ambit, se extendit, atque penem tunc valde tumidum reddit; cum in *hydrocele* majori penis minor fiat, & quasi in tumorem se retrahat & abscondat. *Pueros recens natos cum hydrope scroti sæpius nasci* Dn. *Præses* alique plurimi cum eo observarunt.

## X X X.

Quomodo  
ventosa &  
aquosa  
differunt.

Cum denique etiam auctores, ubi de herniis agunt, *hernia ventosa*, quam græce *pneumatocelen* adpellant, ut plurimum quoque mentionem faciant, eamque ut herniæ aquosæ valde similem describant, & quod *non nisi loco aquæ sive feri, aër* in scroto contineatur, atque homines fere promiscue omnes, qui medici aut chirurgi experti non sunt, de *herniis ventosis* sæpe loquantur, immo plerumque, si vel ipsi, vel pueri eorum enterocoele laborant; & flatus e ventre in eorum tumorem ingredi sentiunt, tumoremque sæpe inde augeri atque dolores frequentes in eorum herniis intestinalibus oriri, aut jam præsentibus inde multum augeri precipiunt, se eorumve pueros *pneumatocoele laborare*, sed falso existimant, dum revera sint herniæ intestinales; ubi flatus in intestinis multa incommoda iis concitant. Ideoque cum Dn. *Præses* hucusque *nullam veram ventosam herniam viderit*, neque certum aliquod exemplum apud ullum auctorem invenerit, de ejus existentia, sicut in chirurgia sua cap. CXXVII. p. 855. scripsit, adhuc & ego cum ipso dubito. Interea tamen, cum haud *impossibile videatur, dari posse* pneumatocelen, sive ejusmodi tumores ventosos in scroto æque ac in abdomine, *distingui* eam posse, si quæ forte aliquando alicui occurrat, existimo ab hydrocele & sarcocoele, *insigni levitate*, & forte etiam certo sono, si percutitur, quia scrotum aëre tantum repletum, ut pila major, quam *Ballon* vocant, vel vesica aëre repleta, se habebit, quæ propterea necessario longe minus habebit pondus, quam hydrocele aut sarcocoele, ubi liquore, præsertim crasso & glutinoso, aut omnino corpore duro ac solido, repletum est.

## X X X I.



## XXXI.

Quod ad *Prognosin* attinet, sciendum, malum hoc non facile mortem inferre, attamen haud facile etiam quam valentissimis medicamentis cedere, præsertim in adultis, maxime si jam inveteratum est; attamen in infantibus ac pueris subinde adhuc curari. Deinde quod, etiamsi liquor contentus sectione aut punctura semel eductus sit, atque sic ignaris malum ablatum esse videatur, tamen successu temporis, & quidem sæpe intra paucas hebdomades redit, nisi in curatione perfecta, quæ educationem liquoris insequi debet, debitis remediis, eisque prudenter adhibitis bene prospiciatur. Adeoque *eductio* liquoris per lanceolam vel acum triangulari cuspide & tubulo donatam, quæ vulgo *Troicar* vocatur non perfecta, sed *palliativa*, temporaria & *inconstans* ut plurimum est, quamvis magni chirurgi vix ultra hanc progrediantur [f]. Præterea sciendum, quod *hydrocele* sæpe sit morbus perquam molestus, præsertim quando valde magnus & gravis evadit, sic, ut ægri difficulter incedere, atque adhuc difficilius equitare queant; interea tamen, ut jam dixi, *vite periculum non facile infert*, novitque Dn. *Præses* multos, qui ceteroquin sani cum hoc malo vixerunt, & ex parte adhuc vivunt, atque ad magnam ætatem pervenerunt: quæ incommoda tanto facilius ferenda, quia plerumque, nisi alius simul morbus adsit, malum hoc est sine dolore. Attamen quia sæpe, imo ut plurimum quando valde magnum sit, penis in tumorem vel omnino, vel saltem magnam partem se abscondit, *coeundi & generandi potentiam minuit, aut omnino tollit*; quod juniores, aut qui liberos adhuc desiderant, magnopere excruciat; verum in senibus, aut qui liberis instructi sunt, tanto facilius ferendum, quia illa vis etiam ex aliis causis in illis imminuitur. Præterea etiam si se penis omnino abscondit, *urinæ quoque excretionem* in nonnullis minus commodam, imo prorsus difficilem reddit.

Prognosis  
hydroceles.

## XXXII.

Mirandum quoque est, serum hic sæpe diu subsistere & quiescere sine corruptione; attamen testiculorum tunicas, & præsertim dartum & vaginalem, admodum sæpe crassas reddit, utpote quæ in sano vix duarum linearum habent crassitudinem, in ægris vero hydrocele, præsertim antiqua laborantibus, quinque vel sex linearum & quod excedit, sicut Dn. *Præses* vidit, crassitudinem induunt, ita, ut acu illa apice triangulari plerumque non nisi difficillime perforari possint, quando ea humores inde educere volumus, videnturque hæ tunicæ, imbibendo quasi hunc humorem serosum eo fere nutriri; &

Tunicæ  
scroti valde  
crassæ  
fiunt.

[f] Retulit mihi Dn. *Præses*, se aliquoties a *Ravio*, celeberrimo illo chirurgo, hanc palliativam curationem, sed nunquam perfectam institutam vidisse, ita & *Erndelius*, qui Regis Polonice Archiater postea factus est, in itinere suo Angl. & Batav. pag. 121: hanc operationem ab eodem ita institutam descripsit; nullam vero perfectam unquam ab eo institutam esse aut legi aut audivi. Ita & *Sharpius* palliativam perfectæ præfert.

& sic intumescere atque crassescere. Præterea etiam interdum *testiculus ab hoc liquore male affici videtur*, quia varii notarunt, quod hydrocelen etiam *sarcocele* & testiculus corruptus, inde secutus sit: conferri hac de re possunt *Hildani* observat. cent. IV. obs. 64. ad obs. 68.

## X X X I I I.

Prognosis  
hydropis  
scroti, &  
hydrofarcoces.

*Hydrops scroti in infantibus*, si ceterum sani, sæpe & subinde facile curatur; in adultis autem, cum plerumque sit symptoma alterius morbi, non, nisi curato prius morbo primario, tolli potest. Si *sarcocele cum hydrocele conjuncta sit*, sive in hydrocele simul testiculus scirrhus corruptus adsit, sine provida resectione totius testiculi, una cum tunica vaginali ac processu peritonæi, haud curatur; hoc autem modo, uterque morbus simul, quamvis non sine periculo, tolli potest.

## X X X I V.

Curatio  
per medicamenta.

Quod igitur ad *curationem* attinet, quia *indicatio* hic est, *aquam congestam, vel digerendam sive discutiendam, vel evacuandam esse, hydroceles & cumprimis hydropis scroti curatio in infantibus* & pueris sæpe obtinetur medicamentis digerentibus, discutientibus, roborantibus & evacuantibus. Speciatim vero in *pueris recens natis*, ubi scrotum sæpe instar tenuis vesicæ ab aqua expansum est, egregie prodest, si homo aut mulier sana frustulum nucis moschatae dentibus aliquoties in die comminuat, atque halitu deinde hoc aromatico scrotum tumidum afflet; id quod etiam eodem fere cum emolumento per spiritum vini ore detentum fieri potest, exhibito simul infanti semel iterumque idoneo *purgante*, & dissipandi ac roborandi scopo *pulverem aut confectionem seminis anisi*, vel solum, vel pauxillo cinamomi addito, ita enim Dn. *Præses* se plures hac ratione curasse, me certiore fecit, præsertim si nutrix simul aptum victus regimen servat. Quodsi tamen forte aliquando hæc malum non sustulerint, *aquam calcis tepidam*, qua splenium vel spongiam aliquoties in die irroravit, scroto applicuisse, atque inde optatum effectum vidisse. Ita & *spiritus anisi* cum fructu ope spleniorum superimponitur. Si *pueri jam paulo adultiores* hoc malo conflictantur, egregie iis benefacit, si externe emplastrum de cumino, vel etiam illud de baccis lauri calide scroto circumponatur, huicque splenium spiritu matricali, vel aqua anhaltina, vel & aqua calcis calida, sale ammoniaco admixto, imbutum superimponatur, adhibitis interea *interne sæpe purgantibus mercurialibus, decocto lignorum, essentia lignorum, tinctura tartari*, vel antimonii tartarifata, exspectato subinde matutino tempore *sudore in lecto*, ad serum in scroto collectum tanto valentius dissipandum atque exsiccandum; quibus superiori adhuc anno puerum septem annos natum Dn. *Præses* brevi tempore curavit. In his & magis adultis *arcanum duplicatum*, quod a cel. quondam

prac-



præctico *Ludovico* magnopere hoc in malo, præsertim recentiori, ut efficacissimum medicamentum commendatum est [g], itemque *pulverem millepedum*, nunc cum tantillo mercurii dulcis, nunc sine eo egregia quoque deprehendit. Extus etiam, si laudata *emplasira* nihil efficiunt, *spiritus* modo commendati, vel *aqua calcis* spongia vel spleniis, vel *lixivia* e cineribus, præsertim ligni quercus, vel e sapone, aut sola, aut spiritu vini roborata, egregie subinde has aquas dissipant. Spiritus C. C. aut liquor C. C. succinatus sæpe illitus, itemque olea carminativa a nonnullis etiam valde commendantur, servata simul semper *parca* & *apta diata*, abstinendo a crassis, crudis, flatulentis, &c.

## X X X V.

Attamen si hæc aliave medicamenta non satis proficiunt, quemadmodum Curatio  
chirurgica. hoc sæpe fit in *vera hydrocele*, præsertim in *adultis*, & ægri a molesto hoc malo liberari desiderant, secundum divi *Hippocratis* præceptum, *ad chirurgicas curationes*, tanquam ad sacram anchoram, & medicorum & ægrotantium, est progrediendum; ubi vero mox monendum, quod duplex hæc sit curatio, prout supra jam §. 3 I. innui, nimirum vel *perfecta* aut *radicalis*, vel *imperfecta*, quam *palliativam* etiam appellant. Duplex enim in hujus mali curatione medicorum scopus est, primo scilicet, ut *humor noxius e scroto* emittatur sive removeatur, ac deinde, ut *nova ejusdem* in hoc collectio, (quæ alias facile fit, atque sic malum recrudescit,) prohibeatur. *Ad utrumque hunc scopum obtinendum* curatio, quæ *perfecta* dicitur, maxime idonea est; verum per *palliativam* tantum liquor ille p. n. educitur, & malum raro sine reditus metu hac ipsa perfecte sanatur. Interea, quia tamen *interdum sicut nonnulli scriptores referunt*, *malum tollit* [h], ægris magis comoda minusque dolorifica est, promptiusque perficiatur perfecta, hæcque etiam desiderat, ut curandi per aliquot hebdomades non solum domi, verum etiam in lecto se contineant, atque perfecta etiam majores inferat dolores, majorique periculo ægros, præsertim si chirurgus non rite procedat, nec *prudentem medicum*, cum ad avertenda, tum ad tollenda mala accidentia adhibet, aut curandus non satis apte se gerat, exponit, & palliativa longe facilius etiam, si malum recrudescit, absque adeo magno incommodo aut dolore iterari semper potest, chirurgique etiam minus habiles facilius palliativam, quam radicalem perficere possunt, haud mirandum est, quod hæc modo ab ægris, modo a chirurgis perfectæ, utpote molestiori, magis dolorificæ & periculosiori, sæpe præferatur, quamvis & quandoque ab hac gravia mala observata sint [i]. Quare & nos *hic primo palliativam* hanc describemus.

Tom. I I I.

X x

X X X V I.

[g] In misc A. N. cur. dec. I. ann. IX. &amp; X. obs. 158. item in ejus operibus p. 720.

[h] Ut *Massierus*, *Sharpius*, aliique cap. de hydrocele.[i] Videri hoc potest in *Sharpii* observat. chirurg. cap. de hydrocele, quamvis hic magnus hujus curationis patronus sit.

Curatio  
palliatiua  
quomodo  
fiat.

*Antiquiores* Chirurghi, ut ex *Celfo*, lib. 7. cap. 22. atque *Fabricio* ab *Aquap.* in operat. chirurg. patet, scalpello scrotum inciderunt, aquam emisserunt, & postea vulnus denuo glutinarunt, eaque ratione multos curatos esse referunt. Verum hac ratione cavum plerumque non satis purgatur & malum facile atque ut plurimum redit. Paulo recentiores, doloris forte minuendi gratia, *scalpello phlebotomo* Gallorum loco vulgaris, vulnuscum parti scroti inferiori inflixerunt, atque vel per hoc foraminulum, vel mediante immisso tubulo plumbeo aut argenteo aquam contentam emisserunt, eaque emissa vulnuscum rursus glutinarunt. Nostra autem ætate *acus sive clavus* teres, apice triangula, fistula argentea aut ferrea aut orichalcea inclusus, quem Galli *Troicar* vocant, quique in *Dn. Præsidis* chirurgia tab. XXIV. fig. I. ad 4. aliisque variis recentioribus libris chirurgicis delineatus est, aquam educendi scopo, longe commodius in hunc finem adhibetur: quo ægro stanti vel in extrema alicujus sedilis parte confidenti, pars scroti inferior atque exterior caute, ne testiculus lædatur, donec prementi chirurgus nihil resistat, pertunditur, id quod ferramentum in cavum tumoris penetrasse indicat: ubi simul sciendum, quod, *quia scroti tunica hoc in malo sæpe valde & quidem ad transversum digiti latitudinem & quod accedit, incrassescunt*, (vid. §. 32.) apex non nimis cito retrahendus est, quia alias tunicæ non perforatæ essent, & liquor non sequeretur. Verum si ferramentum in cavum usque scroti penetrasse certo percipitur, quod uti dixi, inde cognoscitur, si prementi nihil amplius resistit, vel aqua juxta tubulum immissum fig. 4. effluit, clavus, relicta fistula in scroto, retrahitur, ita aqua eum mox sequitur: quæ, ubi omnis effluxit, scrotumque collapsum est, etiam e vulnere retrahitur, atque sic universum opus confectum est, ipsumque vulnuscum sine emplastris aliisque medicamentis sponte ut plurimum coit: imo *ipsi ægri etiam* sine omni molestia statim plerumque rursus ambulare atque negotia sua perficere valent. Verum quia post ejusmodi aquæ extractionem adeo simplicem, & præsertim duas ultimas recentiorum, ubi tam exigua vulnuscum fiunt, per quæ cavum mali purgari nequit, nec solet, scrotum plerumque brevi, aliquot scilicet hebdomadam vel mensium spatium, simili humore denuo impletur, malum exigit, ut ad molestiam a tumore isto removendam modo descripta curatio sæpius iteretur, eaque eo magis, ne humor hic subsistens testiculum corrumpat. Quod igitur si rite perficiatur, ægri hocce malo infestati, sine adeo magna molestia fenescere possunt. Verum quia hic modus raro istos homines perfecte sanat, curatio hæc, ut sæpe jam diximus, *palliatiua & imperfecta* a medicis appellatur. Quod si forte in effluxu humoris *aliquid fistulam illam obstruat*, specillo immisso hoc removendum est. Denique adhuc hic sciendum, quod si *humor effluens crassus aut turbidus*, vel omnino *fatidus sit*, tempus esse videtur curationem perfectam



fectam instituere, ne testiculus corruptis ejusmodi humoribus quoque corrumpatur, vel omnino in *carcinoma* abeat.

## XXXVII.

Quando igitur ejusmodi mala incidunt, vel ægri, præsertim juniores, alias ob causas omnino ab hydroceles molestiis liberari & perfectam rursus sanitatem recuperare desiderant, *quintuplici ratione* hoc obtineri potest. *Primus curandi modus* est, ut æger in sedili sedeatur, & a ministris, quantum opus esse videtur, probe firmetur. Deinde scrotum circa partem superiorem, ubi aqua continetur, scalpello usitatissimo chirurgico, qualis in D. *Præsidis* chirurg. tab. I. litt. G. vel I. repræsentatur, aliove idoneo, a latere inciditur, donec scalpellum in cavum, ubi humor p. n. hæret, penetravit; id quod ex humoris aquosi effluxu cognoscitur [k]. Postea in hanc plagam immittitur specillum fulcatum, vel quod melius est, index manus sinistræ, si fatis patet, atque juxta hujus vel illius ductum immittitur quoque vel scalpellum vel forfex idonea, vel etiam *novacula*, eisque *totum fere scroti latus usque ad fundum aperitur*, quo fit, ut non solum omnis humor p. n. penitus effluat, verum etiam medicus vel chirurgus observare recte possit, utrum forte in testiculo quoque, an alibi in scroto aliquod vitium sit, & secundum explorata postea ac reperta curatio tanto rectius continuari queat; quæ in junioribus & ubi malum non adeo diu duravit, fere sine omni periculo fieri potest. Si itaque *testiculus salvus* & nullum aliud grave vitium in scroto *deprehenditur*, mox solis linamentorum aridorum leniter contortorum fasciculis (quos *bourdonets* vulgo chirurgi appellant,) totum hydroceles cavum modice impletur, postea splenio contegitur & fascia firmatur. *Ante tertium diem hanc deligationem* D. *Præses non solvit*, & quando tunc illud facit, nihil illorum linamentorum vi evellit, sed tantum quicquid vel sponte excidit, aut facili negotio tollere potest; labia vulneris tunc unguento digestivo foventur, & novis fasciculis linamentorum carptorum eodem unguento obductorum cavum denuo repletur, oræque conteguntur, sicque alternis diebus continuatur, donec priora linamenta omnia exciderunt, id quod sæpe post plures demum dies fit, quo tempore totum scroti cavum simili ratione quotidie deligatur, ita *larga sequitur interioris tunice suppuratio*, quæ, ut bona ejus purgatio & constans glutinatio sequi atque obtineri possit, hic valde necessaria est; nam ab hujus neglectu malum rediisse Dn. *Præses* aliquoties notavit. Interea tamen, *ne scrotum nimis inflammetur*, fomentum ex aqua calcis vivæ cum spiritus vini camphorati quarta parte, addita cerussa & pauxillo salis ammoniaci, superimponatur, non neglectis medicamentis internis, inflammationem & febrem vulnerariam nimis vehementem avertentibus.

Curatio  
perfecta  
scalpello.

X x 2

XXXVIII.

[k] Multi *pungendo aperiunt scrotum*. Rectius vero cum Dn. *Præsede* hoc secundo fieri existimo: quia sic non tam facile vel testiculus vel vasa spermatica læduntur.

## X X X V I I I

Cautiones  
circa  
membta-  
nas valde  
crassas.

Quando autem *interiores istæ membranæ nimis crassæ nimisque induratae reperiuntur*, quemadmodum plerumque in malis inveteratis, ut supra §. 32. a nobis dictum est, esse solent, unguentum digestivum solum iis exedendis & destruendis sæpius non sufficit, facies interior earum aut bene *scalpello*, cavendo testiculi læsionem, *scarificetur*, aut *mercurius præcipitatus ruber*, una cum alumine usto iis subinde inspergatur, vel una cum unguento digestivo modica quantitate commisceatur, donec tota munda ac carne rubra contestata conspiciatur, ubi balsamo vulnerario tandem glutinatio procuretur. Quodsi inter mundificandum *corpuscula adipi similia*, ut haud raro fit, in membrana interiori conspiciantur, vel forfice simul & semel, vel prædictis rodentibus sensim sunt auferenda.

## X X X I X.

Cautiones  
adhuc  
aliæ.

Quod si forte deoperto scroto *vasa seminalia* ad partem testiculi superiorem valde tumefacta deprehendantur, quidam suaferunt, ut *testiculus hic* tanquam *corruptus*, *mox resecetur*. Verum hos minime imitari convenit; quoniam hæc, postquam ab onere isto aquæ liberata sunt, & prædicto fomento §. XXXVII. foventur, vel etiam sponte, sicut ut plurimum fit, rursus detumescunt, & ad statum naturalem redeunt. Quod si vero *hæc vasa una cum testiculo valde induraverint* ac dolent, atque carcinoma minitantur, *exscindendus est*, sicut hac de re infra mox uberius acturus sum. Ita si *testiculus*, scroto aperto & humore evacuato, *iusto tumidior* deprehendatur, digitis probe explorandum, *utrum scirrhi duritiem assumsit, an fluctuans quædam materia*, ut quandoque etiam in eo sub tunica nervea deprehenditur, ibidem sentiatur. Si prius est, ejus curatio infra dabitur; sin vero posterius, *testiculus* quoque non pro omnino corrupto, ut quidam fecerunt, mox est habendus, & ut varii suaferunt, *extirpandus*; sed potius *scalpello in loco aptissimo est aperiendus, humor noxius emittendus*, unguento digestivo purgandus & balsamo postea consolidandus, ita sæpe rursus sanescit, & officio suo imposterum fungi potest. Sed si omnino *corruptus deprehenderetur*, ut inutile corpus, unde nova mala essent metuenda, *prout sarcocèle extirpari potest*. Atque hanc primam methodum plerique recentiores scriptores, *Sharpio* excepto [1], commendant ceterisque præferunt.

## X L.

Alter cu-  
randi mo-  
dus per  
rodentia.

Quoniam vero *multi ægri scalpellum nimis pertimescunt*, eique se vel prorsus  
[1] Hic, ut suam sententiam tueatur, varia exempla recenset, ubi huic operationi, forte ob non satis apte institutam curationem, gravia mala inciderunt; interea tamen omnes isti ægri, quos in exemplum adducit, convaluerunt.



ſus non, vel ſaltem maximo cum metu & mortis fere terrore ſe ſubmittunt, quorum vis tanta eſt, ſi veteribus atque cel. *Winslovio* credimus, qui ægrum præ metu ante calculi exciſionem mortuum eſſe aſſeverat [ *m* ], *alteram methodum* in horum commodum prudentiores chirurgi excogitarunt, qua nempe apto medicamento rodente, ſive ut græco vocabulo indicari ſolet, *cauſtico*, ſcrotum hydrocele conflictatum quam commodiſſime aperiri, & liquor peregrinus emitti poteſt. Atque hac ratione Dn. *Præſes* non ſolum & adultos & ſenes, verum etiam ſuperiori adhuc æſtate juvenem, qui occaſionem mihi ad hanc diſſertationem conſcribendam dedit, me multiſque aliis medicinæ Studioſis, aliſque variis hominibus præſentibus, tanquam tot teſtibus, perfecte inde curavit.

## X L I.

Juvenis nimirum erat ex Principatu Anhaltino, ſedecim annos natus, cæterum ſatis ſanus, quem parentes huc ad *D. Præſidem* ab ejuſmodi her-  
 morbi.  
 nia, qua jam per plures menſes laboraverat, ut ipſum ſanaret, miſerunt. Magnitudo herniæ ovum gallinaceum majus ſuperabat, & in figura I. noſtra in lateri ſcroti dextro [ *n* ], ſed ob tabulæ parvitatem minor multo, quam erat, exhibetur. Hunc vero juvenem non mox, ut inimici ejus aut ignari ſæpe calumniantur, ſcalpello ſive cruentæ curationi ſubmiſit, verum quia ægri, & præſertim juvenes, cæterum ſani, ſæpe medicamentis adhuc ab hoc malo liberantur, prius optima quæque tentare, qualia §. XXXIV. commendata ſunt, atque effectum eorum experiri voluit. Poſtquam vero hic æger per hebdomades quatuor una cum modica diætâ iis uſus eſt, ea vero nihil quicquam, ut ſæpe in obſtinatiſſimo hoc morbo fieri ſolet, proficere voluerunt, parentes vero eo ob negotia diutius carere non potuerunt, ipſis itemque affinibus & ægro ſignificavit, vix a remediis hic auxilium ſperandum eſſe, quia tamdiu hætenus fruſtra adhibita fuerunt; verum ad chirurgicam curationem, ſi liberari ab hoc malo vellet, nunc progrediendum eſſe, dixit. Cum itaque huic conſilio morem gererent, die quarta Auguſti hujus anni, ſequenti modo, per rodens medicamentum curationem inchoavit.

## X L I I.

[ *m* ] Vid. Dn. *Præſidis* chirurgicæ inſtit. cap. 143. §. 13.  
 [ *n* ] *Hildanus* Cent. IV. obſ. 64. & *Palfinus* cap. de Sarcocoele p. 163. volunt, *sarcocelen* plerumque in dextro, & *hydrocelen* in ſiniſtro obſervari latere. Verum *Ulhornius*. in notis chirurgiæ *D. Præſidis* belgiæ adjectis, ſcribit, *sarcocelen* non in ſiniſtro, & *hydrocelen* non in dextro latere oriri, p. 943. atque ex latere certam harum diſtinctionem docere vult. Imo adhuc addit, ſi forte *hydrocele* aliquando in dextro latere adſit, certo *sarcocelen* ſimul adeſſe, adeoque monet, ut cauſſimi hic ſimus in aqua lateris dextri per acum educenda. Verum hoc vanum eſſe, non ſolum hic noſter caſus docet, ſed *D. Præſes* etiam has hernias, ſicuti enterocelen, modo in hoc, modo in illo latere vidit & curavit.

2. Curatio  
per causticum.

Nimirum emplastrum tres circiter pollices longum & duos latum, foramine duos pollices longo, quod digiti latitudinem habuit, externo sive dextro scroti hujus lateri, dum æger in lecto decumbebat, agglutinavit, ita, ut per foramen ejus, spatium litt. E. F. in fig. I. indicatum, conspici potuerit. Huic alterum simile emplastrum superimpofuit, ut oræ foraminis altiores redderentur, ne rodens medicamentum huic spatio imponendum, ex eo facile decideret, eique deinde horis matutinis hoc medicamentum in tanta copia immisit, quam sufficere judicavit, pro tegumentis scroti communibus omnibus, & ex parte etiam specialibus, *ad tunicam scilicet vaginalem usque erodendi*; illud linamentis carptis & emplastro integro præcedentibus paulo majore, tegit, splenium superimpofuit, & fascia quatuor frondibus firmavit, ægrumque ut per aliquot horas strenue quiescat, jussit. Horis sex septemve elapsis; ægrum sedili impofuit, ligaturam solvit, splenium & emplastra removit, medicamentumque, quantum satis est, partes perforandas erofisse, invenit, ita, ut si inciderentur, nullum amplius sanguinem funderent, ægerque nullum a perforatione sive sectione dolorem perciperet. Itaque partem erosam primo circa medium, ubi in fig. I. litt. B. posita est, scalpello obtuso, incidit, & immisso postea digito, vulnus sursum & deorsum, ad litt. E. & F. ampliavit, ita *liquoris glutinosi, albicantis, albo ovorum fere similis*, quantitas trium quasi unciarum effluxit. Cavum vulneris in quo, ut in fig. II. litt. G. H. indicatur, testiculus litt. I. conspici poterat, linamentis carptis probe replevit, illudque postea ita deligavit & tractavit, ut in præcedentibus modo §is XXXVI ad XXXVII. dictum est, atque sic illud sex hebdomadum spatio, sine gravibus supervenientibus symptomatibus, nisi quod prima hebdomade febricula aliqua, diætæ tamen aliquo magis errore, quam vulneris culpa, supervenerit, quæ tamen sine venæsectione, solis medicamentis calorem p. n. temperantibus, brevi rursus profligata est.

## X L I I I .

Hic modus  
a multis  
male rejicitur.

*Garengéot*, quem *Sharpius* in operat. suis chirurg. & *Faius* in notis ad *Dionisium* sequuntur, *rodentium medicamentorum usum in hoc morbo* rejicit, atque ab his multa mala pertimescit: quia putat, hæc medicamenta in scroti cavum intrare, ibidemque testiculum arrodere, imo destruere &c. Verum omnes hi scriptores hic non ab experientia sive ex usu loqui, dum nullus exempla, aut observationes hoc probantes adducit, sed se invicem tantum sine experientia hac in re sequi mihi videntur. Nam certum est, illud quod metuunt, neque in hoc, quem recensui casu §. XLI. & XLII. *neque in nullo alio agro, quorum tamen plures, & inter hos etiam magnates & nobiles*



biles ab hoc morbo hac ratione *liberavit*, *contigisse*, quippe quibus nihil mali, neque in testiculo, nec alibi in corpore ab his remediis illatum est, & si quid forte adversi quibusdam chirurgis hic acciderit, profecto id non medicamentis his, sed potius incauto, vel perverso eorum usu factum esse cenfeo, atque sic huic mala, quæ forte contigerunt, adscribenda esse existimo. Nam si rodens ita dirigitur, ut non in cavum usque scroti partes exedat, sed in tunica vaginali subsistat, id quod prudenti usu fieri potest, testiculo etiam nihil nocere potest. Imo si etiam aliquando forte fortuna contingeret, ut & hanc eroderet, liquor tunc impetu quasi erumpens medicamentum rodens repellat, aut si quid forte etiam incideret, primo jam vis ejus rodens in exedenda cute, pinguedine, membrana darto, & tandem valde crassa hic plerumque tunica vaginali, ut §. XXXII & XXXVIII. indicavimus, in his ægris jam valde imminuta aut destructa est, & deinde, si tantillum etiam cum liquore intus hærente commisceretur, partim ab eo uberius temperatur, partim cum eo rursus effluit, ita, ut vix ulla læsio in testiculo inde sit metuenda, nisi quis quam imprudentissime procedat, & in rodentis copia excedat. Nam *D. Præses in recto usu*, & in hoc & aliis, nihil quicquam mali inde vidit, & cum eo etiam præstantissimus ille chirurgus Anglus *Joh. Douglas* consentit, qui in syllabo operat. chirurgicar. pag. mihi 39. aperte *causticum sectioni, punctioni* & *setaceo* præfert.

## X L I V.

*Tertius modus*, quo perfectam hydroceles curationem quæsierunt medici, est *setaceum*: quando nimirum acus, setaceis alias excitandis destinata, (quæ videri potest in *D. Præsidis* chirurgia tab. 18. fig. 12.) linteolum digiti latitudine & pedis circiter longitudine trahens, in latere scroti externo, ut verbi gratia in figura nostra I. ad litt. E. sic infingeretur, ut juxta litt. F. rursus egrederetur, cavendo ne testiculus aut vasa spermatica ea lædantur, quemadmodum etiam *Scultetus* hoc figura illustravit in *Armam. chirurg.* Tab. XL. fig. I. licet de alio malo ibidem, quam de hydrocele agat, qua acu linteolum a scroti parte superiori ad inferiorem per cavum, ubi aqua hæret, inducitur, quod in eo relinquitur, & quotidie inuncto digestivo unguento, sicut in setaceo cervicis, hinc inde sursum ac deorsum commovetur, ita enim non solum humor vitiosus inde sensim educitur, verum etiam suppuratio ejus ope intus in scroto excitatur, qua, si per aliquot hebdomades, donec scilicet nihil vitiosi humoris amplius profluit, conservatur, & subinde digestivo aliquid mercurii præcipitati rubri, cum alumine usto admiscetur, ita partes noxiæ inde expurgantur, ut constans curatio inde sæpius secuta sit; postquam extracto tandem rursus linteolo, utraque vulnuscula balsamo vulnerario glutinantur. Verum quia hac in methodo testiculus primo lædi potest, & deinde intro inspicere, &

3. Curatio  
per seta-  
ceum.

recte

recte scire non possumus , *an cavum scroti sic satis sit purgatum* , itemque *utrum testiculus satis sanus sit* , an vitium aliquot in eo lateat , ea ceteris , me iudice , merito postponenda : quia hæc curatio valde est incerta , atque post eam , ne malum recrudeat , semper metuendum.

## X L V.

Quarta  
methodus  
Ruyfchi &  
Marini.

Quarta methodus *Ruyfchiana* dici potest , qui in *Advers. Anatom. Dec. II. p. 22.* ait. Si *curationem (hydroceles)* aggredieris , *aperiendo scrotum in parte superiore ad latus* , tumque *vulnus turunda oblonga* , unguento *rosaceo* , *mercurio præcipitato rubro permisto* , inuncta *oppleveris* , donec *lenis inflammatio* , eique *succedens suppuratio parva* , *membranulas stillantes putresce-rit* , tuque *eas tenaculo eduxeris* , *sæpe deinde perfecte sanatas observavi*. Cum hac curandi ratione convenit fere ea , quam *Marinus* postea , unus ex recentioribus chirurgis italibus haud adeo pridem , tanquam usitatissimam , ut dicit , (*sed forte in Italia non in Germania , neque in Gallia aut Magna Britannia*) descripsit , ceterisque omnibus prætulit. „ Nimirum , præpa-  
„ rato prius corpore , *scrotum* mox sub inguine , *in parte scilicet ejus su-  
„ periore* , sicut *Ruyfchius incidit* , ea magnitudine , ut per plagam digitus & postea turunda digiti crassitudine , & trium digitorum transversorum lon-  
gitudine , ex cera facta , immitti queat , cujus apex , ut ait , paululum incurvata sit. Hæc unguento dialthææ inungitur , & per plagam cavo scroti immittitur ; ubi , postquam per XXIV. horas relinquitur , pars inflama-  
mata reperietur. Aqua non evacuatur , sed turunda sensim brevior effici-  
citur , prout scilicet cavum minuitur ; tumor vero emplastro entolliente digeritur. Quando suppuratio bene succedit , turunda unguento digestivo imbuitur , in scrotum vero unguentum rosatum immittitur. Septem diebus præterlapsis turunda oleo hyperici composito inungitur , sinus bene pur-  
gatur , & tumore resoluta vulnus sensim minuitur , carne impletur , & tandem turunda tollitur , servataque diæta vulnus glutinatur. Patet ex his *Marinum* in rebus præcipuis sive essentialibus , ut aiunt , a *Ruyfchio* vix differre , nisi quod medicamenta forte præter necessitatem multiplicet & quod præcipiat , ne curatio hæc *scorpione dominante* suscipiatur , quia hoc curationem valde protraheret. Verum *ad signa celestia in curationibus respicere velle* , hodie ridiculum , superstitiosum & medico genuino indignum , merito a prudentibus habetur , idque eo magis , quia *Dn. Præses* ante bien-  
nium demum , virum in hoc ipso scorpionis signo ab isto malo , æquali temporis spatio , quo aliis temporibus sive signis alii curantur , perfecte restituit. Verum circa hanc methodum adhuc monendum , *quod quidem* , *ubi testiculus adhuc salvus* , ut plurimum bene succedat ; *sed si vitium in testiculo su-  
besse suspicamur* , vel certo *adesse* antea scimus , primam vel alteram , §. 37. ad 40. descriptam , huic præferendam esse censeo.

## X L V I.



## XLVI.

*Circumforanei nostri* Chirurgi radicalem hydroceles curationem sequenti ratione, sed pessimo consilio, perficiunt. Nimirum *inguen & scrotum sup- premium eodem modo, ac si enterocelen vel sarcocelen secando curare vellent, incidunt*, peritonæi processum digitis quærunt, eumque a vicinis liberant; postea & *tunicam vaginalem*, in qua hæc hernia *una cum testiculo*, sive sanus hic sit, sive corruptus, e *scroto* & quidem sæpe admodum rudi & dolorifico modo evellunt; processum peritonæi funiculo firmiter ligant & constringunt, atque sub ligatura facta totum rescindunt. Quidam ligaturam processui peritonæi jam injiciunt, antequam testiculum evellunt, quod fere perinde est. Verum, hunc agyrtarum curandi modum, quia histriones illi pessimi præter necessitatem ægros non solum evellendo testiculum crudeliter tractant, eoque ipso convulsiones & mortem sæpe ægris inducunt; vel saltem, si morti se subducunt, testiculo bono, parte ad generationem adeo necessaria, quæ servari potuisset, privant, in simplici & ordinaria hydrocele prorsus rejiciendum esse censeo: conferri potest *Hildani cent. IV. obs. 68.* qui periculum hujus curationis satis probavit.

Quintus  
curationis  
perfectæ  
modus.

## XLVII.

Sed si *hydrocele cum sarcocèle*, sive testiculo in scirrhum corrupto, combinata, vel *testiculus* alia ratione, ut putredine vel ulcere mali moris *corruptus esset*, tunc omnino hæcce methodus, quamvis paululum emendata, recte adhibetur, ut sic hac ratione & testiculus vitiatum & tunica vaginalis, quæ sedes est hydroceles, & forte quoque organum secretionis humoris vitiosi, simul tollantur; quo vero in casu prudens chirurgus blandiori, securiori & minus crudeli modo, quam rudes illi circumforanei agunt, procedere potest: nimirum non vi evellendo tunicam vaginalem cum testiculo, a tunica darto, & lacerando partes annexas, valde sensibiles & nervosas, quæ evulsio vehementissimos dolores & facile inde sequentes convulsiones ac mortem concitat; sed potius, majore scroti incisione, & deinde cauta tunicæ vaginalis a scroto per scalpellum & forcem separatione, qua dolores inducuntur minores, & sic etiam leviora ut plurimum sequuntur symptomata, atque curatio sic facilius, certius ac citius obtinetur.

Hydrosar-  
cocèles  
curatio.

## XLVIII.

Denique adhuc monendum, quod maxima semper cautione opus sit, ne forte hernia *scroti intestinalis sive enterocèle pro hydrocele habeatur*, & pro hac scalpello incidatur: quia sic intestinà imprudenter facile discinderentur,

Monita  
quædam.

& ægri ex imprudentia ejusmodi chirurgi interficerentur. Præterea *ne curatio perfecta facile in senibus decrepitis*, aut *alias valde debilibus instituitur*; quia in his symptomata supervenire possunt, quibus æger interimitur. Adeoque suadeo, ut in his chirurgi malum vel intactum relinquant, quia multi cum ejusmodi herniis ad magnam senectutem perveniunt, vel ut solum cura palliativa per intervalla eos tractent, quo ad tempus a molestiis nimis magnæ hydroceles eos liberent, atque negotia sua promptius peragere possint. Ita enim *Ulhornius* viro *nonagenario*, ut scribit, aquam hoc modo feliciter, trium mensurarum pondere, acu cannulata eduxit, loco cit. p. 944. *sic in pueris etiam haud facile curatio perfecta est instituenda*; eaque omnium minime cum testiculi extirpatione, ut agyrtæ sæpius facere solent; quia *palliativa eis sæpe sufficit*, eaque haud raro curantur.

## X L I X.

Curatio  
hydroce-  
les in pro-  
cessu peri-  
tonæi.

Tandem etiam de ea hydroceles speciei curatione, *quæ secundum nonnullos supra illud septum transversum tunicæ vaginalis*, in processu peritonæi, juxta inguina, hæret, quamvis a *Dn. Præside* nondum sit visa, & a recenti supra citato chirurgo Anglo *Sharpio* nimirum, ut alias jam dixi, (p. 25.) prorsus negetur, verbum addam. Scilicet, *si hanc speciem hydroceles certo adesse cognoscimus*, atque evacuantibus ac resolventibus supra §. XXXIV. laudatis, cedere recuset, incidi eo in loco debet, ubi humor p. n. hæret, & per factum vulnus emitti, locus vacuus postea, sicut de tunica vaginali purganda supra §. 37. & 38. diximus, mundari & postea glutinari. Verum hic rursus, prout §. 48. docuimus, quam maxime est prospiciendum, *ne bubonocle* sive hernia intestinalis in inguine hærens, loco ejusmodi hydroceles incidatur aut acus punctura aperiatur, ob periculum & rationes ibidem modo indicatas.

## L.

Si aqua in  
pluribus  
cellulis.

Postremo si hydroceles *materia in diversis cellulis continetur*, prout *Palfinus* in chirurgia, cap. de hydrocele, alique se vidisse scripserunt, sic, ut una aperta tantum pars ejus effluat, cæteræ vero ab humore distentæ maneat, *hæ quoque seorsim sunt aperiendæ*, donec omnes depletæ sint; hunc vero in finem *Palfinus* medicamentum rodens ferro præfert: quia illo omnes cellulæ, ut existimat, simul aperirentur [o]. Aut, si, ut *Fajus*

[o] Si pluribus in cellulis hydrocele hæreret, *morbis hic forte magis erit in tunica, quæ cellularis vocatur, quam in tunica vaginali*: quia haud manifestum est, quomodo in vaginali, quæ unicum tantum cavum habet, plures cellulæ esse possint, & nullus adhuc ejusmodi cellulas ex cadaveribus incisis probavit.



*Faius* tradit, *aqua tam infra, quam supra septum illud* processus peritonæi transversum collecta sit, *tam tunicam vaginalem in scroto, quam processum peritonæi in inguine aperiendum* esse docet l. c. p. 395. Verum quia de purgatione horum locorum nihil dicit, curationem tantum docet *palliativam*. Itaque si *radicalis* desideratur, non solum erunt aperienda, sed etiam purganda, atque tunc demum rursus consolidanda, observatis probe illis cautionibus, quas §. XLVIII. circa incisionem herniarum aquosarum dedimus. Quodsi *rupto claustro illo processus peritonæi*, tam hic, quum vaginalis tunica repleta sit aqua, unica quidem punctura circa partem inferiorem tota cavitas, ut *Faius* ait, evacuari potest; sed cum quoque de perfecta curatione taceat, *totum cavum aperiendum* atque purgandum esse, ut in vulgari hydrocele, existimo. Atque hæc optima mihi esse videntur, quæ de hisce herniis hodie optimis medicis atque chirurgis sunt perspecta.

F I N I S.









Fig. 4.



Fig. 1.



Fig. 2.



Fig. 3.





L X X V I.

DISSERTATIO  
MEDICO-CHIRURGICA,  
DE SARCOCELE.

*Quam Præside*

D. D. LAUR. HEISTER,

*Tuebatur*

CHRISTIAN. DANIEL HEISE,

Q B I S F E L D A - M A G D E B U R G E N S I S

Helmſtad. 15 Junii anno 1754.





## §. I.

**A**Nte omnia vero, ut ordinatim procedam, dabo primum *Definitionem* Definitio  
 illius mali, de quo hic agere & quod exponere constitui. Est itaque mali.  
*sarcocele* (quæ ortum habet a græco vocabulo *Σάρξ* caro & *χίλη* hernia )  
 species herniæ, quæ consistit in incremento nimio unius vel utriusque testi-  
 culi, ejusque vehementi duritie absque inflammatione, & plerumque etiam  
 sine dolore, ab *obstructione pertinaci ejus minutissimorum vasorum seminalium*.  
 Dixi plerumque absque dolore: adsunt tamen etiam subinde dolores, iique  
 præsertim valde magni, ubi solo quandoque pondere hos concitare possunt.

## §. II.

Speciem herniæ hoc vitium dixi, quia herniarum, ut in præmio jam Explicatio  
 dixi, dantur variæ ac multæ: quæ melioris distinctionis causa primo in *ve-* definitio-  
*ras* & *spurias* dividuntur a scriptoribus rerum chirurgicarum. Sub *veris* in- nis hujus  
 telliguntur proprie illæ, in quibus aliquid, quod in ventre sive abdomine  
 naturaliter hæreere vel existere debet, per quemcunque aliquem locum ven-  
 tris cum molestia eaque magna hominis ægri, ex abdomine procidit, vel vi  
 quadam expellitur.

## §. III.

Partes vero, quæ in veris herniis expelluntur, sive prolabuntur, utpluri- Partes quæ  
 mum sunt intestina & speciatim tenuia, itemque *omentum* sive *epiploon*, & hernias faciunt.  
 sæpius etiam cum prioribus *mesenterium*; atque hinc a parte prolapsa her-  
 niæ *vel intestinales*, vel *omentales* appellantur. Loca autem, ubi hic prolapsus  
 sive procidentia fit, sunt plerumque *annuli muscutorum abdominis*, per quos  
 vel in inguina tantum propelluntur, & tunc *inguinales* dicuntur, græce *bu-*  
*bonocele*; vel ad ipsum scrotum procidunt, & tunc *herniæ scrotales* audiunt,  
 græce *oscheocele*. Quandoque etiam sub arcu illo tendineo, sub quo arteriæ  
 & venæ femorum e ventre exeunt, quæ *crurales*, rectius tamen *femorales*  
 vocantur: quia pars illa, ad quam procidunt intestina & omentum, per  
 hunc locum, femur proprie dicitur, non *crus*; quia *crus* sive *crura tibiae*  
 proprie significant & indicant, circa quas vero, quia hæ partes sunt infra  
 genua, ejusmodi herniæ non oriuntur, neque pertingunt, sed in suprema  
 femoris parte & generantur & subsistunt. 3 Procidunt etiam sæpe modo dic-  
 tæ abdominis partes *in vel circa umbilicum*, & hæc mala *herniæ umbilicales*  
 dicuntur. 4 oriuntur etiam subinde tumores *circa alia loca ventris*, in qui-  
 bus etiam intestina & omentum colliguntur, quæ pressæ diminuuntur, imo  
 prorsus evanescunt; quando autem digiti sive manus remouentur, mox re-  
 deunt, quæ vero ceteris rariores sunt.

## §. IV.

## §. I V.

Quænam  
sint herni-  
æ spuria.

Verum morbus ille, de quo agere hic constitui, non est ex hac herniarum verarum classe, ideoque de his etiam hic uberius non acturus sum; verum est ex illa, quas *hernias spurias* appellare solent, in quibus nulla viscera ex abdomine procidunt, sed in ipso scroto generantur & adolescunt. Quarum potissimum tres sunt species; & prima vocatur *hydrocele* sive *hernia aquosa*, quæ a feri congestione in scroto & speciatim in *tunica vaginali testiculi* colligitur. Altera, *varicocele*, vocatur, quæ oritur ex vasis spermaticis & præcipue venis a sanguine congesto & ibidem hærente, præter naturam distentis, & sæpius magnum tumorem in scroto excitantibus; & tertia est *sarcocoele*, cujus descriptionem jam in §. I. dedimus. Quidam adhuc quartam speciem addiderunt, quam *pneumatocelen*, latine *herniam ventosam* appellant, quam a flatibus sive vento in scroto collecto deducunt. Verum quia hæc species a multis & speciatim a Dn. *Præside* negatur, vel saltem hic de ea dubitat, quia talem primo nunquam vidit, & deinde quia talem a probato scriptore visam, aut descriptam non invenit. Adeoque plura de eo hic non dicemus, sed meliorem ejus probationem vel demonstrationem expectabimus.

## §. V.

De sarcocoeles natura

Intimius vero nunc naturam & indolem *sarcocoeles* sive *hernia carnosæ* perscrutabor, ut tanto melius de ipsius curatione agere possim. Dictum jam est §. I. quod hæc species consistat in *tumore admodum duro*, plerumque unius testiculi, & quandoque etiam utriusque, a vasculorum seminalium obstinationi obstructione orto, qui ægris partim propter pondus, dum sæpius libram superant, partim propter magnitudinem, ingressum & *ambulationem*, potissimum, vero *equitationem* & *vectionem*, imo & coitum impedit, eoque eo magis, quo majus pondus & molem acquisiverunt, & propterea §. I. dixi, quod sæpe sit absque dolore, quandoque vero, præsertim si valde magni, vehementer quoque dolent & molesti sunt.

## §. V I.

Diagnos  
sæpe diffi-  
cilis.

Non adeo facile a multis cognoscitur ac distinguitur ab aliis quibusdam speciebus herniarum affinibus, id quod tamen ad bonam curationem summe necessarium est: attendendum itaque probe est ad signa variarum herniarum. Nam ab *hernia scroti vera*, ab *intestinis* orta, sive enterocoele, quando intestina præsertim fæcibus aut cibis aut flatibus valde infarcta, sarcocoele difficulter, ut multi scriptores notarunt, revera sæpe distinguitur; imo & ab *hydrocele*: dum serum intus copiose collectum sæpe vehementissime scrotum distendit, sic ut adeo durum fiat, ut vix ab aliis, quam probe, imo opti-



optime in hac re exercitatis, distinguere a se invicem possint; dum præsertim Excellent. Dn. Præsidi sæpius ejusmodi casus sese obtulerunt, ubi plures medici hydrocelem pro sarcocoele aut enterocoele & vice versa, veram *sarcocelen* pro *hydrocele* vel *enterocoele* agnoverunt & habuerunt, imo nonnulli *hydrocelem* & *enterocelen* simul adesse declararunt: ubi postea in curatione sive operatione *sarcocelen* invenit; & contra ubi *sarcocelen* adesse putarunt vel *hydro-sarcocelen* simul, solam *hydrocelem*, sicuti prædixerat, adfuisse invenit.

## §. VII.

Speciatim vero *sarcocelen* adesse cognoscitur & distinguitur ab *enterocoele* & *hydrocele* 1 majori vel maxima duritie, quæ durior est, quam *hydroceles* atque *enteroceles*, & 2 majoris ponderis sensu. *Enterocoele* vero ab his distinguitur, ex aliquo *inaequali scroti tumore*, atque *minori renitentia*, quam in *sarcocoele*, minorique pondere. In *hydrocele* & *sarcocoele* æqualior plerumque est tumor, & hic tumor nunquam in ventrem repelli potuit, neque adhuc potest, neque sponte intus remeavit. Verum *enterocoele scrotalis* ab initio parva plerumque est, & tumor in decubitu, præsertim vesperi in lecto ac somno, quem intestina elapsa concitarunt, disparet: quia in ventrem intestina & omentum in hoc situ sæpissime remeare solent, vel etiam ex voluntate vel ægri vel medici in ventrem retundi manibus possunt, scrotumque tunc fit vacuum: quæ prolapsa viscera, postquam in ventrem refusa sunt, vinculis his herniis dicatis, in ventre contineri possunt. Verum serum sive aqua in *hydrocele* nunquam in ventrem repelli, neque fasciis vel vinculis in eo contineri potest; sed tumor ab eo concitatus successu temporis semper lente crescit atque augetur ad pugni, imo capitis quandoque magnitudinem; qui tamen digitis pressus aliquomodo cedit, licet insignem duritiem prementis ostendat, & initio tumor fuit mollior.

## §. VIII.

*Sarcocoele* autem initio paulo majore mole & duritie, quam naturaliter esse solet, se manifestat, sensim vero & magnitudo & durities & pondus ejus augentur, & tumor hic nunquam ex scroto in ventrem repelli potest, sicuti nec *hydrocele*: unde simul cognoscitur, tumorem hunc non esse *herniam veram*, sive intestinalem aut omentalem, in quibus etiam tumor quidam ab annulo muscutorum abdominis in scrotum usque percipi potest, qui vero tumor neque in *hydrocele* neque in *sarcocoele simplici* adest; interdum tamen, quod probe notandum, in *sarcocoele* etiam a tumido usque testiculo per funiculum feminalem sive spermaticum tumor quidam se extendit, qui indicat vasa seminalia etiam in funiculo feminali ab humoribus viscidis & craffis, æque ac testiculum ipsum, esse infarcta, quod vitium *sarcocoele complicata* (scilicet cum tumore vasorum seminalium in funiculo feminali) dici potest, qui

tumores etiam in ventrem refundi nequeunt; quod etiam malum longe gravius est, quam sarcocoele simplex, sicut infra pluribus exponam.

## §. I X.

Causæ  
sarcocoeles

*Causæ* hujus vitii sunt tam internæ, quam externæ. Internæ sunt humores crassi, spissi, viscosi omnis generis, quæ vascula tenuissima testiculi seminalia obstruere apta sunt: qui oriri & generari possunt ac sæpe solent a cibo vel potu valde crasso ac viscido, a nimio otio sive quiete, vita multa sedentaria, cum modo dicta diætâ combinata. *Externæ* causæ autem esse possunt omnis generis læsiones & *contusiones* unius vel alterius testiculi; in nonnullis etiam ab humoribus labe venerea infectis, & speciatim a gonorrhoea maligna imprudenter & præmature per adstringentia remedia sive interna sive externa adhibita, a quibus sæpe hæc subtilia vascula obstruuntur, & ab horum obstructione tandem scirrhus oritur, in cujus essentia *sarcocoele* consistit.

## §. X.

prognosis

Prædictio pro varietate magnitudinis, ætatis, durationis & habitus ægri admodum varia est. Si enim *malum recens*, vel saltem non adeo diu duravit, atque æger adhuc juvenis ac ceterum sanus, sectione sæpe non opus est, quemadmodum D. *Præses* ejusmodi sanavit, sed subinde adhuc remediis resolveri & curari potest, eis scilicet quæ in chirurgia ejus eum in finem proposita sunt, quorum brevitatis studio lectorem remitto; cumprimis vero decoctis lignorum diaphoreticorum, tincturis antimonii, essentiis lignorum & remediis mercurialibus efficacibus, juncto regimine diaphoretico imo sudorifero. Quando vero malum jam diu duravit atque inveteratum est, aut diuturno usu illorum medicamentorum malum resolveri & curari non potuit, *ad ferrum* sive *scalpelli* confugiendum est, & testiculus ejusmodi, qui ut inutile membrum ac molestissimum pondus tunc considerandum, prudenter excidendum est. Quam enim nonnulli *per caustica sive rodentia remedia* testiculum auferendi modum proposuerunt, nimis dolorificus, longus & periculofus mihi videtur. Conf. hac de re *Mich. Ernest. Etmuller. Progr. A. MDCCXXIII. Lips.* de ingenti quodam scroti tumore pag. penultima.

## §. X I.

Curatio

*Curatio* etiam, *quæ scalpello fit*, non est absque omni periculo; partim propter exquisitum sensum, quem testiculi continent, partim *propter insignes nervos & vasa sanguifera*, quæ ad ipsum excurrunt, quæ non solum refecare, verum & ob sanguinis magnam jacturam evitandam, filis sive vinculis ligare oportet; unde quandoque & spasmi & febres incidunt symptomatice, quæ subinde, præsertim apud immorigeros & diætâ negligentes ægros oriun-



oriuntur; partim etiam ob sanguinis profusiones largissimas, quæ sæpius incidunt, ita ut ægri inde summam debilitatem ac virium prostrationem sentiant; quibus si non in tempore efficacissimis auxiliis occurramus, ægri secuti in vitæ periculum incurrere possunt. Attamen si medicus novit malis hisce in tempore per bona remedia & aptam victus rationem mederi, ægrique etiam suum faciunt officium, fere omnes conservari possunt.

## §. XII.

*Curatio per sectionem* in eo potissimum consistit, ut scrotum in latere exteriori testiculi vitiosi longa incisione, ab inguine lateris læsi per *cutem ad funiculum* feminalem sive processum peritonæi (cujus situs rite debet esse cognitus) & *testiculum læsum caute incidatur*; ac deinde hicce funiculus & testiculus a partibus, quibus adhærent, scalpello & forcipe sensim cauteque separantur.

## §. XIII.

Hac in re verò *duplici* modo procedere hodie solent chirurgi, dum quidam illum funiculum una cum testiculo læso simul separant; quidam vero initio solum funiculum hunc solvunt, eumque primo filo robusto simplici vel duplici, quod sæpius, circumjecto prius linteolo, ne filum partes subiectas disrumpat, & fluxum sanguinis concitet, circumducunt, probe constringunt, ut sic constrictis in eo contentis vasis & nervis & sensus doloris minuatur, quando postea testiculum ipsum a scroto solvunt. Verum quamvis nervi testiculi hoc modo constricti sint, tamen hac ex ligatura nervi scroti non constringuntur, adeoque ut usu & experientia edoctus est Celeb. D. *Præses*, sensus doloris non omnis tollitur, sed adhuc satis acutus ab ægris percipitur, quem vagitibus & clamoribus suis satis indicant. Interea tamen priori modo hunc præferendum esse censeo.

## §. XIV.

Quidam hunc funiculum ita, ut modo posui, ligant. Verum quia sæpius observatum est, ejusmodi ligaturam, ob circumpositam robustam processus peritonæi tunicam arterias sæpe non satis fortiter ea constrictas fuisse, scirrhoso testiculo, ab hoc funiculo resecto, sæpius magnam harum arteriarum hæmorrhagiam ortam esse; hinc alii acum duplex filum trahentem per medium hunc funiculum & processum peritonæi transmittunt; & altero filo dextrum, altero sinistrum latus, circumjecto quoque, ut supra dictum est, linteolo constringunt, atque hisce probe constrictis, reliqua parte horum filorum quoque totum funiculum adhuc probe constringunt, ut sic tanto magis sensus testiculi obtundatur, & hæmorrhagia sive profusio sanguinis me-

lius, reſecto tandem teſticulo, avertatur, præſertim ſi hic funiculus pollicis latitudine ſupra teſticulum ſcirrhofum reſecetur.

## §. X V.

Deligatio  
ægri pri-  
ma.

Ablato ſic teſticulo, extremo funiculi ſeminalis ſpleniola, duo vel tria, ſenſim ampliora imponuntur probe appreſſa; deinde multis linamentis carptis in glomeres contortis ſive convolutis, ſcrotum hoc vacuum ſenſim repletur, eaque omnia vola manus probe contra finem funiculi reſecti appri-  
muntur, ut ſic ora arteriarum ſpermaticarum reſectarum melius compri-  
mantur; poſtea ſplenia duo vel tria craſſa convenientis magnitudinis, ut ſcrotum cingere poſſint, circumponuntur, & fascia quadam, quæ a littera T nomen habet, quales in Cel. D. *Præſidis* institutionibus chirurgicis, vel & in germanica ſua chirurgia Tab. XXXVIII. fig. VI, VII, VIII, IX, X, XI, & XII indicantur, probe firmantur, & quieti in lecto commodo tra-  
ditur.

## §. X V I.

Deligatio-  
nes ſe-  
quentes.

In tali ſtatu per duos treſve dies quietus relinquitur, atque ordinatur ipſi moderatus ac tenuis victus, potuſque aquatus, vitando omnia cale-  
facientia, & præſcribuntur ipſi remedia temperantia ad febrem ſive calo-  
rem p. n. avertendam, præſertim in forma potiunculæ. Quando vero de-  
nuo deligatur, ſolvitur fascia, removentur ſplenia & linamenta, quæ ſponte  
quaſi vulnus relinquant, una cum ſanguine effuſo, ac ſordibus omnibus,  
nova unguento digeſtivo imbuta una cum recentibus ſpleniis, fomento ex  
aqua calcis vivæ ſbj & ſpiritu vini camphorato ℥iij, adjecta ceruſſa ℥i &  
ſale ammoniaco ℥ß calide, & fascia injiciuntur, atque ſic continuatur,  
donec non ſolum linamenta carpta omnia exciderint, ſed vulnus quoque  
rite purgatum appareat.

## §. X V I I.

Cautelæ.

Ne verò hæcce mea doctrina ac diſſertatio de curatione hujus herniæ  
nimis prolixa fiat, ſi omnes cautelas, quæ in ea obſervandæ ſunt, hic  
deſcribere vellem, proponam nunc potius obſervationes & exempla de hiſce  
malis, & quidem graviffimis, quæ D. *Præſes* in ſuis prælectionibus chi-  
rurgicis referre ſolet, atque ſimul aliquot exempla maximarum ejusmodi  
herniarum, quas delineari & æri incidi curavit, eaque ex communica-  
tione D. *Præſidis*, quomodo in hiſ exſtirpandis, proceſſerit, hic curam  
cum variis ſymptomatibus & cautionibus deſcribam, & icones variam ſub-  
nedam.

## §. XVIII.



## §. XVIII.

Primum notabile exemplum descripsit *Celeb. D. Præses* jam in suis superioriori anno lingua vernacula nostra evulgatis observationibus medicis, anatomicis & chirurgicis p. 121. obs. 70. quod in latinam linguam translatum ita se habet. Die ultimo Julii anni 1709, quo *Tornacum*, urbs illa Gallorum tunc in Flandria munitissima, se Foederatis illius temporis, sub imperio fortissimorum duorum ducum *Eugenii* & *Marlborugii*, reddebat, præfectus militum præsidio urbis *Audenardæ* (ubi illo tempore nosocomium castrense Hollandorum erat, qui *Majoris* titulo & functione tunc ibidem ornatus erat, quadraginta annos circiter natus, cæterum sanus & robustus, tempore matutino ad ipsum veniebat, qui jam a biennio *testiculo scirrhuso* sive *sarcocele* laboraverat, pugni fere magnitudine; verum neque inflammatus, neque dolens, sed tantum quando ambulare aut equitare volebat aut debebat, molestias ipsi haud leves concitabat; qui multorum & medicorum & chirurgorum auxilia ac remedia pro eo resolvendo & imminuendo jam adhibuerat; verum quæ omnia nihil profuerant. Cum itaque & *D. Præsides* hanc ob causam consulisset, atque auxilium ab ipso petisset, rebus probe perpenſis, ipsi dixit, nullam amplius spem esse scirrhum sive malum hoc suum inveteratum adhuc remediis dissolvi, sed *scalpello illud, tanquam membrum corruptum & inutile, resecandum* esse, & hoc solo ipsum ab eo liberari posse, seque illud, præſente *D. de Quavren*, qui primarius tunc exercitus Hollandici erat chirurgus (*General Chirurgien*) & ibidem tunc etiam degebat, auferre velle. Quoniam vero æger hic ab hoc vitio liberari valde desiderabat, & tam multis jam remediis dissolventibus frustra usus esset, in extirpationem ejus consensit. Pro præparatione itaque ad hanc sectionem *D. Præsides* ipsi mox suasit, ut hoc mane adhuc sanguinem sibi ex brachio detrahi curet, & somni tempore ipsi pilularum polychrestarum suarum scrup. i. deglutiendas dedit, atque promisit, se perindie, qui dies altera Augusti erat, actionem hanc ipsam suscepturum esse.

Exemplum primum.

## §. XIX.

Curavit itaque postea pro hoc die, ut chirurgorum unus ex nosocomio castrensi hujus loci apparatus conficeret: ut fasciam litteræ T figuram ob-  
 tinentem, linamenta carpta multa, splenia linea & spongiam; ipse vero  
 simul necessaria ad hunc actum remedia, & speciatim potiunculam roborantem interne, & spiritum similem pro usu externo ordinavit. *Scalpellum* vero suum, *forficem bonam*, & *acus curvas* sibi ipsi præparavit, atque prædicto die mane hora decima, una cum *Dno. de Quavren*, & quatuor chirurgis ex prædicto nosocomio ad eum accedebat; postquam æger

Præparatio adhunc actum

paulo antea ex ejus ordinatione juscum aliquod roborans assumserat, atque tunc in ædibus ægri hujus curabat, ut per famulos apta mensa in medio cubiculi versus fenestras collocetur, ita ut ibidem satis clara lux pro actione hac rite perficienda esset, atque tegumentum aliquod una cum pulvinari quodam huic mensæ, eumque vestibus, indusio excepto, deductis, eidem ipsum imponi jussit, ita ut pulvinar capiti ejus fuerit suppositum, atque jubebat postea, ut æger utrinque manu una mensam probe comprehenderet, & se in hac firmaret; duo autem chirurgorum utrinque una manu pedem juxta genu, & altera manu eundem circa malleolos; tertius & quartus vero pectus una cum brachiis firmabant: quibus simul ordinavit, ut quando sectionem inchoaturus sit, ægri faciem mantili tegerent, ne ipsam sectionem curandus inspiceret, & forte terrore inde nimio afficeretur. Hæc cum ita aptata & spongiæ etiam præsto essent, extrahabat ex armentario suo chirurgico portatili bonum scalpellum parvum & forficem, una cum acu curva; quæ filum duplex ceratum trahebat, ægrum blande compellebat ac monebat, ut se virum præstet, se ipsum vero omne studium & diligentiam adhibiturum esse ut actum hunc chirurgicum, quantum tuto fieri possit, cito ad finem perduceret.

## §. X X.

Actio ipsa  
describitur.

His omnibus ita ordinatis *D. Præses* comprehendebat cutem supra testiculum tumidum in inguinis ægroti altero latere, in altero autem latere jubebat quinto adjutori, ut eodem modo cutem indice & pollice suo comprehenderet, eamque sicuti ipse *D. Præses* in altum elevaret, cutem vero hanc elevatam medio in loco scalpello incidebat, sicut in herniis incarceratis alias fieri quoque solet; quæ vero incisio his in casibus minorem curam requirit, quam in herniis incarceratis: quia hic nulla intestinorum læsio a scalpello pertimescenda est, ut in hernia incarcerata; dum in testiculo ejusmodi corrupto nullam noxam concitare potest. Quo facto cutem & pinguedinem ad duorum vel trium digitorum latitudinem ad testiculum usque morbosum dissecabat, & postea incisionem hanc suam, sursum & deorsum, supra testiculum hunc extendit usque ad annulum fere musculorum abdominis, atque usque ad inferiorem testiculi scirrhusi partem. Speciatim vero postea funiculum etiam feminalem spatium trium circiter digitorum ab annulo prædicto a vicinis partibus aliquomodo separavit; ut filo cerato hic probe eum circumdare, ac postea probe constringere possit.

## §. X X I.

Et hic  
continua-  
tur.

Hoc facto, *acu curva funiculum hunc medium perforabat*, filum, quod ulnæ nostratis longitudinem habebat, ad dimidiam partem traducebat, acum postea a filo resecebat; & alterum fili extremum manu sinistra, alteram



terum dextra arripiebat, alteroque extremo dextrum funiculi latus, altero sinistrum ambiebat, & super linteolo contorto subiecto fila hæc duo nodis firmiter in uno latere constringebat, alteroque filo in altero funiculi feminalis latere idem faciebat. Denique linteolum digiti latitudine circa hanc primam ligaturam circumducebat, & filis illis aliquoties adhuc totum funiculum circumdabat, altero in interiori, altero in exteriori funiculi feminalis latere, ut sic arteriæ spermaticæ tanto firmitus una cum nervis constringerentur, ac tanto melius ac certius post amputationem testiculi scirrholi fluxus sanguinis per ora arteriarum resectarum præcaveatur, & ob nervos probe constrictos sensus doloris, quando testiculum vitiatum e scroto solveret, minueretur. Postquam hæc peracta erant, totum hunc testiculum vitiosum e scroto partim scalpello, partim forcice, prout ipsi commodissime visum est, separavit, eumque tunc digiti spatium supra hunc testiculum forcice resecavit, partemque cutis scroti, quæ nimia videbatur, forcice quoque amputavit, & cavum scroti reliquum linamentis carptis ac contortis probe replevit, spleniis obtegit multis, & fascia T hæc omnia firmavit, ægrumque in lectum suum collocari iussit.

## §. XXII.

*Tertio die primum fasciam hanc solvit, splenia & linamenta carpta, quæ soluta erant, inde removit, & vulnus a sordibus ac sanguine purgavit. Nova vero postea linamenta, unguento digestivo imbuta, in eorum locum substituit, eoque hoc vulnus, sicuti alias vulnera mundari solent, quotidie per quatuor hebdomades, sub bono regimine ac diætâ, deligavit, & postea loco huius unguenti balsamum copaivæ per duas hebdomades, denique vero linamentis aridis vulnus glutinavit, nullo gravi symptomate ægrum nostrum invadente.*

Vulneris  
curatio.

## §. XXIII.

Anno MDCCXXI, die trigesimo Augusti, *molitor quidam ex oppido Obisfeld in ducatu Magdeburgico sito, quod tria milliaria germanica ab Helmstadio distat, & patria mea est, huc Helmstadium ad D. Præsidentem in curru quodam vehebatur, quia a prægressis multis doloribus ita debilitatus erat, ut ambulare vix amplius potuerit. Hic ipsi narrabat, se jam ultra anni spatium alterum testiculum naturali longe majorem & duriores sensisse, & contra hoc malum varios chirurgos paganos consuluisse, qui varia remedia, nescio quæ, ipsi adhibuerint; quibus vero malum non diminutum, sed potius semper auctum esse ac doloribus tandem accedentibus in ulcus mali moris degenerasse, cute scroti lateris læsi variis in locis perrupto, ita ut testiculus hic faciem aliquo modo induxerit cancri mamma exulcerati, sanie fætida multa quotidie effluente, quo ita, ut modo dixi,*

Casus &  
exemplum  
alterum.

dixi, debilitatus est, & in misero tali statu auxilium abs *D. Præfide*, & quidem per medicamenta, si fieri possit, desideravit; verum hic ipsi respondit, nullum ab his hoc in malo gravi sperandum vel expectandum esse, præsertim quia valde impurum corpus haberet: sed unicam salutis spem in scalpello adhuc esse positam. Itaque huic curationi se submittere & hic curationis causa manere velle concludebat.

## §. X X I V.

Præpara-  
tio hujus  
ægri..

Igitur *D. Præses* pro pessimo ejus corporis habitu & sanguine vitioso, quantum fieri potuit, corrigendo, ipsi suasit, I. ut corpus a *crassis humoribus* evacuante quodam idoneo liberetur, & XV pilularum suarum polychrestarum proxima nocte assumeret; *venesectionem* vero hic omittebat, ne jam debilis, sanguinis missione adhuc magis debilitetur. II. Ut pro sanguine corrigendo per XV dies decocto ex radicibus & lignis purificantibus uteretur, quod constabat:

Rec. Rad. sarsaparill & chinæ aa.  $\mathfrak{z}\text{ij}$   
Raf. Ligni sassafr. & guajac aa  $\mathfrak{z}\mathfrak{ss}$ .  
M. Concis. cr. mod. D. ad Chart.

de quibus singulo mane & vesperi pugillus in libra una aquæ leniter per aliquot momenta coquebatur, aqua postea decocta, ut decoctum coffee, pauco saccharo admixto, ab eo bibatur.

III.  $\mathfrak{R}$ . Tinct. antimon. tartarifat.  
Ess. lignor. aa.  $\mathfrak{z}\text{j}$ .

M. D. ad vitr. & hujus mixturæ guttæ 50 vel 60 semper cum primo haustulo decocti hujus assumat; reliquum vero postea sensim intra horæ dimidiæ spatium bibat, superinjuncto postea regimine diaphoretico, præsertim mane, cum bona diæta.

## IV. Sequens pulvis

$\mathfrak{R}$ . Milleped. ppt.  
rad. ononid. aa.  $\mathfrak{z}\text{j}$ .  
cinam. acut. cardamom. aa.  $\mathfrak{z}\text{ij}$ .  
merc. dulc.  $\mathfrak{z}\text{j}$ .  
M. f. pulv. d. ad. scat.

de quo mane & circa vesperam  $\mathfrak{z}\text{j}$ . sumebatur.

V.  $\mathfrak{R}$ . aq. calc. viv. libr. j.  
Spir. vin. camphor.  $\mathfrak{z}\text{iiij}$ .  
Ceruss. ppt.  $\mathfrak{z}\text{j}$ . M. d. ad. Vitr.



pro fomento calide ter quaterve quotidie cum spleniis crassis loco læso applicando. His usque ad medium Septembris usurpatis, progrediebatur D. Præses d. XVI. Sept. ad *curationem chirurgicam*, nimirum ad extirpationem testiculi hujus corrupti & quasi cancrofi, qui videri potest in fig. I. nostra, postquam interea bona diæta etiam vires aliquomodo rursus collegerat, & a chirurgo hunc in finem necessaria requisita pro hac curatione, mensam scilicet & lectum, linamenta carpta, splenia, fasciam aliæque ad hanc actionem necessaria, quæ antea in §. XV. & XVI indicavi; attamen quia hic æger longe erat debilior, quam præcedens §. XVIII, præter jusculum bonum mane assumendum, *potiunculam* etiam & spiritum *roborantem* & *analepticum* ipsi præscripsit, ut de ea aliquot cochlearia ante, in & post operationem, subinde assumeret, pro viribus blande refocillandis, & animi deliquiis, quæ alias facile his in malis gravioribus supervenire solent, avertendis.

## §. XXV.

Curandi vero actionem ipse, postquam æger mensæ idoneæ impositus erat, D. Præses perficiebat ad normam illam, quam apud præcedentem observavit §. XX. ea solum variatione, ut, id, quod in illo casu chirurgi in ægro continendo & firmando perfecerant, hic studiosi medicinæ, qui illo tempore hic fuerunt, præstiterint, & in sanatione vulneris eadem etiam ratione processit, sive ut alias in vulneribus sanandis in universum fieri solet. Attamen ad curationem in debiliore hoc ægro, cui sanguis longe magis corruptus erat quam in illo §. XVIII, sequentes herbas pro vulnerario potu aliquoties bibendo ei præscripsit.

Operatio  
& curatio  
ipsa.

℞. Herb. agrimon. faniculæ aa. Mj.

Lign. sassafr. ʒβ.

fantal. citr. ʒij

Sem. anis. stellat. ʒi. M. Cont.

d. ad. Scat. S. *Herbæ vulnerariæ* ad modum herbæ theæ mane & circa vespam cum saccharo calide bibendæ. Præterea in hac curatione etiam ipsi bonam victus rationem ordinabat, eique pro debili corpore roborando & viribus conservandis, imo & augendis, pro cibo maximam partem bona juscula parabantur: quibus successu temporis fructus horæi cocti, pruna, poma & pyra aliaque vegetabilia leniora, imo & molliores carnes & ova forbilia addebantur; sed pro potu, præter decoctum illud vulnerarium, cerevisia tenuis initio ipsi concedebatur; circa finem vero paulo magis nutriens: quo factum est, ut intra duos menses sanatus domum reversus sit.

## §. X X V I.

Casus &  
exemplum  
tertium.

Anno M D C C X X V I I I die Januarii X X V I I I Wolfenbutela rhedarius *Dn. Hertelii*, qui Serenissimo Duci nostro a Consiliis atque Bibliothecæ Augustæ ibidem præfectus primarius erat, *D. Præsidi* curandus hic mittebatur, qui magna sarcocole atque diu simul febre intermittente laboraverat; unde adhuc ex pallido flavescentem, febrilem habebat faciei colorem, venterque ejus aliquomodo erat tumidus, attamen ciborum appetentia ipsi adhuc erat bona, & vires etiam adhuc satis constabant, sic ut pedibus iter Wolfenbutela huc fecerit, quod quatuor est milliarium germanicorum, atque a molesto illo scroti tumore liberari ab ipso desiderabat.

## §. X X V I I.

Præpara-  
tio ægri

Itaque illum ad operationem præparavit, *præmissa purgante* ex pilularum polychrestarum suarum scrupulo uno, omiſſa sanguinis detractioe, ob rationes §. XXIV datas: cui postea subjunxit remedia febrium intermittentium reliquiis destruendis apta, & nominatim seqq.

I. ℞. Herb. card. Bened.

Heder. terrestr.

Flor. Chamomill. aa. Mj. M. concis.

crass. mod. d. ad Chart., quibus ut thee bis vel ter quotidie utebatur cum pauxillo sacchari.

II. ℞. Eff. Absinth. compos. ℥j.

Cort. aurant.

Cascarill aa. ℥ij. M.

d. ad vitr. de qua mixtura mane, circa meridiem & vesperam guttas 60 cum thea illa assumebat.

III. ℞. Tartar. vitriolat.

sal. absint. aa. ℥β.

arcan. dupl. ℥ij. M. d. ad scat.

Hujus pulveris vesperi hora quarta & ante cubitum ℥β. cum aqua card. benedicti assumebat., & modica diæta ipsi ordinabatur.

## §. X X V I I I.

Ipſa cura-  
tio chirur-  
gica.

Postquam his remediis per octiduum usus erat, atque æger satis bene se habebat, *D. Præses curationem per scalpellum* in eo, præsentibus mul-  
tis



tis medicinæ studiosis & aliquot chirurgis eadem ratione perficiebat, ut in præcedentibus; attamen dum scrotum incidere, *aliquot uncia feri effluebant*, quibus emissis scroti vulnus sursum & deorsum, ut in præcedentibus, scalpello ampliabat, funiculum feminalem ligabat, *magnum scirrhum testiculum* a partibus annexis separabat, refecabat atque ægrum sicuti præcedentes, deligabat, lecto committebat, & *potiunculam analepticam* ordinabat, de qua parum singulo bihorio vel trihorio ad vires roborandas assumebat. In sequentibus deligationibus eadem ratione ægrum tractavit, ut præcedentes, per integras quatuor hebdomades, quibus tam bene se habuit, ut jam rursus in cubiculo suo, imo etiam in domo, ubi hic habitat, circumambulaverit. Sed cum in fine quartæ hebdomadis ancilla hujus domus ignem in fornace sui cubiculi alere neglexerat, ipse hoc facere voluit: dum vero hoc faceret, & pronando lignum immittere vellet, hoc agendo *fragorem* sive *crepitum* peculiarem atque insolitum in ventre suo sensit, & postquam hoc facto rursus in cubiculum suum remeavit, inopinatam in se percepit virium subitanæ jacturam ac debilitatem, quam quidem mox D. *Præsidi* significari curavit, cui etsi roborantia remedia mox optima opposuit; tamen vires restitui non potuerunt, sed post altero tertiove die, & sic quinta hebdomade post operationem mortuus est. *Die subsequente cadaver ejus*, præsentibus rursus omnibus medicinæ & chirurgiæ studiosis, *aperuit*, apertoque ejus ventre, ipsum pure valde repletumprehendit, & cum in originem hujus rei inquireret, in mesenterio magnam glandulam, capitis infantis quasi magnitudine circa vertebrae lumborum invenit duram, in qua magnum erat cavum, in quo pus hoc ortum erat. Hoc vitium itaque erat *hydrosarcocele*, cum *abscessu magno in mesenterio complicato*, qui *caussa mortis hujus ægri fuit*, & non *sarcocele*; neque operatio hujus causæ instituta; atque *testiculus* hic scirrhusus *decem fere habuit uncias*, ejusque magnitudo & facies fig. II. videri potest; ipsum etiam, ut ex eadem figura patet litt. A. incidit, ea spe fore, ut vasa feminalia magna & valde distenta sint apparitura; sed æque parva erant, ut in sano & naturali testiculo esse solent, id quod mirandum in tanta testiculi distensione.

## §. XXIX.

Quartus casus, qui D. *Præsidi* curandus oblatus est, fuit vir nobilis Casus XXXVI annos natus, qui *in latere dextro sarcocele* affectus fuit ovi galli-nacei circiter magnitudine (vid. fig. III) & qui postquam per satis longum <sup>ejus curatio</sup> tempus remedia malum hoc dissolventia adhibuerat, & malum non minui observaverat, a *Præside*, ut illud scalpello excideret, anno 1743 die 27 mensis martii desideraverat. Igitur quia ante paucos dies alvum evacuante remedio usus erat, die 28 sectionem mox ipsam Præses, præsentem egregio & primario legionis chirurgo, eadem ratione perfecit, ut præcedentes; nisi quod *testiculum non mox amputaverit*, sed secundum hujus sententiam,

quasi hoc sanguinis profusionem certius præcaveret, funiculum seminales tantum ligavit, eumque cum testiculo vitioso spleniis, fomento calido p. 17 §. XVI involutum, hoc die ac nocte insequente relinqueret. Cum vero circa meridiem *pulsus* & *calorem* p. n. in ægro hoc perciperet, *potiunculam temperantem* ei præscripsit, ut de hac aliquoties hoc die & nocte cochlearia duo assumeret, & 2. *sanguinis* §viiij e brachio ipsi detrahi curavit: id quod in prioribus, quia debiliores & seniores hoc erant, & nulla ratio hoc ex gebat, non fecit, quibus febricula hæc altero die rursus profligata fuit. Sed cum æger hoc die circa vespere dolores circa partes *lasas sentiret*, interne *emulsionem* anodynam ipsi præscripsit sequentem.

℞. Amygdal. dulc. recent §j.

fem, papav. alb. §β.

amygdal. amar. §ij. M. & F. cum decoct.

hord. libr. iβ. l. a. *Emulsio*: adde postea

facch. perlat. §j.

syrup. papav. alb. §ij. M. D. ad vitr. de qua singulis horis sumat haustulum §j. ad §ij.

*Externe fomentum* illud modo laudatum cum spleniis *scroto* & *testiculo*, quovis bihorio, calide circumpositum est, servata diæta tenui & hausto potu aquato.

### §. X X X.

Sympto-  
mata  
quædam

*Noctem* primam & secundam hic æger insomnem & sub doloribus transegerat, imprimis vero dolores circa lumbos & os ileum dextrum erant magni; quibus vero antea, ut retulerat, sæpius obnoxius fuerat, sed hac nocte & hodie mane solito vehementiores erant. Die 29 Martii mane cum adhuc urgerent, D. *Præses* judicavit, eos a tractione ponderis testiculi vitiosi cum vasis spermaticis, arteria aorta & vena cava adhuc cohærentis oriri. Hinc ipse & chirurgus adjutor judicarunt *consultum esse testiculum hunc trahentem omnino rescindere*; id quod etiam, injecta adhuc altera ac nova ligatura in eodem loco funiculi spermatici, ubi prior hærebat, pro hæmorrhagia ejus vasorum tanto certius avertenda; & hoc facto testiculum hunc fornice, digiti spatium infra ligaturam refecavit; vix guttula una aut altera tunc effluente. Superimposuit postea chirurgus his vasis linamenta & splenia multa, atque fascia T duplici ea firmavit. His vero non obstantibus, post aliquot horas æger *sensit sanguinem fasciam penetrare*; qui, postquam hoc nobis indicavit, venimus & vidimus magnam sanguinis copiam inter ejus femora effusum. Igitur deligationem solvere necessarium esse judicavimus, & linamentis ablatiis deprehendimus sanguinem ex arteriola quadam funiculi seminalis dissecti profluere: quare hanc filo, ope acus curvæ circumjecto ligavimus, ac denuo ægrum deligavimus: quo facto sanguis hic quievit, & dolores etiam in dorso & osse ilei remiserunt. Ordinavit postea, cum circa vespere levem rursus febriculam sentiret æger, pulverem tem-  
peran-



perantem hora quinta & nona ad  $\mathfrak{z}\beta$  fumendum, & potum ex decoct. hordei citrato pro potu ordinario; ita sequente nocte per aliquot horas dormivit. Die 31 Martii his continuavit, & quia æger mane *incommoda a flatibus* sentiret D. *Præses* ipsi ordinavit.

℞. Eff. Cort. aurant.

Carminat. Wedel. aa.  $\mathfrak{z}\text{ij}$ .

M. D. ad vitr. de his guttis cum Thea, circa meridiem cum jusculo gutt 50. hodie & sequentibus diebus assumeret; sic nocte hac bene dormivit: die 1 Aprilis mane melius se habuit, atque in prandio etiam paululum comedit.

### §. XXXI.

Die altero Aprilis, quia *alvus hucusque fuerat clausa, clystma* emolliens & Alia adhuc  
carminativum ipsi dari curavit, sic tertio Aprilis die optime se habuit. Atta- sympto-  
men vesperi post cœnam cum tormina in ventre paulo acerbiora denuo ex- mata  
periretur æger, sequens ipsi ordinavit remedium admodum egregium

Rec. pulv. antispasm. Stahlī  $\mathfrak{z}\text{j}$ .

auri fulminant. grj. M. & D.

ex seq. vehiculo

Rec. aq. flor. chamom.  $\mathfrak{z}\text{ij}$ .

Meliss.  $\mathfrak{z}\text{j}$ . vit. Mathiol.  $\mathfrak{z}\beta$ .

M. de qua mixtura, etiam si tormina brevi non cessent, quavis hora cochleare superingerat, ita sensim  $\mathfrak{z}$  tormina hæc cessarunt, & summo mane sponte larga secuta est alvi evacuatio, atque hora octava altera, quarto autem & quinto die Aprilis æger optime se habuit. Deligatio vero quotidie bis facta est ungu. digestivo & fomento illo ex aqua calc. viv. & spirit. vin. camph. §. XVI; quo etiam die 6. Aprilis loco ptisanæ cerevisiam tenuem bibere desideravit: quam, quia satis bene hodie se habuit, ipsi modice concessit, & optime inde se habuit. D. X. Aprilis *ligatura funiculi seminalis* cecidit, & sic sensim melius semper se habuit, ut surgere e lecto & in cubiculo circumambulare potuerit. D. XX. vulnus loco unguenti digestivi balsamo copivæ, quod vulnerarium egregium est, quotidie deligari iussit; sic sanatio bene successit. Die XXVij. Aprilis extra ædes prodeambulare cepit, & die X. Maji vulnus omnino consolidatum, ipseque omnino sanatus erat. Hujus casus paulo prolixior hic dare volui descriptionem, ut inde cognoscatur, quomodo cum his ægris & cum primis nobilioribus, si symptomata ut sæpe fit, incidunt, agendum sit.

### §. XXXII.

A. MDCCXXXIX. d. XIX. Sept. alius nobilis ex Saxonia superiori Casus  
huc ad D. *Præsidem* perveniebat, *majori longe sarcocèle* eoque valde dolorifi- quintus  
co oneratus, quam præcedentes fuerunt, ejusque curationem per scalpel-  
lum

lum ab ipso efflagitabat, quia omnia remedia, quæ a medicis & chirurgis ibidem, quos consuluerat, malum haud minuere multo minus dissolvere ac tollere potuerunt; nec ullus eorum etiam curationem, quæ ferro fit, in tanto malo perficere ausus est. Annos XXVIII æger habebat, sed ob diuturnos & vehementes dolores perpeffos, *valde emaciatus ac pallidus*. Die XX. Sept. ei potiunculam laxantem mannatam pro præparatione cum modica diæta ordinavit, quæ etiam d. XXI. ventrem ejus probe evacuavit; sanguinem vero ipsi non detraxit, quia jam fatis debilis & emaciatus erat, sed potius postea ei *potiunculam roborantem*, ut de hac crastina die ante, in & post operationem subinde cochleare unum vel duo assumeret. Die autem XXII ipsam hanc actionem mane in ipso eadem ratione suscepit, ut in ægro præcedenti, relicto scilicet, & non mox resecto, testiculo probe ligato, eumque eodem quoque modo deligavit.

## §. X X X I I I.

Sympto-  
mata hu-  
jus

Vesperī autē fascia & *splēnia sanguine imbuta erant*; attamen quia sanguis jam coagulatus, & æger non debilior, quam antea erat, fasciam non solvi voluit D. *Præses*; sed suavit, ut æger se tantum quietum contineret, eique *emulsionem* eandem, quæ p. 31. descripta est, ordinavit, ut de hac sæpe pro siti & pro lubitu haustum sumeret, & noctu chirurgum ac studiosum apud ipsum reliquit, qui vigilias agerent; quo facto *sanguinis fluxus substitit*, & fatis bene hac nocte dormivit. Die XXIII Sept. fasciam primam caute ac blande removeri curavit, vulnus a cruore splēniis & linamentis carptis, quæ soluta erant, purgari, atque nova linamenta ac splēnia loco remotorum applicari, eaque rursus nova fascia firmari jussit. Nocte subsequente & die 24. Sept. testiculus adhuc cum funiculo suo cohærebat, sed *cruor aquosus adhuc nova splēnia* penetraverat, unde æger valde debilitatus erat: attamen ab emulsione illa, de qua libras duas ad tres his singulis diebus consumferat, egregie rursus roboratus est. Die 25. fascia non est soluta, quia sanguis stetit, eoque die non nisi emulsione illa usus est, ubi vero ob sitim magnam tres ad quatuor libras magna cum voluptate bibit, sine ullo indicio alicujus stuporis vel somni præter naturam; sed hilaris & alacris hoc die fuit, nihil tamen aliud comedere aut bibere voluit, quam hanc emulsionem: atque hac nocte bene ac naturaliter dormivit, & mane robustiorem se rursus sensit. Die 26. Sept. fascia rursus est soluta & splēnia cum linamentis omnibus e vulnere remota sunt; ubi demum testiculum hunc corruptum scalpello a funiculo feminali resecavit D. *Præses*, & quamvis hic vasa sanguifera supra ligaturam valde fuerint tumida, tamen ne cochleare sanguinis e funiculo hoc dissecto effluxit, præsertim cum antequam testiculum resecuerit, adhuc novam ligaturam eo in loco, ubi prior erat, cum filo robusto duplici ei injecerit, & postea vulneri novis linamentis ac splēniis profpexerit. Emulsionem illam hoc die adhuc ad quatuor libras usque, quia e-



am amabat & valde sitiebat, bibere continuavit, atque suavitatem ejus semper laudavit; sequente nocte optime dormivit, & mane lætus ac hilaris fuit, sine ullo sopore aut somnolentia præter naturam: unde D. *Præses*, quia alias jam idem notavit, *semen hujus papaveris* albi, cujus succum sive lac in emulsione intra quinque dies ex integra circiter feminis libra assumerat, & nullum etiam somnum præter naturam huic ægro induxerat, sed egregie ipsum semper refecerat, non adeo noxium esse medicamentum judicavit, quam multi perhibent, & nullam vim narcoticam ipsi jure adscribi posse, hoc rursus exemplo vidit: quod propterea cum primis hic notare voluit, quia quidam medici in usu hujus feminis in emulsione adeo timidi fuerint, ut in consultationibus cum ipsis ne quidem  $\frac{3}{4}$  admittere voluerint & ultra  $\frac{3}{4}$  ascendere noluerint; cum tamen temperando, roborando & nutriendo egregias vires hic exeruerit. Die XXVII. fasciam non mutavit, quia neque sanguis, neque serum, aut aquosi liquoris aliquid eam penetraverat, & interea temporis etiam nihil febrilis sensit, sed bene se habuit, & continuando emulsionem die XXVIII. Sept. tam bene se habuit, ut mane solus e lecto surrexerit, & ultra horam in sedili sedere potuerit, ubi etiam denuo deligatus est, & sic etiam die XXIX, qui octavus erat ab operatione, ubi deprehendebatur fila, quibus ligatura funiculi seminalis facta erat, sponte decidisse, sine ulla hæmorrhagia aut alio incommodo: & funiculum hunc, qui antea semper adhuc solito crassior erat, ita detumuisse, uti in statu naturali alias esse solet.

## §. XXXIV.

*Continuata itaque est deligatio ope unguenti digestivi & fomenti supra me-* Curatio  
*morati.* Die XXX autem Sept. per totum fere diem extra lectum sine omni vulneris  
incommodo manere potuit, atque cum primis sex diebus sola emulsione pro  
cibo & potu ex propria voluntate usus esset; die septimo & octavo jusculis  
pro cibo & aqua pro potu usus est; die nono phaseolos etiam recentes & duas  
aviculas comedit. Postea singulis diebus ita deligatus est usque ad diem  
octavum Octobris, a quo tempore *alternis* tantum deligatio iterata, & fo-  
mentatio, quia nulla amplius aderat inflammatio, omissa est, atque sicca  
tantum splenia super imposita sunt. Die XII. Octobr. tam bene jam sese ha-  
buit, ut in publicum prodeambulaverit, id quod postea quotidie ita fecit.  
Die vero XVI. Octobris *loco ung. digestivi*, cum vulnus probe mundatum  
videretur, *balsamo copaivæ* & emplastro de minio camphorato deligatum est,  
usque ad finem Octobris; ubi vulnus maxima ex parte glutinatum erat, &  
tunc pro vulnere exsiccando *linamentis* carptis aridis & prædicto emplastro,  
quibus circa medium Novembr. omnino glutinatum erat, & qui summe  
debilis, cum huc venisset, & initio etiam curationis fuerat æger, die XX.  
Novembris sanus & vegetus domum reversus est.

## § XXXV.

## §. X X X V.

De farco-  
cele cum  
funiculo  
feminali  
scirrholo.

Possẽm nunc adhuc etiam agere de *illis speciebus sarcocoles complicatis*, ubi simul totus funiculus feminalis in scirrhum mutatus est, & sic durities a testiculo ad annulum, vel ipsum abdominis cavum se extendit, quales aliquot etiam vidit D. *Præses*; & ego jam supra p. 12. de eo dixi; verum quia hos casus pro maxime periculosiss habet, eosque nunquam curandos suscipere voluit, ego etiam de his plura hic non dicam.

## §. X X X V I.

Describuntur etiam a quibusdam *alia vitia*, ubi totum scrotum valde magnum & durum factum est pro *sarcocole*, sicuti ejusmodi exemplum prodigiosum in actis Acad. Scient. Paris. a. 1711 indicatur, quod 60 libras pependit in homine malabaro in India visum, & Parisios transcriptum; quod vero deinde etiam *Dionisius*, chirurgus Gallus celebris, altera & hanc sequentibus editionibus operationum chirurgicarum, ubi de sarcocole agit, retulit, & in *icone* hunc casum simul delineatum exhibuit. Alium valde magnum ultra genua dependentem *Ettmullerus* filius 1723 in programmate quodam, quod Lipsiæ edidit, delineavit, etiamque rursus *Waltherus* in Act. Erud. Lips. 1725. p. 492 descripsit, cui pondus quadraginta librarum; & *Chefeldenus* Anglus in anatomia sua edit. III. quoque ejusmodi exhibuit p. 285. Quæ vero num veræ sarcocelæ sive testiculi scirrholi fuerint D. *Præses* dubitat, sed pro *scroti peculiaribus morbis* habet: cumprimis quia pleraque aut nullum horum malorum vel in vivis, vel in mortuis, *Waltherianop* excepto, incisum, & eorum natura rite explorata est.

## §. X X X V I I.

Ita etiam varii & cumprimis quoque *Dionis* loco citato, sarcocoles non pro *scirrhis testiculorum* habere, sed pro *excrecentiis* ex testiculis, quæ inæquales essent, & ex inæqualitate ac duritie has cognosci, atque a ceteris herniis distingui vult; cum tamen testiculi scirrholi longe frequentiores sint excrecentiis e testiculis: & deinde etiam sarcocelæ pleræque non gibbosæ, sed vel rotundæ vel ovatæ & æquales sint, sicuti ex figuris nostris & ex ipsis ejusmodi exsectis testiculis videri potest. Nihil etiam plus hic de *absona illa curatione sarcocoles Dionis* dicam, qui scrotum potius *causticis* aperiri vult, quam scalpello; cum tamen sarcocole vix & nonnisi centuplo majoribus doloribus causticis e scroto tolli possit, quam scalpellum facit.



## EXPLICATIO TABULÆ ÆNEÆ.

*Fig. I.* est testiculus scirrhusus & exulceratus §. XXIII. descriptus, in quo pars ejus superior & anterior A B C D præcipue exulcerata erat. E F funiculus seminalis tumidus ac diffectus, in quo vasa spermatica conspiciantur aperta. G H I pars ejus inferior magis integra.

*Fig. II.* Testiculus scirrhusus major excisus §. XXV ad XXVIII expositus, transversim hic positus. B C D E indicant tunicam ejus cellulosam, qua adhuc maximam partem cinctus est; a a a a a tunicam ejus propriam sive albugineam. A A incisionem studio factam, ad interiorem testiculi hujus substantiam vasculosam explorandam.

*Fig. III.* Testiculus ille scirrhusus, §. XXIX descriptus transversim quoque situs. A B C testiculus ipse nudus alba tunica solum cinctus. D E F involucria exteriora ei adhuc adhærentia.

*Fig. IV.* Testiculum scirrhusum maximum inter hos repræsentat §. XXXII explanatus. A B C D corpus & figura ejus fere sphaerica. D E funiculus spermaticus, cum vasis suis conspicuis.

CAROLI FRIDER. KALTSCHMIED

P R O G R A M M A.

DE NECESSITATE EXTIRPANDI HERNIAS  
SPURIAS MAJORES IMPRIMIS HYDROCELEM  
ET SARCOCELEM VEL HYDROSARCOCELEM.

Jenæ 19 Octobris anno 1749.

**T** Umores abdominis ab intestinis vel omento prolapsis oriundos vocari hernias veras & diversa vel ab umbilico, vel a scroto vel ab inguine, in quibus maxime oriuntur, sortiri nomina, in vulgus notum est. Nec latet, eas hernias, quæ non ab intestinis vel omento prolapsis proveniunt, sed aliam causam in ipsa parte affecta hærentem agnoscunt, sub spuriarum nomine venire. Inter has hydrocele sarcocele pneumatocele & varicocele referendæ, ubi nimirum humores extravasati vel caro luxurians imo scirrhus vel aer contentus aut venæ spermaticæ dilatatæ ejusmodi tumores herniosos edunt. Arctioribus circumscripti cancellis in diversissimas earum vel internas vel externas vel utroque simul præsentibus causas inquirere nec instituti ratione adducimur, cum tot etiam solidissima prostant scripta, quæ satis clare ac perspicue herniarum historiam & curam tradunt.

Ex nostro instituto hoc saltem invitationi solemni præmittere volui, ut quædam moneam de necessitate extirpationis ejusmodi herniarum spuriarum majorum aquosarum vel carnearum per operationem chirurgicam.

Quam plurimæ mihi obvenere ejusmodi herniæ spurix in praxi chirurgica, quæ multos antea & medicos & chirurgos deceperunt, ut nescii, ad quam herniarum speciem referri debeant, in diversas abierint sententias ægrosque animo fluctuantes tristesque reliquerint.

Nec mirum: tanta enim ejusmodi herniæ spurix majores quandoque monstrant duritiem, ut sagacissimo etiam practico difficile sit cognitu, an a contentis aquis an a latente aere vel scirrhus, aut carne luxuriante tensio integumentorum & tumor proveniat: cum autem aer contentus nunquam tensione sua tantam mentiatur duritiem ac humores extravasati, utraque species autem pelluciditatem herniæ rarissime amittit.



amittat , expertum magis practicum fugere non potest facultas discernendi herniam & aquosam & ventosam inter se & easdem a sarcocoele , vel hydro - sarcocoele , in qua nimirum ultima scirrhus vel caro luxurians cum humoribus extravasatis simul latent , quæ nimirum omni pelluciditate sunt destituti. Accedit & hoc , quod in hernia carnosâ nunquam superficies ab omni parte tam æqualis sit , ac in hernia aquosâ vel ventosâ. Quæcumque autem in cognoscendis atque dijudicandis differentiis herniarum intercedat difficultas , etiam sine intimiori perscrutatione extirpationem hanc suscipiendam esse , necessitas postulat. Aut enim scirrhus in hernia majore latet , hic nullam admittit aliam medelam , quam operationem chirurgicam. Tot ubique annorum experientia comprobatum est , omnem scirrhum , etiam per longissimum temporis spatium morigerum , tandem in cancrum degenerari , carnemque luxuriantem in ulcus fætidum abire , nisi extirpatio prævenierit , quis ergo necessitatem hujus negaverit ? Et aquosam ejusmodi herniam ubi tamen statum cachecticum vel hydropicum , & hinc hydrocelem symptomaticam excipio , quippe quæ & extirpata ægro sanitatem nondum promittit , operationem postulare seu potius extirpationem , inde concludo. Quoties ejusmodi hernia sibi fuit relicta , corruptio humorum extravasatorum dira produxit symptomata , id quod a priori etiam patet , cum humores serosi & lymphatici tardius quidem corruptioni sint obnoxii stagnantes , nunquam tamen ab ea vacui. Et quamvis decies tentata fuerit paracenthesis in hernia aquosâ , ita tamen recrudit , ut saltem quod aiunt , palliative levamen ægro accesserit , nunquam hydrocele radicitus fuerit fugata. Toties igitur aliorum sinistre cessorum exemplorum discrimine monitus & experientia edoctus suadeo , ut majores ejusmodi herniæ spurix , sive carnosæ sive aquosæ , operationi committantur chirurgicæ , ne frustra tentatis aliis remediis tempestivæ extirpationi aptum consumatur tempus , ac mora in tempestiva debita præripiatur medela. Hinc , etsi supra adducta signa evincere possint , qua æger laboret hernia , dubium tamen etiam medicum necessitas extirpationis non fugiet , cum utrique extirpatio optimam & certissimam spondeat curam. Duo extirpatorum ejusmodi testiculorum schemata exhibere volui , ubi hydro - sarcocoele operationem postulavit , quorum minorem ante 5. septimanas extirpavi , ægrumque curatum ante 14. dies sanatum dimisi.

F I N I S.

B b b 2

EXPLI-

## EXPLICATIO FIGURARUM

Fig. A.

*Exhibet testiculum, cujus pondus libram unam cum dimidia fere superat.*


*A Significat aperturam ante extirpationem factam, per quam aquarum contentarum eduxi uncias VI.*

*B Innuit ligationem processus peritonæi.*

Fig. B.

*Monstrat testiculum fere totum aquosum ante aliquot septimanas extirpatum, ubi vasa admodum turgida in superficie delineata necessitatem extirpationis ostendunt, imminente nimirum inflammatione.*





Tab. XXI.

*Disp. Chirurg. Tom. III. KALTSCHMIED DE NECESSITATE EXTIRPANDI  
HERNIAS. pag. 380.*





L X X V I I I

DISSERTATIO  
MEDICO-CHIRURGICA  
DE

NECESSARIA IN PRÆTERNATURALI  
PARTU INSTRUMENTORUM APPLICATIONE.

*Quam tuebatur*

JOAN. ANDREAS DEISCH,

AUGUSTANUS.

Argentorati 9 Aug. anno 1740.





## § I.

**D**E partu præternaturali differenti incumbit, descriptionem partus naturalis præmittere, ut eo melius partus p. n. concipi queat. Est autem partus naturalis ille situs infantis, ubi caput, pedes vel nates, tali modo orificio uteri, aperturæ superiori pelvis & vaginæ incumbunt, ut contractione diaphragmatis, musculorum abdominis, uteri, mole & motu fetus stimulatorum, ruptis membranis, exclusio illius absque adjumento manus obstetricantis, una cum secundinis fiat.

## §. I I.

Pelvis vocatur illa cavitas ab ossibus coxæ, ossæ sacro & coccygis, partim symphyssi cartilaginosa, partim symphyssi ossificationis cum se invicem connexis formata. Utraque ossa coxæ componuntur, a tribus ossibus, in infantibus symphyssi cartilaginosa, in adultis vero symphyssi ossificationis inter se junctis. Quæ in facie externa suo concursu acetabulum ossis femoris, in interna vero maximam partem pelvis constituunt. Hæc ossa seorsim sumta, sub nomine ossium ilei, ischii & pubis veniunt. Os sacrum est illud os, partibus ossium ilei lateralibus symphyssi cartilaginosa junctum, & figuram trianguli referens; in quo notandum basis seu pars superior, vertex s. inferior, facies anterior s. concava, facies posterior s. convexa; in infantibus ex quinque componitur ossibus, adultis in unum symphyssi ossificationis coactis; in parte inferiore seu vertice invenitur os coccygis e quatuor vel quinque ossiculis partim ligamentis, partim symphyssi cartilaginosa & ossificationis inter se junctis, constatum. Eam ob causam aliquo motu gaudet, præsertim in partu. Prolixior horum ossium descriptio videatur apud *Winslow Traité des ossets* N. 508. ad N. 517. & N. 573. ad N. 605. & *Deventer in novo lumine obstetricant.* Edit. Lugd. Batav. pag. 14. & sequent.

## §. I I I.

Dividitur autem pelvis in partem superiorem seu largam, solummodo a parte superiore ossium ilei formatam, & in inferiorem s. fundum ab ossibus, ilei, ischii, pubis, sacro & coccygis compositam. In arte obstetricia ad meliorem situs infantis cognitionem, aliter adhuc dividi potest pars inferior s. fundus pelvis, nempe ( 1 ) in aperturam superiorem, ubi notanda posterius ( a ) portio superior s. basis ossis sacri; ad latera ( b ) linea prominens a symphyssi cartilaginosa ossium ilei cum ossæ sacro, usque ad eminentiam obliquam symphyssi ossificationis ossis ilei & pubis formatam tendens, & partem largam pelvis a fundo discernens. ( 2 ) In partem pelvis mediam posterius  
por-

portione media ossis sacri, ad latera basibus ossium ilei & corporibus ischii, una cum eorum spinis, antèrius vero corporibus & angulis ossium pubis conflata. (3) In aperturam inferiorem, postèrius a vertice ossis sacri, ad latera tuberositatibus ossium ischii, antèrius ramis ischii & pubis compositam.

## §. I V.

Ad meliorem pelvis cognitionem ejus differentia specifica cum pelvi virili adhuc præmittenda erit. Differunt autem ossa pelvis muliebris ab ossibus pelvis virilis in eo, (1) os sacrum mulierum magis retrorsum inclinatur, (2) ossa ilei magis a se invicem distant, (3) apertura pelvis superior (§. 3. n. 1.) aliquomodo ad figuram ellipticam accedit. (4) Tuberositates ossium ischii non tantum introrsum versæ sunt, uti in viris, sed extrorsum, eo majorem pelvi capacitatem concilians. (5) Rami ischii & pubis majorem arcum formant & magis a se invicem recedunt, uti hoc facile in omnibus sceleretis observari potest.

## §. V.

Hæc ossa interdum in partu difficili in junioribus a se invicem recedunt & capacitatem pelvis adaugent; uti hoc *Riolan. Antrop. lib. VI. cap. XII. Spigelius de hum. corp. Fabric. lib. II. cap. XXIV. Paræus lib. XXIV. cap. XI. Guillemæu lib. II. cap. I. Thom. Bartholin. anat. lib. IV. cap. XVI. Harvejus de generat. animal. exercitat. LVII. Stalpart van der Wiel observ. centur. I. observ. LXVI. Diemberbrock anat. lib. IX. cap. XVI. Deventer observ. sur les accouch. cap. III. & Peu pratique des accouchemens cap. XII. Verdieu abregé de l'anatomie du corps humain pag. 106. & sequent.* describunt; ego ipse quod hunc casum concernit, observavi una cum experientissimo D. Dr. *Saschio*, Rei obstetriciæ Argentinensis adjuncto meritissimo, fautore meo omni honoris cultu prosequendo, in cadavere puerperæ in theatro anatomico dissecto, mense Decembri anni præterlapsi, ossa pubis ad tres circiter lineas a se invicem distantia, ita ut digitis facile introrsum & extrorsum premi potuerint. Negari attamen haud potest, horum ossium secessus facilius & sæpius, in rachitide laborantibus Gallice *nouées*, quam in aliis subjectis contingere.

## §. V. I.

Ex hac pelvis descriptione (§. 2. 3. 4.) malam ossium pelvis conformationem facile detegere licet; osse enim sacro in facie concava nimis introrsum verso, ossibus ilei, tuberositatibus ramisque ossium ischii & pubis nimis introrsum positis, capacitas pelvis ita imminuitur, ut capiti infantis nullo modo exitus concedatur, necessarioque partus præternaturalis, ex hac mala conformatione oriatur.

## §. VII.



## §. VII.

Variae interim partes in hac pelvi locantur. e. g. vesica urinaria, ad faciem internam angulorum ossium pubis sita, uterus, ejus ligamenta, ovaria, tubæ Fallopiæ, vagina inter vesicam & intestinum rectum sita; intestinum rectum cum suis musculis, vasa tam arteriosa, quam venosa, nervi, musculi.

## §. VIII.

Omnes has partes (§. 7. speciatim describere nimis prolixum foret, itaque de utero, ejus vagina, ut & de partibus cum illis connexis, quarum cognitio in arte obstetricali maxime necessaria, aliquid dicendum erit.

## §. IX.

Est autem uterus corpus cavum, molle, pulposum, copiosissimis vasis instructum, facile extensile, valde elasticum, in pelvi inter vesicam urinariam & intestinum rectum, in non gravidis, satis liberè absque firmiore adnexu ligamentoso situm, nec multum pressum, dum expansa peritonæi membrana defenditur. Gaudet figura turbinata, membranis & fibris substantiam quandam spongiosam formantibus, quibus vasa sanguifera copiosissima intertexta sunt, ita ut uterus præprimis in gravidis totus quantus vasis constare videatur. Vasa arteriosa accipit uterus partim ab arteriis spermaticis, partim vero ab hypogastricis s. iliacis internis, ut & nonnullos furculos ab arteria pudenda externa a crurali proveniente. Vasa venosa oriuntur vel a venis spermaticis vel a venis pudendis externis, quoad maximam partem vero a venis hypogastricis s. iliacis internis sub nomine venarum pudendarum hypogastricarum venientia, copiosos inflexus, anastomoses & plexus reticulares uti arteriæ formantia, valvulisque carentia, cum venis hæmorrhoidalibus internis ac per consequens cum vena portæ communicantia. Nervi ad uterum tendentes proveniunt a lumbaribus, sacris, & plexu hypogastrico, a nervo sympathetico magno s. intercostali formato.

## §. X.

Dividitur uterus (1) in fundum (2) partem mediam s. corpus, & (3) cervicem s. collum uteri. Fundus uteri est pars ejus concava crassa, in qua notandæ fibræ circulares a Cl. *Ruyshio* pro musculo habitæ, vid. ejus tractatum de musculo in fundo uteri reperto. Corpus seu pars media, situm est inter fundum & cervicem maximam partem cavitatis uteri constituens. In superficie sua interna investitur membrana valde tenui, multis foraminulis pertusa. Magnitudo hujus cavitatis in virginibus uti rima apparet, in gravi-

dis vero valde adaugetur. Cervix s. collum uteri, est ejus pars inferior, cum parte vaginæ superiore connexa; in qua notandum (1) orificium uteri, cum fissura transversali, & labris nempe inferiore & superiore, dividitur itidem in orificium internum cavitationem uteri respiciens, circa quod parvæ lacunæ & granula globoso glandulosa, humorem mucosum secernentia reperiuntur & in externum ad vaginam uteri tendens (2) globus tanquam pars a vagina circumducta, ubi monendum, quod majorem aream in parte posteriore quam anteriore constituat.

## §. XI.

Ligamentorum uteri vulgo duo paria numerantur, nempe lata & rotunda; ligamenta uteri lata sunt, duplicatura substantiæ membranacæ peritonæi, substantia cellulari intertexta, adnectuntur parti laterali uteri, & portioni musculi psoas ad corpora vertebrarum lumbarium respicienti. Inter duplicaturam horum ligamentorum locantur ligamenta rotunda, quorum fabrica congeriem sistit vasorum cum vasis, uteri communicantium, adeoque improprie ligamenta vocantur. Tubæ Fallopiianæ sunt duo canales molliusculi, conici & vermiciformes, in hemicyclos flexi, duabus extremitatibus gaudentes, altera valde angusta, angulo fundi uteri in quovis latere adnexa & orificio vix setam admittente, in cavitationem uteri hiantem; inde augetur gradatim diameter tubarum, desinuntque hæ tubæ in alteram extremitatem multo latiore, orificio amplo gaudentem, fimbriisque membranoso carneis circumpositis ornatam, & utrinque versus ovarium recurvatam. Ovaria, testiculi quoque muliebres dicta, sunt duo corpora albicantia, ovalia, complanata, & longiuscula, ad latera uteri sita, uteroque per duo valida ligamenta ad distantiam binorum circiter pollicum in duplicatura pinnæ posterioris ligamenti uteri lati annexa. Componuntur textu spongioso admodum stricto, pluribusque sphæculis s. vesiculis valde pellucidis, hicque apparatus totus quantus involvitur membrana quadam communi. Dictæ sphæculæ reperiuntur potissime in superficie ovariorum, quorum substantiæ spongiosæ ita adnectuntur, ut hæc illis corticem quasi s. speciem alicujus calicis spongiosi largiatur, cui sphæculæ insident; hæ sphæculæ repletæ sunt humore lymphatico ad ignem instar albuminis ovi concrecente, atque duabus gaudent membranulis concentricis, sibi invicem arctissime nexis. Adhærent calice suo extremitatibus minutissimis vasorum, §. 9. enumeratorum; atque fere non nisi post usum veneris apparent, (cum in fæminis a mare penitus separatis & in vetulis vix conspiciantur) dein intumescunt sensim sensimque & magis pellucunt, hinc crassiores evadunt, & in formam papillæ sic dilatant membranam ovarii, ut ovula ultra ejus superficiem emineant, a pedunculo suo pendeant, ac postmodum ab ovario separentur, in cujus substantia, effracta membrana, cicatriculam cavam sensim iterum coalescentem relinquunt.

## §. XII.



## §. XII.

Vagina uteri est canalis membranoso-musculosus, a partibus genitalibus externis ad cervicem f. globum uteri inter vesicam urinariam & intestinum rectum tendens, in virginibus longior & angustior, in mulieribus vero brevior & largior existens; situs ejus est aliquomodo obliquus, ita ut magis elevata sit in parte posteriore & interna, quam anteriore & externa. Extremitas f. pars posterior unitur corpori f. globo uteri (§. 10.) ubi adhuc notandum, quod paries vaginæ intestino recto incumbens magis ab orificio distet, quam ille paries ad vesicam situs. Corpus f. pars vaginæ media conflatur textura spongiosa multis vasis sanguiferis intertexta, in ipsius concavitate multæ inveniuntur rugæ plus minus transversales, propria membrana investitæ; in convexitate vero plexus vasculosi rete mirabile æmulantes. Extremitas anterior format introitum vaginæ, infra orificium urethræ & supra fossulam commissuræ inferioris alarum f. labiorum vulvæ situm. Circa has partes multæ adfunt lacunæ liquorem mucosum & sebaceum pro lubricatione vaginæ excernentes.

## §. XIII.

Ad partes in arte obstetricali scitu necessarias etiam referuntur perinæum, labia f. alæ pudendorum, pubes, frænulum, fossula navicularis, orificium urethræ, hymen, clitoris, nymphæ, carunculæ myrtiformes, placenta uteri, funiculus umbilicalis, membranæ.

## §. IV.

Perinæum est spatium inter orificium ani & commissuram alarum inferiorem. Labia f. alæ pudendorum sunt productiones cutis, textura spongiosa & adipe compositæ, a pube versus perinæum tendentes, & sinum f. cavitatem longiusculam a parte media & inferiore pubis, usque ad perinæum formantes; concursus harum alarum vocantur commissuræ, quæ iterum dividuntur in commissuram superiorem & inferiorem. Pubes est eminentia larga in parte inferiore regionis hypogastricæ; frænulum est species ligamenti membranacei, a commissura alarum inferiore formati, fossulam navicularem cum partibus vicinis constituens. Fossula navicularis est cavitas a frænulo & introitu vaginæ formata; hæ duæ partes frænulum & fossula navicularis post primum partum evanescunt. Clitoris est eminentia glandem referens, sita infra commissuram labiorum superiorem, cum præputio suo a replicatione cutis alarum internæ formato. Nymphæ sunt replicationes prominentes cutis internæ alarum, a præputio clitoridis ad utraque latera introitus vaginæ tendentes; orificium urethræ est prominentia in intervallo nympharum & infra clitoridem sita; hymen est membrana modo circularis, modo

do semilunaris, in virginibus introitum vaginæ coarctans, a concursu membranæ internæ vaginæ cum membrana s. cute interna alarum formata. Carunculæ sunt partes irregulares dilacerati hymenis; specialio-rem descriptionem harum partium dedit *Winslow Traité du bas ventre N. 624. & seq.*

## §. X V.

Placenta est corpus innumerabilibus arteriis, venis, vasis & folliculis lymphaticis compositum, utraque sua superficie a chorio tectum, dividitur in partem convexam ordinarie fundo uteri adnexam, & concavam, e cujus medio vena umbilicalis & duæ arteriæ ejusdem nominis proveniunt; funiculus umbilicalis est chorda e medio placentæ ad umbilicum infantis tendens; componitur e duabus arteriis ab arteriis fetus hypogastricis; & una vena e medio placentæ convenientibus, vaginæque a chorio & amnio formatæ inclusis, cujus longitudo variat. Membranz sunt continuationes tunicarum ovuli, placentam in utraque superficie investientes, & sacculum quendam, fetum & ejus aquas continentem formantes. Dividuntur communiter in duas laminas, externam chorion, internam amnios vocatas.

## §. X V I.

Partus præternaturalis vocatur impedita fetus exclusio, ubi quidem dolores vehementissimi adsunt, attamen aut ob malam ossium pelvis formationem (§. 6.) aut ob situm infantuli perversum, ingressum capitis, pedum vel natum in pelvim a linea recta deflectentem, vel ob ipsam fetus defigurationem, ille nullo modo nasci potest, nisi auxiliatrix manus obstericans ei certis encheirisis exitum conciliet.

## §. X V I I.

Situs infantis in utero debitus partum felicem & naturalem efficiens est, quando infans capite orificio uteri & aperturæ pelvis in recta linea incumbit humeri versus ossa ilei ponuntur, pedes vel nates pelvim in linea recta ingrediuntur. In his jam memoratis casibus infans nasci potest, in omnibus vero aliis his contrariis infans naturaliter i. e. sine adjumento artificiali nasci non potest. Ex hac descriptione facile patebit quod, quo magis situs perversus (elucet enim hic, contraria si consideremus) a situ naturali recedit eo difficilior sit partus præternaturalis.

## §. X V I I I.

Causæ hujus situs dependent maxima parte a situ uteri obliquo, situs vero hic obliquus non dependet a ligamenti propter facultatem extensivam  
laxa-



laxatis uti Cl. D. *Deventer in jam citato libro Cap. XI.* dicit, alias in talibus gravidis omni tempore graviditatis uterus obliquus necessario etiam situm infantis obliquum, & partum præternaturalem efficere deberet, quod tamen experientiæ contrariatur; inveniuntur enim mulieres, quæ jam aliquot infantes partu naturali in lucem ediderunt, interim a situ infantis obliquo & partu præternaturali non immunes vivunt; causa igitur hujus mali in alio loco quærenda erit.

## §. X I X.

Est autem causa situs uteri obliqui probabiliter hæc: ovulum coitu proliifero animatum, ab ovario separatum (§. 11.) in cavitatem uteri per tubam Fallopiam allatum, cum calice suo contractione uteri æquabili, fundo illius implantatur & accrescit, ex quo placenta uteri una cum funiculo umbilicali oritur, hac placenta in medio fundi uteri hærente, ob ejus gravitatem uterus in situ erecto tenetur, etsi gravida motibus corporis sui uterum gravidum in unum vel alterum latus pellat, & situm obliquum aliquomodo illi conciliet, in hoc tamen permanere nequit ob pondus placentæ in medio uteri sitæ; hoc calice ovuli imprægnati vero, vel ob contractionem uteri inæqualem, vel ob situm imprægnatæ statim post coitum inquietum, non fundo sed lateri cuidam uteri implantato & accrescente, uterus ejus orificium una cum infante, crescente placenta, a linea recta ad situm obliquum perducitur, necessario tempore partus caput infantis vel ossi pubis vel ossi sacro, vel lineæ prominenti ossis ilei (§. 3. N. 1.) apprimitur, eo ipso exitus infantis difficilis imo impossibilis redditur, nisi manus obstetricans hunc efficiat.

## §. X X.

Auxilium a manu obstetricali in casibus (§. 16.) annotatis proveniens, est duplex vel sine vel cum instrumentis. Sine instrumentis hoc fieri potest, quando partes infantis nondum tali modo a doloribus in pelvim coactæ sunt, ut immissio manus in uterum eo interdicator, in hoc enim casu infans versione adhuc extrahi & a matre liberari potest; in altero vero casu ubi introductio manus in cavitatem uteri a partibus infantis in pelvim pressis penitus impeditur, ut & in defiguratione infantis, abruptione ejus capitis, applicatio instrumentorum, necessario requiritur ad conservandam matris vitam.

## §. X X I.

Primus itaque casus applicationem instrumentorum necessario requirens a mala formatione pelvis (§. 6.) tantum, vel etiam capitis infantis de-

pendet. Signa hujus mali sunt sequentia : infans, sicuti in partu naturali, cum capite apparet, dolores adfunt, membranæ rumpuntur, aquæ contentæ exeunt, interim tamen caput infantis semper hæret ad aperturam pelvis superiorem, sine partus progressu; quando digitis tangitur, percipitur caput ab impedimento quodam retardari, & in exitu suo impediri, dolores interim adfunt modo vehementiores; per primum, secundum, tertiam imo quartum diem durantes, attamen caput semper in exitu retardatur, vires parturientis prosteruntur, sudores, lipothymia, convulsiones, imo ipsa mors accedunt, nisi infans a matre separetur.

#### §. XXII.

Causæ hujus mali quærendæ sunt, ut jam dictum est, vel in mala pelvis formatione, vel in nimia capitis magnitudine (§. 21.); capite enim nimis magno existente, citius illud a corpore discerpitur, quam extrahitur. Hæc extractio vero manu peragi non potest, capite jam totam pelvis capacitatem occupante, manusque introductionem impediens; etsi hæc introductio possibilis esset, interim tamen caput per pelvim ob malam formationem transire nequit, itaque ad instrumenta confugiendum erit.

#### §. XXIII.

Ad hanc extractionem (§. 22.) varia ab authoribus commendantur instrumenta, qualia sunt hamuli vario modo incurvati, instrumentum a Mauriceau *tire-tête* vocatum; attamen omnia hæc instrumenta partim ob difficiliorem applicationem, partim etiam ob accidentia tali operationi supervenientia merito rejiciuntur. A vehementi enim adhibenda vi, in extractione capitis, magnitudine sua nec apertione nec excerebratione cranii imminuti, facile contusiones uteri, vaginæ, rupturæ perinæi, colli vesicæ, imo mors ipsa, superatis multis doloribus parturienti causantur.

#### §. XXIV.

Merito ab optimis rei obstetricalis scriptoribus apertura & excerebratio cranii commendantur; hæc enim encheiresi, magnitudo capitis multum imminuitur, partes non tam valide premuntur, inflammationes uteri, contusiones vaginæ, rupturæ colli vesicæ & perinæi præcaventur. Ad hanc itaque operationem *Deventer l. c. pag. 272.* vulgarem cultrum incisorium sufficere existimat, singularique instrumento non opus esse; van *Horn. in libello Siphra & Phua pag. 201.* aperturam cum forcipe & cultro communi, quorum apices abrupti erant, tentavit; la *Motte* cum cultro incisório vaginæ incluso. Attamen omnia hæc instrumenta non tam secure applicari possunt, quia insufficientem aperturam cranii, multo adhuc cum labore



labore efficiunt; ea ex causa artis obstetricalis Magister & Practicus felicissimus Dn. D. Fried., Patronus & Præceptor meus honoratissimus, instrumenta longe aptiora sibi fabricari curavit. Sunt vero horum instrumenta tria; primum vulgo *trois-quarts* vocatum, est instrumentum, ensis laminæ simile, vaginis duplicibus orichalceis inclusum, quarum una mobilis, altera vero immobilis, lamina adnectitur vaginæ mobili mediante trochlea, ita ut apprehenso quatuor digitis instrumenti manubrio, & applicato prominentiæ vaginæ mobilis pollice, lamina ad latitudinem quatuor vel quinque pollicum extrudi possit: longitudo hujus instrumenti cum ejus manubrio vix pedis longitudinem superat, latitudo laminæ vero quinque circiter lineas habet. Secundum instrumentum est lamina seu ferra manubrio instructa, longitudo hujus instrumenti quindecim pollices habet, ita ut manubrium sex, lamina vero novem pollicibus gaudeat, in parte laminæ anteriore circiter ad 4 pollices adsunt dentes ferrati, pars vero posterior glabra & lævigata existit; latitudo hujus laminæ e quinque lineis constat, densitas vero ex duabus. Tertium instrumentum est cochlear in parte sua concava dentibus in modum ferræ positis instructum, longitudo ejus cum manubrio quatuordecim habet pollices, quorum decem manubrium quatuor vero cochlear componunt, latitudo hujus cochlearis duobus, altitudo uno cum dimidio gaudet pollicibus.

## §. X X V.

Non solum ad hanc extractionem (§. 22.) apta instrumenta, sed etiam situs parturientis aptus requiritur. Hic situs vero ita se habeat, parturiens prout transversaliter supra lectum, tali modo ut os sacrum una cum tuberositatibus cristarum ossium ilei, margini lecti, culcitris firmioribus bene munito, incumbat, capite aliquo modo erecto, cruribus à se invicem separatis & tali modo curvatis, ut plantæ pedum parturientis, femoribus, ad utrumque latera obstetricantis, assidentium, crura femoraque parturientis, firmiter tenentium, nimiamque jactitationem corporis impredientium, innitantur; scapulæ & caput parturientis pulvinaribus & culcitris firmioribus probe muniantur, a tertia persona, cujus utræque manus claviculis & pectori imponantur in eodem statu conserventur, simulque interdiciantur, ne pars superior corporis moveri queat. Parturiens sic posita obtegatur adhuc lodice duplicata à regione epigastrica usque ad plantas pedum pendente, partim ad debitam verecundiam servandam, partim vero ad impediendum, ne assidentes videant, quomodo hæc operatio peragatur.

## §. X X V I.

Adhibitis his omnibus (§. 25.) obstetricans locum suum inter has duas personas assidentes occupet, & bene observet, ut introitus vaginæ & brachium

chium suum in linea recta constitutum sit, hoc enim non animadvertens nimis cito defatigatur, eoque ipso in operatione impeditur; quod sellam cui insideat, attinet, probe attendat, ne nimis magna existat, ut facile pedibus ad & ab se removeri possit, observatis etiam his, obstetricans, digitorum tactu, situ infantis explorato, iisque ad fontanellam seu verticem relictis, altera manu instrumento *trois-quarts* vocato (§. 24.) cum omni attentione per vaginam uteri ad caput allata aperiat cranium, in hanc aperturam immittat ferram (§. 24.) & mediante ea aperturam ampliet in forma trianguli, cujus basis superius, apex vero inferius sit; triangulo hoc, pollice, in cavitationem cranii depresso, tentet digitis meninges dilacerare, quando vero meninges ob firmiorem suam texturam digitis dilacerari non possunt, introducat cochlear (§. 24.) parte concava, dentibus instructa ad volam manus versa, in cavitationem cranii, cum hoc enim facile meninges dilacerare & cranium excerebrare poterit; excavato cranio, ejus ossa ad se invicem comprimantur & caput, imminuta ejus magnitudine, una cum corpore extrahatur, extracto corpore infantis, separatio secundinarum simul intendatur, qua peracta, puerpera in lectum puerperii, cortinis, ad arcendum lumen, bene munitum, ponatur; in primis tribus vel quatuor diebus omnes confabulationes interdican- tur; ægrota jusculis carni- um tenuiorum sine pane nutriatur; partes genitales tumefactæ cataplasmatibus res- olventibus & lenientibus tractentur; fluxus lo- chiorum promoveatur. His omnibus bene observatis spe lactari possumus, puerperam sanam e puerperio resurrecturam esse, uti hoc vidi in puerpera 22. annorum ob malam pelvis formationem & dolorum vehementiam convulsionibus correpta, a celeberrimo *D. Dr. Fried.*, Præceptore meo omni observantia colendo, præsentibus suis auditoribus in nosocomio hujus urbis civili, per operationem descriptam ab infante 1739. die 6. Januarii liberata, & intra spatium quinque hebdomadum integra restituta.

## §. XXVII.

Attamen aliquis mihi objiciet, esse de morte infantuli certus necne? Infante enim adhuc vivente, eum operatione trucidas, homicidiumque committis. Antequam ad hanc objectionem respondeam, necessarium erit hanc quæstionem formare: liceat ne ad conservandam matrem caput infantis aperire; caput enim aperiendo, infans vivus adhuc existens necessario trucidatur. Responsio objectionis invenitur in tractatu-titulum gerente *Pratique des accouchemens par Mr. Peu, maitre chirurgien à Paris 1694. p. 364. & 365.* ex quo, responsum Doctorum Facultatis Theologicæ Collegii Navarræ Parisiis huic dissertationi inseram: doctores subsignati prædictum remedium nefas capitale esse censent, cum directè tendat ad fetus animati occisionem, sicque etiam coöperetur innocentis neci, quod intrinsece malum est. Actum in Collegio Navarræ 25. Aprilis 1648.

## §. XXVIII.



## §. XXVIII.

Verum hoc est, & contra omnes leges tam Religionis quam Summorum Imperantium militat, infantem de cujus vita adhuc certa adfunt signa ad salvandam matrem occidere; interim in hoc casu signa de vita infantis tam incerta sunt, capite enim pelvim ingressō, aquisque effluxis, infans a contractione uteri tali modo premitur, ut non amplius se movere queat; & licet se moveret, a matre partim ob dolorum vehementiam, partim ob convulsionum præsentiam non percipitur; introductio manus vero ad funiculum umbilicalem palpandum, a capite in pelvim firmiter pressō in totum impeditur, arteriis enim umbilicalibus in systole & diastole adhuc constitutis, de ejus vita certi esse possumus, sed in hoc casu experiri non licet; alia vero signa valde dubia sunt. Aggreditur itaque obstetricans instrumentis, non infantem de cujus vita certus est, & sicut in jure inculpatae tutelæ permittitur, aggressorem mortem nobis minitantem, nisi depelli aliter possit, e medio tollere, cur non obstetricans infantem tanquam aggressorem matris, non aliter depellendum, de cujus vita insuper incertus est, ad vitam matris salvandam, e medio tollat.

## §. XXIX.

Ad eundem casum (§. 22.) annumerari debet, caput infantis abruptum in utero remanens. Abrumpitur vero caput, quando infans pedibus vel reliquis corpusculi sui partibus prius nascitur, caput vero ob malam pelvis formationem (§. 6.) aut ob ejus nimiam magnitudinem per cavitatem pelvis exire non potest, vel ob mortem infantis in utero jam prægressam, per adhibitam aliqualem vim in extractione a trunco separatur. Ad hanc operationem, irritis omnibus adhibitis lenioribus encheiresis, varia instrumenta ab autoribus describuntur. Nonnulli forcipes in parte interna dentibus ferreis instructos, vel glabros ad caput extrahendum, uti *Puiffeaux*, *Palfin*, alii vero sicuti *Amand* & *Gregoire* fasciculum e filo serico fortiori in forma retis paratum, quinque annulis, in quibus resticula serica, contractionem hujus sacci promovens, instructum, cum instrumento hamo aliquomodo simili & inde *Hameçon* vocato, vid. *Amand Observations sur la pratique des accouchemens à Paris 1714.*; adhuc alii uti *Mauriceau* & *Waldgrave* fasciam cujus longitudo aliquot ulnas, latitudo vero quatuor digitos transversales implet, suadent; tandem *Dionis* hamulos vel orbitæ vel foramini occipitali, vel auribus applicandos commendat.

## §. XXX.

Interim mox enarrata instrumenta minus apta sunt magnitudinem capitis imminuendam, itaque van Horn & alii practici suadent, & quidem melius, apertionem capitis circa fontanellam, mediante cultello vel instrumento *trois-quarts* vocato (§. 24.) eam ob rationem, ut cerebrum ab ossibus cranii pressum exire, eo ipso vero magnitudo capitis imminui possit; digitis faucibus immixtis, pollice reliquæ parti colli applicato, extractio tentanda, si vero ob majorem resistantiam, illa minus procedat, tunc fontanella, apertura ossium cranii, in forma trianguli ferra ampliatur, depressa parte exsecta, in ipsam cavitatem cranii ne uterus lædatur, duobus digitis huic aperturæ immixtis, iterum extractio tentanda, irritis etiam his encheiresibus, hamulus duabus curvaturis instructus, in canthis oculorum majoribus est firmandus, quando vero hamulus in canthis oculorum firmari non posset, major apice obtuso instructus in aperturam cranii immittendus, opposita interim in eodem loco altera manu, ne hamulus perfracto osse, uterum ipsum lædat, cumque eo extractionis periculum faciendum esset. Capite adhuc exitui renitente, forceps a Buisseau inventa & facie interna dentibus ferreis instructa, adhiberi debet, vel plenaria capitis dissectio, cultello tanquam hamulus incurvato, largiorique manubrio instructo, quæ dissectio vero rarius requiritur.

## §. XXXI.

Non solum mala (§. 22.) recensita, sed etiam situs capitis ad marginem ossis ilei vel pubis flebile hoc auxilium expetit. In hoc enim situ infans cum capite pelvim ingredi videtur, & nisi bene tactu distinguatur, obstetricantibus, illud tantum per substantiam globi uteri tangentibus, facile imponit, partum ingressione infantis in pelvim absolutum iri; interim parturiens per duorum vel trium dierum spatium laborat sine fetus exclusione, & quod adhuc magis attendi meretur, primis nonnunquam diebus dolores maxime vigent, ita ut irritis defatigata laboribus, infanti animam inscianter extinguat parturiens; cujus mortis causa imperitiæ obstetricantium adtribuenda est; obstetricantes necessario in hoc casu non cum uno modo digito, sed cum duobus aut tribus per vaginam in cavitatem uteri immixtis digitis situm capitis explorare debent, ut illud leniore digitorum pressione ab ossibus pubis retrahant, quando vero hoc impossibile vel capitis plures quam tres partes supra ossa pubis hærent, versione infans extrahendus, & ita mater cum infante in vita conservare potest. Si autem hic tactus circumspectus ab obstetricantibus negligatur, tum caput retroflexum una cum brachio vel humero tali modo in cavitatem pelvis premitur, ut ad vicam matris conservandam, nullum aliud remedium super-



superfit, quam extractio infantis cum instrumentis, vid. *Devent. l. c. cap. XL. XLVI. XLVII. & van Horn. l. c. Part. II. cap. III. & X.*

## §. XXXII.

Hic §. 22. 29. 31. memoratis annumerari meretur, ille partus ubi infans cum capite quidem in linea recta cavitatem pelvis ingreditur, & usque ad introitum vaginæ pervenit, humeri vero male siti, unus ad ossa pubis, alter vero ad os sacrum plenarium exitum infanti non concedunt, si in tali itaque casu cavitas pelvis magna, caput infantis aliquo modo parvum & manus obstetricantium pusillæ sint, ut introductio earum in vaginam & cavitatem uteri fieri possit, ad extrahendum illud brachium circa os sacrum versum, tum circumactio (*Herumdrehung*) infantis & ejus extractio locum habet, infansque ac parturiens liberantur; cavitatem pelvis vero tam parva, capite autem tam magno existente, ut introductio manus interdicatur, nulla alia via ad conservandam parturientis vitam superest, quam apertio & excerebratio cranii, ossiumque ejus ad se invicem compressio, ut manus in cavitatem uteri immissa, brachium ad os sacrum versum arripere & extrahere possit vid. *van. Horn. l. c. pag. 309. & seqq.*

## §. XXXIII.

Nec minus situs perversus, ubi brachium infantis secundum ejus longitudinem extra vaginam propendet, imperitia obstetricantium pejor adhuc redditur, hoc magis magisque ad se trahendo, pectus cum abdomine firmissime in cavitatem pelvis pelluntur, aditus & introductio manus ad debitam infantis versionem impediuntur, tali modo ut irritis adhibitis omnibus enchiresisibus, introductio manus in cavitatem uteri impossibilis sit; sine hac introductione vero nulla fetus exclusio speranda est, itaque ad salvandam parturientem, plurimi autores suadent abscissionem brachii, uti Paræus, alii vero hanc supervacaneam censent, solummodo brachium linteo obvolvunt, & cum manibus in parte humero proxima brachium arripiunt, illudque rotando & torquendo a corpore separant, separato brachio, pectus vel abdomen cultello, vulgo *trois-quarts* vocato, aperiunt, visceribusque exemptis, corpusculum in duas vel plures partes mediante cultro instar hamuli incurvato dividunt, & partes discissas, aut manibus, aut hamulis extrahunt; interim hæc operatio non semper parturientis vitam conservare valet, uti *van Horn. l. c. pag. 267. & sequent. testatur.*

## §. XXXIV.

Capite vero una cum pedibus vel brachiis pelvim ingrediente, nisi statim ab initio infans vertatur, antequam caput cum his magis magisque in

D d d 2

eam

eam prematur, ita ut introductio manus in totum impediatur, necessario cranium aperiendum & excerebrandum erit, ut infans extrahi queat, quod tamen in principio facillime infantis versione impediri potuisset.

§. X X X V.

Ad partus, ob defigurationem infantis, præternaturales (§. 16.) pertinet hydrocephalus. Est vero hydrocephalus accumulatio humoris seroso-lymphatici in capite; locus ubi hic humor coarcervatur, diversus existit nempe (1) hic humor stagnat inter ossa cranii & integumenta communia (2) inter cranium & meninges, (3) inter meninges & cerebrum. In primo casu ubi humor inter integumenta & cranium stagnat partus adhuc fieri potest, integumenta enim ab humore satis expansa facilius rumpuntur; in duobus ultimis vero casibus hæc ruptura ob resistantiam ossium contingere nequit; igitur cranium mediante instrumento *trois-quarts* vocato aperiendum, ut humor exeat, & magnitudo capitis minuatur; hæc cranii apertura tantummodo requiritur, quando hydrocephalus prius quam reliquæ partes cavitatem pelvis ingreditur; in eo vero casu, ubi pedes infantis pelvim ingrediuntur, infans circa lumbos duabus manibus apprehensus, cum pectore brachiis & capite, uti in partu naturali non semel & simul extrahi poterit, sed uno brachio post alterum extracto, una manu maxilla infantis inferior, altera vero ejus collum in parte posteriore arripit librando quasi, germanice *schvaukend*, ad se trahitur; si verus hydrocephalus aderit, hac encheiresi maxima occipitis pars & tota facies (quia intra ossa faciei & integumenta raro vel nunquam humor ille invenitur) extrahatur; reliqua vero capitis pars hoc modo in lucem edenda: digitis instar hamuli incurvatis, utrique oculi cantho majori immixtis, altera vero manu collum comprehendenti, aliquali vi attamen quasi librando trahendum, ita ut humor intra ossa cranii contentus per suturas cranii exire cogatur, tegumenta acuminentur, & caput ad plenariam extractionem aptum evadat.

§. X X X V I.

Abdomen aquis repletum instrumentis non indiget ut *Dionis Traité général des accouchemens pag. 296.* & *Mauriceau Lib. II. cap. XVIII. pag. 304.* suadent ut abdomen cultro acuminato aperiatur, sed consilium de la *Motte Lib. IV. cap. XI. pag. 609.* mihi melius videtur, quia applicatio instrumentorum in partu p. n. tam diu quam diu fieri potest differri debet. Eum in finem commendat, ut capite jam nato, si reliqua corporis pars exire nequeat, (hoc enim est signum ascitis præsentis diagnosticum) brachia, unum post alterum, non hamulis applicatis, ne frangantur, sed duobus supra humerum ad flexuram cubiti allatis & ad se tractis digitis liberantur, appre-



apprehensis dein utrisque brachiis librando quasi totum corpus ad se trahatur, hac encheiresi vero humores in abdomine stagnantes hinc inde distribuuntur, & fortiori tractione in partem abdominis infimam coacti, eam diffringunt, ut exire possint, magnitudineque abdominis imminuta extractio plenaria facile succedat.

## §. XXXVII.

Monströsa fetus formatio interdum usum instrumentorum requirit, uti hoc *Mauriceau Traité des maladies des femmes grosses* pag. 368. indicat, & jam laudatus in arte obstetricali celeberrimus Magister D. Dr. *Fried.* propria sua praxi in fetu monströso expertus est. Attamen in hoc casu instrumenta non semper necessaria sunt, uti hoc testatur exemplum partus fetus bicipitis ad pectora conati, vid. D. *Alberti Haller Descriptio fetus bicipitis ad pectora conati Hanoveræ 1739. ut § differt. phys. medic. Forens. inaug. de fetu monströso duplici, Marburgi Cattorum, respondente C. J. Wolfart.*

## §. XXXVIII.

Membranæ fetus (§. 12.) nimis densæ interdum etiam instrumento aperiundæ sunt, præsertim in illo casu, in quo placenta non in fundo uteri sed ad ejus orificium internum adnata est, in tali enim casu imminente partu, dilatatione orificii uteri vasa orificio adnata divelluntur, aperiuntur, hæmorrhagiæ supervenientes, nisi debita extractione fetus impediatur, matrem & infantem jugulant. Ne autem hoc fiat, obstetricans tactu digitorum locum in quo placenta minus adhæret, quærat, eo invento manum suam in cavitatem introducat, & cum unguibus membranas dilacerare tentet; interim quia decoro obstetricantium contrariatur, in suis digitis ungues, ungulis aquilæ similes perferre, unguibus abscissis membranæ præsertim doloribus expansæ, interdum rumpi nequeunt; ad hunc igitur finem acus vaginæ inclusa ab Honoratiss. meo præceptore D. Dr. *Friedio*, inventa est, quo cum facillime membranæ rumpuntur, ut infans debita versione extrahi queat.

## XXXIX.

Antequam huic dissertationi finem imponam, nonnulla adhuc dicenda erunt de sectione cæsarea. Sectio cæsarea est illa operatio chirurgica, qua mediante abdominis musculi & uterus incisione usque ad ejus cavitatem penetrante, aperiuntur, ad extractionem fetus, nulla alia via possibilem peragendam. Unica modo ex causis partum p. n. formantibus, (§. 16.) nempe mala constitutio ossis sacri & pubis, aperturam pelvis superiorem tali modo angustans, ita ut introductio manus obstetricantis penitus impediatur, hanc operationem in vivis requirit. Autores valde dissentiunt an hæc operatio absolute lethalis sit nec ne? *Mauriceau & Guillemeau* eam absolute lethalem

lem ob majus uteri vulnus censent, vid. *Mauric. l. c. pag. 353. la Motte* autem *l. c. pag. 622. & seqq.* contrarium duobus exemplis probat, & lethali-  
tatem absolutam hujus operationis ex vulneratione uteri refutat. Nec mi-  
nus ille casus sclopeto armentario vulneratæ abunde testatur, vulneratio-  
nem uteri non absolute lethalem existere. Vid. *dissert. de utero gravido una*  
*cum fetu vulnerato* Argentorat. 1735. autore Reichardo habita, in qua varii  
casus allegantur.

## §. X L.

Ad hanc operationem peragendam in fœmina adhuc viva incisio cruciata  
fundum uteri simul penetrans, ad longitudinem quinque vel sex pollicum,  
cultello, Gallice *Bistouri* vocato, & non cum novacula; (uti nonnulli no-  
men chirurgorum præ se ferentes tentare ausi sunt) ad latus lineæ albæ fiat;  
peracta incisione infans cum secundinis extrahatur, vulnus abdominis vero  
futura intercisa; Gallice *l'entre coupée*, consolidetur, adhibitis debitis reme-  
diis, injectionibusque; uterus vero contractione labia sua separata ad se in-  
vicem premit, & sic consolidationem promovet. In mortuis autem abdomen  
una cum utero sectione sufficientis magnitudinis aperitur, infanteque ex-  
tracto, futura iterum clauditur.

## §. X L I.

Negari interim nequit omnes has operationes, illas si excipias a mala for-  
matione plevi & fetus provenientes (§. 16.), versione infantis debito tem-  
pore instituta evitari posse. Obstetricantibus igitur interest omnibus viribus  
anniti percepto infantuli situ perverso, eum jam memorata versione e peri-  
culo liberare, quod alias non solum infanti matrique, sed simul obstetricanti  
imminet; applicatio enim instrumentorum nisi summa cum circumspectione  
adhibeatur, multa & dira mala secum ducit, & instrumenta in imprudentis  
manu, sunt uti gladius in manu furibundi. Creator vero benignissimus, om-  
nibus parturientibus præsertim his enarratis casibus laborantibus, calamita-  
tum suarum felicem concedat

## F I N E M.



L X X I X.

DISSERTATIO  
MEDICO-CHIRURGICA,  
DE  
NON DIFFERENDA  
SECUNDINARUM ADHÆRENTIUM  
EXTRACTIONE

*Quam Præside*

D. D. JO. CASPARO KUCHLERO.

*Tuebatur*

JO. VALENTIN. HARTTRAMFFT,

L I P S I E N S I S.

Lipsiæ 23 Decembris anno 1735.

THE  
CITY OF NEW YORK  
OFFICE OF THE COMMISSIONER OF  
THE LAND OFFICE

IN SENATE  
JANUARY 18, 1890

REPORT  
OF THE COMMISSIONER OF THE  
LAND OFFICE

FOR THE YEAR  
1889



## §. I.

*Instituti ratio.*

**I**N portu naufragia fieri, & summum quandoque rerum discrimen incurre-  
re in ipso operis fine eos, qui rem peractam autumant, ubi coronis impo-  
sita nondum fuit, quotidiana experientia loquitur. Cum primis id fati genus  
experiuntur, qui curam uteri hominisque nascentis suscipiunt, obstetrican-  
tes medici, utpote qui, fetu in lucem edito, propitia etiam Lucina, probe  
norunt, totius partus negotium absolutum tunc nondum esse, quin potius  
non levem oboriri difficultatem, resistentibus secundinis, persentiscunt,  
quo ipso verum esse cognoscunt Philosophi effatum:

*Αἱ δευτεραί πως φροντίδες σοφωτέραι.*

*Secunda meditationes sapientiores* [a]. Idem & ego sensi, ex quo difficil-  
limum artis obstetriciæ campum ingressus sum, magnamque semper habui  
habeboque magistris meis, imprimis vero Argentoratenſi, gratiam, qui me  
attentum fecerunt ad ea, quæ, edito partu, cum matre, maxime quod se-  
cundinas attinet, fieri adſueverunt. Majori rerum usu, cum practicam vi-  
tam agerem, edoctus sum, cum omnia tranquilla esse putarentur, gratula-  
tiones de felici enixu matrum haud raro in lamentationes verſas fuiſſe, ob  
ſupervenientia, remanentibus secundinis, gravia & lethalia quandoque  
ſymptomata. Hanc difficultatem ſine dubio antiqui noverant, quibus felix  
ſecundinarum extractio tanti momenti viſa eſt, ut Deam partus poſterioris  
præſidem conderent, Genetam appellatam, prout autor eſt *Plutarchus* [b]:

*Δαίμων ἐστὶ ἡ γενεῖτα περὶ τὰς γενέσεις καὶ τὰς λοχείας τῶν φθαρτῶν.*

Nec ultimo inter Deas partuum, Hecaten, Genethyllin, Proſam, Poſt-  
verſam, Lucinam, Junonem aliasque loco habitam [c]. Quapropter non  
tantum obſetrices meæ inſtructioni traditas de rei iſtius dignitate deque ma-  
niſeſto vitæ matris periculo monui, ſed & me adeo exercitatum in arte nun-  
quam credidi, ut non novas ſubinde ediſcendi occaſiones ex hoc capite ha-  
buerim. Maxime vero haud ſemel edoctus fui, ſecundinas fortius, quam  
ſieri ſolet, adhærentes majorem operam & laboris diuturnitatem feciſſe,  
quam difficilioreſ quidam ſicuum embryonis pravorum caſus. Obſervatio-  
num, quas hocce in negotio inſtitui, nobilitas me induxit, ut hanc mate-  
riam publice pertractandam ſuſciperem. Equidem magnifice de me nunquam  
ſentio facileque perſpicio, quemcunque alium elegantius ſpeculari, dicere  
& commentari de hac materia poſſe, non inutilia tamen aut incongrua  
prorſus me allaturum, confido, memor regulæ, quam apud exercitatum  
in

[a] *Eurip.* Hippol. cor, v. 436. ex edit. Barnesii Cantabrig. 1694. fol. p. 233.

[b] *Plutarchus* in quæſtion. roman oper. T. 2. edit. Wechel. 1620. fol. p. 277.

[c] Conf. *Thomam Bartholinum* antiquitatum veteris puerperii ſynopſi. Amſtelædam.  
1676. 12.

in arte mea Celeberr. *Peu* [d] invenio : *Autorem*, qui de re obstetricia scribere suscipit, ex propria experientia loqui decet nec secundum auctorum opiniones.

## §. I I.

*Ordo tractandorum.*

Sponte adeoque ex prædictis innotescere arbitror, specialius esse istud, quod pertractandum suscepi rei obstetriciæ momentum, nec considerationem istam eandem cum retentionis secundinarum declaratione futuram, quandoquidem perinde non est, utrum retineantur, an vero fortiter adhæreant secundinæ. Probe novi de retentione secundinarum jam ante me actum esse a plurimis [e], verum me non latet, vulgatiores plerumque retentionum secundinarum causas allegari, prout sunt, clausura orificii uteri interni a neglecta ejus cura, funiculus umbilicalis in uterum relabens, quod ne fieret, ridiculam habent nonnulli chordæ cruri parturientis alligandæ consuetudinem [f]. Legimus hinc inde de enormi placentarum magnitudine, aut contingente inter duas quandoque in gemellis coalitu; plura dicuntur de remanente secundinarum particula vel membranarum portione, deque ancipiti rerum statu, in quo tunc puerperæ versantur. De prudenti manuum opera, tot tantaque jam prostant in obstetriciæ artis libris, ut, quamvis etiam de hoc negotio quædam nova afferri possint, parum tamen mihi addendum videatur. Verum quilibet mecum sentiet, illam retentionis speciem, quæ adhæsiō dicitur, curatori paulo indagine dignam esse, utpote de qua plurimi omnino nihil, pauciores parum & insufficienter scripserunt. Credideram Cl. *Deventerium* [g], quem cæteroquin inter obstetricantes medicos principem facile arbitror, & quem minutiarum etiam studiosum fere semper deprehendas, lumen mihi accensurum fuisse, verum obscurius & vix tribus verbis adhæsiōnem secundinarum attigisse eundem comperi, reliquos omnes simplici retentionis titulo hancce dignam peculiari recensione

cir-

[d] Quand un Auteur écrit des accouchemens, il en doit parler par raport à sa propre expérience, & non pas selon les opinions d'Auteurs &c. La pratique des Accouchemens par M. *Peu* Paris. 1694. 8. lib. I. §. 20. p. 211.

[e] Catalogum Auctorum qui de retentis secundinis earumdemque noxis egerunt recenset, *Matth. Moronus*. Directorium med. pract. Francof. ad Mœnum 1663. 4. p. 407. Celebriores dissertationes de eadem materia, quantum earum videre mihi hætenus licuit, sunt. Dissertatio ægram retentione secundinarum laborantem sistens, præside Jo. *Hadrian. Slevogt.* resp. *Christ. Ernest. Seyffartho*, Jen. 1704. De secundinarum post partum excernendarum retentione *Martinus Hurte* Altorff 1672.

[f] Mos ille fuit antiquorum, prout videndum ex *Albucafi* de affect. mulier. c. 78. apud *Israel Spachium Gynæciorum* lib. Argentin. 1597. fol. p. 447. *Avicenna* lib. 3. fen. 21. tract. 2. c. 16. Basil. 1556. fol. p. 720.

[g] *Henric. a Deventer* novum lumen obstetric. Lugd. Batav. 1725. 4. p. I. p. 129 130.



circumstantiam allegasse novi. Oppido raram hanc appellat *Siegemundin* [b] ac plerumque lethalem, & si post alios de meo quidpiam addere licet, re- tentas secundinas plures, adhærentes pauciores habui. Usus sum recepto termino adhæſionis, quo firmitatem & nexum placentæ uterique inter se de- notare autores solent, prout apud *Harvæum* [i] invenitur adhæſionis & connascentiæ notio synonymice usurpata, sensu tamen prorsus physiologico. Hoc est illud stadium, in quo decurrere decrevi, & sicut theoriæ praxeosque inseparabilis debet esse nexus, ita duo agenda mihi videntur capita, alte- rum varios adhærentis secundinæ modos, alterum cautelas practicas ratio- nali methodo superstructas comprehendet. Unicus mihi erit scopus & prima- ria intentio, a qua pio prudentique medico recedendum nunquam esse arbi- tror, unica quam semper mihi præfixam habui meta, regia via unica & una omni exceptione major regula: *Non differenda est, quam fortiter etiam ad- hæreant, secundinarum extractio, nihilque in ambigua isthac re vel expectatio- ni medicæ, vel spontaneo naturæ operi, vel casui fortuito tribuendum.*

## §. III.

*Adhæſionis secundinarum definitio.*

Priusquam autem ad uberiores rei declarationem perveniamus, forman- da erit totius tractationis brevis & succincta explicatio. Definiamus scilicet adhæſionem, & si quid in onomatologia monendum est, addamus. Adhæſio secundinarum nobis est status præternaturalis placentæ uterinæ, & quando- que membranæ chorion, quo vel una, vel altera, vel utraque simul cavitati uterinæ arctius necitur, & ob varias causas proximas æque ac procatacticas ab eadem nec sponte, nec leviori obstetricantium conatu abscedit, varia habens vel concomitantia plus minusve gravia symptomata, vel proxime sub- sequentia mala, quæ matrem, edito fetu, affligunt. Vi exhibitæ hujus de- finitionis, quæ paulo post dicenda sunt in compendium quidem colligere tentavimus, per se autem innotescit, de adhæſione secundinarum, antequam in lucem editus embryo fuerit, cogitandum non esse, multo minus de ea- rum solutione instituenda. Datur casus hærentis ante orificium uteri inter- num secundinæ, quæ partum ipsum, quo minus fieri possit, impedit, hoc- que ipso videtur stabilita esse oborta quandoque necessitas secundinarum an- te partum in statu adhæſionis observandarum; Scilicet quotiescumque, prout certus & determinatus sedis secundinarum in utero locus nullus est, ovulum maternum sese juxta ipsum uteri orificium internum [k] aggluti-

E e e 2

nat,

[b] *Justin. Siegemundin Brandenb. Hof-Webe-Mutter*, Berlin 1723. 4to. p. 257.[i] *Guilielmi Harvæi exercitat. de generatione animalium*, Lond. 1651. 4to. p. 284.[k] Deprehensa fuere ovulorum simulacra circa cervicem uteri ad mentem D. *Martin Naboth* dissert. de sterilitate, Lips. 1707. §. 13. seq. quæ si ovula vera essent, difficilis quæf.

nat, toties, subsequente ejus incremento viam partus præcludit, imo nullam aperturam, qua vel embryo explorari, vel ejus exitus adjuvari possit, relinquit: qui rerum status eo periculosior mihi semper visus est, quo imponere magis imperitioribus solet, qui eo tempore nesciunt, an membranas aqua turgidas, an partem quamcumque aliam fetus obviam habeant; verum sicut in hoc phænomeno rariori secundinæ naturaliter plerumque adhærent, hinc extracto embryone, ubi vel per mediam placentam terebrando, vel a latere deglubendo via [1] facta fuit, sponte secedunt; ita statum & conditionem secundinarum plane coalitarum, de quibus nobis est sermo, nec tangit, nec subvertit adductus casus. Quodsi cuidam videatur allatus in prædicta definitione terminus adhæisionis æquivocus esse, utpote, qui de naturali placentæ cum utero unione ad partus terminum usque subsistente prædicari non minus soleat, illi præter usum vocis auctoribus, qui de hoc negotio aliquam mentionem fecerunt solemnem, nihil regerere audemus, probe persuasi, notiones quasdam alias, quæ statum immobilitatis inferunt, cohæisionis scilicet, radicationis, coalitus, systomoseos, συνηΐσεως, διαπηδήσεως, quæ voces Boerhavio solemnes [m] sunt, non levio-rem signifi- candi valorem habituros. Verum usus vocum tyrannus in rebus maxime practicis sicut alibi, ita & hic non levem sibi auctoritatem arrogavit.

## §. I V.

*Adhæisionis secundinarum differentia.*

Sicut autem in definitione causam formalem adhæisionis collocavimus in immobilitate earundem ex sede sua, quam occupant; ita non leves dantur differentiæ, quæ morbosam hancce unionem describunt, quas allegandas eam ob rationem duximus, quandoquidem & causarum cognitio & indicationes, quibus ad agendum destinamur, luculenter exinde proveniunt. Prima diversitas, quæ ad praxin ipsam haud mediocriter spectat, desumpta est a termino partus, neque enim saltem maturi fetus placenta in utero moram

nec-

quæstio non foret, qua fiat ut placenta, quæ ovuli pars est, orificio interno uteri accreta deprehendatur. Verum sicut ista sententia suos patronos non invenit, Conf. Mich. Ernest. Ettmulleri epistolam problem. ad Fred. Ruyfchium de ovario novo Amstelædam. 1715. 4to. sic descensum ovuli per tubas fallopianas malumus ad mentem recentiorum definire, ejusdemque arbitrariam adhæisionem deducere ex motu quodam fibrarum motricium sive muscutorum uteri juxta mentem Cl. Herm. Boerhavii instit. med. Lugd. Batav. 1727. 12. §. 675. Hoc de negotio plura legi possunt in dissertatione de partu præternaturali ob situm placentæ super orificium internum uteri Autore Jo. Dan. Erhard. Brunnero, Argentorat. 1730.

[1] Exempla secundinarum orificium uteri internum ex parte tegentium. Vid. apud Pierre Amand nouvelles observations sur la pratique des Accouchemens. Paris 1715. 8vo. obs. 20. p. 119. itidemque Traité complet des Accouchemens par de la Motte, Paris 1722. 4to lib. 3. c. 16. obs. 233. p. 408.

[m] Instit. med. §. 721. 723.



nectit, sed & qui ante terminum abortivi sunt, secundinas suas adhærentes post se relinquunt, nec leve exinde negotium obstetricanti faceffitur. Et quamvis secundinæ abortivorum fetuum videantur suo jure uti, quando, utpote immaturæ, locum derelinquere detrectant, nihilominus eo majoris momenti res est, quod secundinæ istiusmodi parvum volumen efformantes, facilius & cum majore puerperarum detrimento a contrahente sese utero retineantur. Leges sane, quæ obstetrices obstringunt, imperant, ne secundinæ abortuum temere relinquuntur. Contradicentem habemus exercitatissimum *Dionis* [n] qui periculum subesse, si adhærentes uti solent tenacius, ob immaturitatem secundinæ abortivæ remaneant, quandoquidem fieri posse existimat, ut duorum vel trium mensium fetus placenta, salva matre non compareat, nec ullum ejus vestigium paulo post deprehendatur. Nolo tanti viri auctoritati, quæ in contrarium observata sunt, opponere, sufficet relegasse lectorem ad ea, quæ habentur in eruditissimo, qui superiori anno in Anglia prodiit, libello, artis obstetriciæ compendium exhibente *Clar. Edmund Chapman* [o], qui secundinarum istiusmodi remanentium impunitatem in dubium vocavit, adjectis sententiæ suæ argumentis. Antiquius hoc effato est *Clar. de la Motte* de hac materia judicium, qui periculosiores adhæssiones secundinarum in illis, quæ uno saltem alterove mense gravidæ sunt, exemplo declarat [p]. Equidem incruentos prodiisse abortus quospiam, manifesto indicio secundinas earundem non fuisse separatas, novimus, monente *Paulo Portolio* [q]. Verum sicut exempla non probant sed illustrant, ita dubium non est, parvas secundinas pro mensura mediocris cavitatis uterinæ mediocria equidem, sed tamen non omnino nulla symptomata producturas, quin imo consuetas puerperarum abortientium affectiones, lipothymias, hæmorrhagias, convulsiones aliasque, non minus in unius aliquotve mensium embryonis retenta secundina, quam si adultior fuisset, comparituras. Illa saltem ratione praxeos utrinque intercedit diversitas, quod grandioris fetus adhærens secundina manum facilius admittat pro suscipienda separatione, quam si pusillus fuerit. Alia non minoris momenti differentia, adhæssionibus placentæ intercedens, est, quæ numerum placentarum concernit. Extra dubium enim positum est, plus negotii faceffere adnascentes gemellorum placentas, quam, si simplex quæpiam in hoc violentiæ statu versetur. Difficultatem in eo positam deprehendunt practici, quod majus in uteri cavitate spatium utraque gemellorum secundina prope se invicem collocata adimpleat; quinimo beneficio naturæ factum esse intelligimus, quod lege quasi naturali placentæ istiusmodi tenacius sedi suæ affixæ deprehendantur, ne scilicet, interea, dum partu alterius occupata

E e e 3

est

[n] *Traité general des Accouchemens* par *Dionis*, Paris 1718. 8vo liv. 3. c. 6. p. 226.

[o] *An essay on the Improvement of Midwifery* by *Edmund Chapman*, Lond. 1733. p. 43.

[p] L. c. lib. 5. observ. 383. p. 734. 735.

[q] *La pratique des Accouchemens* par *Paul Portal*. Paris. 1685. 8vo p. 18.

est obstetricantis manus, alterius subsecuturi fetus placenta facile discedens, per se laboriosum nixus officium, matri, embryoni & administranti tædiosum & periculofum efficiat. Licebit ea, quæ anatomiam istius momenti spectant, brevibus addere. Equidem haud unicam raro gemellis placentam contigisse *Thomas Bartholinus* [r] autor est, itidemque *Thomas Warthonus* [s]. Trimellorum unam placentam tresque distinctos membranis loculos refert *Riedlinus* [t]. Media incedunt via, qui autopsia ubertim declarante gemellorum placentam duplicem equidem, si ortum funiculi umbilicalis respicias, habent, lineam tamen intervenientem, qua utraque sese mutuo tangit, haud raro id efficere, ut pro una agnosci possit, asserunt, si forte, prout apud *Portaliun* [u] extat, inter se coalitæ deprehendantur, vel si, prout *Needhamius* [x] exponit, placentarum vasa in sese alternatim mutuo inferantur. Utroque in casu, quem tamen inter rariores esse arbitror, separationem placentarum difficilem fore facile judicandum. Advertendus etiam est animus ad varios immobilitatis gradus, qua secundinæ sedem suam tenacius servant, quandoquidem ipsa obstetricantis manus in eo haud leve artificium collocatum esse persentiscit, si resistentes placentas, prout hunc vel illum quietis suæ gradum servaverint, ingeniose, durius molliusve, prout res postulaverit, tractet. Intime connatas secundinas, nam connascentiæ termino jam usum fuisse *Harvæum* [y] intelligo, equidem in praxi nunquam habui, magnæque felicitatis loco reputabo, si nunquam habuero, id tamen salva aliorum in artē magis exercitatorum sententia, salvisque, quarum possibilitas neganda non est, observationum auctoritatibus, pro certo æstimo, prava obstetricum encheiresi, neglecto & pessumdato tempore, quo attingendæ erant secundinæ, præcipitantia etiam & ignorantia earumdem, fieri, quod coalitæ quæpiam cum uteri fundo secundinæ, cum non sint, perhibeantur. Reliqui gradus firmitatis tactu potius explorari quam intelligi poterunt.

## §. V.

*De relatione mutua superficierum placentæ & cavitatis uteri.*

Dictum jam fuit alibi, formalitatem adhæisionis placentæ consistere in superficierum duarum, quæ sese sine interveniente spatio tangunt, combinatione. Jam cum obstetricantem deceat sollicitum esse integritatis partium quarum curam suscepit conservandæ, merito suboritur quæstio: quales sint  
istius

[r] *Thom. Bartholini anatome*, Lugd. 1677. 8vo lib. I. c. 36. p. 304.[s] *Thom. Whartonus adenographia*. Lond. 1636. 8vo c. 35. p. 237.[t] *Viti Riedlini linæ medicæ anni 1695. mensis Decembris observ.* 17. August. Vindelicor. 8vo.

[u] L. c. observ. 65. p. 280.

[x] *Disquisitio anatomica de formato fetu a Gualtero Needham*, Lond. 1667. 8vo. p. 34.

[y] L. c. p. 284.



istius in uterina cavitate loci, cui placenta adhæret, affectiones, quaque ratione concava ejus superficies possit convexum placentæ hemisphærium ita suscipere, ut non tantum durante gestationis tempore nexus utriusque persistat, sed & aliquo post partum spatio continuetur, & quid demum sit istud, quo vel uteri ipsius sese contrahentis & remotionem secundinarum tentantis, vel adjuvantis manus officium eluditur. Res clara est, modus suis difficultatibus laborat. Qui negotium desumptis ex mechanica terminis declarare suscipiunt, firmitatem secundinæ fortius adhærentis illustrare fatagunt ex doctrina hemisphæriorum planorum sibi apte incumbentium, vel concavi aut convexi [z] se proxime attingentis, cui sententiæ non leve robur addere videtur, rara omnino sed & veritati consentanea observatio: fortissimum eo tempore placentæ & cavitatis uterinæ nexum esse, quando funiculus umbilicalis in centrica placentæ parte est collocatus, id quod præceptor omni pietate devenerandus *Schacherus* in dissertatione [a] de placentæ uteri morbis, ubertim declaravit. Sicut enim verticaliter distracta hemisphæria nullo robore a se invicem secedunt, sic, nisi obliquitatem quampiam in situ suo servaverit funiculus umbilicalis, removeri placide secundina vix ac ne vix quidem poterit. Nulla superesset dubitandi ratio negotium prædicto modo declarari posse, dummodo plana vel convexitatis placentæ vel concavitatis uterinæ esset conformatio. Equidem probe novi, observationibus auctorum satis superque id confirmantibus [b], haud raro fundum uteri, si ex diametro in aversam partem trahatur placenta, everti, ejusque partem vel integrum etiam orificiæ interni æque ac externi limites egredi, id quod prædictam de planis huc adplicandam doctrinam stabilire videtur; verum, sicut a legibus motuum & circuli humorum recedendum temere non est physiologo æque ac practico in declarandis morborum ætiologiis, sic constanter assero, nudam appositionem cum exclusionem spatii ex doctrina de vacuo non sufficere, quo appareat modus adhærentium secundinarum. Clarius id futurum arbitror, si meditari quæpiam de figura, quam placenta & uteri cavitas invicem servant, voluerimus. Uterus, sicut in statu vacuitatis suæ interiorē superficiem rugis lineisque asperioribus distinctam imprimis in cervice habet [c], ita, si plenus fuerit, de hac interiorē sui asperitate non tantum nihil dimittit, sed auctiorem potius obtinet inæqualitatem, eousque, ut tuberculis obsitus undique deprehendatur intus, cujus uteri conditionis rationem exhibet elegante adposito Icone *Abrah. Vaterus* de utero

ro

[z] *Frederici Ruyschii adversariorum anatomico-medico chirurgicarum* dec. 2. Amstel. 1720. 4. p. 30.

[a] D. *Gottlieb Polycarpus Schacherus* de placentæ uterinæ morbis resp. Dn. *Christian. Jacob. Seylero*, practico apud Lipsienses felicissimo patrono magnopere colendo, Lipsi. 1709. 4. §. 7.

[b] *Pierre Amand.* l. c. obs. 40. p. 160. *Dionis* l. c. p. 221. 222. alique passim practici.

[c] *Regner. de Graaf* oper. omn. Amstel. 8vo c. 8. p. 186.

ro gravido dissertatione [d]. Huic inæqualitati suis eminentiis ex diametro opponitur iisdemque sese apposite insinuat placentæ convexitas, cujus segmenta lineis interdistingta membranaceis majoribus æque ac minoribus tuberculis aspera efficiuntur, mutuaque susceptione cum uteri parietibus conjunguntur, qui nexus mutuae immersionis pro phænomeno adhærentium præter naturam secundinarum declarando ex parte sufficit. Quodsi istius placentæ convexitas irregularem indepta sit figuram, qualium plures adducuntur a *Peu* [e], fieri sane aliter non poterit, quam ut major justo firmitas secundinis adhærentibus concilietur. Spectant huc suo modo informes quæpiam placentarum figuræ, quas *suigers* seu *suctrices* appellant Belgæ, de quibus *Kerkringius* eleganter commentatus est [f], quarumque deformitas molarum nomen iisdem conciliavit. Harum funesta adhæsiō & monstruosum in utero incrementum feminas plerumque in vitæ discrimen adduxit. Equidem mitior videri poterat nec insuperabilis iste adhærendi modus, verum non levioris difficultatis rem esse separationem ejusmodi utero immersarum secundinarum, praxis declarat.

## §. VI.

*De membranacea secundinarum cum parietibus uteri adhæsiōne.*

Major secundinis in sede sua firmitas majorque renisus conciliatur ex eandem cum uteri parietibus synhymenosi, quotiescumque scilicet, quæ extrema est tunicarum, chorion, eo in loco, ubi ex peripheria placentæ circuli in modum enascitur, substantiam etiam uteri simul attingit, eandemque secum conjunctissimam efficit, cujus rei ratio ex mente eorum, qui secundinas pro ovuli materni crusta agnoscunt, reddi potest, ob peculiarem chorii structuram, cujus productum est placenta docente *Graafio* [g]. Rei veritatem uberius confirmat *Harvæus* [h] qui aliquot post conceptum diebus chorion sine placenta subsistere, adeoque liberum in utero fluctuari asserit, prout in suis, equis, aliisque quibusdam, teste præmemorato auctore, per totum gestationis tempus contingere assuevit. Fieri adeoque potest, ut eadem, qua placenta, lege, chorion radículas nonnullas in uteri substantiam spargat, iisdemque firma teneatur, prout id ipsum inter causas adhærentis placentæ allegavit *Drelincurtius* & *Palsyn* [i]. Modum vero istius unio-

[d] Wittebergæ, 1725, 4.

[e] L. c. lib. I. c. 4. p. 36.

[f] *Theod. Kerkringii* spicilegium anatomicum ext. c. op. omn. anatom. Lugd. Batav. 1717. 4to. observ. 38. p. 81.

[g] L. c. c. XV. p. 282.

[h] L. c. p. 285.

[i] *Jo. Drelincurtius* de tunica chorion animadv. ext. in *Jo. Jac. Mangeti* theatr. anat. I. II. p. II. c. 3. p. 89. Genev. 1717. fol. *Jean Palsyn* anatomie du corps humain, Paris. 1726. p. I. p. 197. *Paul. Portal.* l. c. obs. 76. p. 329. Prælaudatus Dn. D. *Schæcherus* in dissert. de placenta uterina morbis, hoc phænomenon propria experientia confirmavit. §. 8. p. 14.



unionis a villis tenuissimis ex chorion oriundis definit *Amos Lambrecht* [k] cujus rei eo major fides esse debet, quandoquidem totius placentæ convexitas villosa uteri substantiam subeunte lamella, quæ chorii propago est, secundum *Ruyschium* [l] obducitur. Si recte intelligo, quo de la *Motte* usus est agglutinationis terminum *l'arriere faix étoit comme collé avec la matrice* [m] nobiscum sentire videtur. Status enim secundinæ illius, quam allegato in casu fortiter adhærentem extraxit, talis fuit conditio, ut incertus hæret ob uniformem cum utero coalitum, quo in loco separationis initium faciendum esset. Manifestas radicum membranacearum insertiones, deprehendi, quæ ex substantia uterina extractæ esse inter separationis administrationem videbantur. Inde haud raro fieri solet, observante *Petro Amand* [n], ut, integra etiam prædeunte placenta, membrana chorion in utero relinquatur, quas membranas adhærentes & superstites periculosiores esse, ipsâ placenta in utero relicta, declarat, addita ratione, quandoquidem putredine solida membranarum substantia, resolvi non possit. Suffraganeum habet hujus suæ sententiæ *Peu*, qui non tantum hunc adhærendi modum eleganter describit [o] asserens: *membranas immerfas & quasi agglutinatas fundo matricis & a plicis quibusdam vel angulis ejusdem retentas vasorum orificia claudere*, sed & oriunda exin symptomata, convulsiones [p] & alia mala, apposite describit, quapropter non leviolem difficultatem infert portio membranæ relicta, quam si placentæ fragmentum remanserit. Animadversione quoque dignum est, relictas ejusmodi in utero membranas naturali majus volumen indipisci, & sanguine congruato repleti, pugnique magnitudinem æquare, imo sæpius superare, quo ipso fit, ut novis interdum conatibus pro peregrinis istis corporibus educendis opus sit, cum manifesta virium in puerpera prostratione.

## §. V. I. I.

*De adhesionē secundinarum per inosculationem vasorum.*

Inter causas formales adhæisionis secundinarum, quibus nexum earundem cum utero declarare susceperunt autores, non ultimum locum occupat vasorum uteri æque ac secundinarum firmior inosculation, qua diutius quam par est subsistente, secundinæ spontaneo motu dehiscere non possunt. Cl. *Ruyschius* [q] contra antiquorum æque ac modernorum & ipsius autopsiæ fidem inosculationem vasorum mutuam prorsus negat, non novam hoc ipso pro-

[k] *Amos Lambrechts* manu ductio obstetricantium. Amsterdam, 1731. 8vo p. 45.[l] *Thésaur. anatom.* V. No. 41.[m] *L. c.* lib. v. c. 2. observ. 386. p. 739.[n] *L. c.* p. 38.[o] *L. c.* liv. 2. c. 15. p. 504.[p] *Ibid.* p. 499.[q] *Thésaurus anatomic.* 2. aff. 4. No. 12. seqq. p. 55.

proponens sententiam, sed quam ante eum *Hieronimus Fabricius* ab Aquapendente [r] asseruerat, qui continuitatem equidem horum vasorum non admittit, contiguitatem vero, sive appositionem lubens concedit, quo ipso eundem nobiscum consentientem habemus, utpote, quibus pro demonstrando vasorum nexu, ut exinde firmitas & cohæsiō præmemorata subsequatur, perinde erit, an continua sit uterina in secundinam usque arteria, an vero ab ejusdem termino novum quodpiam vasorum genus exoritur, quod cellulosum esse ex secta per medium uteri substantia videri potest; negari tamen nequit, oscula, quæ sub interiore uteri membrana oblique hiant [s] cum principiis venularum umbilicalium per secundinam dispersarum conjunctissima esse, id quod suo jam tempore *Hippocrates* agnovit, osculorum in matricem dehiscientium, mentionem faciens [t]. In vitulis hanc inosculationem eleganter descripsit *Nicolaus Hobokenius* [u]. Varia instituta experimenta in hujus rei gratiam negotium uberius declaraverunt. Injections variis liquoribus factæ clarum reddiderunt sanguinis per vasa uterina ad placentas transitum, quo ipso corrumpitur proposita a *Graafio* sententia [x]: *nulla ab utero vasa placentas recipere, nec sanguinem, ast lacteum quemdam humorem esse, qui ab utero ad fetum deferitur*, quamvis ille variis in brutorum utero factis observationibus ad mentem *Harvæi* robur opinioni suæ addere conatus sit. In homine sane res aliter sese habere potest, quin imo recentiorum in brutis factæ demonstraverunt injectiones, vere ad placentulas pertingere uteri vasa, inter quos est *Drackius* [y], *Cowperus* [z], *Vieuassens* apud *Mangettum* [a] omnium recentissime *Alexander Monro* [b], qui omnes mercurium per uterum in placentam transiisse animadverterunt. Tinctum liquorem eadem via transiisse deprehendit *Joann. Hyacinth. Vogli* [c]. Retrogradum etiam liquoris per arteriam umbilicalem injecti ex placenta ad uterum motum demonstravit *Cowperus* [d]. Ipsa experientia practica non leviora nobis argumenta suppeditat, quibus ad veram mutui istius nexus cognitionem deveniri potest. Observatum est post hæmorrhagiam matris vasa embryonis vacua fuisse [e]. Sicut adeoque contigua uterina æque ac se-

[r] *Hieronimi Fabricii* ab Aquapendente oper. omn. Lips. 1687. fol. de formato fetu, P. 2. c. 3. p. 87.

[s] Conf. Cl. *Abraham Vateri* dissert. de utero gravido, cum primis figuram.

[t] Aphorism. sect. v. aph. 45. edit. Linden. T. I. p. 94.

[u] *Secundinæ vitulinæ anatomia*, Ultraï. 1672. 8vo p. 255.

[x] L. c. c. 15. p. 296.

[y] *James Dracke* anthropologia edit. 3. Lond. 1727. 8vo vol. 2. c. 7. p. 234.

[z] *William Cowper* the anatome of Humane Bodies, Oxford. 1698. fol. tab. 54.

[a] *Raymundi Vieuassens* novum vasorum systema, Amstel. 1705. p. 25. seqq.

[b] *Medical Essays and observations* revised and published by a society in Edinburg. Edinb. 1734. 8vo vol. 2. p. 139.

[c] *Anthropogenia* Bonon. 1718. 4to p. 2. p. 162.

[d] Loc. supr. allegat.

[e] *M. Mery* dans l'histoire de l'Academie Royale des Sciences, 1708. p. 45.



secundinarum vasa lege naturæ, quam declarare prolixum nimis foret, ubi ad maturitatem devenerit embryo, sua sponte a se invicem secedunt, & dehiscentem relinquunt secundinam, ita verosimile est, non tantum in abortivo fetu fortius easdem cohæsuras, quandoquidem maturitatis terminum [f], nondum attigit, sed & adulti embryonis secundas cohæsuras, si status quispiam morbosus impediverit, ne oscula a se invicem secedere valeant, quales sunt, aut esse possunt infarctus vasorum capillarium scirrhusi [g] a materia quapiam tartarea, qualem lapidis instar duram in chorii confinio observavit *Fredericus Ruysch* [h]: Hinc fieri haud raro suevit, ut graviores, quam vulgo solet, remota ejusmodi secundina hæmorrhagiæ subsequantur, manifesto indicio, vasorum morbosam unionem adhæisionis causam extitisse.

## §. V I I I.

*De Adhæsione secundinarum per incarcerationem.*

Peculiaris est adhærendi modus, quo secundinarum exclusio retardatur, qui fit per stricturam alicujus fundi uterini partis, cujus scilicet contractili motu aliquando secundina a reliqua matricis cavitate excluditur, & separato quopiam in loculo continetur. Incarcerationis termino uti pro declaranda hac oppido curiosa placentæ conditione placuit, quandoquidem hepar uterinum in simili casu separatam a fetu suo capsulam indeptum esse deprehenditur. Res sic sese habet: Edito in lucem infante, uti mos est, pro educenda placenta manus in uterum immittitur, & quodsi ante descriptum statum secundinæ obtinent, mirantur obstetrices, nuspiam reperiri placentam, utpote quam in abscondito ejusmodi loco quærendam esse non suspicantur, crederentque nullam plane adesse secundinam, nisi de hoc casu præmonitæ essent, vel ex tractu funiculi umbilicalis fallaciam quampiam subesse, intelligerent. Utuntur hoc umbilicali fune instar fili ariadnæi, quo, si sapiunt, facillimo negotio sese extricant, nam adducuntur ad hancce latebram, in qua placenta delitescit. Variæ autorum, si qui hoc de negotio commentati sunt, quos pauciores esse existimo, extiterunt sententiæ. Celeb. *Peu* in ea versatur sententia, ac si forsitan ab initio formati fetus hoc separatum secundinarum domicilium fabrefactum fuerit [i] nec uno saltem in loco, sed aliquoties istius secundinarum status mentionem facit, diversis notionibus pro eodem indicando usus, modo enim bursæ [k], modo domicilii posterioris, *arriere bon-*

F f f 2.

tique

[f] Immaturitatis notionem brevitatis ergo, quamvis res mechanice etiam declarari possit, adoptare liceat ex *Paræo* apud *Israël Spachium* de hominis generatione c. 18. p. 413.

[g] *Dionis* l. c. liv. 3. c. 5. p. 226.

[h] De musculo in fundo uteri reperto p. 10.

[i] L. c. liv. 2. c. 15. p. 511.

[k] L. c. p. 494. 508.

tique [1] nomine rem declarat. Aliis aliæ placent notiones: Propendulum supra os pubis uterum singularem efformasse cavitatem, ex qua cum magno labore adhærens secundina extrahenda fuit, allegat *Cornelius Solingen* [m], statumque istum herniam uterinam appellat, qui suo modo huc pertinere videtur. *Carolus Drelincurtius* ex antiquitate allegat Hippocratis κόλπης σύχνης δὲ καὶ γάμψης, sinus densos atque recurvos & Praxagoræ, μήτραν, τὴν δι' κόλπον, matricem utrinque sinuosam, adducit [n]. Si dicendum, quod res est, præextitisse a formati fetus primordio ejusmodi separatam uteri capsulam vix arbitror, utpote quæ sententia cum structura uteri & spissitate substantiæ ejus vix conveniret. Existimo potius fetu in lucem edito, quando uterus in statu contractionis versatur, illum locum, cui secundina tenacius adhæret, præcludi & in sacci speciem efformari. Dici fane non potest, quam præcipiti collapsu, quamprimum onere suo levatur uterus, ad pristinam parvitatem redire allaboret. Perferunt id suo quandoque damno obstetricantes, quorum manus haud raro eo tempore, quando uterus sese contrahit, arripiuntur, strangulantur, & ad stuporem usque compri-muntur, id quod simili modo cum secundina fieri posse, constanter assero. An musculus sit peculiaris, qui contractionem uteri violentam dirigat, magna apud magni nominis viros est controversia, quam paulo post discutere &, quantum in nobis est, declarare suscipiemus. Eiusdem conditionis cum adhærente secundina præsens placentæ status est, nam & hunc periculissimis sæpius stipatum esse symptomatibus, qualia jam antea allegata fuerunt, docet jam citatus *Peu* [o], nec levi certe labore opus est, quo carc-ribus istis suis hepar uterinum educatur.

## §. I X.

*De carnosâ secundinarum cum utero concretione.*

Sicut de modo cōhæfionis placentæ cum uteri parietibus non omnino conveniunt autores, ita singularem hoc de negotio sententiam proposuit *Hieronymus Fabricius* [p] carnosum hunc nexum esse adserens. Carneam scilicet adpellat substantiam ad fines vasorum positam. Quidquid inter capillaria vasa medium hæret antiquis parenchyma, Malpighio glandulosa congeries dicitur, id præfenti in negotio caro est Fabricio. Ne autem quis arbitretur, muscularem hanc esse carnem, prudenter adjicit: *Carneam hanc molem nequaquam propter suam actionem esse utilem cum nullam habeat, sed tantummodo*

[1] L. c. p. 512.

[m] *Hand-Griffe der Wund-Artzney*, Franckf. an der Oder 1693. 4to p. 466. 467.

[n] De humani fetus membranis hypomnemata in opuscul. med. omn. hag. comit. 1727. 4to p. 469.

[o] L. super. cit.

[p] L. c. de formato fetu p. 2. c. 3. p. 87.



do propter ea, quæ temperamenta consequuntur & accidunt. Nempe cum Galeno [q] sentit, qui carneam hanc molem utero adplicatam ea propter dixerat, ut firmiter adhærere eidem possit. Hæc omnia quamvis recentiorum palato haud arrideant, eum saltem in finem adduxi, ut, quandoquidem de præternaturali quopiam adhærendi modo sermo faciendus est, qui per modum sarcomatis aliquando fieri adsuevit, demonstrem, carnositatis terminum non adeo obsoletum esse, ut eodem uti nefas sit. Meditandi occasionem dederunt, tum aliæ, tum illæ potissimum, quæ apud non satis laudandum Fred. Ruysch. habentur observationes [r] de placentula, quæ per aliquod tempus in utero superstes, post embryonis exclusionem vel liquificationem ita compressa & indurata fuerat, ut mole speciem referret, quamvis perperam pro tali haberetur. Cui similis est ejusdem, quæ alibi exstat observatio [s]. Remanentis cujusdam placentæ corpus salva matre diutius retentum in duram carnosam molem degenerasse, idem autor est [t], quæ, si sic sunt, quamvis, ut ingenue fatear, tale quidpiam nunquam mihi obvenerit, sicut in numerosa plebe, qualis Amstelædami, observationum frequentia deesse non potest, qua nos caremus, ratio rei sane alia reddi non poterit, quam quod vasculis placentæ sarcomatis modo in substantiam uteri radicatis simile quid monstri subnasci possit. Nec omittenda est singularis prorsus & dubia haud paucis visa placentarum adhærendi ratio, orta a muscoli supposititii prava relatione, ita quidem, ut quandoque secundina extra ejus sphæram activitatis sita sit, ea tanta violentia crebro adhæreat, ut non, nisi vi, extrahi possit. [u].

## §. X.

*De adhærente secundinarum particula.*

Haftenus tota placenta arctiorem cum utero nexum servans nostræ tractationis objectum fuit, operæ pretium nunc esse arbitror, de relictâ ejus in utero particula, quædam differere. Fieri scilicet haud raro solet, ut placenta in ambitu suo libera visa manumque facile admittens, in media quapiam sui parte adhærescat fortius, quam ut placide separari possit. Inde quæcumque demum hujus adhæSIONIS causa fuerit, & ad quamcumque prædescriptarum reduci possit, non leve obstetricanti negotium facessitur, si, postquam a festinante obstetricis manu mutila extracta fuit placenta, tardius advoce-  
Fff 3 potest,

[q] Galenus class. 1. de usu partium corp. human. lib. 15. c. 4. edit. Froben. Basl. 1562. fol. p. 422.

[r] Thesaur. anatom. IV. no. 29. Amstel. 1704. 4to p. 14.

[s] Thesaur. anatom. IV. no. 101. Amstelæd. 1705. 4to p. 69. 70.

[t] Advers. anatom. dec. 2. Amstelæd. 1720. 4to p. 32.

[u] Tract. anatom. de musculo in fundo uteri reperto. p. 9. 10.

potest, prout ingenue id de se facti sunt magni in arte viri, de la *Motte* ali- que [x]. Nec difficile est humani quidpiam pati, maxime eo tempore, si, prout obstetricibus mos est, arrepto funiculo umbilicali separationis nego- tium suscipiatur. Neque enim tantum ille in radice sua, qua placenta im- mersus est, aliquando evellitur [y] sed & aliquam plus vel minus notabi- lem secundinae partem post se relinquit, majori plerumque existente tunc rerum discrimine, quam, si tota placenta adhærens in utero supersit, hæc enim satis notabili temporis spatio remanet, quamvis, uti paulo post dice- tur, non differenda sit ejus extractio, illa vero ob continuam uteri hæmor- rhagiam, nisi penitus evacuato utero non compescendam [z], in præsens vitæ periculum matrem adducit. Tanti scilicet momenti hoc negotium vi- sum est artis obstetriciæ statoribus, ut sedulo commendent obstetricibus ad- hibendam diligentiam, ne quidpiam secundinae temere relinquatur. Quem in finem imperant, ut extractæ placenta convexitas adstantium examini subjiatur, quo integritas ejus omnibus innotescere possit, utque, si portio nonnulla desideretur, conquiri undique possit, id quod nulla mora concessa peragendum, &, si etiam omnia secunda videantur, nihilo secius omnis na- vanda opera, ne quid peregrini in cavo uteri supersit, id quod jam suo tem- pore *Hippocrates* [a] sedulo suasit, qui evacuandum sanguinem grumofum a puerperio & lochiis in utero collectum serio imperat. Ab hoc integritatem secundinae explorandi, utrum tota exierit, officio nequitiam liberos se esse æstimabunt magistri artis, cum & hic proverbium valeat: *Cum cavisse ratus est, sæpe cautor captus est*, nihil sane magis imponit, quam nimia sui suæque artis fiducia. Inde cum de la *Motte* [b] equidem sentio, non decere bonum virum assistentium examini suam fidem subjicere, persuasum tamen mihi & hoc habeo, in tantæ dignitatis negotio cautelas adhiberi nimium nunquam posse. Clar. *Dionis* [c] latentis secundinae partis, utrum parva, utrum gran- dior sit relicta, signum ex conditione hæmorrhagiarum habet, siquidem me- diocrem sanguinis fluxum indicare asserat, integras secessisse secundinas, quæ si ex parte adhæserint sanguinis copiam utero evocare non intermittunt. Neque vero portione integra relicta, quo funesta excitentur symptomata, opus est, cum radiculæ quædam, quibus secundina adhæserat, relictae, si- milia mala producere possint [d], securum sane neminem facere debet possi- bilitas, vel cum lochiis, si quid secundinarum supersit, proditurum, vel putredine resolutum iri, nec vana nos alere debet fiducia suo forte tempore.

com-

[x] L. c. liv. 5. c. 1. observ. 380. p. 729. 730.

[y] De la *Motte* l. c. liv. 5. c. 1. observ. 379. p. 727. *Paul Portal*, l. c. observ. 14. p. 85. *Dionis* l. c. liv. 3. c. 6. p. 223. seq.[z] *Devent.* nov. lum. obst. c. 33. p. 144. *Dion.* l. 2. c. 13. p. 170.

[a] De morb. mulier. lib. 1. part. 75. edit. Linden. T. 2, p. 461.

[b] L. c. liv. V. c. 1. observ. 379. reflex. p. 729.

[c] L. c. liv. 3. c. 6 p. 225.

[d] *Siegemundin* l. c. c. 6. p. 119.



comparituras, prout exemplum portionis quarto a partu mense innoxiae prodeuntis habetur apud *Theod. Kerkringium* [e].

## §. XI.

*De causis procatarepticis, signis & symptomatibus secundinarum adhærentium.*

Superfunt quæpiam dicenda de causis remotioribus, quibus vel secundinarum adhæsiō conciliari vel jam existens firmior effici potest. Lautiorem vitæ diætā *Dionis* [f] accusat, quam probabile est id efficere, ut turgentibus a plethora capillaribus uteri vasis, ejusdemque substantia repletioribus facta, utriusque generis vasorum anastomosis ob auctum præter naturam diametrum eorum cohæreat, nec, quæ a dehiscen- & collabascen- tibus vasis oritur, separationem secundinarum admittat. Neque etiam dubium est, hinc inde varia obvenire in vita communi errorum & ab extra accidentium genera, quæ accusari hoc in negotio possint, verum hæc tanquam dubia in medio relinquere, quam audacius definire malumus. Quamvis etiam, quæ inter retentionis secundinarum causas allegantur a *Joanne Varandæo* [g], subitus aëris adpulsus, animi pathemata, imbecillitas & languor parturientis [h], angustia & contractio matricis, suo modo adhæsiōnem gravio- rem reddere, ejusdemque symptomata augere possint, ex longinquo tamen huc spectant, nostramque discussionem adeo non merentur. Intactam interim relinquere non possumus notabilem & periculosa- m fati abrupti ex sede sua funiculi umbilicalis conditionem, qua adhæsiō secundinarum per se difficultatibus non carens, difficilior efficitur. Agnovit hujus rei momentum jam suo tempore *Hippocrates* [i] & ille quidem eventus peritioribus etiam non semper evitabilis prædicatur a de la *Motte* [k]. Videamus nunc qualia & quot symptomatum genera excitentur in corpore muliebri, siquidem placenta fortius adhærescat. In varias partes abire autores in definiendo nocivo adhærentium secundinarum effectu animadvertimus, aliis sine noxa, fati notabili tempore, easdem adhærere posse asserentibus, aliis periculosa quævis exinde subsecutura pro certo declarantibus. Plurima horum symptomatum, quorum alibi commemorandorum erit opportunitas, communia sunt cum retentione secundinarum, ventris scilicet dolores, rigores ac febres, secundum *Hippocratem* [l] suffocatio. Apoplexia, epilepsia & alia mala, secundum *Jacob. Rueff* [m]. Verum id peculiare habet perfecta adhæsiō,

[e] Spicileg. anatom. l. c. observ. 36. p. 78.

[f] L. c. liv. 3. c. 5. p. 221.

[g] De affect. mulier. lib. 3. Hannov. 1619. 8vo lib. 2. c. 11. p. 342.

[h] *Euchur. Rhodion.* libell. de partu hominis. Francof. 1556. 8vo c. 6. p. 23.

[i] De morb. mulier. lib. 1. par. 76. edit. Lind. T. 2, p. 462.

[k] L. c. observ. 379. 381. 385. 389.

[l] De morb. mulier. lib. 1. part. 79. 77. edit. Lind. T. 2. p. 462.

[m] De conceptu & generatione, Tigur. 1554. 8vo lib. 3. c. 4. p. 25. b.

hæsiō, quod hæmorrhagiam ob clausos uteri poros comitem nullam habeat, quo factum esse videtur, quod infantes quidam ineruenti totoque corpore candidi nati sint, quod inter rariora exempla ponit *Thomas Bartholinus* [n], quodque, si contingeret, bono omine factum esse credebatur, sic enim ex *Julio Capitolino* in *Clodio Albino* habetur: *Filius mihi natus est septimo Kalendas Decembris ita candidus statim toto corpore, ut linteamen, quo exceptus est, vinceret.* Cruenti certe infantes secessum secundinarum ex parte jam esse factum, indicant: Inde recens nati a matre rubentes, dicuntur, sic enim *Juvenalis* [o].

*Sidera te excipiunt, modo primos incipientem,  
Edere vagitus & adhuc a matre rubentem.*

## §. XII.

*De adhærentium secundinarum extractione differenda ad mentem quorundam.*

Postquam varios adhærendi modos, quibus secundinæ obstinaces resistunt, consideravimus, postquam & causæ, quotquot huc facere videbantur, expositæ fuere, proximum nunc est scire, quid in dubio ejusmodi rerum statu agendum superfit, an scilicet conoedenda sit quædam adnascenti placentæ mora, & utrum expectationi sine puerperæ periculo aliquid largiendum sit, an vero temporis lucrandi causa connivere nullo modo obstetricans debeat, nec differenda sit secundinarum extractio? Operæ pretium esse arbitror, utriusque quæstionis indolem altius rimari. Prior sententia de differenda extractione fuit antiquorum omnium & quorundam ex recentioribus. Expectabant antiqui medici vel spontaneum secundinarum adhærentium secessum, vel putredine factam aliquo post tempore dissolutionem. Quandoquidem illi alium secundinas auferendi modum præter eum, qui sit attracta chorda umbilicali ignorabant, prout videre licet ex *Hippocrate* [p], quo ipso mirum non est, illis, donec id sua sponte fieret, quod arte efficere non poterant, indulgendum fuisse, quodque, id sine periculo fieri posse, celebrium auctorum testimonio intelligamus. *Si secundinæ non facile exierint, sinendæ sunt*, ait *Hippocrates* [q]. *Vel sponte secessuras* [r], *vel putredine diffluxuras, quod sexto, vel septimo post partum die fieri debeat*, hic ipse declarat [s]. Repetit hoc consilium *Aëtius* [t]. Post paucos dies in saniem solutas

[n] L. c. de puerper. veter. p. 63. ex *Julio Capitolino* ext. c. hist. aug. script. Sax. c. not. *Ulr. Obrechtii*, Argent. 1677, 8vo p. 209.

[o] Satyra VII. v. 195. sequ. ex recens. *Henr. Cbrist. Hennini*, Ultrai. 1685. p. 212. 13.

[p] De morb. mulier. lib. I. part. 76. edit. Linden. T. 2. p. 462.

[q] De superfetatione part. 5. edit. Lind. T. 2. p. 647.

[r] De morb. mulier. lib. I. part. 77. edit. Linden. T. 2. p. 463.

[s] De morb. mulier. lib. I. part. 76. edit. Linden. T. 2. p. 462.

[t] Tetrabibl. lib. 4. ferm. 4. c. 24. ext. in *Henric. Stephan. med. art. princ.* Tom. 2. 1567. p. 791.



solutas secundinas excidere spondet *Paulus Aegineta* [u] assentiente *Avicenna* [x]: non egreditur secundina, ne sollicites, ipsa enim post paucos dies resolvetur. Sequuntur hanc mentem omnes hippocraticæ & galenicæ scholæ medici quotquot in collectione *Israël Spachii* [y] de partu allegantur, inter quos *Ambrosius Paræus* de hominis generatione [z] sequentia habet: visæ sunt mulieres, secundinas, quas nulla ars revellere potuerat, putredine & temperie corruptas frustatim per vulvam multis horrendis symptomatibus supervenientibus exclusisse. Incertum tamen fuit omnibus, per quod temporis spatium innocenter superesse secundinæ in utero possint; quatuordecim hebdomadarum mora secundinas sine noxa retentas allegat *Thomas Bartholinus* [a]. Integri & dimidii anni tempus largitur *Christianus Menzelius* [b] quo effluxo secundina quædam arida excreta fuerit. Impatientem tantæ moræ placentam agnoverunt alii. De la Motte, altero statim die fetidissimam & fanie corruptam deprehendit [c], *Scipio Mercurius* [d] adhærentes diutius secundinas facillime putrescere agnovit, plurimis metus obfuit, ne promptam secundinarum expeditionem susciperent, timentibus, ne uteri fundum excorticarent, alioque modo male tractarent, sic enim *Solingen*: melius est secundinæ partem relinquere, quam uterum ledere. Manifestum vitæ periculum subesse, si relinquuntur, negat, maximum vero rerum discrimen incurrere puerperas, si vi removeantur, asserit *Zacut. Lusit* [f]. Maxime omnium hoc negotium de differenda secundinarum extractione urfit *Fred. Ruysch*. manifeste asserens prudentius esse relinquere placentam, quam lethali festinatione occidere ægram [g], siquidem a natura ipsa excutiat [h], grave adeo periculum, si remanserit, subesse negans [i] imo contra probatissimorum in arte virorum, quos ex parte allegavimus fidem ipsamque autopsiam non putrescere, non in pus ichoremve abire, sicque in putridum liquamen redigi, neque adeo descripta ab auctoribus mala, si restiterint, subsequi posse, affirmans [k], in quo suam experientiam pro primo rei argumento agnoscit. Mirum saltem videri poterat, quomodo a rarioribus exemplis placentarum in hydatides transeuntium [l], aliove modo in mo-

læ

[u] Oper. Lugdun. 1589. 8vo lib. 6. c. 75. p. 635.

[x] Lib. 3. fen. 2. tract. 1. c. 16. edit. cit. p. 720.

[y] Gynæcior. libr.

[z] C. 18. apud eundem p. 413.

[a] Acta med. Philos. Haf. an. 1633. 8vo access. examen obstetr. p. 54.

[b] Miscell. nat. curios. decad. 2. an. 1. observ. 31. p. 74.

[c] L. c. lib. V. c. 2. obs. 388. p. 740.

[d] Commare. Veron. 1645. 4. lib. 2. c. 30. p. 178.

[e] Embryulcia c. 34. p. 173.

[f] Op. de medicor. princip. historia lib. 6. Lugd. 1667. fol. T. 2. lib. 3. c. 19. p. 322.

[g] Adversar. anat. dec. 2. p. 31.

[h] Ibid. p. 34.

[i] Ibid. p. 36.

[k] Ibid. p. 33.

[l] Observat. anatom. chirurg. 33. alibi p. 43.

læ similem formam mutatarum [ *m* ], ad id quod plurimum fit, concludere quis audeat, & qua ratione prope se invicem stare possint sententiæ, *placenta embryonis non matris pars est habenda* [ *n* ], & pars a toto suo avulsa, non putrescit. Quamvis enim inflammationem & gangrænam proprie sic dictam, de parte quapiam avulsa prædicari non posse cum eodem sentiamus, facere tamen non possumus, quin contra eundem, salva tamen tanti viri dignitate, statuamus, putredinem & redundantia exinde ad matrem mala retentis secundinis esse inevitabilia. Turpe sane est cum detrimento salutis humanæ expectare velle, donec spontaneo motu eveniat, quod fieri posse dubitamus, prout medici eventus morborum expectantis indignitatem contra *Harvæum*, *Georgius Ernestus Stahlius* [ *o* ] vivis coloribus depinxit.

## §. X I I I.

*De differenda extractionis a Ruyschio assertæ primario stabilimento, musculo ejus in fundo uteri reperto.*

Quod omnibus novitate inventorum superbientibus auctoribus commune est, ut pro inventi gloria, quidquid denique ex longinquo ad eandem ulterius confirmandam facere potest, accersant, id Cl. etiam huic auctori familiare esse,prehendimus. Quo enim musculi sui a paucioribus hætenus agniti, a plurimis in dubium vocati, virtutem magni faceret, rationem, cur differenda sit placentæ extractio, collocat in motu fibrarum muscularium, quæ placentam amplexæ eandem sine obstetricantis ministerio sint expulsuræ. Afferuit hanc suam sententiam, tum in sæpius allegato adversariorum loco, tum maxime in peculiari libello, qui inscribitur: *Tractatio anatomica de musculo in fundo uteri observato, ante hac a nemine detecto* [ *p* ], cui icon, rem declarans, adjecta est. Ut autem mens Cl. Auctoris recte intelligatur, quam male interpretatos esse quosdam arbitror, adducenda sunt, quæ pagina hujus tractationis nona habentur: *In his lectionibus meis me dixisse fabulantur placentam post fetum editum non esse expellendam, sed ordinarium tempus depulsiōni esse concedendum, donec a natura ipsa expellatur. Num mentem meam male intellexerint, vel male interpretati sint, non urgeo. Dominos inspectores judicia hæc detestatueros, nec figmentis his adsensuros certo scio. Illud tum temporis tantum intendebar, placentæ uterinae utero firmiter adplicatæ, nullisque consuetis lenibus remediis flexili, consultius esse ordinarium ante ad depulsiōnem tempus largiri, quam nimis festinantibus & periculosis remediis eam expellere*

[ *m* ] Adversar. anat. dec. 2. p. 32.

[ *n* ] Ibid. p. 31.

[ *o* ] Sileni Alcibiadis i. e. Ars sanandi cum expectatione, opposita Arti curandi nuda expectatione, Offenbac. ad Moen. 1730. 8vo.

[ *p* ] Ext. c. oper. ei, Amstel. 1726. ex Belgico in latinum traducta a Jo. Christ. Boblio.



lere velle. Apologiam sibi hic ipsi condidisse nostrum contra adversariorum, a quibus male intellectus fuerat, objectiones, per se innotescit, neque adeo a nostra discrepat isthæc sententia, ut non conciliari facile inter se utraque, prout paulo post videbimus, possit. In eo saltem non possum non accusare, animi mei vel imbecillitatem, quod musculum huncce, retentionis, auctorem & medicinam, temere credere nequeam, vel infelicitatem, quod in uteris gravidis, quos hunc in finem secui, eundem haud invenire potuerim. Si recte intelligo Cl. Inventorem, evolutis, quæ de musculo agunt, locis, semel saltem hunc musculum ab eodem observatum fuisse deprehendo, mentionem scilicet hujus novitatis præter allegatum tractatum, decade secunda adversariorum [q] & tertia [r], sed in eodem subjecto visæ, facit: Verum sicut veritates anatomicæ observationum frequentia & constantia nituntur, ita, salvo aliorum judicio, hocce exclusionis secundinarum organon tamdiu pro suspecto habere liceat, donec id, quod sedulo facere allaborabo, ad oculum demonstratum fuerit mihi, quodsi contigerit, me meam, in qua nunc versor, ignorantiam publice professurum spondeo. Probe novi magnos musculum huncce invenisse post *Ruyschium*, statores & defensores, gratulatus eidem publice est de hoc invento *Hecquetus* [s], itidemque *Clar. Abrahamus Vaterus* [t], nec non *Cl. Stenzelius* musculo uteri assentire videtur [u]. Verum neuter a se visam hancce orbicularium fibrarum seriem prædicat. Novissime tamen omnium exercitatissimus in rebus anatomicis vir *Alexander Monro*, scotus, a se observatum & tam reticularibus, quam orbicularibus fibris constantem asseruit [x]. Fidei tantorum virorum nihil derogamus, constanter tamen asserimus, haud improbabile videri, tractum ejusmodi fibrarum detectum fuisse in utero, cujus membrana interna a fundo uteri violenta separatione secundinarum abscesserit, quo facto, mirum non est carnosos apparere fibrarum vario modo dispositos fasciculos, quandoquidem uteri substantiam internam musculosam jamdudum descripsit *Philip. Verheynius* [y], itidemque *Frider. Plazzonus* [z] aliique. Neque errarent meo judicio, qui termino *Cl. Boerhavius* solemni totum uterum musculum cavum appellarent [a], siquidem ejus virtus motrix & in genera-

G g g 2 tionis

[q] P. 34.

[r] Tab. 3. fig. 1.

[s] Epistola viri *Cl. Hecqueti* ad D. D. \*\*\* de *Ruyschiano* uteri musculo, ext. c. *Ruysch. op. Amstel. 1727.*

[t] Epistola gratulatoria ad *Fred. Ruyschium* de musculo orbiculari in fundo uteri detecto ext. c. *Ruysch. op. Amstel. 1727.* accedente ejusdem responsione. *ibid.*

[u] *Christ. Godofr. Stenzelii* dissert. de utero infante, resp. *Jo. Fried. Zembisch 1735.* 4. §. 25. p. 35.

[x] An Essay on the nutrition of fetusses. recensitus *Tom. 3. medical Essays and observations revised and published by a society in Edinburgh. edinb. 1734. 8vo v. 3. p. 128.*

[y] *Corporis humani anatomia* edit. secund. *Bruxel. 1710. 4to lib. 1. tract. II. c. 25. p. 127. & lib. 2. tract. v. c. 23. p. 382.*

[z] De partibus generationi inservientibus, *Lugd. Batav. 1644. 12. lib. 2. c. 16. p. 179.*

[a] *Inst. med. §. 88. p. 47. & §. 187. p. 91.*

tionis negotio [ *b* ], & in partus administratione plurimum elucescit, quid enim vis expultrix termino *Varandei* [ *c* ] in utero existens valeat, experiuntur illi, qui manum suam ab utero arreptam & strangulatam unquam habuerunt, quique violentos convulsivi uteri motus attente perspexerunt. Duo certe sunt, quæ me de utilitate laudati musculi dubitantem reddiderunt; unum, ipso fatente autore, ejus saltem in fundo uterino existentia, cum sint placentæ in cervice collocatæ & facillimo negotio sine musculi hujus efficacia abscedentes, totum autem uterum fundum appellare velle, inadæquatum, vel naturam aliquo in loco sibi ipsi insufficientem arbitrari, impium esset; alterum, contemplatio, quid denique fiat cum hoc musculo, si uterus vacuus est, an collabascit & turgente utero extendatur, an singulis graviditatis vicibus regeneretur. Facile tamen patior suo quemque abundare ingenio, sane, quodsi nisi expellente musculo nunquam prodire deberent secundinæ, raro abscissuras esse arbitror, neque securum facere debet lubrica isthæc observatio obstetricantem, ut otiosus expectando musculi effectum assideat, quin potius eo navanda opera omnis est, ut, quam fortiter etiam adhæreat secundina, ejus extractio instituatur quantocyus, quo in negotio suæ, quidquid in contrarium ab aliis monitum fuerit, dexteritati fidere unumquemque decet; magna sane usus est felicitate paucioribus in proluxa praxi versantibus solemni, musculi inventor, quod per quinquaginta annos, prout de se prædicat, nulla ipsi in utero relicta fuerit secundina, nullaque, indulgendo & expectando, puerpera ad orci fauces fuerit deducta.

## §. X I V.

*De non differenda secundinarum adherentium extractione in gravidis ante terminum.*

Boni viri est salutem humanam fortuito casui non relinquere, sed periclitantem, qua fieri potest, brevissima via, discrimine educere, inde, dum adhærentes secundinæ spontaneo naturæ motu vix excludi possunt, judico, conjunctas obstetricantis vires cum uteri conatu esse necessarias. Formandus est controversiæ, quam hac potissimum in dissertatione urgeo, status, in quo totius disputationis cardo vertatur. Removeamus primo leviores adhærentiæ gradus, in quibus expectandum esse, nec ipse *Ruyfchius* secundum superius allegata verba asserit. Ponamus potius summum adesse adhæSIONIS gradum, adnascantiam, coalitum, mutuam fibrarum placentæ atque uteri insertionem: In hoc dissentimus. Nam quodsi ille status detur, quem invincibilem fere perferunt manus, quodsi sic cohæreat placenta, ut merus sit, ne, dum separare studemus, in frustra discerpatur, in hac rerum facie expectandum potius, quam incerto eventu tentandum esse, statuit

Cl.

[ *b* ] Inst. med. §. 675. p. 325.[ *c* ] L. c. lib. 2. c. 11. p. 342.



Cl. *Ruyfch.* nos contrarium defendimus, firmiter persuasi, nullum esse adhærentiæ gradum, qui non superari provida & in encheiresi experta manu possit, nec indulgendum esse moræ, nisi unico in casu, ubi convulsivi motus & uterum & totum corpus invadunt, quando scilicet ob matricis miram contorsionem & incertas manus operationes jactitatione corporis puerperæ factas, nihil omnino tentari potest, sicut id ipsum symptoma placentæ adhærenti junctum, pro lethali plerumque ipse Clar. *Ruyfch.* [d] habet. Facile enim in partes sæpius laudati auctoris abeo, quotiescumque monet, extractionem fieri debere absque violentia, non festinanter extrahendam secundinam esse [e]. Acrius justo contra magni nominis virum disputavit *Christianus Polycarpus Leporinus* [f], muscoli hujus veritatem & expectandæ spontaneæ secundinarum excretionis opinionem fortiter oppugnans, quem miratus sum, suam experientiam nullibi *Ruyfchianæ* quinquaginta annorum experientiæ opposuisse: Intellexi vero paulo post ex illis, quæ habentur operis sui p. 133. *apud se non moris esse ut medici parturientibus opem ferant.* Duplex autem existit extrahendarum sine mora placentarum casus, alter in gravidis, quæ ante terminum ex statu præternaturali ad pariendi necessitatem adiguntur, alter in gravidis, quæ terminum attigerunt. Magni momenti, magnæque deliberationis mihi semper visa est prior quæstio, quid faciendum sit practico, quotiescumque enormes hæmorrhagiæ prioribus ultimisve gestationis mensibus in manifestum vitæ discrimen matrem adducunt, id quod ex sanguinis effluentis quantitate, symptomatumque, lipothymix æque, ac convulsionis, conditione, facile judicari potest. Hæc quæstio denuo duplicem admittit differentiam; aut vitalis est fœtus [g] id est septimestris & ultra, aut omni spe vitæ in athmosphæra continuandæ privatus. Ante medium gestationis tempus abortus haud raro imminet, alii termino propiores fiunt. Ponamus casus utriusque naturæ vel utrinque mixtos, quod determinatu arduum est: quæritur, quid hinc, quid illinc faciendum sit. Res tota ad obstetricantis de statu embryonis matrisve plenariam cognitionem redit: ego hac in re, non quid mihi, sed quid aliis me peritioribus videatur, exponam. Cl. *Mauriceau* [h] non dubitat embryones, quo salva mater esse possit, educere, quidquid de vita eorum paulo post statui possit, idemque de la *Motte* [i] qui ad liberandam a periculo matrem necessarium esse asserit, ut obstetricans jam remotam ex parte sede

G g g 3 sua

[d] Adversar. anatom. dec. 2. p. 30. 31.

[e] L. jam cit.

[f] Kurtze doch gründliche Erörterung einiger die zurück gebliebene Nach-Geburth betreffender Fragen, Leipz-und Quedlinb. 1728. 4to.

[g] Totam controversiam de septimestri vitali sextimestri non vitali sua & auctorum fide accurate evolvit *Paul Zacchias* quæstion. med. legal. Francof. ad Moen. 1688. fol. lib. 1. tit. 2. quæst. 2. & 3. pag. 54.

[h] *François Mauriceau observations sur la Grossesse & l'Accouchement des Femmes, Paris 1715. 4to.* Casus huc spectantes adduci possunt ex titulo ej. Auct. *Accouchemens où l'arriere faix se présenteoit devant l'enfant, & titulo: perte de sang de la Femme grosse.*

[i] L. c. liv. 3. c. 6. p. 346.

sua secundinam post factam extractionem fetus propediem separet, quæ quamvis minus resistat, alia tamen quam adhærens esse nequit, utpote quæ extra maturitatis terminum versetur. Suffraganeum habent prædicti auctores *Dionis* [k] asserentem, etiam si ad partum disposita non fuerit mater, hæmorrhagia urgente & periculum vitæ minitante, obstetricantis manu promovendum esse partum, qui actus scilicet in placentulæ vel majoris vel minoris separatione ejusdemque post fetum extractione consistit. Mirum quibusdam videri poterat, qua ratione parvuli etiam fetus, paucarum septimanarum ætatem attingentis placentulæ æque gravia, ac si adultiores essent, symptomata, imminente abortu excitare possint, verum declarata res est, matres periclitari hoc rerum statu. Testis inter alios sit *Amand* [l] qui quinque hebdomadam fetum seminis phaseoli magnitudinem æquantem, secundinis suis adhuc inclusum ea propter utero educere coactus fuit, quia hæmorrhagiæ matrem affligentis enormitas eundem, quo id ageret, impulerat. Quod si sint, quibus durum videatur, imperfectum fetum sic vita privare, quo mater salva esse possit, multo magis si grandior sit & termino propior embryo, eundem remittimus ad magnæ auctoritatis virum, *Joannem Bobnium* [m]; in dissertatione, de abortu salutari, qui, sicut de tota materia ex rei dignitate egit, sic præsentem quæstionem, decidendo, debere salutem matris primariam curam esse, definivit.

## §. X V.

*De non differenda secundinarum adherentium extractione in termino.*

Propius accedendum est ad ea, quæ nervum præsentis dissertationis attingunt, ad illam scilicet quæstionem quæ de non differenda fetus maturi placentæ extractione instituitur. Jam alibi mentem nostram exposuimus: omnis moræ impatientes esse secundinas, nec expectandos esse spontaneos naturæ conatus: nunc assertionis rationes exhibendæ veniunt, quarum plures superius allegatus *Leporinus* adduxit, gravitatem scilicet symptomatum, quæ presso pede sequuntur, si paulo post fetum secundina non exeat, cujus rei veritati non tantum allegata ibi auctorum testimonia [n] sed & quotidiana experientia subscribit. His addere animus est quædam aliorum observata. Peculiariora sunt, quæ de inflammatione secundinarum habet *Varandæus* [o], quam proprie sic appellari posse, negavimus in superioribus, nisi fortasse peculiarem quempiam sanguinis circulum in fibris secundinarum

[k] L. c. liv. 2. c. 13. p. 170.

[l] L. c. obs. 9. p. 94.

[m] Respond. Georg. Christian. *Werther*, Lips. 1701 §. XXV. p. 23.

[n] L. c. p. 55. 69. sequ.

[o] L. c. lib. 2. c. 11. p. 342. 343.



narum motricibus prout Cl. *Ruyfchius* [p] habet, statuere velis, quam hypothesin assumere necessarium esset, si quis motum secundinae proprium pro sui ab utero separatione supponere vellet. Interim tamen qui ex putredine secundinarum ad matrem lege vasorum absorbentium. [q] redundant affectus, *nausea, lipothymia, dyspnoea, sudor diaphoreticus, frigiditas extremorum, hysterica suffocatio, epilepticus insultus*, recensente præmemorato *Varandæo* [r] sequuntur, extra omnem dubitationis aleam positi sunt. Addit dolores post partum, alvi obstructionem, urinae incontinentiam & suppressionem, hæmorrhoides, genitalium scabiem, pruritum, rupturam uteri, vulnera, ulcera *Hermannus Corbæus* [s]. Horrenda eademque lethalia hæc esse symptomata, si diu in utero relinquantur, & non minora, quam quæ ex fetu mortuo fiunt, judicat hic ipse auctor [t]. Cor & cerebrum in consensum trahi autumat *Ambrosius Paræus* [u], dispositionem malignam patienti accidere propter vapores malos ascendentes ex secundina ad cerebrum, cor, stomachum, pro suo ingenio allegat *Avicenna* [x]. Vomitiones biliosas reiteratas, humore nigro fetidoque stipatas inter funesta symptomata habet de la *Motte* [y], utpote, quo sphacelum ex uteri substantia ad intestinorum canalem migrasse cognoscimus. Neque uno alterove post die, sed immediate subsequi hoc malum innuit prædictus auctor hoc ipso loco, quandoquidem in celeri separatione secundinarum adhuc aliquam spem salutis autumat superesse. Febrem violentam, graves capitis dolores, oscitationes, syncopes, humorum fetidissimorum effluentiam sequi, auctor est *Amand* [z], quæ omnia sicut contra expectationis patronos militant, sic verbis *Peu* [a]: imperant, ut ob sequelas, moram diuturniorem secundinarum excipientes & periculosissimas, promptitudine opus sit, siquidem nec cito nimium, nec caute nimium illæ extrahi possint. Non differendam secundinarum extractionem consulit ulterius præter allegata mala, presso post exclusum fetum pede subsequens uteri contractio, orificii uterini interni strictura, & inde orta vel manus immittendæ difficultas, vel loculi talis [b], qualem alibi descripsimus circa secundinam efformatio. Supponamus omnia mitiora, sit nobis placenta ad mentem *Ruyfchii* moræ patiens, si salus etiam puerperæ nullo modo periclitaretur, commoditati tamen matris & brevitati laborum aliquid

[p] Adversar. anatom. dec. 3. p. 35.

[q] Sicut vasa absorbentia in cute adesse demonstravit Cl. *Boerhavius* instit. med. §. 421. p. 402. prout eadem in ore, oesophago, ventriculo præsto esse judicat §. 37. no. 5. p. 46. ita similia forte & in uteri cavo reperiuntur.

[r] L. jam c. p. 343.

[s] Gynæceium, Francof. 1620. 8vo lib. 2. c. 6. p. 271.

[t] L. jam c. p. 272.

[u] De hominis generat. c. 18. apud *Israël. Spachium* p. 413.

[x] Lib. 3. fen. 21. tract. 2. c. 16. p. 720.

[y] L. c. liv. 4. c. 13. observ. 346. p. 656.

[z] L. c. observ. 31. p. 138.

[a] L. c. liv. 2. c. 15. p. 494. 495.

[b] Ibid. l. c. p. 494.

aliquid concedendum est, nec video, cur in crastinum differendum sit, quod hodie & in instanti quidem, quamvis cum aliqua difficultate, fieri debebat. Το μηδὲν ἀναβαλλόμενον, si ullibi in re medica, hoc sane in passu laudes suas meretur.

## §. X V I.

*De prudentia obstetricantis in administranda secundinarum  
adhærentium extractione.*

Lenta remedia & fegnes medicos non expetunt tempora mea, dixisse Alexandrum Magnum cum morbi medicinam postularet, seque non præceps, sed strenuum remedium afferre prædixisse Philippum medicum, ex Q. *Curtio* [c] perspicimus: id ipsum, quo fiat, in secundina tenacius adhærente, utpote de qua vita & mors puerperæ dependet, maxime opus est, id quod nobis exponendum supererit. Conjunctissimam cum celeritate expeditionis, actionis prudentiam & circumspeditionem, sicut in omni humana vita, sic & in ancipiti hoc administrationis genere requiri, autumamus. Videamus ante omnia, quæ antiquorum placita hoc de negotio existant. *Aristoteles* [d] funiculi umbilicalis deligationem, antequam secundinæ removeantur, suadet, sine dubio quod hæmorrhagia per chordam umbilicalem facta consumi posse puerperas eo tempore crederetur. Pro expectantium, donec sponte exeant, sententia fuisse Hippocratem in superioribus demonstratum fuit, nec alia apud eundem adhærentis secundinæ curatio, quam, quæ putrefactione fit, invenitur [e]. Rectius & apposite magis *Ægineta* [f], itidemque *Ætius* [g] sentiunt pro extractione adornanda *leniter primum, deinde magis intense, cavendo uteri prolapsum*, attrahendum esse. Singularem quempiam antiquorum morem exponit *Avicenna* [h]: *Antiqui præcipiunt obstetrici, ut involveret nianum suam in panno & intromitteret eam & arriperet secundinam*. Crudelius paulo secundum *Moschionem* [i] cum puerperis, quibus affixa erat placenta, egerunt, qui a scala suspendendam esse, & quo exiret placenta, concutiendam suadebant, quo referente pondera etiam quæpiam appensa fuerunt funiculo pro eodem insimul cum secundina deprimendo [k]. Mitius paulo agimus cum nostris, & si dicendum quod res est, non extrahimus secundinam adhærentem, si scilicet umbilicalis chorda metum injicit, ne in radice dehiscat, sed admota propius manu eandem deglubendo separamus; quæ encheiresis, quamvis omnium mitissima sit, suis tamen cautelis

[c] Lib. 4. c. 5 &amp; 6.

[d] Hystor. animal. lib. 7. c. 10. edit. Paris. 1619 fol. p. 895.

[e] Hippocrat. de morb. mul. lib. 1. sect. 77. edit. Linden. Tom. 2. p. 463.

[f] L. c. lib. 6. c. 75. p. 634.

[g] Tetrabibl. 4. ferm. 4. c. 24. ext. in Henr. Stephani med. art. princ. T. 2. p. 791.

[h] Lib. 3. fen. 21. tract. 2. c. 16. p. 720.

[i] C. 54. apud Israël. Spach. p. 5.

[k] Ibid.



cautelis indiget. Merentur apponi, quæ apud *Peu* [l] lego: *dexteritate ad separandam, si adhæserit secundina, patientia ad placide agendum, si nimium adhæserit, ingenio ad dignoscendos placenta status, promptitudine ad tempus lucrandum, experientia ad definiendos, qui regulis carent, casus, opus est*; hisce fane in verbis totius negotii compendium continetur, possentque eadem promente nostra explicanda sufficere, nisi specialiora quædam, encheireses ipsas concernentia, exponenda superessent. Taxandi ante omnia sunt obstetricum quidam errores, quos in separatione legitime instituenda committunt. Resectionem unguium sana ratio necessariam esse imperat; inde condonandum non est *Ludovico Mercato* [m], quod unguium quemdam usum in hac operatione faciat, inquit: *Si vero tenaciter adhæret secundina, ut unguibus extrahi non possit, immitti debent medicamenta*. Metus fane manifestus subest, ne armati unguibus digiti teneram uteri substantiam lædant, excorticent, & in inflammationis periculum adducant, quamvis id impune fieri statuatur *Paul Portalius* [n], quo ipso obstetricibus etiam dicta sunt, quæ *Ovidius* habet:

*Et nihil emineant, & sint sine sordibus ungues* [o].

Gravius errant & negligentia culpam ferunt, si utero sua sponte post exitum fetus collabascienti tantam concedunt moram, ut ejus orificium internum claudatur; inde sæpius laudatus *Peu* [p] instanti immittendam manum, nec retrahendam imperat, donec vel integram separatam senserit secundinam, vel donec certa sit obstetrix, pervestigato solerter & perquisito utero, nihil fragmentorum superesse, etiamsi mala fortuna in partes discesserit. Hunc errorem sic declarat *Cornel. Solingen* [q], optandum esset, omnes obstetrices prudentia & scientia esse instructas ad extrahendas manu, priusquam se uterus constringat, secundinas. Alium jam suo tempore agnovit errorem in administranda secundinarum extractione commissum & sedulo evitandum, *Avicenna* [r] inquit, *oportet ut trahatur non secundum rectitudinem, quoniam timemus inde conversionem matricis neque attractione vehementi*. Aliis solemne est harpyarum more, quo termino de obstetricibus mali moris utitur *Kerckringius* [s], unguibus & digitorum apicibus involare in adhærentem secundinam, eandemque contra doctrinam a magistris acceptam terebrando pertundere. Licere id ipsis liberalius nimis asseruit *Cl. Ruyschius* [t], figuram etiam adjiciens, qua methodus rumpendi adhæ-

[l] Liv. 2. c. 15. p. 494.

[m] De mulier. affection. l. IV. c. 4. ext. apud *Israel. Spach.* p. 1059. B.

[n] L. c. observ. 78. p. 336.

[o] *Ovid.* art. amator. lib. I. v. 519.

[p] L. c. c. 15. p. 495.

[q] *Embryulc.* c. 34. p. 165.

[r] Lib. 3. fen. 21. tract. 2. c. 16. p. 720.

[s] *Observ. anat. obs.* 36. p. 79.

[t] *Obs. anat. chirurg. obs.* 97. p. 124.

adhærentem placentam, docetur [u]. Alii manus vola & digitorum apicibus circumferentiæ secundinarum accommodatis carptim placentam velliant, cujus methodi itidem non levis famæ virum *Joan. de Muratto* [x] antesignanum habent, qui arreptam secundinam globi in modum compressam, educere suadet. Plurimas vexat impatiencia, ut prompte negotium expedire velint, maxime si pauperioribus assistentes evocantur ad alias, majoris lucri fiducia, quo fit, ut debitam prudentiam & in ferendo labore constantiam negligant. Conqueritur hac de re *Zacutus Lysitanus* [y]. Si vero mors contingat aliquando, ea temeritati obstetricum & audacie imponenda est, hæc cum manum in os vulvæ conjiciunt, tam violenter hoc opus exercent, ut uterum dilanient, ulceribus & inflammatione afficiant, ex quibus mortem subsequi posse, nemo dubitat. Quos errores cum aliis ab obstetricibus post partum commissis erudite taxat, beat. amicus *Gaspar Bose*, in dissertatione de obstetricum erroribus, a medico clinico pervestigandis [z]. Feliciter rem ad optatum finem perducere poterunt, si, quæ nunc brevibus recensenda veniunt, observare voluerint. Separatio secundinarum, quemcumque adhæSIONIS gradum habuerint, incipienda venit ab uno alterove circumferentiæ, ubi illæ cum utero cohærent, loco, definiri ille equidem ob circumstantiarum varietatem non potest, certum tamen est, laborum initium faciendum esse illa in parte, ubi fortasse jam paululum dehiscit placenta. Si uniformis illa sit, nulla adhuc in regione separari incipiens, perinde erit, quo in latere negotium aggrediaris. Consultius tamen agunt, qui ab inferiori loco superiora versus manum dirigunt, quam, qui a summo uteri loco deorsum manum adigunt, hinc enim ungues quamvis rescissi, substantiam uteri, illinc vero, convexitatem secundinæ respiciunt, adeoque hic aliquod, illic nullum uteri lædendi periculum subest, maxime si manus probe inuncta fuerit. Totam encheiresin verbis *Hieronymi Fabricii* ab *Aquapendente* [a] apponere liceat. *Dextra manu inuncta intusque uterum missa, quod tunc, cum omnia patefacta sunt, non est difficile, secundinas extrahi, ubi enim manu ad fundum uteri perveni, statim digitis inter placentam & uteri tunicam interpositis, sic eam unguibus parumper circumcisis & retusis, & summis digitis ab utero totam separavi, & extrahi cum felici successu.* Id scilicet intendit auctor, ut digitorum apices ab uteri membrana tantisper remotos habeat, atque concava & semicirculum describens manus inter operandum teneatur. Arbitrarius autem manuum pro negotio perficiendo est selectus, sinistra usus est *Nicolaus Rochæus* [b]. Hæc cautela sicut non parvi momenti est, ita altera adduci meretur, non ignobilior, de cavendo membrana-

rum

[u] Catalog, rarior. fig. 1. p. 45.

[x] Miscellan. nat. cur. dec. 2. an. 5. obs. 35. p. 63.

[y] Prax. histor. lib. 3. c. 19. p. 522. op. Tom. 2.

[z] Præf. D. Aug. Frid. Walthero, Patrono &amp; fauore meo maxime colendo, Lips. 1729. §. 3.

[a] Chirurg. oper. ven. 1619. fol. p. 100. conf. *Dionis* l. c. liv. 3. c. 6. p. 227.[b] De morb. mulier. curand. c. 30. apud *Israel. Spach*. p. 107.



rum ex secundinis propendentium impedimento ; fieri scilicet haud raro solet, ut chorion æque ac amnios manui oberrantes, eandem sic turbent, ut, nisi antea sese extricaverit, separationem continuare haud possit. Ubi semel tantillum spatii lucratus fueris, pro digito uno post alterum subter placentam adigendo, non adeo præcipiti progrediendum est saltu, sed modestam decet esse operationem, ne canis festinans cæcos pariat catulos. Methodum qua manus urgeri debeat inter separandum, sic exponit Celeb. *Amand* [c]. Digitos inter membranam internam uteri & secundinam medio loco ponere annitor, inde paulatim paulatimque, donec totam separaverim, progredior, cavendo ne uteri substantiam lædam. Ponamus etiam aliquo hinc inde in loco fortius radicatum esse placentæ substantiam, dubium sane non est, artificiosa manus directione & molli impulsu hos etiam nodos resolutum iri. Quod fortunæ loco esse reputo, nullas habui hactenus, quamvis tenaciter satis adhærentes, placentas, quas non obsequentes reddiderim, & patientia laborisque constantia superaverim. Quodsi tamen fuerunt ex infelicioribus, quæ secundina nondum educta vita excefferunt, hæc clausura magis uteri interni spasmodica & convulsiva, adeoque adynamia curandi, quam adhæssionis culpa periisse deprehendi. Quo quidem in casu, si digiti obstetricantis pro aperienda via non sufficiunt, nec speculum uteri, horrendum visu instrumentum, quidpiam proderit, quod laudatum deprehendo a *Zacuto Lusitano* [d] & *Harvaeo* [e] *Rueffo* que [f]. Plura antiquorum instrumenta pro aperienda matrice extant apud *Albucasin* [g]. Neque vero saltem uteri clausura, quo minus adhærens secundina separari possit, impedire solet, verum etiam in ipso utero efformatus, quem supra descripsimus, locus, si adsit, probe peruestigandus immisso uno post alterum digito, molliterque terebrando aperiendus est & referendus, donec manus integra inserta fuerit, & ea omnia paulo post perficienda, quæ separationem spectant. Quamvis autem salus puerperæ maximam partem tunc in exercitata obstetricantis manu collocata sit, non tamen omnino nihil officii hic vel puerpera vel adstantes præstant. Parum equidem auxilii sibi adfert puerpera, si ad consilia anicularum, prout recenset *Pen* [h], pro adjuvanda adhærentis secundinæ separationem, flatum manibus junctis immittendo, sese exerceat, digitum faucibus pro excitando vomitu intrudat, sternutatoriis diaphragmatis motum excitet. Nam oriri quidem exinde salutare quospiam pro extrahenda naturaliter obfirmata secundina motus in utero arbitror, verum, quæ fortius radicata contactui manus expertæ resistit, quomodo concussionibus ex longinquo allatis possit dimoveri, non video. Unicum est beneficiorum genus, quo operantem seque obstringere possunt puerperæ, si morigeras sese

H h h 2.

præ-

[c] L. c. observ. 117. p. 360.

[d] L. c. lib. 3. c. 19. p. 523.

[e] Exercit. de Partu p. 275.

[f] L. c. lib. 3. c. 6. p. 29. 30. c. fig. ibi ext.

[g] C. 77. apud *Israel Spach*. p. 445. 446.

[h] L. c. liv. 2. c. 15. p. 507.

præbeant, & impatientia aut jactitatione opus per se dolorificum non interrumpant. Exemplum ejusmodi feminæ extractionem secundinæ suæ ferocia impediens, nec leve hoc ipso propriæ suæ vitæ periculum struentis, habetur apud de la *Motte* [i]. Non omnino tamen nihil adstantes contribuunt. Quodsi enim inconstans sit uterus, & hinc inde in pelvi fluctuet, vel superiora versus tendat ejus fundus & encheireses hoc ipso difficiliore efficiat, opus est, ut ex adstantibus una vel altera feminarum abdomen leniter comprimendo, stabilem efficiat uterum, id quod ipse obstetricans, alteram manum abdomini imponens, alteram utero insertam tenens pro rei necessitate melius & fini suo convenientius poterit exequi.

## §. XVII.

*De remediis quibusdam ad dimovendam secundinam facere visis.*

Magnopere defudavit antiquorum æque ac recentiorum industria in detegendis & comprobandis variis remediis, quibus secundina moram nectens, sine manus ministerio expelli possit. Quamvis non possim non fateri, lubricam omnino imo fere nullam auxilii fiduciam in specificis secundinas pellen- tibus esse, ne tamen aliquid omisisse videar eorum, quæ huc spectare poterant, aliquid ex omnibus addam. Suadentur externa quædam remedia abdomini applicanda pro secundina ex sede sua dimovenda. Frictionem loci vel lateris, ubi secundina hæret, factamque inferiora versus pressionem consulit *Solingen* [k]. Actu frigida imponuntur abdomini ab aliis. Guttas aquæ frigidæ umbilico instillant quidam infans nec præmonita matre, quo, terrore eidem incusso, salutaris quidpiam efficiant [l]; quem morem fortiter improbat & sinistram rerum eventum inde narrat *Vitus Riedlinus* [m]. Emplastrum pro expellenda secundina ex vino oleo & melle habetur apud *Louise Bourgeoise* [n]. Ad externa referre adhuc liceat, quæ sub forma clysmatis uterini pro vertenda in suppurationem secundina injecta fuerunt, qualia habentur apud *Eucharium Rhodionem* [o] ad mentem *Avicennæ* [p], qui unguento basiliconis hunc in finem usus est. Taxat tamen & merito quidem *Portalius* [q] Viardelium, quod inunctionibus pro humectando & lubricando utero, manu peractis auxilium adferre secundinis adhærentibus voluerit, probe monens, non remediis sed manibus esse fidendum. Placebant anti-

[i] L. c. liv V. c. 2. observ. 389. p. 742. 743.

[k] Embryul. c. 34. p. 171.

[l] *Peu* l. c. liv. 2. c. 15. p. 508.[m] *Lin. med. an.* 1696. Aug. Vindel. p. 54.[n] *Recueil de Secrets. Par.* 12. 1710. p. 102.

[o] L. c. 6. p. 24.

[p] *Lib.* 3. fen. 21. tract. 2. c. 16. p. 720.

[q] L. c. observ. 53. p. 244.



antiquis suffumigia aromatica, quæ supponebantur mulieribus, sic enim *Aëtius* [r]: *Si nec tunc decidit secundina, odoramenta afferantur convenientia, cardamomum, bdellium, sabina, thymus, styrax, aliæque.* De pessariis, fotubus, suffitubus aliisque antiquitus usurpatis legi potest *Hermannus Corbæus* [s] & *Jacob Rueff* [t]. Non defuerunt ex recentioribus, qui prolixissimos remediorum specificorum secundinas pellentium catalogos adornaverunt, inter quos supra allegatus *Leporinus* non ultimum occupat locum, qui, cum non levem ex fortiter oppugnato *Ruyfchio* gloriam retulisse videretur, hoc unico censuram publici meruit, quod *Helmontianam* de hepate anguillæ [u] secundinas depellente fabulam nimia credulitate agnoverit. Idem judicium esto de infinitis aliis ridiculis magis, quam utilibus, ramentis ungulæ asini-næ, spolio serpentis, fimo equino, chamæleontis lingua, membrana e canum secundinis, capite caponis, aliisque quamplurimis, quæ passim apud auctores habentur. Specificorum secundinas pellentium prolixum catalogum vide apud *Hippocratem* [x] *Anodyna* & *stupefactiva*, *hyoscyamum* scilicet, *mandragoram*, formulæ suæ pro pellendis secundinis immiscet *Galenus* [y]. *Athenæus* [z] atheniensibus itidemque *Hippocrates* (a) suis puerperis brassicam veluti idoneum remedium in simili casu propinaverunt. Ex recentioribus remedia ad putredinem secundinæ promovendam præscribit *Mauriceau* (b), clysteres emollientes, antifebrilia, cum diæta rite composita in auxilium vocans. De plurimis istorum remediorum, quæ passim commendantur, & a quibus superstitiones non ignobiles effectus promittunt, valent, quæ habentur apud *Plinium* [c]: *Ostentatio artis & portentosa scientiæ venditatio manifesta est, quam ne ipsi quidem noverere.* Quodsi tamen non inopem relinquere & omni medicina orbatam puerperam velimus, symptomata potius, quam ipsum morbum ex quibusdam remediorum virtutibus levamen sperare posse existimo. Non inanis erit in analepticiis, antispasmodicis, lenioribus diapnoicis, anodynis, fiducia, quo motus inordinati uterum invadentes, ipsamque turbantes operationem componi possint. Febricula, quæ, uti solet, per se puerperam affligit, intensior facta, quando lochia consuetam viam ire nequeunt, etiamsi pauculis saltem horis adhæsiō perduret, tanti momenti est, ut intacta relinqui non possit, multo majus si acutior ista fiat, inflammatoria, deliriis haud raro juncta, quo tempore, quamvis omnia sinistrum even-

H h h 3

tum

[r] Tetrabibl. 4. ferm. 4. c. 24. l. c. p. 791.

[s] L. c. lib. 2. c. 6. p. 274. sequ.

[t] L. c. lib. 3. c. 4. p. 25. b.

[u] L. c. p. 113.

[x] De morb. mul. lib. 1. sect. 74. ed. Lind. T. 2. p. 467. &amp; sect. 106. ib. p. 497.

[y] De composit. pharmacor. lib. 7. op. edit. Froben. class. 5. p. 373.

[z] Deipnosophia l. IX. p. 370. Lugd. 1512. fol.

[a] De morb. mul. lib. 1. sect. 74. edit. Lind. T. 2. p. 461..

[b] L. c. liv. 2. c. 9. p. 254.

[c] Hist. natural. lib. 29. c. 1. edit. in usum delphini, Paris. 1723. Tom. 2. p. 479.

tum innuere videantur, non tamen derelinquenda est puerpera, quasi conclamata esset humanæ vitæ salus, quin potius temperantibus terreis, lenioribus bezoardicis & paregoricis id agendum, ne, quantum in nobis est, in sphacelum præceps uterus ruat.





L X X X.

PHIL. CONRAD. FABRICIUS

M E D. P. P.

*P R O G R A M M A*

D E F E T U S V I V I E X T R A C T I O N E

*U T E R O P R O L A P S O.*

Helmſtad 22. Novembris anno 1748.

THE  
SOUTHERN RAILROAD

AND  
THE ATLANTIC OCEAN

AND THE GULF OF MEXICO

AND THE SOUTH SEAS



**I**N cujusvis hominis generatione & ortu tam a parte matris quam a parte embryonis tot admiranda phænomena concurrere, ut natura hic quasi se ipsam vincat & superet, *Divinaeque Sapientiae & Providentiae* cujusdam specialissimæ vestigia se fortasse per totam sequentem vitam nunquam lucidius quam tunc manifestent, apud peritiores & sagaciores arcanorum naturalium scrutatores & artis salutaris consultos tam unanimi consensu statuitur, & argumentis ab ipsa rei evidentia desumptis & plane invictis cuilibet in dubium vocanti ad oculos adeo distincte demonstratur, ut chartam & tempus inutiliter consumere jure videri possem, si in sterili & ficulnea eorum sententia, qui constantes rerum naturalium fines existere, unamque semper rem propter alteram productam esse hodie in tanta scientiarum luce etiam nunc negare audent, ex firmissimis his principiis refutanda prolixior esse vellem. Sive enim pulcherrimum illud naturæ effectum, quo seminis masculini paterni nobilioris particulæ interventu corpusculum embryonis in ovulo materno quoad singulas sui partes jamdum quidem delineatum & præstructum, sed sine ulteriori augmento in perpetua quiete & organorum sensoriorum stupore & inertia hucusque perdurans in momento quasi excitatur, animatur & viget, & ad perfecti hominis mensuram & molem usque sensim augetur & crescit, paulo vividius ob oculos nobis ponamus; sive ad notabiles illas mutationes animum nostrum advertamus, sub quibus ovulum ejusmodi sæcundatum & a nexu cum ovario solutum a tuba Fallopiana materna alterutra excipitur & ad cavum uteri transmissum ab eo per totos IX menses vel XL hebdomades retinetur, fovetur & nutritur; ubique stupendum sane machinæ nostræ humanæ artificium menti nostræ sese palpandum quasi offert, majestatemque *Divini* sui Auctoris quam elegantissime nobis patefacit. Quodsi vero harum rerum consideratio in nobis insignem quamdam admirationem perfectionum summi *Entis*, profundamque venerationem ejus in nos benignitatis necessario excitare debet, nisi quidem præjudiciorum pervicacia omnem in animo nostro veritatis pietatisque sensum plane extinxerit; certe modus & ratio, quibus fetus humanus sufficientem partium firmitatem adeptus ex ergastulo uteri materni in lucem deinde vitalem egredi solet, adhuc notabilioribus phænomenis comitatur. Tunc enim ex solo quodam instinctu naturæ homo recens nascendus perfectionem suam sentiens corpusculum ita invertit, & talem accurate situm, nemine adjuvante, ut plurimum occupat, ut angustissimas sane vias partium genitalium maternarum sub innumeris alicubi ad ossa circumposita offendendi periculis, moliminiibus matris accedentibus, feliciter perrumpere, inque dias luminis auras prodire denique queat, adeo ut miraculo proximum viri harum rerum intelligentes semper judicaverint, quod non plures partus infelices quotidie contingant, quam quidem re vera observantur.

Licet autem adoranda quadam pro conservatione generis humani cura  
*Tom. I I I.* I i i sum.



summum sapientissimumque *Numen* hac in re tam sollicitè prospexerit & ca-  
verit, ut inter centum & plures partus vix unus & alter contra naturam  
observetur; permulta tamen tum a parte matris tum a parte infantis accide-  
re queunt, ob quæ gravissimum hoc opus non semper ad optatum finem  
vel tamen non nisi summo cum labore perducì potest, sed vel mater vel fe-  
tus periculum mortis aut mortem ipsam subire cogitur, prout ejusmodi ca-  
sum tragicorum complura exempla celebriores & classici artis obstetricæ  
scriptores ubique loquuntur, modumque quo vel utrique vel mater saltem  
aut infans ex orci faucibus eripiendi sint, uberius ostendunt.

Inter ea vero impedimenta, quæ a parte matris insignem quamdam in-  
commoditatem & formidinem funesti exitus huic negotio inferre valent,  
procidentia uteri sine inversione, nam altera hujus mali species non nisi fe-  
tu jamdum excluso accidit, pro uno ex maxime terrificis omnino reputari  
debet. Utut enim hæc quoque labes magis extra tempus graviditatis vel  
brevi post partum, quam in feminis actu gravidis ut plurimum se exserat,  
quia in his primis gestationis mensibus uterus potius ascendit quam descen-  
dit, adeoque haud facile prolabitur, medio & ultimo graviditatis tempore  
vero ob molem & amplitudinem uteri a sanguine in vasis & substantia ejus  
coacervato & a fetu incluso insigniter adauctam transitus sub offium pubis  
arcu non nisi difficillime ei conceditur, quæ hujus morbi in gravidis raritas  
procul dubio quoque in causa est, cur cautiones sub partu mulierum eo af-  
flictarum observandæ apud auctores scientiæ obstetricæ minus frequenter  
adnotatæ deprehendantur: casus clinico-practicus statim recensendus tamen  
abunde comprobabit, quod hoc malum in his, quæ utero gerunt, quoque  
non plane nunquam occurrat, ubi vero hoc in solatium sexus infirmioris  
iterum cedere debet, quod tunc non solum omnis evadendi spes minime ab-  
jicienda sit, sed etiam, quod potissimum in hoc schediasmate mihi demonst-  
randum summi, dum modo tempestivum auxilium externum non negligat-  
ur, partus hic sæpe facilius minoreque cum dolore & vitæ periculo præsen-  
taneo conjunctus esse soleat, quam dum uterus situm naturalem occupat,  
omniaque maxime ordinario modo procedere credimus.

Femina scilicet quædam XXX. fere annorum, conditionis tenuioris, sta-  
turæ mediocris, habitus corporis paulo strictioris, jam tertia vice in parien-  
di necessitate constituta, quæ cum primum fetum excluderet, ultra XXIV.  
horas quoque doloribus partus insumerat, ante aliquot menses, dum ad-  
huc physici ordinarii munere in patria fungebar, consilium meum sibi ex-  
petebat. De natura mali itaque unum & alterum expiscans comperiebam,  
quod illa jam inde a vespera diei præcedentis in negotio partus frustra occu-  
pata fuerit, omnibus doloribus ad id necessariis fere emanantibus, vel tamen  
valde debiliter & per vices rarissimas recurrentibus, brevique evanescenti-  
bus, fetu de reliquo ex affirmatione matris & obstetricis vivo & situ natu-  
rali constituto, ac capitis vertice egressum per os uteri materni non nihil aper-  
tum moliente, qui vero uterus totus extra abdomen parturientis inde a 2.  
mensi-



mensibus sine insigniore violentia externa prægressa propendebat, liquorem quemdam mucosum per integrum illud temporis spatium subinde emittens, nec moliminibus obstetricis illum jam sub prima hujus mali exordia reponere conantis cedens. Ulterius deinde instanti mihi & subdubitanti, an fortasse debitus partus terminus nondum advenerit, liquor Amnii die præcedente circa vesperam jam dum totus effusus, calculusque parturientis jam non prima vice in hoc negotio occupatæ quoad omnia conveniens, omnem hæsitacionem animo exemerunt. Nullus itaque dubitavi desiderio parturientis, quæ medicamentum dolores partus excitans rogabat, singulis momentis rite perpensis satisfacere, eique aliquot doses boracis Venetæ cum vehiculo ex temperatioribus aquis hysteris syrupo conveniente edulcoratis constante singulo senihorio sumendas ordinavi, utpote quod concretum mere salinum & sine ulla sanguinis exæstuatione tantummodo fibras stimulando operationem suam peragens, spem meam in tali casu hucusque nunquam frustratum est, ita ut myrrhatis, crocatis aliisque pellentibus acrioribus suppressionem lochiorum febresque uteri inflammatorias haud raro inducentibus hucusque facile carere potuerim. Jussi etiam, ut obstetrix doloribus partus hoc remedio excitandis probe attenderet, nec sub illorum remissione laborem continuare parturienti concederet, illis vero urgentibus os uteri antea butyro probe inunctum uno & altero dextræ suæ digito immisso modeste dilataret, fetus egressum hac ratione pro virili facilitando, manuque sinistra uterum a capite infantis versus abdomen parturientis repellendo. Suasi præterea, ut utero sub augmento dolorum se magis aperiente subinde tentaret, an non utriusque manus indice inter caput fetus & parietes uteri materni immisso istud ad aures vel maxillam inferiorem arreptum facta nonnulla rotatione una cum reliquo corpusculo successive extrahi queat, quæ vero molimina hac vice successu caruerunt. Ipse itaque parturientem adire, eamque ope mea juvare requirebar, quam quidem in summa rerum angustia deprehendi. In sella obstetricia confidens dolores post usum pulveris supra indicati confertim orientes, & satis diu continuantes omni nisu promovebat, nec obstetrix aliquid in sua opera desiderari patiebatur, ore uteri nihilominus haud ultra amplitudinem thaleri minoris se aperiente, ita tamen ut caput infantis adcurate conspici tangique potuerit, uterus vero totus extra abdomen instar urcei vel utriculi propendebat quam maxime rubens & induratus, qui rerum status etiam continuabat, etsi interea quovis momento sacculos ex floribus chamomillæ paratos & lacti incoctos prævia expressione utero calide circumponere juberem. Ne itaque vires parturientis frustra perirent, ei lectum adstantem petere illique transversim incumbere concessi, talem tamen situm occupare jussæ, ut clunibus & thorace cum capite nonnihil elevatis muscoli abdominales in statum relaxationis redigerentur. Hoc facto, uteroque interea oleo liliorum alborum continuo calide inuncto, os ejus statim insigniter se dilatare cepit, & licet parturiens interea gravi horrore corriperetur, adeoque de vita infantis nonnihil timendum videretur,

tamen post iteratum usum pulveris supra nominati a chirurgo, quem arcessere jusseram, & necessariis cautionibus instruxeram, puellus vivus vegetusque sine instrumentorum nocivorum applicatione brevi post supra indicato modo extrahi potuit, qui tamen capite valde acuminato præditus deprehendebatur. Funiculo vero umbilicali una cum secundinis statim extractis uterus collapsus sine impedimento intra vaginam & pelvim retrudebatur, ad quem retinendum corporis requiem, fluxuque lochiorum absoluto pessarium continuo gestandum puerperæ maximopere commendavi.

Quodsi jam integram difficilioris hujus casus historiam paulo generaliori & intentiori contemplatione examinemus statim patebit, quod in hac femina a puerperiis prioribus vagina & ligamenta uteri tam lata, illum ad ossa pelvis præcipue ilei adnectentia, quam rotunda, quorum per annulos abdominales egressorum interventu inguinibus alligatur, insignem quamdam relaxationem & debilitationem perpessa necessario fuerint, alias enim tam profunde uterus descendere, & sinum pudoris penetrare haud valuisset. Hæ tamen causæ per se vix sufficientes videntur, nisi commissura ossium pubis laxior vel totius etiam reliqua pelvis capacitas præter naturam adaucta in hac femina simul concurrerint, sive illa a nativa & vitiosa quadam harum partium conformatione, sive ab extraordinario & successivo ossium pelvim constituentium secessu deduci debeant. Licet enim extra tempus graviditatis prolapsus uteri, ut supra dictum, tam ob continuam ejus reliquarumque genitalium partium humectationem & relaxationem inde orientem, quam propter imperitiam & violentiam plerarumque obstetricum hodie adeo frequenter in femellis maritatis occurrat, ut prout alii quoque observarunt, & experientia quotidiana confirmat, vix pagus vel minor civitas reperitur, in qua non plures mulieres deprehendantur non solius vaginæ, sed ipsius uteri procidentia laborantes, adeo ut jure mirari quis posset, quod hunc morbum tam diu olim viri harum rerum alias peritissimi in dubium vocaverint, cum tamen cuilibet uterum in cadavere feminino in situ naturali contemplanti & anatomice scrutanti statim in oculos incurrat, quam laxè & minus firmiter ille cum partibus circumjectis jungatur: graviditatis tamen tempore & præcipue sub ultimis gestationis mensibus, ut in nostra parturiente accidit, ejusmodi descensus uteri ob rationes supra allegatas vix aliter quam cum claustrorum ossium apertura vel amplitudine pelvis extraordinaria quadam conjuncta concipi facile poterit.

Postquam vero quacumque ex causâ uterus cum fetu incluso semel extra pelvim elapsus fuerit, quilibet sane perspicit, quod deinde termino partus ingruente hic omnia expeditius & minori cum difficultate procedere debeant, quam si ille in situ naturali adhuc hæreret. Dum enim infans in ejusmodi utero limites transgresso contentus exitum molitur *Primo* non amplius periculum incurrit ad ossa pubis, ilei ischiique vel coccygis alicubi offendendi, quod plerorumque partuum difficiliorum primaria causâ est, etiamsi fetus de reliquo naturali modo egressionem tentet, sed vel capite vel humeris leviter



leviter saltem ad latus declinet, aut nimis torosus sit, debitave pelvis capacitas in matre ex vitio connato deficiat, osque sacrum & coccygis nimis introrsum curvetur. *Secundo* manibus obstetricantis in ejusmodi casu inoffensus conceditur accessus, ut uterum remediis oleosis probe inungere osque ejus digitis immixtis dilatare, vel apertura sufficiente sponte infecuta fetum sine labore extrahere valeat, si situm perversum ille occupet, repositionem ejus, ut artis est, sine mora prius peragendo. Nemo vero ignorat, quam magnæ sæpe difficultatis, & quantis cum parturientis doloribus junctum sit, unum vel alterum tantum digitum & integram denique manum per partes genitales exteriores usque in uterum debito loco intra pelvim hærentem immittere, iisque fetum male dispositum prævia repositione extrahere, dum v. gr. vagina tumore inflammatorio vel scirrhuso correpta aut cicatricibus oblita est. *Tertio* hæc commoditates non eo solum tempore locum habent, dum embryo vivus & vegetus est, sed etiam dum intra uterum hærens diem suum præmature obiit, potissimum utilitate sua se commendant. Hic enim cuilibet practico pariter notum esse debet, quanta vi ab utero se in pristinum statum restituere conante ejusmodi fetus mortuus nihil amplius resistens conglomerari & ad ossa pelvis impelli soleat, ita ut tunc sæpe omnes fere encheireses & operandi regulæ ab artis obstetriciæ antesignanis suppeditatæ eclipsin patiantur, virtusque boni obstetricantis nunquam magis quam illo potissimum tempore se cognoscendam præbeat, quo nulla prope modum sollertia & vi fetus angustis uteri & pelvis impactus vel leviter saltem moveri, multo minus vero in situm convenientem restitui & extrahi integer illæsusque potest, sed frequenter admodum & quidem non sine periculo partes circumjectas maternas simul lædendi tantum non discerpi debet, ut matris vita servetur ipsaque a periculoso ejusmodi onere liberetur. Omnia vero hæc impedimenta in parturientibus pari cum nostra uteri conditione præditis omnimode cessant, cum, ut supra monui, obstetrix ambabus manibus negotium in eis libere aggredi, fetumque adeo sine impedimento & pro lubitu vertere, & denique eximere illæsum queat, quemcumque etiam ille situm antea occupaverit.

Hoc vero quoque simul quilibet æquus rerum arbiter concedat oportet, quod tunc omnis uteri callositas vel cancer aut gravior inflammatio aliave causa ejus dilatationem impediens, quales vero constitutiones morbosæ sub diuturniori hujus mali duratione facile contrahuntur, abesse debeat, alias enim non posset non vel levissimum obstetricantis molimen in ejusmodi parturientibus syncopen, convulsiones, gangrænam & alia symptomata funesta excitare & unumquemque ab ulterioribus conatibus deterrere, omniaque consilia irrita & frustranea reddere.

Paulo lentius hoc negotium hic quoque ut plurimum procedere solet, præcipue si fetus præmature fato functus fuerit, adeoque motu suo opus adjuvare nequeat, quia uteri extra abdomen propendentis vis expulso-ria ad fetum sponte eliminandum summopere necessaria tunc ut plurimum per se

debilior deprehenditur, tam ob refrigerationem externam, quam propter nimiam & doloris plenam fibrarum ejus tensionem vasorumque sanguiferorum & nervorum uterinorum strangulationem. Præterea vero ab actione diaphragmatis & musculorum abdominalium adjuvari hic labor tunc amplius nequit, utero prolapso penitus extra contactum eorum posito: prout in nostra puerpera ab intensissimis quoque laboribus initio parum vel nihil plane in apertura oris uteri adaugenda effectum fuit.

In hac quoque uteri conditione melius est, ut femina lecto supra indicato modo incumbens pariat, quam ut sellæ infideat. Hoc ultimo enim casu mater quidem exitum infantis conatibus suis fortius promovere potest, pondus vero uteri & embryonis propendentis adauctum constrictionem spasmodicam fibrarum uterinarum necessario simul intendit, quæ itaque os uteri magis occludunt quam referant. Parturiente vero modo dicta ratione in lecto constituta os uteri successive sponte se aperit, spasmique vagi statim remittunt, ita ut justo temporis articulo expectato fetus denique a quavis adstante muliercula sine difficultate extrahi queat. Eandem ob causam a præmaturis conatibus obstetricans hic eo magis abstinebit, præcipue si os uteri nondum sufficienter ampliatum deprehendatur, multo minus vero hoc negotium impetuose & violenter tractandum est, quia alias disruptio uteri vasorumque ab hypogastricis potissimum ad eum ablegatorum certo certius timenda esset.

Et hæc singula rite perpensa abunde denique, ut opinor, comprobabunt, quod parturientium labes, cujus naturam hucusque exposui, ratione fetus haud adeo formidabilis sit, sed re tempestive & perite aggressa sine sanitatis & vitæ detrimento ei sub hac quoque uteri materni conditione exitus in lucem parari queat, licet de reliquo illa intuitu matris complura pericula adferat, dum repositus post partum uterus ob insignem vaginæ reliquarumque partium annexarum relaxationem tonumque fibrarum penitus destructum, levissima causa externa accedente, facillime rursus excidere & supra recensita symptomata quin ipsam tabem & mortem denique inducere solet, nisi quidem prudenti cura & regimine adhibitis hæc singula præcaveantur.



L X X X I.

DISSERTATIO

CHIRURGICA,

DE

CAPITE INFANTIS ABRUPTO,

VARIISQUE ILLUD EX UTERO

EXTRAHENDI MODIS.

*Quam tuebatur*

JOAN. CAROL. VOIGT,

GIESSENSIS.

Giesſæ 6. Septembris anno 1743.





## §. I.

**I**nfima imi ventris cavitas, in qua vesica urinaria cum adnexis partibus, intestinum rectum, & in sexu sequiori uterus cum sibi connexis partibus tuto recondita hospitantur, a figura quam format ovali, pelvis nomine anatomicis venit [a].

## §. I I.

Ad formandam hanc cavitatem contribuunt ossa coxæ, os sacrum & os coccygis, ossa coxæ quæ & innominata vocantur, sunt duo illa ossa irregularia, in imo. trunci conspicua, quorum quodvis in junioribus ex tribus constat ossibus, mediante symphyfi cartilaginosa f. synchondrosi, eo in loco connexis, in quo magna illa, in facie hujus ossis externa, adest excavatio, cavitas cotyloidea aut acetabulum dicta; in adultis vero penitus concresecunt hæc ossa, nullo fere remanente synchondrosis vestigio; pars superior atque lateralis cujusvis coxæ ilium, anterior pubis & inferior ischium appellatur, ex quo situs horum ossium apparet. Partibus ossium ilii lateralibus jungitur os sacrum, aliis os basilare dictum, quia infima spinæ est pars, & quasi fundamentum, in quo notanda basis, f. pars superior lata, apex f. pars inferior, facies anterior concava, facies posterior convexa. Construitur os hoc, figuram triangularem referens, ex quatuor aut quinque officulis symphyfi cartilaginosa junctis, quæ in adultis in unum concresecunt. Apici ossis sacri adnectitur os coccygis, a figura rostri cuculi ita dictum, ex quatuor quoque aut quinque in junioribus conflatum officulis, temporis successu coalitis. Prolixiorem horum ossium descriptionem qui desiderat, adeat celeberr. Winslow [b], & laudatum a Deventer [c].

## §. I I I.

Connexio horum ossium fit partim cartilaginum, partim ligamentorum ope: combinantur nimirum duo ossa coxæ f. potius pars eorum anterior, os pubis dicta, cartilagine quadam intermedia, quæ notante Thom. Bartholino [d] in mulieribus brevior quidem, sed duplo crassior existit, arcuatamque secundum Dionis [e] efficit horum ossium cohæsionem. Eadem syn-

[a] Alienum forsan videbitur multis, quod pelvis descriptionem præmiserim; ast quam maxime necessariam pelvis cognitionem obstetricantibus esse, celeberrimus monet Henricus a Deventer Nov. lumin. obstetricant. cap. III.

[b] Exposition anatomique traité des os secs T. 1. §. 508. ad 517. 2. §. 573.

[c] L. c. cap. 3. pag. 14.

[d] Anat. lib. 10. cap. 16. pag. 738.

[e] Traité des accouchem. lib. 3. c. 1.

Tom. I I I.

K k k

chondrosi os sacrum ilii ossibus eo in loco adnexum est, ubi in quovis horum ossium magnæ duæ facies cartilaginossæ, inæquales, longæ, irregulares figuram literæ S. majoris aut avis capitis æmulantes, cernuntur. Symphysis cartilaginossæ beneficio, os coccygis quoque cum osse sacro cohæret, sed plerumque mediante cavitate [f] glenoidea articulari hoc os, experientia docet. Laxa est hujus ossis cum sacro connexio in feminis, magis quoque in illis recedit, quam in viris [g]. Ligamenta ad horum ossium combinationem symbolum suum contribuentia, sunt: (1) ligamentum superius, labio interno cristæ ossis ilii, & apophysi transversali ultimæ vertebræ lumbæ adnexum. (2) Ligamentum inferius anterius, faciei internæ cristæ ossis ilii, & apophysi transversali ossis sacri adhærens. (3) Ligamenta inferiora posteriora, labio interno tuberositatis ossis ischii & apophysibus transversis ossis sacri adnexa. (4) Ligamentum sacro-ischiaticum magnum a facie externa tuberositatis ossis ilii ad apophyses transversas ossis sacri, os ischii & os pubis tendens. (5) Ligamentum sacro-ischiaticum parvum, sacrum, coccygis & ischii os combinans. (6) Ligamentum transversale ossium pubis. Fusius de his ligamentis eorumque usu egit oculatiss. Winslow [h].

## §. I V.

Dividitur (§. I.) pelvis communiter in partem superiorem s. latam, a parte superiore ossium ilii solummodo formatam; & inferiorem s. fundum, ab ossibus ilii, ischii, pubis, sacro & coccygis compositam. Ab artis obstetriciæ scriptoribus vero ad meliorem situs infantis cognitionem aliter adhuc dividitur pars inferior s. fundus pelvis, nimirum (1) in aperturam superiorem, ubi notanda posterius (a) portio superior s. basis ossis sacri, quæ cum ultima vertebra lumbæ angulum [i] facit prominentem, (β) linea prominens a symphysi cartilaginosa ossium ilii cum osse sacro, usque ad eminentiam obliquam, a symphysi ossificationis ossis ilii & pubis formatam, excurrentem, & partem largam pelvis a fundo discernens. (2) In partem pelvis mediam, posterius a portione media ossis sacri, ad latera a basibus ossium ilii & corporibus ischii una cum eorum spinis, anterius vero a corporibus & angulis ossium pubis conflata. (3) In aperturam inferiorem, posterius ab apice ossis sacri, osse coccygis, ad latera a tuberositatibus ossium ischii, anterius a ramis ischii & pubis compositam.

## §. V.

Capacitas, figura atque differentia pelvis jam consideranda sunt. Ad (§. I.)

[f] V. celeberr. Heisteri compend. anatomic, pag. 41. §. 127.

[g] Bartholinus l. c. cap. 15, pag. 737.

[h] L. c. Traité des os frais §. 105. seq.

[i] Angulus hic si nimis promineat, pelvis capacitatem imminuit, ideoque partui difficili & laborioso ansum præbet.



(§. 1.) capacitatem pelvis: quod attinet, admodum illa variat, dum in aliis minor observatur, pro ratione subjectorum; exinde tamen non concludendum, quod in feminis majoribus amplior illa sit, & angustior in minoribus, cum contrarium sæpe experientia testetur: sed quod in mulieribus pelvis semper latior existat quam in viris, ut in graviditate extensionis libertas utero concedatur. Figura pelvis in plerisque est ovalis, pro subjectorum tamen diversitate in aliis magis ad ovi, in aliis vero ad globi accedit similitudinem. Magnam quoque inter pelves muliebres & viriles deprehendimus differentiam: (1) Etenim ilii ossa latiora magisque a se invicem remota atque distensa sunt in mulieribus quam in viris. (2) Os sacrum feminarum magis retrorsum reclinatur. (3) Arcus quem rami inferiores ossium pubis cum ramis ischii formant major atque latior est in sequiori quam virili sexu. (4) Ossa ischii latius expansa, atque tuberositates eorum ossium non tantum introrsum versæ sunt in feminis quam in viris. (5) Denique & os coccygis [k] illis plus retrorsum inclinatur, cum in viris magis flectatur antrosum.

## §. V I.

Vidimus qua ratione quarumque partium ministerio pelvis efformetur cavitas; restat, ut, quid inde expectandum boni malive sit, brevibus commemoremus. Legitimam decentemque cum ossium prædictorum (§. 2. 3.) tum ipsius pelvis (§. 1. 4. 5.) conformationem, aliis ad partum faciliorem requisitis rite constitutis, partus sequitur facilis; ast male iisdem constitutis, & in structura læsis, mala multa incommodave nascuntur, in quibus enarrandis tamen haud multus ero, cum celeb. a *Devent* [l]. rem ita exhausserit, ut nihil superaddi possit. Quæstio igitur movenda venit: an nimirum hæc (§. 2.) ossa secedant in partu, atque dimoveantur nec ne? Si in re quadam artis obstetriciæ auctorum adest dissensio, certe in hocce phænomeno inquirendo illa reperitur, ita ut structuræ atque combinationis horum ossium ignari, cui assentiendum sit parti, nesciant; dum alii affirmativam, alii negativam conditionatam, alii plane negativam foveant sententiam. Filo igitur Ariadne, quo ex hocce labyrintho nos extricare possumus, forsitan opus erit. Quare visis in utramque partem quæ afferuntur rationibus, statim, cui assentiendum sit parti, declarabimus.

## §. V I I.

Primus horum ossium diductionem affirmans, est ipse medicinæ parens *Hippocrates* [m] qui de lumbis & coxendicis ossibus, quod in partu didu-

K k k 2

cap-

[k] Antrosum nimis si inclinatur hoc os partum reddit difficilem. V. à *Deventer*. l. c. cap. 27. pag. 119. id. cap. 3. pag. 18.

[l] L. c. cap. 27. pag. III. sequent.

[m] Oper. sect. 3. lib. de natur. puer. pag. 247.



cantur, statuit: hunc Galenus multique recentiorum secuti, horum ossium divulsionem ac diductionem agnoscunt. *Harvæus* [n] gravis alias Auctor, de hac distensione prodit sequentia: *Atque e matrice in vaginam prolabitur (materia aquosa) partes quoque vicine laxantur, & distensioni aptæ fiunt: quin etiam sacri & pectinis ossium cum coxendice copula, (quæ fit per synchondrosin) adeo emollitur & solvitur, ut dicta ossa facile exeunti fetui cedant, & hiantia regionem totam hypogastricam ampliorem reddant: & in alio loco* [o] sequentia habet: *Simili quoque experientia edoctus assero, ossa pubis sæpe ab invicem in partu laxari, emollito eorum cartilaginoso connexu, totamque hypogastrii regionem ad miraculum usque ampliari, non quidem ab aquosæ substantiæ profusione, sed sua sponte, ut fructus maturi excludendis suis seminibus solent hiscere.* Negandum quidem non est, dolorum ope fetum fortiter inferiora versus protrudi, an autem caput infantile (aut alia fetus pars) quod tanta duritie ac firmâ ossium combinatione non gaudet ac pelvis ossa, superare possit resistentiam horum ossium, cartilaginibus atque ligamentis (§, 3.) unitorum, ego perspicere nequeo; & quæ laxationis & emollitionis cartilaginosi horum ossium connexus subest causa; aquæ atque substantia illa mu- cida in partu effluentes hoc perficere nequeunt, dum nullæ notæ sunt viæ, per quas talis materia ad dictas advehatur cartilagines: caput infantile propter laxam suorum ossium connexionem, ab hisce ossibus potius potest com-primi, quam quod illa dimovere queat: Hujus veritatis exemplum partus præbet laboriosus, a prava ossium pelvis dispositione quandoque depen- dens, in quo caput ita comprimitur, acuminatur atque oblongatur, ut ne- cesse quandoque sit, manuum palpatione, vel melius fascia crinali s. mitella quadam, deformato tali capiti, pristinam atque ordinariam largiri figuram. Talem ossium divulsionem ratione & experientia quoque affirmat [p] *Am- brosius Paræus: fetus inquam in caput pronus in lucem prodit, magno cum suo propter corpusculi mollitiem, tum matris propter cervicis uteri nervosæ, & ossium ilium ab osse sacro, quo via fetui pateat, divulsionem, dolore. Alioqui, nisi ejusmodi ossa divellerentur, qui non modo gemelli duo, mutuo complexu sibi mutuo coherentes & conjuncti, sed vel unicus fetus tam angusto colli uteri duc- tu prodire & emergere posset; id ita esse, non ratio, sed & experientia rerum persuadet. Puerperas enim statim a partu dissecti, in quibus animadverti, ossa ilii ab osse sacro digiti intervallo distracta, quin etiam plerisque parturientibus, quæ me auxilii in tam difficili conatu gratia advocarant, subiecta coccygi manu, certo & auribus hausi, & contactu percepi crepitantium divulsionis vi ossium strepitum &c.* Ad confirmandam hanc suam sententiam, addit exempla, sibi ab honestissimis matronis narrata, quod cum dolore fragorem ossium dis- trahentium perceperint. Sed quid contra rationem, experientia fultam, tanti viri? rationi contrariatur caput infantile, quod ipse auctor cum toto

COR-

[n] Exercit. de generat. animal. pag. 498.

[o] L. c. Exercit. 58 p. 377.

[p] Oper. lib. 23. cap. 13. fol. 505.



corpore molle pronunciat, mollitiem autem hujus corporis resistantiam ossium pelvis superare, illisque divulsionem afferre non posse, jam dictum est. An vero valeat conclusio, in puerpera strepitum quemdam auribus hausi, subjecta coccygi manu crepitantium ossium percepi divulsionem. E. ossa illi ab osse sacro divulsa sunt. Aliam fortasse strepitus hicce agnoscit causam? e. g. ossis coccygis secessionem: & licet coccygis os persæpe in partu recedat, illud tamen non sequitur; quoniam hoc os in partu retrocedit, ergo & ossa illi ab osse sacro divelluntur. Nam alia est ossis coccygis, alia sacri atque ossium innominatorum cohæsiō. Variis quoque rationibus ossium pubis in partu naturali distractionem probare nititur [n] *Severinus Pinæus*, & ad hujus sententiæ confirmationem historiam mulieris cujusdam [o] profert, in qua ossa pubis ita erant distracta, ut coxarum altera attolleretur, altera deprimeretur. Sed non opus est solutione harum *Pinæi* rationum, quoniam jam dudum illas solvit [p] *Laurentius*, qui [q] de horum ossium divulsionem sequentem in modum differit: *Quod si divulsionem simul passa fuerint, quomodo copulabuntur, quo glutine unientur, nova enim hypochondrosis fieri non potest.* Idem statuit *Guillemeau*, qui [r] per quadraginta fere annos praxi obstetriciam exercuisse, & plus quam quingentis feminis in partu opem tulisse, in omnibus vero partu difficili laborantibus diductionem horum ossium percepisse se testatur, addens: *In quibusdam insuper, quæ in partu obierant, illico post mortem sectione Cæsarea, ut fetibus conservarem vitam apertis, dicta etiam ossa separata atque diducta, ligamentis eorum mollibus admodum ac laxatis, vidi, quoniam hic locus maximam superimpositæ prementisque sustinet matricis partem.* Auctoribus jam allegatis consentiunt *Cornelius Stalpart van der Wiel* [s] & *Daniel Ludovici* [t] immo *Riolanus* [u] testatur, se plusquam trigesies in mulieribus mox a partu extinctis, præsentibus medicis & chirurgis, vidisse cartilaginem, quæ ossa pubis colligat, minimi digiti latitudine diductam, ita ut hiulca pubis ossa apparerent, si digito intus attrectarentur. &c. Et alio in loco [x], *cartilago inquit, duobus ossibus pubis interjecta, ad arctam commissuram est adeo robusta, ut non indigeat circulari & membranoso ligamento. Laudo tuum judicium de diductione istorum ossium & ossium ilium ab osse sacro, modo non scribas in difficili partu, quia vidi in omni partu, etiam facillimo diductionem istorum ossium.* Sed causam hujus diductionis in partu facillimo ego, cum cartilago ossibus pubis interjecta adeo robusta sit, perspicere nequeo.

K k k 3

§. VIII.

[n] Opuscul. physiol. cap. 5. seq. p. 107. seq.

[o] L. c. cap. 8. pag. 126. seq.

[p] Historia anatom. lib. 8. quæst. 33. pag. 719.

[q] L. c. pag. ead.

[r] Traité des heureux accouchemens lib. 2. cap. 1. pag. 295.

[s] Observat. rarior. cent. 1. observ. 66. p. 290. seq.

[t] M. N. C. decur. 1. ann. 3. observ. 255. pag. 458.

[u] Anthropograph. l. 6. cap. 12.

[x] Animadvers. in Jo. Vesling. opuscul. anatom. p. 458.

Ossa pubis in partu relaxari affirmat etiam *Wolfgangus Hefferus* (y) non autem credendum esse ait, hæc ossa in partu violenter divelli, sed successive relaxari, cujus rei initium circa septimum mensem fieri statuit: *Tunc*, addit, *natura de excludendo fetu sollicita, mucorem quemdam circa hæc loca generat, & mediante illo, ossa paulatim sejungit; quæ iterum post partum, lentore illo exsiccat & consumpto, coalescunt.* Mucor autem qui graviditatis tempore & in uteri orificio & in vagina generatur, per eam effluit, & nulla nota sunt vasa lentorem illum dictis ossibus advehentia. Notabilem vero ossium pubis separationem refert *Cornel. Solingen* (z) dicens: *Einer gewissen 45. jährigen Dame, so mit ihrem ersten Kind in Kindes-nöthen saß, half ich den 12ten May von einem todten töchterlein in gegenwart des Hn Petri van Wouw und Gedeon d'Assignies, Med. Doctorum, und befand, daß das os pubis einen guten finger breit von einander abgewichen war, und den 15ten Julii noch eins so breit. Als ich nun erwehnte Dame, nebst dem Hn. d'Assignies, wegen eines Abcesses so an dem obersten theil ihrer schaamfasse, verband, observirte ich, daß derselben schaamseiten eingefallen, vor der heilung des vorerwehnten Abcesses separirte sich ein splitter von dem osse pubis als ein stücker groß.* (\*) Sed partum horum ossium separationis fuisse causam, dici non potest, siquidem illa post exclusum fetum crevit, quia die xv. Julii major fuit horum ossium diductio, quam partus tempore, quæ tamen, cum cessante causa, cesset & effectus, hoc tempore adesse non debuisset, dum secundum auctorum opiniones, brevi post partum temporis spatio, hæc ossa iterum coalescunt. Idem hic auctor alio loco (a) affirmat, sibi per circumspectam attentionem & longam experientiam notum esse separationem & ossium pubis & ossis sacri, nunquam nisi in partibus admodum laboriosis & rarissime fieri. *Hildanus* (b) hanc diductionem plus aut minus fieri, secundum constitutionem parturientis & fetus conditionem putat, & in ipsa sua conjugæ hanc diductionem observasse narrat. Cum *Cornelio Solingen* consentit *Paulus Barbette* (c) nam ossa pubis dicit: *non nisi in partu gravissimo & tunc quidem rarissime a se invicem secedunt &c.* *Danieli Sennerto* (d) vero arridet illa *Adriani Spi-*

(y) *Hercul medic. lib. 7. cap. 4. p. 405.*

(z) *Sonderbare Anmerkung von Frauens und Kinder pag. 722. adnexus est tractatus ejus chirurgiæ germanice reddit: a philiatro quodam.*

(\*) Quædam femina quadraginta annos cura mea excisa est puellam mortuam, 12 mensis Maji, erat suus primus infans, coram Dn. *Petro van Wouw & Gedeon d'Assignies* Ch. D. reperi os pubis sese dilataffe, ad unius digiti latitudinem & decimo quinto mensis Maji idem factum fuit, quando curabam illam feminam coram Domino *Assignies* abscessum parti superiori Vulvæ observavi latus Vulvæ flaxidum esse. Ante sanationem illius abscessus sese separavit quasi squamam ad assis magnitudinem.

(a) In *embryulcia* pag. 35. & 36. a *Peucero* translata.

(b) *Observat. chirurgic. centur. 6. observ. 34. fol. 547.*

(c) *Chirurg, part. I. cap. 23. pag. 59*

(d) *Practic. medic. lib. 4. part. 2. sect. 6. cap. 1.*



*Spigeli* (e) opinio, qui se ex pluribus observationibus edoctum esse, scribit, ossa pubis nec in omnibus hiscere, nec in nulla, sed in illis tantum, quæ partum habent difficilem & laboriosum, aut partes ad fetus egressum necessarias angustas sunt nactæ: nec quoque ita a se dividi, ut a se mutuo dehiscant, sed ligamento laxiore reddito, adeoque sequace ad extensionem cartilagine non nihil hiare. Facilius autem id fieri posse statuit, quoniam in partu difficili, maximis doloribus stipato, major humorum sit affluxio, qua partes illæ molliores reddantur & laxentur. Sed unde partus laboriosus, si cartilagine emolliuntur, ligamentaue laxantur? Hoc enim modo fetui transgressuro patet via, ita ut fere impossibile sit partum dari difficilem. Sed quid auctorum recensione moror? Ex recentissimis solummodo quosdam huc afferam: inter quos quam maxime eminet *Beckerus* (f) celeb. quondam Alsfeldensium medicus, qui fetum majorem, quam ut per viam tam angustam transire queat, immo rimam ab ossibus pubis & ilii formatam, portam dare satis angustam, hæcque ossa igitur a perenni humore ita humectari macerarique credit, ut a fetu distendente sensim se & notabiliter in partu patiantur dilatari. Sed consideratis ossibus præfatis pelvisque muliebris a virili (§. 5.) differentia, via, quam ossa pubis & ischii formant, satis ampla & exitui fetus accommodata est, deinde & humor mucosus, aliquot ante partum hebdomadibus demissus, ori uteri lubricando vaginæque parietibus illiniendis, & sic præparationi harum partium molliorum, minime vero macerationi cartilaginum inservit. Hac, de horum ossium in partu statu, opinione, verisimilior est illa *Bouvarti* (g) galli, cui & D. D. *Gurzius* (h) assentit, dicens: *Possent autem eas ligamentosas cartilagine, toto graviditatis tempore, sensim distendi, copiosiusque affluente succo augeri & crescere, ut plus, quam antea, a se invicem ossa distent, probabile esse existimo.* His tandem adjungo observationem DN. D. *Deisch* (i) qui in theatro anatomico Argentoratensi, ossa pubis ad tres circiter lineas a se invicem distantia, vidisse se perhibet. *Negari tamen haud potest, addit, horum ossium secessus facilius & sæpius, in rachitide laborantibus Gallis novæ, quam in aliis subjectis contingere.*

## §. IX.

Visis jam (§. 7.) auctoribus, qui diductionem pelvis atque horum ossium divulsionem in quovis partu fieri, aliisque, qui quandoque, in partu nempe difficili s. laborioso & præternaturali, id solummodo accidere affirmant, altera pars nunc audienda venit, quæ negative ad hanc quæstionem (§. 5.) respondet. *Laurentium* jam (§. præced.) adduximus, dominus de *Marchett*.

(e) Corpor. fabric. lib. 2. cap. 24.

(f) In tract. de παιδιοκτονία inculcata ad servandam puerperam pag. 32. §. 23. seq.

(g) Quæstio med. an ossa innominata in gravidis & parturientibus diducantur? Parisiis

(h) Commentatio medico chirurgica de commodo parturientium situ Lipsiæ 1742.

(i) Differt. med. chirurg. de necessaria in partu præternaturali instrumentorum applicatione, Argentorat. 1740.

chett. (k) Riolanum refutat, & Jo. Doleus (l) legitimum partum inquit, *precedere debent aquæ illius in amnio detentæ effusio, non vero ossis pubis s. ossis coxendicis dilatatio, quam multi contra experientiam fieri credunt; quæ tamen ossa pubis firmiter in partu connexa manent.* Parturientibus mulieribus hæc ossa non disjungi, inquit *Andreas Vesalius (m) & Realdus Columbus (n)* risu magis quam reprehensione dignam illorum judicat sententiam, qui in vulgus proferre non verentur, ossa pubis in partu laxari atque dehiscere, ut facilius exeat fetus, *Nulla enim ratione dimoveri possunt, tantum abest, ut laxiter aperiantur scribit.* Huic *Paul. Spindlerus (o)* assentit: ego dicens, *induci nequeo, ut credam illa ossa in adultis tam firmo nexu cohærentia saltem laxari, multo minus divelli posse.* Ad quam sententiam probandam addit exemplum lanionis cujusdam uxoris, altera post partum die ex epilepsia mortuæ, ubi hæc ossa quam firmissime sibi invicem cohærentia vidit, ut neque distendi, multo minus divelli potuissent, nisi quis ea adhibitis malleo & cultro dividere voluisset. Gerras esse gerrarum, quas obstetrices de dehiscencia ossium pubis imprudenter non minus quam impudenter effutiant, inquit *Andr. Ottom. Gelicke (p) & Paulus Ammannus (q)* contra medicos quosdam & obstetrices, ossa pubis in partu non diduci, multo minus disjungi, rationibus defendit. Multos quidem affirmare, ossa pubis in parturientibus relaxari, sed absque ratione & experientia, scribit *Georg. Francus de Frankenau (r)* idem tribus quatuorve de mortuis quas dissecuit testatur *Jobus a Meckren (s)*. Sed maxime mihi arridet illa *Theodori Craanenii (t)* sententia; triplicem inquam apud auctores hac dere reperimus sententiam: alii statuunt in omni partu ossa pubis a se invicem separari atque secedere, ut grandiori fetui detur transitus; alii volvere id non fieri nisi in difficili partu, alii denique affirmant, illud fieri in nullo, quod ultimum & nos affirmamus, quia concipi nequit, quo modo molliusculum infantis caput, ossa pubis crassissima, cartilagine in medio juncta, possit a se invicem divellere, quibus separandis vix acutissimum ferrum, & vires humane sufficiant, cum caput infantuli sit admodum molle, ita ut facile quasvis figuras induere, & ad quasvis vias se accomodare possit. &c. E multis unum adhuc placet afferre, clariss. *Dionis*, qui (u) inquit: *J'ai toujours trouvé ces os unis par des cartilages, que le plus fort scalpel avoit de la peine à couper. Ce qui les a jettés dans cette erreur, c'est qu'ils ne croyoient pas*

(k) Anatom. cap. 8. pag. 86.

(l) Encyclopæd. med. lib. 4. cap. 7. pag. 934.

(m) Anatom. lib. 1. cap. 28. pag. 152.

(n) De re anatomi. lib. 1. cap. 28. pag. 152.

(o) Observ. 76. Shol. pag. 142.

(p) Medicin. forens. specim. 4. §. 29. pag. 73.

(q) Parænes. lib. 5. part. 2. sect. 1. §. 13. pag. 351.

(r) Satyr medic. 8. §. 2. pag. 142. & 165.

(s) Observat. medic. chirurg. 58. pag. 272.

(t) Oeconom. animal. de exortu homin. quæst. 31. pag. 299. seq. & tract. de homin. cap. 253. pag. 759. seq.

(u) Traité des accouchem. lib. III. cap. 1. pag. 202.



pas l'espace, que ces os forment à la partie inférieure de l'hypogastre, assez grand pour laisser passer un enfant. &c. Huic Mauriceau (x) consentit, qui in refutando Riolano atque Paræo sequentem in modum differit. Il n'est pas néanmoins difficile de juger, qu'il ne les a jamais vus de la sorte, qu'en imagination, puisqu'il offre de se dedire & se soumet à croire, que ces os ne se separent pas si on lui peut faire voir, que la tête d'un enfant nouveau né puisse sortir par ce large espace, qui est entre les os pubis, l'os sacrum & ceux de l'ischion. C'est pourquoi donnons lui la satisfaction qu'il désire, & à tous ceux qui sont de son opinion, qui est très facile à refuter par l'expérience, qu'il demande; car si nous examinons de près la différente figure, & la structure de ces os, entre le squelet d'une femme & celui d'un homme, nous trouverons qu'il y a un plus grand espace vuide, & une distance de l'un & de l'autre de ces os, bien plus considérable aux femmes qu'aux hommes; & que pour ce sujet la plus petite femme a les os de l'ischion plus éloignés l'un de l'autre, que le plus grand homme. Elles ont toutes aussi l'os sacrum plus en dehors, & les os pubis plus applatis: ce qui rend la sortie de cette capacité bien plus large, & suffisante pour donner issue à l'enfant dans le tems de l'accouchement. Elles ont encore outre cela les os des isles beaucoup plus renversés en dehors, afin que dans la grossesse la matrice ait plus de lieu pour s'étendre vers les côtés, & qu'elle soit supportée plus à son aise par cette disposition qu'on peut voir représentée en la figure suivante. Ex qua figura conjecturare licet, non opus esse divulsione horum ossium, quod laudatus Auctor (y) experientia comprobat, dicens: J'ai bien remarqué cela autrefois dans l'Hôtel-Dieu de Paris en un grand nombre d'accouchemens que j'y ai faits. Quand les femmes qui y sont pour faire leur couche, commencent d'être en travail, elles vont en une chambre, qu'elles appellent le chauffer, auquel lieu on les accouche toutes sur un petit lit fort bas, & fait exprès, où on les met devant le feu; puis aussitôt que leur besogne est faite, on les mène coucher dans leur lit, qui est quelque fois assez éloigné de cette chambre, auquel elles vont toutes fort bien à pied, ce qu'elles ne pourroient jamais faire, si leurs os pubis, ou ceux des isles, avoient été séparés l'un de l'autre. Et si hæc ossa in partu diducerentur, quomodo uxores militum statim post partum castra possent sequi? & certe protibula illa, quæ clam pariunt, enixo pulsione e vestigio aufugere non valerent, hisce ossibus diductis: hoc enim si esset, inquit Nenterus (z) feminae post partum pedibus insistere nequirent.

## §. X.

Sed ne nimis prolixi in placitis auctorum recensendis simus, nostram jam, præmissis sequentibus, suppeditabimus sententiam.

1. In quavis luxatione, divulsione, &c. requiritur causa externa tam  
Tom. III. L 11 for-

(x) Traité des maladies des femmes grosses. Tom. I. lib. 2. cap. 1. pag. 208.

(y) L. c. pag. 210.

(z) Phisiol. medic. cap. XI. membr. 3. pag. 348.

fortiter agens, ut adnexio, cohæsiō &c. ossium, quæ ope ligamentorum, cartilaginum &c. fit, inde aliquo modo destruat, laxatis, diductis & violenter prius extensis ligamentis, cartilaginibus.

2. Si cohæsiō, adnexus &c. partis superat causam agentem, dislocatio fieri nequit.

3. A congestione humorum versus articulationem aut aliam ossium cohæsiōem quoque fit luxatio, separatio &c. attamen externa debet accedere causa, quamvis levissima sit.

4. Ubi congestio humorum, ibi partes inveniuntur porosæ magis a dilata-tione vasculorum.

5. In cartilaginibus vasa sunt subtilissima, exilissima, sensum fere fugientia.

6. Mucus quoniam est liquor crassior, vasa exilissima intrare nequit.

7. Ossâ diducta atque dislocata ita ad se mutuo combinari, ut sibi invicem exactissime respondeant, atque sibi invicem adunata servari debent, si eorum accretionem expectare velis & combinationem.

8. Luxato, dimoto, aut fracto ossè debilitatur & cessat motus membri, ita ut nec inniti illi possis.

9. Os sacrum est basis totius spinæ dorsi, & cum ossibus innominatis constituit totius corporis basin. E. diductis atque divulsis hisce ossibus, incedere impossibile est.

10. In ossè diducto, fracto, fit continui solutio, ex vasis continui solutionem passis effluit liquor gelatinam æmulans, qui temporis successu indurascit, & calli nomine venit.

11. Fortissima est cohæsiō ossis mediante callo, ita ut in hoc loco postmodum, maxima quoque adhibita vi, ossâ frangi nequeant. E: Ossâ illi atque pubis aliquoties divulsa, in reliquis partibus a se invicem separari nequeunt.

12. Corpus molliusculum, corpori duriori firmiter impactum, aut quomodocumque admotum, hoc e sede sua dimovere non valet, sed molle a duriori corpore comprimi, experientia dicitur.

13. Ossâ cranii fetus, penitus nondum indurata, mediantibus adnectuntur ligamentis, quo fit, ut caput infantile molle reddatur, ita ut variis cedere modis, comprimi atque elongari possit, id quod in quovis fere partu difficili conspicitur & laborioso.

14. Ossium horum diductio diu ante partum fieri nequit, quoniam fetus a mole aquarum sustentatur, & per consequens ossibus pelvis non adeo fortiter incumbit.

15. Tempore partus hoc non fit, quia causa impetum faciens non sufficit ad superandam horum ossium resistantiam (n. 1. 2. & 12.).

16. Fetus prono capite ossibus pubis imminens, partum quidem difficilem & laboriosum efficit, sed minime horum ossium diductionem causatur, id quod experientiæ.



17. Ilii tuberositas impedit, quo minus sacrum os retrorsum cedere possit.

18. Ossium pubis divulsio, servato osse sacro in sede sua naturali, fieri nequit, & si fieret hæc diductio, nullum inde exsurgeret emolumentum, quoniam pelvis hoc modo vix ampliari potest.

19. Parvæ etiam feminæ cavitæ atque pelvis capacitæ majori gaudent præ viris licet robustissimis, nisi adsit præternaturalis horum ossium constitutio.

### §. X I.

Paucissimis nunc de differentia, quæ infantile & adulti intercedit caput, agendum, quo quæstioni (§. 5.) satisfacere possimus. In sceleto ossa cranii adultorum, ope suturarum, partim verarum, partim spuriarum, ita cohærere atque sibi invicem arcte adnecti videmus, ut eorum separatio atque a se invicem diductio maximam semper exposcat vim: e contra si caput inspicimus infantile, ossa ad perfectionem nondum perducta molliora cernimus, immo in quibusdam locis ossificationis defectum deprehendimus. Os enim frontale eorum in duas per longitudinem divisum est partes æquales, quæ mediante aponeurosi illa, totum cranium cingente (a) & pericranio sibi mutuo adnectuntur, eadem hacce substantia tendineo membranacea, duo hæc ossa frontalia ossibus duobus bregmatis s. sincipitis connectuntur; quæ quatuor ossa in medio combinationis relinquunt spatium quadrangulare fere, de ossificationis defectu testante, quod tamen dicta membrana, cranium cingente, tegitur; eo in loco, qui fontanella dicitur, pulsus arteriolarum cerebri exactissime persentiri potest. Pari modo ossa temporalia sincipitis ossibus, hæc vero occipiti s. lambdoideo ossi combinata atque adnexa cernuntur, ita tamen, ut in quolibet horum ossium ossificationis defectus probe observari queat. Alias differentias B. L. non desideret, cum hæc sufficiant ad præfixum scopum, plures qui scire cupit adeat *Hirschelium* (b).

### §. X I I.

Quodsi nunc ea, quæ de ossibus eorumque vinculis, de pelvi ejusque capacitæ, figura atque differentia (§. 2. 3. 5.) ac capitis tandem infantilis constitutione (§. 11.) diximus, intueamur, ac cum iis, quæ ex variis auctoribus, pro stabilienda ossium pubis divulsione adduximus, probe conferamus, cum celeb. D. D. *Friedio* (c) merito concludimus, hanc diductionem in partu naturali nunquam necessariam esse, (pelvi bene constructo) quoniam (1) exitus pelvis in feminis multo major est quam in viris, uti ex

L 11 2

figura

(a) *Winsl.* l. c. *Traité de la tête* Tom. 4. §. 196. fq.

(b) *Diff. de præcipuis partium fetus ab illis adultorum differentiis* præf. *Saltzmanno* Arg. 1719. & id: parte poster. de ead materia Argentor. 1719.

(c) *Coll. MS. ad Dionis traité des accouchemens.* lib. 3. cap. 1. p. m. 140.

figura D. *Mauriceau* (d) optime autem ex accurata pelvis muliebris contemplatione atque cum pelvi virili comparatione apparet. (2) Quia caput infantile ita formavit Omnipotens *Creator*, ut laxa sit ossium cohæsiō, (§. 10. 11.) quo, capite exitui pelvis dolorum ope intruso, cranii ossa supra se invicem repere, & caput hoc modo oblongari atque acuminari pro necessitate possit: hanc autem capitis compressionem ita fieri, in omni observari potest partu naturali: nam capite exitui pelvis inhærente, tactu nunquam fontanellæ locus explorari poterit, quoniam capite infantili compresso, a cranii ossibus, propius sibi accedentibus, hic locus tegitur, statim autem post partum tactui sese rursus offert. Eam enim ob causam infantilia capita esse aperta, non sine ratione affirmat *Deventer* (e) dicens: *Obiter hic annotabo: infantibus non abs re capita esse aperta, hoc est, cranium non ex uno continuo ossæ constare, nec undique tunc temporis aque durum esse, sed circa suturas adhuc membranosum saltem, imprimis autem vertex mollior & membranosus existit, ut scil. in istiusmodi occasione ossa capitis cranium constituentia arctius coire, quin & super se invicem contrudi queant, caputque oblongum fingi, id quod fieri non posset, si ossa cranii compacta & arctius connexa essent, sicuti postea fit, si adoleverint quodammodo infantes; unde concludimus: parvam s. arctam nimis pelvim non solum causam partus difficilis, sed & obitus præbere posse & matri & infanti, nisi artificiosa manu partus exclusio fiat. Immo nec in partu difficili & laboriosissimo, uti aliquoties observavi, hæc ossa divelli, vel ex hoc solo patescere, autumo, quoniam angustior justo pelvis capacitas sæpius partus difficilis causa existit, quod tamen fieri haud posset, si nominata sæpius ossa diducerentur, hac ipsa autem eorundem diductione pelvis ampliaretur cavitas atque sic dystociæ removeretur causa: alias enim nullus observaretur partus difficilis a nimis angusta pelvis capacitate talis, sed contrarium docuit. *Deventer* (f) Hanc ob causam nunquam hæc ossa dislocari atque divelli, & si quandoque, sed rarissime, diducta atque distantia sunt observata, minime tamen hanc divulsionem fetui, sed longe alii adscribendam esse causæ, censeo. v. gr. rachiticis afflictionibus.*

## §. X I I I.

Tractandorum ordo requirit ut uterum nunc ejusque vaginam ac partes cum illis connexas consideremus. (§. 1.) Est autem uterus corpus piriforme, cavum, exterius albidum, mediocriter solidum, copiosissimis vasis instructum, elasticum, in hypogastrio s. pelvis cavo, inter vesicam urinariam & intestinum rectum satis libere absque firmiori adnexu situm, semini recipiendo, ovulo fovendo, embryoni & fetui nutriendo, illi cum secundinis

(d) L. c. lib. 2. cap. 1. pag. 209.

(e) L. c. cap. 27. pag. 112. seq.

(f) L. c. cap. 27. pag. 111. seq.



nis excludendo expellendoque, nec minus sanguini menſtruo ac lochiali ex-  
cernendo, dicatum.

## §. XIV.

Ligamentorum, quibus uterus vicinis adnectitur partibus, & in ſede ſua immobilis detinetur, libera manente parte anteriore & poſteriore, duo vulgo numerantur paria, lata & rotunda. Duæ illæ peritonæi duplicaturæ, lateraliter fundo uteri alligatæ, alæ veſpertilionum alias vocatæ, ligamenta ſic dicta lata conſtituunt uteri, quorum beneficio uterus meſenterio, portionibus muſculorum pſoas, & ſecundum nonnullos offibus ilii aliſque partibus vicinis adjungitur, includunt hæc ligamenta tubas fallopianas & ovaria muliebria. In magna hæc duplicatura collocata deprehendimus ligamenta rotunda, teretia melius vocata, quæ nil aliud ſunt quam congeries vaſorum tam arterioſorum quam venoſorum, cum vaſis uteri communicantium. Egrediuntur hæc ligamenta e lateribus uteri peritonæo circumdata, atque per annulos muſculorum abdominalium tranſgreſſa, in ſubſtantia adipoſa inguinum & alarum vulvæ diſparent. Uſus ligamentorum in genere eſt, uterum in ſua ſede tenere, & quidem latorum, ne ad inferiora prolabatur, rotundorum ne in hoc vel illud latus inclinet, quibus (*g*) cl. *Deventer* alium addit uſum non ſine ratione, quod nempe uteri poſt partum adjuvent conſtrictionem; illum autem, cujus *Dionis* meminit (*h*), inter figmenta referri non ignoramus.

## §. XV.

Figura gaudet uterus turbinata ſ. aliquomodo piriformi compreſſa, fibris ac membranis ſubſtantiam quamdam fibroſo ſpongioſam formantibus, quibus vaſa ſanguifera copioſiſſima intertexta ſunt. Arterioſa vaſa proveniunt partim ab arteriis ſpermaticis, in ovaria tubasque fallopianas, & quoad partem in uterum ſeſe immittentibus, partim ab hypogaſtricis ſ. iliacis internis, quæ ramos quosdam arteriæ pudendæ internæ ſ. pudendæ hypogaſtricæ dictæ, per portiones laterales ad omnes uteri partes tam internas quam externas ablegant, eaſdemque in tota ejus ſubſtantia ubique & undique diſtribuunt: his accedunt arteriæ pudendæ externæ, utrinque ab arteria crurali oriundæ, in partibus generationi dicatis externis diſtributæ, ramuloſque ad uterum mittentes. vid. *Winslow* (*i*). Vaſa venoſa accipit uterus a venis ſpermaticis, pudendis externis, quoad maximam vero partem a venis hypogaſtricis ſ. iliacis internis, ſub venarum pudendarum hypogaſtricarum nomine venientes (*k*). *Winslow*. Hæc utriuſque generis vaſa copioſos faciunt inflexus, multiplices intertextus, mirificaſque vaſorum com-

L11 3

plica-

(*g*) Cap. 4. pag. 24.(*h*) Anat. ſect. 2. demonſtrat. 4. & traité des accouchem. lib. I. cap. 2.(*i*) L. c. Tom. 3. traité des arteres & Tom. 4. §. 614. ſeq.(*k*) L. c. Tom. 3. traité des veines.

plicationes ac plurimos insuper plexus reticulares, ita ut non solum vasa unius lateris sibi invicem per anastomoses conjungantur, sed & ramificationes dextri lateris cum vasis sinistri lateris communicent. Omnes hæc anastomoses eum in finem adornatæ sunt, ut sanguini, vasis quibusdam obstructis, liberior per alia vasa concedatur transitus, incurvationes autem & inflexus tortuosi eorundem vasorum faciunt, ut tempore graviditatis uterus eo commodius magnam in molem excrefcere distendique possit. De venis uteri porro notandum, quod valvulis careant, id quod regurgitationem sanguinis venosi versus principia horum vasorum, i. e. ramis versus ramulos facilem reddit, & per consequens efficit, ut sanguis pondere suo in principia venarum & fines arteriarum agere, hæcque vasa expandere possit. Nervi uterini oriuntur a nervis lumbaribus, sacris & sympathetico magno s. intercostali, mediante quo uterus cum omnibus infimi ventris visceribus aliisque partibus communicat, uti ex hysteriarum pathematibus patet. Vasa lymphatica, olim in brutis observata, sed a celeberr. *Morgagnio* (1) in utero muliebri experientia nunc confirmata, inveniuntur ut plurimum circa uteri orificium, sed solummodo in gravidis, in quibus & mihi aliquoties ea videre licuit. Vasa lactea utero inesse, affirmant *Ant. Deusingius* (m) *Thom. Bartholinus* (n), *Isbrand. Diemerbroeck* (o) Sed vereor ne vasa lymphatica, quæ ab utero ad cisternam chyli tendunt, viris hisce imposuerint, ita ut pro lacteis venditentur, cujus erroris exempla non raro prostant, teste *Bartholino*, qui vasa lymphatica hepatis propria, pro ramulis lacteis e mesenterio ad hepar pergentibus habuit.

#### §. XVI.

Magnitudinem uteri quod concernit, admodum illa ratione ætatis, aliarumque circumstantiarum v. gr. excretionis lunaris, variat, plerumque tamen ejus longitudo in adultis trium digitorum, latitudo vero, in fundo scilicet & corpore, duorum, in cervice vero unius digiti latitudinem æquat. Pari ratione de crassitie uteri dicendum, quod admodum sit diversa, plerumque tamen in adultis sesquipollicis crassitie, in virginibus autem adhuc minori invenitur. Defenditur uterus super extensa peritonæi membrana; interior autem ejus cavitas, quæ triangulum fere oblongum format, vix minoris capax amygdalæ (p), nunc major nunc minor, ratione ipsius uteri magnitudinis, invenitur, investiturque membranula admodum tenui, multis orificiis ac foraminulis pertusa, quæ nihil aliud sunt quam extremitates vasorum sanguiferorum: in angulis hujus cavitatis superioribus, uteri nempe fundo, duo conspiciuntur foraminula, substantiam uteri perforantia, vix  
fetam

(1) *Advers. anatom. IV. animadvers. 43. pag. 76.*

(m) *Dissert. de lacte. it. institut. anat. pag. 7. c. 3. §. 16.*

(n) *Tract. de lacte. it. anatom. ref. lib. 1. cap. 28.*

(o) *Anat. l. 1. cap. 17.*

(p) *Celeberr. Jo. Gotthofr. de Berger physiol. medic. pag. 454.*



ſetam admittentia , quæ ſunt tubarum fallopiantarum orificia. Tertius angulus canalem complanatum , minus anguſtum , collum uteri perforantem , & in extremitate hujus colli per hiatum quemdam tranſverſalem ſeſe terminantem format : in hoc canale cervicem uteri perforante , multæ conſpiciuntur lacunæ , plicæ atque rugæ , nec minus fibrarum quarundam ſeries , tam longitudinalium quam tranſverſalium a *Morgagnio* ( *q* ) delineatæ , pro anguſtiori reddenda uteri cervice. Multi præterea hic loci inveniuntur globuli æ corpuscula ſphærica a *D. Naboth* ( *r* ) falſo pro ovulis habita , ſiquidem nil aliud ſunt quam hydatides. Adſunt quoque glandulæ mucum quemdam ſecernentes , qui graviditatis tempore canalem hunc obturat.

## §. X V I I.

Dividitur uterus in fundum ſ. partem ſuperiorem , corpus ſeu partem mediam , & cervicem ſ. partem inferiorem acuminatam. In ima hujus cervicis parte notanda rima illa tranſverſalis , in cavum cervicis atque uteri hians , orificium uteri dictum ; dividit hæc rima cervicem uteri in duas partes , quæ labia uteri vocantur , ita ut unum ſit labium anterius alterum vero poſterius , vel unum ſuperius alterum inferius ; hoc orificium una cum ſuis labiis riſtum tincæ piſcis ſ. catuli canini optime refert , denſum eſt hoc orificium , membranæ ſinuatis & corrugatis conſtans , quo dilatari & conſtringi queat , quam actionem adjuvant fibræ illæ ſvo præced. deſcriptæ. Ambit uteri cervicem , ita ut orificium in medio quaſi pendulum ſit , canalis quidam membranaceo muſculoſus , a collo uteri ad orificium urethræ & finem inteſtini recti fere exporrectus , uteri vagina dictus , qui longitudinem ſex vel octo digitorum tranſverſorum in adultis æquat , diverſa gaudet amplitudine , in diverſis caſibus : connexa eſt hæc vagina anterius cum collo veſicæ urinariæ & urethra , poſterius vero inteſtino recto adhæret. In cavo illius multæ conſpiciuntur rugæ , major tamen harum quantitas in virginibus quam in nuptis , aut illis quæ coitu abutuntur , deprehenditur. Glandulæ denique lacunæ ſ. oſcula in hoc cavo ſunt notanda , mucum quemdam ſecernentes pro lubricanda vagina inſervientem ; in parte anteriore hujus vaginæ reperitur circulus quidam membranaceus in medio perforatus , hymen dictus , cujus defectum carunculæ myrtiformes , a rupto hymene originem trahentes , reſarciunt. Totam vaginam in parte anteriore circumdat muſculus ſphincter ſ. vaginæ conſtrictor , a ſphinctere ani ortus. Adhærent huic muſculo corpora cavernoſa clitoridis. A partibus mulierum internis , ad externas , quarum cognitio obſtetricantibus quoque neceſſaria , nunc progredendum eſſet , niſi id prohiberet inſtituti ratio. Nomina eorum ſolummodo apponere placet , quoniam ulteriorem eorum deſcriptionem & uſum B. L. in

anato-

( *q* ) L. c. adverſ. 1. tabul. 3.( *r* ) Diſſ. de ſterilitate & *Fried. Hoffmann*. medicin. ration. ſyſtem. T. I. lib. 1. ſect. 2. cap. 12. pag. 240. ſeq. §. 15.

anatomicorum libris fufe inveniet: referuntur autem ad partes generationi infervientes fexus fequioris externas, mons veneris, duo labia, fiffura f. rima magna, elytoris cum præputio, nymphæ, orificium urethræ, introitus vaginæ, frænulum, foffa navicularis, & perinæum, f. intermedium illud inter vaginam & anum.

## §. XVIII.

Multum differt uterus gravidus, a non gravido, §. 12. feq. descripto, figura, fitu, magnitudine, ligamentorum atque orificii ratione, & denfitate. Figura diximus gaudere uterum (§. 14.) turbinata, aft in gravido non femper una eademque confpicienda eft figura, modo enim illa magis ovalis eft, modo ad piri magis accedit figuram, ratione quem fovet hofpitis. In hypogaftrio uterum fitum effe (§. 12.) monuimus, ita nimirum, ut ejus fundus ultra bafin offis facri non excurrat, neutiquam vero furibundi animalis inftar, omnes corporis regiones pervagetur. Poft conceptionem autem fenfim fenfimque increfcit uterus, extenditur, ampliatur & dilatatur ita, ut cum fetus augmento fua quoque capiat incrementa uterus, donec ufque in tantam excrefcant molem, cui excipiendo pelvis capacitas non fufficit: altiora igitur petit, & in regionem epigafttricam ad umbilicum fere ufque afcendit, ita ut maximam ultimis geftationis menfibus referciat infimi ventris capacitatem. Magnitudinem uteri admodum diverfam effe (§. 15.) pofuimus (s) ex jam dictis vero facile unusquisque perfpiciet, magnitudinem uteri gravidi multum ab illa non gravidi differre, & gravidos quoque inter fe diftinctos effe & magnitudine & capacitate, ratione graviditatis temporis. Uteri gravidi ligamenta a non gravidi quoque difcrepant, fed non propterea folum, quod ligamenta extendantur atque elongentur, fed potius ideo, quoniam in utero non gravido, ligamenta uteri fundo ipfius (§. 14.) adnexa funt, in gravido vero inferiori uteri parti propiora funt (t), id quod clare demonftrat, fundum uteri ita conftitutum effe, ut magis extendi ampliarique poffit, parte infra ligamenta fita. Recte igitur concludit *Deventer* (u) fundum magis extendi, parte reliqua: *Si uteri fundus, funt verba ejus, fupra ligamenta duplo plus longior eft quam infra ligamenta ad vaginam ufque, & contra, infra ligamenta uterus non imprægnatus duplo plus major eft quam fupra, tunc fequitur hunc uterum in fundo quadruplo plus extenfum effe, quam infra ligamenta: Si ergo totus uterus, habita proportionem amplificando, duplo, vel triplo major evadit, fequitur fundum congruenter amplificatum octuplo vel duodecuplo plus fupra ligamenta extendi, quam infra.* Hæc uteri mutatio & afcenfus dum contingit, efficit, ut uterus vario modo locum fuum mutare atque obliquari poffit, ligamentis variis a cauffis in uno latere extenfis, in altero vero plus ftrictis; obliqvationi autem uteri magis adhuc favet & hoc, quod

(s) *Mauriceau* l. c. cap. 4. pag. 19. *Heifter.* l. c. pag. 103.

(t) A *Deventer* in fig. cap. 7. pag. 28. adnex.

(u) L. c. cap. 9. pag. 40. feq.



quod ligamenta, fundo uteri plus reliqua parte extenso, impedire non possint, quo minus vel antrorsum nimis inclinet vel retrorsum, vel ad latus nimis flectatur uterus, id quod prave uterum situm esse, obstetricantes dicunt, quæ prava uteri positura partus difficilis quoque existit causa [x]. Varias quoque uteri orificium subit mutationes cum suis labiis, ita ut diversimode diversis graviditatis temporibus tactui sese sistat. Statim enim post conceptionem gelatina illa mucida (§. 15.) e glandulis in introitu uteri sitis excreta, hanc rimam transversalem occludit atque obturat, ita ut constrictis labiis penitus fere oblitteretur hæc rima, imprimis in illis, quæ prima vice sunt gravidæ, cervix deinde uteri elongatur, durefcit, & magis in vaginæ cavum prominet: durant hæc ad medium circiter graviditatis tempus, s. potius ad quinti sextique mensis finem, circa quod tempus orificium magis elevatur sursum, utero plus ascendente, id quod inquirentibus & tangentibus hoc tempore orificium, multum faceffit negotii; postmodum duntius indies minuitur, labia mollescunt, decrefcunt, minora fiunt, orificium hiat [y], ita ut versus octavi mensis finem apex digiti illi immitti possit, remanente reliqua hujus cavitatis parte clausa; id quod celeberr. *Friedio* ansam dedit, quod uteri orificium in duas distinxerit partes, alteram orificium externum, internum alteram vocans. Appropinquante jam atque mox instante partu labia penitus evanescent, multum uteri orificium distat, ita ut membranæ fetum ambientes, caputque infantile, aut alia orificio incumbens infantis pars, quam exactissime tangi queant.

## §. XIX.

Uterus graviditatis tempore indies magis magisque irrigatur humoribus, vasa ipsius a sanguinis affluentis copia distenduntur, ampliora evadunt, id quod gravidum uterum porosiorē magis reddit, cum ille non gravidus (§. 12.) solidior magis sit conspiciendus. An autem uterus graviditatis tempore magnam propter extensionem tenuior quoque evadat, an vero eadem maneat crassitie; quæstio jam est decidenda: celeberrimi quidam viri [z], crassitiem uteri graviditatis tempore multum imminui, strenue defenderunt, inter quos quam maxime eminent *Mauriceau* [a], qui multis rationibus probare hoc annititur; at dudum hujus viri solvit argumenta, multisque rationibus solidissimis argumentis & experientia, hujus rei contrarium probavit exercitatiss. a *Deventer* [b]. Et certe si rationem & experientiam consulimus, non possumus non, quin eidem, aliisque id affirmantibus [c], suffra-

[x] V. *Deventer* l. c. cap. 46. 47. & 48. pag. 201. seq.

[y] *In iis quæ prima vice utero gerunt, tardius hoc fit, quarum orificium paucis ante partum diebus quandoque penitus nondum apertum est.*

[z] A *Mauriceau* l. c. T. I. cap. 4. pag. 20. alleg.

[a] L. c. T. I. cap. 4. pag. 19. seq.

[b] L. c. cap. 8. & 9.

[c] A *Mauriceau* l. c. p. 19. & a *Deventer* l. c. p. 29. alleg.

suffragemur. Ast reclamabunt fortasse nonnulli, quod omne quod extendatur, crassitie decreseat, sed in rebus animatis rem aliter se habere, his respondendum, etenim humorum copiam, tempore graviditatis utero advectam, si perpendimus, & parvum adhuc fetus corpusculum humoribus his consumendis non sufficiens, vasa uteri a nimio liquidorum affluxu extendi debere ratio dicitur, & re vera quoque extendi, observatorum fide constat, qua novimus illa calami scriptorii, aut secundum *Morgagnium* [d] digiti crassitudinem æquare: ex quo facile patere arbitror, vasis hoc modo extensis, uterum non tenuiorem fieri sed crassiores: & si comparisonem cum aliis corporis nostri partibus instituimus, hujus asserti veritas adhuc magis elucescet, nam hydropicorum integumenta abdominis communia eadem gaudent crassitie ac sanorum, licet mirum quantum extensa sint, id quod in aliis quoque, herniis v. gr. aut abscessu quodam grandiori laborantibus quotidie observatur.

## §. XX.

Experientiam denique si rationi adjungamus, semper fere uteri substantiam in gravidis crassiores, quam in non gravidis deprehendimus, id quod demortuæ statim ante aut post partum [e], me aliosque docuere. Immo in vivis quoque post partum immissa altera manu utero, altera abdomini imposita, de hac crassitie conjecturari potest [f]. Si igitur juxta *Aristot.* [g] effatum, illud quod plerumque fit, maxime secundum naturam sit, consequens est, uterum gravidum, quoniam eadem crassitudine semper & fere majori [h] gaudet, ac non gravidus, non diminui sed augeri. Confer: quem sæpius secuti sumus clariss. *Deventer* [i]. Unicum antequam ab utero discedamus gravido, adhuc monendum, fundum nempe uteri crassissimum esse, & reliquum matricis corpus crassitie superare: conspiciuntur in hoc fundo congeries fibrarum, vario modo sibi intertextarum, cui celeberr.

Ruyss-

[d] L. c. advers. 4. animadvers. 26. pag. 48-

[e] *Experientia videtur hanc uteri crassitiem statuo, aliquoties enim in presentia celeberr. præceptoris mei D. D. Friedli. non sine magna admiratione uterum vidi, mirum quantum extensum, sine crassitie diminutione: id quod postea semper observari.*

[f] V. a *Deventer* l. c. cap. 8. pag. 35.

[g] Lib. 1. de generatione animalium.

[h] *Cervix uteri eo in loco ubi vagina matrici adnæscitur, tempore graviditatis cum toto uteri corpore distenditur ac dilatatur, ita ut spheram tangentibus in ultimis gestationis mensibus præbeat, ab obstetricantibus globus uteri igitur vocatur: hæc si a capite infanti nimis premitur pars, expressis e vasis liquidis extenuatur, decrescit & tenuior fit, reliquo matricis corpore, ita ut per dictum globum fetus in utero tangi quandoque possit, id quod, uti opinor, fecerit D. Mauriceau, ita ut crediderit, & reliquum matricis corpus sic quoque extenuari: sed in reliqua uteri parte, a pressione libera manente, non fit extenuatio, alias enim, utero sic extenuato & gracilento, infans sine periculo uteri rupturæ in hoc sinu verti non posset, immo admodum difficile esset, placentam adhaerentem sine uteri læsione deglubere.*

[i] L. c. cap. 8 & 9.



*Ruyfchius* [ *k* ] peculiare nomen & officium imposuit, statuens hunc muscolum orbicularem, antehac a nemine detectum, secundinarum retentionis auctorem & medicinam esse.

## §. X X I.

Ultimam subit uterus mutationem, exclusis aquis, fetu, secundinis. Jam ante partum, dum fetus proprio suo pondere inferioribus magis incumbit uteri partibus, distensio fit harum partium, (§. 20. not. e.) oritur in fundo spatium quoddam vacuum, fibræ vero in uteri fundo hac ratione a distensione liberæ, successive sese constringunt, ex qua strictura lenes dolores circa lumborum atque ossis sacri regionem erumpunt, prodromi dolorum ad partum, von *Hoorne* [ *l* ]: postmodum ab hac fetus pressione uteri orificium hiulcum magis redditur, ac novum exsurgit in fundo spatium vacuum, fibræ vero ab extensione magis liberæ majori vi sese constringunt, ac vicissitudines has tam diu conservant, donec dimidia circiter capitis infantilis pars orificio uteri nunc ampliato inhæreat, gall. *couronnement*, ou *l'enfant est au couronnement*. Tandem suborto hoc modo majori spatio vacuo, augetur quoque constrictio, dolores ergo tunc fiunt acerbiores, gall. *douleurs*, s. veri ad partum dolores, vocati: durant hæc omnia, usque dum caput orificium transgressum vaginæ immineat, id quod gall. *l'enfant est au passage*, nostrat. *das kind schneidet ein*, exprimunt. Tunc fibræ ab extensione magis liberæ, novo quasi instructæ robore fortius sese constringunt, dolorum major fit exacerbatio, aquæ ruptis eorum membranis profiliunt, quas, durante constrictione uteri, sequitur infans cum secundinis, quibus exclusis, uterus successive constringitur, vasa compressa atque a contractione uteri coarctata, fundunt liquorem, lochiorum nomine venientem, donec ad pristinam figuram molemq. naturalem, uterus redeat. Ligamenta uteri teretia secundum laudatum clariss. *Deventer* [ *m* ] hanc coarctationem uteri post partum adjuvare probabile est.

## §. X X I I.

Hæ quas descripsimus (§. 21.) actiones partui famulantur: est itaque partus illa actio, qua, posito vertice capitis infantis eum in locum, ubi est os uteri internum, & facie ossi coccygis materno obversa, fetus cum adnexis secundinis, certo ac legitimo tempore, intra paucas horas, sine adjuvantis ope, in lucem editur vivus & sanus. Est hæc partus naturalis descriptio, quæ dependet ( 1 ) a proportionem magnitudinis capitis infantis, ratione pelvis per quam transire debet. ( 2 ) A recta hujus capitis & perpendiculari supra prificium positura, ( 3 ) ab utero bene locato & sano, vaginaque cum aliis huc pertinentibus partibus, legitime constituta, ( 4 ) ab apertio-

M m m 2

ne

[ *k* ] In tract. de musculo in uteri fundo reperto.[ *l* ] In tract. *die 2<sup>te</sup> von Gott wohlbelohnte Wehmütter*. c. 9. p. 35.[ *m* ] Cap. 4. pag. 24.

ne cranii fontanella dicta, & a distensione ossium cranii. Hisce rite non constitutis, partus est vel laboriosus, difficilis, vel præternaturalis.

## §. XXIII.

Sed dissertationis limites transirem, si de triplici hoc partus genere prolixius agere esset animus, ad institutum ergo nunc veniendum, quo dissertationis rubro faciamus satis, & B. L. commonstremus, quomodo abruptum & in uteri cavo remanens caput infantile sit extrahendum. Intellego autem per caput abruptum illum casum, quando nimirum fetus, ex ergastulo suo materno extracti caput, ex quacumque causa divellitur, inque utero remanet, reliqua corporis parte in lucem protracta. Antequam autem ipsam hujus operationis explicationem & varios methodos feliciter illam perficiendi subministrem, necesse est, ut indagentur prius causæ, desperato huic malo ansam præbentes.

## §. XXIV.

Primo igitur merito accusamus imprudentiam atque inscitiam obstetricantium, imprimis muliercularum illarum, quæ, artis obstetriciæ prorsus rudes, violenta ac in exercitata manu in pueros, matresque incurfant, & vel illos occidunt, vel utrosque male tractant per inscitiam, ut longo tempore post miseram trahant animam. *Ignaræ enim, ut verbis Augerii utar, sunt nostra tempestate mulieres medicæ, nec aliud meo quidem judicio, sciunt, quam nascentem puerum gremio excipere, umbilicum rescindere & alligare: ad alia, quorum scientiam habebant antiquiores, sunt profecto, ut asini ad lyram.* Immo tanta nonnunquam illarum est malitia, ut, medicum vel chirurgum petentibus, vel puerpera, vel marito, vel adstantibus, resistent & remis velisque contranitantur oblatrantes: *Quid statim cum medico?* non adest periculum. Sed silentio errores obstetricum prætermittam, cum illos jam dudum tot celeberrimi viri imprimis *Lentil* [u]. *Bose* [o] von *Hoorne* [p] *Timmius* [q] *Haller* [r] alique [s] notaverint, ego vero eas, quas tubas esse medicorum dicunt, irritare nolim. Qua autem ratione obstetricis inscitia atque ignorantia hujus calamitatis causa evadat, ex sequentibus patebit: quemadmodum enim in partu naturali infantis caput primum emergit, ita e contrario pedibus ille extrahendus est in partu præternaturali, bene autem sit antea versus requiritur, digiti pedis nimirum deorsum, calcaneus vero sursum spectent, alias enim periculum instat, ne caput abrumpatur. Infanti autem

[u] Jutromnem. p. II. p. 412.

[o] Dissertation. 2. de erroribus obstetric. a med. clinic. pervestigandis.

[p] Id quod experientia testatur von *Hoorne* l. c. obs. 10. p. 206. obs. 12. pag. 217. observat. 16. pag. 235. &c.

[q] *Vermehrter und erläuterter Dionis.* lib. 3. cap. 6. pag. 344. in not.

[r] Diss de obstetr. errorib.

[s] V. gr. *Bohn* de off. med. dupl. p. 560. sqq.



autem aliter posito, & ad pectus jam edito, alia concilianda est positura: fit hoc dum una manuum supra pectus, altera vero infra dorsum infantis ponitur, & ille manuum ministerio sic vertitur [t], ut ejus facies lumbis obvia sit, occiput vero matris suæ ventrem spectet; si hæc autem negligatur cautela, tum caput infantis ad marginem ossis ilii vel pubis premitur, & mentum pubis ossibus ita appensum hærebit, ut non absque summa difficultate ex hac sede sua dimoveri queat. Vulgus autem obstetricantium nescium quid caput moretur, fortiori saltem corpusculi attractione eo laborat, quo illud, hoc modo fixatum in lucem proferre, & sic ex ergastulo suo liberare possit tenellum: at nimia hac sua præcipitantia fortiorique corpusculi attractione rem in pejus vertunt, dum nimirum magno conatu aliud nihil agunt, quam ut caput a trunco separetur, avulsumque in utero remaneat, postea multis periculis ac laboribus extrahendum.

## §. X X V.

Non semper autem obstetricans hujus mali existit causa, sed adstantium atque ministrantium ignorantia ac præcipitantia triste hoc etiam non raro spectaculum producit, id quod bis exercitat. D. la Motte [u] accidit, ubi una vice mariti præcipitantiam, altera vero vice imprudentiam accusat obstetricis. Immo imprudentiæ obstetricans argui quoque non potest, si caput infantis in utero jam demortui, aut nondum maturi detruncatum remanet: siquidem partes maturi fetus jam laxæ sunt, & facili negotio separari possunt, adhuc laxius in fetu nondum maturo cohærent, & in demortuo, quamvis maturo, ob majorem partium solidarum mollitiem ac in putredinem proclivitatem minimæ cedunt vi, & facillime a se invicem secedunt. An brachia juxta caput non relicta, huic malo etiam ansam dent, cl. Devent [x] decidit, dicens: *Mihi sane hoc modo res semper prospere successit: huic ergo praxi porro inhærebo, qua periculum non est, caput ab humeris avellendi, quod Paulo Portal aliisque (uti ultro fatentur ipsi) sæpius contigit: neque mirum hoc est: brachiis enim juxta corpus detractis, os uteri instar laquei vel tendiculæ contractum & conclusum non raro præfocat infantem, aut si jam defunctus sit & tenellus, caput facile avellitur, quod in utero remanens, uncis deinde ferreis extrahendum est.* &c.

## §. X X V I.

Quemadmodum uterus bene locatus partum reddit facilem [y], ita  
M m m 3 ejus

[t] Persæpe fit, ut, reliquo corpore verso, mentum ossibus pubis appensum maneat, manu itaque ad pectus infantis utro innissa, inquirendum est, an caput reliquum secutum sit corpus, & si forte appensum invenitur, tunc, uno aut duobus digitis in os immisissis, a pubis ossibus removendum & eo dirigendum est, quo facies sacro ossi obvertatur: conf. D. D. Friedii Coll. M. S. pag. m. 290.

[u] Traité des accouchemens lib. 3. cap. 26. observ. 257. 258. pag. 367. seq.

[x] L. c. cap. 45. pag. 198. seq.

[y] Confer. §. 22. n. 3. dissert.

ejus situs depravatus difficilis non solum partus sed & quandoque capitis abrupti existit causa. Uterus enim obliquatus atque propendulus nimis impedit bonam ac legitimam [2] infantis ultimis mensibus versionem [a], efficitque ut ad vertebrae incurvas, aut ad os sacrum impingat, unde caput retardatur, ut in pelvim aut delabi non possit, aut si in eam quoque nonnunquam delabatur, vertice suo uteri orificio perpendiculariter insidere non queat: quo magis itaque vel minus caput ab orificio distat, atque remotum est, eo magis vel minus quoque necessaria est infantis versio, germanis *die Wendung*, cujus ope pedes tenelli sunt investigandi, hisque inventis, ille pedibus prodeuntibus est extrahendus. Nonnunquam tamen evenit, ut instituta quidem atque finita infantis versione, aut cautelis (§. 24. 25.) neglectis, facie nempe sursum spectante, brachiisque juxta caput non relictis, capitis nihilominus fiat avulsio. Quis vero non videt, causam & hujus mali proximam, obstetricis esse ignorantiam, licet remotior in nimis propendulo atque oblique in latus vergente utero latitet.

## §. XXVII.

Inter frequentiores autem mali nostri causas pertinent nimia partim capitis infantilis magnitudo [b], cum pelvi nullam habens proportionem: partim ossa cranii arctius sibi cohaerentia, nullaue inter se intermedia relinquentia, & fontanella penitus fere clausa, in genere si capitis ossa conformationem ac structuram, supra (§. 21.) descriptam, non habeant, sed dura sint, ac cedere nesciant: imprimis autem prava ossium pelvim componentium figura atque constitutio, & inde exorta nimis angusta pelvis cavitas, non solum hoc, sed etiam alia & matribus & infantibus minatur mala atque damna, quæ pluribus verbis pertractavit laudatus cl. *Deventer* [c].

## §. XXVIII.

Parturientem hoc in casu, ubi relictum in matrice integrum puelli caput est, in maximo discrimine vitæque versari periculo, nemo non videt. Quod si enim ea quæ (§. 21.) dicta sunt probe perpendamus, utrum durante partu successive sese constringere videbimus, hancque constrictionem eo usque durare, donec fœtus cum adnexis, totus quantus luci sit commissus; aut relictum in utero capite, penitus hic sese contrahere non valet, vasa igitur hiantia aperta manent, hinc oritur sanguinis profluvium, aut  
ex

[2] *Deventer* l. c. cap. 46. pag. 201.

[a] Per infantem bene versum nil aliter intelligimus, quam eam infantis, utero bene locato posituram, quam §. 22. descripsimus, uterus autem bene locatus dicitur iste, qui in imi ventris cavitate ita situs est, ut neque antrorsum, neque retrorsum, neque ad latus inclinet, & cujus fundus orificio, hoc vero introitu vaginæ exactissime respondet.

[b] *Deventer* l. c. cap. 34. pag. 147. & in append. pag. 268. 269.

[c] L. c. cap. 27. pag. 111. it. *Gunzius* l. c. cap. 7. p. 42. seq.



ex vena umbilicali, adhærente adhuc placenta uterinâ, aut separata eadem, per oscula vasorum in uteri cavum hiantia. Orificii quoque sequitur coarctatio, quæ mora ita augetur, ut maximo quandoque opus sit labore temporisque spatio, clausum tale orificium referandi. At in desperato tali fatalique casu, quid faciendum? anne dolores fortasse sunt expectandi? aut in eorum defectu, illos excitantia præscribenda adhibendaque remedia? aut tota res naturæ beneficio committenda? Neutrum horum prodesse affirmo, quoniam mora atque cunctatione res in deterius semper ruit; excitantia autem dolores remedia in hisce casibus, hocque tempore plane inutilia sunt, tantum enim abest ut speratum illa effectum edant, ut potius præsentem jam sanguinis orgasmum adaugeant, & ad febres continuas, exanthematicas & inflammatorias facile disponant. Relictum autem in uteri cavo caput, putrescere incipit, ac uterum simili labe, ulceribus, inflammatione &c. afficit, donec tandem accedat mors vitæ impositura finem.

## §. X X I X.

Primo igitur antequam ad operationem sese accingat obstetricans, consideret (1) *an orificium adhuc patulum, an vero sit clausum?* (2) *quæ huius abrupti capitis sit causa?* quoniam instrumentorum selectus pro diversitate causarum variat, horum probe gnarus, (3) *de commodo parturientis situ sit sollicitus.* In lecto itaque collocetur ægra, sive vulgari, sive ad hunc usum parato, cujus descriptionem vide apud von Hoorne [d] & clar. Dionis [e]: priori tamen transversaliter, & ita incumbere debet, ut natibus aliquomodo, sed paululum elevatis, abdomen horizontaliter situm sit, pectore aliquatenus elevato, cruribusque diductis: conf. D. D. Gunzius [f]. Clauso orificio illud ut referetur necesse est, sit hoc, si index digitus, oleo aut butyro cocto prius probe illitus, per vaginam in orificium, oleosa materia seu pinguedine, ut eo melius sese extendere possit, inungendum, immittatur, eodemque leniter circummagendo dilatetur orificium, ut alius adhuc digitus priori, & secundo mox tertius possit associari. Patefacto latius, trium successive introductorum digitorum ope orificio, tandem quatuor digiti simul complicati, & pollice inter hos occultato, oleo madidi, orificio nunc magis hianti introduuntur, & illud quasi perforando, circummaguntur explicanturque, usque dum tota manus illud pertransire sine impedimento possit [g]. Orificio nunc sufficienter dilatato, manuque in uteri cavum intro-

[d] Cujus mentionem facit Mauriceau l. c. T. I. p. 210.

[e] L. c. T. I. cap. 9. pag. 44.

[f] In cit. tract. de parturient situ.

[g] Si in partu prematuro caput avellitur atque restat, orificium vero uteri adhibitis etiam omnibus sufficienter dilatari nequit, tunc naturæ potius res committenda est, quam nimis rudi tractatione orificii dilatationem moliri, quoniam citius sequeretur inflammatio atque mors, quam capitis extractio; ne autem uterus, a-relicto tali moxque in putredinem abeunte capite, quod frustulatum tandem cum feda atque putrida ejicitur materia, inflammetur, aut labem quandam contrahat, defendendus ac mundificandus ille est, in-jectionibus vulnerariis, balsamicis.

introducenda, an placenta uterina adhæreat adhuc, an non, inquirat obstetricans, quæ separata jam statim extrahenda, non separata vero relinquenda est, quoniam alias magna sequitur humorum profusio.

§. X X X.

Orificio dilatato, de capitis extractione sollicitus sit obstetricans, quæ sequentem in modum fit: facie versus os sacrum versa, duobus immixtis digitis in os, ad latera reliquis positis, pollice infra mentum, aut melius in nucha applicato, (vid. fig. 2.) attractione tentet obstetricans extractionem capitis. Irrita autem hac methodo, ne separetur maxilla inferior, alio modo tentanda est extractio: caput nimirum ita collocetur, ut una aurium sursum, altera vero deorsum spectet, tunc duo digiti ori, quantum potest, ad fauces usque intrudantur, reliquis digitis, uti jam dictum, applicatis, sicque vacillando attrahendoque moliatur extractionem, usque dum sequatur aut caput, aut ossa, digitorum ope comprehensa, avulsa extrahantur, reliquis dein ossibus successive eximendis. Verum enim vero si & hic incassum caderet labor, de aliis cogitandum est adminiculis, cum certum sit, aut magnitudinem capitis, aut pravam ossium pelvim componentium structuram atque formam hanc impedire extractionem.

§. X X X I.

Ad instrumenta igitur in tali casu confugiendum est, quorum multa atque varia tum a veteribus, tum a recentioribus, imo recentissimis, ad hanc operationem perficiendam inventa sunt; sed dolendum, instrumenta veterum non solum, sed recentiorum quoque plerumque sic comparata esse, ut non semper desideratum atque speratum edant effectum. Sunt autem hæc instrumenta partim lintea, s. ex linteo, partim sericea s. ex serico confecta, partim denique ferrea.

§. X X X I I.

Instrumenta ex linteo constructa nil aliud sunt, quam fasciæ, quarum inventionis gloria *Mauriceau* [b] debetur. Construitur autem hæc fascia (fig. 3.) ex linteo molli quidem aut forti, cujus latitudo manus latitudinem æquat, longitudo vero bina cubita excedit, aut secundum von *Hoorne* [i] unum cum dimidio. Applicatio hujus fasciæ fit sequentem in modum: illitis pinguedine & manu & fascia: manus, fascia hac tecta digitis complicatis, utero introducitur, fascia dein capiti superextenditur, ita ut tali modo caput in hac fascia quam in funda quasi hæreat, tunc emissâ ex utero manu, extractionem capitis, apprehensis fasciæ extremitatibus, molitur obstetricans:

[b] L. c. Tom. I. lib. II. c. 14. p. 287.

[i] L. c. Tom. II. p. 117. seq.



cans : Sed usum huic fasciæ adscribo nullum , *nimirum quod neque caput proportionatum redditur apperturæ pelvis , neque illud in recta atque perpendiculari linea extrahi potest , hac mediante fascia.* D. D. *Waldgrave* [ *k* ] Profess. Hafnienf. id bene perspicuus , hanc emendare curavit fasciam in eo , quod in tribus locis illam secundum longitudinem ad manus latitudinem inciderit , confarcinatis extremitatibus , ( fig. 4. ) , credens , hoc modo , incisura nempe supra caput applicata , illud tam facile decedere non posse , nec obliquari , sed firmiter teneri , confarcinatis vero extremitatibus , perpendicularem magis atque inflexam fieri extractionem. *Attamen & mediante hac fascia capiti nulla-cum pelvis apertura conciliatur proportio ;* Præterea & ipsi inventores , usum harum fasciarum nulla comprobarunt observatione , immo ipse D. v. *Hoorne* [ *l* ] , data occasione hac non usus est fascia.

## §. XXXII L.

Ex serico conflata , & ad hunc casum inventa instrumenta , marsupiorum quoddam genus æmulantur , haud absimilia reti illi , quo capillamentorum textores comis adoptivis conficiendis consuendisque utuntur , ( *einem Peruvian-Nets.* ) De inventionis gloria duo certarunt viri obstetriciæ artis peritissimi , D. nempe *Gregoire* & D. *Ammand* , chirurgi Paris. Constructum est quodlibet horum instrumentorum ex serico , uti dictum , per cujus partem superiorem funiculus quidam sericus trajectus est , ( fig. 5. b. b. ) quo mediante constringi potest , circumferentiæ quatuor adfutæ sunt fasciolæ , ( fig. 5. a. a. a. a. ) quarum quævis ulnam fere æquat , in parte interna quinque conspiciuntur ( fig. 5. c. c. c. c. c. ) annuli , itidem ex serico confecti , pro digitorum in illos immisione. Alterum quod a D. *Gregoire* inventum est instrumentum , ab hoc non differt , nisi in eo , quod careat duabus illis fasciolis , quarum quælibet ( fig. 5. aa. ) in quocumque extremo notata , præterea & nullos habeat in parte interna annulos. Multum de hoc suo instrumento , *tire tête* ipsi vocato , promittit emolumenti D. *Ammand*. [ *m* ] nec minora *Gregoire* de virtutibus sui reticuli prædicat.

## §. XXXI V.

Applicatio horum instrumentorum est sequens : illinuntur dorsum manus & instrumentum pinguedine quadam , dein supra dorsum manus illud extenditur , digiti annulis immittuntur , & sic manus digitis complicatis utero intruditur , quo facto caput superimposita manu figitur , atque digitis ex annulis extractis , manus retrahitur , relicto supra caput instrumento , tunc caput

[ *k* ] V. *Hoorne* in tr. cit. quem in danicam transtulit linguam.

[ *l* ] Uti ex observat. IX. p. 197. l. c. patet.

[ *m* ] Vid. ejus *observation sur la pratique des accouchemens.* ubi in adnexis figur. applicationem instrumenti declarat.

caput in illud intruditur, ita ut reconditum lateat, vertice tamen uteri orificium spectet, necesse est. Funiculi dein constringuntur, & mediantibus quatuor fasciis molitur extractio. Magnæ certe in applicando hocce instrumento reperiuntur difficultates! applicatio vero illius a D. *Gregoire* inventi instrumenti eodem fit modo, & melius aliquatenus succedit, quia hic ad facilitandam applicationem, invenit novum instrumentum, (fig. 6.) *hameçon* ipsi dictum, quod in uno extremo (fig. 6. c.) hamulo illi, quo piscatores utuntur, *einem Fisch-krappen*) haud ab simile, mediante quo fasciolam illam, quæ in applicatione supra caput ducitur, infra idem extrahere suadet. Usus horum instrumentorum sola niti imaginatione, ex eo patet, quoniam majorem adhuc efficiunt capitis cum pelvi disproportionem, siquidem illud hoc modo non oblongatur atque accuminatur, quo patente via pertransire possit, sed latius redditur hisce instrumentis caput. Denique de his quoque instrumentis, ut D. *Devaux* [n] judicium de illorum usu huc non afferam, valet idem, quod (§. 32.) de fasciis diximus: nimirum quod nulla comprobata sint experientia. Immo celeberr. D. D. *Fried.* experientia edoctus, ingenue fatetur applicationem horum instrumentorum impossibilem esse.

## §. X X X V.

Sequuntur ex ferro confecta instrumenta, quorum varia sunt genera, primo igitur hamulos s. uncus pertractabimus, qui rursus varii sunt, partim nimirum obtusi (fig. 7.) & globulo quodam in uno extremo præditi, (fig. 7. c.) partim vero acuti, (fig. 8. 9. 10.) alii tandem sunt simplices, (fig. 7. 8.) duplices alii (fig. 9. 10.). Applicatio horum instrumentorum facilius est, quam illorum de quibus (§. 34.) diximus, attamen non sine magno labore quandoque perficitur. Applicantur autem illa hoc modo: sinistra manus, pinguedine illinita, utero intruditur, eaque arripitur caput, fixumque tenetur, cujus vertex uteri orificio superimponenda, post, ope dextræ manus, instrumentum supra sinistram utero inferendum est ita, ut accuminata atque scindens pars sinistræ manu sit obversa, id quod in omnibus vulnerantibus est observandum instrumentis, alias enim facile læditur uterus: hamulus denique infigitur aut oculorum uni, aut auribus, aut ori, aut nuchæ, aut foramini ovali magno ossis occipitis, aut si vertebræ colli quædam cum capite adhuc connexæ sunt, foramini illi medullæ spinalis, semper tamen inquirendus accommodatus quam maxime locus, cui uncus infigi debeat. Infixo nunc hamulo manus aliquantum est retrahenda, sed ita tamen, ut digitorum apices, semper infra caput linquantur, quibus illud dirigendum & impediendum, quo minus uncus, si forte fortiori nimis attractione cum capitis quodam frustulo erueretur, uterum lædat.

## §. X X X V I.

[n] Dissertation sur l'origine & les progrès de la chirurgie des accouchements.



## §. XXXVI.

Verum enim vero, quoniam hisce uncis caput in recta linea nunquam protrahi potest, nisi occipiti sint infixi, ad hunc autem locum pervenire non liceat semper, de alio cogitarunt artifices uncorum genere, qui, quoniam in uno extremo duobus gaudent apicibus incurvatis, (f. 9. c. c. f. 10. f. f.) duplices vocantur hamuli, *gall. crochet double*, quorum unus (f. 10.) inventorem veneratur D. *Peu* chirurgum Parisiensem. Artificiose atque ingeniose admodum constructum est hoc instrumentum, quoniam vires & simplicis & duplicis gerit unci, præditum nimirum in medio est elatere quodam (f. 10. c.) prope manubrium vero (f. 10. b.) cochlea quadam, qua exenta manubrioque compresso, uncus est duplex, cochlea vero manente, partes superiores ad se invicem accedunt, simplexque evadit hic uncus. Applicatio horum uncorum eadem est ac antedictorum, locus vero in quem infliguntur, sunt orbitæ solum: nullam hi aliam habent præ aliis (§. 35.) prærogativam, præter hanc, quod eorum ope caput in recta magis linea protrahi queat.

## §. XXXVII.

Tempestivum nunc est, ut brevibus quoque, quid ab uncis hisce similibusque instrumentis boni commodive expectari possit, exponamus. Non negamus ea subinde locum habere, & maximo cum fructu, diversis in casibus adhiberi posse, quando autem capitis potissimum prægrandis moles, mali nostri causam constituit, tunc plus damni ea quam boni afferre, non sine ratione credimus. Primo enim nimia capitis magnitudo eorum usu non minuitur, quod tamen absolute necessarium est: deinde difficulter illa & non absque insigni vi adhibentur, immo dum pelvi intrusum, ac quasi incuneatum caput, totam ejusdem capacitatem occupat, & omnem cum manus, tum instrumentorum introductionem impedit, aut plane non, aut non tuto satis applicari possunt, cum verendum omnino sit, ne vi intrusus uncus, improvideque adactus aut uterum aut vaginam, aut vesicæ collum adoriatur, præsertim cum is, quem fig. 10. exhibet, acuta satis acie, prope incurvationem gaudeat, adeoque medicamentum sæpius gravius ipso morbo evadat. Ex iisdem quoque rationibus eam methodum [o], qua celeberrimus *Dionis* extrahendo tali capiti duos applicandos uncicos suadet, usu tardam existimamus. Non enim video, qua ratione illud effici possit, cum unus alteri officiat, & unius applicatione alter e sede sua, cum damno ægrotæ, dimoveatur, ac in uterum potius, quam infantis caput adigatur, imprimis cum partes acuminatæ horum instrumentorum, quo minus lædant, manu nec defendi satis, nec in caput educendum dirigi tuto possint. Haud immerito ergo instrumenta hæc, a providis harum rerum Magistris,

N n n 2

eo

eo quod eorundem applicationem uteri magis læsio, quam capitis avulsi sequatur extractio, rejiciuntur.

### §. XXXVIII.

Nec felicior hac (§. 37.) ea est methodus, abruptum ex matrice educendi caput, quæ auctorem agnoscit clar. *Mauriceum* [p] sollerti enim is animo novum excogitavit instrumentum, præ aliis, ut sibi persuadet, ad operationem hanc cito tutoque peragendam utile, *tire-tête* ipsi vocatum. Nam ut verum fateamur, tantas non promeretur laudes, quantas auctor ipsi præter meritum tribuit, siquidem a vehementi adhibenda vi in extractione capitis non imminuti, facile vis utero affertur, quapropter etiam in describendo eo, modoque illud adhibendi, haud multus ero, B. L. ad ipsum auctorem remittens. Præferenda huic est methodus, clar. la *Motte* [q] qui instrumento quodam acuto, cultello nimirum incisorio, *bistouri* dicto, ac in vagina quadam recondito, cranii provide suscipit aperturam, factaque incisione sufficiente, excerebrationem decenter molitur, diminutoque sic capitis volumine illud extrahit. De usu autem hujus instrumenti nihil habeo quod dicam, cum ipse auctor modum illud rite applicandi ignorare videatur, quando l. c. [r] ingenue fatetur: *Je la tirai pourtant enfin, sans pouvoir dire comment.*

### §. XXXIX.

Ad forcipes nunc (fig. 11. 12.) pervenimus duas, a (f. 11.) D. *Puif-jeau* chirurgus Parisiens. (f. 12.) & D. D. *Friedio* inventas. Forceps *Friedii* quam (f. 12.) exhibet magis est composita priore, in medio gaudens stylo quodam, cujus ope apertura cranio infligitur. Anibæ ea parte, qua caput tenent, dentatæ sunt, (f. 11. a. a. f. 12. a. a.) quo eo firmiter caput teneri comprimique possit. Applicantur hæc instrumenta sequentem in modum: introducta, uti sæpius jam dictum in uterum manu, capitis vertex versus uteri orificium urgetur, altera tenetur caput manu, altera clausum instrumentum intruditur utero, usque ad capitis verticem, tuncque distenditur instrumentum, caputque illius ope arripitur, comprimitur, atque extrahitur. Eodem applicatur modo D. D. *Friedii* instrumentum, sed antequam caput forcipe (f. 12.) comprehenditur, stylus (f. 12. f.) capiti est infligendus, quo, facta post modum compressione, cerebrum habeat quo exire possit, dein annulus (f. 12. g.) anteriora versus protruditur, quo hujus ope & forceps & caput eo melius comprimantur, immixtis denique digitis (f. 12. d. d.) tentatur capitis extractio, altera dirigente manu viam.

### §. XL.

[p] L. c. T. I. p. 365. seq.

[q] Traité des accouchements L. 3. c. 26. obs. 257. p. m. 367.

[r] L. c. cap. 26. obs. 258. p. m. 368.



## §. XL.

Horum instrumentorum usu caput quidem oblongatur, accuminatur & aliquomodo proportionatum redditur pelvis aperturæ, ast ut verum fateamur, speratum non exerunt semper hæc instrumenta effectum, quoniam caput non undique in sua comprimitur circumferentia, præterea & illud D. *Prusseau* hoc habet incommodi, quod, dum in applicatione instrumenti crura (f. 11. b. b.) nimium diducuntur, partes muliebres externæ fortiter nimis extendi debeant, id quod tamen, propter partium harum angustiam, sæpius fieri nequit, ne dicam quod violentam hanc partium distensionem, alia quoque mala sequantur, v. g. contusiones, inflammationes &c. Hoc incommodum bene perpendens D. D. *Fried.* de alio modo suum conficiendi instrumentum cogitavit, facta enim crurum articulatione (f. 12. c. c.) id effecit, ut instrumentum in parte superiori sufficienter diduci queat, sine magna crurum suorum (f. 12. bb.) distensione. Ast stylus ille ferreus (f. 12. e. f.) plane mihi inutilis videtur, quoniam incisio, quæ illius ope capiti infligitur, parva nimis est, ita ut compresso forcipe capite, illa claudatur rursus, cerebrumque hoc modo non habeat, quo elabi possit.

## §. XLI.

Omnibus his (§. 33. seq.) irritis, ad cultros confugiunt obstetricantes, (f. 14. 15. 16.) quorum unus (f. 14.) quoniam in extremo unci instar incurvatus, uncus scindens, *gall. crochet tranchant*, vocatur, alter (f. 15.) est culter *Paræi*. Tertius denique (f. 16.) illi haud absimilis est, quem invenit D. *Petermann* obstetricans quondam Lipsiensis. Horum applicatio sequentem fit in modum: manu, uti sæpius monuimus in uterum intrusa, arripitur caput, firmiterque tenetur, apprehenso tunc altera manu instrumenti manubrio, illud utero hac immittitur cautela, ut pars scindens illi obvertatur manuum, quæ utero immissa ad præcavendam uteri læsionem vaginæque, caput tenet: dein futurarum locus inquirendus, huicque infligendus est culter, quo mediante postmodum pars quædam capitis desecanda, hoc facto, educitur ex utero culter, adhibita jam dicta in illius immissione cautela, pars abscissa extrahitur, cerebrum eximitur e cranio, caput comprimitur, atque educitur: si autem tantæ illud adhuc sit magnitudinis, ut vaginam commode pertransire non possit, tunc adhuc pars una vel altera desecanda, usque dum sufficientem acquirat caput cum pelvi proportionem, semper tamen altera manu defendendus est uterus a læsione.

## §. XLII.

Ex iis quæ de modo instrumentis hisce utendi (§. 41.) diximus, facile

patere arbitror, *Paræi* (f. 15.) cultrum, ob parvitatem suam, inutilem plane esse ad hanc operationem feliciter perficiendam, nisi caput in vaginam jam intrusum sit, duas enim utero immittere manus, illisque in cavo illius operari, impossibile est. Quod autem reliquorum concernit cultrorum usum, negandum sane non est, illorum ope, maximam posse effici capitis cum pelvis apertura proportionem: ast quam difficile sit, tale in utero remanens caput præsecare, atque in multas dividere partes, artis obstetriciæ peritos non latet. Quodsi enim maxima quoque prudentia ac cautione omni diligentiaque rem tentes, impedire tamen quandoque non potes, quo minus uterus lædatur.

## §. X L I I I.

Tandem nefas esset, si illius oblivisceremur remedii, cujus auxilio latitans in utero caput, absque difficultate incommodoque ullo, feliciter tutoque educi potest. Invenit illud celeberr. D. D. *Fridius*, patronus ac præceptor omni honoris & observantiæ cultu venerandus, cui præter fidelissimam in re obstetricia instructionem, horum etiam instrumentorum debemus communicationem, & certe celeberr. huic atque præstantissimæ virtutis apud Argentoratenses medico obstetricio, immortales propterea debentur laudes. Sunt autem illa, quæ (fig. 17. 18. 19.) delineare curavimus. Primum *troiscart ipsi dictum*, (f. 19.) est instrumentum, in uno (f. 19. d.) extremo gladii cuspidem referens, vaginis duplicibus orichalceis inclusam, quarum una mobilis, altera vero immobilis est, lamina (f. 19. b.) adnectitur vaginæ mobili, ita ut apprehenso instrumenti manubrio, (f. 19. a.) & applicato laminæ prominenti (f. 19. b.) pollice, ensiformis illa ferrea lamina (f. 19. d.) ad trium vel quatuor digitorum latitudinem extrudi possit. Alterum, ferrarum genus æmulatur instrumentum, (f. 17.) cujus tamen quarta pars dentibus solummodo prædita est, (f. 17. c.) reliqua parte glabra atque lævigata existente, quo minus neque vagina neque uterus lædi possint: in parte superiori globulo quodam instructum est hoc instrumentum, (f. 17. d.) tutioris in uterum immisionis causa. Tertium instrumentum, a figura quam refert cochlear dictum, (f. 18.) in parte superiori (f. 18. d. d. d.) dentibus gaudet ferratis, reliqua parte lævigata manente.

## §. X L I V.

Applicatio horum instrumentorum sequentem in modum perficitur: manu provide utero immissa, caput arripitur firmiterque tenetur, ita ut ipsius vertex orificio sit propinquior, tunc instrumentum (f. 19.) *troiscart dictum*, retracta prius lamina, (f. 19. b.) quo lamina ferrea (f. 19. d.) occultetur, ne pars quædam lædi queat, capitis vertici apprimitur, extruditur dein lamina ferrea, (f. 19. d.) mediante lamina, (f. 19. b.) hocque modo capiti infligitur vulnus satis magnum, quo facto, retrahitur lamina (b) qua



quæ mediante occultatur lamina ferrea, (d) & sic instrumentum sine ul-  
lius partis læsione eximitur. Serra (f. 17.) dein huic vulnere immittitur,  
eum in modum, ut pars dentata manum, caput in utero firmans, super-  
grediatur, cujus auxilio frustulum quoddam cranii fatis magnum, in quan-  
tum possibile, defecandum, & dein remota serra, extrahendum. Denique  
& cochlear, ea uti jam monuimus, adhibendum est cautela, ne a parte  
dentata fauciaetur vagina, uterusve, ejusque ope cerebrum, una cum ip-  
sius meningibus, dentibus cochlearis insertis, eximendum. Evacuato nunc  
cranio, illud comprimitur, & mediantibus digitis, in illius cavum immif-  
sis, & hamuli instar incurvatis, conatur extractionem.

## §. XLV.

Hanc autem, si solis digitis perficere non posset obstetricans, optime  
adjuvat instrumentum illud, (f. 13.) a D. D. Schurer practico Argentinenf.  
inventum. Applicatur autem hoc instrumentum ita, ut altera latæ ejus ex-  
tremitatis pars, (f. 13. a.) aperturæ immittatur cranii, altera vero (f.  
13. a.) partibus admoveatur capitis externis, quo fit, ut annulo (f. 13.  
dd.) ad inferiora crurum (f. 13. b. b.) protracto, cranii pars, inter hu-  
jus instrumenti extremitates latas nunc redacta, ope dentium, in parte in-  
terna lata (f. 13. aa.) positarum, firmiter teneri possit: eodem modo in  
latus oppositum, præfatum applicandum est instrumentum, quibus medi-  
antibus, caput postmodum commode fatis extrahi potest.

## §. XLVI.

Ecquis non videt, horum instrumentorum recto usu & legitima applica-  
tione, quam optime peragi posse, hanc omnium in re obstetricia difficilli-  
mam operationem, & certe in prægrandi infantis capite, maximi sunt usus,  
ut merito dubitemus, an tutiora magisque accommodata, ad hanc opera-  
tionem legitime perficiendam, inveniri queant. Sed monendum adhuc est  
de obstetricantium instrumentis, quod (1) *bene sint adaptata*, & *ad quem-*  
*vis casum accommodata*, (2) *probe levigata atque polita*, (3) *caute semper*  
*applicanda*, & (4) *rarissime adhibenda*, immo ne unquam quidem teste ce-  
leberr. a Deventer [s] *præterquam infantibus incuria neglectis, monstrisque*  
*excludendis*. Hæc sunt, quæ de capitis abrupti extractione, in medium  
dissertationis loco proferre erat animus, Deo igitur T. O. M. quam maxi-  
mas agimus gratias, quod sua divina assistentia, omnia mea cepta semper  
adjuverit, eumque pia mente precor, ut & in posterum clementi sua gratia  
mihi adesse, studiaque mea sic dirigere velit, quo in S. S. sui nominis glo-  
riam, proximique tendant salutem. Tu vero B. L. si forte quid invenies pa-  
lato

lato tuo haud gratum, cogites velim, omnia omnibus placere non posse.

F I N I S.

# FIGURARUM EXPLICATIO.

Figura 1.

**U**terum cum capite infantili, placenta, funiculo, ossibus pelvis, atque lumborum vertebrae representat; ubi Lit. A. A. uterum aliquomodo ad latus inclinatum indicant. B. B. ligamenta uteri teretia. C. C. Eadem ligamenta abscissa. D. D. Vaginae uteri partitionem. E. Placentam uterinam. F. F. funiculum umbilicalem, filo constrictum. G. Caput infantile, ubi a. mentum ossibus pubis insidens, gall. accroché, b. fontanellam, c c c c duo ossa ilii, d. d. duo ossa pubis, e. e. rami ossium pubis & ischii, f. arcus quem haec ossa formant, g. g. duo ischii ossa, h. h. tuberositates horum ossium, i. i. cavitas cotyloidea, k. k. foramina ovalia pelvis, l. lumborum vertebrae.

Fig. 2. Ostendit quomodo caput in utero remanens manu sit extrahendum, A. A. A. Uterus, a. caput infantile facie versus posteriora, occipite vero versus anteriora versum, b. brachium obstetricantis, c. manus obstetricantis, d. pollex in nucha applicatus, e. reliqui digiti.

Fig. 3. Est D. Mauriceau fascia, hujus latitudo est quinque pollicum, longitudo vero duarum ulnarum.

Fig. 4. Est fascia a D. D. Waldgrave correctâ, a. sutura, b. b. b. rimae s. incisurae secundum longitudinem factae: longitudo hujus fasciae est unius ulnae cum dimidia, latitudo vero quatuor vel quinque pollicum.

Fig. 5. Crumena s. marsupium D. Ammand, tire-tête ipsi dictum aaaa. quatuor fasciola quorum latitudo quatuor linearum, longitudo vero unius est ulnae, b. b. duo funiculi pro constringendo marsupio. c. c. c. c. c. quinque annuli quibus digiti intruduntur, circumferentia hujus retioli ulnae longitudinem circiter aequat.

Fig. 6. Instrumentum unciforme a D. Gregoire inventum, & ab illo haméon dictum, ubi lit. a. manubrium. b. Corpus s. partem medianam, c. hamulus, illi piscatorum haud absimilis, longitudo est 10. ad 11. pollicum.

Fig. 7. Uncus s. hamulus obtusus. a. manubrium, b. pars media s. corpus c. globulus: longitudo est 13. pollicum transversorum.

Fig. 8. Uncus s. hamulus acutus. a. manubrium. b. corpus c. curvatura cum apice scindente, longitudo ead. ac praeced.

Fig. 9. Hamulus s. uncus duplex, a. manubrium. b. corpus, c. c. pars divisa, acuminata, longitudo ead. ac praeced.


Fig. 10. Hamulus s. uncus D. Peu a. manubrium b. cochlea c. elater. d. arti-



PLATE I.









*articulatio e. e. corpora ff. extremitates recurvæ acuminatæ, longitudo ead. ac præced.*

Fig. 11. Forceps D. Puisseau, a a. duæ extremitates latæ, in parte interna dentatæ. b b. duo crura c c. locus pro immissione pollicis & digitorum, d. articulationis locus, longitudo est 13. pollicum transversorum.

Fig. 12. Forceps D. D. Fried. a. a. duæ extremitates latæ, in parte interna dentatæ, b. b. duo crura, c c. locus ubi crura articulantur, d d. manubrium, e. f. stylus ferreus. g. annulus, longitudo eadem ac præced.

Fig. 13. Forceps D. D. Schurer. a a. extremitates latæ dentatæ, b. b. duo crura, c. articulus. d d. annulus, longitudo est 11. pollicum.

Fig. 14. Culter unciformis, gall. crochet trenchant, a. manubrium. b. corpus, c. extremitas recurva scindens, longitudo est 13. pollicum transversorum.

Fig. 15. Cultellus Paræi a. manubrium, b. corpus, c. extremitas recurva parum, scindens: longitudo est 6. pollicum transversorum.

Fig. 16. Culter alius recurvus, a. corpus b. extremitas inferior incurvata, c. globulus, d. extremitas superior paululum incurvata, longitudo est 12. pollicum transversorum.

Fig. 17. Serra D. D. Fried. a. manubrium b. pars lævigata glabra, c. extremitas superior scindens. d. globulus, longitudo 12. pollicum transversorum.

Fig. 18. Cochlear D. D. Fried. a manubrium, b. corpus c. pars excavata, d d d. pars dentata, longitudo eadem ac præced.

Fig. 19. Instrumentum pro aperiendo cranio D. D. Fried. troiscart dicto, a. manubrium, b. lamina orichalcea c. vagina orichalcea mobilis d. lamina ferrea ensiformis, cujus longitudo, si lamina ferrea in vagina abscondita est 12. hac vero protracta 14. pollicum.





L X X X I I

DISSERTATIO

CHIRURGICA,

DE

RUPTO IN PARTU UTERO.

*Quam tuebatur*

JO. FRIDER. BEHLING,

HOTA-HANNOVERANUS

Altorfii 20 Decembris anno 1736.





## H I S T O R I A

**M**Uulier, *Kunigunda*, *Georg Hübners*, Civis Altorfini, villam, *Lochners-hof*, inhabitantis, uxor, ætate XLIV. annorum, statura mediocris, octo liberorum mater, jam nonum gravida, ceteroquin sana, & officiis suis strenue fungens, nec ullis per totam ferme vitam morbis antea vexata, circa finem gestationis suæ, ex improvise per plures scalarum gradus decidit, in dorsum terramque prostrata. Nullum hinc amplius vivi fetus motum, sed aliquos potius in abdomine, ejusque latere dextro, sentiebat dolores, eosque, quoties isti lateri incumberet, auctos. Elapso demum octidui spatio, dolores ingruebant parturiendi, iique primis binis diebus mediocres & mitiores, tertio autem die magis severi. Hinc Altorfio obstetrix vocata, os uteri apertum quidem, at fetus involucris suis adhuc inclusum, minusque recte ad exitum dispositum, cognovit. Altero dein die aquæ erumpabant, sed valde putridæ, fetidæ, & liquamine viscoso, quasi meconii admixti, refertæ. Jam admonita parturiens laborum, hos strenue quidem sustinuit, sed sine ullo fetus successu, nisi quod, altero demum mane, post nixus puerperæ vehementes, & postquam aliqua crepatura ab adstantibus sono observaretur, dextra erumperet manus, eaque subnigra, vesiculisque, sero putrido turgidis, obfessa. Hinc misera labores, viribus ad extremum impensis, porro susceptura, cum nihil eosdem proficere, nec nixus parturiendi uterinos conspirare amplius sentiret, illico e sella parturientium, qua tunc infederat, assurgens sese erexit, in hæc verba erumpens; impossibile esse, ut fetus hunc eniteretur. Obstetrix nihil, quantum quidem ad situm fetus emendandum facere noverat, intentatum reliquit; verum cum nihil efficere posse experiretur, vocatus in auxilium Poliater Altorfinus, Exc. D. D. *Weissius*. Hic analepticiis medicamentis puerperæ vires reficere, primum aliorum, dein ex adstantibus de modo præmissis certior factus, ipsumque fetus situm percontatus, hunc ipsum minus bene ad partum facilem dispositum, & jam vita defunctum, putredinæque correptum, cognovit. Non enim fetor tantum utero exspirabat summe putridus & ferme intolerabilis, dum uterò, levibus convulso motibus, liquor mucidus, ex fusco & rubro mixtus, una cum flatibus putridis, e matrice exhibat; sed infans etiam adeo a putredinosa fermentatione erat tumidus, atque inflatus, ut, cum brachium, aut corpus, tangeretur, eodem cum strepitu, quo membrana cellularis, flatu distensa, crepitare solet, sonum quemdam ederet, & cutis compressa, tanquam spongiosa, facile digitis usque cederet. Abdomen puerperæ multum elevatum, & quasi in formam amplioris cylindri protensum erat. Dolores etiam in latere dextro miseram vix deserebant, immo atroces cruciatus pedem parturientis sinistrum, quoties nixus dolorque pariendi instabat, more in quovis prægresso partu solenni, affligebant. Cum itaque de

extractione fetus, citra omne dubium mortui, cogitandum esset, antequam embryotomiam institueret, ut, aut pedibus comprehensis, aut alia situs incongrui mutatione illum educeret, allaboravit laudatus modo D. D. *Weissius*: verum neque caput, nec alterum brachium, tactu manus provide percipere, nec pedesprehendere ipsi licuit. Uterus enim circa dorsum infantis adeo valide contractus erat, ut ad extremum matris fundum, in quo crura fetus complicata erant, manu pertingere haud permetteretur. Caput etiam, alterumque brachium digitis disquirentibus haud obvium veniebant, sed sentiebatur collum infantis utero dextrorsum exire per hiatum quemdam pervium. His ita cognitis, & postquam nec pedes comprehendi, nec caput adduci poterat, licet ad ipsam embryotomiam sese accingere in animo ante habuerat Excell. D. D. *Weissius*, & ad eandem suscipiendam anxiiis miseræ precibus, non tam admoneretur, quam fatigaretur; hanc ipsam tamen operationem jam inutilem, & omittendam potius censuit; quia, fetu licet extracto, vitæ tamen matris servandæ spes nulla erat reliqua. Pulsus enim valde debilis, contractus, celer, inæqualis & intermittens, item virium & caloris jactura, genitalium refrigeratio, anxietas cordis summa, liquor putridus, non uterum tantum, sed ipsa mulieris intestina, ad quæ per hiatum rupturæ pervenisse prævidebatur, lethali necrosi inflammans, nec non horror vehemens, aliquoties recurrens, & totum corpus parturientis concutiens, animi insignis perturbatio, hæmorrhagia lacerati uteri, & plura alia phænomena, certa futuræ mortis erant præfagia. Siquidem misera altero tandem mane epilepsia correpta fatis cessit. Sequenti die Celeb. D. D. *Weissius*, in erudiendis auditoribus suis studiosissimus, a plerisque medicinæ studiosis comitatus, sectionem vitæ defunctæ gravidæ instituit. Hinc inciso abdomine, valde tumido, humor subcruentus, fetidus & putridus, copiosus effluxit. Uterus in fundo suo integer quidem, sed atrorubens, maculis putridis conspicuus, & cylindri amplioris forma protensus erat, in cujus latere dextro, proxime supra ligamentum latum, hiatus rupturæ amplius conspiciebatur, per quem fetus caput pilosum, & brachium sinistrum complicatum, quæ utraque involucris membranaceis suis adhuc cincta erant, exserebantur. Utero dein dissecto, interna ejus superficies multis locis jam putrilagine inveniebatur corrupta, & in fundo, cum semi putrida placenta, laxè, aut vix cohærebat; orificium etiam matricis internum sat patens, laciniæ autem rupturæ tenues & quasi discerptæ extiterant. Infans ipse utero exemptus, prægrandis, tumidus abdomine, & cute ubivis inflata quasi spongiosus, faciem monstrabat, ab insigni putredine, deformem atque depressam, naribusque suis multum liquaminis ichorosi effundebat; item loco ossis frontis, quod una cum cerebro jam in tabum mutatum & maxima parte colliquatum esse videbatur, sola cutis aderat; intestina autem abdominalia flatibus turgebant, & ipsi demum pectoris pulmones putredine jam infecti tactuque spongiosi, in aquam injecti, in hac non subsidebant, sed supernatabant. Tandem viso sexu fetus masculino, cum mulier ista nusquam puellas,



las, at octo pueros vivos edidisset & nonum illum filium gestasset, curiose in testes ipsius muliebres inquirebatur; &, en! dextrum ovarium vegetum, multisque ovulis adhuc refertum; sinistrum autem, alteri prorsus dissimile, scilicet macrum, tenue, vacuum, membranaceum, omnique ovuli specie destitutum invenimus. Cæterum in reliquo mulieris corpore, imprimis facie, multa magnaque putredinis initia observari poterant.

---

## §. I.

HÆc modo recensita observatio plura, notatu omnino digna, in se habet, quam quidem limites dissertationis comprehendunt. Verum enim vero, cum imprimis ea, quæ *ad rupturam uteri*, tanquam ad principem hujus tragici casus causam, spectant, præmittere mecum constituerim, ideo non singula historiæ momenta sub examinis medici incudem revocabo, sed ea saltem, quæ haud exigui in medicina usus fore judicavero, perlustrabo, & rupturæ matricis contemplationi subjungam.

## §. I I.

Uteri nempe rupturam hac in muliere mortis causam principem pronunciandam esse, nemo forsan dubitabit. Non enim fetum mortuum, non putrescentem tantum, nec ad partum facilem minus convenienter collocatum, mortis absolutam causam esse, tot monstrant historiæ. Nec casus gravidæ ab alto, nec reliqua parturientium symptomata, satis mihi videntur, ad hancce mulierem interficiendam. Attamen singula tunc ad interitum collineasse, certum est, postquam rupturam uteri partim promoverant, partim insanabilem atque lethiferam reddiderant.

## §. I I I.

Non enim hic dispiciam, an omnis uteri laceratio, atque vel illa, quæ in parturientibus contingit, mortem semper & certo adferat? Infra enim docebo, haud impossibile esse, ut aliquando, & certis sub conditionibus, uterus a fetu laceratus consolidari, mulierque servari possit. Hoc tamen in casu supra recensito, non hæmorrhagiam tantum, sed putrilaginem etiam, ab infante mortuo & jam putrescente proveniente, visceribusque matris communicatam, mortis ansam dedisse, & rationi & experientiæ consentaneum est. Cum enim propter sanguinem, e laceratis in amplo rupturæ hiato vasibus, largiter effusum, vires admodum fractæ & exhaustæ, sustinendis superandisque symptomatibus redderentur impares, atque putridus humor cruorem extravasatum, in abdomine contentum, nociva facultate viscera corrumpendi inquinaret, non potuit non vita cum morte commutari.

## §. I V.

## §. IV.

Rarus equidem vulgo censetur casus rupti in partu uteri; ideo nostram etiam historiam, eatenus compellare possem raram. Verum enim vero, sicuti plures in scriptis medicorum reperiundæ ejus observationes; ita forsitan crebrius accidit parturientibus hæc uteri laceratio, quam quidem ab auctoribus adnotatum est. Ita enim, teste *Bartholino* [a], *Jo. Gasp. Faussus* in *Epist. ad Strausium*, magno judicio & Coi gravitate negat, rarum esse, rupto utero fetum in ventris spacium illabi. Celeb. etiam *Heisterus* [b] affirmat, sibi hanc affectionem in partu difficili sæpius contingere videri, quam hactenus vulgo creditum est. Cujus rei plura testimonia videbimus ex frequentia observationum.

## §. V.

Quænam autem causa hujus rupturæ extiterit? nunc erit disquirendum. Satis enim testantur observatorum historię, uterum gravidum variis de causis esse laceratum. Ita *Stalpartius vander Wiel* [c] inter frequentes ejus causas recenset, situm fetus in utero malum, uteri substantiam tenuem, nimiamque ejus extensionem, item fortiora fetus pellentia assumpta, internum uteri os non satis apertum, prominentias vel excrescentias carnosas, ulcera, scirrhusque, infanti exitum præcludentes, nec non pravam uteri a natura conformacionem, fetus calcitrantis fortitudinem, ejusque nimiam magnitudinem, & demum præmaturum aquarum effluxum. Conveniunt etiam cum modo recensitis causis multæ medicorum historię, quibus singulis recensendis non jam immorabor, sed nomina saltem auctorum huc pertinentium allegasse, & locos recensitionis indicasse sufficiat. Inter hos sunt præcipui: modo nominatus *Stalpartius* [d], *Guilh. Fabricius Hildanus* [e], *Solingius* [f], *Scholzius* [g], *Salmuthus* [h], *Dionis* [i], *Riedlinus* [k], *Knoblochius* [l], *Reuselius* & *Witzelius* [m], *Heisterus* [n], *Trewius* [o],  
Schuri-

[a] Tr. de insolitis partus hum. viis, cap. XI. p. 76.

[b] In act. nat. cur. vol. I. obs. 176. p. 397.

[c] Observat. rar. cent. 2. not. ad observ. 30. pag. 316. 318. 319.

[d] l. c. observat. 30. pag. 315. item cent. 1. obs. 76. p. 284.

[e] obs. chirurg. cent. 1. obs. 64. & 67. item cent. 4. obs. 57.

[f] Observ. peculiar. de Mulier. & infant. fol. 26. edit. germ. p. 776. item in Embryulc. fol. 39. edit. germ. pag. 31. seq.

[g] Ephem. N. cur. dec. 1. an. 2. obs. 85. pag. 159.

[h] Obs. 16. cent. 1. pag. 12.

[i] Des. operations de chirurg. demonstr. II. pag. 119. edit. germ. p. 177.

[k] Obs. med. cent. obs. 82. p. 169.

[l] In Epist. ad Horstium; vid. Greg. Horst. obs. & Epist. lib. I. sect. 17. p. 494.

[m] Misc. Nat. Cur. dec. II. anno 7.

[n] Act. nat. cur. vol. I. obs. 176. p. 397.

[o] Act. N. C. vol. II. obs. 49. pag. 112.



*Schurigius* [ *p* ], *Mauriceau* [ *q* ], *Bonetus* [ *r* ], *Preussius* [ *s* ] & plures.

## §. V I.

His modo nominatis causis merito etiam accensendæ sunt externæ & occasionales; lapsus nempe seu casus, ictus, vulnus, aut quidquid uterum in aliqua ejus parte vel suggillando, vel lacerando, vulnerandoque, ita lædit, ut pristinam & æqualem resistendi continendique facultatem perdat. Huc pertinent historiæ, quas *Mauriceau* [ *t* ], *Joan. Maur. Hoffmannus*, [ *u* ], *Joan. Gasp. Fausius* [ *w* ], & *Riedlinus* [ *x* ] habent; immo *Roonhuysius* [ *y* ], causam lacerati uteri, injuriæ tantum externæ, & aut lapsui, aut ictui adscribendam censuit, in historia quadam ab ipso recensita, licet de prægressa violentiæ ratione certus haud extiterit. His addo improvidam aliquando & violentam nimis fetuum male collocatorum conversionem, & nimium parturientium laborem matricem lacerare posse.

## §. V I I.

Si ad nostram respicimus historiam, tria sunt præcipua, quibus rupturæ uteri adscribi poterit; *Partui* scilicet *difficili*, ex infante mortuo, maleque ad exitum disposito; dein *magnis* parturientis ad illum expellendum *laboribus*, & demum *lapsui*, quem aliquot ante partum dies gravida sustinuit.

## §. V I I I.

Quemadmodum enim ex plerisque patet autorum allegatorum historiis, difficilem partum, ex fetuum prava ad exitum dispositione, ansam rupturæ dedisse; ita non possum, quin eandem causam etiam nostro in casu primum accusem. Rarus enim omnino est ille casus, quem *Schenckius* [ *z* ] refert, de fetu quodam, qui, capite deorsum directo, facie ad posteriora reclinata, corporisque trunco in longitudinem extenso, situm quidem ad partum facilem alioquin accommodatum obtinuerat, nihilominus tamen utero disrupto,

in

[ *p* ] Embryolog. sect. 3. cap. 3. §. 7. p. 247.

[ *q* ] Observat. sur la gross. obs. 251. p. 146. edit. germ. p. 422.

[ *r* ] Sepulchr. l. 3. sect. 28. obs. 2. §. 2. 3. 4. p. 1373.

[ *s* ] Ephem. nat. cur. cent. 9. obs. 19. p. 21.

[ *t* ] L. c.

[ *u* ] Ephem. nat. cur. cent. 10. observ. 29. pag. 301.

[ *w* ] Bartholinum de insolit. partus viis p. 76.

[ *x* ] Loc. c.

[ *y* ] In obs. med. l. 2. obs. 1. edit. germ. p. 18. 19.

[ *z* ] Obs. lib. 4. p. 611.

in ventris inferioris capacitate liber inventus est. Plurimæ autem historiæ de situ fetus ad partum minus composito testantur; siquidem alius infans, exemplo ab *Hildano* delineato [a], transverse collocatus, uterum pede altero perforavit; alius autem ano inclinato, pedibusque sursum protensis, ut ex *Reiseli* [b] historia patet, exitum affectavit, sed non, nisi intra cavitatem abdominis, invenit; alius alio modo complicatus, edi haud poterat; alii autem & plerique altero brachio, per vaginam exerto, prodeuntes difficilem exeundi viam ingressi sunt.

## §. IX.

Cum enim infantes, præsertim grandiores atque maturi, brachio prodeuntes, unanimi omnium consensu, partum sibi reddant difficilem, immo ex *Hippocratis* [c] sententia, lethalem; ideo magis difficilem redditum esse nostro in casu partum, plura sunt, quæ comprobant. Si enim, testibus *Deventero* [d] *Mauriceau* [e]. *De la Motte* [f], aliisque, infante mortuo, prægrandi maleque collocato, partus admodum, totidemque nominibus, difficilis compellendus est; hæc in nostra parturiente convenere, ejusdemque labores magis dolorosos reddidere, utero per lapsum antea suggillato & læso.

## §. X.

Fetum enim, qui ante, quam gravida lapsu eundem offenderet, valde sese moverat, post casum perpeßum vitam perdidisse, vel inde apparet, quia mater nullum dein motum infantis amplius senserat, & ipse infans, utero in sectione extractus, tanta correptus fuerat putredine, ut faciei partes internæ, cerebrum, maximaque ossis frontis pars, jamjam in tabum mutata & colliquata, cutis etiam sua cuticula privata, spongiosa, pulmones nantes, intestina flatibus turgida, ipseque liquor amnii a putrida colluvie confurcatus, observata sint.

## §. XI.

A laboribus autem parturientis vehementibus atque nimis uterum rumpi gravidum, id nonnullis vero haud simile videri posset. Verum enim vero, assensum ab his me facile reportaturum confido, si modo historias supra memoratas, attento perlustraverint animo. Non enim tantum *Hildanus* & *Knoblochius* [g] abusui medicamentorum fetum pellentium causam disrupti

iii

[a] M. cent. c. IV.

[b] An. 7. obs. 10. p. 16.

[c] Lib. 10. de extract. fetus.

[d] De arte obstetric.

[e] Tr. des malad. des femm. gross.

[f] Trait. des malad. des fem. gross. passim.

[g] Misc. nat. cur. dec. II. an. 7. obs. 115. p. 194.



in partu uteri plurimum adscribunt; sed & *Andr. Loew* disertis verbis affirmat: *parturientem quandam in maximis doloribus & ad parturiendum conatibus fuisse constitutam, cum ingens audiretur fragor, uteri tum temporis sine dubio diffracti signum. Schurigius [b] etiam, in ea, quam recenset, observatione propria, ita: Primipara, scribit, vegeta & robusta - - - ad majores exclusionis nifus ab obstetrice admonita, in tanto labore ex improvviso magnum in abdomine crepitum atque dolorem peculiarem persentit, quem sonum adstantes quoque auribus percipiunt; quo facto omnino statim nifus cessat, ipsaque puerpera paulo post animam exhalat; fetu extra uterum disruptum in sectione defunctæ reperto.*

## §. XII.

Idem in nostra puerpera accidisse, patet testimonio ipsius historię. Cum enim illa inter nifus vehementes, & postquam crepatura audita erat, brachium fetus ederet, dubio procul uterus rupturam simul passus est. Namque a laceratis membranis fetum involventibus fragorem tantum & internum effici non potuisse, plura sunt, quæ mihi persuadent, argumenta. Aquæ enim, pridie effluxæ, chorion & amnion jam ante disruperant, & ob putrilaginem suam adeo tenues jam reddiderant istas membranas, ut tantum fragorem edere haud potuissent. Dein parturiens continuandis partus laboribus haud amplius sufficiens, & e sella assurgens, severe enunciavit, se infantem suum haud posse edere; sine dubio, propter immanes dolores, quos auctos sensit, quoties abdominalium musculorum compressione fetum urgebat, & ad amplius lacerandum uterum impellebat. Denum etiam inter signa rupti modo uteri pertinet, in plerisque recensitis historiis observata, subitanea dolorum seu nifuum uterinorum cessatio, quæ etiam cum illo tempore coincidit, quo mulier hæc a laboribus partus destitit. Postremo sanguis e ruptura profluens, & liquamini putrido, ab infante & amnii liquore proveniente admixtus, statim post crepaturam uteri visus, id magis confirmat.

## §. XIII.

Ita quidem de tempore, quo ruptus sit uterus, judicium haud erit difficile. Non enim statim a lapsu matricem disruptam esse, partim ex accidentibus commemoratis, partim ex aliorum auctorum observationibus constat. Nam simulac crepatura uteri facta est, tunc ex laceratis copiosis & inter se per anastomoses connexis, vasis uterinis profluens subsequatur necesse est hæmorrhagia, ut, aut exemplo *Dionis [i]* mors gravidam cito excipiat, aut sanguinis profluvium, cujus cel. *Trewius [k]* meminit, accadat; aut san-

P p p 2

guis,

[b] L. c.

[i] Loc. cit. item misc. nat. cur. dec II. anno 2. p. 475. ubi proluxa extat historię recensio.

[k] L. cit.

guis, cumulus in abdomine, vitam gravidæ ad octo dies, sicut in nostra, protrahere haud permittat, id quod historia *Stalpartii* [1] & *Solingii* [m] satis testantur. Postquam autem hæc, de qua agimus, mulier, per 8. vel plures dies, a casu ex alto, non tantum superstes mansit, sed etiam domesticis negotiis suis sat prompte præfuit; hinc non in ipso lapsu, sed ipsos inter partus demum labores uterum ejus ruptum esse, concludimus.

## §. XI V.

Ipsos autem nimios partus labores, non parum attulisse ad uterum lacerandum, ex pravo infantis situ facile est judicatu. Fetus enim grandis, dextro brachio per vaginam emissus, & axilla præeunte, utero exire haud potuit, sed quo magis is, ano pedibusque antrorsum versus abdomen protensus, a pressione musculorum abdominalium urgebatur, eo magis & capite & olecrano, utrisque ad latus uteri positus, matricem hoc loco distendit, eandemque hoc facilius disrupit, quo magis hæc a sugillatione, e lapsu prægresso accepta, tono suo resistendique potentia erat privata. Unde non potuit non fieri, quin tandem in latere isto rumperetur uterus.

## §. X V.

Casus ex alto symbolum suum etiam huc contulit. Sicuti enim supra §. VI. allegatæ *Hoffmanni*, *Mauriceau*, *Riedlini* & reliquorum historiarum, lapsum gravidarum tanquam causam, rupturam uteri præcedentem, merito accusant; ita etiam simili ratione uterum hujus, de qua loquimur, mulieris, suggillatum esse, vero videtur simillimum, partim propter dolorem continuum, qui gravidam ad illud decumbere latus haud amplius permisit, partim etiam, quod eodem doloris loco uterus in partu disruptus est. Exemplum enim *Riedlini* a nostro non multum discrepat, ubi scil. militis cujusdam uxor, per aliquot scalarum gradus delapsa, eodem loco, quo post casum, aliquot septimanas prægressum, de dolore continuo conquesta erat, uterum præter morem tenuissimum, & a brachio fetus perforatum, in sectione difficili partu defunctæ, monstravit.

## §. X V I.

Quamquam enim nostra non ex prono in terram lapsu abdomen adeo alliserat, ut *Hoffmannus* l. c. de muliere quadam refert; attamen supina nostræ in terram prostratione, pondus infantis majusculi adeo ad marginem circularem ossium pelvis allidere, & intermedium uteri latus ita contundere valuit, ut non solum fetus lethalem reportaret læsionem, sed & uterus mag-

[1] Cent. II. observ. 30.

[m] L. cit.



magnam & doloris plenam incurreret suggillationem, levemque fibrillarum membranaceo carnosarum divulsionem. Siquidem si in locum rupti uteri singulis in historiis inquirimus, rarissime, aut vix unquam, accidit in fundo, quippe qui natura sua nonnihil robustior, & ab adhærente placenta munitus esse solet; communissime autem rupturam invenimus in alterutro ejus latere, vel illa parte, qua recto intestino incumbit, adnotatam esse.

## §. XVII.

Cognitis itaque rationibus, quibus mater æque ac infans succubuerit; nunc in eas inquiramus, quæ utrisque servandis inservire potuissent. De fetu quidem certo enunciare haud possum, an statim a lapsu, an altero quodam die vitam suam finierit? Inter ea enim, quæ mortuum fetum arguunt, signa, nullum a puerpera attente observatum est, nisi quod motum infantis vivum ab illo tempore haud amplius senserit. Ipsa tamen fetus putredo, tumida ejus & inflata cutis, & reliqua corruptionis signa, satis indicant, fetum jam ante partus initium vita defunctum, nec, cum ederetur, servandum fuisse.

## §. XVIII.

*Matrem* autem, secura ratione a fetu mortuo liberatam, forsan evadere potuisse, spem non abjicio omnem. Quanquam enim illa uterum eo loco, quo dolores a lapsu perpeffa erat, suggillaverit; ista tamen læsio haud omnino lethalis censenda est; quia præter mediocrem dolorem, nullis, quæ *Celsus* [n] vulnerato utero tribuit, symptomatibus affecta mulier, per octiduum rebus domesticis sat prompte præfuit, nec ulla hæmorrhagia ante, quam crepatura audita, sese prodidit. Quodsi ergo statim, ac conatus parturiendi ingruerant, orificio uteri satis connivente, decens obstetricantium encheiresis adhibita, situs nempe infantis pravus emendatus, & aquis modo effluentibus, laxoque adhuc utero, fetus aut capite pronato, aut pedibus preheñsis, extractus fuisset; mulier rupturam uteri leviter suggillati forsan haud esset passa. Irritis etiam his fetum educendi artibus, per embryulciam, aut per cautam infantis in utero dissectionem, mater servari potuisset; dummodo laboribus nimis matricem haud lacerasset, nec lethalia sibi accersivisset symptomata.

## §. XIX.

Uteri enim vulnera haud difficulter sanabilia esse, non solum *Jonstonus* [o] pronunciat, sed etiam e sectione cæsarea feliciter instituta clarum patet. Accidit etiam non raro, mulieres casu, ictu, & allisione uterum gravidum offendisse, & tamen feliciter peperisse. Fetum etiam in utero mortuum

[n] Lib. 4. cap. 26.

[o] Idea medic. pract. lib. X. tit. 12. cap. I. artic. I. p. m. 695.

aliud, carnibus putredine absumptis, frustatim via ordinaria exiisse, aliud per abscessum inguinalem, aliud per alvum, membris saltem osseis, singulis per vices editis, extractum esse, ex *Sennertii*, *Roonhuysii*, [p] iisque, quas *Schurigius* [q] collegit, historiis, nec non exemplo *Gasseri*, ad *Cornacem* [r] transcripti, satis constat. Taceo varias sententias, quas de infante *Mussipontano* habent *Bartholinus* [s] *Deisingius* [t] & *Rossetus* [u]. Ex antecedentibus enim satis liquet, utrum quidem a fetu perforatum, eundem tamen denuo sanatum & consolidatum esse.

## §. XX.

Quapropter uterum, in partu licet ruptum, medelam tamen interdum admittere, probabile est, his præsertim sub conditionibus, scilicet si locus per abscessum quendam successive, & ut in abscessibus fieri solet, sine larga hæmorrhagia subsequente perforetur, dein bene mundificatus consolidetur; porro si, ruptura recens facta, nec adeo ampla existente, infans quantocyus extrahatur, nec magna sinceri sanguinis copia abdominis cavitationem ingrediatur, sed cruor exitum cum lochiis inveniat; si matrix etiam, dum post partum contrahitur, hiatus rupturæ simul claudat; item si infans, aut vivus, aut nondum putridus, extractus fuerit; & demum, si matris optime valentis vires adhuc salvæ existant, nec matrix sphacelo vel alio morbo jam correpta sit. Tunc enim per medicamenta convenientia, externa æque ac interna, vulneraria, antispasmodica, mundificantia, balsamica, roborantia, & discutientia consolidationem uteri disrupti promoveri aliquando, & puerperam servari posse, spes quædam est reliqua.

## §. XX I.

Nostro autem in casu mulierem, fetu licet per operationem dexterrime institutam feliciter extracto, nulla ratione e mortis faucibus, quibus jam tum hærebat, eripi potuisse, ex iis, quas historia habet, signis abunde constat. Puerpera enim viribus exhausta, frequentibus horroribus ipsaque epilepsia jam convulsa, atque agonizante, sanguine etiam per hæmorrhagiam largam extravasato, eoque in abdomine contento, & ab admixto fetido infantis putrescentis liquamine ad corruptionem pronò, matrice etiam gangrænosa existente (siquidem mulieris hujus uterus in sectione non pallidus, sed atrorubens inventus) operationem aut embryotomiæ, aut sectionis

[p] Pract. medic. lib. IV. part. I. sect. II. cap. 18. p. 109.

[q] Loc. cit. p. 21.

[r] Embryol. sect. III. cap. 2. & 3. Enchirid. medicæ consultat. in append. hist. & epist. p. 209.

[s] Cit. loc. p. 18.

[t] Hist. fetus extra uterum in abdomine.

[u] Vid. ejus exsectionem fetus vivi e matre viva, circa finem.



nis cæsareæ suscipere, non tantum frustraneus, sed etiam famæ chirurgi dispendiosus labor nominandus erit.

## §. XXII.

Plura quidem ad rupturam uteri spectantia argumenta perlustrare possem; verum, ne limites mihi propositos transcendam, progredior ad phænomenon *pulmonum* fetus nostri, in aqua non subsidentium, sed *natantium*, licet is certe auram inspirando hauserit nusquam, nec vivus editus sit. Fallax hinc utique signum partus vivi e pulmonibus in aqua natantibus desumi posse videretur; sicuti ex adverso pulmonum in aqua subsidentiam de partu mortuo haud certo testari, non ita pridem notabili nobis comprobavit exemplo laudatus D. D. *Weissius*. Cum enim is pauco abhinc tempore infantem maturum, vivum quidem, at sine ullo clamore editum, & post aliquot oscitationes, corporisque leves commotiones, mortuum cultro apèrìret, pulmones extracti, & in aquam injecti, in hac statim subsidentes observati sunt, qui tamen ipsi, semel inflato per tracheam spiritu, fundum non amplius petierunt, sed supernatarunt; manifesto indicio, fetus quidem edi posse vivos, quorum tamen pulmones in aqua subsident, si scilicet spiritum nondum hauserint; &, ex adverso, fetus aliquando nasci mortuos, quorum tamen pulmones in aqua supernatant.

## §. XXIII.

Quamquam autem ex utrisque his experimentis dubium reddi videatur signum fetus vivi aut mortui editi, e pulmonum in aqua natantium aut subsidentium examine desumptum; limitata tamen regula, facile erit, veritatem hujus indicii ita determinare, ut non tam inde evertatur, quam potius confirmetur. Certum enim & indubium est, pulmones fetus in aqua subsidentes indicare, quod infans nunquam & nondum respiraverit; ex adverso, iisdem supernatantibus, si modo recentibus, infantem certo, atque aut sponte, inspirasse, aut aërem, more obstetricibus aliquando solemni, per os infantis inflatum esse, constat. Quodsi autem pulmones e cadavere infantis, ab aliquot inde diebus mortui, & jam adeo putrescentis corpore extracti sint, ut cutis fetus ejusque intestina, quæ alias non ita, sicut in fetu nostro, flatu turgida visuntur, a fermentatione putredinosa multum inflata appareant; tunc pulmones in aqua natantes de infantis prægressa inspiratione non absolute testantur. Quamquam enim celeberr. D. D. *Teichmeyer* [\*] pro certo affirmet, pulmones fetus per nullam, atque ne extremam quidem putredinem, ad eam levitatem adduci posse, qualis in pulmonibus respirantium, observatur; nihilominus tamen nostro convicti experimento non dubitamus, pulmonem infantis, in matre viva mortui, concep-

ta

[\*] Institut. med. legal. cap. 24. p. 239.

ta intus putredine , fetum valde inflante , ita prompte in aqua natare , nec subsidere , ac infantis pulmones inspiratione inflatos. Forſan enim illius in pulmonibus vitulinis factum experimentum tanto aëris proventui & retentioni haud opportunum extitit , ubi nec caloris tepidi gradus admotus , nec aëris ambientis , flatumque intus natum abſorbentis , acceſſus ita , ut in noſtro caſu , interdictus erat.

## §. X X I V.

Quod demum ad diſcrimen in utroque ovario conſpicuum attinet ; illud quidem *Hippocratis* [ *γ* ] ſententiam , qua *maſculos fetus a dextra , femininos autem a ſiniſtra uteri parte* vult proficiſci , ſatis confirmare videtur ; ſcilicet quod hæc mulier tempore conjugii ſui novem filios , nullam autem unquam filiam , ediderit , & manifeſto ſiniſtri ovarii , male conformati , vitio laboraverit. Verum , ſicuti ex ſingulari quadam obſervatione ad naturam mulierum univerſam argumentari haud licet ; ita loci hujus , quo maſculus aut femininus fetus concipiatur , certitudinem aliæ evertunt obſervationes , imprimis ea , quam *Cyprianus* [ *z* ] refert de fetu feminino , e dextra matris vivæ tuba Fallopiana exciſo ; ubi ſimul notatu dignum , mulierem iſtam altero anno puellam , altero gemellos , maſculum nempe & puellam poſtea peperiffe , licet præſumi poſſit , viam , quæ e dextro ovario ovulum imprægnatum ad uterum devolutum ſit , ob ſectionem prægreſſam , plurimum præcluſam fuiſſe.

## §. X X V.

Ex iis itaque , quæ præmiſimus , ſatis patet , mulieres gravidas , ſi quando a lapſu , ictu , vel alia ratione , vel morbo quodam læſionem uteri aliquam acceperint , & dolore inde afficiantur , in partu mollius , & magna cum providentia , tractandas eſſe , eaſdemque nec validos nimioſque ad enitendum labores ſuſtinere , multo minus medicamenta fetum pellentia , hoc imprimis male ad exitum diſpoſito , aſſumere debere ; niſi rupturæ uteri periculum incurrere velint. Plures nunc , quas ante propoſui , regulas haud repetam , ſed potius hujus laboris , quem B. L. æqui bonique conſulet , faciã finem ; *Deo ter opt. max.* pro omnibus , quibus a prima juventute me cumulavit bonis , & imprimis ſtudia mea promovit auxiliis , gratias agens , quas poſſum , maximas.

[ *γ* ] Aphoriſm. ſect. V. aph. 48.[ *z* ] Epift. de hiſtoria fetus humani exciſi.



LXXXIII.

DISSERTATIO  
MEDICO-CHIRURGICA,  
DE  
RUPTO IN PARTU UTERO.

*Quam tuebatur*

J. O. JACOB. MULLER

HELVETO-TOGGIUS

Basileæ 26. Martii 1745.





## §. I.

**U**T enormes casus præternaturales , quibus partus expositus est , rectius intelligantur , operæ pretium erit ex Physiologia & structura naturali partium præmittere ea pauca , quæ lucem affundere possunt obscuris alias phænomenis. Quum autem organa partium generationi & fructificationi dicatarum in receptaculo duro , rigido , osseoque ex parte contineantur , quemadmodum plantarum partes , huic operi dicatæ , in calyce , hinc primum ejus structura paucis determinanda erit.

## §. I I.

Receptaculum autem modo memoratum a Medicis pelvis appellatur , cujus partium concinnatio atque connexio intelligi nequeunt , antequam situs totus determinatus sit ; hunc autem determinaturi ponimus foeminam in situ corporis erecto , sive ad horizontem perpendiculari collocatam esse. Ipsa autem compages ossium pelvis , ut ad naturalem foeminæ erectæ situm accedat , opus habet fulcimento , pollicem unum regionum parisiensem una cum octo lineis alto , & supra horizontem commissuræ ossis sacri cum coccyge supposito.

## §. I I I.

In pelvi ita posita , demissa perpendicularis in fundum ejus , quæ inter umbilicum foeminæ , & os coccygis per mediam pelvis capacitatem concipitur protensa , vocatur axis pelvis , vel , ut postea videbitur , ipsius uteri ; & facit cum plano imaginario , ( quod inter ossa pubis & sacrum intermedium , horizontique parallelum esse concipitur ) angulum rectum.

## §. I V.

Orbita pelvis superior figura sua prope ad ellipsin accedit , cujus distantia inter focos est trium pollicum plus novem linearum , & parameter octo linearum ; ergo longitudo foci æqualis erit quatuor pollicibus plus quinque lineis. Tota vero pelvis capacitas refertur conum truncatum elliptoideum , cujus basis terminatur marginibus ossium ilei , pubis & sacri ; apex coni truncati designatur ramis ossium pubis , ischii cum suis tuberositatibus , & osse coccygis. Notandum vero ob nominatorum ossium varias figuras , valdeque irregulares , conum non esse

Qq q 2

rectum

rectum in sceleto sicco, sed paullum a posterioribus versus anteriora incurvatum: in sceleto autem recenti, ac pelvi, carnibus, visceribusque reliquis adhucdum repleta, erit axis uteri longitudinalis dicti coni verus axis.

## § V.

Non opus esse arbitror, ut singula ossa pelvis singulatim pluribus describam, quippe quod a tot Anatomicis jam factum esse, nemo ignorat. Quare sufficiet differentias quasdam hic innuisse præcipuas, quæ intercedunt inter pelvim muliebrem & virilem.

## §. V I.

Differt pelvis muliebris a virili 1°. ratione figuræ suæ cavitatis, quæ; ut vidimus, in muliere est coni truncati elliptoidei; in viris autem est figuræ tribus lateribus curvilineis terminatæ, superius majus, inferius minus spatium intercipientibus. 2°. ratione capacitatis; nam inveni instituendo experimentum, muliebrem esse in ratione ad virilem, ut 70. ad 50. Tertio ratione partium differunt, quod arcus ossium pubis in foemina sit figuræ ad parabolam accedentis, cujus abscissæ crescunt in ratione semiordinatarum, ita quidem, ut semiordinatarum maxima ad parabolæ diametrum ducta, insigni ratione superet illam in pelvi virili, in qua semiordinatæ minori crescunt ratione.

## §. V I I.

Præterea minime reticendum, ossa pubis non in plano horizontali sita esse cum ossis sacri origine, sed in plano inclinato, cujus angulus est dimidius recti in muliere, cum in viro tantummodo sit graduum viginti quinque; solaque hæc, quæ inter pelvim muliebrem & virilem intercedit differentia, ab altitudine ossis sacri, insigniter majori in muliere quam in viro, dependet. Ultima quoque lumborum vertebra cum protuberante ossis sacri origine, & interposita his utrisque cartilagine, constituit in pelvi muliebri adeo eminentem clivum, ut perpendicularis, quæ concipitur e sinuosis lumbis retrorsumque incurvatis supra dictum clivum demissa, necessario cadat in summum ossium pubis fastigium. Cæterum in muliere os sacrum latius, rectiusque est, quam in viro, qui idem brevius, magisque introrsum flexum habet.

## §. V I I I.

In pelvi ossea delineata situs est uterus medio inter intestinum rectum & vesicam urinariam loco; ita quidem, ut cum vertice suo tangat



gat planum (§ IV.) memoratum, ea simul cum directione, quæ cadit nihilominus in ipsum axin pelvis descriptum.

### §. IX.

Hujus figura adeo irregularis est, ut ad nullam aliam cognitam simplicem vel compositam referri, multo minus ita definiri possit, ut ex ejus data definitione idea clara & adæquata acquiri possit; aliqualem tamen ejus ideam acquiremus, si ad sequentia attendimus, & utrum ipsum consideramus tanquam opus peculiare naturæ concameratum, cujus superficiem externam generari concipimus ex duabus superficiibus, antè & postè leviter ac modice ex plano circa axin fornicatis, tribusque lineis curvis ita terminatis, ut suprema uteri testudinem designet, duæ vero curvæ laterales, quæ parietes uteri utrinque terminant, ad axin communem intermedium accedentes latitudinem ipsius sensim minuant; extremumque uteri terminent mucrone reficisso, gracili, brevi, rimaque transversim acta pertuso.

### §. X.

Quo igitur ea, quæ ad structuram uteri pertinent, luculentius pateant, atque major rei alias obscuræ concilietur claritas; examinemus uterum transversim, & secundum profunditatem sive crassitiam suam sectum, ita ut prima sectio uteri latitudinem maximam metiatur, quæ est inter tubarum in eundem insertiones. Secunda instituatur ad originem cervicis. Et tertia ipsam cervicem uteri dividat supra adnatam sibi vaginam. Hoc enim modo insigniora notatuque digniora uteri loca designantur clarissime; ejus nempe vertex sive fornix inter utramque tubam comprehensus, & supra harum lineam horizontalem prominens; ejus partes laterales sive solidum cavum inter tubas & cervicem contentum; ejus tertio cervix proprie sic dicta cum ipsius refecto mucrone.

### §. XI.

Vertex uteri sive solidum supra tubas prominens vocatur alias fundus uteri, & ad curvam hyperbolicam in ambitu suo accedit; ductis ergo lineis perpendicularibus a dicta curva ad axin transversum maximum, qui est inter utramque tubam, erit distantia maxima inter dictum axin & verticem curvæ, minima vero distantia erit ad eum locum, in quo tubæ inferuntur, estque ibidem crassities fundi uteri minima, & unam alteramve lineam non superat, cum e contra fun-

duo circa clavum fornicis [a] quinque & plures lineas crassitie sua probe æquet.

§. XII.

Solidum vero inter utramque tubam & cervicem contentum limitatur, uti dictum, duabus lineis modice curvatis sensim ad se mutuo propius accedentibus, adeoque uteri latitudinem perpetuo imminuentibus, ita ut hujus solidi latitudo minima sit eo in loco, in quo cervix incipit. Est autem sectio hujus solidi elliptoidea, solidumque ad angulos rectos vel lineas sibi parallelas sectum in totidem taleolos elliptoideos, perpetua imminuta longitudine sibi delineandos, resolvi potest, estque sectio elliptoidea ultima & minima, quæ principium cervicis designat.

§. XIII.

Cervix autem in medio latefcens, & in fine rursus gracilefcens, haud incongrue refert duos conos resectos, sibi que oppositos communi basi junctos, quorum apex alter resectus cum ultima sectione elliptoidea intermedii solidi confluit; alteri vero circumnascitur vagina, in cujus cavum medium, spatium circiter quatuor vel quinque linearum protenditur extremum uteri libera & prominula proboscide, rima transversali prædita, quod orificium ejus appellatur.

§. XIV.

Ipse uterus adhuc exterius utrinque annexa habet duo ligamenta, lata scilicet & rotunda. Lata oriuntur ab ipso peritonæo uterum involvente, quod a margine supremo ossium pubis incipiens ascendit, & super uteri verticem scandendo post ipsius faciem posticam replicatum, efficit involucrum quasi uteri duplici compaginatam lamellam, & in se ipsum rediens commodissimum prorsus pro ordinandis & fulciendis vasis, ac basi firma sustinendis, dirigendisque ovariis & tubis fallopianis, ut & involvendis ligamentis teretibus, nec minus utero retinendo in situ (§ VIII.) indicato, per pelvis latera replicatu suo continuatum.

§. XV.

Alterum ligamentorum par vocatur rotundum, & constat utrinque fasciculo

(a) Hoc vocabulo utuntur Architecti ad designandum lapidem medium, summum, arcuatum & in fornicem casum, crassissimumque, qui lapideam utrinque fornicis columnam, qui aptatus innititur, firmat. Nobis autem eodem vocabulo uti liceat, ad designandam fornicis uteri mediam, summam ac maximam crassitiem, cui haud male convenit.



fasciculo tereti ex vasis spermaticis & hypogastricis contexto, qui sub tubarum origine & paulum antea ex utero emergunt, deorsumque supra vasa iliaca inflexi egrediuntur per annulos abdominales, & in cutis adipe distribuuntur: hi pari cum latis artificio, utero in situ recto retinendo, inserviunt.

## §. X V I.

Ita exterius constructus uterus, interiori & propria substantia, si eruditissimos alias viros, qui de utero scripsere, audias, ex meris vasis conflatus est. Horum autem sententiæ, licet plurimum auctoritate apud me valeant, subscribere haud possum; mihi enim videtur, uterum potius ex fibris muscularibus compositum esse, omnis generis vasis & nervis iisdem intertextis ita egregio apparatu, ut cuncta simul constituent miram hanc machinam, quæ tanto gaudet robore musculofo, tanto sensus acumine pollet, & tantæ molis sanguinis capax est.

## §. X V I I.

Est vero substantia sic mixta non ubique æqualis crassitie, neque omni tempore vel loco æquali copia sanguinis gaudet. Nam adeo compacta est ante imprægnationem, ut ratione majori fibrarum ad vasa albicet tota, uterusque tum aliquibus in locis incruentam sectionem ferat; contra quam fieri solet in utero prægnante, qui spongiosus & ingenti humorum affluentium copia turgidus est ita, ut fibrarum rebur a vasorum vi tum superari haud incredibile sit.

## §. X V I I I.

Vasa, quæ ad uterum ipsiusque substantiam appellant, sunt spermatica & hypogastrica; hæc in virginibus serpentino flexu ad uterum accedunt, in similesque arcus expulsa per universam uteri molem anastomosibus oppositis se contingunt, jucundo certè spectaculo; ut egregie Ovidius Metamorph.

*Ducit in errorem variarum ambage viarum  
Non secus ac liquidus phrygiis mæandros in arvis  
Ludit; & ambiguo lapsu refluitque fluitque:  
Occurrensque sibi venturas adspicit undas: &c.*

## §. X I X.

Venæ quoque valvulis carentes, innumeris anastomosibus sibi invicem junctæ, & cum hæmorrhoidalibus communicantes, comparibus arte-

arteriis ubique angustiores sunt, simul tamen rigidiores, quam in omnibus cæteris corporis foemini partibus. Vasorum quoque lymphaticorum vim magnam adesse demonstrant ligaturæ, injectiones mercurii in vasa lymphatica cruralia, microscopia & tumores lymphatici cystici, nullibi quam circa uterum frequentiores; hæc quoque vasa in itinere concursu suo formant anastomoses frequentissimas, delineantque rhombos, variasque figuras alias. Tandem & nervis gaudet uteri substantia a lumbaribus, sacris & sympathetico magno ad eam demandatis, vixque in utero locus assignari potest adeo exilis, in quo non sensus vividissimus adsit, aut motus, nervorum in omni puncto uteri præsentium luculentissimi testes.

## §. X X.

Præmissa sic uteri virginei levi adumbratione quoad ejus constructionem externam, progredimur ad examinandam ipsius cavitatem, quæ lævis & inter crassas uteri carnes quasi compressa & exigua est pro ipsius dignitate, qua ad summa opera destinata est a summo Opifice. In ea ante omnia attentione digna est plicatura illa lateralis acuta, qua in omni suo ambitu terminatur hæc cavitas uteri, nec non cervicis: in cujus cavo simul conspiciuntur copiosissimi lacerti, qui ex communi trunco antè & postè educuntur ramorum ad instar versus latera cervicis incurvatorum, & se mutuo in angulo plicaturæ decussantium. Hi lacerti cervicis cavo ita aptati sunt, ut antè & postè intervalla relinquunt, in quibus tuto locantur corpuscula sphaerica, mucidoque liquore referta.

## §. X X I.

Hæc plicatura ab omnibus Anatomicis, quantum scio, omissa est: imo ipse *Grafius* [a], qui solus exhibet uterum in taleolos transversales sectum, pessime tamen cavitatis uteri, B. DE. DE. TAB. VIII. p. 119, latera depingit curvilinea: cum potius utrinque delineanda fuissent, in acutam hanc admodum plicaturam desinentia. TAB. vero IX. X. & p. 120. & 122. paullo melius hæc plicatura delineata est, licet non indicata ab Authore.

## §. X X I I.

Uteri cavi axis longitudinalis est, qui ipsum in duas partes utrinque laterales & æquales dividit. Axis vero transversus uteri est linea recta inter tubarum insertiones comprehensa. Hæc; secundum Celeberrimos

Ana-

[a] De Mulier. organ. Lugd. Batav. 1672.



Anatomiae Magistros *Eustachium* [a] *Winslovium* [b] aliosque, substantiam fundi uteri fecat, utpote clavo suo instar portionis curvæ cycloidalis inversæ in uteri cavum prominentis; cujus convexitati oppositæ sunt ad latera duæ aliæ similes curvæ, sibi tamen convexitate sua obversæ. Et hæc in immaturarum puellarum uteris potius observantur, licet non negaverim, similem symmetriam quoque inveniri in utero virginum ad concipiendum apto, qualem quondam me vidisse memini.

§. XXIII.

In virginibus autem magis maturis ut plurimum uteri axis transversus est basis curvæ cycloidalis, generatæ ope circellorum æqualis diametri cum ovulorum diametro; ita ut puncta describentia curvæ incipiant a puncto insertionis tubarum, moveantur versus axin, tandemque in axe se contingant. Hi duo circellorum vertices si ob propinquitatem jungantur ope arcus curvilinei circularis, generatur similis curvæ cycloideæ portio, ut in priori casu: sed cujus concavitas obversa est duabus lateralibus, similibusque curvis convexitate sua sibi oppositis, seu quod idem est, prioris curvæ cycloidalis concavæ evolutis.

§. XXIV.

Portiones autem istæ curvarum duobus circellis ovulis æqualibus generatæ & ope arcus minimi junctæ, æquales sunt dimidiæ curvæ cycloideæ, ope circuli generatoris, radio  $\frac{1}{4}$  distantia a fundo uteri ad ipsius cervicem, descriptæ.

§. XXV.

A fine uteri cavitatis proprie sic dictæ incipit cervicis cavitas, circa axin communem ibidem angustissima. Longitudo hujus in priori casu (§. XXII.) æqualis est distantia fundi uteri prominentis a dicta cervice; in posteriori vero casu, ubi cycloidis pars concava obvertitur duabus lateralibus convexis (§. XXIII.) minor est cervicis cavis longitudo dupla diametro circelli generatoris sive ovuli.

§. XXVI.

Ab initio cervicis usque ad ipsius medium sensim iterum dilatatur cavum ab axe ad latera, quorum delineatio eadem est cyclois a circello generata; ponendo punctum delineans in principio cervicis & basin cycloidis, lineam rectam axi cervicis longitudinali parallelam. Erit sum-

Tom. III.

R r r

mum

[a] Tab. XIV. Edit. Rom. fig. III. & IV.

[b] Expos. Anatom. Traité du bas ventre. Paris 1732. p. 574. §. 592.

mun punctum circelli ad latitudinem cervicis maximam. Si vero idem circellus, puncto delineante in fine cavitatis cervicis posito, volvitur motu contrario supra prolongatam prioris basin versus summum punctum latitudinis cervicis maximæ, generabitur eadem cycloidis portio, priori æqualis. Spatium vero inter descriptarum portionum cycloidalium bases, & axin cervicis longitudinalem, contentum æquat utrinque mensuram dimidiam circelli generatoris sive ovuli.

## §. X X V I I.

Axis tubarum positus est utrinque in producta laterali evoluta cycloidali (§. XXII.) descripta, ut ipsis exactissimis *Eustachii* figuris patet. Sunt autem hæ tubæ canales flexiles, capacitate prope ovarium aucti, ab origine ex utero angustissima & rectissima sensim spirales, quorum fibræ interius ab ipsorum ornamentis foliaceis, tanquam quibusdam quasi calycibus, versus uterum concurrunt, neque recta via progrediuntur, sed ab ipso ornamento foliaceo, ex angustiori orificio in arcus curvilineos inæquales inflexi tandem versus insertiones ad bases suas, sive chordas magis accedunt.

## §. X X V I I I.

Quare videmus admirabilem structuram, & ad industriam summi Geometræ concinnatam id quidem perficere, ut mobilissimum semen, summa vi atque velocitate projectum, & circa mediam cervicem receptum secundum axin cavitatis uteri directe feriat ejus fundum, a quo repercussum dirigatur versus tubas. Dum simul levior seminis pars ab axi ad latera premittitur, per tangentes postmodum utriusque evolutæ cycloideæ lateralis versus ora quoque tubarum propellenda.

## §. X X I X.

Ita quoque res comparata est cum ovulis; hæc enim in primo casu (§. XXII.) sensim, sensimque per acus tubarum curvilineos (§. XXVII.) accelerata, tandem per lineas simplices, non variables in cavitatem uteri pelluntur, & directione ipsarum curvarum, nec non vi æquali utrinque perveniunt ad centrum fundi uteri prominentis. Quo fit ut, sive ovula duo utrinque accefferint, sive unicum tantum, retineri ibi debeant ob spatium inter tres portiones istas curvarum convexas imminutum.

## §. X X X.

Neque vero alio modo res peragetur in altero casu (§. XXXII.) sive unum, sive duo ovula ad fundum uteri cavum pervenerint. Nam accedente  
simul



simul vi lateris antici ad posticum uterus hæc duo latera ita ad se mutuo compressa retinet, ut ratione fornicis uteri concavi faciant simul basin fixam pro cycloidis portione, in qua moventur ovula utrinque ad centrum fornicis descripti: eritque in hoc casu ipsissimus locus, cum quo ovulum ovario adhæserat, punctum circelli delineans cycloidis dictam portionem, quod proin motu suo ultimo sursum versum adhærebit in centro fornicis descripti: si vero duo simul ovula accefferint, adhærebit in fine prædictarum portionum curvarum, & quidem in distantia utrinque ab axe, quæ æquat duplam dimidiam diametrum ovulorum.

## §. XXXI.

Quis est qui hanc traditam symmetriam attentè pensitando non obstupescat insignem naturæ solertiam, qua ovulum requisito in puncto minimo ita fixerit, ut directè respiceret ipsius egressum per ipsum orificium uteri? Enimvero fundus uteri unica hac directione fetum versus apertum exitum sine oppositione promovere potest; hinc sola erit, quæ partum producet naturalem, debito, lætoque fructu gaudentem. Quod si in cunctis lateralibus punctis accresceret ovulum, partus summe difficiles & præternaturales non posset non producere, quando nempe obliquo ductu fetus versus vaginam propellitur.

## §. XXXII.

Ovulum igitur in punctum determinatum (§. XXX.) fundi uteri delatum parte superficiei illa cruenta, cum qua ovario adhæserat, & quæ pars coincidit cum puncto delineante, adhæret citissime, evolviturque receptis humoribus ex uteri scaturiginibus ibidem frequentibus: simulque emitendo radículas adeo subtiles ab initio, ut commode inferantur ipsis scaturiginibus tum temporis sphærulæ sanguineæ rubræ adhucdum imperviis, foliumque rorem subtilissimum exhalantibus, aptissimum prorsus pro explicandis, multiplicandis, augendisque diametro vâsculis; quæ jam sunt placentæ rudimenta adeo brevi tempore se in insignem expansura molem, ut ipsum purum sanguinem ex uteri sinubus absorbtum ad fetum deducere valeant, simulque suppeditare materiam pro copiosissimo amnii liquore secernendo. Quod ita in uno ovulo fieri videmus, id etiam in altero fiet si gemella sunt; ita tamen ut vix vel raro radículas suas in iisdem inter se confundant uteri cavernis. Et cum placentarum incrementum respondeat fundi uteri incremento, fit ut duæ placentæ se contingant in plano ejusdem cavitatis axis. Quapropter quoties contemplor egregiam illam fornicis uteri concavi adeo concinnam constructionem, adeoque aptam recipiendis, retinendisque duobus simul ovulis fœcundis, haud absque ratione concludo, conceptum gemellorum demum esse perfectum, quem natura intendit.

## §. X X X I I.

Dum ea , quæ in præcedenti §pho memoravimus , eveniunt ovi incremento celerrimo , mutatur simul quoque figura cavitatis uteri. Etenim quæ ante imprægnationem erat figuræ curvilineæ a lateribus plicatura (§. XX.) descripta terminatæ , nunc sensim induit elliptoideam in lateribus magis subrotundam : nam ovum isto augmento facillime dimovet latus anticum a postico. Unde tum focus ab angulo plicaturæ magis distantibus necessario generabitur figura hæc sectionis elliptoideæ in lateribus magis subrotundæ.

## §. X X X I V.

Ab eadem vi viva ovi superante fundi uteri inertiam fit , ut ferme solus hic excre scat in ingentem molem : quo iterum miranda est naturæ solertia , qua fecit , ut idem fundus aucta mole contentorum , simul tamen pristinam suam crassitiem haud amittat.

## §. X X X V.

Fuere haud pauci iique Celeberrimi alias Viri *Matricean* [ c ] *Dionis* [ d ] aliique plures , qui veritatem hujus ultimi asserti negare haud erubuerunt , uterum comparantes cum vesicæ urinariæ vel intestinorum substantia & fabrica , vel cum cera , quæ expansa crassitie sua perpetuo minuitur. Sed si istas substantias attentius cum uteri fabrica comparassent , si quoque considerassent capacitatem uteri quoad ingentem humorum affluentium vim ( respectu illarum partium mere membranifarum , & in totum alio vasorum apparatu & nexu gaudentium ) , vix unquam in ridiculum adeo incidissent commentum ; quasi nempe uteri organica substantia cum cera comparari possit.

## §. X X X V I.

Quotusquisque est qui ausit de veritate hac mathematica dubitare ? Vas rectilineum ex curvilineo generatum eandem humorum vim capere haud posse quam curvilineum , nisi , quantum longitudine ipsi per mutationem decedit , latitudine ejusdem compensetur. Nunc autem uterum virgineum transcendunt vasa omni momento punctum flexus mutantia , curvasque æmulantia variæ indolis , quæ simili modo totam uteri substantiam perreptant. Quare , quum hæc vasa in utero gravido sensim magis in rectitudinem expellantur , necessario latitudine augebuntur , uterusque cum aucta vasorum latitudine crassitiem suam amittere haud potest. Enimvero

[ c ] *Traité des Maladies des Femmes grosses , à Paris 1718. in 4. p. 19-24.*

[ d ] *Traité Général des Accouchemens , à Paris 1718. in 8. p. 32.*



vero quantitas liquidi, quæ in multis myriadum millibus vasorum curvorum continebatur, nunc in totidem rectis contineri debet. Omnis autem recta eisdem inter terminos cum omni curva comprehensa semper est brevissima. Ergo dilucide hinc sequitur, latitudinem vasorum tantum augeri, quantum ipsa vasa rectificatione breviora redduntur.

# §. XXXVI.

Jam vero adest causa manifestissima latitudinis vasorum auctæ, siquidem motus humorum in arteriis uteri laxis adeo tardus est, ut nullibi sanguis majorem in cursu suo patiat moram. Venæ quoque valvulis destitutæ & in universum comparibus arteriis rigidiores simul & angustiores, & in similem cum arteriis rectitudinem expulsæ, indeque minus capaces redditæ refluxuro ita sanguini resistunt, ut crescente singulis momentis vi sanguinis in incredibilem adeo vasa expandi debeant capacitatem, qua pollicis interdum mensuram diametris suis æquent.

# §. XXXVII.

Nisi enim haud imminuta crassitie uterus in tantum volumen expandi posset & revera expanderetur, vix ad sequentia respondere possent adversarii. Primo, cur scilicet, si pro incremento voluminis uterus extenuaretur, ejus crassities ad finem noni mensis sit adhuc aliquanta? Ponamus enim integro nychthemero uterum ad summum pollicem unum regium parisiensem crassum perdere de crassitie sua partem centesimam quadragesimam quartam pollicis, sive lineæ partem duodecimam. Triginta nychthemorum vel unius mensis spatium jam perdet  $\frac{10}{144}$  partem pollicis. In quinto vero mense amissa crassitie quantitas æqualis erit  $\frac{10}{144}$  parti pollicis. Ergo tum uterus prorsus evanisset &  $\frac{10}{144}$  parte pollicis minor esset quam nullus. Secundo, unde uterus adeo tenuis redditus tantas in talia desumet molimina vires? Quomodo resistet immani cumulo aquarum in undarum speciem curvatarum? Quomodo reciprocas opponet vires ingenti copię humorum in vasis ipsius dilatatis commorantium? Et qui denique canales omnes simul sumti augeri possunt, nisi uterus maxima vasorum vi pollens crassesceret? Sed quid opus est pluribus, cum ipsa experientia Celeberrimorum Virorum *Friedii* [e] *Boerhavii* & ejus *Commentatoris* *Halleri* [f] *de la Motte* [g] aliorumque plurium hoc assertum confirmatum sciam.

[e] Quem de insigni præcipue fundi uteri crassitie multoties a se visa in Collegio obstetr. privat. differentem audiui.

[f] Præl. Acad. Tom. V. Part. II. p. 218. & Not. n.

[g] Traité des Accouchemens lib. V. cap. 16. p. m. 678.

sciam. Immo ipsemet ego toties cum *Celeberrimo Hummelio Professore Argentinensi* ad maximum Anatomiae damnum nuper defuncto uterum gravidum sectum, non solum circa fundum, sed & latera ipsius insigni crassitie praeditum, & quod apprime notandum musculos abdominales e contra summo opere extenuatos vidi. Exemplum quoque uteri rupti in partu, quod argumentum hujus dissertationis est, miram ejus crassitiem monstravit ubique solo eo loco excepto, in quo uterus ruptus erat.

#### §. X X X I X.

Sed ut ad uterum redeamus, a quo paulum digressi sumus; plurima adhuc restant maxime memoranda. Solidum scilicet inter tubas uteri virginiei comprehensum, & supra harum lineam horizontalem prominens (quod fornicem uteri sive fundum appellavimus) in praegnannte in tantam assurgit molem, ut non sine stupore tanto tubas & ligamenta intervallo ab uteri summo vertice distantia intueri queas. Claro simul argumento, dictum solidum omnem hucusque passum esse mutationem.

#### §. X L.

Uterus etiam tum quoque totus quantus rubedine suffusus conspicitur; vasisque adeo capacibus ubique coronatur incredibilem sanguinis copiam continentibus, quam tam enormes saepe haemorrhagiae probant, & sectio ejusdem, & artificialis injectio. Enimvero uterus nonnisi tenuissimis vasorum interpositis parietibus a proximo sibi sanguine distare videtur. Et quemadmodum uterus inflammatus quasi apparet, ita & ligamenta ipsius praecipue rotunda praesanguinis turgescencia funes sanguineos, crassos, rigidosque aemulantur. Ovaria non secus ac tubae praerigiditate splendent, & haud paulla quoque magnitudine aucta sunt.

#### §. X L I.

Substantia vero ipsius uteri si cultro anatomico incisa inspiciatur, sinibus amplis, irregularibus ac crebris est distincta, in quos cera infusa se fingit. Hi sinus jam erant in utero virgineo praesentes sub delineatione minima, sed compressi ante impraegnationem & sanguine magis orbat.

#### §. X L I I.

Reperiuntur praeterea in fundo uteri eo in loco, in quo antehac clavum posuimus, fibrae luculentae, quas (quicquid ab aliis anatomicis contra eas allatum sit) toties cum celeberrimo *Hummelio* distinctissime videre mihi contigit, ut nullum amplius de earum praesentia mihi supersit dubium. Dictae  
autem



autem fibræ revera musculares ac spirales concentricæ planum efficiunt tenue & vorticofum (sit venia verbo) ita ut fibræ vasorum in uteri cavum hiantium lumina cingentes totidem quasi sphincterulorum munere defungantur. Has fibras primus detexit perspicacissimus anatomicus *Ruyfchius* [b], earumque insignem, quam præstant utilitatem in separanda placenta, quæ ipsarum vi motrici subjacet, primus indigitavit innumerisque exemplis illustravit.

#### §. XLIII.

Ultimis tandem gestationis mensibus dilatatur sensim ita ea solidi uteri pars, quæ infra tubas est, ut eadem conferat ad efformandum solidum ellipticæ figuræ.

#### §. XLIV.

Cervix uteri simul tum quoque mutatur, & corpuscula sphærica in eodem hærentia (§. XX.) mucido liquore referta egregio certe spectaculo in majores extra lacertos protuberant arcus: dum simul sensim sensimque tumidum fungosumque orificium uteri dehiscens magis magisque reperitur. Orificium præterea, quod sua gaudet crassitie haud contemnenda figuraque præditum est, contractione sua naturali, conica, non potest vi desuper a basi versus apicem coni intrusa eandem retinere figuram. Etenim a dicta vi facillime dimovetur labium anticum a postico: unde tum focus ab angulo, quem efficit concursus utriusque labii, magis distantibus generabitur necessario figura orificii, ejusque amborum luminum sectionis ellipticæ in lateribus magis subrotundæ.

#### §. XLV.

Solertissima natura in his apparandis elegantissima, uti vidimus, nos ducit via ad ipsum præcipuum, quod intendit opus: partum scilicet sive exclusionem fetus maturi definito tempore suo. Quem autem requisito ordine descripturi attendemus ad ea, quæ partum antecedunt, concomitantur & sequuntur.

#### §. XLVI.

Ea phænomena, quæ partum antecedunt, primum abdomen gravidæ solet manifestare. Hoc enim hætenus in magnam molem sphæroidicam intumescens descendere ac subsidere incipit, subsidentique abdomini jungitur continuus ad mingendum stimulus: accedunt una e regione lumbari dolores ad inguina expansi, post levem statim tenesnum, per intervalla intensiores sæpiusque recurrentes. Vocantur hi merito dolores partum præparantes.

#### §. XLVII.

[b] In tract. de musculo in uteri fundo reperto.

## §. X L V I I.

Quibus excitatus prudens obstetricans ad statum orificii uteri tactu examinandum accedit, de instante partu solidum laturus iudicium. Quod si digito ipsius tangenti opponitur breve, tumidum, instar fungi laxum, dehiscens corpus, ac in medium vaginæ cavum tanquam tubus elliptoideus protensum lubricumque, cuius lumini supremo & interno incumbat caput fetus membranis obvolutum, ita ut directe ipsius vertex respondeat axi longitudinali dicti tubi elliptoidei; partum mox futurum naturalem (si cætera omnia sunt paria) haud sine iusta ratione sperabit.

## §. X L V I I I.

Hæc quidem cuncta manifesto tactui offeruntur, sed cùm subsidere incipiat abdomen, fetusque in ultimo graviditatis stadio situm occupet ab illo, quem in primis gestationis mensibus occupaverat, adeo diversum? Quæstio est ante omnia attentione dignissima.

## §. X L I X.

Cui ut verissime respondeamus, oportet ut fetus ipsius situm naturalem, quem in primis gestationis mensibus obtinet, describamus. Hunc si attente examinemus, manifestum erit fetum in utero quasi sedere pedibus deorsum versis genubusque flexis ita, ut calcanei nates tangant in plano imaginario sub natibus sedentis fetus concepto; dorsum ipsius incurvatum est & spinæ dorsi matris applicatum, fronte umbilico matris obversa. Caput vero antrorsum flexum genubus innixum sustinetur; manu utraque sub eodem se decussante. Hic situs partium fetus maxime frequens, naturalisque omnium optime congruit ad figuram cavitatis uteri elliptoideam, estque optimus pro distribuendo æquabiliter liquore amnii.

## §. L.

Situs hæc varietates a fetu vario sed definito tempore occupati *Mauriceau* [i] cum earum affectionibus descripsit. Quapropter cunctos, quibus hac de re nondum satis constat, ad egregias ejus icones lucem iis affusuras relego.

## §. L I.

Centrum gravitatis fetus cadit intra planum cui insidet, tum demum igitur descendet cum ea parte corporis sui, quæ ipsum extra illud planum cadere cogit. Cogit autem caput reliquas cunctas sensim pondere superans,  
hoc

[i] *Traité des maladies des femmes grosses*, lib. II. cap. 4. p. 132.



hoc itaque descensum præ cæteris molitur. Sufficit enim minimum capiti accessisse suprapondium, ut descensus ejus sequatur. Hic autem secundum leges, quibus corpora descendendo auscultant, in loco ab aëre vacuo insigniter acceleraretur, nisi accederet altera causa descensum hunc egregio artificio moderans.

§. L I I.

Quapropter aquæ ubique circa fetum collectæ, & in duabus membranis chorium & amnium appellatis contentæ, uterum expandendo liberum capiti fetus descensuro & sat amplum parant spatium. Sed pari modo id ipsum ita sustinent immersum, ne nimis pernici motu descendat fetus cum capite, partum alias moliturus præmaturum.

§. L I I I.

Cum autem velocitates descensus corporum solidorum fluidis immerforum sint in liquido eodem & temporibus æqualibus in ratione gravitatum specificarum; pronum erit concludere fetum in primis gestationis mensibus vix vel parum descendere ob crescentis capitis volumen insigne, pondere vero parum cum ipsius volumine aucto. In ultimis vero gestationis mensibus pondus ad volumen crescit majori ratione; hinc descensus fit velocior, magisque manifestus, ita tamen ut volumen capitis cum ejus pondere semper ea ratione æquilibretur, ut, quantum pondere acceleratur, volumine retardetur.

§. L I V.

Quare, ut ex his videmus, consulto naturæ ductu eadem causa quæ lubricum parat iter capiti fetus descensuro, idem a pernici nimis descensu arcet.

§. L V.

Experimentum facile institui potest in gravida sextum circiter graviditatis mensem agente. Nam examine obstetricio, si conditio uteri totius infimi ope digiti indicis vaginæ immissi exploretur, reperietur tota circumferentia uteri infima laxa, minimeque tensa pondere aliquo superincumbente; quod si vero idem digitus altius sensim subter ossa pubis sursumque trudatur, hærens ibi quædam sphærica durities, pilæ minoris molem referens, sentietur, quæ pressa digito in altiora cedit, ad pristinum finita pressione reditura, quem occupaverat, locum.

§. L V I.

Hæc vero, quam tetigisti, durities nihil aliud est quam caput fetus in a-

quis libere quidem fluctuans, sed ab iisdem ita sustentatum, ut nulla opera effici queat, ut profundius in easdem demergatur. Repetatur vero id experimentum post quatuordecim dierum intervallum, jam reperiēs caput paulo profundius subsedisse: donec tandem id ipsum sentias circa finem graviditatis perpendiculariter lumini interno tubi elliptoidei, (ad §um XLVII. dicti) incumbens, ita ut in admirationem rapiaris necesse sit, cur non fetus unico temporis minuto secundo elabatur ex utero, quod non posset non fieri, nisi ab oppositis viribus in alto retineretur suspensus, paulo longiori tempore ac folius demum naturæ beneficio excludendus.

## §. L V I I.

Minus igitur solliciti sint celeberrimi plurimi viri de limitibus præfinitis inquirendis, ultra quos uterus expandi nequeat. Nam ipsa natura cautissima optime scit, uti vidimus, certo tempore fetum usque ad situm rectissimum, altissimumque suspendere in aquis, certo etiam præfinitoque ad descendendum inclinare, simplicissimo prorsus artificio & sine concursu actionis uteri, qui, etiam posito termino ipsius extensionis, non tamen istas duas affectiones in fetu produceret. Maximo autem in errore versari puto eos, qui argumentis potius ab authoritate divi *Hippocratis*, quam vero ponderosis a rerum cognitione ipsa petitis, situm fetus in ultimis graviditatis mensibus præcipitem audacter ponunt. Quæ enim hic asserui experimenta de descensu fetus lento & per certos gradus moderato, per temporum intervallorum series usque ad exitum sæpiissime confirmata expertus sum, quamdiu mihi contigit in Nosocomio Civitatis Argentoratensis amplissimæ gravidas tempore vario, tactu probe & ad id intento explorare.

## §. L V I I I.

Recensitis causis mechanicis, quibus fetus ad orificium uteri collocatur nonnisi vim expellentem ab utero avide expectans; attendendum est ultimo ad modum, quo expulsionis negotium, sive partus absolvitur.

## §. L I X.

Non defuere gravissimi in arte viri, qui attentius partus negotium perpendentes in varias sententias & errores haud ferendos inciderint. Sunt enim qui statuerunt fetum gravem in ultimo graviditatis stadio magis inquietum, magisque utero affricum, vel pedibus exporrectis calcitrantem partus causam sibi vindicare, utero hoc modo ad contractionem valide stimulat. Inquietudinis vero ipsius fetus aliqui causam posuere in fecum, urinæ vel aquarum ipsum cingentium acrimonia, vel ipsarum defectu. Aliqui in aviditate aërem hauriendi, vel solidum alimentum capiendi. Aliqui in angustia loci, qua



qua fetus anxius redditur & ex eodem egrediendi cupidissimus. Alii denique in situ fetus præcipiti adeo facto ad orificium uteri atque simul ita inverso, ut ipsi inde summa nascatur molestia, veram partus invenisse causam sibi persuaferunt. Et quid non motuum horum infuutorum causa accusarunt?

§. L X.

Hæc eleganter quidem quisque pro suo scopo de partus origine propugnat, quibus ne assentire queam, plurima me retinent. In hisce vero recensendis impedit me nimia dicendorum prolixitas, in quam hoc specimen meum excurreret. Quamobrem contentus ero sequentes proposuisse quæstiones, ex omnibus memoratis hypothesebus non solvendas.

§. L X I.

Qui fit, cum inquietudo & calcitratio fetus partus causa sint, quod demortuus non minus recte solius naturæ beneficio nascatur ac vivus vivaxque? Nulla enim a demortuo exspectari poterit inquietudo, etenim talem crudelissimi non excitabunt stimuli. Secundo, qui fit, quod acrimonia, si quæ adest, adeo prudenter noscat tempus definitum, quo fetui sit egrediendum, & non alio? Tertio, quomodo fetus cum pedibus præviis partum moliturus ab iisdem calcitrantibus egrediendi veniam impetrabit? Cum orificium spasmus agitato, tantum absit, ut fetum propellat, quin potius ipsi egressuro viam præcludat? Quarto, unde fit, quod fetus post effluxum aquarum præmaturum tamen nascantur? ut non infrequentes sunt ejusmodi casus. Fetus enim tum arctis hæret in angustiis uteri, & adeo undique ab utero premitur, ut nulla amplius fruatur potestate artus suos pro arbitrio regendi. Ergo etiam tum, si vel summam acrimoniam in infinitum stimulantem accerferet in auxilium, nihil magis proficeret, quam ut arctius ab utero amplecteretur retinereturque. Tandem quinto, qui denique remedia sic dicta pellentia & venæsectiones, quas adeo sæpenumero dolores creare fetum pellentes observavi, quomodo, inquam, hæc utraque fetum monent, ut calcitret? Sane res est scrupulis multifariis plena.

§. L X I I.

Quare, cum hæ causæ phænomenis explicandis non adæquatæ sint, haud verebor judicium meum firmiori, ut puto, basi innixum hic interponere, simulque ea, quæ obstetricanti observanda sunt ab initio ad finem partus, indigitare. Uterum autem gravidum considero tanquam machinam peculiarrem, ex tot tantisque partibus in unum solidum ellipsoideum corpus efformatam ita, ut non solum ope fabricæ hic singularis in enormem adeo molem expandi aptus sit, sed & vi præterea abundet insigni, qua ponderosos

pigrosque fetus per angustissimas vias & haud raro difficiles expellere queat.

### §. L X I I I.

Sed quoniam in eodem utero oriuntur motus varii, quandoque sibi contrarii, & diversis in locis alii, conducet illum dividere in tres partes præcipuas. Harum prima designat segmentum uteri majus, sive solidum supra tubas prominens, cujus media, maxima ac suprema crassities fundus appellatur. Secunda est solidum inter tubas & vaginam contentum. Tertia comprehendit segmentum uteri minus sive complementum ejus, quod toto vaginæ supremo ambitu terminatur, & ex cujus medio & infimo loco educitur tubus ille brevis, fungosus & elliptoideus, quem orificium uteri appellant.

### §. L X I V.

Nunc autem, ut quam clarissime intelligantur motus uteri successivi, continui, reciproci, gradu sensim aucti, absque verborum ambagibus simplicissime recensenda sunt ea phænomena, quæ attento successively observanda proponuntur. Ante omnia vero meminisse oportet.

1. Uterum semper esse in statu violento distensionis, ideo in contractionem semper niti omni graviditatis tempore.

2. Causam, quare hic usque ad partum in perpetua sit quiete cum fetu, esse motum vel nifum contrarium priori æquipollentem.

3. Hujus autem æquilibrii naturam talem esse, ut modo destrui, vel restitui possit ad aliquot momenta, prout antagonistæ actio major, minor vel æqualis erit.

4. Motus uteri fieri per actionem fibrarum musculosarum; has autem ob varias, quas affectant directiones, non easdem in motu suo observare leges. Etenim spirales fundi uteri fibræ agentibus pellitur quodcunque in uteri cavo hærens corpus secundum axin, proinde quoque hæc longitudine sua imminuitur; dum contrario modo orbicularibus magis ad latera uteri fibræ agentibus efficitur, ut idem corpus undiquaque æquabiliter pressum in axe retineatur, & sic secundum eam moveatur rectissime brevissimeque. Orificii vero uteri ejusque segmenti minoris & infimi vim validam arguunt fibræ in arcus breves & obliquos expulsæ seque decussantes. Ex quibus cunctis elucescit, uteri fibras, licet singulæ minimo per se gaudeant momento, posse tamen tam celeritate quam vero obliquitate virium, quibus ad obstaculum applicantur, tantam exserere efficaciam, ut maximi inde sequantur effectus. Quod facile patebit ei, qui chordarum elasticarum in spiram vel orbiculum convolutarum vim pensitaverit. Nam ea, quæ moventur per spatia infinite parva, summa cum celeritate, vim habent, quæ est ad obstaculum reciproca, ut spatia a potentiis percurfa.

5. Hinc fit, ut si fetus foret axi uteri longitudine æqualis, is ad partum usque



usque legitimum tempus non posset in utero remanere, sed primo jam mense expelleretur, quoniam nifus fundi uteri in supremum ipsius verticem agendo, cito superarent orificii ejus reactionem, fetusque, eodem superato, uno impetu egereretur. Quapropter fetus etiam adultus non prorsus æquat dictum axin.

6. Ipsæ denique partes fetus tantam possident flexibilitatem atque mobilitatem, ut se in minus spatium redigere patiantur ab actione fundi uteri, ac parietum validorum ejus: & hæc ipsa flexibilitas conjuncta cum gravitate fetus causa est momentorum fundi uteri agentis. Nam, nisi primo pars aliqua fetus cedat, altera nondum mota sequi nequit. Ex quibus jam clare apparet, uterum fetum perfecte rigidum nunquam expellere posse; intelligitur simul funesta illa in partu difficili ex obliquo fetu oriunda quies. Enimvero tum fetus compressione valida uteri redactus in statum fetus rigidi perfecte resistit, eritque tum resistentia potentiæ æqualis & una alteram destruet. Vidimus ita fetum, qui in utero pressus in perfectum globum coactus fuit, quique tum ulterius promoveri non potuit.

## §. L X V I I I.

Hiscæ præmissis nunc facilis erit expositio motuum partus.

- α. Gravitat fetus cum capite suo in uteri segmentum minus, ejusque infimo loco situm orificium.
- β. Hæc gravitatio fieri non potest, quin uteri segmentum minus ejusque orificium extendantur & amplientur.
- γ. Eo ipso puncto temporis descendit fetus atque removetur ab uteri fundo.
- δ. Quo vixdum contingente, aquæ in spatium inter fundum & ipsum fetum contentæ, deferunt fundum, quoniam ruunt in spatium ipsis paratum in dilatato infra & ampliato uteri segmento minori orificio ejusdem.
- ε. Ergo jam aderit causa destruens æquilibrium (§. LXIV. n. 2. & 3.) attenuatio scilicet & extensio segmenti minoris & orificii, nec non descensus fetus & aquarum.
- ζ. Nam dum deferunt aquæ fundum, sequitur eodem instanti ipse fundus, quoniam vacuum inter ambo dari nequit propter fundum uteri flexilem & elasticum.
- η. Fundus autem, dum aquas jam in fugam actas sequitur, eo cum excessu virium, quo nunc prævalet suo antagonista, pellit residuas inter ipsum & fetum collectas tanto cum impetu, ut membranæ intumescant ante fetum.
- θ. Hæc cum simul fiant unico motu, vocant motum sive contractionem uteri spontaneam & naturalem.
- ι. Hujus autem motus præsentiam declarant nixus illi tenebrosi, qui vulgo sed improprie, dolores vocantur, quique e regione lumborum orti ad inguina usque pergunt. Optime autem cognoscitur ex orificio tactu examinato;

nato ; durante enim ejusmodi nixu objicitur tangenti obstetricantis digito inferior ovi deorsum compressi vertex.

- κ. Dum in hæc impenditur prima uteri fundi actio (per §. LXIV. n. 4.) paulatim se restituit segmenti uteri minoris & orificii reactio , unde tum restituitur æquilibrium. Hinc partus promotio & retardatio pendet intra datum tempus a frequentia majori vel minori istarum actionum reciprocarum fundi uteri & orificii. Pone enim fundum uteri ad pellendam molem contentorum pollere vi ducentorum momentorum , centum vero & nonaginta novem resistere segmentum uteri minus & orificium , postquam unicum momentum fundus uteri in motu suo impenderit , segmentum ejus minus & orificium jam æquipollebunt pondere. Prout itaque frequentius hoc æquilibrium denuo turbabitur , eo etiam fetus magis promovebitur , tam diu progressurus , donec semper æquilibrium respectivum restituatur.
- λ. Is vero , qui hucusque dicta consideraverit , intelliget summam vim illam , qua manus obstetricantium intra uterum premuntur , quæque aquas ad magnas adeo distantias projicere valet , ob taleolorum , in quos sectum esse uterum ponimus , summam propinquitatem.
- μ. Ex dictis simul quoque intelligitur , quid statuendum sit de doloribus sic dictis spuriiis , & quanto in errore versentur omnes , qui eorum sedem putant esse intestinum colon spasmis reciprocis contractum : cum , si cognovissent admirandum , quem descripsimus , mechanismum , si quoque perpendissent reciprocas , quas indicavimus , vires pellentes & resistentes , facile invenissent causam tanti phænomeni , quod plerumque in partuum difficultum vel saltem minus naturalium initio apparere solet , & quod causa sua accusat segmenti uteri minoris & orificii , uno verbo , antagonistæ vim abundantem ultra fundi uteri vires pellentes , generatam ab obliquo fetu vel quocumque male sito & difformi. In ejusmodi doloris paroxysmo , si uteri segmentum minus ejusque orificium tactu examinantur , sistitur utrumque suspensum altius , ita ut segmentum minus ad planum rectilineum accedat quam proxime , dum præterea orificium contractum , vel digitum non amplius admittat , vel ipsi admissio in supremo ejus lumine offerat laxas corrugatasque ante fetum membranas. Hæc res cum ita se habeat , quis nunc ausit rerum gnarus cum obstetricibus imperitis affirmare , partum horum dolorum ope unquam absolutum iri ? Sane impossibile est , nisi invertatur ratio virium dictarum reciprocarum fundi uteri pellentis & orificii ejus reagentis. Dolores autem dicti spurii se manifestare solent ingenti cum cruciatu circa regionem ossium pubis transversalem fixo , cum annitendi , interdum quoque incedendi , impotentia stipato , quo miseræ affliguntur parturientes. Præsentis vero ejusmodi doloris affligentis & infructuosi conditio omnium optime innotescit obstetricanti , orificio ac segmento uteri minori tactu examinatis , uti supra dictum est. Tandem vero & hi dolores sævire desinunt mutati in veros dolores , quorum beneficio solo absolvitur partus.



## §. L X I X.

Sunt autem hi dolores veri nixus partum præparantes, quibus ad attenuandas partes & aperiendas viarum angustias vix alia datur par energia. Is enim præsentibus rigescunt membranæ ante fetus caput, & cunei ad instar intruduntur tubo illi elliptoideo (§. XLVII. & LVIII.) qui dilatur ab iisdem, & divino creatoris consilio salutaris adeo hic mechanismus dispositus est, qui vias valide, lente, ac sine rupturæ periculo, alias certo secuturæ, aperiat.

## §. L X X.

Sequuntur tandem, ad hoc negotium maturandum, citissimeque expediendum, nixus validiores intolerabili cum tenesmo stipati, non aliter ac si durissima expellenda essent scybala. Animæ retentio in hisce nixubus adjuvandis simul longa adest cum tremore artuum inferiorum. In superioribus inflantur venæ jugulares, facies roseo nitidoque colore perfunditur. Pulsus simul omnes citatiores de uteri contracti pressione valida in vasa testantur. Vocantur hi dolores merito partum maturantes, desideratique ad eundem feliciter ceptum absolvendum.

## §. L X X I.

Horum enim nixuum robore pellitur liquor amnii vi magna deorsum, unda superiori in proxime contiguam inferiorem mobilissimam ruente tantum celeritate & impetu, ut optimum ex perfecto dolore secuturum esse effectum parturienti spondere possit obstetricans. Immissio enim tum digito, & aliquandiu in vagina retento, sentitur inferior ovi vertex expansus ab irruente fluente, rigidus & cunei ad instar orificio uteri intrusus. Sequitur tum mox effluens mucus ex corpusculis sphaericis, inter lacertorum orificii intervalla (§. XLIV.) sitis, mucro turgidissimis & protuberantibus in modicos arcus. Hæc intensius nunc pressa mucum fundunt lentum, sanguini immiscendum, ac in emolliendis partibus cuncta pingua superantem.

## §. L X X I I.

Remittentibus vero doloribus oriuntur statim motus prioribus oppositi, mollescunt membranæ, flaccescit ovi vertex & retroagitur liquidum ab elatere segmenti minoris & orificii (§. LXVIII. n. κ.) fetusque caput membranis obvolutum tangi potest ita quidem distincte, ut incautus juraret se nudum caput tangere.

## §. LXXIII.

## §. L X X I I I.

Redeunte demum uno alterove simili paroxysmo summo huic naturæ operi coronis imponitur. Orificium enim omnem (§. LXXI.) memoratam vim sustinens ita dilatatur, ut transverso rictu hiet instar oris aperti humani, mox unum continuumque constituturum tubum quoad omnem ferme uteri ambitum inferiorem cum ipsius cavo coincidentem. Ovum nunc quoque manifesta cum celeritate actum properat ad exterius & angustum vaginæ lumen, quo dilatato protuberat in tumentem adeo vesicam, ut minus æquabiliter pressum ruptumque viam aperiat liquido ad insignem interdum distantiam prorumpenti. Puero interim hærente, cum capite suo facieque offi sacri obversa, in inferiori ostio pelvis elliptoideo sive apice coni truncati (§. V.), vix ibi aliquam moram tracturo, si cætera bene dicto ostio respondeant.

## §. L X X I V.

Quare videmus totum hoc opus fieri solius naturæ beneficio per vires vitæ, ullo nec consilio nec ulla ope moderandas. Adeo igitur subordinatione partium elegante in rite maturo partu aperiendo absolvendoque utitur natura &

*alterius sic*  
*altera poscit opem res & conspirat amice.*

## §. L X X V.

Neque alio modo res peragitur, si gemelli excluduntur, eo tamen cum discrimine, quod gravior pondere fetus axin uteri occupando, levio-rem suum ad hoc vel illud latus collocatum focium, præcedat. Plurima quidem adhuc alia superessent de partu gemellorum dicenda, sed hæc generatim dicta sufficiant. Nam rem gravissimam & parum exacte inquisitam paucissimis hic delineare, ejus dignitas vetat: malo igitur eam reservare in tempus, ubi ad illam serius pertractandam plus otii supererit.

## §. L X X V I.

Propositi vero ratio nunc exigit, ut paucis exponamus phænomena, quæ partum naturalem descriptum sequuntur. Et primo quidem loco quædam dicenda erunt de placenta, quæ medio uteri fundo accreta, eo in loco, ubi clavum posuimus & fibras delineavimus spirales concentricas ibidem reperiundas (§. XLII.) sponte separata ab utero, fetum in mundum editum sequitur. Qui enim mente agitaverit directiones fibrarum descriptarum, simulque attenderit ad vim, qua pollent arctandi vasorum orificia,

is.



is facile intelliget , qui placenta integra , agente universo plano musculofo , ab omni cum utero contactu liberari possit ; radicibus nempe placenta conoidis ex uteri sinubus , quibus inferuntur, nunc arctatis, quasi excussis. Quod mirum quantum confirmatur experientia in iis praecipue casibus , in quibus aliqua placenta parsprehenditur jam ab utero separata , residua ipsi adhuc valide accreta & artificio obstetricantis separanda. Claro profecto argumento , valide utero adhucdum accretae placenta partem , extra sphaeram motus memorati plani musculosi haesisse , alteram vero & jam separatam egregiae ipsius vi motrici auscultasse subjectam.

§. LXXVII.

Separata sic ab utero placenta & sponte secuta fetum vel leni tantum attractione per funiculum promota , statim se contrahit uterus , roboris sui musculosi testimonia luculenta edens. Haec contractio cruoris ab initio sinceri ac copiosi effluxum comitem habet , quem lochia vocant , quae sensim quantitate imminuuntur , aliumque induunt colorem. Etenim dicta contractione comprimuntur vasa & arctantur eorum lumina , ad quae perpetuo accursurum fluentum se fingit. Unde fit , ut ex eodem liquido transmittantur particulae , quae , cum luminibus vasorum sint proportionatae , diversi quoque coloris proinde ac molis erunt. Tandem ipse uterus ex tanto volumine sensim redit in pristinam , quam occupaverat , formam.

§. LXXVIII.

A partu naturali , quem paucis hisce describere conati sumus , aperta directaque via ducimur ad historiam partus difficilis ac praeternaturalis. Haec autem ambiguis & implicitis sibi invicem semitis perplexa , adeoque prolixa est , ut jejuna etiam obliquitatum omnium enarratione cancellos nobis praefixos transilire necesse foret , si omnes determinare vellemus. Quapropter missis iis , quae nos a scopo nostro abducerent , praecipuam tantum tot gravissimorum partuum causam perpendemus. Haec semper in uteri a situ recto deviatione posita est , quam ejus obliquitatem vocant.

§. LXXIX.

Est autem obliquitas illa uteri praegnantis conditio , in qua ipsius axis longitudinalis ab axi imaginario ( qui concipitur inter umbilicum gravidae & os coccygis per mediam pelvim protensus ) ita recedit , ut cum plano imaginario horizontali (§. III. ) faciat angulum minorem recto.

## §. L X X X.

Ut vero situs uteri recti, sic quoque obliqui, a primo statim conceptus momento dependet, licet diu admodum nullis signis appareat manifestis. Res facile intelligetur, si ea, quæ de uteri cavitate & puncto adhæſionis ovuli jam diximus, (§. XXIX. & XXX.) hic applicemus. Nam ovulum, quod in statu naturali ferri debet ad punctum uteri medium per portionem cycloidalem debitam, vel per aliam curvam, motibusque uteri perversis generatam movetur, quo fit ut ad solitum vel naturale punctum uteri non dirigatur: vel in debita licet curva motum nimis acceleratur ultra debitum ac medium in fundo uteri punctum progressurum, nisi accedat alterum ovulum ex opposita plaga occurrens, quod vi contraria & æquivalente prioris motum tollat: vel in motu suo nimis retardatur, quo efficitur, ut ad medium uteri fundum non perveniat. Cunctis hisce accidentibus ovulum non ad punctum uteri debitum dirigetur, sed huic vel illi laterali, magis antico, vel postico, adhærebit emilurum placentæ rudimenta, quæ sensim in majorem crescendo molem tantum pedetentim huic vel illi lateri uteri addent suprapondium, ut ipse haud æquis libratus ponderibus e sede sua & situ recto reclinetur.

## §. L X X X I.

Haud equidem me latet, quantum huic meæ sententiæ de adhæſione placentæ diversis in utero locis, indeque pendentis obliquitatis uteri variæ adverſetur Illustris *Deventrius* [k] asserendo pro diversa consuetudine prægnantis collocandi corpus, etiam uteri situm variare. Sed si de veritate hujus sententiæ ita certus est vir alias merito suspiciendus, ut eos, qui placentam a latere vel prope orificium adhærere posse sentiunt, *instar jumentorum pislrinensium cæcutientium in eadem semper recurrere vestigia* asserere ausus fuerit; videant quæso ii, qui in ejus sententiam eunt, quomodo hoc assertum audax ipsa aliqua experientiæ specie tueri queant? Indicent nobis fæminam prægnantem corpore viribusque valentem adeo constanter eundem situm corporis observare, ut a tali causa notabilis ratione situs uteri acciderit diversitas? Si enim situs corporis ad situm uteri mutandum quicquam conferret, qui gravida certo alicui situi assueta sex vel septem partus posset edere vel plures successivos naturales, solo demum octavo, eadem manente situs conditione, difficili vel præternaturali? Ut jam non addam, ipsam experientiam demonstrare successivam uteri inclinationem, adeo evidenter ex orificio uteri tactu examinato, cognoscendam. Quare, cum certum sit ex antea dictis, placentam in statu naturali medio uteri fundo adnasci, in præternaturali vero huic vel illi lateri ejusdem, manifestum erit primo in casu

[i] Nov. Lum. obstetricant. cap. 9. p. 33-43.



casu uterum sic æquilibratum esse, ut axis ipsius a medio fundo perpendiculariter transeat per centrum orificii mediamque pelvim; in secundo vero, pro diversa placentæ adnascencia, in distantia varia ab axe, uterum etiam variam necessario a pondere laterali acquirere obliquitatem. Unde aperte *Deventrius*, qui toties ad modestum lectorem verba sua dirigendo modestiam in aliis laudare videtur, hancque virtutem nunquam satis commendandam in lectoribus requirit, haud parum ipsemet in eandem peccavit, adversarios jumentis pistrinensibus comparando. Respondeant sane, qui eum tueri conabuntur, ad tot & graves adeo difficultates, quibus ipsius sententia premitur. Quis enim paulo cordatior possibile esse unquam putabit, tantam utero posse conciliari obliquitatem, ut fundus posset pervenire in locum ipsius orificii? Vel, quod effugii potius loco esset potest, quam vero sententiæ tanto viro dignæ, placentam a fundo uteri delapsam orificio denuo ejusdem agglutinari ulla parte posse?

## §. L X X X I I.

Pendent ergo plurimi partus difficiles ac præternaturales ab obliquitatum uteri diversis gradibus, quarum cognitio licet ardua, adeo tamen necessaria est, ut sine lumine ullo in tenebrosissimis locis versanti similis sit obstetricans ipsa haud imbutus. Unde dolendum tantos adhucdum reperiri viros, qui lucidissimæ huic veritati sophismata opponunt nullius sane momenti, vel veram ejus theoriam negligunt præpostere. His itaque postpositis unice sequimur illustrem Virum *Henricum à Deventer*, obstetricantem inter batavos celeberrimum, qui, etsi veram obliquitatum uteri causam ignoraverit, prius tamen hoc assertum recte cognovit, ejusque theoriam validis argumentis suffultam, innumerisque exemplis illustratam condidit. Hunc proxime secutus est *von Hoorn* [1], vir imprimis fidus ac probus. Maximam vero præstantissimæ arti lucem affudit Illustrissimus *Friedius*, primarius obstetricans juratus in amplissima civitate Argentinenfi *dexterrimus*, præceptor meus in arte obstetricia pio semper cultu prosequendus; qui egregiis suis inventis adeo hanc artem promovit, ut immortales ei omnes boni & periti debeant laudes & gratias.

## §. L X X X I I I.

Ne tamen in vastissimo dicendi campo, in quem mihi omnes obliquitatum uteri gradus determinaturo descendendum foret, a via recta deflectam, præcipuas tantum & ad quas reliquæ ab attentioribus facile referuntur, determinandas sumam, illas distribuendo in tres classes, quarum prima sub se continet eam uteri obliquitatem, in qua axis ipsius longitudinalis pelvis capacitatem respicit, totumque orificium in eandem pro-

T t t 2

ten-

[k] *Web-Mütter. Stockholm und Leipzig, in 8. 1737.*

tensum est. Secunda sistit obliquitatem, in qua dictus axis margini supremo ostii pelvis obversus est, ac orificium dimidiam tantum suæ molis partem, sive hoc vel illud labium in pelvis ostium protensum tangenti digito offert. In tertia denique classe axis uteri educitur supra marginem ostii pelvis supremi, ita ut orificium totum abscondatur a dicto margine, digitumque tangentem obstetricantis etiam peritissimi vaginæ immissum sursumque trusum fugiat.

#### §. L X X X I V.

In prima classe fetus solius naturæ beneficio nascuntur, non tamen absque difficultate majori, minorive, pro varia obliquitatis specie. Illa enim uteri deviatio, quæ ipsius rectitudini proxima est, non tantam, ut quivis mecum sentiet, pariendi producat difficultatem, quantam maximus obliquitatis ejusdem classis gradus. In hoc etenim casu  $\frac{1}{4}$  ad minimum capitis fetus pars extra orbitam pelvis supremam hærens, ingressum ejus in pelvis capacitatem difficilem quidem reddet, sed non impossibilem: dolorum enim efficacia unice in hoc obstaculum directa, sensim sensimque minima capitis ossi inhærentis pars urgetur ab ambitu versus axin pelvis, donec integro cum capite ipsius capacitatem intret fetus lente progressurus per eandem ob varia, quæ ipsi in itinere suo ex frictionis augmento occurrunt, festinandi impedimenta.

#### §. L X X X V.

In secunda autem classe jam occurrunt causæ manifestæ difficillimi partus, ope tantum & arte obstetricantis superandæ. Ope dico, quoniam vires vitæ solæ non sufficiunt partui promovendo. Arte dico obstetricantis, quia, si (ut plurimi suadent) caput flectendo fetus in pelvis ostium superius dirigant, vanus non modo, sed & exitiosus matri fetuique futurus sit laboris exitus. Quid enim quæso hic capitis fetus in pelvis ostium descensus matri fetuique proficiet? Retardatur enim fetus omni momento, & adeo non pellitur motu rectilineo juxta radios ad axin pelvis parallelos, quin potius caput cum reliquo fetu falcem referat, hinc maximo licet nisu pulsum vix tamen cedat promoveaturque. Præcipue quum aquæ, quarum auxilium imprimis hic requireretur, in ejusmodi casibus nimis cito effluant membranis ruptis; quare tum ob defectum præstantis adeo mechanismi solum caput fetus aquis haud stipatum, acuminandum fingendumque ad orificii uteri sectionem, id ipsum dilatare debet, quod quidem perficitur, sed lente & haud absque periculo, cui manifesto mater fetusque exponuntur. Tertio accedit huc, quod humeri fetus non raro eundem occupent locum, cui prius caput inhærebat, haud exiguo futuri obstaculi



staculi loco in promotione partus. Ut adeo nihil dicam de insigni mora capitis in cono, quem pelvis capacitas refert (§. IV.), in quo ipsum perpetuo magis magisque retardatur; eritque retardatio ultimi motus, uti retardatio primi evecta ad potentiam, cujus exponens est numerus serierum retardationum, i. e. retardatio ultimi motus erit ferme infinita, fetusque caput hærebit in pelvis isthmo, nulla re amplius quam instrumentis promovendum.

#### §. L X X X V L

In tertia & postrema classe obliquitatum uteri, in qua ipsius axis supra marginem ostii pelvis supremi ipsi utero oppositus est, facile quivis paulo attentior colliget, fetum eandem cum uteri axi directionem servantem, & cum maxima capitis sui parte in ipsum uteri oppositum parietem arietantem, eidem rupturam minari.

#### §. L X X X V I I.

Atrox hujus rei exemplum cum videre mihi contigisset, atque casus rarissimi a nemine, quantum scio, dilucide explicati descriptique varia accidentia animo contemplatus essem sedulo, hujus potius ultimæ classis casum pro specimine academico selegi. Optarem tantum ut sectionis anatomicæ descriptionem ampliorem obtinere potuissem; erunt tamen & ea pauca, quæ ex ore Experientissimi ac Humanissimi *D. Friedii* didici, notatu & attentione lectorum academicorum dignissima.

#### §. L X X X V I I I.

En autem ipsum casum. Mense Martio Anni 1741. fœmina quædam in ultimis graviditatis diebus corripitur doloribus (non quidem veris illis partum maturantibus, sed spuriiis acerbissimisque) in transversum osium pubis decurrentibus, adnitendique impotentia stipatis. Junguntur hisce doloribus ægram misere vexantibus sitis ingens, pulsus magnus, durus celerisque. Vix accersitus Illustrissimus *Friedius* obstetricans felicissimus, ut in adeo inopinatum symptomatum causam inquireret, cum statim in ingressu cubiculi ægrotantis illam invaderet horripilatio cum siti inexplebili, ad quam restinguendam frigidæ haustum ardentem desiderabat, quæ quum ipsi porrigeretur, continuo post vomitum materiæ mucidæ flavescentisque copiosum passa est, insequente vomitum placida corporis animique tranquillitate, vix tamen per tempus consideratione dignum durante. Pristinæ enim mox denuo movebat querelas parturiens de crudelissimis doloribus osium pubis regionem percurrentibus, modoque ardentibus, modo scindentibus, quos rursus sequebantur vomitus materiæ primum flavescentis, mox in atro-fuscum colorem mutatæ degenerantes cum crebris animi

supervenientibus deliquiis. Vomitus vero absque apparente nixu, aperto solum languescantis ægrotæ ore, ac capite ad alterutrum latus sine molimine ullo reclinato, fiebant; donec tandem ipsa parturiens sine prægresso tremore aut tendinum subsultu, ceu convulsionum prodromo, placide obdormiret.

#### §. L X X X I X.

Sectione anatomica per solertissimum Anatomicum *Hummelium* peracta; sequentia visui sese obtulerunt notatu dignissima. Musculis abdominalibus incisis & aperto abdomine in conspectum prodiit statim magna liquidi sanguinolenti copia, totam abdominis capacitatem replens singularemque odorem spargens, similem odori placentæ recens ex utero prodeuntis; huic liquido innatabat fetus situm obtinens maxime singularem. Nam dimidia capitis pars abscondebatur utero inferius ac supra marginem ossium pubis, magisque sinistrorsum rupto; universus vero reliquus fetus per dictum vulnus in abdomen ejectus uteri externam & anteriorem faciem obtegebat, dum femur ipsius dextrum dictam uteri faciem transversim secabat, ipsius sinistri pedis digiti inflexi superiora abdominis, talus vero inferiora respiciebat. Et quod mirum attento videbitur, ipsa placenta per vulnus egressa ex utero in abdomine, atque ab omni cum utero contactu libera reperta erat. In fetu ipso nulla aderat difformitas, neque alia quævis partium disproportionio; quemadmodum neque in pelvi demortuæ, neque ullibi, tam ratione compagis, quam vero capacitatis, vitium repertum erat.

#### §. X C.

Uterus ipse e cadavere exemptus sollicitè, ac examini anatomico subiectus, fundi ejus ac laterum crassitiem insignem possidebat, dum tamen simul ad locum rupturæ adeo tenuis esset, ut vix unam alteramve lineam crassitie sua æquaret. Orificium ipsius itidem in insignem crassitiem tumebat, ac substantiæ tantumnon carneo-cartilagineæ esse videbatur. Ipse exitus vaginæ partesque genitales exteriores nitido, duro tumore splendebant. Fuerat autem defuncta non primipara, sed paucis ante fatalem diem annis partum passa admodum difficilem.

#### §. X C I.

Ex quibus jam subito apparet, omnium fatalium symptomatum causam neque in disproportionione partium, neque in præpostero ipsarum nexu, sed unice in uteri fetusque funesta obliquitate quærendam esse.

#### §. X C I I.



## §. XCII.

Quoniam vero haud quævis uteri obliquitas ei in partu rupturam inferre potest, inquirendum nunc erit in tantam obliquitatem, cui rupturæ causa efficiens sufficiensque merito adscribi possit.

## §. XCIII.

Nulla est inter omnes obliquitates gravior & periculi plenior illa, quam supra (§. LXXXV.) memoravimus, nulla quæ rupturæ efficiendæ aptior. In hoc etenim casu uteri axis totumque orificium ejus patent supra orbitam pelvis supremam, ita ut fetus dolorum vi & impetu necessario impellatur cum tribus capitis sui partibus in ipsum uteri parietem oppositum, residua  $\frac{1}{3}$  parte capitis dimovendo ossi, cui insistit, impenfa. Talem vero in nostro casu fetum obtinuisse situm, ocularis inspectio uteri rupti declaravit, verosimillimumque est, uterum prægnantis spinæ dorsi ita admotum fuisse ac dextrorsum paulum inclinasse, ut fetus supra eminentem curvaturam (quæ generatur ex concursu tumentis originis ossis sacri & ultimæ vertebræ lumborum cum interposita his utrisque cartilagine) tanquam super clivum pergens, capite suo ossi pubis sinistro appressus fuerit, maxima capitis parte supra marginem ossis dicti detorsa, residua vero ossi directe obversa.

## §. XCIV.

Hoc autem modo fieri non potest, quin substantia uteri, caput fetus inter & os ipsum intercepta insigniter extenuetur. Ponamus enim uterum propellere fetum centum momentis, resistantiam vero ipsi propellenti opponi duplam momentorum ab ossi, cui is cum aliquota capitis parte innititur, tum adeo non movebitur fetus, ut potius ipse uterus, potentiam inter atque resistantiam interceptus, mutationem pati cogatur æqualem summæ momentorum, quibus si subtrahas id, quod in mutandam capitis mollis ac compressilis figuram absumitur, residuum designabit quantitatem extenuationis uteri.

## §. XCV.

Pressio igitur hæc capitis in uteri substantiam, illam summe attenuare valet, nunquam tamen integerrima solutio continui hinc orietur. Nam in minima etiam uteri crassitie erunt puncta cohærentia, quæ a mutuis nexibus ulterius non separabuntur ob superficiei tenuitatem, vel ob capitis irruentis molliem cum aucta sic planitie: oportet itaque ut his accedat ultimum elementorum nexum cito solvens causa.

## §. XCVI.

## §. X C V I.

Caput nempe fetus supra marginem ossis pubis sinistri protuberat , ita ut uterum eo in loco sursum elevet & trochleæ ad instar inserviat fibris supra eandem dirigendis. Quantum igitur uteri pars ea , quæ ultra fetus caput est , ab axi ob eminentem hunc tumorem recedit , tantumdem fibræ dicti lateris , urgentibus denuo doloribus , plus extenduntur , dum ex situ rectilineti coguntur expandi in curvilineum , eruntque dictæ fibræ distractæ a mutuis nexibus in ea ratione , quæ est arcus ad chordam , & cum omnis distractio fibrarum producat debilitatem in iisdem , ideo hinc quoque , memoratæ fibrarum debilitati accedente omni momento premente a tergo vi , continuo crescet fibrarum debilitas.

## §. X C V I I.

Concipiamus jam in loco , in quo caput fetus hæret , uteri substantiam tanquam claviculis innumeris quibusdam affixam esse , quibus alligatæ fibræ elastice fixæ hæreant , locoque haud variabili , dum interea trahuntur per appensum pondus æquale fetus ponderi , vi uteri accelerati versus partem contrariam. His positis , non poterunt profecto distractæ hoc modo fibræ ab insigni pondere fetus , validis adeo viribus acti , non ab eodem superari , atque tandem eo in loco rumpi , in quo maxima tractionis vi sollicitantur. Est vero ille locus , ut aliis experimentis physicis patet , in extrema parte fibrillarum claviculis immediate annexa ; ibi enim applicatur vis maxima , nempe ponderis & summæ tractionis elementorum respectivorum. Quando vero fibræ trahuntur secundum longitudines suas , cohærebunt in ratione crassitierum : Quare eadem rupturæ omnium proximæ erunt eo in loco , in quo sub minima crassitie distrahuntur fortissime. Id contingit , quando caput fetus vi propulsum substantiam uteri , inter ipsum & marginem ossis pubis sinistri interceptam , continuo minuendo , coque , quo minutissimæ jam fibræ sunt , loco vim tractionis maximam applicando momentum cohæisionis superat , orieturque necessario ibidem in utero ruptura , quam non parum adjuvat ipse fetus , cujus flexilissima vertebrarum dorso columna inter duo quasi prela compressa in arcum assurgit perpetuo majorem , qui fibras simul uteri in similes curvaturas expellendo , earumque terminos sic fortiter ad se mutuo trahendo , ad rupturam in utero maturandam haud parum facit ; ut & experimenta demonstrant , quibus fibram longam sub eadem cum breviori crassitie multo citius divelli compertum est. Neque sane exiguum tempus requireretur ad uterum dilacerandum , nisi fibrarum in curvaturas sensim majores conversio , earumque sic aucta longitudo , & ad locum pressionis ipsarum continuo imminuta crassities , tempus , quo alias superandæ forent , insigniter diminuerent.

## §. X C V I I I.



## §. X C V I I I.

Sufficiat nobis hifce locum determinaffe ac modum , quo uterus rupturam pati poffit. Nam , cum fummi viri in re Mathematica & Physica cohæfionis caufas , gradus & vires determinare ita præcife nesciant ; neque fibrarum uterum componentium actiones , directiones & celeritates , nec minus momenta , quibus utero pellenti refiftunt , comparari inter fe poffint : malo me tanto negotio non immifcere , donec certiora experimenta & labores folertiffimi magnorum virorum me de hifce rebus plura forte aliquando docebunt.

## §. X C I X.

Animus erat aliquot rupturarum uteri exempla hinc inde apud obfervationum fcriptores occurrentia cum noftro conferre cafu , eaque fedulo annotare , quæ in iifdem , tam ratione loci , in quo ruptura contigerat , quam etiam caufæ diverfæ ejufdem ac fymptomatum diverforum eruere poffem. Sed adeo perfunctorie pleraque fcripta effe reperii , ut exiguos admodum profectus ex iifdem haurire mihi licuerit. Si enim in genere excipias folummodo hæc quatuor fequentia , quæ ex iifdem elici poffunt , cætera omnia adeo manca & breviter ita confcripta funt , ut nihil certi de eorum circumftantiis afferere audeas. Sunt autem hæc 1. fubftantiam uteri in loco rupturæ fuiiffe tenuiffimam. 2. Ora rupturæ femper fuiiffe corruptela quadam vel fphacelo vitiata. 3. Rupturam frequentiffime fieri circa uteri cervicem. Et 4. fundum uteri & latera ejufdem plerumque infigni craffitie prædita vifa fuiiffe. Hæc enim fola funt , quæ ex variis admodum ac a fummis viris confcriptis exemplis haurire potui. Solent enim plerumque authores , & quidem haud parvi sæpe nominis , obfervationes fuas magno artis detrimento ad ftuporem potius apud ignaros excitandum , quam vero ad lectores fuos ingenuè instruendos accommodare : liceat nobis ex quamplurimis duo tantum horum exempla referre. *Gregorius* [ *m* ] , celeberrimus apud Parifienfes obftetricantium magifter illuftri Regiæ Societati Scientiarum exemplum refert uteri rupturæ , per quam egreffus fetus ipfi utero pedibus divaricatis inftar equitis infidebat , folius hujus exempli inter fedecim , quæ fpatio triginta annorum fe obfervaffe afferit , ita memor vix verbum addidit de caufa iftius rupturæ vel de circumftantiis amplioribus , quas alias fectione anatomica manifeftare folet , multo minus de fymptomatibus , quibus femina parturiens affligebatur , in omni obfervatione confcribenda adeo non reticendis : parum pro more illuftrium hujus Academiae fociorum , qui nobis tot reliquerunt obfervationum accuratiffime fcriptarum & obfervatarum nunquam intermoritura exempla. Alterum eft celeberrimi *Heifteri* [ *n* ] , qui defcriptionem rupturæ

*Tom. I I I.*

V v v

uteri

[ *m* ] Hiftoire de l'Academie Royale des Sciences , l'année 1724. p. m. 52.

[ *n* ] Act. phyfico-med. Acad. Cæfar. vol. I. annus 1727. p. 397.

uteri parum pro rei gravitate exactam exhibuit, ita ut mirum non sit, si parum consideratis perpenſisque cauſis & circumſtantiis hujus caſus, in ridiculum adeo inciderit commentum, ac eſt ſphacelus novimeſtris uteri, magnum tamen robuſtumque fetum uſque ad geſtationis ultimum tempus alere valentis. Certus enim ſum, virum hunc celebrem & inter anatomicos ſumma cum laude recenſendum, ſi circumſtantias omnes, quas ſectio anatomica manifeſtavit, accurate examinaret, præcipueque attendiſſet ad ſitum fetus aptiſſimum proriſus utero ſphacelo repente vitiando, non potuiſſe non in veram, naturalem atque mechanicam cauſam hujus ſphaceli incidere, ſicque rem omni miraculo carentem non ipſemet invenire quam clariffime.

### §. C.

Sed ut ad noſtrum caſum redeamus, a quo paulum digreſſi ſumus, illud aliquanto clariuſ determinari poteſt, cur per dictam rupturam fetus pedibus, mox dorſo cum pectore & dimidio capite egreſſus fuerit? Supra enim memoravimus (§. XCVII.) fetus durante fundi uteri actione adeo inter duo quaſi prela comprimi, ut flexile ejus ac compreſſile dorſum aſſurgat in eminentem arcum, ſenſimque creſcentem omni momento. Et hæc compreſſio adeo cauſa eſt, ut fetus, ultimam tandem uteri efficaciam expertus cum corpore ſuo in ſpæroidicam figuram coacto ac parieti antico uteri oppoſito & cedenti valide appreſſo, per largum infra ſecutum vulnus ita inverſus & pernici cum celeritate expulſus fuerit: capite interim prope os, cui inhærebat, remorato, & ſupra lævem offis pubis faciem ita volubili, ut ſimul reliquo fetui ſupra eandem volutando ejaculandoque in abdominis cavum commodum præſtiterit fulcimentum.

### §. C I.

Immo, quod incauto magis ſtupendum eſſe videbitur, placenta quoque per dictam rupturam in abdomen egeſta eſt. Nihilo tamen difficiliuſ hujus phænomeni ratio ex præcedentibus erui poteſt. Nam id vi uteri elatiſtica, qua ejaculato in abdomen fetu in ipſam placentam continuaverit, factum eſſe, facile colligitur. Cui rei licet objiceret aliquis, placentam in noſtro caſu extra ſpæram motricem plani muſculoſi fundi uteri poſitam (XLII. & LXXVI.) ipſi firmiſſime potius adhæſuram, quam vero fetus ſecuturam eſſe (quemadmodum in partu difficili haud raro accidere ſolet, in quo fetus adeo non ſequitur, ut potius dexterrimi obſtetricantis manu in uterum ducta ab ipſo caute ac artiſicioſe deglubenda & extrahenda ſit). Attamen merito hiſce reſpondemus, maximam intercedere differentiam inter motum uteri integri & motum ejuſdem rupti. In integro enim eſt terminus fixus, in quo fibræ contractæ quieſcunt omnino. Nam poteſt fibrillarum minima conſiderari tanquam latus polygoni infinite parvorum laterum, & ſe contrahet quævis fibra tenſa in tantum, quantum ultimum latus polygoni dicti permittet, quod



quod ex natura infinite parvorum pro recto ideoque brevissimo haberi potest. Hinc necessario fieri debet, ut placenta extra sphaeram motricem memorati plani musculosi hærens insigniter quidem ab utero, in præfinitum quendam terminum contracto, comprimatur, sed non separetur; dum in utero rupto fibræ a terminis quiescentibus solutæ eodem defungantur munere, ac fibræ dicti plani musculosi uteri integri, atque hoc modo summa cum velocitate adnatam in vicinia pellant placentam & ejiciant.

### §. C I I.

Quoad reliqua tandem phænomena, quæ anatome defunctæ exhibuit, haud minus præcedentibus expeditior erit eorum causarum explicatio; uti semper, semel vera causa detecta, concomitantia symptomata & effectus facile patefcunt. Erat hic singularis orificii uteri intumescencia & durities substantiæ carneo-cartilagineæ, vix alias occurrens: cujus ortum & causam facile intelliget is, qui uteri fabricam comparaverit cum legibus, quas sequuntur corpora flexilia magisque compressa. Est enim hæc orificio uteri nata intumescencia & durities effectus productus ab uteri compressione & nisu in orificium, quæ uterum in uno loco extenuare, in altero vero crassiores reddere necessario debuerunt. Hanc compressionem simul juste accusamus tanquam causam prædisponentem ad uteri rupturam. Scimus autem quod pressio, quæ fit in plano ex fibris flexilibus composito, a corpore lata cum superficie impingente, suæque pressione partium minimarum cohærentiam superante: quod, inquam, pressione illa fibræ introrsum ut cedant necesse sit, vel extrorsum, quoniam nihil est quod resistat. A partibus vero introrsum cedentibus imminuitur crassities; cum contraria ratione partes extrorsum cedentes lateraliter in proxime adjacentes ita irruant, ut vicinæ hisce non æque cito cedentes primis validius propiusque apprimantur; hinc a punctorum plurium contactu validiori corpus etiam validius densatur. Pari modo gluten ultimas fibrillas nectens hac ratione condensatum, majori easdem trahendi vi pollebit. Quocirca, cum inter cartilaginem & carnem non nisi multiplicatarum superficierum cohærentium i. e. firmitatis intersit differentia, facile perspicere licebit, quomodo fungosa caro orificii in cartilagineam substantiam, vel saltem tali haud absimilem densari potuerit. Nec alia ratio est tumoris duri, nitidique partium genitalium externarum, licet circa has ratio virium causæ, ob majorem a sphaera pressionis distantiam, insigniter decrescat.

### §. C I I I.

Optandum esset ut prædictorum symptomatum causæ assignari possent subsidia magnitudini mali paria. Sed proh dolor! ipsa causa (§. XCIII. XCVIII.) indicat nullum par hisce malis esse auxilium, nullam denique artem obstetricantis quicquam posse. Nam ruptura tandem est effectus funestissimi

tissimi sphaceli in loco rupturæ orti, cui quis unquam ausus est promittere auxilium? nisi qui sphaceli uterini historiam nunquam satis apud se perpenderit. Unicum tantis in malis solatium est, ut in iis præcavendis citissime omnia molimina egregiæ artis impendamus, quæ ferme nulli dignitate & utilitate cedit. Hæc enim est, quæ valet resistere armatæ doloribus contra sua viscera matri: hæc est, quæ puerum dirigere ipsumque coërcere noscit, ne in propriæ matris suæ viscera ruat. Hæc est, quæ salvatum vivumque eundem demum ac efficacissimæ artis verissima testimonia viva voce edentem omnium conspectui exhibet. Quod universum negotium tantum pendet a prudenti solertique versione fetus justo adhuc tempore maturanda; nec non leni collocatione ejusdem ad facilem citamque extractionem, variis-  
que *πολυμηχανίας ἐγχείρει* obstetricantis periti dirigendam. Quibus cunctis optata tandem desiderataque attingitur meta.

T A N T U M!

Q U Æ S.



L X X X I V.

Q U Æ S T I O

M E D I C O - C H I R U R G I C A,

*Quam Præsides*

J A C. B E N I G. W I N S L O W.

*Tuebatur*

G U I L L. R U E L L A N

D I N A N N Æ U S.

*Sub hac verborum serie,*


A N A D S E R V A N D A M P R Æ F E T U M A T R E M,

O B S T E T R I C I U M H A M A T I L E, M I N U S A N C E P S

E T Æ Q U E I N S O N S, Q U A M A D S E R V A N D A M C U M

M A T R E F E T U M S E C T I O C Æ S A R E A?

Parisiis 24 Junii anno 1744.





## I.

**P**ariendi difficultas communis omnibus, dispar in singulis, levior his, illis gravior, extrema nonnullis, quibusdam ineluctabilis, imo nec sola manu, nec ullo umquam medicamine superanda. Postrema hæc parturienti fetuique infensa, modo utrique, alteri subinde magis, minus alteri, exitialis. Causæ multiplices; aliæ parturienti molestæ, fetui aliæ; in fetu moles universi corporis, ejusdem vel capitis abdominisve hydrops, partium majorum numerus insolitus, &c. In parturiente, ossium innominatorum conformatio prava, symphysium ossæ pelvis durities, coccygis incurvatæ renixus, orificium uteri strictius; partium vicinarum tumores, &c. Verbo, qualiacumque pariendi ac nascendi impedimenta sive obstacula; quibus annumerare licet mortuum in parturiente viva fetum, mortuam fetu nondum extincto matrem. In cassum huc referri memoratas symphyses forte suspicaris, eadem in partu laxari negantium opinioni favens? Chirurgos urbis peritiores consule; expertas obstetrices interroga; testes oculatos examina. Non ita pridem in scholis medicorum Parisiensium, Clariss. *D. Bouvard* exquisitissima Thesi publica, & simul e suggestu monstrata fæminæ ex partu demortuæ ossæ pelvi recentissima, id satis superque comprobasse memento. Anteriora scholæ nostræ doctorum monumenta itidem scrutare. At omnium instar tibi sit priscum fidumque ejusdemque scholæ oraculum, experientissimus *Riolanus*: „Fateor quidem, inquit, in viris „cartilagineam copulam ossium pubis duram esse, quæ tamen si culter per „copulam exacte ducatur, nullo negotio separatur. At in mulieribus, „mollior est, & in gravidis ante partum unctuofo humore imbuta, cras- „sior apparet”. Citatis deinde *Jac. Sylvio*, *Fernelio*, *Spigelio* &c. idem testantibus: „Sed quid opus est, pergit, testibus in re tam manifesta. „Sola experientia fidem faciet. Sæpius atque *Plusquam Trigesies* in mulieri- „bus a partu extinctis, vel paulo ante enixum, *Vidi* præsentibus medi- „cis & chirurgis, cartilaginem quæ ossa pubis colligat, minimi digiti la- „titudine diductam, ita ut hiulca pubis ossa apparerent, si digito *intus* „attrectarentur. Quod etiam ante dissectionem cadaveris innotescebat, uno „crure sublato; sic enim ossa pubis mobilia deprehendes, unumque alteri „super-eminere. Atque anno 1631 mense Januario, cum publicam ana- „tomen administrarem mulieris, quarto die a partu suspendio strangulatæ, „præsentibus ac spectantibus trecentis auditoribus, in scholis medicorum „demonstravi, commissuræ ossium pubis interjectam cartilaginem digiti „latitudine laxatam; quin etiam *ossis sacri cum ossibus ilium commissuras* „mobiles admodum scalpello tenuissimo facile separavi. (*Anthrop.* l. 6. c. „12. ed. 1649.) Hæcque symphysis (*inquit in Comment. de ossibus*) in „viris atque mulieribus non adeo est stricta atque volunt recentiores, ut „diri-

„ dirimi nequeat , nisi vi adacto scalpello ; nam qui commissuram exacte  
 „ deprehendere potest , scalpello acutissimo , cujus dorsum æquale sit aciei ,  
 „ facillime separabit , tam in viris quam in mulieribus ” . Verum , ut unde  
 recessum , revertamur , in desperatissimo ac deplorando parturientium sta-  
 tu , ubi nec solæ manus , nec qualiacumque pharmaca solari possunt , ec-  
 quid auxilii ? Binæ dumtaxat in universum , tanquam anchoræ sacræ ,  
 hætenus innotuere encheireses , obstetricium armatum seu hamatile , &  
 Cæsarea sectio .

## I I.

Encheireseon memoratarum prior , *Embryulcia* a compluribus appellari so-  
 lita , respectu habito ad vocabula Gallica , *crochet* , *accouchement par cro-  
 chet* , obstetricii hamatilis sive armati potius titulum meretur . Organum  
 hujus præcipuum uncus est , hamo majori æmulus , instrumentis aliis ,  
 partim auxiliariis , succedaneis partim , subinde stipatus . Variam unci for-  
 mam varii excogitarunt . Antiquissima simplici unco persimilis . Rostrum  
 unci diverse fabricarunt periti sequiores ; magis minusve inflexum alii ; alii  
 versus cuspidem latius ; nonnulli ibidem foraminulo pertusum ; quidam ri-  
 ma patentiori fissum . Collum unci longius breviori præstare iterata post-  
 modum experientia docuit . Primarii hujus organi instrumenta auxiliaria ,  
 cultelli varii , tum recti , tum diverse falcati , imo annuli perexigua cus-  
 pida artificiose muniti , aliaque ejusmodi ferramenta . Succedanea varia va-  
 rii protulerunt , varieque prætulerunt ; v. g. tractorium orbiculare *Mau-  
 riceau* , marsupium reticulare *Amand* , cochlearia gemella *Palfin* , forcipes  
 fenestratos *Mesnard* , uncus odontoïdes *Peu* &c . Altera desperato partui  
 dicata encheiresis , titulo sectionis Cæsareæ insignita , simpliciiori vocabulo  
*Gastrotomia* nuncupari posset . Transeat longa nominis disquisitio historica .  
 Silentio tamen forte non esset prætereundum , scriptorem germanum *Schmit*  
 illud sutori , cui Cæsar nomen erat , & qui primus in uxore sua morti  
 proxima extremum hoc auxilium felici eventu arripuit , attribuere . Inf-  
 trumenta huic inservientia quam maxime simplicia , nec alia fere quam  
 quæ vulneribus integumentorum abdominis communiter adhiberi solent ,  
 v. g. novaculæ , scalpelli , specilla , acus , fila , linteamina , fasciæ &c .  
 Nullæ hic inventiones novæ . En primum encheireseon istarum discrimen .  
 Secundum ostendet usus earundem expositio , ut , si alteram fetui vivo  
 fere semper , ne raro parturienti vivæ nocuisse , altera vero & fetum &  
 matrem una superstites ut plurimum evasisse constiterit , istam non minus  
 anceps nec æque insons in tali casu remedium esse , quam hancce , legiti-  
 ma conclusione censeris possit .

## I I I.

Usus obstetricii hamatilis , seu *Embryulciæ* , primævus erat fetum mor-  
 tuum ,



tuum, ministerio solarum manuum nullatenus cedentem, unco hanc vel illam capitis partem &c. penetrante extra sinum vivæ matris eliminare. Aliquo deinceps tempore hos intra limites usus ille constitit, minoribus præcipue fetibus extrahendis apprime sufficiens. Cæterum hocce nec majores fetus educi, nec varia etiam minorum obstacula tolli posse experti, aliis instrumentis viam unco paraverunt, amputando partes molem augentes, findendo cranium, ut evacuato cerebro vel fero minueretur caput, per-  
tundendo ventrem hydropicum, ut effluerent aquæ. Remotis ita impedimentis ejusmodi, moles reliqua unco, fere veluti hamo piscis, excutiebat-  
tur facillime. Invaluit postea in tali casu uncorum usus, varie tamen, uti dictum, ad varias utilitates aptatorum: felici quandoque successu a vere peritis, sæminei corporis structuræ gnaris, in obstetricio frequentissime versatis, probitate ac prudentia claris adhibitus. Quot etenim parturientes miseras trunculento obstetricio hamatili mactaverunt imprudentes atque impudentes scioli, qui fetum mortuum aut vix semianimem discerpando vivam matrem funeste vulnerarunt; uterum lacerando, fodicando vesicam, intestinum rectum lædendo, aliasque vicinas partes cæcis & errabundis tentaminibus inhumaniter carpando? Quot nondum extinctos necavere fetus, eosque proinde, quod imprimis horrendum, sacro, sine quo nullus ad vitam æternam aditus, baptismali lavacro orbarunt? Aurea hac de re monita Clarissimi D. Heisteri, ex locupletissimo ac doctissimo ejusdem tractatu chirurgico propriis transcribi verbis merentur: „ Oportet autem (inquit, p. m. 1061.) hic ante omnia, & quam fieri potest diligentissime, vere-ne jam mortuus, an vivus adhuc infans sit, explorare, ne vivum ad-  
huc infantem temere ac præmature in partu difficili ferramentis aggrediamur, eumque sic vel interficiamus, vel saltem graviter lædamus ac laceremus. Atque id ipsum magis etiam ideo, quia maximam partem incerta sunt atque fallacia, quæ proponi communiter solent, dijudicationis hujus in utero judicia: præsertim si vel in axillam, vel in clunès, vel in dorsum, vel in alterutrum capitis latus conversus esse infans deprehenditur; si quidem his in partibus vel nulla omnino, vel saltem perobscura & incerta vitæ fetus in utero signa sese ostendunt; ita ut facile mortuum existimemus, qui tamen adhuc vivit, licet sæpe valde jam a partu diuturniori sit debilis. . . . Ut ne quid (p. 1062.) enim hic dissimulem, fateri omnino cogor, memetipsum olim, hoc atque aliis signis aliquando inductum, infantem aliquem pro emortuo habuisse, ac proinde velut emortuum eduxisse; quem tamen vivum postea adhuc existisse cognoscebam. . . . Similiter (pergit, p. 1069.) Chirurgi etiam atque etiam hortandi sunt, ne instrumenta prius admoveant, quam de fetus in utero hærescentis morte fuerint certissimi. Vix enim absolvi ab imprudentiæ, negligentæ, imo crudelitatis vitio chirurgi illi possunt, qui fetum adhuc vivum atque discerptum vel dilaceratum ex utero protrahunt”, Eadem

ingenuitate peritissimus olim in hac arte *D. Peu* fatetur se quamplurimis una concurrentibus semel delusum fuisse signis demortui ac putrescentis fetus, quem tamen postea vivum reperit. Itaque cum non raro fetus extincti signa, quæ credita erant certissima, etiam sagacissimos & experientissimos quandoque fefellerint, itidem non raro necat insontes fetus obstetricium hamatile: cumque compertum sit, idem non raro evenire posse, imo eodem varie, quamvis inopinanter, lædi posse matrem; satis patet nec raro anceps, nec semper insons id esse remedium. Verumtamen de aliis obstetricii armati instrumentis ad viventes educendos fetus excogitatis mitius judicium. Scrupulum nihilominus injicere posset ingenui, probi, periti, ac mox laudati chirurgi uncus odontoides, propterea quod, licet in eum præcipue finem, ne sacro fonte privarentur miselli fetus, se illud excogitasse, seque illo, quamvis interdum laboriosissime, vivos ut plurimum eduxisse fetus, ad ædem sacram deinceps feliciter deportatos, abunde testetur; attamen eorum quosdam ex inflicto vulnuscule, ut ut inde curato, post aliquot dies imo septimanam integram obiisse fatetur. Cæterum si hic operandi modus culparetur, hunc etiam se deserere declarat vir erga religionem & utilitatem publicam egregie animatus. Commodiora eundem in finem ferramenta bina, cochlearibus oblongis minusque latis haud absimilia, chirurgus Gandavenis *Palpin*, paulo ante suprema publicavit. Illa sine successu adhibita Clarissimus *D. Heisterus* emendare studuit, sed, ut ipsemet fatetur, non succedente negotio. Felicissimo interea successu eadem ingeniose transformavit peritissimus & in hoc opere exercitissimus chirurgus *Gregoire*; qui duodecim annorum, & quod excurrit spatio, ultra septuaginta fetus orco fere proximos, illorum ita aptatorum ope liberavit ac vivos in lucem protraxit. Quæ imitatione qualicumque in tractatu chirurgico *Mesnard* delineata videntur, neque artificium, nec facilitatem, imo nec simplicitatem variis usibus accommodatissimam instrumenti Gregoriani referunt.

## I V.

Sectionis Cæsareæ sive gastrotomiæ primævo tentamini ansam dedisse fertur vivum e defuncta matre fetum eruendi, vivumque servandi spes avidissima temere non minùs quam audacter concepta. Optato temerarii ausus eventu edocti postea sapientiores sectionem illam in simili casu, speque non minori, majori vero prudentia, a peritioribus administrari posse, imo debere, censuerunt. Quot ab inferis per eam deinceps ereptos esse infantes, non fictæ, sed veræ testantur relationes? Ea vero rarius abhinc administrata, vel demum fere neglecta, quot vivorum fetuum una cum matre mortua funerationes, quotque proinde, quod magis lugendum, fontis salutiferi privationes æternum funestæ? Huc cedro dignissima *Riolani Magni*  
dictata



dictata referre expedit : „ Est enim , ( inquit , Anthropol. l. 6. c. 8. ) res  
 „ magni momenti ad humani generis conservationem scire , an cor in fetu  
 „ propria vitali facultate præditum moveatur ? Quæ ad medicum , juris-  
 „ peritum , & Theologum pertinere videtur. Nam si cor in fetu vitali fa-  
 „ cultate præditum moveatur , per aliquod tempus potest vivere , quo  
 „ temporis spatio extinctæ matri fetus adhuc vivens , secto utero eripi po-  
 „ test salvus & incolumis. . . Est enim inhumanum , post obitum matris ,  
 „ fetui pereunti & suffocari parato , auxiliares manus denegare , & sæpe  
 „ viventem adhuc cum matre mortua eodem tumultu contegere & obruere.  
 „ Idcirco *Jurisperiti* eum necis reum damnant , qui gravidam sepelierit ,  
 „ non prius extracto fetu , quod spem animantis cum gravida peremisse  
 „ videatur. Interest quoque *Theologo* scire , an cor in fetu moveatur , ut  
 „ extinctæ matri superstes Baptismi particeps fiat , & ad cælos rediens , in  
 „ beatorum sedibus Dei conspectu fruatur ; quia nunc Parisiis consuevi-  
 „ mus in moribundis , atque etiam mortuis gravidis , si digito . . . . ca-  
 „ put infantis . . . . deprehendatur , aqua benedicta aspergere , vel digito  
 „ intincto rigare , prolatis verbis Baptismi . . . . Deinde si contingat mulie-  
 „ rem nono mense gravidam morbi violentia perire , vel in ipso pariendi  
 „ conatu convulsionibus enecari ; si parentes , amici , conjux prolem de-  
 „ siderent , consuevimus statim atque extincta est mater , ex medicorum  
 „ & chirurgorum adstantium certo judicio & accurato examine . . . . ma-  
 „ tris mortuæ ventrem aperire , ut fetus extrahatur. Sicque *Vidimus* plu-  
 „ res salvos & incolumes eductos fuisse . . . . Hæcque pia & salutaris fetui ,  
 „ nequaquam mortuæ crudelis , operatio , fieri deberet in qualibet præ-  
 „ gnante mortua , juxta edictum *Jurisperiti* . . . . Maximi profecto momen-  
 „ ti videntur ulteriora magni *Riolani* dictata , ut eorundem præcipua hic  
 „ etiam non possim non allegare. „ Ad claudendum hoc caput adjungam ,  
 „ inquit , memorabilem quæstionem medicis Parisiensibus propositam Bru-  
 „ xellis 1633 & illorum judicium : supponitur mulier gravida septimestris ;  
 „ quæ convulsionibus epilepticis die Jovis circa nonam vespertinam suffo-  
 „ cata fuit. Die veneris spuma ex ore matris prodiit . . . . tumque venter  
 „ affidentibus observatus attolli atque deprimi. Die sabbati circa decimam  
 „ matutinam profluvium sanguinis coëgit adstantibus denudare corpus ,  
 „ & intra femora matris provolutus infans deprehensus adhuc calidus . . . .  
 „ De quæstione ita censemus. . . . spatium illud moræ & mansionis in utero  
 „ triginta sex horarum ab interitu matris , quibusdam suspectum esse potest. . .  
 „ Itaque in ipsis convulsionibus incepit parturire mater , . . . . Sed in ipso  
 „ conatu parturiendi extinctam fuisse matrem , & post aliquot horas fetum  
 „ suoapte impetu , ruptis membranis , quibus inclusus erat , vivum adhuc  
 „ erupisse censemus. Sanguinis vero istud profluvium quod die sabbati ob-  
 „ servatum fuit ab utero matris mortuæ sanguine plero mansisse , ut in qui-  
 „ busdam cadaveribus tertio vel quarto die ab interitu , sanguis ex ore , vel

„ naribus , magna copia profluxisse visus est . . . . . Verisimile est mulierem  
 „ post illas convulsiones epilepticas & hystericas spiratione , sensu , motuque  
 „ orbatam , habitam & derelictam fuisse pro mortua , ut in mulieribus &  
 „ epilepticis sæpissime accidit , quæ ad funus elatæ revixere . . . . . Attamen  
 „ sub finem die veneris , & matrem & fetum , mulieris corpus adhuc calens.  
 „ . . . Et abdominis subsultus ac elevatio manifeste indicant & attestantur . . .  
 „ . . . Ac proinde potuit fetus septimestris die sabbati suoapte impetu . . . .  
 „ vivus emergere , prius tamen mortua & extincta matre. Consultum Bru-  
 „ xellis die 2. Julii 1633 , & subscribarunt medici Parisienses , *And. Duchemin* ,  
 „ *Nic. Pietre* , *Joan. Riolanus* , *Abel Brunier* .” His magni *Riolani*  
 dictatis veluti suffragium eximii ponderis addere jubet ipsa necessitas publica  
 nunquam satis deprædicandas , laudatissimi *Heijleri* admonitiones . „ Merito  
 „ ( inquit , institut. chirurg. p. 759. ) inter Christianos & quoscumque sanæ  
 „ rationis homines , a Principibus & quovis Magistratu legibus severis esse  
 „ sancendum , ut omnes gravidæ defunctæ non solum ante sepulturam , ut  
 „ leges jubent , . . . . incidantur , sed potius post mortem , & quidem quam-  
 „ primum id fieri potest , a peritis medicis & chirurgis scalpello aperiantur ,  
 „ & fetus ex utero ipsarum eximantur , ne cunctando in utero quoque mo-  
 „ riantur , aut sectionem prorsus omittendo cum matre vivi ( quod quam  
 „ maxime detestandum ac horrendum est ) sepeliantur , vel quod quidem  
 „ esset ac ipsos secundum notissimum illud dictum , ( *quem non servasti dum*  
 „ *potuisti , illum occidisti* ) interficere . . . . ” Jam ex illo , qui in gratiam uti-  
 litatis publicæ necessarius erat , digressu ad institutam probationem reverta-  
 mur. Sectionem Cæsaream sive Gastrotomiam non nisi in defunctis gravidis  
 jamdiu administratam , æque in viventibus , omni omnino spe per vias soli-  
 tas partum vivum edendi spe privatis , tentari posse salutariter , tam ad ma-  
 trem quam ad fetum habito respectu , sagaces quidam deinceps putaverunt ,  
 sagaciores alii reipsa tentaverunt feliciter. Sufficerent solæ *Rosseti* narratio-  
 nes , quas nuperrime disputatione publica Clarissimus D. *Bessé* nerveose vin-  
 dicavit. Nec vindicationem illam minuet Clarissimi D. *Bianchi* Professoris  
 Turinensis distinctio inter sectionem ejusmodi externam & internam , nec  
 quam inde suspensionem profert , sectionibus enarratis nonnisi integumenta  
 fuisse discissa , fetusque illos vel extra uteri cavitatem formatos fuisse , vel  
 rupto prius utero in cavitatem abdominis illapso. Id in quibusdam , ut forte  
 alibi , contigisse non negarem , sed in quinta *Rosseti* historia sectionem ipsius  
 uteri nativa omnium ibi circumstantiarum expositio evidentissime testatur.  
 Labet in defensionem ac laudem *Rosseti* , præcipuos historiæ articulos ipsis  
 fere ejusdem verbis referre : „ Bini convocati chirurgi brachium jamdudum  
 „ mortui fetus præsecuerant , sed ejus corpus intra matricem duplicatum ,  
 „ transversimque situm nulla manus ductione regere , nullis forcipibus frus-  
 „ tillatim ad liberius id expediendum minuere , nullis *unculis* prehendere ,  
 „ nedum extrahere potuerunt , id diu multumque conati. Secto igitur recto  
 „ duc-



„ ductu, sed suboblique, abdomine, neque id valde magno ( ut ipsa puer-  
 „ pera ait, ) doloris sensu, deinde utero, chirurgorum putrem, & ex cæru-  
 leo ac subvirescente jam nigrescentem graveolentissimumque fetum tandem  
 „ exemit. . . . ex locis sectis pauculo sanguine exstillante. Secta ex quinque  
 „ septimanis decubuit; . . . inde gravida iterum facili felicique partu eum  
 „ fetum deposuit, rursusque ex illo quater facta est prægnans, nihilo plus  
 „ doloris aut periculi quam prius experta”. Aliarum postea factæ a peritis  
 chirurgis sectionis uteri historiarum veritatem luculentissime confirmat &  
 coronidis instar illustrat nuperrimum encheireseos hujus experimentum sin-  
 gulare, felicissimo cum successu editum a decem peritissimis chirurgis Parisien-  
 sibus, *Bourgeois, Puzos, Souchay, Soumain, sectore, Verdier, Gervais,*  
*Gregoire, Jard, Chauvin, Lafitte*, unanimi opere manus auxiliatrices sibi  
 invicem porrigentibus. Vulnus recens ipsemet *Vidi* & attente examinavi,  
 inexpectatam miratus hilaritatem puerperæ, quasi ludentis; quæ etiam primo  
 post sectionem apparatus fasciarum ipsamet aciculas forte desideratas obtu-  
 lerat, doloris non valde, ut ipsa fatebatur, intensi oblita. Imo in anteriori  
 partu abortivo, ut & in præcedentibus pariendi conatibus dolores multo  
 majores se expertam fuisse testata est. Hæc differentiæ dolorum istorum rela-  
 tio particularis veritatem ejusdem phænomeni, a *Rossato*, aliisque & a chi-  
 rurgo Rotomagensi *Ruleau*, observati manifeste probat. Phænomeni ratio-  
 nem quæris? Partui proximorum, uti & hydropicorum, ventre ultra di-  
 mensionem solitam ac naturalem ampliato, fibræ musculorum abdominis,  
 præsertim ab imo regionis epigastricæ ad pubem & inguina, valde proten-  
 duntur, attenuantur & abinvicem distrahuntur. Recti duorum vel trium  
 pollicum intervallo ab invicem distantes, adeoque non linea alba sed veluti  
 fascia albicante distincti, latitudinem & longitudinem duplo majores acqui-  
 runt, secedentibus nimirum a se invicem & tensis eorum pariter ac latorum  
 utrinque musculorum fibris, tam carneis quam tendineis. Vicina hisce pe-  
 ritonæum, vasa sanguinea, nervorumque stamina simul eodem modo pro-  
 tenduntur & gracilescunt. Ita in omnibus istis partibus & minor sanguinis  
 alluvies & minus sentiendi acumen. Utero distento idem fere contingit, mi-  
 nus tamen in illa, quæ placentam sustinet, & infima quam reliqua ejusdem  
 parte. Perpensis hisce, non adeo miraberis, ex sectione Cæsarea minus do-  
 loris ac minus cruoris alios observasse: præcipue si memineris, omnes has-  
 ce partes, sublatis obstaculis istis, concidere, corrugari, sicque affluentis  
 iterum sanguinis impetum aliquantisper sufflaminari. Methodorum encheire-  
 seos optimam elegerunt supra laudati chirurgi Parisienses; in peculiari trac-  
 tatulo, quem in gratiam juniorum unus ex illis emiserat, plenius, quam in  
 commentario majori expositam. Hac mater optime convaluit, corpore licet  
 minusculo, tenerrimo, & ferendis laboribus impari pluries in antecessum  
 judicato. Hac fetus ejusdem matris integerrime vivens valensque prodiit, &  
 Baptismali fonte regeneratus, ad decem usque dies firma satis valetudine

protraxit vitam, quæ nutricis vel defectu vel negligentia defuisse fertur. Nimis longum foret aliis insuper exemplis testificari, *sectionem Cæsaream sive Gastrotomiam*, opportune, rite, ac perite institutam omni periculo vacasse, ex illa (quod notandum) parturientes sæpe minorem, quam ex partu ordinario, dolorem sensisse, easdem optime convaluisse, ac deinceps iterum iterumque prægnantes via solita feliciter peperisse; atque tum matris tum fetus respectu, illam tali cautione propositam non adeo anceps quam insons remedium esse.

## V.

Verum supra dictis omnibus serio ac simul perpenſis, præsertim admonitionibus severis, tum magni *Riolani*, tum Clarissimi *Heisteri* de non admovendis ferramentis ad extrahendum fetum nisi morte ejusdem certo cognita, & de aperienda post obitum gravida, ne fetus intereat; perpenſis etiam incertis ac peritissimos non raro fallentibus, tum demortuæ gravidæ, tum fetus extincti signis; metus adest, non vanus, sed verus, justus ac religiosus, fetum obiisse creditum hamatili obstetricio sæpius interfici, gravidamque pro demortua habitam sectione Cæsareâ occidi; adeoque admonitiones illas quantumlibet severas in casibus hisce quandoque observari non posse, quandoque prudentia erronea ne quidem observandas existimari. Quinimo, perpenſis iisdem, manifeste patet gravissimos admonitores ipsos, *Riolanum* atque *Heisterum*, illis admonitionibus suis admonitiones alias omnino contrarias subungere, similibus licet innixas argumentis. Gravidam nondum extinctam, & fetus forte vivens fervetur, homicidium judicant. Fetum, ut fervetur mater, interfici sine culpa homicidii posse, imo necessitate quadam crudeli debere, pronuntiant. Dolendum sane *Magnum Homerum nostratem* ita dormitasse, *Tertulliano* vel hallucinanti ac devio, vel ab aliis perperam exposito inconsiderate fîsum. Aeterno silentio velandum esset *Riolani* nostri offendiculum, nisi celeberrimus *Heisterus*, eadem verisimilitudinis bonique specie forsitan allectus, in doctissimo ac locupletissimo, omniumque in universum manibus versato tractatu chirurgico, illud manifestasset, suoque confirmasset suffragio. Neminem quippe excusare potest privata, quam ibi allegat ex Theologis Ecclesiæ Romanæ contrariis, interpretatio sententiarum: *Non occides; Non facienda mala ut eveniant bona; Quem non servasti dum potuisti, illum occidisti*, &c. His aliisque prolixè allatis, ac simili interpretatione privata expositis omnibus opponere sufficiet hocce: *Infantem & justum non interficies*, exod. 23. In tali enim casu fetus omnino insons; insons omnino mater; fetus insons respectu matris, mater insons respectu fetus. Propterea neque fetum infantem, ut fervetur mater, neque matrem infantem, ut fetus fervetur, occidere ulla unquam intentione directa licere, Theologi nostrates optime statuerunt. Huc confirmandæ sententiæ nostræ apponere liceat quod superius in Coroll. IV. locum habere debue-



debuerat, videlicet, Clariss. D. *Heisterum* post admonitiones ibidem citatas, in notis quibusdam subungere sequentia : „ Hujus rei gratia Senatus Venetus ( ut *Mellius* Lib. de arte obstetricia, cap. de Partu Cæsareo . . . . refert ) fancivit, ne gravidæ mortuæ vel pro mortuis habitæ, decussata sectione incidantur, sed simplici, ut alias in sectione Cæsarea, ubi mater adhuc vivit : ut mater, si forte reviviscat, facilius conservari rursusque sanari queat ”. Adhærentes itaque effato, quod nuperime protulit illustrissimus D. *Helvetius* noster, *ne dicas*, inquit, *Cæsareum partum in certa desperatione dubiam spem esse*, cujus effati probationem jam ante hac exemplo singulari in Hist. Reg. Scient. Acad. Anno 1731, allato innuerat, concludimus.

F I N I S.





L X X X V.

DISSERTATIO  
ANATOMICO-CHIRURGICA,  
DE  
NOVO ARTIFICIO CURANDI  
PROCIDENTIAM UTERI

*Quam Præside*

ANDR. OTTOMAR GOELICKE, M. P. P.

*Tuebatur*

JOAN. GEORG. PREUNEL.

Francof. ad Viadrum mens. Novembris 1710.





## P R O O E M I U M.

**H**omo, superbum natura animal, miseriæ suæ ac deplorandæ, in qua vivit, conditionis, non potest efficacius convinci, quam seria primæ suæ originis pensitatione: *Inter stercus enim & urinam nascuntur omnes*, quotquot in hunc mundum prodeunt, forte hac inter omnes mortales æqualiter distributa. Sexus præcipue sequior, cui sobolem concipiendi, nutriendi, edendi & educandi provinciam demandavit supremus rerum humanarum arbiter, innumera quotidie documenta in sese experitur, quibus, si vel leviter animum advertere vellet, à vana illa mentis elatione, in quam præ sexu virili inclinatur, facile avocari inque rationis rectæ gyrum reduci posset. Silentio jam prætereo infinita incommoda, quibus subjiciuntur femellæ, si vel tributum ordinarium, quod singulis mensibus naturæ solvendum est, impeditius succedat, vel aliena loca adfectet, vel plane supprimatur, vel enormi ac prodigiosa in quantitate succedat. Mitto, quibus teneiores ac sensibiliores femellæ ex consensu uteri cum aliis partibus excruciantur, pathemata hypochondriaco-hysterica. In scenam tantum produco molestissima illa symptomata, quibus mox à primis ingravidationis momentis toto gestationis tempore inquietantur mulieres gravidæ: Statim ac enim conceperunt, inappetentia ciborum corripuntur, quædam illarum adpetitu extraordinario ita aguntur in transversum, ut in res prorsus insolitas & esui humano vix inservientes ferantur: Aliæ vomitu, flatulentis aliæ infestantur, in plerisque fluxus menstruorum subsistit, qui tamen aliis quandoque mediis gestationis mensibus in solita quantitate denuo erumpit, inque præsentissimum abortus periculum ipsas præcipitat. Quibusdam tussis molesta supervenit, alias vigilæ continuæ exhaustiunt, aliæ alia, hoc potissimum tempore experiuntur symptomata. Adpropinquantibus porro ultimis gestationis mensibus difficultates urinæ alvique segnities, uti & tenesmus gravidæ occupat. Quibusdam pedes oedematoso tumore inflantur, faciesque abjecto & leucophlegmatico colore ita defedatur, ut sibi metipsis prorsus dissimiles adpareant. Tandemque instante partus tempore rem calamitatis plenissimam subeunt, sibi que ipsis nonnunquam vel fetui exitiosam, qui in lucem proditurus sæpius infelici matri, à qua vitam suam accepit, eandem eripit. Sæpius autem primum suum domicilium, in quo per integrum novem mensium spatium hospitatus est, fit ejus sepulchrum, & contabescens in utero tenellus embryo matrem suam vivum efficit cadaver. Quibus mitiora eveniunt fata, eas pessime interdum mulctat obstetricum imperitia, violentiore manu extractionem fetus molientium, adeo ut nonnunquam una cum fetu ipse quoque uterus protrahatur, atque sic extra pudenda muliebria pendulus conspiciatur; quem adfectum communiter *procidentiam* seu *prolapsum* adpellant. Sicuti autem pleraque hæc, de quibus diximus, symptomata

propter viros eorumque cohabitationem patiuntur mulierculæ: Ita nihil naturali, qua erga pulchriorem sexum ferimur, propensione convenientius, aut medicorum provincia dignius, quam talibus imprimis artificiis excogitandis operam navare, quibus uterus extra sedem suam naturalem prolapsus efficaciter restituere & retinere liceat, ut ei denuo usui subserviat, cui à natura destinatus est. Producemus ejus rei specimen in nova quadam *Pessuli uterini*, elaterio quasi gaudentis, specie, qua uterus vere prolapsus in locum suum naturalem non solummodo dextre reponitur, sed & efficaciter retinetur. Quibus nostris conatibus ut *Deus O. M.* in salutem & incolumitatem sexus feminei ex alto benedicat, est, quod humillime precamur.

## §. I.

**D**Um novum orbi medico insinuo artificium curandi *procidetiam uteri veram*, neminem fore existimo, qui probro mihi daturus sit, quasi novitates, aliis dudum antiquatas, studiose adfectem; facile enim largior, aliis antiquum videri posse, quod mihi omnino novum est. Interim scabiosum illud ac propemodum insanabile qualiacunque aliorum inventa cavilandi cacoethes, quo innumeri literatorum hodie pruriunt, multos moratur, quo minus ea, quæ in humani generis commodum utilia deteguntur inventa, debitum inveniant adplausum, quin potius in prima, ut loqui amamus, herba suffocentur. Ejusmodi Zoilos, qui nihil bonum, utile rectumque putant, nisi quod ipsi invenerint, non nostra tantum, in quibus vivimus, tempora gignunt; sed & ævo Hippocratis uberrimus jam eorundem fuit proventus; proinde tales alienorum inventorum irrisores gravissime reprehendit libro de arte, dum ita in eosdem invehitur: *Eorum aliquid, quæ nondum inventa sunt, invenire, quodque invenisse, quam non invenisse præstiterit, similiterque imperfecta ad finem deducere, id mihi videtur illius esse munus, qui intelligens existimari cupit: Qui vero ea, quæ ab aliis inventa sunt, inhonestorum verborum artificio contaminare contendit, neque quicquam corrigat, sed a peritis inventa apud imperitos traducit, is sane prudentiæ existimationem tueri velle non videtur, sed potius naturam suam aut ignorationem malitiose prodere. Solis enim artium ignavis hoc opus competit, qui ambitiosius quidem contendunt, neque tamen improbitate sua ullo modo præstare possunt, ut aliorum opera vel recta calumnientur, vel non recta reprehendant.* Non autem hic sermo mihi est de novis quibusdam speculationibus vel opinionibus, quæ sæpius præter solam curiositatem nihil amplius habent in recessu, sed de instrumentis seu organis novis, ex quorum adplicatione vel in emendanda partium humani corporis vitiosa figura, vel in restituendo situ membrorum læso præsentissimus sequitur effectus: Quorsum haud dubie novum hoc pessuli



peffuli uterini artificium pertinet, quo uterus vere extra sinum muliebre prolapfus in locum suum naturalem restituitur.

## §. I I.

Prius vero quam descriptionem ejus plenius persequar, præmissa consideratione nominali, paucula de substantia, situ & connexione uteri cum partibus vicinis prælibanda sunt: Hinc enim princeps suum argumentum mutuatur, qui procidentiam uteri veram negant aut dubiam saltem reddunt, sicuti paulo post patebit. Equidem perinde mihi fuerit, si quis adfectum, quem tractaturus sum, *procidentiam* vel *prolapsum* vel *descensum*, vel *exitum* seu *dislocationem* vel *precipitationem* vel *herniam uterinam* vel *inclinationem uteri* &c. vocaverit: Ea enim semper animo meo infedit opinio, in ipsis rerum denominationibus non esse quærenda mysteria: Quia tamen sensui communi medicorum, ita & non aliter loquentium, stricte inhærendum & à terminis artis receptis vix citra fonticas rationes recedendum: hinc promiscuæ ejusmodi rerum à se mutuo distinctarum adpellationes non temere adprobandæ. *Descensus* à *procidentia* seu *prolapsu* differt gradu; utero enim intra limites vaginæ adhuc subsistente, descensus tantum adpellari consuevit: Eodem vero extra labia pudendorum propendente, procidentia seu prolapsus vocatur adfectus. *Precipitationis* vocabulum admodum infulsus est pro eodem adfectu denotando, & plurimis jam aliis barbarum visum fuit. *Herniæ uterinæ* denominatio æquivocationem admittit, ex quo *Sennertus*, practicus sui temporis famigeratissimus, singularem & à nullo medicorum ad illa usque tempora observatam uteri adfectionem sub hoc *herniæ uterinæ* nomine proposuit, cujus non solummodo in *institutionibus lib. II. part. I. cap. 9.* sed & *oper. pract. lib. IV. part. I. sect. II. cap. 16.* mentionem facit, hunc fere in modum: Uxor viectoris cujusdam ad sinistrum inguen violenter percussa est, ex quo peritonæum non tam ruptum quam laxatum tantum fuit; nam paulo post tumor ad sinistrum inguen obortus, qui brevi tempore tantum fuit incrementum, ut intra abdomen recondi nullo modo posset. Incidente itaque de utero prolapsu suspicione, eventus omnem tandem dubitationem sustulit; uterus enim conceptu gravidus, fetu indies aucto, dilatatus, simulque cum eo cutis inguinis sinistri, qua uterus prolapsus erat, ita extensa, ut utero & cute conclusus fetus facci instar aut cucurbitæ oblongæ majoris modo propenderet, motusque infantis tandem & tactu & visu manifesto perciperetur. Atque hinc proinde adfectum nomine herniæ uterinæ merito indigitat, eumque à procidentia seu prolapsu uteri vere distinguit. Similiter *inclinatio uteri in alterum latus* à procidentia proprie sic dicta differt, ipsumque *dislocationis* vocabulum, quamvis situm uteri mutatum generice insinuet, ad indigitandam tamen propriam adfectus indolem vix satis videtur esse adcommodatum.

## §. III.

De substantia uteri, missis reliquis, de quibus loquuntur anatomici, id tantum observo, eam diversis temporum intervallis dilatationis æque ac constrictionis admodum esse capacem, non aliter ac videmus in bursa virili, quæ ad horrorem & frigus externum aliasve causas valide contrahitur, iis vero remittentibus mox relaxatur. Mirum dictum est, quomodo ab embryone intus concluso, & majora pedetentim incrementa fumente, ita sensim volumina ejus expandantur, ut in femellis tenerioribus ac valde macilentis ipsi abdominis muscoli membranarum instar extenuati veluti conspiciantur, crassitudine interim uteri ne vel minimum remittente, quin potius sub tanta uteri mole aucta; sicuti & mihi & quibusdam auditorum meorum ante triennium videre contigit in muliere rustica partui proxima, quæ ex inflammatione enormiori oculi, ad phrenitidem usque invalescente denata fuerat, cujus cadaver (fetus enim vivere adhuc credebatur) in absentia medici provincialis ordinarii secandum nobis injungebatur. Partu autem excluso in pristinos angustos limites ita rursus constringitur uterus, ut cavum ejus vix amygdalam capiat; quo eodem in statu versatur quoque in puellis non maritatis.

## §. IV.

Quod *situm* uteri attinet, sciendum, occurrere illum in medio hypogastrii, eo præsertim loco, quem *pelvim*, ex concursu ossium ilii, coxendicis & sacro formatam, adpellant anatomici, inter vesicam urinariam, quæ immediate incumbit, & intestinum rectum. Quem commodum situm eum præcipue in finem provida natura ipsi indulgit, ut eo minori prolapsus periculo subesset; cui melius confirmando varia alia adhuc ligamenta velificantur, quibus partibus proximis adligatur, & antè quidem ope peritonæi vesicæ urinariæ, postè intestino recto, utrinque vero a lateribus per duo ligamentorum paria, quorum priora à figura *lata* vocantur, & uterum ossibus ilii adnectunt, posteriora vero *rotunda* audiunt, pariterque eundem, quippe à lateribus ejus ortum suum deducunt in situ suo confirmant. Fundum autem undiquaque liberum extitisse oportuit, ut pro mole & incremento fetus, quod successive acquirit, sufficienter dilatari & expandi valeret. Et sicuti ipsum uterum mirificæ dilatationis & constrictionis capacem esse modo adnotavimus: Ita & ligamenta ejus diversæ huic toni sive remissioni sive intensiori subsunt, adeo ut illo præter modum quandoque remittente nihil impediat, quo minus uterus non solum quoad partem vaginæ, sed & fundum ejus, adeoque vere extra sinum pudoris elabatur.

## §. V.



## §. V.

Id vero potissimum est, quod multis magni nominis medicis ansam suppeditavit, procidentiam uteri veram vel aperte negandi, vel de eadem saltem subdubitandi; credunt enim, impossibile esse, uterum quatuor validissimis ligamentis, duobus rotundis totidemque latis non suspensum, sed firmatum ita prolabi posse, ut extra sinum pudoris promineat. In horum numero suum imprimis nomen profitetur *Theodorus Kerckringius*, qui *observ. anat.* 20. phalerato sarcasmo gravissime invehitur in *Veslingium*, *Bartholinum* & *Laurentium*, eosque, quasi a sola vaginæ uterinæ extra pudenda prominentis, istaque quandoque ludibria efficientis, laxitate sibi incaute imponi passi fuerint, insimulat lauteque irridet. *Jobus à Meeckern* prolapsum uteri verum non quidem penitus negat, sed eundem nec adeo frequentem esse, ac vulgo dicitur, nec à causa tantum interna, relaxatione scil. ligamentorum uterinorum procedere existimat, argumento desumpto à firmissima ista uteri cum intestino recto circa os sacrum partesque vicinas connexione: Interea utique concedit, externa quadam violentia, in partu nempe difficili & arctiori secundinarum cum interna uteri substantia cohæsione extrahi eundem posse; hoc autem modo adfectum, non *prolapsum* vel *procidentiam* esse vocandum, sed *violentam* potius *extractionem*, & mulieres ea ratione adfectas propter lacerationem vasorum ac ligamentorum vix unquam salvari, sed semper necessario interire. Quare eodem præjudicio deceptus negat, uterum ita protractum, & sphacelo corruptum citra dispendium vitæ arte chirurgica rescindi posse, sed ejusmodi operationem, utut à chirurgis temere susciperetur, cum præsentissimo vitæ periculo conjunctam esse. Eandem cum Meeckerano sententiam fovet quoque *Barbette chirurg. cap.* 8. sustinens, uterum non facile laxitate, multo minus disruptione ligamentorum latorum prolabi: Interea tamen in gravi parturientium feminarum nisu & incauta secundinarum extractione fundum uteri inversum sese vidisse, non diffitetur. Ipsum autem sine periculo exscindi posse, intolerabile esse audire saltem perito anatomico subjungit. Huic adstipulatur quoque *Doleus*, nullumque alium agnoscit prolapsum, quam interioris rugosæque vaginæ uterinæ membranæ, utpote quæ sola extra labia pudendorum procidere possit, relaxationem: Fundum enim uteri inverti nunquam posse.

## §. V I.

At quid opus est contra hos aliove plures prolixam & ordinatam argumentorum aciem instruere? Nullum enim efficacius, speculationes in veritate facti non fundatas, confutandi est remedium, quam experientia & oculata practitorum rerum suarum satagentium fides. Memoratu dignum talis procidentiae uterinæ veræ casum ex observatione *D. Johannis Conradi*

*radi Peyeri* nobis recensent *Eph. N. C. Dec. II. An. I. obs. 84.* ubi primum gravissime, prout meruerant, reprehenduntur *Kerckringius*, *Roonhuijsius* & *Meeckeranus*, duo cæteroquin chirurgi belgarum famigeratissimi, quod matricem unquam vere excidere posse constanter pernegaverint: deinde vero, ne quis existimaret, fuisse forsan vaginæ tantum uterinæ relaxationem, additur, uterum sursum compulsus nonnunquam cum saltu pristinas suas sedes repetiisse, cum interea vaginam in pristinum suum locum restituere non liceret. Id quod & postmodum autopsia in cadavere mulieris dissectæ confirmavit, ubi oculis patuit, uterum reapse prolapsus, neque tamen propterea vincula uteri penitus rupta, sed laxata tantum fuisse. Simile exemplum prolapsus uteri veri ex observatione *D. Johannis de Muralto* communicarunt *M. N. C. eadem Decur. eodemque anno obs. 112.* & quidem inducti per imprudentiam obstetricis, fetum una cum secundinis, utero pertinaciter adhærentibus nimia cum violentia protrahentis, eoque ipso uterum invertentis, idemque loco allegato *obs. 141.* recenset aliam talis procidentiae à simili causa oriundæ historiam, ubi ab incauta obstetrice uterus loco fetus fuit protractus, ut marsupii inversi instar extra abdomen propenderet. *Isbrandus de Diembroeck* suum quoque addit testimonium, & *Anat. Lib. I. Cap. XXIV.* fatetur, seipsum in concubina Satrapæ *Leerdamensis* vidisse uterum ad duorum digitorum latitudinem e sinu propendere, quem ipsemet etiam (quia chirurgos admittere noluit) manibus tractaverit, & conveniente instrumento versus interiora in locum suum retruserit, & ægram porro ita perfunxerit, ut postea illa pars nunquam amplius prociderit: ubi simul etiam provocat ad historiam mulieris, quæ legitur apud *Carpum*, cui uterus non solum foras prolapsus, verum etiam exsectus sit; ad auctoritatem *Paræi, Lib. XXIII. cap. 41.* exemplum uteri prolapsi & ab ipso *Paræo* exscissi & post mortem mulieris in abdomine non inventi adducentis; imo & ad *Hildanum Cent. 4. obs. 60. 61. & 62.* ubi à viro fide digno tria istius prolapsus exempla inveniuntur descripta. Cum hisce omnibus poterit, cui volupe est, conferre *Nicol. de Blegny Zodiac. Gallic. Ann. 3. mens. August. obs. 8. Francisc. Mauriceau de morb. Mul. Lib. II. cap. 13. Bonét. Sepulchret. p. 1320. Ephem. N. C. Decur. III. An. I. obs. 114. & Petr. Marchett. observ. chir. 61.*

## §. VII.

Omniū clarissime auctoribus antea memoratis glaucoma dispulisse & detraxisse videtur *Fredericus Ruyschius*, anatomicus & chirurgus nostri ævi celebratissimus. Mulieri, inquit, triginta circiter annos natæ, uteri admodum incrassati propendentia tantam adferebat molestiam, ut incedere vix potuerit. Consultum fuit, uteri extirpationem post injectam ligaturam moliri. Acu ergo tricipiti, filo duplicato munita operationem adgressus quidam magister, ligavit satis fortiter uterum e corpore propendentem: ast  
utinam



utinam nil præter eam partem acu & filo comprehendisset ! Patiens per unum atque alterum diem nihil reddidit lotii, quod nobis ausam dedit suspicandi, meatum urinarium simul acu & filo esse constrictum, prout eventus quoque docuit. Ægrotæ miserandæ brevi post denatæ cadaver aperui, & conjecturam nostram non inanem fuisse advertimus. Scil. meatum urinarium simul cum uteri corpore tam arcte ligatum, ut nil lotii reddere valuerit. Hic mihi, quid de uteri procidentia statuendum sit, perscrutandi locus fuit. Notum est multos reperiri, qui perhibent, uterum nunquam e corpore posse prolabi. Ex iis, qui contrarium propugnant, nonnulli in prolapsu uterum quoque inverti, alii uteri prolapsum nil nisi vaginæ procidentiam esse adserunt. Litem dissipavit cadaver hujus miserandæ fæminæ: aperto enim abdomine in pelvi, qui locus est uteri, nil vidimus, præter unum ex ovariis cum adnexa tuba & ligamento lato. Uterus totus quantus & non inversus propendebat, & adeo deformis & ingens factus, ut nunquam ante cadaveris apertionem uterum esse dixissem, nisi in extimæ partis centro osculum conspexissem, ex quo levi opera guttulas aliquot sanguinis exprimebam &c. Atque in eo Ruyschius habet consentientes multos alios nostri temporis medicos celeberrimos, Wedelium, Schellhammerum, qui talem vidit prolapsum & partum ex eo consummatissimum, Johannem Mauritium Hoffmannum, qui similem casum observavit, Regnerum de Graeff, qui in quatuor puellis, de quarum læsa virginitate ne minima quidem subesse poterat suspicio, talem uteri prolapsum verum, sola fomentorum adstringentium adplicatione restitutum sese observasse tractatu de organis genitalibus mulierum scribit. Quibus omnibus si ex antiquitate testimonia adjungenda forent, ipsum quoque Hippocratem hac in parte nos minime derelicturum speraremus, quippe qui uteros quacumque de causa propelli suo jam tempore adseruit.

## §. VIII.

Equidem inficias eundem non est, internam vaginæ uterinæ tunicam, quippe rugosam ac valde dilatabilem, nimiam quandoque relaxationem passam, extra pudendorum labia prominere, & procidentiam, quam veram antea diximus, mentiri, sicque obstetricibus, chirurgis atque medicis incautis imponere: qualem prolapsum spurium patiuntur quandoque gravidæ, potissimum primiparæ, si partus tempore legitimo nondum instante nimis intempestive ad labores partus urgeantur, quale exemplum nobis recensent *M. N. C. Dec. II. Ann. VII. obs. 54* & *An. V. ejusd. Decur. obs. 150.* de muliere quadam, cui corpus aliquod carnosum ovi anserini magnitudine sinum pudoris implevit, quod tamen primo partu, quotiescumque sponte egrediebatur, facili negotio digitis reponi poterat, imo decubare in lecto uxori nonnunquam sua sponte retrocessit, sicuti herniosis etiam contingere novimus. Cum vero secunda vice gravida abortum pateretur, fru-

stulum illud carnis extra sinum propendere iterum cepit, & non nisi summa cum difficultate & vix sine metu suffocationis restitui potuit. Medicis itaque & chirurgis præsentibus recte judicantibus, procidentiae radicem non in cavo uteri, sed in altiore tantum vaginæ parte fuisse, ad evitandum gangrænæ periculum merito sectionem adornandam esse censuerunt, quam successus adeo felix coronavit, ut uxor integre convaluerit ac denuo peperit. Unde constat, procidentiam non fuisse veram, sed tantum spuriam: alias enim nec concipere nec parere iterum potuisset. Simile exemplum prolapsus uteri nothi occurrit *Ephem. N. C. Dec. II. Ann. X. obs. 181.* proceditque, ut modo innuimus, vel ab intempestivis istis moliminibus, quæ ante debitum parturiendi tempus suscipiunt mulierculæ, vel ex intensiori spiritus cohibitione sub magni ponderis elevatione, vel si exantlatis partus laboribus nimis cito ad consueta sua munia revertantur, qualem casum nuper adhuc observavi in muliere quadam paupercula, artem lotriciam proficiente, quæ post tertium à partu diem ad ordinariam suam professionem reversa, spurium talem uteri prolapsum incurrebat, eodemque per vices adhuc laborat. Etsi enim subinde prorsus evanuisse videatur; subinde tamen, sub ponderum præcipue majorum elevatione revertitur. Nonnunquam nimia alvi durities & nisus fortior egerendi fæces alvinas crassiores & induratas membranam uteri internam usque adeo extendit & prominere facit, ut mulierculæ & obstetrices, interdum etiam medici, anatomix & chirurgiæ imperiti, eam habeant pro descensu uteri vero, cum tamen spurius tantum sit, & sola vaginæ uterinæ relaxatio.

§. IX.

Ex quibus proinde omnibus liquet, uterum in extremo necessitatis casu, eodem scil, sphacelatione corrupto, arte chirurgica citra dispendium vitæ amputari posse, quicquid etiam in contrarium dicat *Barbette*. *Platerus* enim historiam habet mulieris, cui uterus sphacelo corruptus tandem resectus fuit, menstruis postea aliorum vergentibus, & per podicem constanter effluentibus. Alium casum uteri, ex sede sua dejecti & ab aere ambiente corrupti, tandemque manu chirurgi & quidem citra vitæ periculum amputati, exhibent *Ephem. N. C. Dec. II. Ann. IX. obs. 94.* Ut hac vice silentio præteream exemplum puellæ, cujus meminit *de Graaf*, cui pater ob nimiam salacitatem, quæ eidem exosam sese reddiderat, uterum excidit, non aliter ac in porcis fieri solet, ubi filia nihilominus supervixit, omni tamen pristina libidine prorsus extincta.

§. X.

Similiter patet ratio & fundamentum nostræ inscriptionis in titulo Disputationis; quippe quæ exhibet *novum artificium restituendi prolapsum uteri verum,*



*verum*, ut hoc modo distinguatur à *spurio*. In illo enim totus uteri fundus marsupii instar quandoque inversus extra sinum pudoris propendet; in *hoc* vero tunica uteri interior præter modum relaxata extra pudenda tantum prominet. Est enim interna vaginæ superficies multis rugis orbicularibus aspera ac veluti inæqualis, quæ sicuti sub ipsis laboribus partus admodum dilatari, & fetui foras prodituro exitum concedere debet: Ita à qualibet alia causa nimiam sui relaxationem passa, & à tono suo dejecta foras prolabitur, & quandoque veram procidentiam uterinæ speciem mentitur, sicque incautos fallit.

## §. X I.

Supervacaneum vero est, solertem practicum multis instruere velle, quæ ratione *sarcoma* seu excrescentiam carnosam à *prolapsu uteri sive vero sive spurio* distinguere debeat: hæc enim incautis obstetricibus, medicis vero practicis, anatomiam & chirurgiam callentibus raro imponunt. Nec facile fallere eosdem potest *excrescentia fungosa*, ex collo uteri propendens, qualis historia legitur apud *Bonetum Med. Sept. Vol. II. obs. 33.* Nec denique *mola*, quæ interdum vaginæ, non fundo uterino inhæret, & prolapsum mentitur, hæc oculis ejus ludibria offundere potest: hac enim exclusa prolapsus uterini metus mox evanescit, sicuti talem casum refert Johannes Jænischius, ubi mola uteri tandem exclusa, putatitius iste uteri prolapsus statim evanuit.

## §. X I I.

Est quoque hac vice ab intentione & scopo meo prorsus alienum, in ætiologicam adfectus hujus considerationem diffundi; id enim abunde ab aliis jam præstitum est. Paucis tantum observari vellem, prolapsus uteri verum violentam ligamentorum uterinorum disruptionem, sicuti vulgo auctores & sibi & aliis persuadent, non semper arguere; hac enim ratione nullus unquam prolapsus medelam admitteret: sed per frequenter à sola tantum dictorum vinculorum relaxatione, nimiaque toni remissione eundem dependere, à colluvie v. g. serosa inducta: id quod egregie confirmant non solummodo historiæ superius adductæ, sed & mulieres duæ apud *Bartholinum*, quarum historia exhibetur à *Boneto Med. Sept. Vol. II. obs. 32.* Imo & exemplum virginis, quod legitur in *Ephem. N. C. Dec. I. Ann. VI. & VII. obs. 73.* cui uterus pugni minoris magnitudine extra genitalia protuberabat. Etsi enim alias puellæ non maritatæ rarissime procidentiam uteri patiantur: attamen easdem non prorsus ab hoc adfectu esse immunes, ex dictis clare constat.

Potius itaque missis hisce ad curationem adfectus nos convertimus, qui præter incommoda, quæ inter incedendum parit mulierculis, ob symptomata simul conjuncta, ardorem urinæ, dolorem lumborum ac pubis, & quod ægræ nec erectæ commode stare, nec sedere, nec pronæ nec supinæ facile jacere queant, imprimis vero ob metum sphaceli, qui utero extra sinum muliebrem propendenti tam ab aëre ambiente & excrementis continuo prodeuntibus, quam a perpetua femorum allisione promptissime accedere solet, celerrimam sui restitutionem postulat; quæ duobus potissimum momentis absolvitur, *repositione* nempe organi prolapsi, ejusdemque in loco suo nativo *retentione*,

## §. XIV.

Quod *repositionem* attinet, suo quisque sensu hic abundat vel luxuriat, imo quorundam conamina usque adeo absurda sunt, ut risum invitis merito extorqueant. Nonnulli enim ferramentum candens, quasi uterum eo ipso tacturi, ægræ ostendunt, credentes, hoc modo uterum ad pristinas suas sedes sese recepturum; qui si credant, uterum esse animal vivum in corpore vivo, sicuti deliravit Aristoteles, pedibus instructum & quasi currendi facultate donatum, ac proinde in fuga salutem suam quæsiturum, suo fortassis fine non excident: jam vero res aliter sese habet. Alii cucurbitulis siccis cum magna flamma regioni umbilicali adplicitis reductionem uteri tentant, quorum tamen conatus omnes identidem vanos, irritos atque frustraneos esse oportet, quia partium solidescantium membranoso-carnosarum longe alia, quam humorum in motu constitutorum est conditio, in quibus quippe vis revulsoria parvam aut nullam exerit efficaciam. Nonnulli eodem revellendi scopo præscribunt vomitoria, putantes laborioso tali ventriculi totiusque abdominis conatu uterum versus superiora in locum suum reversurum: hi vero tantum abest, ut prioribus fine suo felicius potiantur, ut jure potius metuendum, ne violenta ista totius corporis concussionem malum in pejus ruiturum sit. Rudior quoque, medicoque ac chirurgo rationali indignus est modus, uterum restituendi baculo ligneo, linteo subtili undiquaque obvoluto; ille enim pariter sine magna violentia organo tenero atque sensibili inevitabiliter inferendo expediri nequit. Nonnulli pro eodem scopo obtinendo odorifera naribus & graveolentia pudendis admoveere solent, eventu tamen æque dubio atque incerto: sicuti enim pathemata hysterico-spastica ex odoriferis naribus admotis non in omnibus promiscue, sed ordinarie magis in subjectis teneris, gracilibus & exquisite sensibilibus insequuntur: ita etiam effectus, quem inde sibi promittunt, eventui non æque semper respondet, licet alias uterum ejusmodi rerum admotione in dispositis admodum esse sensibilem non sit ignotum.

## §. XV.



## §. X V.

Rectius ejusmodi miseris consulunt, qui ex panno linteo sæpius convoluti & filo strictius ligato pessaria parant, vel sacculis lanugine gossypii infarctis & oleo probe inunctis restitutionem tentant. Imo ipsa mulier prolapsu tali laborans sibi ipsi tali in negotio abunde sufficit, suisque digitis uterum in genuinum suum locum reponere potest, dummodo nimia nondum inflammatione laboret, aut corruptionis primordia in eodem adpareant. Præprimis si eum, qui pro commodiori ac faciliiori uteri restitutione requiritur, habeat situm, atque supina, cruribus divaricatis genubusque sursum retractis, recumbat. Ita enim satis expedite vel solis mulieris vel chirurgi aut obstetricis digitis vel pessario conveniente in locum suum naturalem reponi potest: qui tamen conatus ut eo feliciorum sortiatur eventum, ipsa prius vesica urinaria & intestinum rectum, quas partes secundum naturam interjacet, sordibus suis excrementitiis liberanda sunt; quia alias cervicem uteri comprimendo restitutionem certissime difficiliorem redderent: unde & nequaquam impetuose aut violenter, sed modeste & singulari cum circumspectione molienda est, ut si inter reponendum de dolore lumborum & coxarum extraordinario conqueratur ægra, ab ulteriori conatu tamdiu desistat chirurgus vel obstetrix, donec infessuum vel fotuum emollientium usu aliquoties repetito, restitutio partis prolapsæ facilitata fuerit.

## §. X V I.

At enim vero non sufficit, uterum hoc modo reposuisse, sed & eundem in hoc suo situ confirmasse & conservasse juvabit. Quamvis enim interdum sola quies & decubitus fæminæ supinus, coxis paulisper elevatis & cruribus complicatis sufficiant, pro utero in sede sua naturali continendo, præcipue in juvenculis & subjectis habitus firmioris, in quibus insuper malum adhuc recens fuerit, nec firmiores egerit radices: attamen idem illis haud raro evenit, quod toto die contingere experimur herniosis, qui ex situ corporis horizonti propemodum parallelo in perpendicularem erecti, mox portiunculam intestini per dilatatum peritonæi processum in scrotum denuo illapsi observant. Quare retentionem istam uteri per suffumigia & fatus adstringentes ex radicibus bistortæ, tormentillæ, floribus balauustiorum, rosarum rubrarum & foliis absinthii, millefolii, myrthi &c. paratos juvare & confirmare moliuntur. Quibus omnibus, uti haud raro cum opprobrio experiuntur practici, nihil proficientibus, ad sola pessaria tanquam ad sacram quandam anchoram recurrendum est.

## §. X V I I.

Hic tamen iterum tam ratione formæ & figuræ, quam ratione materiæ,

ex qua componuntur, mira est luxuria, &, quod alio sensu in proverbio dici consuevit, varietas delectat. Quibusdam placet figura ovalis, qualem exhibet fig. I. Iconismi vel ad ovalem proxime accedens, qualem fig. II. repræsentat, Aliis rotunda & circularis commodior videtur, qualis fig. III. conspicitur; rursus aliis quadrata, aliis alia pessi forma magis arridet. Duos priores funiculo A. & B. ad alterutrum extremorum alligato oportet esse instructos, non solummodo, ut pro lubitu & arbitrio mulieris extrahi queant, sed & fasciæ abdomini circumjectæ alligari, ne violentius matrice excussi in terram impingant, utpote quod menstruorum tempore perfrequenter contingere solet. Nonnulli pro utero in loco suo post repositionem præcedentem retinendo certam subligaculi speciem adhibent, quam Zonam Hippocratis vulgo vocant, ejusdem ferme structuræ cum illis subligaculis, quibus intestini portio scrotum illapsura impeditur, & post repositionem in naturali suo situ retinetur. Talia vero subligacula, præterquam quod admodum sint incommoda, toties insuper removenda sunt, quoties urinam excernendi necessitas incumbit mulieri. Alii nucem juglandem excavatam & cera virginea exterius obductam utero indunt, alii globulis vel pilis ligneis cera inductis eundem in finem utuntur. Oportet tamen hosce globulos ex ligno buxæo vel subere incerato factos non nimis esse magnos, quia alias molesto pressionis sensu adficerent uterum atque hinc vel fluxum album excitarent vel post se relinquerent. Nonnulli pro utero restituto in sede sua nativa corroborando, regioni pubis vel lumborum emplastrum contra rupturas vel aliud quodcunque fortiter adstringens admovent, atque effectum, quem inde sibi præstolantur, non semper excidunt. Wedelius mentionem facit femiæ, quæ pomo in uterum intruso præcavebat, ne invitæ elaberetur multumque facefferet negotii: Ast halitu retento, & nisu versus inferiora facto, non pomum tantum cum impetu excludebatur, sed & uterus ipse mox sequebatur: Quod & ne prioribus artificiis facile eveniat, ad modum vereor: Taceo, quod fordium excrementitiarum profluxum remorentur, aliasque corruptelas adferant.

#### §. XVIII.

Hisce incommodis quodammodo mederi studuerunt alii, qui pessos commendarunt annulorum instar perforatos, quique proinde ad nostrum, quem intendimus, scopum accedunt propius. *Joannes de Muralto*, celebris Helvetiorum medicus & Gymnasii Tigurini Professor, quique ab aliquot retro annis non infeliciter artem subinde obstetriciam exercuit, pessulorum ejusmodi annulorum instar perforatorum meminit: Quæ verò de reliquo genuina eorundem fabrica & constructio fuerit, subticuit, sicuti ex *M. N. C. Dec. II. An I. obs. 112.* manifeste constat. *Joannes Bauhinus* mentionem quoque injicit circulatorum, ex filo argenteo rotundo paratorum cum furca trifida ex eadem materia, & quidem utero immittendorum: Ast cum ipse simul moneat, tale instrumentum ab uteri pondere facile iterum foras propelli,



PELLI, adeoque fascia demum commoda retinendum esse, patet iterum structuram ejusdem à nostro artificio quam diversissimam esse. Ita etiam descriptio instrumenti, quod in arte herniarum curatrice suppeditat *Doctiff. de Blegny*, ab ea, quam mox adferemus, machinulae delineatione longissime differt. Ut adeo, quotquot ego quidem auctores hactenus evolvi, talis pessuli, qualem jam descripturus sum, formam, structuram & usum, à nemine adhuc delineatam aut descriptam viderim.

## §. X I X.

Est autem pessulus iste figuræ propemodum coniformis, basin habens ampliore, in conum detruncatum sensim desinentem, atque ex meris circulis ferreis mediocriter crassis (*Eysern Drath*) singulari artificio in talem formam coaptatis, ut digitis paulo fortius compressus in se quidem promte coeat & contrahatur: sed pressione remittente in pristinam suam figuram mox resiliat & extendatur. Filum ferreum, ex quo machinula paratur, interius oportet esse obductum fasciola linea angustiore, exterius vero corio molliore, ne uterum rigiditate sua premat eidemque molestiam creet. Utrinque ex basi latiore propendere debent ligamenta C. & D. ut iisdem, necessitate sic exigente, instrumentum adprehendi utroque extrahi queat. *Ichnographiam* ejusdem, prout ex meris circulis ferreis componitur, exhibet Fig. IV. *orthographiam* vero Fig. V.

## §. X X.

Atque ut medici & chirurgi solertiores clarius videant, quid præcipue subsidii in praxi medica & chirurgica ex hoc invento promittere sibi debeant, tribus adhuc verbis egregiam illam prærogativam, qua præ omnibus aliis pessorum uterinorum hucusque detectorum speciebus eminet, exponam. *Primo* enim hoc artificio duabus simul intentionibus & scopis curativis satisfacimus; quia eodem uterum non solummodo in sedem suam naturalem reponimus; sed & in eadem confirmamus: est enim organon virtute veluti elastica præditum, quod violentia externa facile quidem comprimitur, sed eadem remittente mox resilit, & figuram pristinam, prout omnibus corporibus elasticis solenne est, adfectat: eadem fere ratione, sicuti ruditer observare licet in sedilibus, quorum sedes ex filis ferréis certo artificio invicem contortis & corio postmodum inductis paratur, quæ, si quis iisdem insideat, mox deprimuntur, si vero resurgat, mox iterum elevantur, atque, ut ante, protuberant. *Deinde* hoc instrumentum in nulla facile corporis concussione ac depressione abdominis versus inferiora, utut violenta, ulli explosioni aut excussioni obnoxium est, sicuti hunc defectum in sphaericis, ovalibus alteriusque figuræ pessulis antea observavimus; sed in utero constantissime conclusum manet, nisi mulier ipsa ob certarum circumstantiarum rationem necessarium judicaverit pessulum eximere. *Tertio* idem quoque instrumentum annulorum instar perforatum est

est, ut excrementorum per uterum excernendorum transitum non remoretur, sed libere transmittat. Reliqua, quæ cum aliis pessariorum speciebus, quorum descriptiones auctores passim suppeditant, communia habet, silentio lubens prætereo.

#### §. XXXI.

Neque vero *curam* tantum *palliativam*, ut plerisque videri posset, sed vere *eradicativam* pollicetur hæc machinula, adeoque nec per totam vitam gestare eandem opus est, quippe quod intolerabilem servitutem miserarum muliercularum cervicibus imponeret: Successu enim temporis ligamenta uteri, per violentiam externam antea laxata & præter modum extensa (rarissime enim actualiter rumpuntur) in se mutuo contrahuntur, robur ac tonum suum recuperant, atque ita in loco suo nativo uterus retinetur, præcipue si tonicorum & roborantium internorum usum aliquandiu continuatum diligenter combinemus; sicuti idem quoque herniosis evenire observamus, in quibus rarissime actualis processus peritonæi ruptura, frequentius simplex tantum dilatatio obtinet, quæ facta blandiori intestinuli in abdominis cavitatem repositione, non solummodo, per commodam fasciationem sed & subligaculorum adplicationem ita mensium aliquot decursu rursus coarctatur & veluti occallescit, ut in scrotum amplius prolabi nequeat.

#### §. XXXII.

Unum, quod facile prævideo, & ideo minus quoque nocebit, telum adhuc avertendum est; ejusmodi scilicet machinularum commendationem practicam, frequentem atque sæpius iteratam experimentorum circa eam rem factorum observationem præsupponere, qualis tamen à nemine, nisi praxi undiquaque circumfluente promanare queat. Sufficeret pro telo hoc avertendo regessisse; non omnium conditionem æque facile ferre, praxin popularem, prout vulgo exercetur, studiosius confectari. Sed respondeat pro me hac vice *Galenus*, cujus verba aurea, quæ libro primo methodi medendi mox à principio leguntur, mea facio: Cum ægrotare ceperint, *inquit Galenus*, medicos advocant, non quidem optimos, utpote quos per sanitatem noscere nunquam studuerunt, sed eos, quos maximè familiares habent, quique ipsis *Maxime Adulantur*: Qui & frigidam dabunt, si hanc poposcerint, & lavabunt, cum jusserint, & nivem vinumque porrigent. Postremo quicquid jubebitur, mancipiorum ritu facient. Contra quam veteres illi medici ab *Æsculapio* oriundi, qui tanquam duces militibus & Reges subditis imperare ægris voluerunt: Nequaquam vero Getarum & Phrygum & Thracum emptitorum ritu parere & obsequi. Itaque is non, qui melius artem callet, sed qui adulari aptius novit, apud istos magis in pretio est, huicque omnia plana perviaque sunt: Huic ædium fores patent, hic brevi efficitur dives plurimum.





THE MOUNTAINS OF THE MOUNTAIN RANGE IN THE DISTANCE



*Disp. Chirurg. Tom. III. GOELICKE DE UTERI PROCIDENTIA .*  
*pag. 553.*



numque potest: Huic discipuli multi à cubiculis, ubi jam fuerint exoleti, traduntur &c. Quod vero praxin medicam eo, quo vulgo fieri videmus, modo exercere, non sit res usque adeo implicita, partim quotidiana experientia constat, partim ex verbis Galeni paulo post insequentibus haud difficulter colligere licet, quando ita pergit: Atque hinc adeo fit, ut nunc etiam futores & tinctores & fabri tum materiarii tum ferrarii, proprio magisterio relicto, in medicinæ artis opera insiliant; quin & Rhopopolæ ipsi etiam de primo loco certant. Res est nimis odiosa, quam ut pluribus eandem prosequi consultum videatur.

## F I N I S.







L X X X V I.

DISSERTATIO  
MEDICO-CHIRURGICA,

D E

PROLAPSU ET INVERSIONE UTERI  
EJUSQUE VAGINÆ RELAXATIONE.

*Quam Præside*

D. PHIL. ADOLPHO BOEHMERO.

*Tuebatur*

FRID. BENJ. WACHTER,

NORDHUSIA-THURINGUS.

Halæ 18 Junii anno 1745.





## P R Æ F A M E N.

Q Uum in accurato causarum scrutinio medentis labor versetur, cognitionem earum exquisitam medico adeo necessariam judicamus, ut sine illa nec morbos rite distinguere, nec rationalem principis veris superstructam suscipere possit curationem. Optime enim ille curat, qui morbum bene cognoscit. Quare Hippocrates Lib. de Flatibus, causas, inquit, morbi bene cognoscens, valde potens est ea afferre, quæ corpori commodent, nimirum contraria morborum naturâ perspecta; libroque de natura humana, curationem, ita instituere jubet, ut causæ morbi nos opponamus; quo simul referendum Celsi effatum: Causæ investigatio ejusque primordia & occasio in affectionis & remediorum cognitionem deducunt amplissimam. Licet vero arctus causarum inter se nexus earumque infinitus fere progressus sit, primariae tamen tantum ex his, utpote formalis & materialis, deinde quæ his antecedunt, tam internæ quam externæ a veteribus κατ' ἐξοχήν προηγμένα καὶ προκαταρκτικά dictæ, examini & scrutinio medico subjici debent. Perspecto enim hoc causarum ordine, omnis medela tam ad motum quam ad materiam dirigitur, cognitio autem earum quid valeat in sanandis morbis, ex praxi optime dijudicatur, sub quarum examine rite instituto nonnullas dijudicatu esse faciliores, difficiliore alias & magis occultas, pro ratione nimirum morborum internorum & externorum, quotidiana confirmatur experientia. Moriuntur plurimi & causa mortis ignoratur. Quando puerperæ diem supremum obeunt, raro inquiritur in causas mortis. Qui veram causam haud intelligunt, malignitatem imaginariam, aut nescio quid, accusant, mechanicas omittendo rationes. Hac fuit ratio, cur mecum constituerim, in præsentiarum examinandi affectus quosdam uterinos, quo, quid rationalis eorum dijudicatio & juxta remediorum applicatio ad curationem felicem instituendam, & ejusmodi effectus præcavendos valeat, probe cognoscamus. Elegi mihi thema aliquod de uteri prolapsu & inversione nec non vagina relaxatione pertractandum, fructuosum omnino, medicoque scitu necessarium, etsi ad forum chirurgicum maxime pertineat. Ansam mihi præbuere, casus varii, & affectus quidam inveterati, quorum curatio feliciter successit. In memoriam revoco observationes, quas in theatro anatomico hinc inde Excell. Dominus Præses indefesso labore & accurato scrutinio fecit, quibusque indagandis confluxus cadaverum uterini affectibus mortuorum commodam hæcenus præbuit occasionem. Unicam ex his mecum benevole communicatam referre liceat historiam. „ Virgo cachectica XXX annorum, per „ plures annos laboravit fluore albo benigno, succedente ipsi prius prolapsu uteri incompleto, postea vero completo facto. Dedecus sibi metuit a chirurgorum „ auxilio, forsan ex verecundia, quæ custos virtutum omnium dicenda, hinc „ nulla alia a medicis sibi expetiit medicamenta quam evacuantia, purificantia,

„ & quæ specificam habere dicuntur virtutem in fluore albo. Contigit vero  
 „ causa mali minus cognita, infelix curatio, & tristis rei eventus. Sectione  
 „ post mortem instituta, partes fere omnes sanas præter inflammationem uteri  
 „ ejusque prolapsum completum invenimus. Magnitudo hujus prolapsus extra  
 „ genitalia erat instar capitis fetus, pars superior ejus admodum constricta, in-  
 „ ferior in circulum majorem expansa & valde rugosa, orificium uteri ita an-  
 „ gustum, ut vix ac ne vix quidem acu in cavitatem uteri penetrare potue-  
 „ rimus. Ligamenta non disrupta sed relaxata nimis, pelvis ampla & rotunda,  
 „ vesica urinaria lotio, & intestinum rectum scybalis induratis repleta, partes-  
 „ que omnes inferiores inflammata observabantur”. Facillime quilibet origi-  
 nem prolapsus a causa interna & illi succedentem statim inflammatorium &  
 lethalem dijudicare poterat, & experiri, quid accurata & completa morbi  
 historia ad cognitionem causæ valeat? Differt enim illa, quæ vel ab ægroto per-  
 fecte enarratur, vel questionibus ordine propositis eruitur, a vulgari & empi-  
 rica methodo, qua compendiose plures sine habito respectu ad naturam ægri,  
 statum antecedentem & præsentem, vel per generalia medicamenta, vel per  
 specifica non satis dilaudanda, causas in genere removere conantur. Alta ad-  
 miratione dignus erat locus iste humilis, quo veritas confirmaretur, accidere  
 sapius in virginibus ejusmodi prolapsum uteri completum, a reliquis vulgo dictis  
 uteri procidentis differentem, simulque corporis humani ratio per anatomicas  
 exercitationes magis redderetur comperta, siquidem constat, medicinam om-  
 nem præprimis, quæ manu medetur, sine illa truncam, debilem, minusque  
 potentem esse. Merebatur quoque exactam indagationem, quo ostenderetur,  
 uterum, quem matrem quidem dicimus, dum vices in alendo & conservando  
 gerit, quam diu in sinu fetum recondit, rectius tamen vocari, matrem pluri-  
 morum malorum. Secundum illud enim Hippocratis fæminam bis pati mor-  
 bum, & Democriti effatum epistola ad Hippocratem de natura humana,  
 constat uterum millenarum ærunnarum auctorem esse, quibus Wedelius Exer-  
 cit. Medic. Philos. Cent. I. Dec. I. Exerc. VIII. addit, uterum, quem  
 Plato dixit animal furiosum, centrum quoddam morborum constituere, ex  
 quo omnes quasi linæ ductæ illuc rursus e toto corpore confluerent. Ita-  
 que liceat e præcipuis eorum momentis, neglectui a medicis datis potiora seligere,  
 quæ benevolæ C. L. subjicimus censuræ.



## §. I.

**D**E *uteri prolapsu & inversione* nec non *vaginae relaxatione* utpote diversis malæ conformationis & figuræ morbis, nobis acturis, necesse erit, præmittere veram harum procidentiarum descriptionem.

## §. I I.

Est autem *uteri prolapsus*, osculi & colli uteri, vel in sinum pudoris vel extra genitalia procidentia, *inversio*, descensus fundi uteri per orificium ejus vel in sinum pudoris vel extra genitalia, *relaxatio* tandem vaginae, atonia tunicæ præprimis internæ rugosæ extra pudenda plus minus propendentis.

## §. I I I.

Hi diversæ indolis morbi in genere quidem nomine *uteri procidentiarum* [a] veniunt, adeo quidem, ut hoc vocabulum differentibus his speciebus respondere & græcorum *πρόπτωσης τῆς ὑσέρας* [b] teste Sennerto vaginae relaxationem uterique prolapsum & inversionem comprehendere dicatur; cum vero a se invicem differant, (§. II. XVII. XVIII. XIX. XX.) sola hac procidentiae uterinæ denominatione commode comprehendendi nequeunt.

## §. I V.

Dividuntur procidentiarum uteri species vel in *completas* vel *incompletas*. Completa *inversio & perfectus prolapsus* uteri dicuntur, si vel fundus per orificium uteri ductus, vel orificium uteri extra genitalium limites dilatatis labiis descendant; *imperfecta* audit utraque species, si vel uterus *inversus*

[a] Wedelius *ephem. germ.* & *Barbette* prolapsus uteri vocant hernias uterinas, quibus forsan latus hujus vocabuli significatus arridet; minime tamen his applicandus, cum non omnes herniæ sint species procidentiarum. Factum inde, ut per funestos uterorum ad inguina more herniarum decubitus in genere *prolapsus* intellexerint. conf. *Taullerus quæst. V. Διχονομικῶν Χειρουργικῶν*. Sennertus *institut. Part. I. cap. II.* Germ. dicunt *Einen Ausfall oder Fürfall der Gebähr-Mutter, Mutterfenckung und Umstürzung derselben, Verschlapfung der Mutter-Scheide*. Duas potissimum prolapsus species recenset *Mauriceau*, libro, qui inscribitur *Traité des maladies des femmes grosses Tom. I. Lib. III. cap. IV. pag. 390. seq.* Priorem quem dicimus incompletum prolapsum, vocat *la descente ou relaxation de la matrice*. Sed vocabulo *la chute ou précipitation* significat prolapsum uteri completum & inversionem ejus: melius autem distinguit species *La Motte Traité complet des accouchemens naturels nonnaturels & contre nature. Lib. V. cap. XI. pag. 809.*

[b] *Prax. Lib. IV. Part. I. Sect. II. cap. XV.*

versus vel orificium uteri prolabentis intra rimam magnam subsistant. Perfecta postea vocatur vaginæ relaxatio, si tota tunicæ vaginæ pars tam superior quam inferior extra pudenda prominet, *imperfecta* autem, si vel *anterior* pars vesicam urinariam respiciens, vel posterior versus intestinum rectum directa plus minusve relaxata prolabitur, adeoque portio una vaginæ priori opposita situm adhuc retinet naturalem. Præterea sunt vel *simplices* vel [c] *compositæ*, prout aliarum vicinarum partium simul concurrat prolapsus.

## §. V.

Ad *possibilitatem* & *actualitatem* procidentiarum quod attinet, modus possibilitatis explicatur ex ipsa uteri structura, situ & connexionione. Situs est uterus in hypogastrio seu pelvi, vesicam inter & intestinum rectum, tanquam inter duo pulvinaria, non eam tantum ob causam, uti *Graafius* [d] putat, quo *scilicet homines ex fragili & peritura materia inter fiercus & urinam nati, & in terram ac cinerem resolvendi, vilis & abjectæ suæ conditionis memores superbiæ alas demitterent*; sed sicuti ipse post modum consentit, præcipuam hujus situs rationem commodum aptissimumque generationis locum respicere, cum pelvis non liberam solum concedit utero expansionem, verum [e] ossibus, quibus constat, tanquam tutissimis mœniis, partes internas nobilissimas contra externas defendit injurias.

## §. VI.

[c] Vid. *Peu pratique des accouchemens Lib. II. p. 584.*

[d] *De mulierum organis generationi inservientibus pag. 92.*

[e] An ossa pubis vel ilei inter parturiendum semper sejungantur? Apertura pelvis in omni partu maxima fiat? Ossa pubis diducantur? Totalisque contingat ossis sacri retrocessio? Non constat. Concedit quidem *Maningham Compend. artis obstetric. separationem aliquam ossis sacri ab ossibus ilei, cujus articulatio ad mentem ejus mobilis est; necessaria autem illa non semper esse videtur, cum vel facilis vel difficilis partus fundamentum non tam in pelvis magnitudine & apertura, quam uteri potius situ rectilineo & obliquo quærendum conf. Du. D. Præsidis disquisitionem I. de situ uteri gravidæ Maningham Compend. citat. append. loc. addit.* Concurrit tamen ipsius pelvis apertura ad negotium partus, non quatenus a sejunctione ossium totali illa amplior redditur, sed quatenus a retrocessu ossis sacri quoad acumen seu os coccygis nonnunquam cavitas augetur, quæ natura prudenter feminis prospiciente, initio jam major fuit facta, quum (1) ossa pelvis tenuiora in sexu sequiori observentur, (2) notante *celeb. Heistero* angulus inter ossa ischii & pubis major existat, & secundum *Graafii observationes* coarum capacitas amplior sit viris. Interea non negamus in mala præsertim ossium conformatione vel nimia sæpius pelvis angustia fieri posse, ut ob insignem uteri expansionem præprimis autem motuum vim caput fetus in ossa pubis adigatur, & hanc ob causam in junioribus ossa parum tantum (nisi forsan sub violenta ejusmodi fetus mortui extractione plenaria contingat ruptura) a se invicem diducantur. Sic *Cel. Morgagnus* ossium sæpius dilatandorum per cursum graviditatis dispositionem non vero maturi tantum partus momento productum eventum dijudicat, media & sicuti judicat, tutissima via cum *Spigelio, Semmerto, Bartholino, Verheyenio, Veslingio, Blasio, Deventerio*, incedens, præprimis cum *Santorinus observat. anatomic. cap. XI. sententiam Harvei, Diemerbroeckii, Ludov.*



## §. VI.

Licet autem uterus præprimis laterales ejus partes, per ligamenta lata membranacea cum peritonæo continua, & ex ejus vera lamina duplicata interveniente cellulosa seu externa spuria composita, pelvis parietibus jungantur, uterusque [f] rotundis ligamentis valde elasticis, quæ a superiore fere uteri parte, exorta in pinguedine juxta inguina & ossa pubis terminantur, naturaliter justo æquilibrio fervetur, nec non pars anterior ejus & inferior seu collum vaginæ cohæreat: fundus tamen uteri, qui a fetu & secundinis quidem expanditur, sed crassitie [g] non imminuitur, liber sui que juris est & variis loci mutationibus nec non expansionibus & constrictionibus subeundis aptus [h].

## §. VII.

Præter uteri expansionem in gravidis ultimo gestationis mense, nova quædam contingit situs mutatio ratione specificæ gravitatis, qua uterus gravidus tendit versus vaginæ orificium. Vocant illam *uteri descensum*, germanice *Der leib hat sich gesencket*, variis, in infima hypogastrii parte stipatum

Ludovici, Paræi, aliorumque contra Mauriceau, Laurentium Hubertum, Ludovicum Mercatum & alios in contrariam abeuntes sententiam, fide ac auctoritate confirmet; nam ossa pubis, inquit, *in recenter denatis puerperis, quavis non sæpius dirempta vidi, in aliquibus tamen ita diducta reperi, ut & nostrum & chirurgi, qui tunc aderat, facile fuerit pollicem transversum indere.*

[f] De fibris ligamentorum lacertosis in puerperis & prægnantibus conspicuis, & eorum structura conf. quæ passim apud Regnerum de Graaf. lib. cit. pag. 148. & apud Santorinum lib. cit. pag. 220. occurrunt.

[g] Vid. Dn. D. Præsidis disquis. supra citatam de situ uteri gravidæ &c.

[h] Male motum quendam quasi voluntarium forsan ad Democriti mentem, qui uterum vocavit animal in animale ζῷον ἐν ζῷῳ Andreas Laurentius utero concedit, ventris regionem perambulantem. Hist. enim anatomic. Lib. VII. cap. XI. de usu uteri ligamentorum sequentia refert. Horum vinculorum usus mirabilis est. Quin enim sæpe per totum ventrem aberret uterus, dum est infructuosus, nunc vel ad præcordia & hepar, exπαλὸν fontem gratiosi vaporis recurrat, nunc per latera vagetur, nunc deorsum feratur, dum libidinis furiis agitatur: debuit vinculorum opera hujus motus tanquam freno coerceri &c. Melius rectiusque inter alios explicuit facultatem variæ mutationis localis uteri Regn. de Graaf. quando lib. cit. pag. 92. Non semper, inquit, in medio præcisè collocatur uterus, sed quandoque licet rarius, illum nunc magis versus dextram, nunc magis versus sinistram hypogastrii partem situm offendimus, quod præsertim in prægnantibus ab aliis anatomicis notatum invenimus, deinde pag. 102. uterum in gravidis ita impleri tradit, ut, qui ante imprægnationem ossis sacri in tñm non supergreditur, fundus ejus postea ad umbilicum & ulterius extendatur, ac totam pelvim non solum adimpleat; verum etiam intestina tenuia & reliqua viscera sursum comprimat. conf. quoque Deenterius, qui Operat. Chirurgic. Obstetricibus novum lumen exhibentibus c. IX. hac de re fufus egit.

tum incommodis [i]. Plurimi recentiorum eum, vel cum fictitia [k] fetus versione, quæ octavo mense vel initio noni fieri dicitur, confundunt, vel ab hoc figmento originem hujus descensus deducunt.

### §. VIII.

Ab hoc uteri descensu, qui instante partus negotio vi motuum ad exclusionem fetus secundinarumque directorum æquali vi naturaliter & ulterius promovetur, rugosæ alias vaginæ longitudo ita mutatur, ut canalıs in statu extra graviditatem septem vel octo digitos referens, tempore partus, ruptis membranıs & orificio uteri satis dilatato, nec non capite fetus versus pudenda tendente, justo brevior fiat, orificia autem uteri & vaginæ communem quasi ductum pro transitu fetus facilitando constituere videantur.

### §. IX.

Sicuti igitur hoc respectu orificium uteri partus tempore semper versus vaginæ os premitur, ita relaxatis nimis partibus ac continuo in partu maxime difficili nixu, nisi cito miseris parturientibus succurratur auxilio & consilio, ante fetus exclusionem propelli aut vi ab imperitis obstetricibus extrahi solet. Cujus rei varios tristes eventus, additis præcavendi scopo cautelis quibusdam practicis passim relatos legimus [l].

### §. X.

Hic naturalis itaque uteri descensus *morbosi possibilitatem* indicat, virorum vero clarissimorum auctoritas & observationes quamplurimæ, ejusdem *actuali-*

[i] Cum uterus ratione variarum mutationum, quibus obnoxius est, pristinum non semper retineat locum; mirandum non est, quæ fiat, ut utero toto pondere regioni pubis & vesicæ urinariæ incumbente, gravida vel ad mingendum sæpius frequentiusque excite-  
tur, vel urinæ excretio plane supprimatur; compresso vero a mole intestino recto alvus nimis adstricta reddatur, immo a compressis vasis majoribus & impeditum liberum sanguinis per venas regressum tumor pedum oriatur œdematosus. Vid. *Deventer l. c. p. 59.* Symptomatum periculosa alex plenorum retentionem urinæ comitantium mentionem faciunt *Mémoires de l'Academ. Royal. des Sciences 1708. Koch. de affect. vesic. rariss. expansionis ultra gradum vesicæ. Edimb. soc. IV. pag. 449.* mortis ex retentione urinæ *Chapman improv. of Midwifery. Case 40, ischuriæ a vesica compressa Ephem. nat. cur. dec. VI. obs. 126.*

[k] Impossibilitatem dictæ versionis variis ex rationibus sufficientibus demonstrat Dom. D. Præses in præf. ad *Compend R. Manningham. & adjuncta ipsi disquis. I. cit.*

[l] Vid. *Dionis traité général des accouchemens cap. XIII. pag. 266. Mauriceau lib. cit. pag. 398. Deventer. operat. chirurg. cap. XIX. pag. 130. Manningham l. c. pag. 61. Munnick chirurg. lib. I. cap. XXXIII.*



*tualitatem* [ *m* ] confirmant. Mirandum igitur nonnullos [ *n* ] veritatem facti denegasse, præprimis autem *Kerckringium* [ *o* ] eos, qui uterum foras prodire & extra corpus propendere existimarunt, cultro anatomico impugnasse, cum tamen nec cultelli acies acuta fatis, nec strenui descensus uterini impugnatoris dijudicandi ratio exquisita denegandæ veritati luce meridiana clariori suffecerint.

### §. XI.

Infirmis enim fundamentis nititur ejus demonstratio. Concedimus quidem sarcomata aut alias vaginæ excrecentias foras propendentes cum uteri procidentis confundi posse, præprimis cum citat. vir de simili fungosa substantia, quam in puella observavit, refert, se invenisse *sarcomatis rudimentum instar dactyli, orificio uteri interno adhaerescens, quod si tempore adactum fuisset, eadem ratione incautis chirurgis vel medicis imposuisset, qui uterum semper immobiliter loco suo consistentem tanquam vagantem per omnes partes ventris cum Laurentio, vel tanquam procidentem cum plerisque aliis indicassent*: ab ignorantia tamen nonnullorum ad negationem rei non valet consequentia, siquidem ipsa ratio dicat, fungosas excrecentias [ *p* ] ab uteri procidentis utpote diversis affectibus, distingui posse. Hinc neque his nec aliis ab arcta uteri cum vicinis partibus cohæsiōne, vel ipsa uteri gravidæ substantia deductis rationibus calculum nostrum apponimus, sed uteri partes omnes elasticas, variis mutationibus, constrictioni, relaxationi & rupturæ [ *q* ], obnoxias esse affirmamus.

### §. XII.

[ *m* ] Conf. *Felix Platerus in observ. Lib. III. Dom. de Marchettis anat. Cap. VII. Jacob. Primerosius de morb. mulier. Lib. II. cap. XV. Veslingius Syntagmat. anat. cap. VII. Bartholinus Anat. reformat. Lib. I. cap. XXVIII. Peierus E. G. Dec. II. ann. I. obs. 14. 84. 91. 94. Salmuth. Obs. cent. I. LXXVII. Ruyschius obs. anat. chirurg. Voelter schola obstetric. pag. 158. Mauriceau, la Motte, Deventer. loc. cit. Viardel observ. sur la pratique des accouchemens cap. XXX. pag. 211. Peu lib. cit. cap. XXI. pag. 582. Amand. nouvelles observations sur la pratique des accouchemens observ. LXII. pag. 214. seq. Mesnard. libr. cui titulus guide des accouchemens artic. 2. pag. 49. seqq. &c.*

[ *n* ] *Etmullerus, Barbette, Deckerus, Hornius* alii prolapsum uteri nunquam aut rarissime nec nisi a causa tantum externa violenta accidere affirmant.

[ *o* ] *Observ. anatom. XX. pag. 49. & obs. LIII. pag. 113.*

[ *p* ] *Excrecentia fungosa* uterum prolapsum simulans describitur *miscellan. N. C. dec. I. ann. II. obs. 121. item inversus uterus carneis excrecentiis plurimis oblitus Miscell. N. C. dec. II. an. I. obs. 186. Ruyschius excrecentias uterinas quas polypos uteri quoque dicunt, sæpissime observavit, interim bene distinguit ab uteri prolapsu & inversione conf. obs. LVIII. pag. 54. seqq.*

[ *q* ] De utero toto extra vulvam ita prolapso, ut illum extirpandi necessitas postulaverit, memorabilia quidem referunt exempla *Paulus Aegineta, Pareus, Mercurialis, Fernellius, Sennertus, Langius, Bonetus*; sed, sit alias fides penes auctores, quæritur jam dum de veritate facti valde dubitamus, an hæc uteri extirpatio, quam sine vitæ discrimine factam fuisse affirmant, non potius pro vaginæ prolapsæ abscissione sit habenda? (§. XIV. XV.) præprimis si triste illud exemplum & crudele institutum nobis in mentem incidit, cujus *Ruyschius* meminit *obs. anat. medic. chirurgic. obs. VII. p. X.*

## §. XII.

Itaque, stabilita veritate prolapsus uteri, nos accingimus ad considerationem *inversionis* quatenus vel fieri potest vel vere contingit. *Possibilitatem* ejus evincimus ex libera fundi uteri expansione [r], ligamentorum relaxatione, & violenta placentæ utero præternaturaliter adhærentis [s] extractione. Si itaque verum, collum & latera uteri, excepto fundo cohærere partibus adjacentibus, sequitur illa vi cuidam magis resistere posse, fundo uteri, qui, facta post fetus exclusionem funiculi umbilicalis violenta extractione in consortium abripitur, & nisi contingat ruptura funiculi, per apertum satis uteri orificium una cum secundinis ducitur.

## §. XIII.

Quamvis autem non negandum, alteram hanc uterinæ procidentiae speciem seu inversionem, sub qua fundus uteri instar chirothecæ vel marsupii invertitur & per orificium uteri pretrahitur, priori rariorem esse morbum externum; de ejus tamen possibilitate non est, quod dubitemus, præprimis cum accedant virorum [t] fide dignorum auctoritas & observationes, utpote

[r] Uterus post fetus exclusionem sæpissime inæqualiter vel expansus vel constrictus apprehenditur. Observatur id quam maxime in partibus præternaturalibus, in quibus peracta operatione auctores manum rursus utero immittere jubent, quo sanguis in illo adhuc contentus evacuetur, & observetur, num uterus æqualiter expansus sese circa manum constringat? Deventer igitur, van Horn., Chapman, Giffart, Dn. D. Præses, facta sanguinis evacuatione, dorso manus caute uteri fornicem restituunt, & qualvis occurrentes plicas adæquant, quo æqualis contingat uteri constrictio, dolores post partum vehementes imminuantur, uterique inflammatio, ob vasa compressa, quantum fieri potest, impediatur. (§. XXXI.)

[s] Ruyschius *adversariis anat. num. X. contingit*, inquit, *placentam fundo matris cavo, convexitate sui corporis adeo accretam adhærescere, ut in unum fere corpus miris coaluisse modis visum fuerit.*

[t] Ejusmodi observationes vid. apud Th. Bartholinum *Hist. anat. cent. II. hist. 91.* Ruyschium *observ. anatom. chirurg. cent. I. obs. X.* Conf. quoque Petr. Marchettis *observat. LXI.* Stalpart: *van der Wiel observ. LXVII.* Hildanus *cent. IV. obs. LX.* Iffbrand. Diemerbroeck. *anatom. lib. I. cap. XV.* Mauriceau *lib. cit. cap. V. pag. 390.* Gerh. Blasius *observat. anat. pag. 128.* la Motte *lib. cit. pag. 806.* Amand *lib. cit. obs. LX. pag. 160. & obs. LXII. pag. 214.* Peu *lib. cit. pag. 585.* Inter alios autem Chapman *lib. cit. cas. XXIX. pag. 123.* tristem refert observationem, quæ, cum evidens ignorantia plurimarum obstetricum exhibeat testimonium, (siquidem ab earum perverso operandi modo, uti antea jam dictum, accidit ut plurimum uteri inversio,) illam pagellis nostris inferere dignam judicavimus.

## CASE XXIX.

A Woman killed by an Inversion of the uterus.

*I was, in the greatest Haste, sent for to a Woman six miles distant from me; to whom I went with all possible Speed, but found on my Arrival, that she had been dead, near half*



te qui ea, quæ ad historiam, causæ cognitionem, curandi & præservandi modum pertinent, fideliter tradunt.

§. XIV.

Tertia procidentiae species, *vaginae* scilicet *relaxatio*, non ab omnibus auctoribus ab uteri prolapsu rite fuit distincta [u], sed pro eadem sæpissime habita: aliam autem esse hujus rationem, aliumque fiendi modum, tam ex vaginae structura quam partium differentia optime dijudicamus. Præter differentiam enim satis notam constat, vaginam variis tunicis, musculosa, glanduloso-nervea, cellulosa, & interna plus minus rugosa instructam esse, hinc facillime, sicuti fit in ani procidentia relaxatis fibris muscularibus, vel in aliquibus vaginae locis [x], vel in toto ejus ambitu procidentiam oriri posse.

§. XV.

Interim ejusmodi relaxationem sæpius cum uteri prolapsu conjunctam esse & extra pudenda propendentem uterum verum mentiri, variae auctorum testantur observationes [y].

§. XVI.

Quæ itaque inter tres species intercedat differentia, ex prioribus patet, simul-

*half an Hour. I conjectured she had died by flooding; but, upon asking the Question, was answered in the Negative. The Midwife told me, that the Afterbirth stuck so fast in one Part, that she was not able with all her Strength to take it from her, though she had gained most of it. Upon this I desired the favour of seeing the Corps, which being granted, I found, to my great Surprise, that the Uterus was inverted, and entirely out of the Body, hanging down between the Thighs, with the Placenta adhering to its Fundus, which I separated before the Midwife, and several Matrons there present, and convinced them all of the dismal Accident. This Woman, it seems, had a very good and easy delivery of the Child; but that born, the Midwife pulled hard at the String, and so brought down the Uterus, which as soon as she could take any hold of she did: And then pulling with fresh violence, and not being deterred by the loudest Cries, the poor miserable Woman in a few minutes fell into strong Convulsions and Deliquiums, and so expired. Thus was a young healthy mother cut off, in the Bloom of Life and cast into the cold Arms of Death, just as she was about to clasp her firstborn in her own.*

[u] Conf. David van der Beeck in peculiari diss. de uteri procidentia.

[x] Duplex procidentia diversis in locis duos renes vitulinos referens describitur a Wepffero Eph. Germ. dec. II. ann. V. obs. 150.

[y] Ruyschius in muliere annosa molem propendentem, quæ secum rapuit portionem vesicæ, a se observatam, describit Observ. anat. chirurg. vid. quoque Meeckern observ. med. chirurg. c. LIV. Misc. N. C. Dec. II. an. X. obs. 181. Dec. III. ann. V. & VI. obs. 226. Eph. germ. Dec. II. ann. I. obs. 84. Dec. II. ann. IX. obs. 149. Peu l. c. Mauriceau l. c. pag. 397. La Motte l. c. cap. XI. pag. 807. Deventer l. c. Mesnard l. c. artic. II. pag. 49.

simulque cognoscitur, *uteri prolapsum* & *vaginæ relaxationem*, sive completa sive incompleta sint, tam in virginibus quam mulieribus *extra statum graviditatis* & *post partum* contingere, *inversionem* autem uteri post *exclusionem fetus* aperto satis orificio uteri a violenta qualicumque causa externa, & ipsi juncta, vi interna tantum fieri posse.

## §. X V I I.

Ab hac differentia ducimur ad dijudicanda signa *triplicis procidentiae diagnostica*. In completa & incompleta uteri inversione, quæ visu tactuque explorari poterunt, observamus, placentam ope funiculi quidem extractam, sed fundo uteri ejusque substantiæ adhærentem, & aditum in ejus cavitatem occludentem. Placenta ab utero inverso separata excitat insignem hæmorrhagiam propter vascula eminentia aperta, quæ optime delineavit *Ruyfchius* & aliquoties mercurio vivo injecta inter præparata Excell. Dn. D. *Præsidis* conspiciere mihi licuit. Figuram habet pyri magni inversi, cujus circumferentia maxima circa vaginæ orificium offenditur, pars vero fundi uteri per ejus orificium descendens pediculum refert, illudque ita occludit, ut plane evanescat & circulo tantum mucilaginoso albicante obductum cernatur.

## §. X V I I I.

Huncce statum uteri præternaturalem comitantur dolores maximi præprimis in regionibus lumbaribus & circa genitalia, tumores partium inflammatorii, ischuria, alvi constipatio, fluxus lochialis suppressio, pulsus celer & durus, præcordiorum anxietates, prostratio virium, animi deliquia, & reliqua junctæ febri inflammatoriæ signa.

## §. X I X.

Prolapsus uteri completus & incompletus ratione mutatæ uteri figuræ ejusque orificii a priori specie tam oculorum acie, quam tactu optime distinguendus est. Reliqua huic affectui familiaria symptomata sunt præprimis dolores tensivi in regionibus lumborum, ossis sacri & hypogastrii, pondus pro ratione prolapsus intra genitalia maximum, motum corporis diversimode impediens. Uterus in vaginæ cavitatem irrepens, & instar cunei inter duo receptacula excrementorum hærens ea valde comprimit. Percipitur simul ardor [2] in genitalibus, & excoriatio utero ab urinæ effluxu

[2] Hippocrates de morb. mulier. Lib. II. Sect. V. num. 30. p. 655. Si uteri extra naturam processerint, pudendum & anum ventrem igneus calor detinet, urina crebro sensimque stillat pudendumque vehementer mordetur. Hoc autem accidit, ubi recenter a partu cum viro dormierit.



effluxu inducitur. Accedente vero inflammatione partium, signa §. XVIII. indicata, concurrunt.

## §. XX.

In relaxatione autem vaginæ conspiciamus membranam internam vel quaquaversum, vel in certa tantum parte e genitalibus propendentem, rugas vaginæ minores attritas & prorsus oblitteratas. Quo magis autem extra genitalia prodit, eo magis attenuatur interna superficies, excoriatio partium & dolores sub emissionem urinæ contingunt. Si procidentia hæc juncta sit cum uteri prolapsu, simul ipsi respondent signa antecedenti paragrapho exposita.

## §. XXI.

A signis progredimur ad *causarum* cognitionem, sub quarum scrutinio respiciamus tam ad *antecedentes* quam *proximas*. Accusamus placentæ ad fundum uteri nimis relaxatum præternaturalem accretionem utpote causam remotam *inversionis*. Quid enim valeat ejusmodi situs placentæ & adhæsiō in producendis diversis symptomatibus, docuit inter alios præclare *Stuartus differt. de Secundinis nocivis* æque ac salutiferis. Mirum inde non est, accedentibus aliis v. g. laborioso partu, nisu fetum excludendi validiori, excluso fetu excrementa excernendi fortiori conatu, violenta [a] funiculi umbi-

[a] *Regnerus de Graaf*. L. c. p. 146. Quantum ad nos attinet, inquit, existimamus, in difficili partu, dum placenta utero firmiter adheret, & ab imperitis obstetricibus nimium attrahitur, inversionem aliquando contingere posse, rarissime licet eveniat; & *Ruysebius* l. c. Oritur hoc malum nonnunquam ab obstetricibus minus expertis funiculum umbilicalem plusquam par est attrahentibus, unde uterus non potest non subsequi. Illustr. quoque *Hallerus* de duplici uteri prolapsu specie in pathologia generali & prælect. ad Boerhaav. instit. med. pag. 58. erudite ita sentit: Uterus dum detrahatur simul invertitur, quando obstetrix placentam fortius vellendo extraxit, neque altera manu uterum sustinuit; tunc enim si chorion utero, firmiter adhaerit, poterit cum extracta placenta uterus deorsum educi; si tunc quam maxime uterus repositus fuerit, perpetua tamen ad prolapsum dispositio superest. Hujus rei in gratiam *G. Blasii* observationes medicæ rariores p. 42. seq. conferantur, præprimis autem ea, quam part. III. obs. II. refert, notentur. Ibi enim: *Aperi ventrem defunctæ puerperæ*. Obierat hæc die præcedente hora quinta post partum, sana alias antea, edito fetu optime valente. Exhibuit se hic uteri fundus ad interiora illius conversus, sicque ad pudendum usque prolapsus, adeo ut vagina tota corpore hoc uteri inverso repleretur, quod etiam arte adeo a contracto utero detinebatur, ut non nisi robore summo, atque violentia, ope per pudendum immissi instrumenti, sursum detrudi, sicque in naturalem locum reduci potuerit. Imprudentia obstetricis, an vero nimis arte coherentiæ secundinarum cum uteri membrana interna, hoc malum adscribi debeat, non meum determinare, hoc tamen addo, retulisse adstantes mulieres, quæ in partu obstetrici auxiliares fuerant, quam primum fetus in lucem prodisset, exclamasse obstetricem adhuc alium in utero hæere fetum, sicque extra pudendum protraxisse corpus aliquod rubrum, ad cuius aspectum consternatæ adsidentes, impe-

umbilicalis attractione, cujus vi fundus resistere nesciens, celeritatem & directionem sequitur, facillime accidere ejusmodi malum [b].

## §. XXXI.

*Causæ prolapsus uteri* variæ sunt. Motus enim violenti diversæ species, sicuti hernias, ita quoque uteri procidentias, producere valent in phlegmaticis maxime, ad cachexiam pronis, colluvie serosa abundantibus, ut & in illis, quæ ex recenti puerperio viribus adhuc imbecilibus, partibusque utero continvis nimis relaxatis [c], gaudent. Harum autem in numerum referri solent vehementes tussés, clamores, extensiones violentæ artuum, labores duriores, tenesmi, contusiones graves, lapsus, saltationes, equitationes, violentæ sternutationes, ponderum sublevationes, vomitus, desaltationes ex alto divaricatis cruribus, aëreque retento, & quæ sunt reliqua, quæ contra sententiam *Roonhuysii* procidentias producere, & mala inveterata reddere possunt deteriora [d].

## §. XXXII.

Enarratis jam causis, aliæ annumerari merentur vel a vi partus vel a nimia humiditate deductæ. Sub partu enim laborioso caput fetus sæpius unicum orificio uteri, nisi illud digitis lateraliter retineatur, extra pudenda propel-

*imperiis illam accusarunt, ab opere desisteret serio admonentes, quod etiam fecit, postquam, in quantum vel per uteri contractionem vel per ignorantiam, licuit, extra pudendum dependens, introrsum iterum compulit. Vasa omnia sanguine hic adeo destituebantur, ut etiam quocumque loco cultro anatomico aperta nil ejus funderent, subsidentibus in totum tunicis; quem etiam sanguinis defectum ex immoderato fluxu, ob secundinæ violentam separationem extractionemque causatum, mortis subitanæ causam judicamus. conf. §. XIII. not. t.*

[b] Tradunt nonnulli; se aliquot dies post partum contingentem ejusmodi inversionem ab induratis scybalis & vehementi alvum excernendi pressione, observasse, vasaque fundi uteri per orificium uteri hiantia constricta & mucilaginosi punctis non vero sanguineis tincta invenisse; an vero a sola pressionis vi ejusmodi inversio uteri contingere possit? Valde dubito, incompletam autem fuisse antea jam inversionem malumque a voluntario motu violento auctum & inversionem completam redditam, ex supra adductis rationibus potius dijudicari licet. Cæterum conf. *Ruysschii obs. X. pag. 12.*

[c] Hippocrat. de morb. mulier: Lib. II. Sect. V. num. 40. Qualibet, inquit, occasio ad commovendos uteros satis est, si quid vitii habeant. Id enim vel ex pedum & laborum frigore contingit, & ex saltatione, animi consternatione, lignorum sectione, cursu ad acclivem vel declivem locum & ex aliis plurimis.

[d] Illustr. Hallerus præclare l. c. docet, hunc morbum frequentem esse, & oriri sæpe, quando continuo a partu mulier, nimis sana, nixum edit, aut ambulat, quod inter pauperculas rusticas mulieres frequenter fieri solet: tunc enim omnia circa uterum aperta & laxa sunt, qua puer nuper transiit, & uterus facile extrorsum decumbit.



propellitur [e]; accedentibus autem adhuc post partum ejusmodi conatibus & pressione vi, mirum non est, effectus relaxati nec in pristinum statum restituti uteri subsequi. Deinde quod nimiam attinet humiditatem, ipsa ratio docet humores a toto corpore defluentes, ligamenta uteri humectare ac relaxare posse, simulque experientia confirmat, in locis humidioribus hunc morbum satis familiarem esse. His itaque ductus rationibus recte judicat Graafius [f], prolapsum uteri in virginibus posse contingere. *Meminimus enim*, inquit, *nos uno tempore ad quatuor diversas filias, quarum virginitas innoxia habebatur, vocatos fuisse, quæ uteri prolapsu laborabant, quibus partim fomentis adstringentibus, partim annuli cerei in pudenda immisione, non vulgare attulimus auxilium.* Hinc facile dijudicandum, cur ab usum balneorum & unguentorum emollientium, ipsumque fluorem album [g] inter causas retulerint auctores, quæ prolapsum uteri excitare valent, & quomodo fiat, ut humores in rugis & plicis vaginæ adhuc subsistentes mora acrimoniam induant partesque arrodant.

#### §. XXIV.

Cognitis hisce proximam eruimus, quam ligamentorum, præprimis uteri rotundorum, vel relaxationem [h] vel violentam avulsionem & abruptionem [i] esse arbitramur. Non vero plenariam hic ab utero, vel parte, cui infiguntur ligamenta, intelligimus avulsionem, sed, ut Mauriceau judicat, incipientem fibrarum quarundam separationem, qua ligamentorum longitudo augetur, eorum autem renisus & vis elastica imminuitur.

#### §. XXV.

[e] *Et si fetus situm rectilineum retineat, inter labores tamen parturiendi, sine magno conatu, contingere posse uteri ejusque vaginæ procidentiam, si scilicet pelvis nimis ampla fuerit ad proportionem uteri, & quid in illo continetur, si insuper os uteri crassum sit & durum, ipsaque muliebria laxa facile dilatentur; testatur Deventer l. c. p. 79.*

[f] *L. c. p. 153.*

[g] *Conf. hist. præfamine hujus dissert. descriptam. Observavit Dn. D. Præses aliquoties, peractam modo infra explicando, prolapsus uteri repositionem, excepisse fluoris albi antea suppressi, excretionem, materiamque mucilaginoso-glutinofam albicantem e genitalibus profluxisse, quæ a glandulis, a nimio humorum ad inferiora affluxu, obstructis & relaxatis originem duxit & specialissimam postea postulavit medendi methodum. Similiter Jacob. Sylvius Ligamenta uteri laxari demonstrat aut humore multo præsertim pituitoso (uterus enim velut quadam mulieri est cloaca) imbuta, aut partu crebro, vel alia ex causa, ut ætatis declinantis imbellicitate exsoluta aut paralyfi affecta &c.*

[h] *Jacob. Sylvius Lib. cit. ostendit causam mali hujus continentem esse membranarum, quæ uterum vicinis partibus connectunt, abruptionem vel laxationem.*

[i] *Præter ea, quæ de crudeli uteri protractione litteris dederunt, Barbette, Blegny, Mauriceau, conf. Eph. Germ. dec. II. an. I. obs. XIV. & LXXXIV.*

## §. XXV.

Sequitur jam ordine indagatio *causarum relaxationis vaginae*. Inter *remotas* referimus statum ad cachexiam pronum, habitum [k] tam totius corporis quam partium quarundam rariorem, molliorem, peculiaremque genitalium dispositionem, temperamentum sanguineum & phlegmaticum. Inter efficientes vero, humores serosos in libidinosis maxime, coitu sæpius utentibus, ad genitalia loca confluentes, prægressum fluorem album, quo vel arrosio vel relaxatio tunicæ internæ vaginalis facta, fetum ægrius per vaginam expulsum, & vel ob viarum angustiam, vel uteri, vel situs fetus in utero obliquitatem immobiliter ibi coarctatum, parturiendi & egerendi alvum nisum validiorem, sub quo vagina ita inverti potest, ut internus paries exterior quasi fiat, sicuti inversio intestini recti in equis alvum exonerantibus manifesta est. Quibus tandem addimus quascumque sub difficili partus labore ab auxiliatrice obstetricis manu, vaginae inductas violentias.

## §. XXVI.

Cum igitur omnia, quæ tunicam vaginae internam durius premunt, tonnumque glandularum & fibrarum valde labefactant, ejusmodi morbum externum producere valent, apparet causam proximam ejus, remissionem fibrarum vaginae vel totalem vel partialem esse, qua non rugæ solum obliterantur, verum vagina extensa nimis, prolabitur, & globosam induens figuram uterum verum sæpissime mentitur (§. XV).

## §. XXVII.

De *prognosi harum procidentiarum* ut quædam moneamus, notandum, *inversionis uteri* dubiam & funestam ut plurimum esse, dijudicandam autem a tempore durationis, & comitantibus eam symptomatibus. (§. XVII. & XVIII). Quo brevius enim fuit tempus, contingentis *incomplete* uteri inversionis, eo mitiora quoque symptomata & eo facilior curatio. Quo diutius autem *completa* puerperam afflixit, eo difficilior & impossibilis fere repositio, cum lethalia hæmorrhagiæ, inflammationis, gangrænæ, sphaceli & plena-

[k] Ludovic. Mercat. de affect. mul. cap. de uteri procident. Hoc vitium senibus subinde magnis accidit, & iis, quæ ex instituto vitæ (quales sunt lotrices mulierculæ) nudos diu in frigida pedes continent, aut in frigido lapide diutius sedent, vel aerem frigidorem excipiunt, maxime in puerperio, aut menstruo fluente, quod eo tempore uteri utraque pars magis hiet. Libro quoque Erotis seu Trotulæ curandarum ægritudinum mulhebrum, qui primum editus fuit inter medicos veteres latinos Aldinus Venetiis 1547. Folio, simul de matricis descensu, propter nervorum remollitionem & frigidorum humorum abundantiam contingente, agitur.



plenariæ corruptionis, illam comitentur symptomata. Testatur enim *Ruysschius* [1], affectum hunc, nisi illico profligetur, mortem statim subsequi. *Memini*, ait, *me bis una in septimana hoc vidisse, nec (nisi absque ulla mora opem ferret obstetrix) ullam, præter uxorem cuiusdam Hebræi evasisse.*

### §. XXVIII.

Quid de prolapsu uteri ejusque vagina relaxatione sit sentiendum, ex tradita supra horum morborum natura perspicitur. Quamvis enim inflammationes & corruptiones iisdem accidisse, sæpius visum fuerit, interim sibi relictæ nec incongruis externis tractatæ, raro lethales evadunt, sed variis tantum stipatæ sunt incommodis. Collegit nonnullas observationes Dn. D. *Præses*, ex quibus didici, fæminam ultra decem & plures adhuc annos prolapsu uteri incompleto, completo postea facto, ne dicam procidentia vaginæ, utpote leviori prolapsus specie laborasse, resque domesticas, exceptis tantum quibusdam corporis motibus, (§. XXII.) peragere potuisse.

### §. XXIX.

Cum igitur salvam posse ad tempus subsistere vitam, neglecta etiam harum procidentiarum curatione, (§. XXVIII.) demonstravimus, quæritur jure, quænam *prognosis* ratione *curationis* in genere formanda sit? Hanc vero dubiam esse respondemus, cum respectus habendus sit ad ipsum individuum, genitalium dispositionem, ætatis rationem, & procidentiarum condiciones. In illis enim, in quibus præsertim uteri prolapsus malum fuit inveteratum [m] uterusque sphæricam magnam molem refert, difficulter erit reponendus, & in situ naturali retinendus, repositio tamen non semper est impossibilis, præprimis si secundum leges certas, inferius præscribendas, circumspecte & caute instituat. Recens autem perfectus & imperfectus uteri descensus, si convenienter tractetur, spem felicitis curationis promittit, sicuti & relaxatio vaginæ more methodicorum citra instrumentorum quorundam auxilium, externo remediorum usu corrigi potest.

### §. XXX.

Accedimus jam ad *curationem*, quæ differt pro ratione diversitatis pro-

C c c c 2

ciden-

[1] *Operib. anat. chirurg. obs. X. p. 12. & tractat. anatom. de musculo in fundo uteri reperto p. 18.*

[m] *Jacob. Sylvius lib. cit. Recens, inquit, uteri procidentia, si reponatur, ætas sit adolescens aut florens, hæret & permanet, agre tamen si veteravit (quando nec dolet nec convelli periclitatur) reponi quidem potest; sed mox levi ex causa relabitur præsertim ætate jam proveciore.*

cidentiarum. Alium enim postulat tractandi modum inversio uterina quam prolapsus, alium rursus relaxatio vaginæ quam prolapsus & inversio uteri. Generalis autem indicatio eo redit, quo uterus, qui inversus prodiit, in naturalem reponatur situm ibique retineatur, superficies uteri interna undique æqualis reddatur, & partes nimis relaxatæ simul roborentur.

## §. XXXI.

Repositio autem inversi uteri sine mora [n] ita instituenda est. Ut (sive completa sive incompleta inversio sit) capite puerperæ declivi posito, dorsoque elevato, retractis ad nates calcibus, pars uteri prominens & perinæo incumbens, digitis manus dextræ, successive & circumspicte in vaginam reponatur: postea fundus per orificium ductus leniter reprimatur, &, ne ob atoniam uteri inversio recurat, dorso manus in uteri cavitationem immittæ, naturalis fundi figura, uterique fornix restituatur, quævis ibi occurrentes plicæ & sulci, adæquentur, tandem manus in pugnum mutata, leniter extrahatur, antea vero paulatim ibi detineatur explorandi causa utrum correctam hanc uteri inversionem, sequatur ejusdem constrictionis? Quippe quæ spem facit reconvalescentiæ,

## §. XXXII.

Quodsi vero plures horæ a tempore inceptæ inversionis præterlapsæ jam fuerint (§. XXVII.) & graviora inflammationis, tumorisque adsint symptomata, pars quasi prominens indurata, per convenientia externe applicata medicamenta aliquatenus emolliatur, sicque fundus peragendæ repositioni aptus reddatur, alvus autem per clysterem oleosum carminativum blande ducatur, & lotium ope cateteris evacuetur.

## §. XXXIII.

Partes itaque prominentes *emolliantur* prius lacte tepido, cui spongia immergenda & ope illius externa genitalia fovenda, omnis autem impuritas circa ambitum orificii, per quod uteri fundus prodiit, detergenda. In casu difficiliore decocta emollientium & carminativarum herbarum, ex farin. fabar. furs. trit. flor. malv. alth. meliss. chamomill. r. & v. sambuc. sem. carvi, fœnicul. lini, in forma cataplasmati ope linteaminum quadruplicium, genitalibus tepide applicentur, quo tumor minor & plicabilis fiat, uterique fundus eo facilius reponi possit.

## §. XXXIV.

[n] De uteri a partu inversione ab imperita manu lethali reddita *Ruyfchius oper. anat. med. chirurg. obs. XXVI.* ubi: nisi cito auxilio succurratur inversioni uteri, *funesta fit.* Legat. *La Motte lib. cit. pag. 305.*



## §. XXXIV.

Peracta *repositione*, (§. XXXI.) sub qua sibilum quendam, sicuti in herniarum repositione observabis, quies tam corporis quam animi miseris commendanda. Præprimis autem per plures dies puerpera in situ reclinato jaceat immota, extensis cruribus & ita coaptatis, ut alterum alteri incumbat, animi pathemata, occasiones ridendi, loquendi, clamandi, tussendi, vomendique &c. fugiat, urinam autem vel alvum in ejusmodi situ declivi, nulla adhibita vi pressionis, commode excernat, & hujus rei ob causam quotidie utatur enemate ex lacte confecto, vel alio quodam ex speciebus emollientibus cum avena excorticata in aqua coctis parato, addito quantum satis olei chamom. coct. Externæ partes contra inflammationem & putrefactionem defendantur, specificis quibusdam, v. g. herba salviæ in vino cocta cum sufficiente quantitate butyri insulsi remixta, & aqua vulneraria vel sola vel cum aqua calcis vivæ, ope spongiæ aut linteaminum, tepide ipsis impositis, abdomen vero oleo rosar. inungatur, aut si opus est, species resolventes & discutientes in vino coctæ in usum trahantur.

## §. XXXV.

Hæc quidem quoad *externa* remedia initio sufficiant; cum statim post applicationem eorum medentis intentio dirigenda sit ad statum corporis internum, lochiale fluxum & junctam ipsi ut plurimum febrem. Hinc curatio indicationibus innititur sequentibus. Status nimirum inflammatorius incipiens discutiendus, purgatio uterina & reliquæ excretiones blande promovendæ, motus internus auctior contemperandus, & tandem partibus tam internis quam externis tonus restituendus.

## §. XXXVI.

Si igitur facta repositione uteri, fluxus lochialis non succedat, sed periculum *inflammationis* immineat, aut ipsa febris acuta jam adsit, tunc ex symptomatibus illam comitantibus, ob vim utero inflictam & suppressam sanguinis per vasa antea compressa excretionem ejusque stagnationem & statim in corruptionem pronam, recte judicamus statum uteri subesse inflammatorium, & secundum effatum *D. Manningham inflammationem uteri multum habere periculi, tum autem maxime, cum mulieri in primis a difficili partu diebus accidit*, arbitramur.

## §. XXXVII.

Nostrium non est officium, paucis hisce lineis omnia enarrare, quæ  
C c c c 3 spectant

ſpectant ad eſſentiam hujus *febris*, differentiam ab aliis, & cauſarum nexum, utpote quæ ſpecialem merentur conſiderationem. Pauciſſimis ea tantum complectemur, quæ ad ſpecialem pertinent therapiam, medico quoad ineundam & feliciter perficiendam curationem ſcitu neceſſariam.

#### §. XXXVIII.

*Inflammatio* igitur vel *imminens* vel *præſens* corrigi ſolet venæ ſectiōe juſto tempore inſtituta, antequam humores in corruptionem putredinoſam abeant. Hanc quidem Galli Anglique ſæpius reiterandam jubent, quæ vero methodus, noſtris in terris pluribus diſplicet minusque conducit; id obſervare tantum licet, ut juſta ſanguinis quantitas in plethoricis maxime evacuetur. Huic jungantur medicamenta interna leniter reſolventia, diſcutientia & evacuantia, cui ſcopo inſerviunt præprimis diluentia v. g. decocta ex raſur. cornu cervi, radice polypodii & graminis cum ſucco citri leniter acidulata, larga quantitate haurienda, deinde inſuſum aliquod aquoſum ex rad. liquirit. cichor. gramin. herb. marrub. alb. chamædr. meliſſ. flor. ſambuc. chamom. vulg. præcipue autem floribus arnicæ, additis fœniculi vel carvi feminibus, compoſitum.

#### §. XXXIX.

Commendamus vero illud, non ad *ſudorem*, ſed lenem uſque *diapnoen* hauriendum, ante laudata vero præſcribimus diluentia, humores ſpiſſos commotos tam reſolvendi quam contemperandi cauſa, tenuibuſque, quæ corpus nutriunt & conſervant, utimur carniū juſculis. Quo autem motus febrilis & humorum ſanguiniſque inteſtinus juſto celerior paululum inſringatur & contemperetur, conſugimus ad *temperantia*, *lenia reſolventia* & *diapnoica*, qualia ſunt nitr. depurat. lapid. cancror. citrat. corn. cerv. philoſoph. præparat. antimon. diaphoret. ſuccinum alb. præparat. cinna-bar. vel in formam ſubtiliſſimi pulveris, vel cum aquis quibuſdam deſtillatis, e. g. *Stahl*i diapnoicis, ceraſ. nigr. lilior. convall. flor. tiliæ, borrag. bugloſſ. in mixturæ formam redacta, iſdemque pro concurrentium ſymptomatum ratione & individui diſpoſitione ſæpius die nocteve ſufficiente quantitate utimur, addendo ſi opus eſt, ſecura & convenientia moderantia.

#### §. XL.

Reductis itaque omnibus in ordinem & fluxu lochiali reſtituto, quod præter medicamenta (§. XXXVIII. XXXIX.) laudata, repetito ſæpius uſu pilularum B. *Stahl*i in refracta doſi adhibitarum, vel oleo amygd. dulc. ad aliquot cochlearia quotidie adſumto, aut uno alterove grano extract. caſcarill. aquoſ. pulveri vel mixturæ (§. XXXIX.) remixto, obtinetur,



netur, cessantibusque motibus febrilibus, & facta morbi per crisin exoptatam solutione, tunc *tonicis* partes internæ & externæ roborandæ sunt, & regularis postea succedentis fluxus menstrui ratio semper habenda.

## §. XL I.

Inter *roborantia* non medicamina tantum leniter adstringentia & balsamica, quæque motum solidorum tonicum augent referimus; verum quoque alimenta, quæ corpus nutriunt, sicuti sunt tenuia & boni succi. E tonicorum classe interno usui inservientium poterunt eligi tinctura martis aperit. Ludovici, essent. cascarill. cort. aurant. succin. concentr. tinct. antimon. mixtur. tonic. nervin. *Stahlii*, externo autem suffitus & adstringentia (§. LX.) nec non spirituosæ ad umbilicalem, inguinalem & lumborum regiones applicata, qualia sunt generosa vina rubra, aqua regin. hungar. cum tertia parte balsami vitæ, qui ex destillatis oleis subtilissimis æthereis, balsamoque peruviano, in spiritu vini alcoholisato solutis præparari solet.

## §. XL II.

Quodsi vero malum quoddam, ut plurimum curatu impossibile, ab inversione uteri inductum, remaneat, *ulcerationesque cancröse & uteri indurationes* contingant, tunc ejusmodi morbus injectionibus balsamicis mundificantibus & consolidantibus tractandus, febrique supervenienti, quæ extenuationem totius corporis efficit funestam, convenientibus, quantum fieri potest, resistendum medicamentis sic dictis antiphthisicis & antihecticis, quorum in numero primum hic obtinent locum serum lactis dulce & aquæ selteranæ cum lacte asinino remixtæ, nec non juscula carniū tenuia, infusa herbarum vulnerariarum leniterque adstringentium, imo succus ex iisdem expressus.

## §. XL III.

*Prolapsus uteri* licet ordinarie ejusmodi non comitentur symptomata, (§. XXVIII.) causa tamen sæpius fit aliorum malorum, & sæpius quoque mortem producit, quare omnis periculi avertendi causa ratio curandi illa esse debet, ut præmissis præmittendis [o] generalioribus, quæ vel alvum solvunt

[o] Conf. Hieronym. Mercurialis de morb. muliebr. Lib. IV. & Albertin. Botton. De morb. muliebr. Cap. LXXII. Uteri ait, procidentia cum morbus sit in situ, primum & ante omnia in proprium locum reponendus erit, quod autem hæc repositionem prohibere potest, est intestinorum & vesicæ repletio; ideo alvus imprimis lenienda clystere & lotium pariter emittendum erit, mox in propriam sedem uterus intro mittendus, qui cum intestinum rectum & vesicam interjaceat, ideo nisi prius hæc vasa inaniantur, a copia suarum superfluitatum, in proprium locum repositio impiedietur. Vid. quoque Lud. Mercatus lib. cit. & Jac. Sylvius. Lib. cit.

solvunt vel eandem ducunt, plethoram imminuunt, impuritates uterum obducentes, si emollitæ prius fuerint (§. XXXIII.) detergantur [ *p* ], uterus ad proprium locum reducatur, repositus ibi firmetur & roboretur, adeoque impediatur, quo minus sublata causa, quæ prolapsum excitabat, iterum decidat. *Deventerius enim huic, inquit, malo, nisi nimium fuerit, in tempore remedium invenitur, incurabili autem, pessarii accommodantur, prolapsionem præpedientes uterumque sustinentes.*

## §. XLIV.

Quod ad *modum reponendi* spectat, non opus est cucurbita magna umbilico imponenda [ *q* ], nec candela cerea, qua veteres nonnulli præprijis usi ad contumaciorem retundendum uteri prolapsum, sed requiritur (1) apta mulieris collocatio, sublatis coxis, invicem dilatatis & reflexis proplitibus; (§. XXX.) quo chirurgus vel obstetrix, digitis scilicet indice, medio & annulari, butyro, vel oleo amygdal. dulc. inunctis prominentem plus minus uteri partem, inferiorem prius ad perinæum sitam, dein mediam, postea superiorem leniter & pedetentim superius quantum fieri potest, ad locum naturalem reprimere possint. (2) Cum uteri non sufficiat repositio (§. XLIII.) sed ut repositus firmetur, concinnatum pessarium & Figur. I. expressum, ad capacitatem vaginæ, butyro prius inunctum, in vaginam secundum longitudinem ejus introducimus, dein si uterum superius attingit, mutato ejus prius in vagina situ, ita collocamus, ut pessarium parte a. a. os pubis vel supra illud, b. b. os sacrum, & obtusis extremitatibus c. c. ossa ilei respiciat, foramini vero ejus ovali d. d. & margini ejus obtuso e. e. e. e. orificium uteri incumbat.

## §. XLV.

Quodsi pessarium uterò rite quidem appositum, brevi post tamen, instituto leni corporis motu, rursus excidat, aliud priori majus indicata methodo, habito tamen semper respectu ad vaginæ capacitatem, erit applicandum, quo eo firmitus in loco subsistens uterus in situ naturali retinere, mulier labores, exceptis gravioribus, peragere possit, simulque excretiones tam fluxus menstrui, quam aliarum impuritarum, quæ in rugis vaginæ colligi solent, nec non liquoris obscæni & alvinæ, ordine & consueto

[ *p* ] Nonnulli utuntur oleo tepido vel decocto ex beta, malva, althea, femine lini, fenu græci, additis cymino, baccis lauri, chamæmelo &c.

[ *q* ] Inter alia ad genus auxilii inutiliter refert *Albertin. Botton.* cucurbitulas non scarificatas, si umbilico & utrisque hypochondriis, cum magna flamma, fuerint appositæ: has enim, putat, sursum trahendo, vim suspendendi uterum habere, & eundem in proprio domicilio retinendi.



fueto tempore succedere valeant ; interim cavendum , ne partibus adjacentibus vim inferant , vel dolores , tensiones , pressiones , inflammationes , vel corruptiones excitent.

## §. XLVI.

Quando vero nobis sermo est de pessariis , silentio præterimus veterum medicamina oblonga , quæ in crassioris longiorisque digiti formam efformata , adversus uteri affectus varios *Hippocrates* & alii commendarunt ; sufficiat in præsentiarum ex recentioribus nonnullorum mentionem facere , quæ in ejusmodi affectibus usui venire solent. Sic *Slevogtius* *diff.* de muliere gravida lapsu vaginæ uteri laborante , recte censet *Pechlinum* , qui ex cornu vervecis ramentis , & panni sericei centonibus , patellæ ignitæ injectis , nec non aliam speciem , ex eodem serico , petroleo macerato , concinnatam laudat , potissimum ad causam , fibras flaccidas reddentem , respiciens , quam egregie emendare putat : sed haud tutum ubique esse probat , præprimis delicatioribus acre oleum petraë , teneræ cuticulæ vaginæ admoveere , quia eam cum insigni ardore erodit ; novit enim a similibus morsicantibus , ad provocandos menses adhibitis , motus convulsivos excitatos , ut injectionibus gelatinosis , abstergentibus , temperantibusque opus fuerit.

## §. XLVII.

Nec nobis arrident cerea , qualia *Barbette* & *Scultetus* summis prædicant laudibus , asa fetida , & castoreo , obducenda , intus cava & filo propendente pro lubitu extrahenda , cum minus commode , sed libere potius vaginæ parietibus inhæreant , facillime sub leviori corporis motu , vel urinam & alvum excernendi conatu foras iterum excidant , additaque nulli plane inserviant usui.

## §. XLVIII.

Quid de pilis , pomis , linteis conglomeratis , nucibus majoribus , aliisque imperforatis instrumentis sentiendum sit , quilibet facile judicabit , cui notum , a saburra corrupta , mora valde acri reddita , in vaginæ rugis sinu-  
lisque collecta , novos gigni morbos externos massam humorum corrumpentes. Judicat quidem *Albertin. Bottonus* [ r ] pilam aliquam formari debere , qua os vulvæ obduretur , ne foras iterum labatur , sed cum idem  
finis

[ r ] *Lib. cit. Cap. LXXIII.* Parari jubet pessarium ex lana , posca , vel vino austero , prius imbuta , deinde expressa : in quibus si adstringentia etiam calida macerata prius fuerint , ut matricaria , mentha , nuces cupressi & similia , addendo semper odorata & aromatica.

finis cum *perforatis* securius meliusque obtineri possit (§. XLV.) illud, uti & reliqua ejusdem indolis & figuræ fere, plane rejicimus.

## §. X L I X.

*Schlevogtius* ad modum *Voelteri* circulum paravit flexilem ex osse balenæ, lino & dein serico obvolutum, ceræ aliquoties immersum sedulo æquabilem red-  
ditum politumque, quo sub ovali figura intrusus, intus ad circularem rediret, & hoc pacto cavitatem commode expleret, ulterioremque exitum ipsi præcluderet. Quamvis vero cit. viros majorem forsan, hac instrumenti specie præstitisse utilitatem prioribus inventis, lubentissime concedamus: negandum tamen non erit, illud pondere superare nostrum ex subere confectum, nec circulare cavitatem adeo explere, quam illud, quod ad ellipticam accedit figuram.

## §. L.

Datur adhuc diversitas pessariorum, ratione *materiæ*, ex qua arte confici solent. Dantur enim annuli ex ligno tornati aut ex subere sculpti, & cera incrustati, vel ex auro & argento confecti. E nobilioribus metallis præparatis *Deventerius* [s] quidem *pessos argenteos vel aureos præfert, cavos atque levissimos, ne pondere incommodent, probeque levigatos, ne attritu lædant, doloremque inferant*; sed cum ejusmodi metalla, ratione præparationis ingrediantur veneris particulæ, ab adhærentibus ipsis humoribus excrementitiis mora corruptis, æruginosa quasi fiunt, partes arrodere, & ad inflammationem & corruptionem disponere solent.

## §. L I.

Omni-  
bus his palmam præripiunt *pessi suberei*, *cera alba* incrustati, quos molles nimis esse ac facile frangi quidem putat *Deventerius*, sed si rite fuerint præparati [t], usui per duos & plures adhuc inserviunt annos, mulieresque in vagina illos gerentes nec incommodum nec pondus, qualia ab aliis ex ligno tornatis, sentiunt. Quodsi enim præter omnem spem & opinionem, ob nimiam mollitiem, ex qualicumque causa, intus frangantur, aut vel ob calorem internum & acrem saburram, tam cera dissolvatur, quam ejusmodi lignum porosum corrumpatur, examinandum prius erit utrum ligamenta priorem rursus nacti sint elasticitatem? Et an opus adhuc sit novo quodam, pro vili pretio sibi comparando pessario? Id quod judicio medici & chirurgi discretivo examinandum relinquimus.

## §. L I I.

[s] Lib. cit. p. 32, *Mauriceau lib. cit. pag. 395.*

[t] Præservandi scopo contingentem nonnunquam brevi temporis intervallo, dictorum pessorum destructionem: eos probe incendendos esse commendat, ne corruptione partes ad putredinem disponant, illisque exulcerationem dolorificam inferant.



## §. L I I.

Præfert quidem hanc ob causam *ligneos* utpote prioribus durabiliores, sed cum quæ præstare debent, præstent (§. L I.), specificè leviores sint ligneis, atque ita formati, ut mulier, non obstantibus illis, a viri amplexu gravis reddi possit, ligneos duriores mollioribus subereis inferiores esse arbitramur.

## §. L I I I.

Habemus denique diversæ figuræ pessos, quales tibi B. L. Tabula adjuncta sistit, & antea jam *Mauriceau*, *Deventerius*, Cel. *Heisterus*, *Mesnard* delineandos curarunt, forma elliptica circulo propius accedente, triangulares cujus latera circularia sunt, orbiculares, rotundos fere quadrangulares &c. vel planos vel latos & profundos, certa quadam gaudentes digitorum latitudine magisque in obliquum vel acutum a circumferentia versus centrum desinentes: sed omnes figuræ excepta elliptica Fig. I. capacitati vaginæ haud respondent, cum, si vel excedant magnitudine, difficiles applicatu sint, & ab ejusmodi pessi gestatione mala producantur symptomata, sin vero minores quasi annuli, vel ovi figuram referant, infirma sint fundamenta, cum facile e genitalibus delabantur. Non autem, vel planis orbiculatis, vel cavis, tum in nuptis, quam innuptis ad mentem *Deventerii* opus est pessariis, cum sufficiant diversæ tantum magnitudinis præscripto modo conficienda & applicanda.

## §. L I V.

Itaque pessarium Fig. I. quo felici cum successu Excell. Dn. *Præses* in curatione horum morborum sæpius usus est, præstantia reliqua omnia superat, vid. Fig. II. III. IV. V. VI. VII., conficitur autem illud ad formam fere illius, quod Celeberr. *Heisterus* commendat, ex subere, cera alba sufficienter incrustato. Figuram habet *ellipticam*, & utraque superficies convexa f. f. f. crassitiem digiti refert, margines ejusdem perimetri in punctis a. a. a. b. b. b. & e. e. e. sunt obtusi, in medio d. gaudet foramine non orbiculatim perforato, sicuti in quibusdam v. g. Fig. II. III. IV. VIII., sed ovali, quod humoribus excrementitiis intus collectis liberum concedit effluxum, nec concubitus impedit, sed aptas ejusmodi feminas conceptui [u] reddit. Sit præterea probe politum & lævigatum sine ulla acie vel scabritie, ne partes internas lædere queat.

## §. L V.

*Gravidis jam factis*, quæ ejusmodi pessarium gerunt, uterique mole medio graviditatis termino aucta, e loco rursus movetur, illudque sua sponte

D d d d 2

exci-

[u] Vid. *Rouffettus* de partu cæsareo cap. VIII.

excidit; interim uterus non procidit, nisi, accedente partus negotio, vi motuum rursus propellatur. Huc spectat observatio *Pechlini*, quando in muliere quadam, vastam vaginæ uterique procidentiam se observasse refert, quæ nullum aliud quæsitum remedium, quam graviditatem.

## §. L V I.

In quibus itaque *dispositio* quædam ad *prolapsum uteri* observatur, tempestive consilio & auxilio succurrendum est, ne in pristinum rursus incidant malum. Auxilium vero in partu fertur renissu digitorum nissui uteri versus digitos utriusque manus directo æquali [x]. Hoc enim modo impeditur, quo minus uterus vel in limen pudendi vel extra pudenda deprimatur. Si vero rursus ex qualicumque causa contigerit prolapsus, cessante penitus fluxu lochiali, tentanda erit uteri repositio (§. XXXI. & LXIV.).

## §. L V I I.

Tandem in difficiliore & inveterato malo, ubi repositio impossibilis [y], vel ob concurrentes alias rationes minime suscipienda, in solatium & levamen miserarum commendamus *subligaculum Slevogtii*, vel *Voelteri* præcinctorium, quo uterus prolapsus tanquam in suspensorio quiescat.

## §. L V I I I.

Facta uteri repositione ad interna & externa erit confugiendum medicamenta. Interne blande laxantia conducunt, omnia fortiora evacuantia contemnenda [z], alvus libera semper servanda, status cachecticus & nimius uteri vel totius corporis mador, nec non alba purgamenta præprimis decoc-tis purificantibus & aliquatenus exsiccantibus ex rad. chin. lign. sanct. fant. rubr. farsaparill. sem. fenicul. interpositis resolventibus antimoniatibus, mercuria-

[x] *Ruyfchius observ. anat. med. chirurg. XXV. pag. 24.* Os uteri in partu prolapsus manu retinendum, & denato fetu, placentam tota manu extrahendam esse docet, ne rursus prolapsus, uterusque invertatur eo tempore ad inversionem pronus. conf. quoque *Deventer. lib. cit. cap. XXIX. pag. 133.*

[y] *Ruyfchius lib. cit. pag. 12. obs. IX.* cautelam aliquam practicam notatu dignam tradit. Demonstrat enim uterum, haud semper posse restitui, si extra partum diu e corpore prociderit, nec semper opportunum esse illud moliri, nam norunt periti, qui antequam hoc suscipiant, semper uteri prolapsi constitutionem diversam investigabunt: si enim a longo tempore prolapsus tantus sit factus, ut facili negotio in pristinum locum redigi haud possit, aut patiens uterum e longo tempore extra corpus gesserit, vel uterus prolapsus induerit, cum inæquali superficie, aut ulcere obsessus fuerit, periculum haud faciendum; reposito enim utero pessime sese habere solent agra.

[z] Pessimum est consilium *Hippocrates lib. 2. de morb. mulier.* ubi digitis altius in os immixtis vomitum, cum aqua lentum, melle & aceto excitari jubet, quo sursum revellatur uterus.



curialibus & roborantibus succinatis corrigenda, venæ sectio urgente necessitate repetenda aliquoties, animi affectus [a] corporisque agitationes & motus vehementes, v. g. risus, clamores, vociferationes, sternutationes, labores nimii grossiores, nifus omnes, qui musculos abdominales ad constrictionem excitant, diæta cruda & flatulenta, & supra adductæ (§. XXII.) causæ prolapsum excitantes, evitandæ, regimen autem optimum diæteticum servandum.

## §. LIX.

*Externa autem medicamenta* tam partes roborandi, quam tumores sæpius supervenientes inflammatorios discutiendi causa adhiberi solent. Priora adstringentia extra fluxus menstrui tempus pudoris sinui inferenda, conveniunt cum illis, quæ in vaginæ relaxatione (§. LXI.) commendavimus: posteriora vero eadem sunt, de quibus (§. XXXIV.) actum fuit. Solent quidem nonnulli ad præscriptum *Sennerti*, *Riverii*, *Etmulleri* hypogastrio & offi sacro emplastra quædam applicare, sed vix virtutem præstare videntur, cum sæpissime vel pruritus vel pustulas excitent, quare eorum in locum substituimus spirituosa, v. g. spirit. serpill. abstractit. camphorat. salis ammoniac. &c. unguenta nervina & frictiones ad naturalem usque calorem.

## §. LX.

Restat, ut paucis adhuc *curationem relaxationis uteri vaginæ* attingamus. Differt illa pro eo ac vel cum uteri prolapsu vel sine illo contingit. In priori casu reponatur uterus, indicata supra methodo, dein, uti etiam in posteriori casu, si mulier prius apte collocata fuerit (§. XXXI.) tunica relaxata propendens blande ac leniter reprimatur, quoad tota moles intra sinum recipiatur. Hanc ad monitum *Hippocrates* per aliquot dies (quemadmodum in genere in triplicis procidentie curatione observandum est) in lecto quiescere jubet; interim adhibeantur externa adstringentia, quo extensio internæ tunicæ brevior fiat. Inserviunt huic scopo præprimis aqua aluminis, cum vel sine vino austero, operata spongiæ vaginæ parietibus sæpius applicanda, mediante subligaculo autem vaginæ procidentia præcavenda. Potest quoque ex radicibus bistortæ, tormentill. fol. querc. herb. pyrol. cort. mali granati, fl. rosar. rubr. balaustior. nuc. cupress. terr. sigillat. gall. alumin. crud. in aqua ferrariorum vel plantaginis coctis, decoctum aliquod parari, genitalibus partibus aliquoties in die applicandum, vel tantum lanæ involucrum vino adstringente madidum ipsi imponi, postea autem aliud roborans ex herb. salv. lavend. thym. maior. rorismar. basil. bacc. & fol. laur.

D d d d 3

vino

[a] B. Hoffmannus quidem *Pathol. general. e Pechlino lib. III. obs. 24.* & *Zacuto Lusitano lib. II. obs. 65.* uterum prolapsum terrore sanatum fuisse refert, sed an hic fallacia causæ non causæ lateat? illis dijudicandum relinquo, qui cognitis hujus prolapsus causis & vera indole, aliquoties ejus curam susceperunt, nos interim habet dissentientes.

vino infusis substitui. Antequam autem hoc fiat, per peculiare quoddam instrumentum ad figuram infundibuli, quale *Rouffetus* depingit, fere confectum, fumus, præparato prius e succino, thure, mastich. resin. juniper. bals. peruv. sicc. & pelle anguill. suffimigio, carbonibus ignitis injecto, in vaginam dirigatur.

## §. LXI.

*Pessariis* nonnulli in hoc malo utuntur. Unius tantummodo ut mentio fiat, vides B. L. Fig. ejus VIII. tabula adjecta incisam. Inventum est *Jac. Mesnard*, qui illius figuram primum *lib. supra cit. pag. 51. Tab. VIII.* de lineandam curavit. Paratur pessarium diversæ magnitudinis ex tenui & subtili linteo, cera quantum satis, obducitur, postea lævigatur, deinde butyro recenti inunctum prius orificio vaginæ apponitur, tandem, diductis a se invicem pollice & indice sinistræ manus labiis, & vagina in situm naturalem reposita, digitus medius dextræ manus orificio g. pessarii Fig. VIII. imponitur, & vaginæ solerter immittitur, ita quidem, ut orificium h. h. versus uteri os directum e diametro respondeat orificio g. illudque una cum præcedente vaginæ procidentia, in loco naturali retineat. His peractis decoctum adstringens, ope peculiaris loc. cit. Tabul. IX. descripti siphunculi, vaginæ injicitur, filo autem i. g. i. pessarium non retrahitur, cum per superius hujus pessarii orificium h. h. ad vaginæ parietes medicamenti virtus penetrare possit.

## §. LXII.

Methodus operandi non est rejicienda; maxime in *statu complicato*, quando uteri prolapsus simul cum vaginæ relaxatione contingit; sed notandum, laudatum pessarium teste auctore [b], ponderosum nimis esse, interim corruptioni non statim obnoxium, ut reliqua. Quibus igitur pessarium nostrum Fig. I. displicet, quaecumque ex incisis sibi eligant curationi hujus morbi commodum.

## §. LXIII.

Reposita itaque & constrieta ac corrugata tunica interna, *causæ omnes* supra adductæ (§. XXV.), quæ ejusmodi relaxationem rursus producere valent, cane pejus & angue fugiendæ sunt, interim dispositio corporis serosa & cachectica internis medicamentis corrigatur (§. LXIX.),  
nimius

[b] *Libr. cit. p. 51.* On doit faire le pessaire avec du liège le plus fin que l'on puisse trouver, que l'on garnit, après lui avoir donné une figure convenable, ou avec du linge fin, ou de l'étoffe de soye ou avec de la cire blanche: cette dernière garniture doit être préférée aux deux autres: parceque quoique cet instrument devienne un peu plus pesant à porter, il se conserve aussi bien mieux que les autres & ne devient pas si-tot puant, attendu que la cire empêche que le liège ne s'imbibe des humidités qui exudent continuellement du vagin & de l'orifice de la matrice.



nimius humoris pituitosi ad genitalia affluxus præcaveatur, quod præmissis medicamentis internis purificantibus recto medicamentorum externorum adstringentium & suffimigiorum balsamicorum usu obtinetur, omnes deinde regulæ diæteticæ, ac contingente rursus graviditate præscriptæ cautelæ practicæ observentur (§. LVII).

## §. LXIV.

Equidem possem in diffusum adhuc exspatiari campum, & quid ad præcavendas ejusmodi afflictiones pertinet, fusius enarrare. Possem præprimis certas leges & cautelas illis præscribere, quæ ob angustam pelvim vel situm fetus capitis obliquum, partum difficilem & uteri prolapsum experiuntur, simulque errores, qui in hac parte chirurgiæ a plurimis committuntur, ostendere. Possem denique, quid ratione præternaturalis secundinarum adhæSIONIS, inversionem præcavendi scopo, faciendum? Et an ad mentem *Ruysschii* a solis naturæ viribus sine vitæ discrimine exclusio placentæ naturalis expectanda sit? ulterius explicare; sed ne limites dissertationis excedam, præmissis necessariis ad rem proprie spectantibus, filum hic abrumpo, & Deo immortalis pro concessis hætenus, in absolvendo studiorum meorum academicorum curriculo, viribus, gratias ago devotissimas, simulque, ut auxilium in suscipiendis ad ejus gloriam conaminibus, in posterum quam clementissime mihi largiatur, summis ab ipso contendendo precibus.

## T A N T U M.

## T A B U L A X X I V.

*Varias pessariorum species repræsentat & quidem*

Fig. I. Formam pessarii ellipticam.

Fig. II. Ellipticam circulo propius accedentem, intus excavatam, cum foramine in acutum tendente.

Fig. III. Triangularem, cujus latera sunt circularia, ratione structuræ priori fere similem, foris latitudine duorum digitorum gaudentem, magisque in acutum a circumferentia centrum versus desinentem.

Fig. IV. Orbicularem non adeo profundam.

Fig. V. Planam rotundam fere quadrangularem.

Fig. VI. Rotundam, in forma annuli extus convexam, intus concavam.


Fig. VII. Ovalem seu ovi formam referentem.

Fig. VIII.

Fig. VIII. Demum exhibet pessarium, quo *Mesnard* usus in curanda vaginæ uterinæ relaxatione. Figuram quidem campanæ habet, duo autem orificia, superius h. h. & inferius i. i. circa quod filum i. g. i. pessario adnexum deprehenditur, quo urgente necessitate rursus extrahi possit.









1862



1862



L X X X V I I.

D I S S E R T A T I O

M E D I C A,

D E

UTERI DELAPSU, SUPPRESSIONIS  
URINÆ ET SUBSEQUUTÆ MORTIS CAUSA.

*Quam Præside*

J O H. A D A M. K U L M O.

*Tuebatur*

J O H. E I L H A R D. R E I N I C K.

Gedani 24 Aprilis anno 1732.

1877

OF THE

NAVY

AND

OF THE

NAVY

OF THE

NAVY

AND

OF THE

NAVY

1877

1877



## C A P U T I.

*Sistens Casum.*

## §. I.

**F**emina quædam 26 annorum, militis gregarii uxor, præterito anno per 4 menses gravida die 28. Augusti onus tergo impositum gerens, pede ex improvise vacillante, alterius cruris difficili renisu vix gressum a lapsu sustinuit: domum deinde reversa statim conquerebatur de dolore insigni circa lumbos & in regione pubis, & cum postea urinam excernere tentaret, nihil prorsus effluere observabatur. Maritus æque ac uxor hac de re insolita attoniti, medici alicujus auxilium implorarunt, qui interne varia diuretica propinavit, externe vero apium cum lacte coctum identidem pubi calide apponere jussit, ast frustraneo penitus cum successu: quippe per 12. dies ne gutta quidem lotii fuit excreta, etiamsi fortissimi urinæ expellendæ conatus, frequenter insistentes & diureticorum virtute procul dubio insigniter aucti, maximo nisu vesicam premerent, adeo, ut atrocissimis ægra doloribus afficeretur, & venter nimium in modum extenderetur. Misera ergo hæc gravida die 8. Sept. sub intensissimis cruciatibus fati cedere coacta fuit.

*Historia morbi.*

## §. I I.

Post ejus mortem maritus lubenter certior fieri cupiebat, an uxor sua demortua certo gravida fuisset, & quænam esset tam subitanæ extensionis abdominis causa? Quapropter quandam ad nos mittebat feminam, quæ, circumstantias morbi prædictas nobis referens, quam sollicitè expetebat, ut vel aliquem chirurgum ipsi commendarem, qui desideratam cadaveris sectionem, marito egeno, gratis institueret.

*Sectionis causa.*

## §. I I I.

Statu isto defunctæ gravidæ raro obveniente commoti, flagrabamus ipsi met desiderio fetus & uteri circumstantias sollicitius explorandi. Idcirco una cum quibusdam chirurgis & medicinæ studiosis ad ædes defunctæ accessimus. Monstrabatur mortuæ corpus, cujus tumor abdominis 12. dierum intervallo adeo alte excreverat, ut statum graviditatis maturum, partuique proximum ad amissum mentiretur. Dubii certe quodammodo hærebamus, num vesica urinaria in tantam molem absque disruptionis metu distendi queat: fetus enim quatuor, ut maritus perhibebat, mensium vix quartam tantæ extensionis partem efficere potuisset. Immittebatur propterea stylus per

*Constitutio externi corporis.*

meatum urinarium in vesicam, qui, pedis fere longitudinis, totus intrusus fundum vesicæ nequaquam attingebat: urina autem, via sic parum dilatata, exitum magno conatu moliebatur, verum subito extrahebatur stylus, quia ejus copiam mensura æstimare cupiebamus. Hac vero occasione, qua meatus urinarius quærebatur, simul in conspectum veniebat protuberantia quædam carnea, ex vagina uteri magnitudinis ovi columbini propendens, cum quibusdam hydatidibus, pisa mole æmulantibus.

## §. I V.

*Interna-  
rion parti-  
um status  
præterna-  
turalis.*

Postea nos accingebamus ad investiganda interiora abdominis, quo aperto, manifesto apparebat, vesicam urinariam omnino in tantam molem fuisse extensam: occupabat namque insignis hæc vesicæ sarcina excitalis utramque regionem hypogastricam atque umbilicalem, quadantenus sursum adhuc in regionem epigastricam ad 2. pollices protensa, quæ ambitu hoc inaudito cuncta intestina tenuia penitus extra situm naturalem altius sub diaphragma validissime adegerat. Longitudo autem vesicæ ad duos pedes se extendebat, & latitudo unum superabat pedem in diametro; cavitas vero ejus continebat lotii mensuras 5. nostræ civitati usitatas, sive 20. libras. Protraxerat simul iste insolitus vesicæ adscensus peritonæum usque ad regionem umbilicalem, sic ab hoc loco usque ad os pubis vesica ubique musculis abdominalibus cohærebat, sola membrana cellulosa intermedia. Mirum quoque videbatur, quod vesicæ substantia, insigni hac distensione dilatata, solito tamen non tenuior, sed plus duplici dimensione crassior atque ex validis fibris carnosus contexta observaretur, id procul dubio copiosa vasa sanguifera, ad digiti crassitiem supra vesicam reptantia, abundante sua nutritione produxerunt. De quo postmodum agemus in §. 12.

## §. V.

*Causa dis-  
tensorum  
ureterum,  
& pelvium  
renum.*

Prædicta urinæ suppressio pariter causa fuit primaria miræ extensionis utriusque ureteris atque pelvis renum, quorum cavitates omnes insigniter erant dilatatae, præsertim pelvis renis dextri, cujus amplitudo extraordinaria pugnam facile capere potuisset: ureter, ab hoc pelvi ad vesicam protensus, altero etiam paulo largior observabatur, nec quidem ubique ejusdem dimensionis, quibusdam tamen in locis ad pollicis diametrum accedens.

## §. V I.

*Uteri situs  
præterna-  
turalis &  
conditio.*

Turgida adhuc vesica urinaria, tamque largo ambitu abdomini accreta (§. 4.) penitus occultabat uterum, ejusque impediēbat investigationem; propterea illa prius evacuari debuit, qua postea collapsa, is tandem in conspectum veniebat, attamen eum, justo profundius locatum, totum videre non



non potuimus: hærebat enim tertia fere uteri pars in ejus vagina arcte infixæ, ita, ut superius vagina corrugata vel potius inversa existeret: totus deinde uterus, lente protractus, se triplo circiter majorem, quam in statu ordinario, adeoque omnino imprægnatum exhibebat. Pars ista uteri inferior procul dubio ab ingressu vacillante justo profundius infra pelvim delapsa, atque in vaginam corrugatam intrusa, firmiter apprimebat collum vesicæ, hujusque orificium & annexam urethram ad os pubis, qua compressione excretio urinæ naturalis penitus præcludebatur, ita ut neque excernendi, auctique lotii vis & conatus proprius, nec adhibitorum diureticorum potentia renitenti infarctui prævalere potuerint.

## § VII.

Uterus tandem, ex ergastulo suo liberatus & retractus, ea parte, qua complicatus vaginæ inhæserat, flaccidus, aquis in amnio contentis, proli-<sup>Fœtum & secundinarum constitutio.</sup> que innatanti, illuc irruentibus, locum concedebat. Cum itaque pristinum situm proles haud amplius retineret, consultius duximus, ipsum uterum cum annexis partibus, annexaque vesica urinaria a corpore separare, ut secundinarum adhæsiō cum utero, membranarumque & fetus conditio omnium adstantium oculis eo magis paterent. Utero propterea exempto, & in anteriori parte decussatim aperto, placentam ita dictam, ope digiti ab uteri lateribus caute separatam, non solum illius fundo, sed quaquaversum universæ uteri internæ cavitati adhærentem conspeximus, excepta exigua parte prope orificium uteri, quæ foramen pollicis diametri relinquebat, per quod membranæ liquore suo refertæ prominebant. Extractis postea ex utero universis secundinis una cum prole obvoluta, placentam undiquaque unitam & simplicem sursum dividere juvabat, quo facto duplices membranæ aquis turgidæ exiguis fibris leniter sibi coherentes, iisque separatim contenti fetus gemelli, nobilioris sexus, quoad singulos artus perfecti, ast vita jam privati, in apricum prodibant.

## CAPUT II.

*Exponens uberius circumstantias, in hoc casu occurrentes.*

## §. VIII.

**A**Nte omnia uberiolem profecto considerationem meretur stupenda vesicæ urinariæ distensio (§. §. 1. 3. & 4. descripta), præsertim cum hujus vesicæ tunicæ non tenuiores, sed potius plus duplici crassitie validiores existerent (§. 4.). Secundum ordinarias naturæ leges semper partes corporis membranosæ eo magis attenuari solent, quo majorem in molem

*De ordinaria partium membranarum distensione.*

distenduntur. Vidimus aliquoties alias vesicas urinarias , à magna lotii quantitate justo diutius retenta expansas , quæ vix dimidiam crassitiem ordinariam ferverant , quarum aliquam , 4. libras urinæ capientem , præterito anno mense Martio in nosocomio cum auditoribus , tum temporis præsentibus , in corpore virili lustravimus. Sic ibidem alio tempore in alio corpore ventriculus insigniter dilatatus obveniebat , ad papyraceam , ut ita dicam , tenuitatem accedens , qui postea flatu oris vix penitus distensus , ex improvviso magno cum fragore dehiscerebat.

## §. I X.

Unde vesi-  
ca distensæ  
crassities  
derivanda.

Nostræ vero vesicæ distensæ crassitiem ( §. 4. ), contra ordinarias naturæ leges ( §. præced. ) auctam , vix aliunde , quam à majori affluxu sanguinis in statu gravido versus uterum derivandam judicamus. Siquidem post peractam conceptionem in gravidis arteriæ spermaticæ majorem identidem nutritionis copiam , ad alendam prolem , advehunt , qua cuncta vasa sanguifera circa uterum , partesque vicinas eo magis distendantur , quo majora embryo capit incrementa. Hinc tantum abest , ut gravidarum uterus , in insignem molem expansus , tenuior fiat , ut potius , simul cum fetu nutritus , majorem quadantenus crassitiem acquirat , quamquam ipsa substantia ob vasorum distensorum copiam spongiosior reddatur.

## §. X.

Controver-  
sia, de uteri  
imprægnati  
crassitie.

Diu quidem in partes reciprocas altercationis ferra inter anatomicos celeberrimos hætenus fuit agitata , utrum nimirum uterus gravidus ab hospite contento , ac quotidie augmentum capiente , dilatatus , auctiorem crassitiem ; an potius arctiorem tenuitatem nanciscatur ? Horum , qui sententiam , uterum gravidum attenuari , defendunt , antesignanus facile existit *Mauriceau* *Traité des maladies des femmes grosses* c. 4. *de la matrice* , sequentibus verbis pugnans : *Presque tous les fameux anatomistes , & une infinité d'autres Auteurs nous assurent , que la matrice ( par un miracle de la nature , qui est admirable par dessus tous les Auteurs ) devient d'autant plus épaisse qu'elle s'étend & se dilate , depuis le jour de la conception jusques au tems de l'accouchement : mais je m'étonne que du Laurens , Riolan , & Bartholin , ces précieux flambeaux de l'anatomie , ayent eux-mêmes eu si peu de lumière en cette occasion , que de n'avoir pas reconnu une si grande fausseté , qu'ils nous ont débitée à l'exemple de plusieurs autres , qui les ont précédé. Et porro : Tous ceux qui prendront la peine d'examiner la chose , comme j'ay fait , remarqueront aisément le contraire : car il est très certain , que plus la matrice se dilate dans la grossesse , plus elle devient mince & déliée. Qui aliorum ibidem quoque sententiæ hujus patrocinium adducit. Contrarium assertum acerrime tuctur *Deventer* qui *nov. lum. art. objectr.* c. 8. cunctas rationes à *Mauriceau* allatas , æque ac analogias à*

vesi-



vesica, vel ab animalium brutorum genitalibus desumptos, refutat, convictus frequenti experientia, qua nunquam, uti testatur, ipsi contrarium patuit. Huic sententiæ pariter jam olim multos veterum haud infimi subfellii viros addictos producit *Bartholinus anat. l. 1. c. 28.* & *Bohnius circuli anatom. physiolog. progymnasim. III.* quamquam posterior augmentum uteri crassescantis non in ipsa tunicarum crassiori dimensione, sed in uteri circumferentia & amplitudine comparanda consistere existimet: hac ratione tandem subjungit, illos, qui augmentum hoc uteri negarunt, sine autopsia soli rationi, à vesicæ (scilicet in statu ordinario) dilatatione petiti, confisos fuisse, cujus major expansio majorem attenuationem comitem nanciscatur; aut uteros magis exsuccos & per hæmorrhagias exsiccatos tantum secuisse.

## §. X I.

Ratio igitur, quare uterus gravidarum tam quoad molem, quam quoad substantiam augeatur, est, quod gestationis tempore multo major sanguinis copia ad illum per innumera dilatata vasa advehatur (§. 9.). Quo majora namque fetus incrementa capit, eo majorem quoque alimenti requirit copiam; uterus autem a fetu contento distensus relaxatur & multo minori, quam antea, gaudet robore atque renisu, propterea copiosius affluentem sanguinem nutritium instar spongiæ facile imbibit, eoque turgidior factus necessario intumescit.

*De uteri  
gravidæ  
crassescen-  
tiæ causa.*

## §. X I I.

Properant autem ad uterum copiosi arteriarum rami, ab arteriis spermaticis, hypogastricis atque hæmorrhoidalibus illuc demandati, quorum furculi, in statu naturali exigui, postea graviditatis tempore mirum in modum aucti, multiplici ac tortuosa anastomosi sibi invicem junguntur. (Vid. *Regn. de Graaf de mulierum organis cap. XI. tab. XI. & XIII.* & *Swammerdam de uteri mulier. fabrica.*) Cuncta hæc vasa sanguifera, tum temporis insigniter expansa, copiosissimum sanguinem apportant, qui non solum ad fetus nutritionem, sed etiam ad uteri, aliarumque partium vicinarum augmentum sufficit: imo plerumque adeo abundat liquor iste alimentaris, ut in plurimis gravidis statum plethoricum, & inde oriundam passionem hysteri- cam, oppressiones, nauseas, varices, aliaque mala, sola venæ sectione tutissime mitiganda, inducat.

*De copiosi-  
ori in gra-  
vidis nu-  
tritione  
versus ute-  
rum.*

## §. X I I I.

Haud adeo difficulter jam explicare possumus phænomenon illud: cur nimirum vesica urinaria in puerpera nostra, à lotio cumulado insigniter dilatata, quoad substantiam non tenuior, sed multo crassior facta sit (§. 4.)? Cum enim tam abundans alimenti copia uterum, partesque vicinas alluat (§. præced.), ideo ad vesicam, utpote utero maxime vicinam, eique arcte con-

*Cur vesica,  
dilatata  
crassior fa-  
cta sit?*

connexam, similiter justo uberius sanguinis quantitas accurrat, ejusque vasa pariter distendat: & cum præterea in nostro casu ipsa vesica ab urina, solito diutius retenta, non solum insigniter fuerit dilatata (§. 2.), sed etiam hac ratione ordinario suo robore, tono ac elatere orbata, aliter fieri haud potuit, quin vesica insigniter expansa, & sic admodum relaxata, majorem nutrimenti copiam ab arteriis vicinis, sanguine turgidissimis reciperet, eodemque modo, quo uterus gravidarum dilatatus & relaxatus (§. 11.), tunicas crassiores nancisceretur: quam nutritionem præternaturalem luculentissime indicant vasa sanguifera, supra eandem reptantia, & ad digitum crassitiei tumefacta deprehensa (§. 4.). Nec plane silentio prætereunda est illa circumstantia, qua vesica hæc, altius sursum ascendens, peritonæum secum extra situm naturalem protraxit, novamque cum musculis abdominalibus cohæsionem effecit (§. cit.), qua occasione nova nutritio, novis his partibus connectentibus impensa, simul crassitiei augmentum vesicæ vicinæ suppeditavit.

## §. X I V.

*Cur idem augmentum crassitiei non frequentius contingat?*

Hoc modo facile explicabitur ea ratio, cur illæ vesicæ urinariæ, extra gravidum statum ab urina cumulata quandoque solito largius expansæ, non crassescant, sed potius attenuentur (§. 8.); nullum enim tunc suppetit nutrimentum, ad tale augmentum sufficiens. Neque in omnibus mulieribus gravidis semper intumescunt vesicarum tunicæ, licet ad eas major sanguinis copia deferatur (§. 11.): gaudent namque hæc vesicæ tum temporis robore ac elatere suo naturali, cujus potentia superfluam alimenti quantitatem affluentem facili negotio per venas patulas repellit.

## §. X V.

*Quare vesica tam insigniter dilatari potuerit?*

Stupenda illa vesicæ urinariæ expansio, qua non solum universæ regiones, hypogastrica & umbilicalis, sed etiam inferior regionis epigastricæ pars occupabatur (§. 4.); absque disruptionis metu nequaquam fieri potuisset, nisi ejus substantia simul augmentata, indeque validior facta fuisset: quo enim magis ceteroquin partes membranosæ expanduntur, eo etiam magis earum robur & vis elastica debilitatur (§. 8.). Urinæ autem non solum in ipsa vesica cumulata; sed etiam in ureteribus, renibusque coacervata (§. 5.) potentia in nostro casu multo validior exstitit, quam vesicæ expansæ, & admodum debilitatæ, vis elastica. Secus enim tam ingens dilatatio nequaquam facta fuisset. Quodsi itaque tunicarum substantia a copioso nutrimento non fuisset aucta & roborata, omnino a fortiter urgente lotio sensim, magis attenuari, citiusque diffringi debuisset, priusquam in tantam molem fuisset expansa.

## §. X V I.

*De insolita*

Aliquam præterea considerationem meretur præternaturalis illa peritonæi pro-



tractio sursum usque ad regionem umbilicalem facta (§. 4.), qua illud, *peritonæi*  
inferius per totam regionem hypogastricam a musculis abdominis violenter *connexio-*  
avulsum, cavitatem ventris multo breviorē reddidit, hinc intestina, præ- *ne, ejusque*  
fertim tenuia, sub diaphragma arctius fuerunt compressa. Latitat natura- *causa.*  
liter vesica in infimo abdominis loco, qui pelvis dicitur, quem antè  
ossa pubis, utrinque ossa ilia & posterius os sacrum constituunt. Incumbit  
in feminis utero, in maribus intestino recto. Communiter quidem vesica  
intra duplicaturam peritonæi contineri dicitur; rectius tamen ejus fundus,  
eque pars posterior, quæ cavitatem abdominis respicit, saltem obducitur  
peritonæo; collum autem & pars anterior jungitur ossi pubis me-  
diante membrana quadam tenui, porosa, *cellulosa* dicta. Præterea in ho-  
minibus fortiter deorsum constringitur vesica a peritonæo, ita ut sæpissime  
ab imperitis frustra quæretur, nisi lotio turgescat; decipiuntur hi ob analo-  
giam, quam sibi ex situ vesicæ in animalibus brutis concipiunt, utpote in  
quibus plurima vesicæ pars in abdominis cavitatem libere prominet, sola  
ejus cervice peritonæo annexa, hinc facillime in his conspicitur. Musculi  
propterea abdominis, ob validam vesicæ distensionem a peritonæo liberati,  
novam cum membrana cellulosa, pariter sursum solito altius propagata,  
subierunt cohæsiōem. Cum vero hujus membranæ substantia admodum sit  
porosa, ideo vasis sanguine turgidis ubique liberam concessit viam, qua  
eorum rami copiosissime quaquaversum, etiam supra vesicam distensam,  
dispergerentur, quibus mediantibus uberior vesicæ advecta fuit nutritio  
(§. 9. & 12.)

## §. XVII.

Egressus urinæ per viam ordinariam, ab utero, collum vesicæ obtu- *Causa dis-*  
rante, interceptus, simul obicem posuit succedenti lotio a renibus affatim *tensionis*  
per ureteres transeundo: cum enim renes debito modo suo fungerentur *viarum*  
officio, atque serosam hanc humiditatem indesinenter secernerent, fieri *urinæ.*  
aliter haud potuit, quin non solum ipsa vesica, sed etiam ureteres & uter-  
que renum pelvis adeo amplissime distenderentur (§. 5.). Et cum singulæ *Dolor ex*  
hæ cavitates membranis nervosis, iisque sensibilissimis gaudeant, igitur do- *bac disten-*  
lorem intensissimum, atrocissimumque miseram hanc mulierculam ex for- *sione.*  
tissima horum meatuum extensione perpeti debuisse quilibet facile concipiet;  
imprimis si simul secum perpendat illam vim potentissimam, quæ perito-  
næum ab ordinaria sua cohæsiōe violenter avellere (§. 4.) & alias quo-  
que corporis partes, vesicæ annexas, distendere valuit: quales viscerum  
extensiones, distractiones, atque intestinorum anxia compressio profecto  
dolores gravissimos producere debuerunt.

## §. XVIII.

Situs uteri in §. 6. descriptus plane fuit præternaturalis. Collocatur *De Cu-*  
*Tom. III.* *F f f f* *eniam* *atert.*

enim uterus naturali modo in infimo abdominis loco, pelvi dicto, quem ossa ilia, ischia & pubis cum osse sacro efficiunt: superior uteri pars nullibi adhæret; inferior autem & imprimis ejus vagina jungitur antrosum vesicæ, retrorsum intestino recto & lateraliter utrinque ligamentis latis ac rotundis: lata uteri ligamenta, quæ etiam alæ vespertilionum vocantur, utrinque uterum cum ossibus ilei connectunt; rotunda vero transeunt per processum peritonæi, annulosque abdominis, & utrinque firmiter alligant uterum inguini. His mediantibus vinculis validis uterus in hac sede sua naturali firmiter detinetur, nec adeo facile sursum, nec deorsum, nisi à causa quadam violenta semoveri potest. Cum itaque in gravida nostra uterus justo profundius deorsum infra pelvim delapsus, & vagina inversa apparuerint (§. cit.), necessario ligamenta uteri valida, nexusque cum intestino recto fuerunt relaxata: unde cognoscimus, gressum sub onere vacillantem intulisse utero vim fortissimam, qua ligamentorum attractio valida fuit superata.

## §. X I X.

*Contrôver-  
sia de uteri  
prolapsu.*

Sunt quidem nonnulli viri, in re anatomica sagacissimi, qui uteri prolapsum in dubium vocare conantur, iis rationibus inducti, quoniam ope ligamentorum prædictorum (§. præced.) firmissime alligatur, & putant, relaxatam uteri vaginam, extra sinum pudoris prominentem, forte hæc ludibria facere & credulis imponere, ut verum uterum descendere posse sibi persuadeant. Eorum vero, qui verum uterum quandoque prolabi posse affirmant, idque ratione æque, ac experientia confirmare nituntur, tantus est numerus, ut si multitudo sententiæ patrocinium conferret, de hujus veritate nullo modo dubitari queat. Vid. *Stalpart van der Wiel. Cent. I. obs. 67. & 69.* qui integrum ibidem patronorum hujus prolapsus catalogum sistit. Unus omnium allegari sufficit, solertissimus corporis humani scrutator, *Fridericus Ruyschius*, qui partim *Thes. Anat. VI. num. 63.* partim etiam *Obs. Anat. Chir. I. 7. 9. 24. 25.* veram uteri procidentiam, & quidem ingentis magnitudinis nobis exhibet: hic pariter *Obs. 10. & 16.* uterum nonnunquam post gravissimos parturientium conatus inverti ostendit. Minime quidem negamus, dari sæpe spuriam uteri procidentiam, dum uteri vagina frequenter, aut aliæ excrescentiæ præternaturales talem descensum mentiuntur. Exemplum refert *Kerkringius Obs. 53.* qui interfuit sectioni mulieris mortuæ, cujus uterum, extra pudenda prolapsum fuisse, medici antea asseverarunt, cum tamen uterus postea in sua sede naturali fuerit repertus, & sarcoma aliquod, eos decipiens, propenderit. Similem casum sistit *Bartholinus Cent. II. Hist. 58. & Ephem. Nat. Cur. Dec. I. Ann. 2. Obs. 79.* Hinc valde decipiuntur illi, qui quodvis corpus extra vaginam prominens verum uterum esse sibi, aliisque persuadent; attamen hallucinantur quoque, qui genuinum uteri prolapsum impossibilem esse credunt, licet talis descensus rarius contingat.

## §. X X.



## §. XX.

Ex his prædictis autem facile intelligitur : *verum uteri prolapsum* esse *Quid uteri prolapsus verus.* præternaturalem uteri descensum per totam ejus vaginam , quo ille , sive *prolapsus* rite constitutus , sive inversus , foras extra vulvam visibilis propendet , à quacumque etiam causa fuerit e sede sua semotus. Inversum potissimum producit violenta secundinarum extractio , quam obstetrices plerumque præter necessitatem nimis festinantes accelerant , dum adhuc firmiter placenta utero adhæret , falsæ opinioni & præjudicio tenacissime inhærentes , ac si uterus post fetus egressum se statim occluderet , cum tamen sæpe per aliquot hebdomadas orificium ejus se nondum penitus contrahat. Vid. *Celeb. Ruyschius* obs. anat. chir. 43. E contrario *uteri prolapsus spurius* est, *Quid uteri prolapsus spurius.* non uteri , sed ejus vaginæ , insigni quadam vi corrugatæ & inversæ , aut alius tumoris propendentia. Experientia testatur , hos prolapsus tam verum , quam spurium , sæpissime in partu difficili ab imprudenti obstetricum tractatione originem ducere. *Uteri autem delapsus* (qualem in nostro casu observavimus) vocamus illum situm præternaturalem , quando verus *Quid uteri delapsus.* quidem uterus e sede sua paulo profundius in vaginam descendit , ibidem tamen suspensus adhuc retinetur , ut extrorsum nondum propendeat.

## §. XXI.

Uterus in nostra defuncta e sede sua naturali infra pelvim descendens (§. *Uteri delapsi novæ.* 6.) in eam loci angustiam pervenit , ubi sub osse pubis collum vesicæ & urethræ orificium collocantur : propterea insolitus ille uteri infarctus viam urinæ excernendæ præcludit (§. cit.) , non nisi manuali uteri repositione liberandam , quæ , cum fuerit neglecta , aliis mediis impotentibus præpediri non potuit. Multum adeoque abfuit , ut medicamenta diuretica , licet fortissima , impedimentum hoc remove potuerint , ut potius perpetuoistente urinam excernendi stimulo , uterus magis , magisque intruderetur. Præterea hic uteri delapsus simul vaginam , qua recipiebatur , deorsum depulit , ita , ut hæc corrugata & antrorsum extra vulvam quadantenus prolapsa conspiceretur (§. 3.).

## §. XXII.

Cum itaque in nostra defuncta retentionis urinæ unica causa fuerit delapsus uteri , quo collum vesicæ , hujusque orificium & annexa urethra firmiter ad os pubis adprimebantur (§. 6.) , quilibet profecto optime cognoscere valet medicamenta diuretica (licet potentissima fuissent adhibita) *Quanam medela sit. seipsi deluisset.* ne minimam quidem opem ferre , aut præclusam viam referare potuisse , imo auxisse dolores , sic frustra plane fuisse adplicata : siquidem intrusus in arctissimum locum uterus hac ratione nequaquam removeri potuit. Facili tamen negotio manualis operatio vel alicujus aniculæ repositionem uteri præ-

stitisset, adeoque causam funestæ retentionis urinæ removisset, si saltem medicus ipsemet hanc genuinam suppressionis urinæ causam debite considerasset, aut intellexisset: ad minimum debuisset ille omnino catheteris adplicationem suadere, qua encheiresi urina effluxisset, atque ægrotæ dolores vel ad tempus cessassent. Patet adeoque luculentissime, quam sinistre illi medici, ad multorum hominum detrimentum praxin suam exerceant, qui chirurgiam negligunt: vid. *Schediasma nuperrime a nobis ventilatum de quibusdam præjudiciis medicis. Præjud. I.* Multi profecto miseri homines à morte præmatura liberarentur, si medici non, empiricorum more, suis remediis specificis nimium fiderent, sed majori conscientia, sana ratione & necessariis adminiculis morbis obvenientibus recte invigilarent, & cuncta studia ad solidam medicinam necessaria rite perspecta haberent.

## §. X X I I I.

*De simplici  
gemello-  
rum pla-  
centa ute-  
rina.*

Tandem observatur plerumque, quod gemellorum placentæ, si penitiori indagatione anatomica rite explorantur, sunt separatæ, quanquam sibi invicem arcte adhæreant, ut connecti videantur: nostrorum vero gemellorum placenta uterina, omni adhibito studio & exquisitissima solertia explorata, nullius unionis vestigium exhibuit, sed omnino quaquaversum continuo nexu jungebatur, ita ut dumtaxat simplex existeret (§. 7). Denique etiam hæc circumstantia plane singularis est, quod ingens ista placenta undiquaque universæ uteri cavitati internæ fuerit annexa (§. cit.), cum alias communiter solummodo uteri fundo aut rarius alterutri ejus lateri adhærescat. Rarissime evenit, ut ea ante uteri orificium sit collocata, quo situ præternaturali egressus fetui in partu præcluditur, ita, ut nequaquam (nisi prius placenta caute remota) infans in lucem edatur, adeoque sic partus difficillimus fiat: quam tamen manualis opitulatio cum sana ratione debite suscepta faciliorem atque feliciorē reddere valet. (Confer. *Commerc. litter. Norimb. Semestr. I. pag. 14*). Unde ars obstetricandi, medicis & chirurgis æque, ac mulierculis obstetricibus necessaria, suam præstantiam magnopere commendat, & omnino expedit, ut, qui eam exercere cupiunt, anatomix necessario prius sint instructæ. Vid. hac de re *Schediasm. cit. Præjudic. III.*

## F I N I S.

## C O R O L L A R I A.

- I. Verus datur uteri prolapsus.
- II. Remedia diuretica in spasmodica constrictione & in calculi affectu propinata, plus damni, quam emolumenti asserunt.
- III. Falluntur, qui se remediis internis calculum vesicæ conterere posse, aut unquam contrivisse putant.
- IV. Secundinarum extractio aliquo post partum tempore adhuc perfici potest.
- V. Plus valet potentia naturæ, quam vis medicamentorum.
- VI. Honori cedit medico, quod sit naturæ minister.

DISSER.



L X X X V I I I.

DISSERTATIO  
MEDICO-CHIRURGICA.

D E

INCONTINENTIA URINÆ  
EX PARTU, GLOBULIS LIGNEIS  
CURANDA.

*Quam Præside*

SIM. PAULO HILSCHERO.

*Tuebatur*

JOH. DAN. MITTELHÆUSER

THUSDORFF. THURING.

Jenæ 4 Julii anno 1716.





## J U V A J E H O V A !

*Historia.*

**D**ie V. Septembris Ann. MDCCXII. fœmina quædam rustica, quinquaginta & unum annum nata, D. D. Præsidi exposuit, se decem circiter ab hinc elapsis annis, post exantlatos per trium dierum spatium acerbissimos partus dolores, filium tandem mortuum enixam esse, cum infelici ilthoc simul eventu, ut tribus a puerperio elapsis diebus urina invitæ stillaverit. Spurcam hanc excretionem ut supprimeret, suasu cujusdam mulieris globum, e stupa, linteis, filisque confectum, ac cera obductum, uteri vaginæ intrussit, qui etiam invitum liquoris obsceni profluvium ad decem fere annos felicissime cohibuit. Cum vero intra decennium hoc dictum globulum nunquam vagina exemerit, ac à fordibus repurgarit, ab omni latere eidem adhærentia tartarea, & mensium viscido-mucida excrementa molem ipsius mirum quantum auxere, quare idem extrorsum & vulvam versus magis, ceu spatium anplius, descendit. Dum itaque globum hunc in locum pristinum superiorem reponere omni nisu allaboravit rustica, frustum quoddam adhærentis tartareæ materiæ abscessit, unde inæqualitas, in parte globi inferiori enata, parietem intergerinum, inter uteri vaginam & intestinum rectum, sensim attenuavit, tandemque penitus dilaceravit, ut dictus globus, mole insignis, per factum foramen magnam partem descenderit in intestinum rectum, hujusque canalem occluserit: quo facto feces alvinæ viam ordinariam deferentes per vulvam excernebantur, & pristina urinæ incontinentia repetebat, retinaculo debito remoto. Præter dicta incommoda conquesta etiam est, se propter dolorum tormenta nec sedere, nec cubare commode posse, quare anxia consilium & auxilium expetiit, cum obstetricis conatus in eximendo globo plane frustranei fuerint.

*Resolutio.*

## §. I.

**A**ffectus ægræ nostræ complicatus est ex duobus symptomatibus, sc. incontinentia urinæ & excretionem fecum alvinarum per genitalia; totidemque morbis stricte dictis, nempe ruptura vaginæ uteri, & intestini recti, hujusque obstructione, uti id ipsum distinctis verbis recensita historia docet.

## §. II.

## §. I I.

Singulos hos affectus investigaturo primo loco se sistit incontinentia urinæ. Hæc in nostra ægra considerata est symptoma actionis læsæ vesicæ, qua ipsi præter voluntatis consensum die nocteque urina profluit, & genitalia inundat, a soluta unitate sphincteris in partu facta dependens.

## §. I I I.

Vesica viscus illud est, cui tædiosa urinæ incontinentia, tanquam subiecto, inhæret. Uter hic microcosmicus in statu naturali collectioni urinæ ex renibus venientis, hujusque asservationi & excretioni præest: quem in finem sapientissimus conditor ipsi duplicem prospexit musculum, quorum primus latus, alter circularis s. sphincter dicitur. Latus, qui etiam tunicæ carneæ s. musculosæ nomine apud autores venit, in assignandis fibrarum ordinibus anatomicis multum negotii creavit. Nam alii longitudinales & irregulares agnoscunt: uti *Verb. Anat. C. H. p. m. 155.* alii rectas, circulares & transversales se vidisse scribunt ut *Beddevole Essais d'Anatomie Discurs. XX. p. 184.* allegante eundem *C. Pauli in Not. ad Hornii Microcosm. p. 123.* imo insignis hoc tempore Physiologus Celeberrimus *Bohnus* præter longitudinales omnes fictas esse credit, *Circ. Anat. Phys. Prog. XIV. p. m. 224.* In hoc cum anceps hærerem, Dn. D. Præses vesicam humanam flatu distentam mihi demonstravit, & certus factus sum, vera esse quæ *Magnificus noster Slevogtius* scribit in *Disp. de Incont. Urinæ §. 12. p. 9.* sc. præter recta incedentium fasciculos etiam oblique & transversim excurrentes occurrere. Sphincteris fibræ orificium vesicæ circulariter ambire dicuntur a *Welschio Tab. Anat. XXIV. Nr. 19.* oblique vero a *Verheyen l. c. p. 157.* & Celeberrimo *Bergero Physiol. Med. C. XII. p. 192.* Hæ quales quales etiam sunt, orificium vesicæ constringendo adeo clausum tenent, ut ne guttula quidem excidat, donec a contractione tunicæ musculosæ, (quam tam urinæ moles, quam mentis imperium efficit) superatus sphincter recludatur, urinamque dimittat.

## §. I V.

Sic est vesica in pelvi, regione infimi ventris, ab ossibus innomitatis, sacro & coccygis efformata, ita quidem, ut antè sphincter cum sua propagine, urethra, commissuræ ossium pubis, mediante membrana peritonæi, alligetur: inferius vaginam uteri, usque in macrocosmum hiet, comitetur; imo in fæminis fibræ circulares meatus urinarii latiori ductu ad vaginæ latera descendant *Welsch. l. c. Tab. LII.* Per hos aliosque fibroso-membranaceos nexus duo hæc excernicula adeo firmiter concresecunt, ut  
non



non nisi cultri anatomici acie possint separari. Vagina uteri, qua os coccygis spectat, sphincteris ani fibras in se recipit, & cum intestino recto, mediante musculosa substantia, adeo firmiter & intricate connascitur, ut vaginæ substantiam ab intestino recto exacte discernere sit difficillimum. Desuper integra harum partium compages ossibus circumjectis affigitur. Videantur anatomici, in specie *Verh. l. c. Tract. II. c. 10. p. 82. § 83. C. XXVI. p. 193.* Deinde & hoc monendum videtur, quod urethra hujus sexus vix duos digitos longa, latior tamen, faciliusque expansionis sit quam in maribus, consentiente eodem autore *Tr. II. c. XVIII. p. 157.* atque quod sphincter vesicæ orificio uteri interno fere superponatur, quamvis orificium vesicæ nonnihil antrorsum sit exporrectum.

## §. V.

§o. Tertio allegatus agendi vesicæ modus actionibus mixtis, ut vocantur, accensendus est. Per has autem apud medicos ejusmodi intelliguntur actiones partium, quæ imperio mentis retardari quidem in tantum, & suspendi, imo accelerari, non vero supprimi aut negligi in totum possunt. Cum itaque actiones animales a nervis e cerebro procedentibus; vitales vero & naturales ab illis, qui cerebellum & medullam spinalem egrediuntur, dirigi credantur, provida ipsi natura duplicem nervorum sobolem iniecit, quarum una ex pari vago (quod secundum *Vieussenium in Neurograph. univers. p. 347.* partim e tractibus albis e media-ovalis centri regione ducitur, partim e processibus, a cerebello ad spinalem medullam porrectis, prodit) derivatur; altera à medulla ossis sacri matulam hanc microcosmicam intrat. Ita quamvis stimulum urinæ exitum quærentis sentiamus, obstante tamen mentis voluntate, ad nonnullas etiam horas emissionem præcludere ac differre valemus: & quando alios mingentes videmus, indulgente animo, societatis ergo, ut loquimur, & vestes laxamus. Ratio formalis igitur nostri affectus in eo consistit, ut neque natura amplius, neque mens audiatur, sed quotiescumque, seu interdum, seu nocte, guttula urinæ ex ureteribus in vesicam devolvatur, statim foras ad pudenda muliebria tendat: cum sphincter potentiam resistendi amiserit.

## §. VI.

Incontinentia urinæ malum detestabile, idque non rarum est, cum a tot diversisque oriatur causis: omnium tamen frequentissima jure pronuntiatur ab *Experientissimo Slevogtio* a partu facili difficilique originem ducens, in laudata de hac materia dissertatione §. 29. cui speciei & noster affectus accensetur. Adeoque nos in præsentiarum neque differentias, neque causas, alias huic inducendæ maculæ aptas, prolixè recensebimus, sed in eo

tantum, ut demonstremus, quomodo partus illam inferre possit, erimus occupati.

### §. VII.

Causæ igitur, quemadmodum a Philosophis in proximas, seu immediatas, & mediatas discescunt; ita & nos læsionem sphincteris immediatæ, partum vero mediatæ titulo insigniemus. Causam proximam & immediatam quod attinet, inter quam & morbum nihil intercedit, accusavimus in definitione solutam sphincteris vesicæ unitatem, sive laxetur saltem & dilatetur, sive dilaceretur apparenter. Fibris hujus musculi, quemadmodum ceteris omnibus, frequentissima nervorum fila sunt intertexta, quæ in statu naturali ita comparata esse debebant, ut secundum longitudinem seu extensionem suam vias habeant liberas contiguasque, pro admittendis & ulterius propellendis spiritibus animalibus. Fibræ autem ipsæ non secundum longitudinem solum integræ requiruntur ad contractionem præstandam, sed etiam secundum latitudinem & peripheriam necessum est, ut sibi invicem incumbant; immediateque se se attingant. Hoc enim si ita sit, orificium vesicæ semper æqualiter, vi elateris, quo sphincter pollet, constringitur & clauditur, liquorque in illa latens coercetur, ut non nisi animo consentiente, vel etiam imperante, profluere, & ripas transilire possit. Quando vero contingit, ut musculus hic nimis, quam par est, dilatetur, parietes a se invicem distendantur, & distrahantur, fit, ut non solum quædam fibræ musculi, sed etiam nonnulla nervorum fila in longitudinem extendantur, pauciores vel plures dilacerentur, quoad scilicet extensionis vehementia, aut fibrarum qualitas comparata est, atque hoc pacto contiguitatis jacturam faciant.

### §. VIII.

Laxato hunc in modum sphinctere, aut plane perduto, prout nimirum pauciores saltem vel plures fibrillarum harum muscularium non minus, quam nervearum, sphincterem vesicæ constituentium, in allegata extensione dilaceratæ sunt; licet etiam exteriores ad statum naturalem redeant, & ex parte iterum sese constringant; tamen fieri nequit, quin interiores, aut ipsæ læsæ (scil. per digitum vel aliud instrumentum) aut auxilio exteriorum destitutæ, molique incumbenti non pares, non in rugas abeant; & præterea, cum spiritus animales, non interrupta via incedere adfuerint, constrictionem ideo ulterius præstare non possint, subinde atomi aqueæ urinacæ per interstitia rugarum transeant, velut transudando, & ad instar gutturnii minus recte reclusi; ex atomis vero colligantur guttulæ, & exstillantes diffuant ad vicina pudendorum labia & superficiem reliquam, ab illa vero inundantis urinæ acrimonia intertrigo & fastidia oriantur, cum ardore



dore & odore quoque ingrato : perspicua hæc sunt verba *Illustris Wedelii ex Prax. Clin. in Tim. L. IV. c. 32.* desumpta.

## §. IX.

E causis mediatis incontinentiæ urinæ partus facilis non minus, quam difficilis, considerandus est. Campus hic se pandit amplissimus differendi de partu naturali pariter & præternaturali : sed quousque quæso arctiores dissertationibus destinatæ paginæ excrescerent ? hæc igitur ex alio accersenda capite. Si cui absolum videatur, quod causis mediatis partum facilem annumeraverimus ? respondemus : quemadmodum alias res quædam, naturalis dicta, quæ in conservando & adjuvando naturam occupatur, si inconvenienti modo adhibeatur, in uno magna producere apta est mala, quæ alteri non nocet ; ita & hæc actio naturalissima in hac fœmina felicius faciliusque procedit, quam in altera. Nam hæc statim superato partu consuetos iterum subire potest labores ; alteram per multos dies lecto affixam esse oportet. Si in causas inquiramus, constitutio earum naturalis culpam suscipiet. Iis enim, quibus fibræ musculorum robustiores, & elatere alacriori instructæ sunt, citius omnino firmitas pedum redit, præ aliis, quæ temperamento phlegmatico, fibris, & spiritibus segnioribus gaudent. Si itaque tales in naturale parturientium torcular deferantur, facillime accidere poterit, ut fibræ sphincteris, propter aquositatem suam, extensionem facile subeuntes, corrugationem vero respuentes, superius malum incurrant. Plerumque vero si incontinentia urinæ partum facilem excipit, culpa in obstetrices redundat, cujus deductio §o. XI. reservata est.

## §. X.

An partus facilis incontinentiam urinæ producere possit, in lite esse videbatur ; quod vero difficilis fœcunda illius mater existat, nemo fortasse in dubium vocabit. Causæ, quæ partum difficilem reddere aptæ natæ sunt, & ad nostrum affectum tanquam remotiores se habent, vulgo ad tria genera referuntur, sc. matrem parturientem, fetum excludendum, & obstetricem ancillantem ; ex quibus, quæ ad nostrum scopum adspirant, delibabimus. Mater in culpa est, ratione vel corporis, vel animi : corpus arguimus, si orificium uteri nimis angustum, aut ad extendendum ineptum est, aut vagina nimis arcta, qualem sæpe habent primiparæ, congressum mariti non sæpius jam expertæ. Tale etiam est in carnositas & obesitas, quarum omnes viæ vel nimia pinguedine, vel musculis crassioribus obsessæ sunt. Deinde etiam angustum est orificium, neque extendi se facile patitur fœminarum siccarum, talium vel ratione temperiei naturalis, vel ratione ætatis : quorsum spectat temperamentum melancholicum, cui præprimis obnoxie observantur in agris degentes, laboribus gravibus humidum im-

pendentes. Annosiores paulo siccitate semper majori obsidentur, prout in toto corpore, ita & in utero; imo cervix uteri in his dura admodum & quasi cartilaginea nonnunquam existit, autore *Galeno de dissect. uteri c. 3.* Dum itaque tales pariunt, fortiori omnino opus habent nisu, unde fibræ partium domesticarum, & aliarum vicinarum, necessario simul mirum quantum extenduntur, ut elateres salvos servare periculo plenum sit. Animus puerperæ accusatur, si affectibus spiritus fixiores reddentibus inhæreat, aut cogitationibus aliunde circumvagetur: hoc enim modo fetum in irregularem situm conjicere potest, ut deinde ingenti labore & distensione uteri aut reponendus, aut extrahendus quandoque veniat. Fetus vero peccat, quando natura vel nimis magnus, vel præter naturali appareat situ: quam in rem *Cl. Ettmull. op. P. II. p. m. 1043.* disertis verbis scribit: fit interdum in laborioso partu, ut fetus grandior, nimis distendendo vaginam uterinam, adeo distendat collum vesicæ urinariæ, vaginæ uterinæ insertum, ut puerperæ continere nequeant urinam.

## §. XL

Obstetrices, dum procurant partus difficultatem, incontinentiæ urinæ, tanquam causæ remotæ, autores fiunt; imo illas ut causam proximam interdum accusandas esse edocti sumus. Quis enim ignorat, quod sæpe rusticæ non minus, quam aliæ simplicissimæ mentis fæminæ, ad hoc ingens & maximi momenti munus admitti soleant, quæ nec structuræ anatomicæ partium genitalium, nec ordinis, quem natura in hoc negotio servare solet, gnaræ, meliora quidem nescientes, damna inferunt? Neque latere puto, quanto gaudio vetulæ hæ haustulum aquæ vitæ a patre, cujus filiolum plumis ac pannis involvunt, oblatum amplectantur! Accedant tales, quod sæpissime fit, insperatæ ad feminam parturientem, sciant etiam & teneant omnia, quæ ad hunc actum requiruntur, præ temulentia tamen, quo se vertant, sæpe nescient. Itaque dum se omnia adhuc exoptate habent, situm infantis inquisituræ, *wenn sie wollen fühlen, wie das Kind steht*, improvidos digitos non orificio uteri interno, ut decebat, sed urethræ ostio, quod instante partus tempore, ob orificium uteri à fetus mole protrusum, retro paulo cedit, inferunt, atque sic sphincterem vesicæ, ad quem usque, cum fetus non statim occurrat, penetrant, nimis distendendo laxant, aut tonum ejus plane perdunt, ut perpetuum postea urinæ elapsum concedat: observantibus id clarissimo Slevogtio nostro & B. Ettmüllero locis citatis: aut etiam fæminam statim ad labores contra naturæ nutum impellunt, vacillantibus genibus fultæ, operationem tremulis manibus aggrediuntur, & faciunt, ut puerperæ, viribus frustra labefactatis, justum naturæ ausum sufferre & adjuvare non possint: imo quandoque mortuum fetum aptis ineptisque instrumentis extrahere molientes, sphincterique vesicæ intrusis, tonum hujus destruunt, ut non possit non  
deinde



deinde talis macula excitari, quale admodum notabile exemplum habet idem *Exc. Slevogtius* in *Disput.* laud.: *de Incont. Urinæ* §. 39. de obstetrice, quæ unco ferreo, a lampade olearia abrepto, talia præstitit.

## §. XII.

Hæc itaque si accidunt, ut sc. mater non, ut decebat, se gerat; infans conditiones vitiosas obtineat; aut etiam obstetrix, sui quod est officii, non rite peragat, fetus exclusio omnino difficilis redditur. Cogitet nunc quis: angustia orificii interni matricis, quæ alias calamus scriptorium vix admittit, & vagina etiam, non raro admodum arcta, debent adeo expandi, ut licet naturalis adsit status, obstetricis digiti, & caput, totumque infantis corpus, imo & hoc interdum duplicatum, possit penetrare. Tacemus statum præter naturalem, ubi vel ob situm plane extraordinarium, vel infantem demortuum, multa, eaque laboriosissima, sive manibus, sive instrumentis, operatio requiritur. Hinc nescio, an contradicendum sit experientissimo *Hildano*, qui in laboriosiori partu, non ossa pubis solum, sed etiam ilii, ab osse sacro notabiliter quandoque disjungi asserit, *Cent. VI. obs. chir.* 39. p. 547. & plerumque post talem partum stillicidium urinæ, imbecillitatem lumborum, & claudicationem observari fidem facit.

## §. XIII.

Hæc res si ita sit, potentia partus, quam habet in incontinentia urinæ producenda, nemini obscura esse potest. Notum quippe fecimus §. 4. connexionem & vicinitatem intimam vesicæ & uteri, hujusque in specie vaginæ, vi cujus urethra fibras sphincteris vesicæ per partem ejus exteriorem continuas & conspicuas, totamque longitudinem cingentes adhuc latiori ductu ad vaginæ latera & anum infigebat, vid. *Græaf. de Mulier. Organ. genit. c. 6.* Orificium vesicæ sphinctere circumdatum, tempore potissimum partus, orificio uteri interno accurate fere superponebatur, & urethra non minus, quam ipse sphincter, commissuræ ossium pubis, ceteraque vicinarum partium complicatio ossibus obviis affigebantur: insuper urethra fæminarum facilioris expansionis pronunciabatur. Jam concipiamus nobis actum partus non adeo bene procedentis. Integer obstetricis pugnus in utero degit, caput, pedes, nates, aut quicquid sit, apprehendens integram molem in macrocosmum derivare studet; parturiens retento spiritu fetum expellere nititur. Atque sic quidem protruditur orificium uteri, vesicæ autem collum, cum fibræ, quibus isti adnatum est, in latitudinem distrahantur, retrocedit, & orificio uteri imminet: quali quæso nominatæ partes, ut cedere possint, opus habent distensione? Adeoque dum orificium & vagina uteri distenduntur, urethra simul & sphincter vesicæ, qui cum istis intime concrevit, periculum subit. Et, si demum distensioni huic

uteri, & accumbentium partium mire complicatarum, etiam disjunctio osium accedat, vesica imprimis læsionem evitare non potest; nam fibræ sphincteris vesicæ, & cum his continuæ urethræ, istis commissuris agglutinatæ, simul distrahuntur, & cum hoc modo ab utroque latere impugnantur, istarum tonus adeo perditur, ut ad contractionem ulterius præstandam omnino impotentes reddantur. Enormem ejusmodi distensionem sæpe contingere confirmant fæminæ, superato difficiliore partu, nullius membri, præsertim pedum, potentes, dum educunt: *Es sey ihnen, als wäre in ihren Leibe keine Ader mehr*, certissimo labefactorum tendinum, partiumque musculosarum femoribus robur fænerantium, indicio.

## §. X I V.

Quod enormis hæc distensio ejusmodi dilatationem verum præstare possit, declarat etiam procidentia uteri. Non vero explicabor in præsentiarum verborum liti, qua disputatur, quænam uteri pars, an orificium uteri internum, an vagina s. collum procidat? utrum sit, frequentissimum tamen est; in multis feminis post laboriosiores, aut minus apte gubernatum partus actum, talem procidentiam observari: imo honesta quædam femina, in hoc officiorum genere sæpius adhibita, me fecit certissimum, inter decem mulieres rusticanas vix unam ab hoc malo immunem reperiri, quamvis nulli Medicorum revelent. Quæ quæso alia causa, quam si hæ partes, nimis quam par erat, extendantur & urgeantur, fibræ ligamentorum aut vaginæ lædantur, ut deinde aut orificium uteri internum ipsum, aut saltem rugæ vaginæ longius promineant? Nec minimam insuper asserto nostro fœneratur lucem paralytica quasi imbecillitas ani; post partum difficilem observata, qua feces hujus, æque ac urina vesicæ, præter naturæ nutum profluunt, a laxatione & distensione nervorum non minus; quam fibrarum sphincteris, quas cum vagina uteri communicat. vid. *Rod. a Castr. Lus. Lib. IV. c. 1.*

## §. X V.

Quæ ex his causis ad nostram ægram quadrent, nunc videbimus. Constat autem ex historia satis luculenter, quod sit partus difficilis. De violentia aliqua externa digito, vel alio instrumento proxime sphincteri inflicta, hic cogitare non possumus, quia hoc ipsum raro; & non nisi a stupidissima obstetrice, planeque omni tactus sensu orbata; fieri potest; deinde; quia manifestior causa subest, sc. partus difficilis trium dierum, ubi apertum os uteri ab urethræ osculo facile potuit distingui. Alia res esset, si partus facilis antecessisset, & tamen incontinentia urinæ eundem esset secuta. Potius ita processum esse credo: Dum nimirum os uteri & vagina, ab instante fetu, qui deficientibus legitimis partus doloribus penitus excludi non potuit, semper aperta servata & hinc distensa fuere: fieri non potuit, quin fibræ sphincteris  
vesicæ



vesicæ & urethræ, proximè accumbentes, simul compaterentur. Postquam tandem procul dubio fœtus maximo conatu protrahendus fuit, factum est, ut per distensionem hanc multiplicatam quædam fibræ sphincteris vesicæ dilaceratæ, atque vires earum in resistendo factæ sint minores. Neque impedimur, si quis hanc distensionem ex causis relegare, & ab orificio uteri & vaginæ, in partu enormiter distentis, & nihilominus ad arctitudinem naturalem redeuntibus, ad vesicam argumentari velit, cum illas partes æque ac vesicam, post partum, per procidentiam uteri, aut vaginæ, lædi observemus, quæ læsio nihil aliud est, quam relaxatio, vel disruptio ligamentorum uteri, aut sphincteris vaginæ; & præterea hæ partes a sapientissimo Conditore præcise ad hoc tam artificiosissime sint fabricatæ, ut se admodum notabiliter expandi patiantur; ob vim tamen elasticam singularem prompte etiam sese iterum constringant, & ad pristinum situm redeant; qualis vero textura specifica sphincteri vesicæ, ob defectum finis naturalis, a benignissima alias natura denegata est.

#### §. X V I.

Secundus in casu nostro affectus considerandus est, excretio nempe fecum alvinarum per genitalia. Non raro in partu difficili ruptura perinæi contingit, ut loca, in quibus Venus sedilia voluptatis posuit, & per quæ tœdiosæ corporis quisquiliæ provolvuntur, eodem circumscribantur limbo, quod post *Albert. Magn. in Secret. Mul.* dudum confirmavit *Mercurial. de morbis mulierum.* Prostat etiam inter alia exemplum in *Disp. de Peste Hamb.* §. 38. sub *Magnifici Crausii, Academiae nostræ Senioris venerandi,* præsidio ventilata. Neque amplius miramur, si ruptura parietis intergerini inter vaginam & intestinum rectum, partum sequatur, ut genitalia fecibus alvinis quoque conspurcentur, qualem casum habet *Excell. Slevogtius in Disp. de Collatione partus nat. cum præ. nat.* §. 45. observationibus elegantioribus refertissima, & *Bartholin. Cent. II. histor. 63.* Nostra ægra simili malo est affecta; molestum vero hoc excretorum symptoma in partu non fuit excitatum, sed illegitimum instrumenti usum, quo incontinentiam urinæ, partus memoriam, curaverat, excepit, id quod sequenti paragrafo demonstrabitur.

#### §. X V I I.

Scilicet, incontinentia urinæ, excitata in partu præcedente, quemadmodum molestissimum erat malum, ita misericordem vicinarum muliercularum numerum ad curam suscipiendam adegerat. Inventum quoque erat instrumentum satis aptum, sed ideo diutius non profuit, quia Medicus illud adhibere non jusserat, ut verbis Medici cujusdam apud *Camerarium in Hor. Succif.* utar. Hoc volo, legitimum hæc instrumenta adhibendi modum ignorarunt. Ideoque globulus, propter perpetuam in ambulando & laborando concussionem, ad pubis ossa & vulvam descendit, sicque ab officio, quod  
in

in sphinctere vesicæ comprimendo consistebat, recedens, urinæque præterlabenti expositus, materia quadam tartarea circumdatus est. Gignendis enim lapidibus hoc loco, in quo conditur globulus, vix alius est aptior, quod in ægra nostra fit manifestissimum. Nam menses ex utero pullulantes quicquid alluunt, viscositate sua investiunt: unctuosa hujus loci transpiratio excrementa sua sulphureomucaginosa corpori objecto apponit, & urina particulas salino-terreas, quæ a viscosis, jam præsentibus, implicantur, subministrat, ut non possit non ingens tartari proventus inde excitari. Appositus hoc modo tartarus, qui, cum globulus filo caruit, abstergi non potuit, vellicationibus dolorificis patientem movit, ut, an globulus retrudi posset, faceret periculum; quo autem ausu nihil effectum est, quam ut ablata quadam materiæ tartaræ particula, inæqualitas ipsi induceretur. Prominentia hæc, ad intestinum rectum prospiciens, interstitium inter hoc & vaginam, continua attritione, fibram post fibram conterendo, perterebravit, & tertium affectum, rupturam sc. hujus interstitii, quippe morbum solitæ unitatis, produxit. Globus, aperturam hanc prompto pede secutus, cavitatem intestini implevit, & tanquam res toto genere præter naturam, eandem obstruxit, (en tibi morbum malæ conformationis) cursumque secum impediendo, in causa fuit, ut istæ per hoc factum foramen, quippe proximiorrem patentiorremque viam, ad pudenda muliebria tenderint.

#### §. XVIII.

Signis in investigatione affectuum opus non fuit. Ægra enim labem suam aptissimis descripserat voculis: imo cum globulus, aspero ejusmodi thoracem indutus, enormes crearet dolores, mox oculosque manusque admisit. Ideoque facilis erat diagnosi sæpius adductorum affectuum. Ex anamnesticis vero signis præteritus se offert partus, inprimis respiciendo ad incontinentiam urinæ. Fluit quidem non raro vesicæ mador per tres imo plures post partum dies, & puerperis molestiam creat; exsiccatur tamen sæpe, suæque sponte definit. Quando vero difficilior paulo partus fuit, dolores & spasmi coxendicis lumborumque non remittunt, insuper tædiosa hæc aquarum microcosmi undulatio longius protrahitur, læsum graviter sphincterem, malum ad portas, & ad remedia, quæ sanitatem amant, accedendum esse sciant. Non equidem ignoramus, inveteratissimum vulgi cras omnibus morbis inexpungendas sæpe præbere radices, ut deinde difficillimi, imo impossibiles fiant superatu; sed luant ejusmodi farinæ homines corpore culpam, & patiantur, quod ipsis tristissimum prædicamus eventum.

#### §. XIX.

Prognosis ægram nostram tutam omnino a morte pronunciare jubebat. Nam, quod incontinentiam urinæ attinet, sphincter vesicæ tantis actionibus



bus non præest, ut eo læso vita periclitetur: auream potius patientiæ herbam ipsi commendavimus. Longissimus enim est morbus, & consentientibus omnibus, curatu difficillimus, imo a plerisque plane insanabilis proclamatur. Ut ut autem hæc omnia magnæ fidei autoribus largiamur, absit tamen, ut feminas, operam nostram & curam efflagitantes, absque solatio tristes dimittamus. Nihil enim est inquit *Plinius L. VIII. Ep. 4. quod non arte curaque, si non potest vinci, mitigetur, & Medici palliant cui medere non possunt.* Sæpe decipi illum, qui medicamentis roborantibus internis, epithematibus, unguentis, balneis & suffumigiis rem omnem concedere vellet, negare non licet; interim etiam si hæc non proficerent, incurabile tamen habere non possumus malum, quod relicto adhuc quodam remedio, licet palliante, potest mitigari. Hoc quanquam ut malum minus ferendum sit, fluxum in momento sistit; imo patientibus in tempore venientibus, curam, plus quam palliativam, plenariamque sanitatem promittit. Obstructionem intestini recti, remoto obstaculo, apertum iri facile erat persuasum; rupturæ vero laudatæ consolidatio in ambiguo versari nobis videbatur, cum non simplex quædam fissura, sed plenaria contritio & absumptio fibrarum esset facta, & præterea locus affectus omnem emplastrorum, carnis generationi inservientium, applicationem renueret. An genitalia a scybalorum deviis tuta futura sint, initio non æque certi eramus, quod tamen ablata remora, & in legitimum locum iterum rejecto globulo, sicuti sperabamus, ita & factum esse audivimus.

## §. XX.

Evolutis nunc, quæ ad naturam nostri casus fecerunt, ad curationem facientia rimanda sequuntur. Cum turpius ejiciatur, quam non admittatur hostis, ideo Medico in partu maxima est adhibenda cautio, ne miseris gravia hæc mala superveniant. Ita incontinentiæ urinæ curatio præservatoria sub se comprehendit causas omnes remotiores superius allatas, quæ partum difficilem reddebant, corrigendas. Quod itaque attinet orificium uteri internum, a quacunque causa nimis angustum relictum, aptabitur idem ad faciliorem in partu extensionem, feminibus, radicibus & herbis emollientibus, vel sub cataplasmatum, fotuum, balneorum, oleorum & unguentorum forma, paucis ante partum hebdomadis, sedulo adhibitis. Neque abs re erit, si exantlato statim partus labore laxationem aliqualem contigisse animadvertamus, puerperam natibus elevatis decumbere, & instrumentum inferius commendandum ipsi applicare, ut fibræ per id compressæ corrugentur iterum, reuniantur, & occasionem tonum suum resumendi inveniant.

## §. XXI.

Optanda potius est, quam expectanda, conditionum fetus propriarum emendatio; eoque minus, si plane vita sit privatus. Comprimere enim ca-

put, imminuere magnitudinem totius, superstitie fetu, nullo modo potest excusari, nisi aliquando praesentia omnium signorum, quae alias de vita fetus extincta haberi possunt, & adstantes omnes, atque Medicum ipsum fefellerit, ipseque hoc pacto plane inscius fetum vivum, loco mortui, instrumentis fuerit aggressus. Si forcipibus & uncis extrahendus veniat, aut membra abscindenda sint, in propinquo periculum vesicae versatur, nisi summa cautione manus ferrumque dirigantur, ut ita tota res in providam obstetricantis manum cadat. Utinam igitur omnes omnino munus hoc obstetricandi in se suscipientes, sive Medici sint, sive Chirurgi, sive denique feminae, aut docere artificium, aut ipsis persuadere possimus exemplum *Henrici a Deventer*, qui in libro suo de hac arte conscripto, cujus rubrum: *Neues Hebammen-Licht* p. m. 471. fidem facere vult certissimam, se a XII. annis, (nam anteriores ipsi ad ignorantiam pertinent) quamvis nullum medicamentum pellens, nullumque instrumentum, ad dividendum, aut extrahendum fetum, adhibuerit, nulli adstitisse feminae, cui non ex voto pariendi labor procellerit, aut quae labem quandam incontinentiae urinae, aut procidentiae ani, seu uteri, reportarit.

## §. X X I I.

Sin vero malum jam praesto sit, omnis curationis nostrae cardo in restituendo sphincteris vesicae tono vertitur. Tonus autem hic vel labefactatus est tantum, vel plane deperditus & abolitus, prout nempe pauciores vel plures laceratae sunt fibrae. Prius si adsit, ita dirigenda est cura, ut fibrae pauciores ruptae cum aliis adhuc integris concrecant, haecque roborentur, subsideant, & concreditum ipsis liquorem fidelius custodiant. Ad hoc obtinendum multa a variis autoribus praescribuntur medicamenta. Interne conveniunt omnia nervina, adstringentia & roborantia, quae in principio mali fortasse non absque effectu erunt. Pudenda suilla, apud *Langium*, non ultimam habent laudem. *Rodericus a Casir. Lusit*: si educto infante, urina, aut alvi fec involuntarie fluant, curare jubet ut paralysem earundem partium. Externe ungentorum formam hinc inde commendatam invenimus. Ita *Chr. Jo. Langius* axungiam urinae, cum raparum pallarum decocto, reliquis fere omnibus in cassum adhibitis: profuisse meminit. Prostat etiam ungu. ad inconst. ur. *Rolf. Smertus in Prax. de Morb. Puerperar.* simile praescribit. Quod vero expectatus ab unguentis semper possit promitti effectus, non facile persuadeor: nam pingua & oleosa, corpus ipsorum constituentia, plerumque vi laxativa & emolliente praedita sunt. Licet enim herbae adstringentes ipsis aliquid virium communicent, tantae tamen vix erunt, quae fibras constringere possint, nisi levissima laxatio contigerit. Rectius igitur *Waldschm. in Cas. in Tim.* omnibus remediis balnea, naturalia & artificialia, praeferenda esse judicat. Per naturalia intelligit thermas, sine quibus hanc incontinentiam curari non posse putat, *Prax. Cas. LVI.* Artificialia conficiantur ex cephalicis,



cis, nervinis, roborantibus & adstring. quibus addere jubet laudatus Autor exsiccantia mineralia, calcem vivam & sulphur. Cavendum vero est, ne statim post partum balnea hæc applicemus, sed expectare per unam alteramque hebdomadam prudentiæ est, ne necessaria lochiorum excretio impediatur.

## §. XXXIII.

Atque hæc quidem remedia robur debilitato sphincteri interdum restitunt, quæ, quando plane est dilaceratus, plerumque illuduntur; consolidationi tamen aliquid operæ dandum est, antequam desperemus. Hinc unguenta superius memorata gratioris hic futura sunt efficacix, quæ remixta cum ungu. citr. rosat. diapomph. bals. Peruv. de Copaib. gum. Elemi &c. fibras demulcent, & laceratas cum aliis concrefcere faciunt, ut fortasse felicior roborantium, post hæc adhibitorum, possit expectari effectus. Cum vero hæc restitutionem elateris perditum plerumque fallerent, confugiebant Practici olim ad specifica amuleta, quale eximia admiratione exornat *Heur. ab Heer. obs. oppido rar XIV. p. m. 194.* Est hoc pulvis bufonis, in nova olla combustus, & e collo, sacculo inclusus, pendens. Duplici experientia Boylei probatum laudat *B. Ettmullerus Colleg. in Schroed. & Heerio* inpingit, quasi dixerit, pulverem illum gaudere virtute quadam anodyna, quod quidem ego in editione mea invenire non potui. Pulvis exsuccus est, omnique qualitate exhalabili, qua alias amuleta etiam gaudere debent, orbatus, ut concipere non possim, quam ob qualitatem adscriptos effectus possit præstare: verum enim manet Curtianum illud: durable non est, cui non subest ratio. Neque experientia meliora sperare sinit: Nam experimentum illud *Oculatissimo Nostro Wedelio* minus profuisse visum est, prout confitetur *Prax. Clin. Ex ad Tim. Lib. 4. Cas. 32. Chr. Jo. Langius* itidem infelicem expertus est successum. An felicior effectus à cinere erinaceorum, murium domesticorum, gutturis galli, & ceterorum, quæ pro amuletis commendari solent, expectari possit, nemini autor ero.

## §. XXXIV.

Roborari & integritati suæ si sphincter restitui nequeat, de fluxu saltem inhibendo cogitandum est, ne urina, particulis suis acribus & rodentibus, delicatiora Veneris ventilabra dolore & intertrigine afficiat. Quomodo hoc præstari possit, id plerique Practicorum ad nostra usque tempora aut plane tacuerunt, aut remedia minus efficacia commendavere. *Th. Barthol. Cent. II. Hist. 63.* ægræ suæ urinam non cogitanti stillare patitur: alii, ne absque solatio ægras dimittant, amuleta incertissimi successus appendere jubent. Et remedia, quæ ex chirurgia desumpta hinc inde commendata inveni, ita comparata sunt, ut persuasissimus sim, feminas malle morbum, quam instrumenta talia ferre, cum non ad inhibendum, sed saltem ad excipiendum

fluxum sint accommodata. Ita laudatus *Bartholinus Cent. IV. hist. 2.* alligavit pudendis puerperæ cujusdam marsupium : hoc, tam diu in plumis detineri possunt, probabunt, quam primum vero lectum relinquent, & hoc rejicient. Par ratio videtur spongiæ labiis cunni applicatæ, quæ præter expressionem crebriorem, quam expostulat, etiam hoc habet incommodi, ut per collisionem femorum compressa, simul & semel absorptum lotium profundat, & faciat, ut circumjectis vestibus inundatis patientes labem suam prostituant. An instrumentum a *Nuckio Experim. XL.* commendatum ita aptari, & ostium ejus ita dirigi possit, ut profluentes urinæ guttulas excipiat, sedentibusque ægris officium faciat, affirmare non possum : alia res esset, si ægræ perpetuo culcitris incumbere possent : cui etiam similem apparatus describit *Hild. Lib. de Lithotom. C. XXI. p. 739.* Et quanta cum molestia ægra machinam Henrici ab Heer tulerit, qui siphoni argenteo, urethræ immisso, lagenam appendit, inter alia exinde colligi fas est, quod consilium aliud ex Cingaro efflagitaverit.

## §. XXV.

*Christianus Joh. Laëgius* unicus est quem novi, qui instrumenti cujusdam, ad comprimendum sphincterem, & inhibendam urinam apti, meminit *Op. P. II. p. 259.* dicens : commendatur globulus cereus, ut comprimatur sphincter. *Prudentissimus* vero *nosster Slevogtius*, qui, uti in omni morborum genere, ita imprimis in maculis feminarum delendis, illustrem se reddidit, in *disp. de incont. urinæ* omnia instrumenta, adversus uteri procidentiam usitata, id præstare consulto asserit. Horum igitur censum subeunt annuli & globuli : illos depingit *Deventer l. c. p. 232.* ex subere, ligno, auro, vel argento, rotunda vel ovali figura conficiendos ; hi a *Paræo Op. Chirurg. L. XXIII. cap. 41.* sub pessorum ovatorum nomine eleganti pictura exhibentur. *Hildanus Cent. IV. obs. Chir. 61.* præter ovaes & commendat rotundos, ex subere fabricatos.

## §. XXVI.

Quod uteri orificium, laxatis, quibus firmatur ligamentis, profundius, quam par est, in vaginam descendat, & oculis conspici potest. Repositionem itaque intendentes osculum longius exporrectum, medicamentis emollientibus frotum, providis, blandientibusque digitis retrudunt : & cum consueta emplastra, & alia roborantia, non raro expectationem fallere soleant, laudati globuli, aut annuli, obices ponuntur, qui amplitudini vaginæ respondentes, & ad cavitatem pelvis usque appulsi, delabi uterum amplius non patiuntur. Nunc si vicinitatem uteri cum vesica consideremus, facile erit judicatu, una hic fidelia plures dealbari posse parietes ; & licet procidentia non adsit, incontinentiam tamen urinæ iisdem posse reprimi. Nam globulus, spatium vaginæ exacte replens, simulque sphincteri vesicæ, ab inferiori,

quo



attingit vaginam, loco, subjectus, eundem una cum urethra comprimit, quo compresso non potest non exitus urinæ præcludi.

## §. XXVII.

Annulos laudatos in prolapsu uteri præsentissimam ferre opem allegati auctores non minus, quam diaria practicorum confirmant; si tamen quis illos pro incontinentia urinæ curanda adhibeat, haud felicem semper experietur successum. Cum enim annulorum crassities non æque magna esse soleat, nec ordinarie, in circumferentia planities quædam adsit, ideo facile fieri potest, ut angusta annuli crassities minus accurate istum vaginæ uteri locum attingat, qui sphincteri vesicæ succumbit, adeoque nec cohibeat invitum urinæ profluvium. Contingit hoc fatum etiam ægræ nostræ, dum sc. D. D. Præses annulo ejusmodi ligneo, cera obducto, labem hanc in eadem corrigere sustinuit. Ideoque tutius incontinentiam urinæ sistendam globulis, quam annulis committimus.

## §. XXVIII.

Globulorum præstantia commoti, eorum genuinum usum curatius nunc investigabimus. Materia eorum à diversis diversa præscribitur. Langius commendat ceram, alii suadent aureos, argenteosve; alii ex ligno vulgari, aut subere tornatos; alii ex stupa, filis cannabinis, aut linteo convolutos. Nihil autem interest, quibus sistatur fluxus, modo sine nostro potiamur. Ex laminis aureis, aut argenteis, aut etiam ferreis, sed auro tinctis, constantes, commendat mundities non minus, quam levitas, inter cudendum vero segmenta sedulo sunt cavenda. Cerei nimis graves sunt. E subere confecti, leves quidem, sed fragiles admodum observantur, ut omni jure vulgare, idque paulo solidius, præferamus lignum: tornatores enim illud tam apte lævigare, & excavare sciunt, ut notabilis molis globulus vix unciam unam pondere æquet. E stupa, & alia materia spongiosa convoluti huic præ aliis periculo expositi videntur, quod post notabiliorem gravitatem facile intumescant, & feminis molestiam creent, id quod exemplum nostræ ægræ nos docuit. Ineptæ quædam obstetrices eo delapsæ sunt, ut ejusmodi globulos estramine compingant, eosque cera obductos applicent; siquidem hic loci pelionis cujusdam uxor eximium ejusmodi productum, ab obstetrice Dornburgensi acceptum, gerit. Miserrima hæc femina, dieque nocteque, quoties vel levius corporis motum intendit, miris doloribus exercetur, cum contrita cera calami straminei promineant, & vicinas partes pungant: Imo maritus conqueritur, quod venerem licitam, propter obversantes aculeos, non aliter, quam canis Nilum, possit degustare.

## §. XXIX.

Ne globuli nostri lignei, aut alius farinæ, ob asperitatem suam partes, quibus insident, lædant, aut liquor, illos ingrediendo, magnitudinem gravitatemque augeat, glabram ipsis vestem induere solemus. Constituit hanc cera, vel simplex alba, firmior; vel aliud ceratum compositum, quale communicat *Hildanus Cent. IV. Obs. Chir. 61.* sequentis compositionis:

℞. Cerae novæ ℥iij.  
Colophon.  
Gum. Elem. a. ℥j.  
Thereb. ℥℞.  
Pulv. ros. odorif.  
myrtill. balauft.  
Rad. consolid. maj. a. ℥j.  
Mastich. olib. a. ℥℞.  
M. f. c. f. q. ol. ros. ceratum.

Liquato super igne huic cerato globulus subinde immergitur, ut cera omni adhæreat parti; frigefactus deinde, remotis eminentiis, a cerato relictis, spatula calente complanari & lævigari debet.

## §. XXX.

Formam quod attinet, commendabunt se rotundi non minus, quam pyriformes & ovaes, modo amplitudini vaginæ accommodati, nec majores, qui aut non admittuntur, aut vi appulsi, ægre feruntur; neque minores sint, qui dum parietes vaginæ sua superficie non attingunt, sphincterem comprimere non possunt, adeoque nihil proficiunt. Hoc saltem observetur ut extremitati, quæ cunnum respicere debet, hamulus ferreus inferatur, ex quo filum cannabinum, cera obductum, propendeat, mediante quo globulus latens interdum protrahi, & apposita amurca repurgari potest.

## §. XXXI.

Modus applicandi præter cautas & providas operantis manus nihil ferè requirit, eoque magis a Medico suadendus est, cum feminæ chirurgum non admittere, sed sibi invicem plerumque talia officia præstare soleant. Adducitur & propellitur ejusmodi globulus per vaginam usque ad orificium uteri internum, ubi offendit sphincterem comprimendum. Locus, cui annulus injectus est, foras prospiciat, ut felicius procedat, si globulum velimus provocare.

## §. XXXII.



## §. XXXII.

Minus vero sufficit globulos apte applicare, sed debitum quoque in eorum gestatione observandum regimen nunc recensendum est. Inticias quidem ire non possumus aliquas ab istis creari molestias; interim ex duobus malis minus est eligendum: & si modo jam dicenda rite observentur, non magna sequi possunt incommoda. Igitur ante omnia globulus singulis circiter mensstruis spatiis, vel longioribus quoque intervallis protrahendus est, & materia adnata abstergenda: incrustatus enim globulus, quod facile contingit, sicuti demonstravimus, magna affert detrimenta, id quod nostra ægra testari potest. Ceterum neque gressui scrupulo sunt, neque laboribus consuetis ullam injiciunt remoram. Si premat urina, depresso leviter globulo, vel dilatatis saltem femoribus, ubi sponte cedit, illam proruere sinant.

## §. XXXIII.

An veneream pugnam ingredientibus globulos deponere debeant, diversæ apud autores inveniuntur sententiæ. *Celeberrimus Slevogtius* aurigæ uxorem, cujus mentionem sequente §. faciemus, sine impedimento maritum suum admisisse perhibet. Nostram ægram nullis persuasionibus adducere potuimus, ut confiteretur, an viro satisfacere potuerit nec ne? omnibus sensibus indignabatur venire in ora vulgi, usque tandem obstetricem adhibuimus, cui revelavit, vix bis in anno cum viro concubuisse; jam vero senium cupidinem penitus fugasse. At tamen, si quid sentiam, effari deberem, credibile mihi videtur rude rusticorum genus ab oestro venereo adeo confundi, ut vix ac ne vix quidem sensu percipiat, in quod impingat; aliter ita & mecum judicat pellio §O. 28. adductus. Ideoque suaderem, ut, quæ secundum velint celebrare coitum, deponant globulum, ut profundius immisso membro virili titillatio delicatior, certiorque spes procreandæ sobolis prodeat; quemadmodum etiam suadet *Scult. in auct. arm. p. 9.* & de sua ægra refert *Hild. l. c.* Victus ratione proficuum est, quantum possibile, usum nervinorum & roborantium; nimii vero potus, & aliorum, nervos laxos reddentium, abstinentiam commendare, ne, si fortasse plenaria sanitas possit obtineri, impedimento simus.

## §. XXXIV.

Experientia quemadmodum medicinæ fundamenta posuit; ita & nostros globulos in urinæ incontinentia utiles esse docuit. Hæc autem asserentes nequitiam negamus globulos ejusmodi diu fuisse cognitos, multorum enim auctorum scripta nos refutarent; sed tantum hoc affirmamus: veteres modum incontinentiam urinæ globulis talibus sistendi ignorasse. Cum autem experientia demum discamus, an remedium, ratione arteque excogitatum, dignum

num sit imitatione, de nostris illud globulis producendum est, ne vana scripsisse verba videamur; oramus vero honoratissimum lectorem, ut paucis contentus sit exemplis, nam plura in scriptis publicis non invenimus, nisi practici quedam adhuc in sinu diariorum foveant. *Langius*, an globulum suum cereum, quem commendat, adhibuerit, non expressit. *Excellentissimus Slevogtius* feminam incontinentia urinæ affectam ope massæ, e filis cannabinis, ad figuram panis biscocti, compactæ, albaque cera obductæ, quam dum hæc scriberet, ultra viginti annos gessit, eo usque restituit, ut non solum sicca incescerit, sed & sacris venereis sine impedimento interesse potuerit, sicut testatur laudatissimus vir in dissertatione sæpius jam laudata de incont. ur. §. 39: Nostram tandem ægram in scenam producimus, quæ duplici jam vice, gallum Æsculapio immolavit.

## §. XXXVI.

Necessarium incontinentiæ urinæ consequens est intertrigo pudendorum, imo quam urina alluit caro, putris, & grandibus obfessa verrucis solet quandoque observari *vid. Heer. l. c.* Intertrigini medentur medicamenta exsiccantia, leniter abstergentia, roborantia, & traumatica, ut pulveres e ceruss. pomphol. ros. rubr. ungu. de litharg. diapomph. item decocta ex rad. alth. ebul. hb. fanicul. millefol. hormin. matricar. fl. ros. rubr. hyper. verbasco. cum cerevisia secundaria parata, quibus loca intertriginosa aliquoties de die eluenda sunt. Hujus enim indolis decoctis D. Præses aliquoties intertriginem a fluore albo ortam feliciter curavit. Putredini autem cathæreticis efficacioribus, cinere tabaci, ære ustò, alumine & vitriolo ust. mercurio præcip. ungu. Ægypt. &c. contra eundem mihi videtur; quæ vero alius sunt loci.

## §. XXXVII.

Ceterorum affectuum curandi methodus exponenda restat. Obstructio intestini recti, remoto globulo, statim reclusa est, prout facile judicatur; de excretionem saltem fecum alvinarum per genitalia nobis cogitandum est. Hæc, rupturam nominatam veluti symptoma secuta, non nisi illa consolidata, sisti poterit. Quid autem consilii, deligandus est locus applicationi emplastrorum ineptissimus? Nescio, quid plus a nobis possit exigi, quam ut soli naturæ, decoctis & balsamis traumaticis adjunctæ, omne negotium committamus, quæ & simile quid apud Bartholinum fideliter effecit. In nostra ægra sua sponte suspendebatur illa excretio per trium fere annorum decursum, adeo, ut consolidationem factam esse cogitarem: cum vero integro nuper malo recrudescente, simul se iterum associaret, causam hujus suspensionis & repetentis incongrui fecum effluxus, hanc fuisse conclusimus: scilicet, quamdiu instrumentum pyriforme, supra foramen



ramen istud, in vagina uteri, & intestino recto, convenienter hæsit, nec hujus canalem obstruxit, feces alvinæ per hunc in viam rectam & patentem excretæ fuere; postquam vero laudatum instrumentum e loco superiori descendit, & per descriptum hiatum in intestini recti cavum cessit, obstruxit utique viam hanc publicam, quare necessario feces alvinæ, per intestinum rectum obstructum nullum invenientes exitum, juxta instrumentum pyriforme per hiatum istum communem in vaginam uteri ascendere, atque per istius orificium ejectæ fuere. Reposito vero iterata vice instrumento, in hunc usque diem immunis incedit rustica. Tantum est, quantum pro ingenii laxitate de hoc casu monendum duxi, superest, ut annectatur.

---

*Processus Curationis D. D. Præsidis.*

Naturalis bene vivendi cupiditas compulerat ægram, ut obstetrici cui-dam labem suam revelaret. Hæc statim de remotione hujus globuli cogitans arripit obveniens cochlear, quò inverso, & reflexo manubrio, contritionem & extractionem globuli tentat. Vires autem, obstetricis non minus, quam instrumenti, extrahendæ aut comminuendæ huic moli pares non erant, ideo dolores aucti efficacius auxilium quærere jubebant, quem in finem mulierculæ hæc una cum marito D. D. Præsidem accedunt, ut opem ferat petentes. Hic audita morbi historia, ac perceptis irritis tentaminibus, loca affecta investigabat, & mox globulo viso, extractionem manu impossibilem fore autumabat: ideo ad instrumenta, quibus alias fetus mortuos extrahere solet, recurrens, forcipem extenso rostro, eoque ferrato, instructam, apprehendit, qua mediante abrasis quibusdam particulis, & contrita magna globuli parte, totam tandem molem, quam obstetrix immisso in anum digito, elevabat, & ad extractionem aptabat, injecto simul unco, multo cum labore & molestia, ob summe tetrum fœtorem, educebat. Provide autem ipsi procedendum erat, ne perinæum, quod ab insigni globuli mole maxime tensum erat, rupturam pateretur. Cum ejecto globo, & laceffit partibus vicinis, tumor genitalium timendus esset, hiatuque ex intestino recto in vaginam consolidandus, a D. D. Præside præscribebantur sequentes species, sacculo inclusæ, in cerevisia coquendæ & genitalibus imponendæ:

℞. Rad. torment. symph. a. ʒβ.

HB. plantag. fanic.

millefol. matricar. a. m. j.

Fl. chamom. fam. hyper. a. m. β.

Sem. carv. ʒβ. C. C. gr. m. d. in ch.

S. *Lind-und heilende species zum Säcklein.*

Tom. III.

I i i i

Decocto

Decocto vero uteri vaginam , & intestinum rectum eluenda præcipiebat. Remoto sic globulo ægra nostra , omnium dolorum immemor , sine impedimento ambulabat , & feces a natura destinatam viam repetebant ; sed urina largiter continuo fluebat , hinc huic remora erat injicienda. Confugiebat D. D. Præses ad annulos ligneos , eosque cera alba pulchre obductos , applicari curabat , sed effectus non respondit voto. Post hæc tornare jubebat tria instrumenta pyriformia excavata , ex ligno acerno , diversæ magnitudinis , eaque cera obducta , ac hamulo , & filo cannabino crassiori instructa , obstetrici concedebat , ut , quod amplitudini vaginæ responderet , applicaret. Minimum facile appulsum erat , sed nihil effecit ; medium autem mox expectationi satisfaciebat. Atque sic ægra hilarissima vivebat , postquam ipsi supra descriptam diætam commendaveramus , sicque tres , & quod excurrit , annos incedebat. Immundities vero rustico generi innata quasi , vel cura laborum aut potius culturæ corporis negligentia , ægræ non permiserat , ut globulum nonnunquam protraheret , & adjectas abstergeret sordes. Hinc nuper tantum malum superius recrudescibat , dolores urgebant iterum , & cum globulas noster prioris vestigia premeret , feces per vulvam , & urina involuntarie fluebant ; ægra vero auxilium D. Præsidis non amplius efflagitavit , cum obstetrix , quæ præcedenti operationi adstiterat , rationem globulum provocandi , novos conficiendi , eosque applicandi accurate satis didicisset ; jam vero ægrotæ nostræ nemo , nisi præcedentium conscius , quandam adjudicabit labem.

L A U S D E O.

DISSER.



L X X X I X.

DISSERTATIO  
MEDICO-CHIRURGICA,  
DE  
SARCOMATE EPUDENDO  
MULIEBRI SECTIONE SUBLATO.

*Quam Præside*

ABRAH. VATERO M. P.

*Tuebatur*

JAC. DAN. BEHRENS

TORGAVIENSIS.

Wittembergæ mense April. anno 1728.





*Q. D. B. V.*

**U**terus femininus, uti tum ob structuræ elegantiam, tum ob officii præstantiam, siquidem officinam generationis ac formationis fetus constituit, merito inter præcipua sexus sequioris organa refertur: ita si myriades morborum ex ipso oriundorum, ac miserrimas feminas immaniter excruciantium consideramus, non injurius in ipsum quis erit, si sentinam corporis perniciosissimam ac lernam innumerabilium malorum eundem dixerit. Hunc equidem in passionibus ita dictis hysteris, modo ascendere, modo descendere, nunc intra fauces irruere, nunc iterum in abdomen devolvi, aut per universum corpus discurrere & oberrare, cum mulierculis, sensu globi ex abdomine versus fauces ascendentis, deceptis, minime credendum est. Consensus enim cum omnibus visceribus internis, ac cum toto corpore omnium istorum symptomatum atque innumerarum præterea ægritudinum hinc inde supervenientium causa est, adeo, ut, censente *Casp. a Rejes in Camp. Elys. juc. Qu. XLVI.* nullus fere sit morbus, qui a conspurcatissimo uteri fonte, uti idem loquitur, dimanare non possit, idemque propterea minera malorum merito sit appellandus. Dudum jam e foro medico profligata est fabula, qua veteres sensum, appetitum motumque animale utero tribuerunt, ut idem odoriferis gratis, naribus applicatis, versus fauces allici, a graveolentibus vero & fetidis repelli, in fugam verti, & ad pristinum locum occupandum cogi posset. Sat absone propterea a *Roderico a Castro de morbis mulierum L. II. Cap. XVI. p. 266.* ad uterum prolapsum repellendum commendatur, ut cauterium actuale ignitum manu ostendat medicus aut obstetrix, ac simulet partem se tangere velle, vel si mulier timidiuscula sit, vivi mures filo ligati cruribus repente submittantur, ita enim naturam retrahi, & cum ea uterum, aut quaecumque aliam partem prolapsam. Quamvis vero uterus proprio nisu nullatenus se movere, aut e loco suo discedere queat, idem tamen a variis injuriis e sede sua turbari, ac ad inferiora propelli aut trahi potest, ita, ut non raro una cum vagina sua eversa sinum pudoris ingrediatur. Sed non omnem tumorem e vagina prodeuntem, ad uteri prolapsum referendum esse, e sequentibus paginis palam fiet, quibus casum rarissimum, & ob plurimas circumstantias curiosissimum, sarcomatis insignis, prolapsum uteri mentientis, sectione sublatis historiam continentem, in præsentis lectori exponimus.

C A S U S.

Femina XLVIII. annorum, septem liberorum mater, ac ante septem  
I i i i 3 annos

annos ultimum puerpera , a tribus annis , hæmorrhagia uteri laborare cepit. Illa sumptibus necessariis destituta , malo huic nihil , præter remedia domestica , opposuit , ac præterea laboribus durioribus gestationibusque ponderum , unde haud dubie affectum hunc primum contraxerat , indulgit. Factum ita est , ut fluxus hic molestus frequentius rediret , indiesque augetur , & quandoque aliquot libræ sanguinis fluidi & grumosi unica vice confertim effunderentur. Elapsis , inter copiosas sanguinis profusiones , duobus circiter annis , illa tumorem intra vaginam percepit , qui sensim auctus totum sinum pudoris replevit , tandemque e pudendo protuberavit , & premendo vesicæ collum & intestinum rectum , obstructionem alvi , urinæque difficultatem , cum gravissimis lumborum doloribus excitavit , nec tamen ulla ratione ab illa repelli potuit. Quid sit ? Femina sibi consulere nesciens , nemine ob pudicitiam intempestivam in consilium vocato , pro ea , qua pollet , animi fortitudine , ne dicam audacia , cultrum arripit , partemque tumoris prominentem pugni magnitudine refecat , mira opportunitate , quia ob corruptionem , nulla inde secuta hæmorrhagia. Hoc autem facto , pressio dolorosa non remittit , uti speraverat , potius augetur , & accedentibus conatibus , parturientium similibus , postridie inter excretionem alvinam , subito prorumpit massa , capitis magnitudinem excedens , insigni foetore , quia semiputrida fuit , & pondere ac tractione ad inferiora , molesta. Urgebat præterea urinæ suppressio , quam , non nisi digitis sub pube intrusis , reddere potuit , ab hac etiam super tumorem defluente ardor insignis excitabatur , & inflammatio in tumore augebatur , adeo , ut totum pudendum sub eodem crescente absconderetur. In tantis angustiis constituta nostra , necessitate cogente , demum a chirurgo auxilium petit. Hic statim epithematibus inflammationi & putredini resistentibus curam aggreditur , quibus per aliquot dies usurpatis rem eo redegit , ut tumor quodammodo detumesceret , ac sinus pudoris , antea sub eodem latens , conspici posset. Nunc etiam patuit , totam illam massam a collo tenuiori , coloris albicantis , duorum digitorum crasso , e vagina suspendi. Sinus autem pudoris adeo arctus ac intus repletus fuit , ut digitis circa cervicem tumoris ductis ac intrusis , nullus intra vaginam daretur aditus , nemoque aliter existimare posset , quam uterum una cum vagina inverfa elapsum esse. Cum ergo nulla repositionis spes superstes esset , nihil fuit reliquum , quam ut tumor semiputridus ac gangrænæ proximus , tractione ac foetore insigni molestus , sectione tolleretur , quam tamen chirurgus , gravitatem negotii pensitans , proprio ausu suscipere noluit , meque propterea in consilium adhibuit. Posteaquam omnes circumstantias mecum reputassem , tumoris magnitudinem , ægræque statum , quæ , præter prægressam sanguinis jacturam , in præsentia a calore præternaturali , inquietudine ac vigiliis viribus penitus exhausta videbatur , ob metum hæmorrhagiæ timendæ , sectionem primum dissuasi , ne forte sinister rei eventus , ac obitus feminæ , morti , uti apparebat , alias proximæ,

curæ



curæ tribueretur. Nihilo tamen fecius, tumore ad sphacelationem prope-  
rante, ob quam femoribus contactu maculas nigras impreſſerat, ægræ,  
liberationem anxie efflagitanti, ac niſi cito auxilium feratur, reſectionem  
propriis manibus peragendaſſi minanti, morem geſſimus, quia in caſu an-  
cipiti, anceps potius, quam nullum remedium adhibendum fuit. Quamob-  
rem, femina ad omnem eventum præparata, ſine temporis jactura ad  
ſectionem acceſſimus, & trajecta per cervicem acu, filo incerato inſtructa,  
ligamentum injecimus, poſteaſque ſub ligatura tumorem abſcidimus. Even-  
tus voto reſpondit, & operatio ex animi ſententia peracta fuit, nulla inde  
hæmorrhagia vel alio ſymptomate inſeſcente. Feminam poſtea in lecto  
quiete repositam, medicamentis internis cordialibus, exterius epithema-  
tibus, inflammationi & putredini oppoſitis munivimus. Vagina uteri, an-  
tea ad exteriora tracta, cum ligamento applicato paulatim in locum priſti-  
num reſeſſit, ut nunc digitos ſine negotio intra pudendum immittere, nec  
tamen ſinem attingere liceret, manifeſto indicio, tumorem e ſupra vaginæ  
regione deſcendiſſe. Præterlapſa ita una alterave ſeptimana, ægra ſenſim  
ad ſe rediit, viresſque amiſſas recuperavit, lentoſque gradu incedere cepit.  
Remanſit nihilofecius intus dolor preſſorius, tumorſque pedum œdemato-  
ſus, antehac jam præſens, indies incrementa ſumpſit, nec adhibitis re-  
mediis anticachecticis ceſſit, accedente inſuper per intervalla hæmorrhagia  
copioſa, hydrops perfectus imminere viſus eſt. At quid fit? elapſo fere di-  
midio anno, femina in vagina quicquam preſſione moleſtum percipit, quod  
digitis intruſis extraſctum, vinculum applicatum, maturatione paulatim li-  
beratum, eſſe cognovit, nobiſque exhibuit. Ab illo tempore tota rerum  
facies mutata eſt, femina nunc optime valet, in præſenti obſtetricis mu-  
nus Coſwici ſuſcepit, de nullo accidente amplius conqueritur, ſaltem quod  
pallor faciei de morbi ſuperati magnitudine teſtetur. Notatu digniſſimum  
autem imprimis eſt, illam, ætate ſatis proveſctam, poſt tot tamque largas  
ſanguinis profuſiones, fluxum menſium regularem modicumque nunc ex-  
periri.

## T H E S. I.

Habes ita, Lector benevole, hiſtoriam ſarcomatis e pudendo muliebri  
feliciter exſecti. Accedo nunc ad deſcriptionem ipſius tumoris, ut pateſ-  
cat, ad quodnam genus idem referri debeat. Eo conſilio totam moleſſi  
nobisſcum abſtulimus, ut eam domi accurate perluſtrare poſſemus. In la-  
tere anteriori, quod oculis ante reſectionem patebat, ob corruptionem  
nihil diſtincti videre licuit, referebat enim rudem atque deformem maſ-  
ſam. Sed tumore inverſo, ut facies poſterior, antea viſum fugiens, luci  
exponeretur, in admirationem conſecti fuimus, cum videremus, e medio  
ipſius prominere corpus oblonge rotundum, ſubſtantix a reliquo tumore  
diverſæ ac muſculoſæ, uteri inverſo ordine elapſi figuram haud obſcure  
exhibens, uti ex icone in fronte hujus diſſertationis poſita patet. Inferius  
enim

*Sarcoma-  
tis abſciſſi  
delineatio.*

enim rotunditate cum fundo uteri convenit, superius vero attenuatur, ac in collum angustius, substantiæ albicantis ac tendinæ terminatur, unde suspensa fuit tota moles, & quo loco resecta fuit, quod collum uteri quodammodo repræsentat. Admiratio nostra non parum aucta fuit, ubi, sectione in corpus illud musculosum juxta longitudinem facta, interiora ejus lustravimus. Constat quippe idem ex fibris carnosissimis orbicularibus, ac, quod præprimis attentionem meretur, per totam substantiam hiant orificia vasorum sanguiferorum dissectorum copiosissima, qualis est uteri transverse secti facies. Adhibita tamen omni diligentia, nihil ovariiis aut tubis fallopianis simile detegere potuimus, imo sectione repetita, eandem ubivis texturam internam, nullam vero intus cavitatem invenimus. Reperitur autem a latere corporis musculosi insignis cavitas seu sinus oblongus & profundus, istud a reliqua tumoris parte sejungens. Residua sarcomatis substantia, corpus musculosum ambiens & sustinens, ab hoc plane diversa, consistentiæ laxioris, mollioris, ac lobos & rugas monstrans, ut aliter judicari non possit, quam eandem esse vaginæ rugosæ portionem. Pondus totius molis, expurgatis omnibus impuritatibus, est duarum librarum. Tandem etiam sciendum, sarcoma, multo minori, quam naturali, magnitudine in figurâ exhiberi.

## T H E S. I I.

*Tumorum  
e pudendo  
muliebri  
enatorum  
varietas.*

*In pudendo  
externo  
labiis, cli-  
toride, &  
Nymphis  
orti.*

Antequam ad indagationem naturæ atque originis sarcomatis hujus, ac ad considerationem singularium in casu præsentis concurrentium circumstantiarum nos accingamus, monendum est, admodum magnam esse varietatem tumorum, e pudendo muliebri enatorum, tum ratione loci, ubi excrescunt, tum ratione consistentiæ, magnitudinis, causarum, aliarumque conditionum. Ita pudendum externum, imprimis labia intumescunt ab inflammatione, œdemate, vel etiam abscessu, aut ubi in hernia inguinali intestina per processum vaginalem peritonei intra eadem elabuntur. Præterea ex cute labiorum æque ac montis veneris, eadem superius conjungentis, nascuntur tumores, exiguo principio, sub forma verrucarum, in enormem quandoque molem excrescentes. *Adnascitur interdum inquit Severinus Med. Effic. p. 119. alis pudendi muliebris tuberculum, principio pusillum, deinde magnis incrementis augefcens, molle, concolor, contrectatu modisque ferme omnibus indolens. Scorto propendebat in labio pudendi minoris pineæ magnitudine tuberculum, basi minore, quam altero extremo pendulum, quod uno jam anno sic ex parvo intumuerat. Constrictum vinculo die uno ac tantum non stupefactum, postridie resecui, cute circumplexum crassissima, plus media digiti latitudine. Tuber scirrhum excidit Marchettis, cucurbitæ magnitudine, quod superius ossi pubis adhærens, utrumque pudendi latus, rimamque ipsam velabat, pustulis scatens malignis, ad radicem exulceratum, uti testatur Bonet. Mercur. Compital. L. XVIII. p. 737.*

Enor.



Enormis istiusmodi tumor pondere XII. libras superans e labio dextro mulieris resectus, describitur in dissertatione, sub Præf. Parentis Ann. MDCXCIII. habita, qua historia & cura sarcomatis monstrosi & cancerosi exhibetur. Præter hos tumores ex labiis protuberantes, ex ipso pudoris sinu externo, clitoris atque nymphæ intumescences & elongatæ exteriora versus propendent, adeo, ut interdum sectione removeri debeant. Omnes tamen hæcenus enumerati tumores cum nostro sarcomate nihil commune habent, utpote quod non e pudendo externo sed ex ipsa vagina in lucem prodiit.

THE S. III.

Evaginæ uteri cavitate egressi tumores tamen non unius ejusdemque generis sunt, sed admodum diversi, quamvis veteribus nomine prolapsus uteri veniant. Vagina ipsa uteri, uti est canalis oblongus, a sinu pudoris ad orificium uteri internum usque, intestini tenuis instar, expansus, ita illa æque, ac intestinum rectum, inversione duplicata pudendum non raro egreditur, & tumores insignes exterius propendentes efformat. Firmiter quidem illa connectitur antè collo vesicæ urinariæ, posterius intestino recto ac superioris orificio uteri interno, ut ista vix loco moveri posse videatur; nihilo tamen secius, utut longitudo ejus naturalis non excedat sex vel septem digitos transversos sine distractione, fibræ tamen illius relaxatæ adeo elongari possunt, ut illa prolapsa quandoque ad genua usque propendeat. Facit huc præprimis substantia ipsius membranosa & musculosa, ac inferius rugosa, ob quam tantæ distensionis, tum in latitudine, pro transmittendo fetu in partu, tum in longitudine, in prolapsu, apta est. Sed nunc oritur quæstio, utrum uterus, vaginæ juxta orificium firmissime connexus, semper & necessario simul extrahatur, an vero prolapsus vaginæ fieri queat, utero in loco suo naturali permanente? De prolapsu uteri ipsius, tantopere controverso, in sequenti Thesi dispiciemus; nunc saltem quæritur: utrum semper una cum vagina excidente e corpore extrahatur? Monendum autem ante omnia, distinguere debere prolapsum verum vaginæ a tumoribus præternaturalibus, in vagina e tunica interiori vel rugis ipsis intumescens enatis, qui non raro insipientibus imposuerunt, ut illos prolapsum uteri ipsius crediderint, de quibus in subsequens pluribus agemus. Præterea non semper tota vagina invertitur ac prolabitur, sed tantum portio ejusdem sive inferior, sive etiam in uno tantum latere, quo casu non absolute necessarium esse judico, ut uterus simul exeat. Ubi vero tota vagina invertitur & ad exteriora elabatur, fieri certe non potest, quam ut collum uteri, huic firmissime alligatum ad inferiora rapiatur, fundus vero libere in pelvi fluctuans, tanquam pars magis mobilis, sequatur. Neque tamen semper uterum simul extra pudendum egredi, nisi prolapsus nimis enormis sit, sed, vagina licet prolapsa, intra pubem subsistere, suadet non tantum ratio, sed & exemplum feminæ a *Pechlino L. I. Obs. XX. adductum*, quæ vehementi & vasta vaginæ procidentia laborans, remedium optimum in graviditate invenit, cum qua ipsa lente tumor retractus

*E vagina propullulantes.*

*Vagina ipsa invertitur & prolapsus.*



fuit, mox iterum ad partum rediturus. Idque tanto magis contingit, quando obstaculum quoddam egressum uteri impedit, uti testatur casus in *dissertat. de graviditate apparente* a me expositus, ubi tumor ovarii enormis impedimento fuit, quo minus uterus a vagina prolapsa intra pubem protractus, longius egredi posset, uti sufficienter testabatur orificii interni intumescencia collique elongatio, tractione vaginæ ac resistentia tumoris ovarii inducta. Observatur quidem in apice tumoris vaginæ prolapsæ hiatus, qui tamen non semper est orificium uteri internum, sed sinus ab ipsa vagina inversa, duplicato egrediente, efformatus. Nec longitudo tumoris evincit, uterum necessario simul elapsum esse, quia vaginæ substantia fibrosa & rugosa, tensione ac ab humoribus intus stagnantibus relaxata, insigniter extendi potest, uti apparet ex intestini recti prolapsu, quod, testantibus observationibus Auctorum, aliquot sphitamarum, ad ulnæ longitudinem egreditur, cum tamen tantam longitudinem non habeat in corpore, multo minus ubi istud in egressu duplicatur.

## T H E S. I V.

*Uterus ipse  
an eo usque  
prolabi pos-  
sit, ut pu-  
dendum e-  
grediatur?*

Quamvis itaque absolutæ necessitatis non sit, ut uterus una cum vagina elapsa extrâ abdomen semper excidat, ac præterea inficiendum non sit, ipsam vaginam inversam & humidam, aut tumores præternaturales in eadem natos, uti inferius videbimus, quandoque feminis, obstetricibus, imo Medicis ipsis imposuisse, ut uterum ipsum elapsum esse crediderint; neutiquam tamen propterea statuendum, uterum plane non posse prolabi, uti fecerunt *Kerckringius*, *Roonhufius*, *Meckeranus*, aliique, qui singularibus quibusdam observationibus adducti, prolapsum uteri verum dari, negant, omnesque rident, qui uterum unquam extra corpus prolapsum esse sibi persuadeant. Hoc quidem verosimile est, non omnes uteri procidentias, ab antiquis atque recentioribus Medicis observatas, tales fuisse. Fabulis etiam merito annumerandum esse judicat *a Meckeren in Observ. Anat. Med.* quæ de uteri extirpatione agentes, *Avensoar L. 2. C. 2. Anton. Beniven. de Abdit. Morbor. Caus. C. 11. Wierius, Zacut. Lusitan. Felix Plater. aliique* retulerunt, mulieres nempe, quibus uterus corruptus abscissus, non solum superstites mansisse, sed & liberos procreasse. At si quis ideo cum prædictis Auctoribus omnem proptofin uteri, a scriptoribus fide dignis annotatam, falsam, fictitiam & imaginariam dicere vellet, injurius certe in hos foret. Instructus omnino est uterus ligamenti fat validis, duplicis generis, nimirum teretibus atque latis, quibus idem sustentatur ac firmatur, ut tanto oneri, graviditatis tempore gestando, sufficere queat. Præstant id imprimis ligamenta lata, quæ inter pelvis latera atque uterum vaginamque interjecta, a reliqua parte, tubam inter atque testem intercedente, ob similitudinem alæ vespertilionum vocata, probe distinguenda esse, accurate monet *Clariss. Morgagn. Advers. Anat. 1V. Animad. XXVII. p. 49.* utpote quæ pelvis lateribus firmiter commissæ, ligamenti uteri lati & officium & nomen servare debent, cum alæ vespertilionum sper-



spertilionum tubæ potius ligamenta appellandæ sint. Sed quis propterea cum Kerckringio uterum semper immobiliter loco suo consistentem pronunciare vellet. Recte igitur *Pechlin l. c.* Jam si quis retinentium ligamentorum vim impedire credat, quo minus uterus prolabi possit, sciat oportet, eandem quoque causam in vagina lapsu adduci posse. Quid enim? Annon suis perinde ligamentis, usque satis firmis, vagina nectitur ossibusque incuneatur? At vero, annon ligamenti ille solutioribus adnectitur? Annon mobile etiam est ipsum uteri corpus, & ad lapsum proclivius, imprimis si vis accedat, qua inconditæ obstetrices per parturientium viscera grassantur? Ego sane, quoties faciem naturalium, uteri & vaginae attentius rimor, non video, quid prohibeat, quo minus uterus descendere ex parte vel totus possit.

T H E S. V.

Quandoquidem autem experientia una rite instituta plus valet, quam mille rationes, & supra dicti viri observationibus suis, utut singularibus, confisi & nixi, omnem fidem hac in re veteribus scriptoribus denegarunt, non immerito recentiores sectionibus in ejusmodi subjectis, prolapsu laborantibus, post mortem institutis, curiosius eam in rem inquisiverunt, pluribusque exemplis demonstrarunt, uterum non tantum extra corpus cum vagina inversa prolabi posse, sed etiam re ipsa elapsum in cadaveribus inventum fuisse. Non memorabo nunc *Diemberbrockium*, *Regnerum de Graaf*, *Corn. Stalpart. van der Wiel*, *Peyerum* aliosque, qui statim se isti opinioni opposuerunt, atque exemplis, tum ab aliis, tum ab ipsis observatis, procidendam ipsius uteri demonstrarunt. Adducam saltem unam vel alteram Auctorum recentissimorum, adhuc viventium, observationem, quibus non tantum uteri prolapsus, sed etiam totalis simul ejus inversio confirmatur. Instar omnium esse possunt casus, a *Celeberrimo Ruyschio in Observ. Anat. Chirurg. VII. IX. X.* consignati, utpote qui omnem animo nostro scrupulum eximere possunt. Rarissima imprimis est *Observatio I.* qua refert, e tumore uteri prolapsi quadraginta & duos calculos in octogenaria sectione extractos esse, qui sedem suam in portione aliqua vesicæ urinariæ simul prolapsæ habuerunt. Ibi- dem quoque *Observ. XXIV. XXV.* mentionem facit lateralis tantum uteri portionis, itemque orificii ipsius interni in partu prolapsus, a se observati. Contingit præterea, uti *Idem X. & XXVI.* annotat & fig. 12. delineat, ut uterus in aut mox post partum totaliter invertatur, cui malo obstetrices imperitæ, funiculum umbilicalem fortius extrahendo, occasionem præbent, quandoque tamen illud a conatibus post partum remanentibus ortum duci. Plurà hujus inversionis uteri totalis in partu exempla videre licet in *Stalpart van der Wiel Observ. Rarior. Cent. I. Obs. LXVII.* Hoc tamen extra partum, a tumoribus intus in cavitate uteri natis oriri posse, novo eoque singulari exemplo probavit *Clariss. von Sanden, Observatione de prolapsu uteri inversi ab excrescentia carneo fungosa, in fundo ejus interno, ex potu crepitus lupi enata, communi-*

cata. Sectio enim post mortem instituta monstravit, tumorem e pudendo istius feminæ propendentem ipsum uterum, ab excrecentia e fundo ejus latiori radice enata, ac successive crescente, ob spatii defectum per orificium exitum quærente, tandemque foras erumpente, inversum & extra corpus extractum fuisse, uti ex Fig. II. ibidem apposita clare ad oculum patet.

## T H E S. V I.

*Tumores  
alii e vagi-  
na enati,  
uteri pro-  
cidenti-  
am men-  
tentes.*

Sed nunc annotandum est, ex ipsa vaginæ superficie interna oriri excrecentias tales carneo fungosas & scirrhosas, quæ in tantam molem auctæ, ut spatium interius non inveniant, e pudendo prorumpunt, uterumque prolapsum mentiuntur. Ejusmodi fungos in vagina adhuc absconditos, ovi galinacei ac pugni magnitudine ex illa exsectos memorat *Tulpius Observ. Med. L. III. Cap. XXXIII. & XXXIV.* Fungum pariter cancrosum ex interiori matricis colli parte ligatura separatam recenset *Stalpart. van der Wiel l. c. Obs. LXXXVII.* Excrecentiam cancrosum, duorum pugnorum magnitudine extra sinum pudoris propendentem, & ab ipso aliisque Medicis & Chirurgis pro utero inverso & prolapsu habitam, describit etiam *Segerus Obs. 121. Misc. Cur. A. 1671.* quæ tamen, uti sectio, post obitum feminæ instituta monstravit, nihil aliud fuit, quam excrecentia fungosa, ex uteri collo, & hujus antica parte, prope vesicæ orificium, enata. Ita etiam *Jobus a Meckeren in Observ. Anat. Medicis* pro confirmanda sua sententia, qua, uti supra vidimus, uterum omnino elabi posse negat ac pernegat, præter aliorum observationes, refert integram historiam sarcomatis insignis magnitudinis, gangræna jam correpti, prævia ligatura colli angustioris resecti. Complures Medici atque Chirurghi præsentis illud uterum prolapsum crediderunt. Muliere autem paulo post denata, sectio cadaveris patefecit, non uterum ipsum prolapsum & abscissum fuisse, utpote qui bene constitutus in loco naturali inventus est, ligamentum vero intus relictum monstravit, tumorem ablatum nil aliud, quam tunicæ rugosæ, vaginam præter alia constituentis, portionem, laxitatis nimix culpa, extra pudendum elapsam fuisse. Hæ similesque historix satis superque evincunt, excrecentias tales carneo fungosas, e pudendo propendentes, haud raro imposuisse non tantum feminis, sed ipsis quoque Medicis atque Chirurgis, ut tales uterum prolapsum esse, sibi persuaserint.

## T H E S. V I I.

*Uterus  
prolapsus  
an salva  
vita rese-  
cari possit?*

Filo in præsentis ducimur ad quæstionem illam, quid de resectione uteri prolapsi, ab Auctoribus adeo frequenter commemorata, sentiendum sit? Integrum Catalogum Scriptorum recenset *Meckeren loc. cit.* qui uterum salva vita non tantum auferri posse, sed etiam ablatum esse, memoriæ prodiderunt. Hos inter *Plempius Anat. Cabrol. c. 34.* scripsit, uterum prolapsum incuria quadam putrefactum extirpari sine incommodo, sic, ut eo ablato etiam concipere



cipere queat mulier, *Fernelius* vidisse se refert parturientem quandam, cui uterus cum fetu incluso, sine ullo vitæ dispendio ablati sit. *Plinius* & *Soranus* uterum muliebrem auferri sine vitæ periculo posse, exemplo porcorum, probare nituntur, & *Laurent L. VII. de part Gener. C. II.* omnia bona promisit mulieri, cui uterus ablati sit, uti videre est in *Bonet. Sepulcr. L. III. Sect. XXXII. Addit. obs. VI. p. 41.* Ibidem etiam *Obs. I. ex Jo. Georg Volckameri* relatione recensetur historia uteri procidentis ex virgine resecti, cui antea jam testes, per hymenem propendentes, ablati fuere, eodem observante in *Miscell. Curios. A. II. Obs. CCXXVI. p. 328.* Nullum tamen hic suppeditavit signum certum, unde judicari possit, tubercula ablata re ipsa fuisse ovaria atque uterum, nisi quod dicat, priora calidæ aquæ injecta, testiculos vasis suis annexos præsentasse, ultimum vero formam uteri nondum defloratæ retulisse, sed cavitate destitutum fuisse. Majoris momenti videtur esse observatio *Paræi de Hom. gener. L. XIV.* qua docet, mulieri tumorem corruptum e pudendo frustatim extractum fuisse, quod ipsi & quatuor Medicis præsentibus corpus uteri visum fuit, cujus rei fidem fecit non tantum unus ex testiculis postea, ipso referente, extractus, sed etiam sectio feminæ post trimestre pleuritide extinctæ, quia nusquam comparuit uterus, sed ejus loco callosum quoddam corpus, quod natura, uti ille loquitur, quæ nunquam in nobis otatur, jacturam ejus partis quasi reparatura, vel lacunam potius alvi repletura, substituerat. Annon vero corpus istud callosum fuerit ipse uterus, ab abscessu diuturno in genitalibus existente deformatus, sub judice lis est. Verbo: Pleræque historiæ de uteri exsecto apud Auctores occurrentes ita sunt comparatæ, ut dubium sit, an uterus, aut ejus loco excrescentia quædam fungosa & carnea abscissa fuerit. Unicum tamen exemplum in fine tractatus supra laudati *Sandenii*, ex prolusione, *dissertationi Inaugurali de femina gravida, lapsu vaginæ uteri laborante* ab ejus Præsidente, *D. Joh. Hadriano Slevogtio* præmissa, adjectum confirmat, impossibile non esse, ut uterus prolapsus & corruptus salva vita resecari possit. Ipse enim testatur, se in massa, a pudendo muliebri resecta, quinque libras pendente, præter opinionem, ipsissimum os uteri, cruore viscido obturatum, reliquumque hujus corpus, cum fundo integro & reliquiis tubarum, quasi in theca coriacea, prope injectum vinculum, abscissa, reconditum offendisse. Imo ut ea clarius dignosci possent, uterum ab orificio ad fundum, secundum longitudinem aperuit, & cavitatem ejus ac crassitiem, statui naturali prorsus similem, detexit, tubisque fetas nigras inferuit, atque sic Excellentissimis Academiæ Jenensis Professoribus, plerisque Urbis istius Doctoribus Medicis Practicis, atque centum studiosis demonstravit, ut adeo de eo nullus dubitandi locus super sit.

T H E S V I I I.

His itaque ad illustrationem nostri casus præmissis, accedendum tandem *Sarcoma* est ad sarcoma in præsentia a nobis luci expositum, ut pateat, quæ sit ejus *nostrum* natura *an uterum*

*simul exse-  
ctum con-  
tineat ?*

natura atque origo, & ad quodnam genus tumorum in pudendo natorum; haftenus enumeratorum, idem sit referendum. Optimam quidem huic rei lucem accendat aliquando feminæ hujus obitus & corporis defunctæ apertio, qua locus, unde resectio facta, detegi poterit; vitam tamen & sanitatem, qua haftenus utitur, ipsi nullatenus invidentes, interea periculum faciemus, quid quantumque in negotio hoc admodum obscuro, considerando circumstantias antecedentes, concomitantes & consequentes, præstare liceat. Equidem ex præcedente thesi constat, uterum prolapsum aliquando, utut forte rarissime, salva vita resectum fuisse. Tumor præterea in nostra, post abscissionem portionis ejusdem prominentis a muliere peractam, uno impetu inter conatus, parturientium similes, foras prorumpens, magnam suspicionem excitavit, uterum per aperturam, sectione hac in vagina factam, simul excidisse. Repletio & occlusio sinus pudoris, a vagina ad inferiora tracta, ob quam digitis, circa tumoris collum ductis, intra pudendum nullibi penetrare licebat, suspicionem illam auxit. Corpus tandem musculosum, in sarcomate ablato apparens, ac figura externa pariter ac structura interna carnosæ, cum intermixtis orificiis numerosissimis vasorum sanguiferorum, uteri speciem præ se ferens, sententiam istam penitus confirmare visa est. Quoniam tamen nec intus cavitatem in hoc corpore invenire, nec intus quicquam de ovariis & oviductibus ligamentisque detegere licuit, illud uterum, sectione ex muliere sublatum ego non dixerim. Retractio enim totalis vaginæ ad interiora, ac fluxus mensium post illud tempus naturalis & regularis infecutus, satis superque edocent, uterum in corpore remansisse, & originem hujus tumoris aliunde derivandam esse.

#### T H E S. I X.

*Quale illud sit? & ad quodnam genus tumorum enumeratorum referendum?*

Rebus sic stantibus, aliud iudicium de nostro sarcomate ferre non possumus, quam quod illud sit excrescentia quædam carnosæ & scirrhusæ ex vaginæ ipsius substantia, parteque superiori, utero proxima, enata. Idque penitus suadet pars illa mollior rugosa & lobosa, corpus musculosum sustinens, quam vaginæ portionem esse, inspectio docet. Saltem corpus illud musculosum, figuram & texturam internam uteri exhibens, difficultatem creat, unde illud originem trahat. Notum autem est, vaginæ uteri substantiam intus quidem membranosa, nerveam atque papillarem esse, rugasque copiosas instar rugarum intestini jejuni, exhibere, ac ubivis lacunas, uti circa urèthram & uteri præprimis cervicem, ita per totam superficiem monstrare, quæ cum glandulis substratis communicantes liquidum mucosum fecernunt. Exterius vero musculosus contextus vaginam ambit, ac copiosissimis vasorum cum utero partibusque adjacentibus communibus ramificationibus, multiplici anastomosi inter se junctis, ac substantiam vaginæ perreptantibus, gaudet. Quid itaque mirum in textura  
ista



ista musculosa glandulis atque vasculis intertexta, ab humoribus impuris ac viscidis, intus stagnantibus, obstructions & indurationes harum partium fieri, unde omnia sarcomata, aut excrescentiæ carneo fungosæ, & scirrhi, aut quocumque demum nomine veniant, tumores oriuntur. Faciunt huc injuriæ variæ, quibus vagina, æque ac uterus ipse, ante, in, & post partum obnoxia est, fluxus mensium & lochiorum inordinatus, retentus, aut inconvenienter suppressus, vel etiam nimius. Humores quippe largius ad genitalia confluentes, atque transitum aut egressum per tubulos obstructos non invenientes, inter plexus vasorum atque glandularum restagnant, sensim inspissantur, partes circumjacentes distendunt, atque ita excrescentias illas, fungorum more protuberantes, efformant.

## THE S. X.

Præcesserunt autem in nostra partus iterati, subinde laboriosi, quibus vagina cum utero valde extensa, tonusque ejus maxime relaxatus fuit. Femina egestate coacta, nec tempore graviditatis, nec post partum diætam convenientem observavit, in nulla re sibi pepercit, labores durissimos suscepit, pondera gestavit, mox a partu e lecto surrexit, corpus aeri frigido exposuit, fluxusque lochiorum nullam curam habuit. Quæ autem & quanta mala inde in gravidas atque puerperas redundare soleant, notius est, quam ut a me hic exponi opus habeat. Insecuta post illud tempus hæmorrhagia diuturna atque enormis sufficienter testatur de uteri partiumque connexarum gravi læsione, sanguinisque in iisdem circuitu difficili atque stagnatione, unde tanto impetu tantaque quantitate idem per vias genitales erupit. Fluxum hunc illa neglexit, ac præter domestica remedia, nihil eidem opposuit, potius motu inconvenienti, elevatione ponderum, refrigeratione, aliisque diætæ erroribus illum auxit. Nec ullum est dubium, illam ad hæmorrhagiam coercendam & restinguendam, inter remedia domestica adstringentibus & stypticis usam esse, pro more vulgi, qui ad talia, tanquam sacram anchoram, confugere solet. Neminem vero latet, quot & quanta ex intempestive suppressa hæmorrhagia mala oriantur. Per ejusmodi enim austeram, constringentiam ac stypticam medicamenta sanguis & alii humores intra vasa distenta stagnantes subito coagulantur & inspissantur, unde in aliis inflammationes, abscessus & exulcerationes, in aliis tumores duri ac scirrhescentiæ partium internarum haud raro originem trahunt. Ipsa sarcomata & excrescentias carneo fungosas in partibus genitalibus ortum inde repetere, probat exemplum *Sandenii* supra memoratum. Femina illa infuso crepitus lupi, contra abortus frequentes & hæmorrhagias uteri usurpato, excrescentiæ isti carneo fungosæ, in uteri cavitate ex ejus fundo enatæ, occasionem dedit, a qua uterus inversus foras propulsus fuit, & insecuta exulceratio & sphacelatio febrisque conjuncta vitæ finem fecit.

*Causæ antecedentes ponderantur.*

## THE S. XI.

*Circum-  
stantia sin-  
gulares ca-  
sus nostri  
confide-  
rantur.*

Ad nostrum ut revertamur casum, notatu dignissima imprimis in eo est circumstantia, in historia annotata, tumorem hunc prius e vagina exitum non invenisse, quam resecta prius a femina parte ejus protuberante. Hoc ipso quippe idem quodammodo detumuit, viamque faciliorem prorumpendi invenit. Hoc vero inirum, ne minimam inde secutam fuisse hæmorrhagiam, quod tamen nulli alii rei, quam scirrhescentiæ & sphacelationi tumoris relatum ferri debet. Hæmorrhagiam vero a sectione metuendam impedivit ligatura injecta, utut hac forte opus non fuisset, quia collum tumoris albicans & quasi tendineum nulla insigniora vasa monstravit, ac vix gutta una sanguinis ex eodem stillavit. A resectione etiam sarcomatis, quod, præsentē & dirigente *Slegvotio*, e femina sublatum esse, ipsumque uterum simul abscissum, illo teste, comprehendisse, supra notavimus, nulla hæmorrhagia secuta est, quamvis pars ligata, simul ac a pondere trahente liberata fuit vinculo, quo collum ejus ante sectionem valide ligaverat Chirurgus, statim se subtraxerit & ad interiora resiliverit, non sine terrore chirurgi, hæmorrhagiam ægre restinguendam metuentis, cum tamen vix duæ unciae cruoris effluerint, mox sero tenui eum excipiente. Ligamentum istud in nostra femina omnium subsequens symptomatum, tractionis & pressionis in abdomine, tumoris oedematosi, hæmorrhagiarum uteri, aliorumque incommodorum causa existit, quia, illo lenta suppuratione post dimidium demum annum separato, omnia illa accidentia statim evanuerunt. Nihilo tamen fecius securitatis gratia ligatura merito applicata fuit, ac in casibus similibus non facile negligi debet. Cautē tamen cum ista procedendum esse, docet casus *Segei* supra relatus, ubi in excrecentia tali fungosa, statim a ligatura gravissima symptomata secuta sunt, quæ verò vinculo sublato cessarunt. Cavendum etiam sedulo, ne partes adjacentes vinculo comprehendantur, quod contigisse refert celebratus *Ruyschius Obs. VII.* in femina, in qua chirurgus, uterum prolapsum & corruptum extirpaturus, meatum urinarium simul ligavit, unde ægra, suppressione urinæ totali correpta, occubuit.

## T H E S. X I I.

*Conclusio.*

Ex præsentī tractatione, observationibusque in ea recensitis, ni fallor, patescit, in similibus casibus nihil quidem temere agendum, in statu vero dubio atque ancipiti interdum aliquid cum prudentia tentandum esse. Quilibet enim videt, feminam hanc e præsentaneo vitæ periculo, ob sphacelationem tumoris propendentis, mortisque e faucibus per operationem institutam ereptam fuisse. De hoc tamen plura ut addam, opus non esse judico.

## F I N I S.



Tab. XXV



Disp. chirurg. Tom. III. VATER DE SARCOMATE UTERINO  
pag. 632.

Fig. 1.



FIG. 1. A SEED OF *STYRACIS AGNUS-CASTI*.  
L. 1. 1827.



## E X P L I C A T I O F I G U R Æ

*Repræsentatur hac Figura Sarcoma insigne, ex vagina uteri, præmissa ligatura, resectum.*

- A. Totum Sarcoma, a parte postica visum.
- B. Collum tenuius, duorum digitorum transverforum crassum, ubi resectio facta.
- C. Corpus rotundum musculosum, e tumore prominens, uteri inversi, ut fundus inferius, collum superius situm videatur, figuram quodammodo referens.
- D. Sectio per medium ejus facta, ut interior substantia, quæ tota ex fibris carnosis orbicularibus, cum intermixtis copiosis vasorum sanguiferorum dissectorum orificiis, componitur, oculis exponatur.
- E. Pars reliqua Sarcomatis mollior, ac quasi lobosa, vaginæ uterinæ substantiam referens, corpus musculosum sustinens.
- F. Sinus inter corpus musculosum & reliquam Sarcomatis partem.
- G. Sulcus in corpore musculofo obviuus.



J O. F R I D. C R E L L I I

P R O G R A M M A

D E

TUMORE FUNDO UTERI EXTERNE

A D H Æ R E N T E

Wittembergæ die 5. Junii an. 1739.

**I**N omni morborum, quibus corpora feminarum afficiuntur, curatione, altero semper oculo ad uterum, & symptomata, quæ a statu illius præternaturali pendent, respiciendum esse, majoribus nostris jamdum perspectum est, & attenta quemvis, in opere faciundo occupatum, docet observatio. Etsi enim aliis sæpe de causis, quæ illis cum viris communes sunt, morbi apud mulieres generentur, atque in aliis præter uterum visceribus fomes mali quærendus sit, atque adeo generalius, quam par erat, conceptum videatur axioma illud *Hipocratis*, dum sub initium L. II. de morbis mulierum scribit, *Αἰὺς ἐστὶ πάντων τῶν νοσημάτων αἰτιαί εἰσι*, illud tamen omnino negari nequit, in omni graviore illarum morbo talia subinde occurrere symptomata, quæ functionum utero propriarum perturbationem indicent, totumque morbi typum immutare, & in ancipitem deducere statum valeant. Quo majori enim beneficio solennis illis sanguinis per uterum evacuatio concessa est, qua æquilibrium inter fluida & canales illa continentes conservatur, ac nimia humorum cumulatio, ad quam corpora illarum præ virilibus disposita sunt, impeditur, eo graviora sane damna metuenda sunt, quoties salutare illud negotium perturbatur, & ruentibus ex ipsarum partium dispositione ad hæc loca humoribus quacunque de causa exitus denegatur. Siquidem non circa uterum solum & partes mulieribus proprias, generationi dicatas, plurima inde percipiuntur incommoda, sed sanguis vi intra vasa coercitus, ad alias corporis partes delatus, tanto periculosiora ibi mala concitabit, quo nobilior pars illa, quæ vehementiorem ejus impetum sustinere cogitur, sicque gravissimi morbi in omni fere corporis parte occurrentes sanguinis menstrui retentionem presso pedu sequiprehenduntur: uti hanc symptomatum consecutionem celeb. *Jo. Friend* in eleganti sua Emmenologia ex instituto declaravit. Neque minus obscurum esse potest, alio morbo prægresso, in quo sanguinis, & reliquorum humorum naturalis constitutio depravatur, ut vel justo spissiores evadant, vel ex blandis in acres degenerent, uterum pariter gravissime



gravissime ab illis lædi, dum vel ad excretionem & transitum per vasa ejus tortuosa ineptus sanguis in illo stagnat, vel nimio in vasa impetu intempestivum atque immodicum excitat profluvium. Uti vero funesta sæpius in morbis acutis catastrophe inde contingit, ita tanto certius de morbis chronicis, qui ab intimiori humorum corruptione dependent, imisque in visceribus fixam constituunt sedem, asseverare possumus, quod in illis uterus cum reliquis organis genitalibus a labe communi diu immunis esse nequeat. Quo copiosioribus enim vasis instructa sunt, quo magis in naturali etiam statu humores ad illa derivantur, quo lentior per varios anfractus, inflexosve vasorum mæandros circuitus, eo promptior fiet pravorum ad hanc communem veluti sentinam humorum decubitus, vitiumque, quod in fluido antea solum hærebat, cum ipsis tandem partibus solidis communicabitur. Corpora talia, lenta morborum vi tandem destructa, cultro anatomico incisa, sæpe miram partium feminis propriarum corruptionem, variaque in illis structuræ morbosæ vitia exhibere, frequentes medicorum testantur observationes, multo adhuc copiosiores futuræ, nisi vana superstitem in defunctas pietas accuratius interiorum scrutinium plerumque invideret. Quoties ovaria, fundo uteri mediantibus ligamentis latis connexa, in tumores ingentes elevata deprehenduntur, ut viventibus adhuc ægris uterum gravidum mentiantur, aperto vero cadavere congeriem hydatidum communi membrana inclusarum exhibeant? Quales casus, ut alios taceam, *B. Polyc. Gottlieb Schacherus*, Ordinis dum viveret Medici in Academia Lipsiensi Decanus, Præceptor post fata etiam venerandus, Dissertatione de virgine ascitica post paracenthesin purpura maligna extincta, & Excellentiss. *Abraham Vaterus*, Patronus atque Collega ætatem suspiciendus, Dissertatione de gravidaitte apparente, e tumore ovarii enormi orta litteris consignarunt, ærique incidi curaverunt. Quoties eadem ovaria scirrhusa, atque paucioribus vesiculis in illorum superficie prominentibus insignia annotata sunt? Quoties tubæ fallopianæ interius coalitæ, aut cum ovariis strictiori nexu vinculis præter naturam concrecentes deprehensæ sunt? qualem observationem singularibus circumstantiis notabilem alio forte tempore fufius delineabo. Ipse uterus, compactioris utpote substantiæ, adeo facile stagnantibus humoribus receptaculum non concedit, sed ope carnearum fibrarum validius illos per canales urget, interdum tamen, nimia illorum visciditate robur horum superante, scirrhusus redditur, vasisque nimis ampliatis varii generis tumores exhibet; qualem uterum, excrementia in superficie fundi externa prominente conspicuum, ante aliquot annos Lipsiæ e cadavere feminæ cachecticæ exemptum, inter præparata asservo; cujus historiam paulo pleniorẽ exhibere non ingraturum harum observationum curiosis fore confido. Femina triginta circiter annorum, nunquam Lucinam justosque passa hymæneos, sanguinem menstruum per aliquot periodos substituisse adverterat, post usum vero variorum remediorum a medicaastro quopiam commendatorum, sine omni levamine adhibitorum,

doloribus arthriticis per omnes artus vagantibus corripiebatur, quos feminis, consueta purgatione carentibus, metuendos esse dudum monuit *Hippocrates*; hos tumor in altero pede circa talum durus, splendens, summisque cruciatibus miseram dies noctesque exagitans, exceperat, variis remediis discutientibus pariter atque emollientibus frustra tentatus, unde tandem toto emaciata corpore in tumorem pedum oedematofum cum incipiente hydrope ascite incidit. Ultimis miseræ vitæ septimanis, præter alia de dolore quodam obscuro distendente, in interioribus circa regionem pubis molesto, angusto satis spatio circumscripto, conquesta est; quem ab aquis in abdomine contentis, quarum nondum adeo magna quantitas ibidem collecta erat, vix derivare licebat, neque tamen alia causa aut propria mali sedes patebat, donec eam sectio post fata illius concessa detexit. Aperto abdomine, aquæ mensuris aliquot evacuatæ, circa reliqua quidem viscera nullum insigne vitium, quod causæ aut effectus etiam morbi titulum mereretur, occurrebat, quare ad organa generationis oculos convertimus: detecta pelvi, uterum colore albicante: substantia firma densaque, quæ tamen nondum scirrhusa dici poterat, magnitudine, qualem in virginibus ordinarie observamus, mediocri gaudentem conspeximus, neque in ovariis aut tubis aliquid, quod a naturali statu abhorreret, deteximus. Tanto majorem vero excitabat adstantium attentionem, corpus globosum, coloris itidem albicantis, supra ipsum uteri corpus eminens, cum illud a morbo productum esse omnes intelligerent. Scilicet in latere dextro, e fundo uteri, pollicis circiter ab ejus summitate distantia, excreverat corpus, mori fructus magnitudine, capitulum fere pulli figura referens, versus posteriora tumens, in vertice fastigiatum, ad latera compressum, & antè in rostrum extenuatum, tenui pedunculo veluti collo sustentatum. Separata circa hunc tumorem membrana uterum cingente, eodem illum involucri simul obtegi, radices vero profundius in ipsam uteri substantiam penetrare vidimus. Tactu durior erat, neque foveam digito impressam retinebat, nec fluidi intus contenti indicium præbebat, discissus interius texturam irregularem referebat. Aperto ipsius uteri corpore, circa cervicem extra sulcos ejus aliquot vesiculæ eminebant, humore seroso turgidæ, quas quondam *Martinus Naboth*, Medicus Lipsiensis in Dissertatione de sterilitate mulierum pro ovulis venditavit, novum ovarium in cervice uteri stabiliturus, etsi tales vesiculæ nunquam fere nisi in gravidis, aut hydropicis subjectis, in quibus lymphæ præter solitum in utero cumulari solet, in conspectum veniant. Si aliorum observationes evolvimus, nonnullæ quidem sub titulo tumorum uteri hinc inde occurrunt, a nostro tamen penitus diversorum; quorum illam *Salomonis Reiseli* de tumore uteri glanduloso adnato externo, in *Ephemer. Acad. N. C. Decur. II. A. VII. obs. 9. p. 15.* aliamque *Joannis Theodori Moeren*, de rara uteri virginei excrecentia, ad 60. libras accedente, in iisdem *Ephem. Dec. III. A. VII. Obs. 100. p. 167.* referimus, quarum phænomena accuratius examinata, non tam ipsius uteri, quam ovarii tumores fuisse satis manifeste declarant; certe admodum similes illi, quem ante biennium

Excel-



Excellentissimus *Vaterus* Noster in femina provectioris ætatis in Theatro nostro Anatomico demonstravit; in qua alterum ovarium, tunicæ suæ crassitie insigniter auctum, in stupendam molem plurium librarum excreverat, interior autem ejus textura ita destructa erat, ut nihil nisi materiem purulentam ac sebaceam teterrimi feteris, in distinctis cellulis asservatam, contineret; uterus vero ita ab ejusdem mole occultabatur, ut primum in suspicionem ipse veniret, donec indagato ejus orificio, illum admodum exiguum, omnis tumoris expertem, sub hac mole delitescere convinceremur. Propius ad nostrum accedere videtur casus a *Jo. Conrado Peyero* in *Parergis Anatomicis & Medicis*, *Parergo sexto*, quod de muliere hydropica, cui abdomen fuit plenum tumoribus, & uterus tuberosus, inscribitur, p. 131. relatus. Qui uterum naturali quadruplo majorem, scirrhum & inæqualem, globosa quædam corpora, venis & arteriis prædita, ac utero ipsi adnata, numero plura & magnitudine diversa, occupasse testatur, quorum tamen pleraque in interiori cavitate hæsisse, cum ex icone discimus, dum quod molarum illis nomen imponit; Unum in figura adjecta in exteriori uteri superficie prominens, nostro, sede & magnitudine, simile notamus, de cujus tamen reliquis conditionibus nihil adjecit. *Joannes Rhodius* Cent. III. 46. pariter tumoris, ob convenientiam cum nostro non silendi, paucissimis verbis meminit, dum ait; Anno 1644. Steatoma occurrit uteri fundo adhærens, cujus cavitatem materia sevi similitudine replebat, reliquum uteri insigni pinguedine oblitum. Neque tamen exactius respondentem invenire potui, quam illam, quæ in *Miscellaneorum Berolinensium* Contin. II. Obs. III. p. 19. ab *Augustino Buddeo* sub titulo, *Excrecentiæ scirrhusæ piriformis adhærentis externæ superficiiei fundi uteri*, consignata est. Siquidem & corpus in superioribus artubus & pectore emaciatum, circa abdomen paululum tumidum, pedes vero oedematosos, uterum naturali situ & magnitudine conspicuum fuisse, tumorem fundo adnatum iisdem involucris conclusum, apice lato duro, magnitudinem fructus mori excedente, præditum, pedunculo angustiore erectum, in ipsam uteri substantiam penetrasse relatum legimus. Alias observationes, de tumoribus præter naturam circa partes genitales interiores in feminis generatis hinc inde dispersas colligere non difficile foret, plures forte etiam a dissectoribus inventi sunt, quorum memoria ad posteros neutiquam propagata est, imo longe plurimos ob denegatam post fata sectionem penitus incognitos manere verosimile videtur. Interim vel ex his satis elucescit, uterum & connexas partes, in subjectis lentore & visciditate humorum laborantibus, ad subeundas obstructions admodum dispositas esse; inprimis si omisso sub initium usu convenientium remediorum diluentium & solventium, solis orgasmum humorum augmentibus, & sic dictis pellentibus pugnetur. His enim majori quidem copia ad illas partes urgentur humores, ob auctam vero molecularum magnitudinem per minimos canales transire nequeunt, sed in principium illorum dilatatorum impulsu circa extremitates angustiores hærent, sicque obstructionis generant primordia. Quo laxiores & spongiosæ

magis sunt partes, in quibus primas egit radices, quales sunt ovaria, eo promptiora atque uberiora erunt, nova indies accedente materie, tumorum incrementa, ut brevi in insignem excrescant molem, atque tota demum in informem ejusmodi massam, vix veteris vestigia figuræ texturæ referentem, abeant: in densioribus vero, quale ipsum corpus uteri est, paulo lentius succrescunt, atque in superficie potissimum, uti tumor a me descriptus, hæerere solent. Uterum suis etiam gaudere vasis lymphaticis non solum *Nuckius* & *Graafius* in brutis animalibus dudum observarunt, sed cel. *Morgagnus* etiam in utero puerperæ, brevi post partum extinctæ, sub exteriori uteri tunica deprehensa in adversariis anatomicis IV. obs. 43. describit. Vascula hæc lymphatica ab humoribus spissioribus sensim dilatata, & materie immeabili repleta, in tunicis vero suis præter naturam crassescunt, propriam ejusmodi tumorum sedem esse ex attenta phænomenorum ponderatione colligere licet, prout ejusmodi corporum, ab aliis pro glandulis magnitudine auctis perperam habitorum, genesis, in Programme circa auspiciis muneris mei anno 1737. edito pluribus deduxi. Cum vero uterus tunica exterius involvatur, quæ a peritonæo originem ducit, & docente *Winslowio* Anat. T. IV. paragr. 600. continuatio est illius, quæ vesicam obtexit, & a parte ejus postica ac inferiore super anteriora uteri assurgit, superato fundo partem posticam cingit, & denique ad intestinum rectum fertur; illa distentis a stagnante humore inerte, & in altiore molem assurgentibus vasis lymphaticis, immediate eidem substratis, simul elevabitur, atque expandetur: a qua tunicæ, arcte ceteroquin cum utero cohærentis, nimia tensione dolorem illum, de quo ægrota a me commemorata ultimis temporibus conquesta est, derivandum esse crediderim. Aliam agnoscunt originem varii tumores in ipsa uteri cavitate reperiendi, qui molarum, sarcomatum, polyporum nomine ab observatoribus insigniti frequentius notantur: siquidem illa infelicis partus tristes effectus esse solent, atque non immerito a placentæ vi avulsæ reliquiis in utero relictis, vel interioris tunicæ uteri nervæ & vasorum læsione deducuntur.



X C I.

DISSERTATIO  
MEDICO-CHIRURGICA,  
DE  
POLYPO POST FEBREM EPIDEMIAM  
EX UTERO EGRESSO.

*Quam Præside*

ABRAHAMO VATERO P.P.

*Tuebatur*

CASPARUS SCHUNCKIUS,

FLENSBURGO-CIMBER.

Vitembergæ 29 Maii anno 1739.





**O**ccurrunt subinde medicis, curationi ægrotorum intentis, casus dubii, ancipites atque periculi pleni, qui eorundem, etiam expertissimorum, animos suspensos reddere valent, quid de iis sentiendum statuendumque; quidque in illis agendum sit. Agunt enim morbi, præptimis interni, altas admodum radices in visceribus interioribus, absconditis atque a sensibus remotis, & clanculum increfcunt, tandemque, viribus collectis, inopinato foras prorumpunt. Experiuntur id sæpe in se, suo damno, feminæ, quarum utero, ingentium in hoc sexu malorum fonte, præter prolapsus & molas, varia intus concreta atque generata, per genitalia exeunt, atque dolores acerbissimos, aliaque symptomata gravissima, inducunt. Hujusmodi tumores, e pudendis mulierum prodeuntes, ubi profundius radican- tur, & ex loco sublimiori, utero ipso, vel ejus orificio interno proveniunt, haud raro cum prolapsu confunduntur. Commonefaciendi igitur sunt medici juniores, in consilium vocati, propter imperitiam obstetricum ac quorundam chirurgorum in rebus anatomicis, ut circumspecti sint, ne in negotio adeo arduo error committatur. Obtigit mihi ante aliquod tempus casus, ob plurimas circumstantias singulares, commemoratione dignus, quem ideo in præsentī hac dissertatione inaugurali proponere volui. Faxit Deus, ut hic labor cedat in sui honorem, & ægrotantium salutem.

## H I S T O R I A.

**A**Nno prægresso MDCCXXXVII. Mense Augusti, æstate ad autumnum vergente, in oppido, trium lapidum intervallo ab urbe nostra remoto, matrona nobilis sexagenaria incidit in febrem, quæ pro more epidemiarum, isto tempore hinc atque inde grassantium, intermittentem tertianam mentita est, ut mox continuæ indolem monstravit. Primis octo diebus medicamenta a me absente, contra febrem intermittentem, petita sumpsit, sed cum horum usu malum nullatenus cedere viderent, ut potius morbus invalesceret, meum adventum efflagitarunt. Ipse cum aliis negotiis irretitus, invitationi moram gerere nequirem, generum eo ablegavi, ut consiliis meis adjutus, curam dirigeret. Hic posteaquam agram vidit, e circumstantiis mox judicavit, non intermittentem, sed continuam remittentem adesse febrem. Ordinavit propterea medicamenta, eo in casu usualia, præcipitantia, diaphoretica atque bezoardica, & quoniam primis diebus venæsectio omīssa fuerat, loco ejus vesicatorium applicari jussit, imprimis ut virium lapsui consuleret, metumque apoplexiæ arceret. Factum ita est, ut agra, gravissimis licet symptomatibus confictata, sub finem tertiæ septimanæ ad se rediret, & in vado esse videretur. Tunc autem subitanea rerum mutatio facta est, calor enim febrilis, fere ex-

tinctus, denuo accensus, ad summum repente gradum auctus est, anxietates, sopor atque delirium, cum accedentibus per intervalla, horroribus atque succussionibus totius corporis & artuum validissimis, quales in paroxysmis intermittentium usu veniunt, non potuerunt non pavorem incutere omnibus, ob metum gangraenae irruentis. In tanto vitae discrimine, celeri opus fuit auxilio, quapropter medicus, ut inflammationi resisteret, auctis dosibus nitri depurati, in aquis destillatis soluti, calorem internum suffocare allaboravit. Optato res cessit, postquam enim agra, durante nocte, ad duas fere uncias nitri sumpsit, caloris decrementum apparuit, ac illa melius habuit. Sed novam attulit sollicitudinem res inopinata, durante hoc paroxysmo contingens. Insolitum quippe corpus e pudendo illius prodire, observarunt feminae, curam ipsius habentes. Omnes adstantes hac re nova perterrefacti, de vita ejus desperare ceperunt. Accersuntur obstetrices, advolant feminae aliae, accedit etiam chirurgus castrensis, consultatur, quid rei sit, quidque in ancipiti hoc rerum statu sit suscipiendum. Negotium pernamque maximique consilii fuit, nec tamen inter se convenire potuerunt, utrum massa propendens sit uterus prolapsus, an mola, an aliquid monstri, ex utero pronati? Utrum corpus ad interiora retrudendum, reponendum, an vero resecandum? Chirurgus omnia irrita futura pronuntiavit, ob praesentem jam tum gangranam. Medicus in re tam ardua nihil, nisi audita prius mea sententia, decernere voluit, eoque consilio omni festinatione ad me properavit. Fuit autem, ipso referente, massa ista gracilis atque oblonga, duorum tamen pollicum combinatorum crassitie, trium circiter digitorum transversorum longitudine, coloris obscure rubicundi, farciminis instar sanguine infarcti, e sinu pudoris propendens. Obstetrix etiam, illo jubente, digitis intrusis, & circa molem illam ductis, principium ejus, ubi adhareat, & unde prodeat, explorare tentavit, sed nullibi, utut adactis profundius digitis, quidquam detegere potuit. Ex hac medici relatione ego judicavi, nullum adesse prolapsum, utpote qui tam subito agra, in lecto constituta, absque ulla vi externa, accidere nequaquam possit, cum illa antehac nil quidquam de illo perceperit, contrarium praeparinis suadente ipsa figura hujus molis, cum prolapsu nullatenus conveniente. Extractionem tamen, aut extirpationem ejus nullo pacto suadere potui, tum propter situm ejusdem profundum, tum ob aetatem agra in senium vergentem, statum corporis cachecticum, viresque morbo praecedente fractas, ne sinister eventus operationi factae tribueretur. Quamobrem satius esse dixi, massam illam prolapsam, praemissa fomentatione, in locum pristinum, in quo tamdiu haeserat, reponere, totumque negotium naturae committere, quam, operatione infeliciter succedente, famae jacturam facere. Medicus itaque percepto hoc consilio, ad agram remeavit, massamque egressam reponi, ac quo minus, uti fiebat, denuo excideret, circulum cera obductum innuitti curavit, quod etiam optato successit. Convaluit ab hoc morbo agra, nec quidquam mali exinde secutum est, praeterquam quod diutius, ob neglectum curae decentis, tumore abdominis & pedum edematoso, quo antehac jam labo-



*laboraverat , afflicta fuerit , vivit tamen satis bene ad hunc usque diem , & in publicum prodit.*

## T H E S. I.

**M**ulta singularia & notatu digna , in casu enarrato occurrere , nemo *Antecedentia in agra.* inficias ibit , qui omnes circumstantias rite & curatius pensitare vult. Attentionem omnino meretur , protrusio illius sarcomatis e muliebribus , eo tempore , quo febris epidemia superata , aut certe in declinatione fuit , imprimis agra in lecto constituta , nulloque motu corporis , aut alia quadam causa externa concurrente. Mirandum sane , unde hoc concretum , ex utero proveniens , in ætate adeo provecta , ortum traxerit. Clarum tamen hoc fiet , si antecedentia ponderemus. Pepererat nostra ante triginta fere annos , a quo tempore conjugium sterile mansit. Post illud tempus laboravit illa fluxu mensium nimio & inordinato , interdum mucoso atque foetido , instar lochiorum , nec non fluore albo. His malis frequenter ista graviter afflicta est , atque *B. Parentis* pariter ac meæ curæ se tradidit , sed penitus liberari non potuit , utint per intervalla levamen senserit. Durarunt quippe symptomata illa ad hanc usque ætatem , ultimumque morbum. Utut igitur de partus , tanto temporis intervallo antegressi , circumstantiis nihil certi constet , facile tamen ex dictis dijudicare licet , eundem fontem esse tot malorum perpefforum. Ex dictis enim manifestum est , uterum , sive ob reliquias secundinarum retentas , sive fluxum lochiorum cohibitum , aut saltem insufficientem , tantam impuritatem contraxisse , quod conjugium posthac sterile & frequentes hæmorrhagiæ confirmant.

## T H E S. I I.

Uterus femininus uti est primarium sexus sequioris organum , generationis officina , fetusque in eo concepti domicilium ; atque locus , in quo *Rerum in utero præter naturam generationum varietas.* idem fovetur , nutritur , crescit & ad maturitatem perducitur : ita ob morbos innumeros gravissimosque , ejusdem culpa feminas misere excruciantes , lerna malorum appellari meretur. Longum nimis foret , ac limites dissertationis excederet , si omnia enarrare vellemus , quæ uteri causa sexui huic contingunt mala , ratione fluxus mensium , salacitatis , sterilitatis , graviditatis , abortus atque partus. Nobis nunc tantum res erit cum rebus , præter naturam in utero generatis , ex eo interdum exclusis , vel post mortem in illo repertis. Harum miram esse varietatem , nemini potest esse obscurum , qui libros practicorum & observationum medicarum scriptores evolvit. Quotusquisque est rerum medicarum adeo hospes , ut ignoret , in utero generari , ex eoque prodire molas , diversæ formæ ac con-

sistentiæ , nec non excrescentias varias carneas , sarcomatum , fungorum , aut polyporum nomine venientes. In illo etiam lapides produci posse , monstrat exemplum , quod habetur in *Miscell. curios. Acad. Nat. Curios. Dec. I. A. IV. Obs. LXV.* imo vermes ex ipso excretos fuisse , non tantum minores , ascarides dictos , sed etiam majores , pollicem longos , imo grandiores , lacertæ figuram habentes , ut videre est *loc. cit. Dec. I. A. VIII. IX. & X. it. Dec. II. A. VIII. & IX. nec non Dec. III. A. V. & VI.*

## T H E S. I I I.

*Mola imaginaria & fabulosa.*

Magnus olim fuit rumor inter medicos de conceptione falsa , qua loco fetus veri & genuini , aliud animal , aut saltem massa quædam informis , mola dicta , in utero generatur , & præcedentibus signis ingravidationis , monstruosum quid in lucem editur. Quæ enim partu hujusmodi infelici prodierunt , exhibuerunt varias figuras non tantum rerum inanimatarum , ut manus complicatæ , seu fungi , observante *Hildano Cent. II. obs. LII.* aut cordis , pericardio inclusi , cum cono & basi , narrante *Bartholino Cent. III. Hist. I.* aut urticæ marinæ , annotante *Lemmio L. I. de occult. natur. mirac.* sed etiam animalium ipsorum , murium atque scarabæorum cornutorum , ut habet *Salmuth. Cent. I. observ. Medic. LXV.* Imo quædam ex his vitam habuisse , historiæ tradunt , quale exemplum habet *Idem Cent. III. obs. XCIX.* ubi refert , præcipui cujusdam civis Servestani uxorem A. 1621. post abortum masculinum , & molam , ovi anserini magnitudine , noctu aliam massam carneam excludisse , quæ palmam fere longa , vixit , & oris lati figuram habuit , qualis est tinca vel cyprinus piscis , absque tamen cavitate , ac præterea duo etiam puncta nigra , ocellos referentia , monstravit , quæ in terram prolapsa , non modo palpitaverit , sed etiam se commoverit , & piscis instar convolverit , ad duas tresve horas sese adhuc agitaverit , tandemque vitam amiserit. Sed horrenda magis est historia , quam *Idem Auctor Cent. I. obs. LXII.* narrat , de muliere , quæ loco fetus legitimi quinque mures enixa sit , ex utero mulieris intra manus obstetricis exsistentes , in hypocausto hinc inde discurrentes , quorum quatuor ab adstantibus occisi , quintum felis devoravit , quæ inde rabida facta in puerperam profiliit , extremum ipsi exitium minitans ; donec interimeretur. Ejusmodi farinæ sunt , quæ de mola volatili , avem quadrupedem referente , narrat *Bartholinus Act. Med. & Philos. Hafniens. Tom. I. obs. XXVI.* cujus sceleton in museo servavit Rosencrantzius , Præses Regius Soranus , ibi delineatum. Familiaris hæc mola dicitur esse in belgio , ubi vulgo *suygers* , quasi sanguisuga , fetui sugillando infesta , vocatur , & post fetum in partu prodire , atque cubiculi angulos pervolitando , mulieres inquietare , ac regressum in uteri latebras moliri , perhibetur , donec occidatur & comburatur , uti pluribus *loc. cit.* legi potest. Plura de his molis viven-



viventibus, ac animalibus vivis ex utero humano prognatis vid. in *Miscell. Curios. A. I. § A. II. obs. CLX. in scholiis adjectis.*

## T H E S. I V.

Nemo facile hodie reperitur, præter mulieres credulas & imperitum vulgum, qui talia credat, nec potius fabulis annumeret. Plerasque enim, quæ ab auctoribus citatis narrantur, historias ex aliorum potius relatione, quam propria observatione iidem habent, uti ingenue fatetur *Matth. de Gradibus loc. cit. allegatus* inquiring: non vidi quidem, sed audivi de animali in matrice generato, quod cum exivit matricem, volavit. Contingit quidem non raro, ut in mulieribus post partum editum, aut abortum passum, quidquam ex secundina in utero retineatur, quod utero annexum, ulterius nutritur, atque ejusdem compressione, figuram monstrosam adipiscitur, ac postea exclusum, mulierculis & aliis superstitiosis imponit, ut animal æstimetur. Viventia tamen animalia, præter vermes, nisi prius irrepperint, ex utero prodire, nemo, nisi simplicissimus, facile induci poterit ad credendum. *Ruyschius in observ. anat. chirurg. obs. LXVIII.* testatur, se una cum collegio medico, jussu Magistratus, Amstelodami obstetrices omnes, quarum numerus haud exiguus fuit, examinasse, quid circa molas observaverint, quæ vero unanimiter falsæ sunt, sese quidem corpuscula carnosa & dura offendisse, quæ e mulierum corpore erant exclusa, aut vero nunquam viventia, sicut nonnulli credidere, vid. etiam *Kerckringii Spicil. Anat. Obs. XXXVIII. § XCV. conf. B. Parent. dissert. de mola, item Nostra de mola prægnante.* Unanimi ergo consensu medicorum hodiernorum non aliæ molæ statuuntur, quam quæ ex placentis, sive integris abortuum prægressorum, sive particulis placentæ maturæ a partu in utero relictis, oriuntur. Eamque ob causam *B. n. Bergerus in Programmata*, occasione anatomix publicæ *A. MDCXCII.* edito, laudat judicium *Sennerti*, illæsa pudicitia tales ex viduis, nullatenus vero ex virginibus prodire posse.

## T H E S. V.

Has tamen ex placentulis in utero relictis generatas molas, Pseudomolas vocavit *Ruyschius loc. cit. obs. XXVIII.* quia non sunt vera animalia, qualia veteres ex utero nasci posse crediderunt, eaque hoc nomine donarunt, sed quoniam compressione in utero indurantur, talemque adipiscuntur formam talpæ, ranæ, aliorumque animalium, ut pro ejusmodi putatitiis molis habeantur. *Eodem tamen observante obs. XXIX.* non solum placentulæ, verum etiam sanguis in utero coagulatus, ab uteri compressione, admodum durus, atque in se coactus, molam mentitur, & ipsi ab obstetricibus oblatus est, qualem cruorem coagulatum *fig. 28. 29.*

*Alia concreta ex utero emanantia.*

delineavit. Docet propterea *Ille*, ad duo respiciendum, ubi talia offeruntur, primo an funiculi umbilicalis abrupti vestigium superfit, secundo an vasis sanguiferis gaudeant ejusmodi massæ, sine quibus non possunt vocari placentulæ, insuper notando, in placentulis remansis, quantumvis vasa sanguifera adsint, ut plurimum ea sanguine cassâ reperiri, ita, ut magis fibras, quam vasa sanguifera referant. Alia contingit placentæ mutatio in utero, qua vasa ejus non obliterantur, & compressione condensantur, sed potius humore limpidio extenduntur, & in vesiculas degenerant. Ejusmodi mutationes placentæ in hydatides multoties vidit *Ruyfchius*, uti fatetur *observ. XXXIII.* sed quid rei esset, tamdiu anceps hæsit, donec *Ipsi* contigit videre placentam, ex parte sanam, ex parte in hydatides mutatam. Mentionem etiam faciunt auctores feminarum ovipararum, atque ovorum, ex utero exclusorum, quæ certe nihil aliud fuerunt, quam abortus fetuum primorum mensium, ovo integro adhuc conclusorum, & liquore suo circumfusorum, uti confirmat observatio singularis *Hartmanni in Ephem. German. Dec. II. A. X. obs. CLVII.* Asservatur etiam in museo anatomico, quod ex regia munificentia academia nostra possidet, ovum in utero feminæ repertum; quod in *Catalogo a me edito* inter conservata in liquore variorum auctorum num. 20. commemoratur. Est autem figuræ rotundæ, exterius coloris flavi, cavitate intus carens, medulla vero spongiosa repletum, quod ego propterea magis ad polyposa concreta referendum esse puto.

## T H E S. V I.

*Excre-  
scen-  
tiæ aliæ  
carneæ ex  
uteroemer-  
gentes.*

Sed ab istis polyposis concretis ex utero exclusis, quorum antea mentio facta, distinguenda sunt corpora, quæ e pudendo prodeunt quidem, sed intus aut vaginæ, aut orificio uteri, aut ipsi utero cohærent, adeoque ad excrecentias uterinas potius pertinent. Has apte polypos uteri carnosos *Ruyfchius obs. VI.* appellandas esse censet, ob similitudinem polypi narium, easque per pedunculum utero adhærentes observavit. Utut enim non pluribus radicibus aut petiolis ex utero oriantur, unde polypus nomen fortitur, ob substantiam tamen communem ita vocantur. Nihil tamen obstat, quo minus interdum pluribus pedunculis in uteri substantia radidentur. Alias apto nomine sarcomata ob substantiam carnosam, itemque fungi atque excrecentiæ fungosæ appellari solent, quia fungorum more protuberant, atque nutrimento corrupto incrementum suum debent. Hujusmodi excrecentiis variæ corporis partes, nares, lingua, labia, mammæ, vulva, sunt obnoxia, quæ observantē *Tulpio obs. Med. L. III. cap. 33.* facile degenerant in fungos, proximum carcinomatis subjectum. Annotavit etiam *Ruyfchius loc. cit. obs. VI.* uti polypos narium, ita uterinos non omnes ejusdem generis esse, modo maligni & cancrofi, modo omnis malignitatis expertes, idque exemplo polyporum uterinorum, ex uteri prolapsi orificio interiori in femina pendulorum, qui vehementer doluerunt,

cum



cum larga humoris aquosi & acris ex utero profusione, unde ulcus malignum secutum, mortem acceleravit.

## THE S. VII.

Hujuscemodi sarcomata, ex interioribus pudendi propullulantia, quandoque non tantum imperito vulgo, sed etiam medicis atque chirurgis non satis providis, imponere possunt, ut uterum ipsum prolapsum esse credant. Interdum enim forma externa aliquammodo uterum referre possunt, uti figura dissertationi nostræ, *de sarcomate e pudendo muliebri resecto*, præfixa monstrat. Inde enim tot fabulas apud auctores passim occurrentes, de uteri humani extirpatione, qua licet facta, feminas non solum superstites mansisse, sed etiam posthac peperisse, perhibetur, ortum suum traxisse manifestum est. Plures ejus farinae historias collectas videre licet in *Bonet. Sepulchret. Tom. III. Lib. III. Sect. XXXII.* imprimis in *Append. obs. VI.* ex quarum plerarumque perlustratione quilibet videbit, relationes istas adeo obscuras esse, ut non constet, quid extirpationibus istis sublatum sit. Commemoratione præprimis digna sunt duo exempla, ibidem adducta, quæ de errore a medicis & chirurgis commisso, indubitatum testimonium edunt. In horum altero tumorem, ante & post resectionem, uterum esse crediderunt medici æque ac chirurgi, operationi adstantes, imprimis quod uteri cornua (ita enim *cit. loc.* legitur) vasa cæca, cum testiculis in eo observasse se sibi persuaderent, in femina tamen, operatione peracta, sanitati restituta, menstrua ex debito fluxerunt, imo graviditatis quædam signa apparuerunt. Alterum vero ibidem allatum exemplum controversiam de uteri extirpatione, an salva vita possibilis, vel non? fere terminare videtur. In hoc enim tumor talis, gangræna correptus, insignis adfuit, quem medici & chirurgi præsentis, uterum ipsum prolapsum esse persuasi fuerunt, ita ut non induci potuerint, ut crederent, uteri hoc minime corpus esse, quo tamen ablato, in femina brevi post mortua, uteri totum corpus, cum partibus annexis a partibus vicinis separatum, tabulæ impositum est, ut omnes errorem cognoscere possent. Ex hoc itaque apparet, quid sentiendum sit de uteri prolapsi exsectione non lethali, quam *Zwingerus* exemplo singulari probare voluit, uti docet observatio, ad *Academiam Naturæ Curiosorum* data, quæ habetur in *Act. Physic. Medic. Volum. I. observ. LXXX.*

Tales cum  
uteri pro-  
lapsu in-  
terdum  
consumun-  
duntur.

## THE S. VIII.

Ordine nunc ducimur ad quæstionem illam maxime controversam, utrum uterus re ipsa prolabatur, an vero omnes procidentia uterinæ sint nil aliud, quam prolapsus vaginæ inversæ, utero in sede sua immobili remanente? *Maxima enim lis est*, inquit *Geaselius in observatione curiosa de procidentia uteri*

Prolapsus  
uteri verus  
an detur?

uteri totali, quoad fundum, cum febre maligna, quæ reperitur in *Act. Erudit. Mens. Maii A. MDCCXVI.* inter doctissimos etiam recentiores medicos de procidentia uteri, adeo, ut de nullo feminarum affectu magis disquisitionum sit, quam de hoc: ut taceam ex *Græcis Aëtium* & plures, *D. Beckius cum Garmiero, Medico Hamburgensi*, diu disputavit de prolapsu matricis & præ indignatione (ut *Pechlinus refert*) mortuus est. Exempla, præcedente Thesi allata, tumorum aliorum, loco uteri resectorum, atque observationes singulares auctorum, qui uteri prolapsum impugnarunt, per experientiam atque post mortem institutam sectionem subjectorum, prolapsu laborantium, in quibus uterus in sede naturali inventus fuit, confirmatæ, satis quidem edocent, veram uteri ipsius proptofin adeo frequentem non esse, ac communiter creditum est, sed quandoque tumores ex interiori vagina emergentes imponere facile posse illis, qui aut rerum anatomicarum imperiti, aut saltem non satis cauti sunt in judicando, omnesque circumstantias minus ponderant. Propterea tamen prolapsum uteri fieri posse, aut unquam factum esse cum *Kerckringio, Meekeren* & aliis negare non licebit, nisi injurii esse velimus in tot viros fide dignos, omnique exceptione majores, qui hoc se observasse testantur, itidemque sectione cadaverum confirmant. Instar omnium esse potest *Ruyfchius*, qui in *Obs. Anat. Cbirurg. VII.* in femina, cui chirurgus ad uterum prolapsum auferendum adeo infelicitè ligaverat, ut ob constrictum simul meatum urinarium suppressio urinæ & mors insequeretur, aperto ejus abdomine, in pelvi, qui locus est uteri, nil se vidisse asserit, præter unum ex ovariis, cum annexa tuba & ligamento lato. Eadem & nobis obtigit ante plures annos felicitas in rei veritatem inquirendi, in sectione feminae, quæ, ob tumorem insignem ovarii dextri gravida sibi visa, ascite mortua erat, in qua uterum itidem non in pelvi, sed a vagina prolapsa, extrorsum tractum invenimus, ulterius progressurum, nisi obstitisset tumor ovarii, uti id exposui in *diff. inaug. de graviditate apparente.*

## T H E S. I X.

*An semper cum vagina prolapsa?*

Merito tamen quæritur, an semper & necessario uterus vaginam prolapsam sequatur, & ad exteriora procedat. Difficillimum sane est, sibi concipere, qui fieri possit, ut vagina, vix sex vel septem digitos transversos longa, in prolapsu duplicata exiens, eoque extendi queat, ut spithamæ longitudine, & ultra, e sinu pudoris promineat, quin simul uterum, eidem orificio suo interno firmiter connatum, valida tractione secum rapiat. Hoc tamen re ipsa fieri, demonstrat illustre exemplum ex communicatione *Widmanni in Ephem. Acad. Nat. Curios. Cent. VII. & VIII. obs. XCVIII.* consignatum, quo docetur, in femina, gravi & molesto prolapsu per plures annos laborante, mortua, aperto cadavere, uterum in situ naturali cum omnibus suis connexis, ovariis atque tubis, repertum esse, quem laudatus Medicus, una cum co hæ-



cohærente tumore externo extractum, conservavit, ac in figura adjecta delineari curavit. Notandum tamen, prolapsum talem vaginæ uterinæ, fieri potissimum quoad tunicam ejus internam, admodum rugosam, quæ affluxu humorum relaxata, eousque elongari potest. Idque penitus confirmat, & extra omnem dubitationis aleam ponit, prolapsus intestini recti, quod æque duplicatum, duarum spithamarum longitudine in puella excidisse, observavit *Salmuth Cent. I. obs. XXX.* & ad ulnæ longitudinem a partu elapsum annotavit *Bonet. Med. Septentr. P. I. L. III. Sect. XIV. C. IX. in Scholio.* Edocent id etiam intestina, in herniis intra scrotum prolapsa, quæ sine insigni mesenterii distensione eo procedere nequeunt.

## T H E S. X.

Ansam hoc nobis præbet, disquirendi, an rebus sic stantibus, durante vita, prolapsus uteri verus, a procidentia solius vaginæ, certe & indubitate cognosci possit. Omnes quidem hætenus in ea sunt sententia, illum partim ex forma tumoris globosi aut ovalis, ob figuram uteri latentis pyriformem, partim ex orificio uteri interno, subtus in eodem apparente, dignosci debere. At enim vero hiatum talem relinquit etiam vagina, in toto suo ambitu prolapsa, uti omnibus ad oculum patebit, quibus figuram *Widmanni* observationi appositam, cum figuris *Ruysschii* & quorumcunque Auctorum conferre placuerit. Vereor igitur, ne Medicus & Chirurgus expertissimus in eo fallatur, nisi uterus eousque prolabatur, ut orificium, exteriora versus prominens, figuram suam, qua os tinæ refert, prodat, aut immisione digiti in hunc sinum, certo distinguere queat. Sed illud admodum difficile esse, docet laudati *Widmanni* observatio, quia in illo subjecto, ut verbis ejus utar, *cervix uteri in statu naturali, juxta elegantissimam Ruysschii delineationem, in apicem quasi vergens, tunica rugosa privata multo erat laxior & magis ampla, ac ordinario modo esse solet, ipsum etiam in illa exsculptum orificium, quod secundum naturam alias nonnihil prominens & duriusculum esse solet, atque aliquo modo coarctatum, amplitudine vaginæ non cedebat, quin imo vix amplius distinguere potuisset, nisi relicta quedam levia saltem vestigia ejus regionem indicassent.* Hujus observationis illum usum esse posse idem judicat, ut, si forte prolapsus talis reponi nequeat, & ob scirrhosam duritiem, vel gangrænam imminuentem aut jam præsentem, repositionem nec quidem moliri liceat, ejus extirpatio non reformidetur, sed urgente necessitate, præeunte *Meekeren*, intrepido animo perficiatur, utpote quæ sola, inter ambigua alias consilia, ad mortem properaturæ ægræ, solatium ferre possit. Sed quid si uterus ipse in prolapsu tumore lateat, quod tamen per hætenus adducta vix cognosci potest, hicne salva vita una rescari poterit? Unicum uteri prolapsi & corrupti, salva vita extirpati, exemplum, ex tot Auctorum observationibus, legi, cui quid opponi possit, non video. Hunc casum in *Sandenii observatione de prolapsu uteri inversi ab excrescentia carneo fungosa, in fundo ejus inter-*

no, ex potu infusi crepitus lupi enata, eidemque adjecta prolusione Slevogtii, dissertationi inaugurali de femina gravida lapsu vaginae uteri laborante, præmissa, legere licet, quem etiam in Dissert. mea, de sarcomate e pudendo muliebri resecto, de hoc argumento agens, adduxi. Hic testatur, se in massa, a pudendo muliebri resecta, quinque libras pendente, præter opinionem, ipsissimum non tantum os uteri, cruore viscido obturatum, sed reliquum ejus corpus, cum fundo integro, & reliquiis tubarum, quasi in theca coriacea, prope injectum vinculum abscissa, reconditum offendisse, & facta ejus sectione ab orificio ad fundum, cavitatem ejus & crassitiem, statui naturali prorsus similem, detexisse. Quis vero de veritate hujus relationis, aut dexteritate Viri, in Anatomicis versatissimi, dubitare vellet?

## T H E S. X I.

Ad quodnam tumorum, hætenus recensitorum genus, noster sit referendus?

Hisce præmissis, revertimur nunc ad casum nostrum, disquirendo, ad quodnam tumorum hucusque enumeratorum genus, noster supra descriptus sit referendus? Nobis vel tacentibus, quilibet facile videbit, hic nec uterum ipsum, nec vaginam ejus totam prolapsam fuisse, quia tumor figuræ oblongæ, farciminis instar protensus fuit, totum etiam sinum pudoris non replevit, ita, ut digiti ad explorandum ejus ortum, in vaginam ad os pubis usque intrusi, circa eum duci potuerint, nec orificium suetum in ejus extremitate apparuit. Neque etiam quis in eam venire poterit opinionem, molam hic adfuisse, ob partum tanto temporis intervallo prægressum. Ad excrescentias itaque uterinas potius massa ista, ex pudendo elapsa, pertinebit, quæ, uti supra vidimus, fungorum, sarcomatum atque polyporum nomine veniunt. Sarcoma tamen propterea vocare nolui, quia hoc nomen magis generale est, & tumores grandiores, eosque magis densos, atque carnosos aut scirrhosos denotat. A fungis quoque differt, quia figura non globosa, tuborum more, sed oblonga atque substantia spongiosa & mollis observata est, fungi etiam, judice *Tulpio Lib. III. observ. Cap. XXVIII.* proprium carcinomatis subjectum sunt. Polyporum igitur potius appellatione, præeunte *Ruyschio*, insigniendam esse hanc molem censui, quia æque, ac in polypis narium sæpe observatur, a longa & frequenti hæmorrhagia præcedente, ortum trahit, cum sinibus vasorum uterinorum, pariter ac isti, connecti videtur, ac consistentiam magis spongiosam, sanguine turgidam, habuit. In polypis quidem, uti supra ex *Ruyschio* notavimus, interdum etiam aliquid maligni cancrofi observatum est, sunt tamen, uti *idem* monet, sæpissime omnis malignitatis expertes, sicuti & noster nulla malignitatis signa dedit. Facile est quoque concipere modum generationis polyporum uterinorum, ex gravioribus hæmorrhagiis, cum sanguis alias viscidus & glutinosus, ad concretionem pronus in sinibus uterinis anfractuosis hærens, conquassatione & compressione uteri, in massam talem coëat, atque cohæsione aliarum particularum viscidarum in tantam molem excrescat.

## T H E S. X I I.



## THE S. XII.

Sed restat nunc quæstio cardinalis, eaque præjudicialis, an recte fecerimus, quod polypum hunc reponi curaverimus, an potius tutius fuisset, eundem extractum refecare & extirpare, ob metum corruptionis internæ, a restitutione expectandæ. Docet quidem eventus, nos recte in eo fecisse, quia ægra convaluit, nosque propterea ab omni culpa vindicat & immunes reddit. Præterea multæ rationes gravissimæ a nostris partibus stant, nosque penitus excusant. Præter circumstantias in historia allatas, senectutem & constitutionem cachecticam ægræ, lapsumque virium, ipse ortus e loco sublimi, polypi resectionem dissuasit. Extractionem quidem excrescentiarum istarum ope forcipis, & resectionem suadet *Dionis*, monet tamen *Clariss. Heisterus chirurg. cap. CXXXVI.* caute hic procedendum esse, ne periculum inde nascatur. Connexio etiam polyporum cum sinibus uterinis, atque color in nostro, sanguine turgido, rubicundus confirmat, ejus resectione hæmorrhagiam periculosam metuendam fuisse. Et quamvis hæc, ligatura præmissa, præcaveri potuisset, idem tamen periculum propter metum inflammationis mansisset, quia massa ob situm profundum radicitus tolli nequivit.

*Utrum tutius fuisset, polypum refecare, quam reponere?*

## TABULA DISPUTATIONUM

## QUÆ TERTIO TOMO CONTINENTUR.

## PARS QUARTA

*Morbi Chirurgici Abdominis.*

## LVIII.

**P**OLYCARPI GOTTLIEB SCHACHER *Diff. de morbis a situ intestinorum mutato* Lipf. 1721. Continet eruditam & observationibus divitem descriptionem introfuscepti & prolapsi intestini, & herniæ, & intestini per vulnus imi ventris egressi: quæ quidem postremo loco repetita historia otium nobis fecit recudendi programmatiss anni 1720, quo eandem intestini per vulnus egressi mentionem fecerat Vir Clar. p. 1.

LIX. J. HENR. LAVATER de ΕΝΤΕΡΟΠΕΡΙΣΤΟΛΗ *sive intestinorum compressione* Basil. 1672. Multa cum eruditione græcisque vocibus observationes Chirurgorum Parisinorum sui ævi conjunxit. Inter eas etiam exemplum est enematis per os re-  
jecti. 37.

LX. J. HENR. FREYTAG *de oscheo entero & bubonocoe Helvetiæ incolis frequen-  
tibus.* Argentor. 1721. Sacco herniæ vinculum circumdari suadet, intestina adnata solvi posse, omentique parte magna ægros absque malo destitui, per exempla ostendit. 63.

LXI. BURCH. DAVID MAUCHART *de hernia incarcerata nova encheiresi extri-  
cata* disp. præside ELIA CAMERARIO Tubingæ ann. 1722. proposita delineatio-  
nem continet herniæ Parisiis paratam, & partium eo morbo adfectarum anatomicam  
historiam. Rupturam peritonæi refutat. Sacci hernialis fibras ab obliqui externi mus-  
culi tendinea expansione natas addit, scarificationem ejus sacci laudat, integrum repo-  
ni dissuadet. 75.

LXII. M. P. ROUSSIN de MONTABOURG & C. F. BOUTIGNI *Des-  
preaux* *Diff. ergo in herniis intestinalibus etiam cognita intestini prolapsi læsione  
operatio celebranda* Paris 1742. Consilio fidem addit historia felicitis curationis, cum  
intestinum strangulatum foramine aperto hiaret. 97

LXIII. J. G. GUNZII *Prolusio de enteropiplocele* Lipf. 1746. Minutam descriptio-  
nem hujus morbi ad naturam natam continet. Omentum ligare vetat. 107.

LXIV. J. FR. le CHAT de la SOURDIERE *Thesis in hæc verba ergo chirurgicæ  
herniarum curationi muscutorum sternomastoideorum tensio nocet.* Paris 1748. ex fo-  
ceri Winslovi experimento ostendit, tendi & mastoideos musculos & rectos abdo-  
minis, quando corpus jacens erigitur, tunc adeo, quando musculos abdominis laxos  
esse oportet, minime permittendum esse ut mastoidei musculi operentur, aut caput  
antrorsum tollatur. 114.

LXV. MATTHIÆ GEORGII PFANN *de entero oscheocoe antiqua restitutione sac-  
ci herniosi feliciter peracta, absque brachærio & scellione curata* Resp. J. B. SCHOL-  
LER Erlang. 1748. Satis memorabilem lætamque historiam continet, herniæ per  
decubitum ex morbo necessarium sensim & ea fide repulsæ, ut nihil pene de ea su-  
perfuert. 121.

LXVI.



- LXVI. BURCH. DAVID MAUCHART *de epiplo-enterocele crurali incarcerata sphacelata cum deperditione notabili substantiæ intestini sponte separati, feliciter curata alvo naturali restituta* Resp. PHIL. SIG. PALM. Tubing. 1748. Singularis omnino & conservatu dignissima historia intestini strangulati, gangrenosi, aperti, magna sui parte mutilati, coalescentis, cum sectione hominis multos post annos a curatione mortui, & morbi vestigiis. Accesserunt Clar. Maucharti notationes 145.
- LXVII. HERM. FRID. TEICHMEYER *diff. de exomphalo inflammato exulcerato & postea consolidato* Resp. S. FR. CREILING Jenæ 1738. Etsi diarium deest curationis chirurgicæ, neque modus adducitur, quo tantum malum superatum sit, est tamen in herniæ umbilicalis tanta atrocitas, regiis confirmata funeribus, ut felicioribus eventibus spem chirurgorum confirmasse non inutile studium videatur. 161.
- LXVIII. BRATUS IGNATIUS LA CHAUSSE *Diff. de hernia crurali* Argentor. 1746. Exempla aliqua & historiam curationis in gravi casu feliciter peractæ habet. 181.
- LIX. PETRI KIRSCHBAUM *de hernia ventriculi* Argentor. 1749. Præter collectionem bono ordine factam, etiam proprium exemplum ventriculi habet, qui per vulnus transversæ septi in pectus irrupit 213.
- LXX. LAUR HEISTER *de hernia incarcerata suppurata sæpe non lethali* Resp. GLADBACHIO Helmstad. 1738. defensa disputatio, quam sibi videtur defensor tribuere, & hic quidem per absentiam meam alieno loco ponitur, quam oportebat post disp. LVII. sequi: ceterum bonæ notæ & ex utilioribus est. Subitam continet a decubitu in genua grævida semina ventralem herniam: utilitatem fumi nicotianæ ad revocandum fecum ad alvum iter, gravis herniæ incarceratæ & suppuratæ felicius exemplum, de lumbricis hernias efficientibus & intestina perrumpentibus suspicionem, alteramque de adpendicibus earumque incarceratione, huiusque signis, imprimis à libero ad anum itinere, incisionem denique feminæ ex sphacelato in hernia intestino mortuæ. 229
- LXXI. DANIEL KOCH *de hernia crurali*, Argentor. 1726. Ob historiam subitæ & infelicis herniæ cruralis in medico natæ, quæ post seriore repositionem nata gangræna mortem intulit. 251
- LXXII. JOH SALZMANN & J. PETRI DIVOUX *de hernia vesicæ urinariæ* Diff. Argent. 1732. Equidem ratiocinio potius & explicationi mechanicæ indulgit, qua ratione vesica loco excidere possit. Verum aliquas tamen etiam observationes subitanæ herniæ ab ictu lebet. 271.
- LXXIII. CHRISTOPH. HENRICI PAPEN *epistola ad Hallerum de stupenda hernia dorsali* Gotting. 1750. Continet rarissimi mali historiam, intestinorum nempe per incisuram ischiadico sacram elapsorum. 313.
- LXXIV. J. CHRISTOPHORI POHLII *Programma de herniis & speciatim de sarcocoele* Lips. 1739. Dissectionem hominis ex funesta sarcocoele mortui continet. 317.
- LXXV. L. HEISTERI & M. A. BUTZERI *de hydrocele* Helmstadii 1743. Curationem per scalpellum & per medicamentum rodens defendit, refutat VYLHORHII commentum de perpetua hydroceles in sinistro latere sede. 327.
- LXXVI. L. HEISTER & CHRISTIAN DANIEL HEISE *de sarcocoele* Helmstad. 1754. Aliquot propria exempla curationis hujus immorigeri mali continent. 357.
- LXXVII. CAROLI FRIDERICI KALTSCHMID *Programma de necessitate extirpandi hernias spurias majores imprimis hydroce en & sarcocoelem vel hydro-sarcocelen* Jenæ 1749. Monet ne in his malis aliud præter cultrum chirurgi remedium expectetur. 378.
- LXXVIII. J. ANDRÆ DEISCH *Diff. de necessaria in præternaturali partu instrumentorum applicatione* Argentor. 1740. Exemplum proprium excitat osium pubis in puerpera divulsorum. Describit instrumenta & administrationem, qua FRIEDIUS feminas fetu liberat, cui cranium aperiri & elidi necesse est. Ultima etiam artis auxilia in desperatis casibus docet. 381.

- LXXIX. J. VALENTINI HARTRAMPFT *Diff. de non differenda secundinarum adherentium extractione* Lips. 1735. Contra Ruyschium & alios expectationis patronos, ipse in his rebus expertus iudex dicit. 399.
- LXXX. PHIL. CONRAD FABRICIUS *de fetus vivi extractione utero prolapso* Helmstad. 1748. Exemplum proprium habet causasque narrat, quare æquum sit, felicem eventum expectare. 423.
- LXXXI. J. CAROLI VOIGT *de capite infantis abrupto variisque illud ex utero extrahendi modis*. Gieff. 1743. Negat re perpensa unquam a vi exeuntis fetus cartilagine ossium pubis diduci: contra crassitiem prægnantis uteri non minui confirmat, causas divulsi capitis aperit, varia instrumenta, ad caput extrahendum excogitata descripta dat & depicta, præfert acum triquetram, ferram & cochlear FRIEDIANUM tum clar. SCHURERI instrumentum, monet autem, non facile ad hæc vehementiora remedia descendi debere. 439.
- LXXXII. J. FRID. BEHLING *de rupto in partu utero* Altorf. 1736. Historiam malinimis frequentis refert. Ovarium dextrum ovis plenum reperit in femina, quæ novem mares pepererat, sinistrum inane, cum nullæ ex eo utero filiæ prodissent. Natæ fetum etiam nullo partu editum utero, quando computruit recte monet. 475.
- LXXXIII. J. JACOB MULLER *de rupto in partu utero* Basil. 1745. Multa cum cura, ut in mathematica schola nutritus, uterum describit; mechanismum proponit, quo sensim caput fetus in uterum descendat, (an satis memor comparatæ anatomes, in qua perinde felix partus alienissima ex uteri fabrica sequitur) Partus infelices ex obliquitate uteri, hanc ex placentæ adhæsione laterali deducit, denique ruptum in partu uterum ad Hummelii dissectionem describit. 489.
- LXXXIV. J. BENIGNI WINSLOW & GUILLIELMI RUELLAN thesis in hæc verba, *Non ergo ad servandam præ fetu matrem obstetricium hamatile (accouche-ment à crochet) minus anceps & aque insons, quam ad servandum cum matre fetum sectio cesarea* Paris. 1744. Pericula unci accusat, quo possit vivus proque extincto habitus fetus occidi; & exemplum felicitis cesareæ sectionis peractæ a D. SOUMAIN ipse testis recenset. 525.
- LXXXV. ANDRÆ OTTOMARI GOELICKE & J. GEORGII PREUNEL *de novo artificio curandi procidentiam uteri* Francof. ad Viadr. 1710. Veri prolapsus uteri exempla habet, instrumentum huic malo opponit, pessum ex filis ferreis elasticis factum. 537.
- LXXXVI. PHIL. ADOLPHI BOEHMER & FRID. BENJ. WACHTER *de prolapsu & inversione uteri ejusque vaginæ relaxatione* Hall. 1745. Historiam funesti prolapsus dat, & demonstrationem utique uterum ipsum vere prolabi. Varia pessaria pro retinendo utero delineat, suberea præfert. In vertendo Mesnardi loco pessarium ex linteo cerato factum intelligit, quod omnino etiam ex subere (Liège) cera obducto gallus ille chirurgus fabrefecit. 557.
- LXXXVII. J. ADAMI KULMUS & J. EILHARDI REINIK Gedani 1732. *de uteri delapsi suppressionis urinæ & subsequente mortis causa*. Vesica ad enormem molem distenta, duos pedes longa, sesquipedem lata, unaque justo crassior, hinc ureteres & pelvis supra naturalem diametrum grandes; uterus gemellis prægnans in vaginam prolapsus, & vesicæ ostium comprimens. Placenta pene toti internæ uteri cavæ adnata. 585.
- LXXXVIII. S. PAULI HILSCHER & J. DAN. MITTELHAUSER *de incontinentia urinæ ex partu globulis ligneis curanda* Jenæ 1716. Occasionem disputationi præbuit infortunium feminæ rusticæ, cui pessus multis annis gestatus incontinentiam quidem lotii cohibuerat, perinæum vero sensim laceraverat, ut globus obturator in rectum intestinum transiret. Id infortunium sanavit auctor, & ad urinam continendam globulos ligneos in vaginam missos, felici eventu confirmatos, commendavit. 597.
- LXXXIX.



- LXXXIX. ABRAHAM VATER & J. DAN. BEHRENS *de sarcomate e pudendo muliebri sectione sublato* Witteberg. 1728. Enorme duarum librarum fibrosum & vasculosum sarcoma sectione absque vinculo remotum, quod de vaginam pendulum putredinem conceperat. 619.
- XC. J. FRID. CRELLII *Progr. de tumore fundo uteri externe adhaerente* Witteberg. 1739. 634.
- XCI. ABRAHAM VATER & CASPARI SCHUNKII *de polypo post febrim epidemiam ex utero egresso* Witteb. 1739. Sarcoma uteri in febris acutæ declinatione prolapsum, neque resectum, sed repositum, & absque ullo incommodo retentum describit. 639.















